

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一七八冊



責任編輯：孫言誠 賀 偉

ISBN 7-5333-0615-5



EB32/93

四庫全書存目叢書·集部一七八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一七八冊目次

集部·別集類

慕蓼王先生樗全集八卷

〔明〕王畿撰
清華大學圖書館藏清乾隆二十四年王宗敏刻本

..... 一

百花洲集二卷

〔明〕鄧雲霄撰
北京大學圖書館藏明萬曆三十五年陳元素等刻本

..... 三五四

解弢集一卷

〔明〕鄧雲霄撰
北京圖書館藏明刻本

..... 四〇五

兩粵遊草一卷寄心集六卷五嶽遊草七卷

〔明〕陳第撰
福建省圖書館藏明萬曆會山樓刻一齋集本

..... 四二四

緱山先生集二十七卷(一)

〔明〕王衡撰
吉林省圖書館藏明萬曆刻本

..... 五五三

慕蓼王先生樗全集八卷

〔明〕王畿撰

清華大學圖書館藏清乾隆二十四年王宗

敘刻本

附《四庫全書總目·樗全集七

卷附錄一卷》提要

重刻慕蓼王先生樗全集



序

自古有真學問而後有真
事業真文章世之尚論其
學者必為邇願師傳以誌

叙一

其尊聞行知之實由宋迄
今閩學淵源昭々可考也
若乃夙慧性生不假師承
而克自振扶以紹述道學
之傳者則莫如

慕

慕王先生蓋先生少孤

坎壈顛沛之境靡不脩嘗
顧安所得書而讀之又安
所得師而從之相傳先生
耕樵之暇間鄉塾書聲

叙二

輒欣然諦聽求其殘書歸
而潛讀從茲靈悟頓開
憤力學首留心於易象
惟時蔡文莊蒙引燦然大
行於世先生殫精玩索探

其奧旨以追紫陽心傳間

及羣經子史靡不淹通論
者謂先生之學與紫峯
紫溪相為伯仲是以特祠
崇祀即與二先生並列學

叙三

宮然則先生無師近而
靈齋即其師遠而紫陽即
其師也所著四書易經解
標全集門人施邦曜咸序
而梓行之歷世既久板刻

散軼探觚家罕有見 先生遺文者其裔從孫宗敏君思闡先型取其家藏櫟全舊刻校對精詳重付剞劂以公諸世後之學者讀

叙四

先生之文而能學先生之學即謂師先生也 先生之近師可即謂師先生之近師虛齋而遠師紫陽焉無不可至 先生三掌文衡一

司國博授職農曹累遷方伯敝歷中外美不勝書蔣若柳先生誌之詳矣無庸復贅

叙五

時乾隆二十四年己卯

孟冬後學郭麐武拜書



重刻樗全集序

樗全集者 太高祖伯慕慕先生所手著也集刻於明季當時字內盛傳其書貴重寶惜不啻如藏拱璧兵燹以後鐫板散失迄今百餘年刻本遂少流布承

敘一

學之士仰慕先生遺風者咸以不得緒言爲恨夫訂殘補缺用備採擇雖世代曠隔譜牒異氏猶思開雕梨棗以垂不朽况誼屬本宗其所著作固嘗懸之國門傳諸通邑大都而百年電

激遂使先世遺編鬱湮不彰其

咎安在耶爰回家藏舊本重加校讐命男鳴鑾中理光有鳴科鳴玉等正其魯魚付諸剞劂併增入先生本傳誌銘并諸全集庶幾披覽者可以彷彿其生

敘二

平若乃論著之根極理奧抒寫心苗前刺序跋固已詳哉其言小子末學何敢多贅噫文章顯晦有時惟有德者之立言爲能不隨運會以漸滅夫先生以理學祀學宮直接 虛齋紫峰

數先生滴派今其緒言具在晦而復顯由此而盛傳宇內俾承學之士得宗仰自淑則其相貴重寶惜又當何如也豈獨爲一家之文獻私幸哉

乾隆己卯年季秋朔旦六世從

孫宗敏謹誌



樗全集叙

漢諸儒各守一經門弟子力稟其師說既貴不渝若鐘次文受經丁恭有功且侯猶拳拳固遜曰臣師少

叙一

府恭也蓋當時經術授受惟精神行誼遞為傳燈絕無溫飽習氣故終其身佩且服之古人之重師若此余見當世士大夫橋衡奉

席北面執弟子禮者大都
多文章一日之知遇耳是
何輕視師而重侈售知乎
余曰是皆從榮名利祿起
見也若余之佩服吾師王

叙二

公慕慕者不然余生遭坎
壈在悲哀衰經之中者十
有二年初年所遇與吾師
彷彿及吾師督學吾泐服
甫闕就童子試吾師拔為

冠軍是秋即濫叨鄉荐入
見吾師諄諄面命不作尋
常款曲語曰毋相於侈毋
即於淫毋以窮達易心毋
以終始改節秀才讀書當

叙三

思為天下第一流人余頓
首受教私念曰是真吾師
也真吾師也余雖不敏不
敢不勉自砥礪期仰副明
教於萬一明年吾師遷江

右去余下第者再越有六載吾師藩吾泐余徼一第歸見吾師復諄諄訓諭如前即僮僕輩俱傳而諭之曰汝輩當善事主人毋作

叙四

富貴想當世士大夫所稱文章之知遇者有是乎哉余感吾師成我之德益佩明教罔敢失隊寧拙於逢世毋巧於居官以貽門廬

羞閱十年一麾得漳守謁吾師於里居乞一言為治漳指南吾師指示竟日言地方利病甚悉愧余黠淺不能一一見諸政事吾負

叙五

吾師矣迨政及瓜期赴三山聽殿最於兩臺就吾師質諸所謬辱吾師獎借且賜賀言以旌之進誘掖獎勸皆至教也時見吾師白

髮蒼顏體貌雖癯而神氣尚道方謂遐齡未艾余小子奉教有日不意閱數日省還謁吾師在床褥間矣然猶披衣加冠言笑自若

叙六

余私幸謂必無恙別數日而訃音隨至余撫膺大慟始悔不能留晉陵數日與吾師訣也今而後不得再奉吾師教矣為時幾何不

勝山河之感越二年復叨藩秩來漳其長公以遺編見示拜而讀之見吾師之學雖博極萬殊而一本之以正心誠意言理學則濂

叙七

洛關閩其的派也言經濟則伊皋稷契其芳躅也言文章則六經諸史其印證也彼月露風華以為趣譚天雕龍以為奇擷芳漱潤

以為富者方之不啻爝火
之於離照也誠欲為天下
第一流人以無負師教不
能舍是編而別有問津矣
余受是編將服膺以終身

叙八

焉其言不朽其人如生藜
頭塵尾間時時見吾師哉
惜余質之鈍領略之未能
也聊叙吾師成我之恩義
以附於簡末見余佩服吾

師誠有出於榮名利祿之
外者若以是謀作吾師元
宴小子惡乎敢

姚江門人施邦曜頓首

撰

叙九



樗全集序

自文章熾興古今稱著作家大既代
不乏人矣然大都挾材俊而出者挾
藻敷華足以主爵盟而駭里耳而文
或不衷則雖工無取焉惟有材而不

序一

自見吳村片言隻字率本於聖賢尊
經明衡之旨而無敢爲非常可喜之
論要其辭渾樸其旨則固淵然遠矣
蓋辟之木然挾藻敷華文木之桂漆
相梨之屬是也渾樸者大樹而謂之

樗者也桂可食故伐之漆可用故割

之相梨實醜則剝削辱故不免於池
折之患而樗猥得以自全其天余林
父慕藜稗齡穎異舞勺博習樂業因
兵火之遭怙恃見背遂拋荒享墨溷

序二

迹於農圃屠沽間弱冠始發憤下帷
不藉師事三年而盡會經書大義以
至諸子百家之言夫淹貴無餘蓋吳
窮奇其悟亦奇而濫乎止我色舉厚
進我德闕闕狀不目自異也故由諸

生登解元而成進士官遊者二十餘載所至有老佛之稱治行著卓異之烈而中遘災若不勝衣蓋以樗質自全者而其意一二見之撰述樗全之名編之豈有取於無用每乃典試

序三

於蜀分闈於滇衡文於東西浙運斤成風入穀者無非杞梓棟楠之選以增瓦子而殿家邦則樗非無所用彼夫直寄焉以爲不知者詎屬耳且其所保與眾異屏聲色薄嗜欲脫

焚塵芥之外而一以清真彌固其瓦車故又若是之壽也余賦述家傳自學古入官莫不竊一狀私以自湔茲集成適余奉璽書留都蒞除便道垣里舉家昆季較讐而鐫之梨雖非

序四

樗全本質乎要以五蘊珠涵奇災難削嘗試取是書而藏之瓦祿之秘大當有太乙老人燠藜杖而照之矣

侄觀光謹識



樗全集序

余友王翼邑先生以經術名世而行業所就卓然大儒其理劇郡一切以王者之道行之爲循吏首載歷藩臬雅稱

序一

重臣而最著者尤在督學使者蓋先生私言不至耳私牘不至懷私眇不至目故種樹盡嘉實而剖蚌無逸珠越人稱冰鑑者首蘇君禹而先生

繼之乃清執欲過前彥矣可不謂大儒之効哉先生之謝方伯里居布衣藿食真同寒素閨庭雍穆而一本于禮其在里社頓標通德之門每臺

序二

使報命輒推轂君比之彝鼎遠近咸冀復用以竟厥施而先生弗屑也閒手一編課兒研北餘暉不廢屬綴閱獨居形役二賦及白髮翁吟者可

畧窺先生情事所鍾矣先生
之爲文大都與人子言孝與
人臣言忠原本六經而自舒
杼軸水流峰峙日朗煙霽不
問而知爲大儒之結撰焉世

序三

方望君以棟樑而君顧以樗
全命編嗟乎天下盡才也桂
可食而伐漆可用而割者豈
少哉而後乃服君之遠也先
生捐館者二載嗣子諏諸搜

遺集行之走數百里問序于
余余猶憶驥附時在湘潭唐
先生之門凡八人翼邑年最
長而蔡司馬敬夫年最少兩
君標格不同其以名教自持

序四


而道心濟世均著儒効敬夫
年不竟歟而鞠躬盡瘁翼邑
位不配望而身泰道尊辟之
合成一龍則翼邑爲龍頭敬
夫爲龍腹余阜帽偶似幼安

顧名德遠遜殊慚龍尾矣敬
夫之沒也余爲作狀今乃更
爲先生作弁笛聲山陽可勝
浩慨

玄默涪灘之歲寒孟旣望年

序五

友弟龍溪張燮撰



重刻樗全集序

太高祖伯 慕慕先生行
誼文章久重海內所著樗
全集藝林傳布蓋家又琬
琰珍之矣中遭兵燹鐫板

叙一

漸減無存余小子自成童
時粗知文義得家藏舊本
誦之思欲付梨棗以公同
好而囊橐罄懸衣食於奔
走有志未遑也 世濬 譔登

京

賢書又願以暇日謀諸族人合錢剗剗無何公車杜徂點額後留滯

師閱數十年每一念及未嘗不怍心戚云光陰易

叙二

逝游子故鄉之思日甚一日甲戌科以罷駕倖捷南宮因得旋歸問里乃三徑稍免荒蕪粵東之行復促焉而此志不得不更留以

叙三

有待矣今歲秋小子自粵言邁適堂弟宗敏重刻樗全集告成余既幸先生之文得藉是行遠又嘉宗敏能成余志所不逮也因

取而序焉若夫先生行誼歷久弥光與是集之足為藝林助則覽者自得之無待余言矣
乾隆己卯年季秋望後三

日六世從孫世濬謹誌



叙四

樗全集叙

今以文集傳世者於其詞章往復別有所為敷析與抑聽其淫衍之不得不尔與恒見古昔之志莊端溫淞而舉凡駭磊贅亂之言若有所憑而止如其學之

敘十

滴恣詭幽裔裔搏搏雖其立說之散諸天下播諸國中而祇為諸氏百家之騰口已矣則甚矣方正人之文未有不法律相後先也蓋余方鼓篋時即知七閩清源之上明經術守先王之道

者有吾師王翼邑先生一人師
素通經興行居常著論撰述每
河懸燦發不啻如天漢之潢耳
湯臨川云以舉業之耗道學之
牽不得一意橫絕流暢于文賦
律呂之事而師悉有兼學且精

敘二

善此又何說也繫惟文自晉魏
漢宋以來紛不一家然或如長
卿封禪靡而不典子雲美新典
而不實即孔璋之短於詞賦中
郎之長於碑銘他才之一偏者
往往而是獨吾師有以備極其

之集而信以其集質先生之為
人而尤信居恒聆先生談汎瀾
該洽六經諸子百家供其揮麈
無問不酬無理不透而要澤於
雅非先王之法言不言非先王
之法行不行也論文則以韓柳

敘三

歐蘇為的近世獨服膺唐應德
王道思而于王元美衷其材濟
南竒京山雜無取焉論學則以
濂洛關閩為派近世獨服膺蔡
文莊薛父清而于王陽明衷其
曠泰州傲廬陵泛無取焉論事

邑今名南安也私心喜甚謂遊
吾師之鄉得近正人聞正論其
于民間之利病政事之得失有
所周詳可幸無罪焉及至境謁
師師亦喜甚謂武榮得余庶幾
可無負此一方民也然師自乞

敘四

休林泉老猶好學有衛武老年
不倦之風以致憊于目疾余公
餘造侍師必欣然出見步履殊
艱恒以兩青衣代杖策語次別
無間綴而竟日累累必歷陳古
循良大法小廉之美蹟來相勸

勉深有合余葦仕飲冰志意是
余昔方以文字受知今乃更以
道義受知也居亡何余以讀禮
去別師未半載聞師赴召玉樓
山川悠遠恨不能奮飛執紼五
內耿耿茲補舊職復來令侯官

敘五

去泉不數百里而遙會樗全集
刻成盟讀遺文金石之聲在耳
而梁木之感入懷亦徒揮兩袂
淚已雖然集何以名樗嘗觀本
草圖經椿樗二木相似椿木實
而葉香可散樗木疎而氣臭膳

夫亦能熬去其臭故北人呼樗
為山樗則師以名集又何樗之
不化而為樗也哉義盖有取尔
也余從立兄尚誅之請勉勒璫
言忝附不朽示不敢忘吾師也
如曰效卜子之叙孔刪余則何

叙六

敢至于吾師一生品行諸君子
已詳乎其言之余惟就樗全集
言樗全集而已矣

四明門人趙珽禹圭甫頓首

拜撰



特祠王方伯文集敘

余于王翼邑先生譜則鴈進年
則父行文行則不啻著蔡而禴
禘之也先生早歲失怙恃以海
東孤童依倚荒郊屋有四壁家
無片軸瓶無儲粟塾有書聲于

敘一

先王仁義之說辟聰而樂之時
輟畊時竊讀古人願歡燃松之
照邴原聞書之泣不是過也漬
久而心靈功深而章達年幾而
立始蔚然黌序閒先生嘗為余
言吾始而學易以易試而格不

利曰學春秋春秋苦寡侶然皆演無師之智而意匠之卒不利如故也又學詩詩幾廢慕我矣乃反於易卒用易發吾生平惟取吾夫子詞達躬行之旨為宗既不能艱澁以自難復不欲廢

敘二

思以徑易既不能為不文之行以自縮不遠復不敢為無行之文以自取墜落唯是行止於所不得不行止而強立於所自強立以求無負吾人世而已夫先生之語余如是今日者質先生

致而非出於性之所不安故其所為奏序騷賦議辯弔誅咸優游按衍清真剴朗有如讀二陸之文恐其卷盡也若言之不足以盡志用文以掩之非師通經興行之意矣憶師之督學吾浙

敘三

也當年讀師榜頭文者人人胸中早置一尸祝及其身泮維時人文丕變樂得師表而余遂謬以累下焦桐辱師賞鑒拔于儔儕之中遇以國士余愧矣嗣叨一第來令泉之豐州蓋豐州為

業則常舉國家無輕泰虛餌之
爵祿在上無便宜富貴之聖賢
二語自勵故自批糠于計部持
籌于邊郎簿書於守冰鏡於文
典試於蜀滇護漕於江右提司
於首藩皆孜孜矻矻凡綜而經

敘四

委而緯次第而標本莫不批竅
導會以究竟學仕仕學之訓而
時見之文章議論者又鍊格暢
氣相質披文無非從心性發揮
本道德流注雖精思不能損其
富雖鴻筆未易增其簡也嗚呼

余之習先生也詳而先生之即
余也薦余每見先生而益也無
論聲律身度可以步趨即微言
嬉謔亦且道存蓋余竊自喜專
愚無所似人獨友之一字于晚
年最為得力往者已矣存可屈

敘五



指數有作必示有往必携惟恐
吾剝削之盡而思振之者張子
環也有作必示有往必携惟恐
吾剝削之不盡而思冥之者翼
邑先生也無日不晤晤輒談笑
八三昧超然於天高地下之外

而活我者黃瑩甫也無日不晤
晤輒憂盛危明惻然於臨深履
薄之際而免我者翼邑先生也
先生今亦已矣余其夢夢猶人
也哉惟有手先生遺編涵濡而
詠歎焉以庶幾毋失有述之戒

敬六

而不至為入門之寡也哉嗟乎
無意於父而文積焉有意於行
而行成焉若先生者其亦無愧
於人矣矣其亦可以矣矣韓退
之曰仁義之言藹如余持之以
為先生俎豆之券

年友弟呂圖南頓首譔



敬七

省志人物傳

王畿晉江人萬歷甲午鄉薦第一戊戌進士歷浙
江督學遷左布政值邊警作兵餉繹騷重以尚方
機杼之需畿措處上下咸無困焉及掛冠歸惟以
著述爲事初視浙學時拔施邦曜第一邦曜貧不
能婚畿爲備聘拜雁於官署是秋邦曜遂登第以
甲申殉節爲一代完人朝野服其藻鑑

通奉大夫浙江布政使司左布政使慕蓼王
榜全集 本傳

公墓誌銘

神宗朝先按察守東甌 慕蓼王公以邊儲望郎
出守杭州甌支郡也公年又差長作兄弟方來文
移教牘心政交質焉尋先君轉江右臬徙左廣歸
侍養公進督浙學政遷江右參知憲長再遷浙左
使 子告先之以寮友中之以婚姻出處師虞爰
有同心於是余元兄之女字公文孫迨璟通籍詞
林奉嚴諱公復推世誼辟叫詔之不慧心唯朝野

達尊匪置父行姻翁相引重已也比以天年大歸
立宮之石公子不它委委璟璟何敢謝不斐雖然
公之自敘行畧謙而核足徵信史謹參以公車所
見聞月旦所評述潤次之其可乎始公太夫人朱
臨蓐太公履至闕拾一寶鏤鑄官字若神授然少
長卽露頭角異凡兒太公媼卜其亢王宗也顧課
督加嚴甫就外傳櫛沐蔬糲任自勞弗恤值倭寇
內訌太公父繫于賊挺身請代公亦幾中賊鋒兵

榜全集 諸銘

發開關田廬甌脫痛怙恃之逃亡竭蹶以事祖父
母農賈工藝迭疆力自勵則寓口於筆畊資脩脰
佐菽水至襄大事存者忘亡而開發父書讀之下
帷靡晝夜離經構文揣摩多獨據薦紳有識者交
以第一人見屬會公從子萬舉于鄉公彌奮學使
趙王耿徐諸公先後拔置前茅食餼人人祭酒王
先生矣甲午果以義經領闈解錄其文戊戌禮部
高等成進士謁選餘干令疏不赴乃改授秦稽坐

皋講易戶外立雪屨相踵也滇聘公試官公不以遠辭揣意較閱錄文半出其手旋檄攝上虞令辭弗克則齋芹糈止東曹一以風教導民以不爭新令至公解事歸士民遮馬首贈別咸願得而尸祝之而國博之命下矣六館都人士講德問業倍於秦稽時轉計部郎督太倉或曰司庾俗吏也毋乃埋麋鬚區釜開公平出納剗侵牟異時襲取寬大即賢者借以贈遺所歡鼠雀因之逾壯公曰朝

樗全集 誌銘

三

廷軍國之務俗乎哉滿代籍羨米十萬斛版籍帝斗稱是大司農趙南渚掌銓得所未會大奇之將薦調公亟辭曰此自公家之有某奉職循理而已假以此博美秩如前後政何其謙厚不伐如此丙午大比典蜀試所識拔多名士錄文尤傳以爲鶴計曹之差邊儲特劇未出都門已有權貴句中鹽如干引名號書商商不納粟于邊而目引于場不可問久矣公甫至上谷即疏言其弊按粟派引額

清宿蠹無遺未幾麾浙杭守公起家于浙習會城利病智刃所游恢乎騁奏顧始至洪潦作沴飢民燬閉糴者之室闕焉撫軍之門噤未能制公談笑而揮之市肆貿易如恒已下令賑卹躬行膝晦閒勸課田作潯南湖潭塞數十處以滋溉灌民咸稱便臺使者具奏太上詔賜守臣金勞之他如訊傳楊獄歸島夷俘釋陳祖皋抵死漁舟數十命之誣先後全活甚眾涖郡三載僅飲武林勺水每軒

樗全集 誌銘

四

車所至歡呼老佛聲滿道周計吏者以是爲天下治行第一用異等錫宴光祿勳會浙學使缺上命督視時士子賓興期逼公按部只簡一二謹厚胥史自隨躬摻不律較甲乙夜焚膏繼之徹首尾批閱無分毫掛漏纔半載十一郡科額錄遺三試殿最如正考法然公執法不以尺寸假人故士無謗怨至于今械樸之化歌思弗諼也甲寅擢參知江右進觀察積五載皆董漕儲公仍太倉邊計推

而振之灼彫剋汰太甚弊蠲以次如埽軍民支兌
僉受其利故江漕之逋視諸省獨少完視諸省獨
先而鞅掌江淮河黃之久獨賢勞迨遷山西右伯
而後弛於擔也而浙復思得公未之晉道拜左伯
轄首藩遼事孔棘水陸調募輪蹄接餉其釋騷什
百曩時重以織造之役扞軸金錢動至百二十餘
萬都亡額征涸轍慙懼奉 嚴旨責藩臣設處

完解公精彊於職上急公下字民雖負霜雪而煦
綽全集 誌銘 五

陽春供億未嘗乏顧廉飭自持安所得長安貴人
歡會廷推太常寺卿未下而有假遼餉縮額見詆
矣雖文致雅無所指終不能以索瘢曠公公歎曰
吾十一政致此年及矣力以病告軍吏士民連上
記三臺爲兩湖借王使君三臺敦畱疏覆 上准
暫回籍調理痊可奏薦起用仍給 覃恩三世
稱異數云公歸蹟譽益白地方人材輒推轂而公
閉門讀書課子孫行其政於家淡如也大抵公生

平修身潔己砥節首公所至省縣官之費不下數
十千率封識貯公帑終不以此屑屑自鳴倘所謂
清畏人知者非歟至若敦厚睦族德讓與人家風
嫺乎柳氏名行茂于幼安孺慕終其身不純采不
陳宴樂變童艸女弗登許老之床鼎鼎樓臺罕覩
寇公之第服官未嘗致管記咨算樣詩文箋檄口
占洋洋藉藉贍達家居僅梓里氛侵蒿但不寧爲
當道門故一紆籌而竟愛其鼎也望之如泉山海

綽全集 誌銘 六

若其德性足以昭馨香問學足以翼今縣其風猷
足以肩鉅經遠而沉幾遠晦足以鎮浮匡靡所著
樞全集四書易經解門人 施太卿序而梓行之
當事者采輿言特祀于瞽宗擬陳蘇先生江浙亦
舉名宦洵一代賢大夫君子哉王之得姓郡諸望
族公譜以宋青陽遷龍塘曰均疇者爲鼻祖數傳
從仕郎至忱齋皆孝弟力田生公大父述齋父愛
塘並以公貴贈通奉大夫左布政使如公官大母

林氏母孝貞朱氏並贈至夫人公諱幾字翼邑慕
蓼其號生嘉靖己酉十月十三日卒崇禎庚午八
月十二日封夫人紀與公齊年媿德算方期頤爲
家世女宗子二長尚諷府庠生娶府庠生陳希敏
女次尚諧府庠生娶平樂知府林公奇材姪太學
生宸燦女女二一適庠生洪挺龍一適贈都司僉
書劉叩仰男庠生廷執孫男四自尚諷出者昌綰
府庠生娶南京太常寺少卿李公開藻子貢生會

柳全集 誌銘

七

震女昌紉府庠生聘光祿寺卿李公叔元子庠生
正樞女昌綰聘湖廣副使陳公鳴華子雅州知州
炳奎子庠生豐翰女自尚諧出者昌纘府庠生娶
予兄浙江金華府通判德瓚女璟姪晉階中大夫
九觀府君所與公定婚者也女孫三一適戶部侍
郎恭定郭公惟賢子戶部主事夢詹子庠生祚展
尚諷出一適豐縣知縣陳公鳴瑜子庠生煒奎一
適戶部主事李公廷森子庠生日媽子庠生騰芳

尚諧出曾孫男三昱增昌綰出嵩增增昌纘出
俱未聘曾孫女五二昌綰出未許三昌纘出一許
江西按察使陳公瑛孫庠生心傳子希稷一許湖
廣左布政洪公有復曾孫廩膳生化龍子調基一
未許餘繩繩未艾墓在南鄉京山之原負乙悌辛
介郡城三十里介龍塘十里葬以崇禎戊寅年十
二月二十六日丑時公所自卜惟墨食吉兆也銘
曰公生之後茹世茶百爲歷試開羈孤弱卅手口

柳全集 誌銘

八

拈吟吾而立待叩抗顏師彊仕冠冕八閩書射策
仕學雙優數服官所至冰蘂譽士庶仰鏡範模
營官體國奏公膚江越積勛肩長圖引年難老賦
懸車位靳九卿上大夫壽鄉九袞八十餘鄉式著
龜家璠璣鬱鬱京山仙佛問史銘無愧有道碑垂
裕後昆不朽茲

蔣德



慕蓼王先生榜全集目錄

六世從孫宗敏爾



卷之一

奏疏

皇長子冠婚疏 代

乞改教職疏

宣府催餉疏

脩府學疏 代劉郡伯

榜全集 目錄

揭

上巡漕 稟揭

上巡漕董稟揭

上總漕 稟揭

上趙堂翁稟揭

上江右兩院稟揭

上趙堂翁稟揭

上馬制臺稟揭

上巡漕朱稟揭

議

正士風文體議

罷奉口關議

重脩紹興學官議

杭州府節省生絹議

壽文

壽司李章酉生文

榜全集 目錄

壽江玉林乃翁習泉文

壽會稽沈學博文

壽惺南洪親翁八景圖文

壽林母李孺人九如圖文

序

賀南選君遷太常少卿序 代

賀左大方伯養初王公榮遷留都府尹序 代

賀越參知吳公榮遷長憲序 代

賀司李胡公六考最應召序

賀施四明公祖守漳滿三載考奏績序

賀聞人公祖別駕奏最序

重修紹興府學飭材序代

澍士縵弦錄序

丙午四川鄉試錄序

癸丑浙江鄉貢齒錄序

浙江武舉鄉試錄後序

博全集 目錄

三

重修龍塘王氏族譜序

龍窟洪氏族譜序

徐匡嶽老師春秋訓兒經說序

蜀中楊四明會課序代

紹興劉郡伯會課序代

吳斯協泮劍草序

卷之二

序

題蘭谿黃先生手稿序

朱弼虞年兄制義序

何點蒼門人制義序

張門人潛樸篇序

解嘲草自序

跋

重刻虛齋先生密箴後跋

族譜序後跋

博全集 目錄

四

題映雪軒稿後跋

賤歷圖跋

引

賤歷圖譜引

記

武林修復南湖記

武榮邑侯吳父母修城功德碑記

重建龍塘王氏祖祠記

論	安危本乎人情	君子蚤有譽於天下	表	擬吏部主事儲璫疏薦簡籍進才	上嘉納付部起用謝表	弘治元年	擬上幸西苑	召黃淮寒義楊士奇張輔等同遊	賜宴萬歲山麓謝表	宣德八年	擬宋召輔臣於玉宸殿觀太宗文翰各製文	刻石因指詩牌字問皇太子應聲以對賜宴翔鸞閣奏樂賦詩侍臣皆賦謝表	祥符七年	擬宋承天節百官上壽是日皇子加冠禮司	天奏日輝珥廷臣賀表	祥符八年	策	策問	四川典試
---	--------	----------	---	---------------	-----------	------	-------	---------------	----------	------	-------------------	--------------------------------	------	-------------------	-----------	------	---	----	------

課兒孫策問	二道	第一問	第三問	第五問	防倭標本策	學政	兩浙學政十六條	卷之三	解辨	不惑知天命解	大心小心辨	誌銘	大中大夫江右行省參知情符蔡公墓誌銘	陳贈翁梅谷墓誌銘	龍塘王氏三世合葬墓誌銘	仲女勤淑墓誌銘
-------	----	-----	-----	-----	-------	----	---------	-----	----	--------	-------	----	-------------------	----------	-------------	---------

堂姪心揚 墓銘

洪壻伯韜墓銘

洛陽劉壻乃翁南陽墓銘

行畧

陶石簣乃翁先生行畧

自敘行畧

代蔣琬春序內子行畧

祭文

楊全集 目錄

七

祭戶部主政郭駟雨親翁文

祭蔣太親翁九觀老先生文

祭呂封翁文

祭蔣沂泉封君文

祭李封翁文

代李芳西祭郭益菴文

祭朱母舅平溪文

祭 母太夫人文

祭徐母太夫人文

祭李芳瓊太親翁先生文

祭沈應文封君文

祭恭人李太親姆文

祭洪母莊懿傅氏

祭洪孀伯韜文

祭昇南洪親翁文

祭陳母淑惠黃孺人文

楊全集 目錄

八

祭伯姪林氏文

代李芳西祭陳新泉文

代施友祭同門姨文

代己卯同年祭許參鵬文

代洪惺南祭古山乃堂文

代郭鵬海祭邱母王氏文

代鄭麗池祭陳清波乃弟文

代楊仰恂祭王中田夫人謝氏文

代李芳西祭王	夫人楊氏文
祭洪母黃氏文	
祭洪守愚公文	
代黃復園祭外父文	
代一壩祭洪望槐文	
祭陳君文	
祭石泉內子文	
祭金濟漢文	
博全集 目錄	九
祭築泉內子文	
代陳氏族人祭弟文	
祭友人陳同吾乃堂文	
祭洪公文	
代叔父祭石梅郭外翁文	
代姪可愈祭外母文	
代楊麓山祭友人文	
代蔣犁春祭內子文	

代張振軒祭洪婿文	
祭陳任宇文	
祭蔣犁春內子文	
祭母舅朱九溪文	
卷之四	
五言古詩	
題林母節壽冊	
五言排律	
博全集 目錄	十
壽李明府太君	
祝寶淮南右轄八月十二日初度	
五言律	
贈杜鳳林北上春官	
贈劉台巖北上春官	
邊馬有歸心	
五言絕句	
贈史道卿北上春官	

同遊慈明寺

題王母圖

題袁桂軒壽圖

七言古詩

壽王儀部

七言排律

贈吳刺史奏最

七言律

博全集 目錄

分祀南郊二首

贈鄭制臺得請予告

和林計部

別李芳西官粵西

贈楊仰恂先生赴闕

贈沈道尊壽功雙祝

贈南撫軍

賀司李秩滿

十二

賀閩中憲臬

賀繆父母惠陽秩滿

王壯其公祖保障溫陵

小沼蓮花二首

祝陳母壽二首

輓宗婦

七言絕句

除夕

博全集 目錄

贈竈

歲新

春暖

立春前一日

鞭春口號

別分宜張明府

過劔浦驛

題梅花譜

十三

題文昌君像	賦	獨居賦	形役賦	歌	賀四明施公祖榮壽歌 <small>有小引</small>	簡劬思公祖德政歌	吟	縹全集 目錄	白髮翁吟	行	得楊仰恂使君教子二語作勸學行	傳	贈奉直大夫梅岡陳先生傳	徐冢婦張氏貞烈傳	施太太夫人吳氏苦節傳	贊
								十三								

張執吾直贊	洪惺南乃尊像贊	洪惺南乃堂孝惠黃氏像贊	松石主人自贊	龔姑夫及姑王氏像贊 <small>有小引</small>	婚啓	代蕭岐陽復林聘啓	代鄭家復蕭翠岑乃孫定聘啓	縹全集 目錄	代蔡家復定聘啓	代王家定聘啓	代楊鼇山乃郎定聘啓	代張冲斗復定聘啓	代楊仰恂復蔡沙塘定聘啓	代張冲斗復婚啓	代楊紹欽定聘啓	代李芳西爲姪推迎啓
								十四								

代楊肖陽復陳壻親迎啓

代友人復親迎啓

代楊鼇山乃子娶婦啓

代楊仰恂乃子娶婦啓

代張允選娶婦啓

代黃碧山復娶婦啓

代李芳西命姪親迎啓

代李芳西復陳壻親迎啓

楊全集 目錄

十五

復洪壻親迎啓

代門弟林宸燧親迎啓

復陳慈瑕親翁納幣啓

復陳慈瑕親翁令長郎親迎啓

啓

與各道年啓

與廉憲李翼軒

與松江楊別駕

與松江府張郡伯

與同里郭道長

與王總戎

與任兵道

與張涵同

與秦湛若

與楊致吾

與黃節吾年兄

楊全集 目錄

十六

與武林司李孫偃虹

與潘吏部

代

冬至與湖東道沈

與福建撫臺黃

與鄒南皋

與姚江江

與宗國博

與陳鄉宦

與楊總戎	與撫按兩院稟啓	與林平華	與儀郎解方壺	中秋與馬制臺啓	上趙司徒	與張主事代	送軍門鄭年啓	楊全集 目錄	十	復淮府年啓	中秋復益世府	冬至復南贛陳參府	復南城縣杜門人年啓	中秋復焦總戎	復施四明年啓家居	復各司道	復戶部張鍾山
------	---------	------	--------	---------	------	-------	--------	--------	---	-------	--------	----------	-----------	--------	----------	------	--------

復嚴州府丞陳年兄	復嵯縣施公	復桐廬縣華公	復莊陽初	復衢州府張七澤	復顏雲漢	卷之五	啓	楊全集 目錄	十一	復武林李總戎	復劉凌蒼	復嚴州毛公	復張十所	復秀水縣史省愚	復姜翼龍	復須日華年兄	復陳總戎
----------	-------	--------	------	---------	------	-----	---	--------	----	--------	------	-------	------	---------	------	--------	------

復天台縣謝年兄

復壽昌縣王公

復泗州鄭年兄

復金華縣龍公

復陸鄉宦

復翁周埜

復陳侍御

復諸暨縣陳公年啓

楊全集 目錄

九

復嵎縣施公年啓

復嵎縣施公年啓

誕日復嵎縣施公

復陳總戎年啓

復崇德縣靳公年啓

復安福縣李載其門人

復孟遊擊

復李及泉

復陳廉憲還冲啓代

復王忠巷總戎

中秋復陳參將

復沈何山

中秋復各道啓

復陳參將年啓

復廬陵蕭無競

復莫周二春元

楊全集 目錄

十

重陽復學道胡泰六

復恤刑曹積雪

復南贛參府陳年啓

冬至復嶺北道戴

復海陽縣

復嶺北道王

復徐郡守啓代

端陽復喬按院

復程羅陽	復董景越	復楊總戎	復建南道吳生白	復參府	中秋復李總戎 <small>二啓</small>	復各道壽	端陽復湖州守	陽全集 目錄	主	端陽復北關梁	復湖州鄉宦王	復大同焦總戎	復湖西道張賀壽	冬至復各道	復巡西道趙年啓	復參戎崔	復嶺北道
------	------	------	---------	-----	--------------------------	------	--------	--------	---	--------	--------	--------	---------	-------	---------	------	------

候馬制臺	候連少嵩撫臺	候喬按臺	候沈蛟門老師	候趙心同老師	候王按院	候座師陳如岡年啓	候衷白王老師	得全集 目錄	臣	候浙江按院李懋明	候恤部曹積雪	候浙江按院李懋明	候劉用齋撫臺	候王衷白老師	候翁青陽宗伯	候徐匡嶽老師	候漕院唐存憶
------	--------	------	--------	--------	------	----------	--------	--------	---	----------	--------	----------	--------	--------	--------	--------	--------

賀淮王年啓

賀益世子年啓

賀南贛軍門孟年啓

賀總漕軍門陳年啓

冬至賀陳參府

正旦賀總漕陳

賀紹台道壽啓

賀撫臺壽啓

揚全集 目錄

賀紹興道年啓

賀王總戎壽啓

賀新任連撫臺

元旦賀撫臺高

元旦賀按臺鄭環樞

元旦賀薩臺張

賀按院鄭環樞壽

賀高中丞壽

二十五

賀南贛軍門孟壽

賀南贛孟撫臺壽

賀丁撫臺

賀吳本如

賀寶淮南

賀李夢池老師壽

又賀李老師壽

賀喬按院回河南

揚全集 目錄

端陽賀喬按臺

饒喬按臺再差山西

賀文宗渴景貞啓

賀糧道畢見素

賀陽和道秦湛若

賀連都院少嵩壽

賀王衷白老師壽

賀同部

五十四

卷之六

啓

請徐巨嶽老師啓

請陳如岡老師壽啓

請王衷白老師

中秋請連撫臺

謝張嵯院

謝總漕王公

謝金榮 目錄

謝九江鈔關

又謝九江鈔關

謝王雲澤

謝巡漕唐存憶

尺牘

與宗國博

與晏懷泉年兄

復胡瞻明

與晏懷泉年兄

與方大哥

與黃九石

與鄧環邱

復呂天池

與方大哥上舍

復張賢中

與黃九石

謝金榮 目錄

與沈上舍

與林奏五

復張賢中

復樊道人

與鄧環邱年兄

上李夢池老師

復何武莪

與沈賢庵

與吳純所

復李及泉	上李夢池老師	與林我所	與洪星南	與楊致吾	上王東白老師	與武連城	復經恤刑	博全集 目錄	二十七	復侯總戎	與方老師二孫	與李斗初	與王總戎	與張覺自	與李斗初	與朱吏部	與林省巷
------	--------	------	------	------	--------	------	------	--------	-----	------	--------	------	------	------	------	------	------

與東橋兄	與可明姪	與李印山	與劉婿	與朱二母舅	與朱三母舅	與樊兵道	與戶曹司廳	博全集 目錄	二十八	復江玉林	與洪伯恂	與可臨姪	與杜鳳林	與省愚年兄	復陳巍石	與可綯姪	與吳塘表弟
------	------	------	-----	-------	-------	------	-------	--------	-----	------	------	------	------	-------	------	------	-------

與外弟紀春元

與于振方

復閔曾泉

復陳年兄

上馬制臺

上按臺喬鶴皋

與副總戎王仰齋

與黃節吾年兄

釋全集 目錄

二九

與辛翼軒

復衢州府張七澤

復詹遂安

復俞如愚年兄

復陳成所年丈

復莊陽初

復劉參戎

復須日華年丈

復紹鄉宦徐龍環

復陳四游年丈

復陳清波

上沈蛟門老師

復程志初

復泗州鄭年丈

復陳清波

復吳白雪年丈

釋全集 目錄

三十

與兩浙監司

與南昌府盧真常

與吏部丁蓼初

復陳如岡老師

復宣城論會年兄

復鮑日葵門人

復萬總戎

復樊致虛

復翁周埜	與松江楊別駕	復方冲舍	復陳廉岳	與新司李孫偃虹	復大同府高啓塘	復陳參府	復陸明府	綱全集 目錄	與鄧壺邱	復李靜齋年兄	與無錫縣許門生	復王虞部	復嵯縣施中尊	復何芝嶽年兄	復姜同節公祖	與林儆瑕年兄
								三十一								

與樊致虛	與浙中吳門人	復周斗垣	復林樗朋	復奉新縣	與張葵軒	上黃太蒙撫臺	與建寧方景阿門人	綱全集 目錄	與孫偃虹	復黃貞父	上順天府尹李孟白	復建昌府須日華	與樊致虛	復仁和縣	復吳起華	與鄭渭初年兄
								三十一								

與郭希老

與會稽學博沈春宇

復王省愚年兄

與靖州守黃條友

復胡遊府

復侯度貞

復李斗初年兄

復紹興府劉右吾

博全集 目錄

三十五

復晏懷泉年兄

與紹庠王潯門人

與漕運理刑張惺初

復陸瑞庭年兄

復司李張文宇年兄

復金啓心年兄

復尹星麓年兄

復沈冰壺年兄

與黃貞父

復沈冰壺年兄

復徐匡嶽老師

與撫州府陸太尊

復學道胡泰六

復鄧壺邱

復蔡虛臺

復馮諸鄉宦

博全集 目錄

三十六

復上饒縣

上撫臺黃與參

復吉安府祁夷度

復南康府朱司李

上唐驥石老師

與蔡元履年兄

卷之七

尺牘

復學道胡泰六	復黃年兄	復南康府張太尊	復建昌府同知	復粵西方伯于振方	復學道胡泰六	復湖東道沈何山	復南康府	楊全集 目錄	三十五	復撫臺黃與參	復高安縣	復進賢縣	與瑞州韋司訓	與高安縣	復恤部曹積雪	與右堂潘鵬江	復甘參府
--------	------	---------	--------	----------	--------	---------	------	--------	-----	--------	------	------	--------	------	--------	--------	------

復瑞州司李	與德安司李吳門人	與南康府	與新昌縣	復巡西道趙紫房	復萬百谷	復署新昌縣余別駕	與徐匡嶽老師	楊全集 目錄	三十六	復都湖守備	復建昌府	復宋弼虞年兄	復郭青螺	復廣信府衛太尊	與南昌府朱司李	復按院田雙南	復德安鄉宦郭仁宇
-------	----------	------	------	---------	------	----------	--------	--------	-----	-------	------	--------	------	---------	---------	--------	----------

與蘭谿縣莊鶴坡	與粵西道臧靜涵	又與臧靜涵	與廣西黃都閻	復韓璧哉公祖	與戴贊微	復益陽縣董聞風門人	與儀真縣王韋軒門人	勝全集 目錄	三七	復周斗垣	復應天巡撫王玉沙	與湖廣糧道劉	復建昌府須日華	復豐城縣各鄉宦	與劉魯南年兄	與梁惺田	與潘鵬江
---------	---------	-------	--------	--------	------	-----------	-----------	--------	----	------	----------	--------	---------	---------	--------	------	------

與熊石門	與糧道程暉持	復樊致虛	復操江軍門沈華東	復太倉道高縣圃年兄	與林天咫	與行人廖對麓門人	與浮梁縣	勝全集 目錄	三八	復涂聲宇	與鄒齊雲	復安福縣陳自公	與吉安府	與左堂王岵雲	上山東軍門李孟日	與武林陸二生	與南靖史邑令門人
------	--------	------	----------	-----------	------	----------	------	--------	----	------	------	---------	------	--------	----------	--------	----------

與門入施四明公祖	與周際五門人	與李鹿巢	與林天咫門人	復兩粵制臺胡泰六	復松楊縣范門人	復浙中司道邢	與吳陸緒生	檮全集 目錄	復杭郡陳司理	與方伯游蟄初年兄	與安福縣李載其門人	與郭符所	復江右門人	與高致衷	與洪位穹	與康莊衢門人
								三九								

復武榮吳父母	與滇南王門人	與鄧壺邱	與浙左轄胡存蓼	又與浙中胡存蓼	與吳生白年兄	與杭嚴道陸鳳臺	復耿都聞	檮全集 目錄	復何點蒼門人	又復何點蒼門人	復康莊衢門人	與孫六吉門人	與何點蒼門人	與臨海張九鼎門人	與兩浙道憲	復邵武縣學廣文
								四十								

復台州守張門人

與周際五門人

復閔曾泉年兄

與武林陸二生

卷之八

家譜勸戒二十則

十勸規範

孝敬一

陽全錄 目錄

四十一

友讓二

敦睦三

忠朴四

平恕五

慎直六

節儉七

勤勞八

學問九

禮教十

十戒藥石

悖逆一

閹闖二

誦偽三

貪伎四

爭訟五

侈靡六

陽全錄 目錄

四十二

酗酒七

驕縱八

遊惰九

卑鄙十

慕蓼王先生樗全集卷之一

六世從孫宗敏爾



奏疏

皇長子冠婚疏代

臣等謹題方今中外臣民仰望 皇上惟 皇長

子冠婚爲第一要務而 皇上軫念宗社深貽遠

謀於本年五月內誕敷 聖諭云云臣等欽此臣

伏惟 皇上以仁孝治四海以禮教天下萬世冠

樗全集

疏

卷之一

一

婚之議宜卽傳行而至今闕然未舉雖 聖慮淵

微非臣等愚昧所能窺測然臣聞教莫大於禮禮

莫大於時時也者通天地陰陽之泰而立君臣父

子夫婦之倫輕舉而先時不可重舉而後時不可

攷之記曰冠者禮之始也婚者禮之本也禮始於

冠冠而後服備服備而後容體正顏色齊辭令順

禮本於婚婚而後婦順彰婦順彰而後內和理家

可長久此禮之大體也我 太祖高皇帝垂統立

極正冊立之序嚴講學之期定冠婚之年須以十

五所以遵時明禮謹其始而正其本也今 皇長

子年十有七睿齡向茂蓄德日新議冠議婚此其

時矣而 皇上尚加慎茲未俞疏請其大端有二

皇上愛 皇長子欲體加實不令蚤邇聲色然陰

陽諸合配于兩儀矧環管有箴起居有節所以調

護閑衛者甚具則何患 皇長子氣體不實 皇

上愛 皇長子欲學加進未忍分其精神然嘉禮

樗全集

疏

卷之一

二

舉舉責以成人矧輔導有官日講有課所以維持

培養者甚周則何患 皇長子學習不進蓋 皇

上愛 皇長子之心愈浚故計之愈密臣等仰見

皇上愛皇長子之心愈切故請之愈堅又二宮鼎

構成于不日倘臨時行禮必致周章甚非所以重

大典而敬宗祧也夫編戶氓隸雖愛其子而冀之

成立閔閔焉若農望歲卽在哺字已治泉麻通媒

妁而早爲之計矧 天子之子與編戶萬萬不同

而可悠悠徐徐日復一日虛山川鬼神之所大奉
九廟幽靈之所久眷者哉曩時出閣講學之議
皇上慎重再四一旦發自聖斷中外舉手加額
茲復毅然渙汗行此大禮仁孝翔洽歌頌載道視
昔出閣時又當何如耶伏惟陛下體太祖之
心廣帝王之愛重本始之統舉時禮之大勅下該
部諏吉脩儀爲皇長子加冠選婚至於冊立之
禮隨次第舉行則星輝海潤天地神人之福永綏
摯全集疏卷之一三

於無疆矣臣愚幸甚天下幸甚

乞改教職疏

臣某謹奏爲比例懇恩改授教職以全微命以圖
補報事臣原籍福建泉州府晉江縣人叨中本年
進士除授前職一介迂儒猥蒙聖恩寄以專城
百里之任理當依限趨赴恪修職業顧臣有苦情
不得已爲君父一鳴號之臣少失怙恃夙嬰疾疢
祖父母憐其孤孰負攜鞠育甫及弱冠祖父母又

見背矣十年四艱不解衰經三世一身自弔形影
用是苦積傷心致怔忡痼疾飲食輒每吐嘔頭目
時或暈眩辦事以來雖嘗調醫診治而愈治愈作
虛火內焦精神耗損以此弱軀安能臨政牧民即
或勉強抱病而往勢必曠職療官所以再三思維
與其受譴於後孰若控訴於今查得大明會典內
一款開載進士願授教職者聽又查得先年浙江
紹興府諸暨縣知縣張與可本年廣西慶遠府宜
摯全集疏卷之一四

宣府催餉疏

爲庫藏盡罄情形極急懇乞聖明軫念重地艱

危亟解倒懸以固疆圉事職某待罪塞垣職在司
餉夫官以餉爲職則既受牛羊義當求牧與芻求
之不得不忍立視安敢無言而處於此職謹會同
巡撫右副都御史連 議照備邊之策莫先於兵
尤莫亟於餉國無兵則雖雉堞十仞第空壘耳誰
可憑而守也兵無餉則雖貔貅百萬第餒夫耳誰
可驅而戰也故自昔石畫心計之臣談邊事者纔
纔具矣曾能舍兵與餉之外別規一便宜乎我

樸全集 疏

卷之一

五

國家之設宣鎮京師陵寢實藉拱護譬身之有肩
臂室之有堂廡也肩臂折則身必斃堂廡剝而風
雨飄飄旋及室與此狀孺子之所明也職請言宣
府兵餉出入之數而後及今日情形之急夫該鎮
戎馬共計十二萬有奇每月餉芻大約用十萬兩
以一歲連閏及衣花互市諸費通融計之當用一
百三十餘萬故額派屯鹽與主客官民二運數稍
稱是當其盛也餉不停輸給不逾時出入有經藏

多朽貫邊塵不聳戎士無譁內外恬熙稱泰寧焉
數年以來師旅繹騷水旱頻仍儲備匱乏輓輸不
繼官民積欠本鎮餉銀九十六萬餘軍糧馬料往
往後期而給職以今歲三月受事問諸藏吏金幾
何曰數十鎰而止耳問諸庾粟幾何曰數十鍾而
止耳問諸甲士未受月餉幾何則曰三春猶延頸
以待也職聽之不勝驚惶內急告諸部臣外急告
諸督撫及守巡諸道文狀書揭絡繹道途幸四五

樸全集 疏

卷之一

六

月之間民運猶有陸續至者職將解到銀兩籌畫
拮据移主就客借東補西春夏二時依程措給士
馬飽騰邊垣接堵不意六月以後至今幾五閱月
而順天山東山西河南各省直應解錢糧絕無影
響舊餉既已積逋新餉又復稽延軍士持牒索紫
控懇啼飢號寒塞滿庭階職以奉漏沃焦難望於
遠乃顧催索京運權濟目前部臣知宣鎮之已迫
苦措處之惟艱三次截發止得銀六萬餘兩到庫

封銷甫開爭取羣閭如飢鷹餓鷂分啖一鼠解官
輸未告還而此六萬之金倏忽盡烏有矣職見索
之如彼之難散之如此之易益用惴惴若集于木
計今該鎮所需七月糧俸放給未完八九月應放
折色糧料與冬衣布花見在互市撫賞及秋成召
糴差官預買布貨共須四十萬金乃可了此公案
而內憂正殷外釁輒乘班白二酋窺我虛隙狂狡
思逞憫然離巢與我對壘各路軍卒授甲登陴都

榜全集

疏

卷之一

七

護親帥重兵臨邊防禦茲已八十餘日矣師行糧
食計費不貲羽書旁午追索如焚而徵職一介郎
官輕如蚍蜉羸縮非得自由招麾莫肯應令金既
難以點鐵而化沙又不可唱籌而量株守空鎗束
手無策拊胸頓足慘慘叫號在事內者諒職心之
悽憂相與仰屋竊嘆在事外者見時勢之艱危不
過袖手傍觀厝火既燃爛額誰赴仇不得食寒不
得衣父母不能有其子將帥安能令其下乎萬一

此枵腹暴露之衆怨痛離邊脫巾反戈蠢爾醜夷
長驅飲馬竊恐 國家之事岌岌乎殆矣伏乞
聖明念九邊惟宣府最重宣府惟此時最急 勅
下該部蚤議長策或暫發內帑或另爲那借速救
倒懸仍 賜嚴旨催督各省直民運星夜接濟則
兵餉足而士氣壯內守固而夷患銷矣不然臂折
堂剝猶晏然以爲無恙而慮不動於耳目及至勢
不可支全身受斃室與幾傾乃始摘餉臣罪狀擢

榜全集

疏

卷之一

八

髮而數之亦何及哉

脩府學疏

代劉郡伯

宮牆興圯係士習重輕所從來矣其在於越士誦
法孔子龍變鵲起淵源有漸而其爲郡官牆亦宅
中而夷軒敞而邃哀然頽泰望而環帶諸名勝若
拱若負蓋人地兩著焉夫崇其道不敢不戕其官
守其業不敢不固其址以越之多士郡官牆之勝
發祥鍾異譬若噓春風而育桃李故自易易耳乃

不佞承乏茲土則首有事學宮仰而承其廟貌弗
稍也旁而睨所爲誦讀之居弗稱也有蝕於風雨
而淪爲莽礫者心甚惕焉且夫越洵多士矣不括
不簇雖竹箭不登天府宮牆圯敝而士邇所爲習
不無一二皆窳與宮牆俱傾括簇之謂何則所謂
起其敝而維其新者余又何說之辭於是與我二
三同寅大夫暨諸有位博士掌故謀所以煥然新
之顧其費靡所從出則回視諸帑帑向無羨鏹圖

楊全集

疏

卷之一

九

之贖緩而贖緩亦泯然烏有也惟我二三同寅大
夫暨諸有位博士掌故日助余所不逮以酌處而
亟新之務在出美意而畫良法裁之公私而善其
終始俾廟貌新神靈妥士習丕變而越人士文行
自茲永永爲天下前茅斯則余所爲釋余懼而亦
諸有位之相與以有成也不揣不量敢告同盟
揭

上巡漕 稟揭

漕事艱楚匪朝伊夕在今日則尤甚焉職某以憚
愚之質肩紛劇之任且當衡決之時勢拮据五稔
黔技都窮矧江右旱澇頻仍民旣竭盡髓膏軍亦
僅存皮骨今歲雖邀恩改折而應運本色者尚有
二十七州縣勉強支吾交兌報竣第奉文停止京
湖船隻責成此中代運修船之工費與旗軍之行
糧問之有司則原無額派求之南部則未允支給
職不能點沙礫而成金舟不可鞭木而飛渡嗷
嗷叫號假貸司帑又懸磬而未有措坐是窘束
徽纆之繫羨藜之據未足以喻不審何日得以啓
行而完此局也伏懇台臺曲垂矜憫稍寬程限候
錢糧借動給散卽當戴星奔馳扶服待命

上巡漕董稟揭

職從客冬奉頒漕單夙夜拮据不遺餘力旗軍之
船已搜補脩繕州邑之糧已督趣齊集今交兌次
第報竣矣獨行糧一節除江省有額派者行催解

給刻期開幫至於京湖船隻赴運江右者月行二
根本省原無派徵惟橫海畱守右等衛動支南邑
新建二縣南折抵作行糧耳茲部檄江省代運漕
船卽歷年京衛應運之船而江軍請支糧數卽歷
年京軍應支之數軍藉糧食糧隨軍轉此乃坐支
非借支也乃遵成規非亂成規也而部文顧謂代
運是該道酌議非京衛船隻不足而使之代不知
代運之說本道並無一字議及彼京衛船非不足
標全集 揭 卷之一 十一
而使之代者實出自北部也然總之此船此軍無
論南部使之代北部使之代其爲代均也譬則募
傭代役必裹糧而與之俾無餒乏方可責其畢力
致命代於人者享其逸卽推食與人不爲惠代人
者任其勞卽受人之食不爲貪倘絕其糗糒使假
丐于道途必無幸矣今日之事何以異此假令江
西有餘船則歲歲當自營自運奚必以八百餘艘
待協濟於京湖又令江西行糧有原派則歲歲當

隨徵隨給奚必以數千餘兩專取辦於南新蓋自
國家有漕糧以來斟酌通融非一日矣本道藐爾
漕臣職在輓輸急迫則呼號以口舌奔趨則胼胝
其手足力所能者止此耳若錢糧之出納一毫一
黍毫不干涉當此開幫燃眉之際既不令官軍枵
腹以待議論之定又無有司兌糧原派項下可以
依時給發躊躇焦慮罔知所措伏望台臺念漕務
至重漕限又至急批行布政司作速計議姑暫借
別項銀兩散給缺軍仍乞移會總漕再咨南部准
於南新撥補庶淮洪之期不誤而軍儲大計藉以
無虞矣

上總漕 稟揭

江右地方磽瘠民無蓋藏加以疊罹水旱井里凋
瘵京邊額解遲歷年餘軍餉宗祿十缺二三今其
弊且漸延及漕糧矣本道承乏四載殫力支吾厚
藉宸庇皆幸竣事茲以停止京湖之船專責江

右獨運船數不敷東搜西補雖費勾調猶可爲也而獨行糧一節除已備呈請咨支南新二縣南折外餘一千七百四十六兩奉批派徵有糧州縣職再三籌度非惟起運倉皇掘井無以解渴抑且時勢艱難醫瘡未易剜肉故止移文布政司通融設處不敢另議加派伏乞台臺速催南部回咨允發便於支給至如搜撥未奉派運補數船軍月糧銀兩欲照全單坐派則軍數原額既有多寡不齊出

博全集 揭

卷之一

十三

糧府縣又恐卒難措辦仰可俯允詳議仍聽各府縣照船分認庶軍有見糧漕運可以蚤濟

上趙堂翁稟揭

宣鎮情形危急已甚而台臺不見憐察者豈以事猶可緩而職徒爾謾說乎敢一一披瀝陳之蓋嚮者餉司接管有百萬金在庫者有五六十萬金在庫者職與杜郎中交代雖云二十四萬而先發與王同知撫賞年例七萬餘兩報在額中其實十七

萬耳而此十七萬者又非贏餘存貯也杜郎中以內艱故正二月糧料未及放給乃有此數迨職受事卽次第開發自正月始至閏六月終移主就客折東補西殫力支吾已閱七箇月矣尾閭日泄渤澥亦竭何論牛蹄一泓乎則勢安得不急嚮者該鎮芻餉亦偶有不繼之時然而各路倉庾陳朽相因便可那移借給勿論久遠卽三十四年猶連借數月支放今總計闔鎮米豆僅足備戎馬兩月之

博全集 揭

卷之一

十四

需瓶之既罄疊亦索然尚可彼此那借乎則勢安得不急嚮者官民二運互爲灌輸民運滯則取給在官官運遲則取辦在民譬摩搔痛癢左右手可相應也今延頸懸望一鏹不至舊欠幾盈百萬新運絕無影響七月軍儲又見告矣腐聚號呼若蹈水火耳言拊柔報以惡聲飢鷹餓殍迫且反噬肯復就我馴擾乎則勢安得不急嚮者屯團地畝商鹽召買及時完納猶可資助半臂今屯畝藉口荒

燕任意迤負鹽商苦愬滯引虧減原課至召買之
議遇豐熟穀賤則買遇饑歉穀貴則散今不論豐
凶拘束歲額庫藏之銀不得以時發承買之官不
得以時糴至有銀一兩糴米一石者又甚至領銀
驗一二年不報糴買及移文行催乃以月糧叩抵
者夫每軍月糧不過給六七錢耳若以一兩糴一
石而給之是倍費也且銀出庫而糧未必盡入倉
是空耗也木有飽蠹根必日傷矧又尋之斧斤乎

樸全集

揭

卷之一

十五

則勢安得不急糶者邊塵不驚計月而廩士卒緩
少須臾猶或有脫巾狂吠之變今何時也順義物
故封襲未定東西酋長窺瞰蠢動在事者議增募
議調遣十粟束芻皆備責于餉臣一日無事已株
守空鑰周呼而莫之應萬一有事彼環甲裹糧者
倉卒便欲立辦即挺刃當胸亦必不得之數也積
薪厝火志士流涕矧炎炎而上將及棟宇乎則勢
安得不急夫宜府一鎮肘腋陵京所託如斯之重

也而五急情形可憂可懼亦既大聲疾號且再三
矣而上半年餉金僅有四萬至鎮其三萬四千蒙
部文差官赴領乃鍾通判守候逾五十餘日竟不
可得豈宜鎮領危不足關國家緩急耶如不其然
職未見可置上谷於度外也伏乞台臺念職癡愚
憫職危苦卽遣通判領三萬餘金亟救燃眉其已
經題者亦陸續發運仍懇行文督催各省額餉限
以程期嚴以參謫庶幾補牢未晚涸鮒可活

樸全集

揭

卷之一

十六

上江右兩院稟揭

職以轉餉行役揚舠北指而封家嫂不與人便累
朝作梗躑躅波濤賊目驚心者屢矣厚藉宸庇
卒就寧所五月十六日舟抵潤州謁見漕臺十八
日至廣陵則總漕陳老先生移鎮於此三請事而
三辭焉第令聞者受文檄以進某亦卽告成鼓枻
南歸矣江右漕艘入瓜儀已十之八所不領要束
者特九江沔陽二幫耳大約今歲各處糧運俱盡

稽遲以常規律之則江右似當任後至之罰以他
省直視之則江右猶足受前矛之賞然開諸道路
河流如綫枯澀阻壅過洪之期尚未可定念之真
令人懷杞憂也餘緒縷縷容到家日敬布腹心臨
楮曷勝懸戀

上趙堂翁稟揭

當今部司所稱難者京庾與邊需是也額京庾雖
難然而河伯效靈漕艘不滯收發以時士皆宿飽

楊全集 揭

卷之一

十七

所苦者不過寒暑蒸薄面目黧垢而已乃自職瓜
代以後或故或去既已三易官矣矧宣鎮之難且
什伯乎藏無存貯之鎡廩無積陳之粟京民兩運
隻輪不至卒乘萬億仰喙待命稍緩支應怒聲如
霆又左賢不祿曳河蠡動增募調防索餉旁午據
鎮庫所留僅僅足給六月目前所急如開市撫賞
冬衣布花召發糴買秋季糧俸數十萬金之需不
啻燃眉是將安所取資也譬之主父委其子以家

政倉箱一無所有徒投空鑰而責之日爾饋賓客
爾飽臧獲昏暮叩戶爾丞周恤此雖克肖之子不
自致跬步况望諸不材者哉職今正以不材承家
者也倉箱匱罄計盡無復之惟仰首鳴號于主父
之前耳倘不見憐察異時者家壁顛傾即取不材
子榜笞而髡鉗之曾何補于殿最哉興言及此顛
手酸鼻伏乞台臺念宣鎮為陵寢川腋虛乏困詘
日日已甚呼吸安危關係匪輕民運逋負者嚴文
督催京運遲緩者陸續接濟事猶可支吾也不然
職誠莫知所稅駕矣

上馬制臺稟揭

某誤蒙委重董理邊需而事勢艱危日日已甚客
餉久罄勿論已乃主餉放餘存貯嚮猶以萬計今
則僅以千計纍纍戎士月費糈糗數幾不億視此
千金等九牛一毛耳况所謂千者東緝西補就暑
刻立盡乎又况互市屆期以撫賞十萬索矣塞漠

楊全集 揭

卷之一

十八

蚤寒以冬衣布花十萬索矣秋成告糴以召買夥
萬索矣而索廩餼者索芻糧者環繞庭階迫如焚
溺餉臣無狀不能點鐵和戎不能畫餅療飢六尺
孱軀株守空藏而當困阨震撼之衝內呼則鞭不
及腹外呼則痛不切膚萬一有他虞罪其將誰誘
耶伏望晉其苦衷信其急懇亟發徵令多方接濟
則餉臣幸甚

上巡漕朱稟揭

楊全集 揭

卷之一

二十九

職自潤州謁辭以夏五末旬抵豫章漕事又復經
始運官之遴選旗軍之改僉舟楫之修造紛沓多
端殫力料理微有頭緒而承乏攝官提董場開逮
撤棘以出蒙台臺差催本年漕折謹會同署司洪
守道查覈完欠數目具揭呈報外其未完縣分容
職星夜督催盡數完解不敢濡滯延不了之局以
煩清慮也至於存留輕齋爲脩船之費奉 旨遵
行從來已久江右連年改折脩船不多然遷遲未

給已不勝讒慝之怨今歲全運計脩葺不下四五
千金窮軍既難剗肉司道不能點鐵欲令以做壞
之舟凌波濤之險必無幸矣矧湖廣事同一體前
運俱已留用輕齋江右漕運均之國儲均之王事
而獨忍使之向隅啜泣無所控籲乎伏望台臺鼎
音轉達部堂仍照議單存此輕齋分給脩船則闔
省軍士歡欣頌德而裨益漕務非淺鮮矣

議

楊全集 議

卷之一

三十

正士風文體議

蓋聞神霄光而曜宿懸坤維奠而嶽瀆理何者權
有所運而機有所宰也今天下之士風敝矣不亟
議正之則風不淳今天下之文體敝矣不亟議正
之則體不飭兩者交敝日靡日蠹豈惟不淳且愈
蝕豈惟不飭且愈潰此當事者所爲蒿目而憂也
顧其正之之權與機則不在下而在上國家化治
以前士習樸懿無所芬華家食者恥不脩不恥聲

名之弗耀居官者恥不職不恥位號之不崇卽起
詣賢哲勸勲鼎彝猶然跼蹐卑躬脩退讓之節稍
有詭於繩衡兢兢乎不敢隨俗錯寸趾也乃今見
卵而求時夜彈雀而擲隋珠甫厠青衿便已倣其
先生長者而意氣加之矣至於競心進取則脂韋
巧借外避牛鼎之跡而內并乞墻廕仕之躋彼其
狙詐鴟張又奚所不至耶夫風發於青蘋之末也
和輿嘘拂芽茁昭蘇俄而厲氣中之則衆竅怒號

擇全集

議

卷之一

三十一

榮者以瘁途者以折今之士風亦已中於厲矣欲
正之者孰若于師傳而重其權乎何也古者學必
有師養之尊待之厚天子爲之饋饗爵爵公卿以
下且憲而乞言焉故師道立而士習淳也邇來積
爲寒局日廩以數溢之粟從小吏而介末僚扶服
罄折腰如桔槔卽負牆請業猶面承背嘲尚安所
操型範而鼓之也吾故曰議正士風必自重師傳
之權始國家化治以前文章溫厚依於爾雅雕琢

繪綢之觀不著於簡風雲月露之巧不登於堂卽
華辭霞蔚縟旨星稠要以摠閭性靈抽三才之秘
豈其詭異爲高招招乎使天下鶩之如鵠也迺今
飾珠而華其積質羊而蒙之虎初學操觚遂已第
狎黃初大歷而厭薄不道矣倘或隻語偶合則凌
厲千秋自謂靈均以後獨睹斯奧狂瀾一倒彼其
漚遊波迅又何所底極耶夫體之賅而存也面目
肘掌用相調習倘或苦於踈盪則支離擁腫指疑

擇全集

議

卷之一

三十二

於腰脰大如股今之文體亦已幾乎盪矣欲正之
者孰若于教化而慎其機乎何也古者教必有法
其物備其防密內而心知志意以及耳目手足莫
不謹而範焉故學術端而文體飭也邇來鄙爲迂
曲從事於餽釘之習操尺幅以徵逢年按策而問
不辨亥豕甚而乞靈內典且望洋迷津尚安所稱
捨筏而登彼岸也吾故曰議正文體必自慎教化
之機始雖然上之化下循以璽抑塗也抑之方則

方抑之圓則圓視所印謂何耳故桓公一惡紫而紫賤一絕長纓而國人無復長纓夫以服玩好惡之微猶令人速肖若是矧師傅之重教化之慎上之人設誠致行而士風文體不灑然一變是曜宿不繫於神霄而嶽瀆不麗於坤維吾不信也

罷奉口關議

會議得奉口原無關也有之自東征始既而倭奴宵遁幕上有烏東兵撤而關亦報罷矣乃猶以大

榜全集

議

卷之一

二十三

工未竣旋而議復罷之其利畱在民復之其利剝在官顧官不能薄賦已責而與民爭錐刀之末非所以廣恩也官久不能禁暴戢奸而使民受朘削之毒非所以飭法也明明知非明明苟循昔賢月攘之誚政在此耳該府有事餘杭舟經奉口採聽道路之言謂奉口關之創名曰邀刼蓋奉口去安溪不數里而近征稅征料重疊誅求已屬不堪况安溪稅務官吏正差中雖賢愚不齊而尚知所忌

畏若奉口則官非官吏非吏以至書寫巡欄之輩皆濫託狐媚僭假虎威十日一輪磨牙張喙如鷄捕魚如鳶搏鼠更番下上不盡不休又有十三總甲踞關橫噬高嵩父子其一也販船到岸先謁見高老爹投以贄禮而後議料盈縮輕重任意減增報數既定給以照票或五六分或七八分又隨其所販之貨恣行抽取販瓶確者抽瓶確販炭薪者抽炭薪甚且奪搶衣帽搜索銀錢商人痛楚靡所控愬信若所聞則邀刼之名匪虛已今高嵩父子廣置田宅幾比素封而十二總甲與十日一輪之官吏書巡欄無不倣絲曳縞饜肥飲甘是果何處得來也嗟嗟茲水販膏血幾何而能填若曹谿壑哉乃在事者猶見泥膠柱不欲上言已之竊意閭閻萬億天府錙銖當此澇沴之後才遺凋瘵而拘執成例求足取盈令其呼號挺刃之下焦熬鼎鑊之中譬之割羊剝髓以羞羹饋食者甚美供者甚

榜全集

議

卷之一

二十四

苦仁人君子不見則已見則驚悼投筋焉必也適
者潘民部奉 璽書來董潮漕目擊三縣灾象未
蒙改折力與撫按二院合疏爲民請命 聖天子
沛德音惠而蠲之均是部使者赤心漕糧數十萬
可以請折區區奉口稅料多不過五六百金寡至
二三百金獨不可請裁而光昭 朝廷令德乎此
上策也不然則舉全關羨餘通融設處此中策也
又不然則從合併安溪務之說聽商民一兩加四
榜全集 議 卷之一 二十五
而外仍加二錢以足歲額此下策也然猶愈於奉
口不塞而無藝如故也大都天下事宜以公心處
之不可以成心滯之關言征權郡言捐循脩明職
掌易地皆同第顧其時何如耳損之用也以二簋
革之乎也以三就澗人疲矣澗力竭矣勢重則反
物窮則變茲亦損而革之時也在事者得無意乎
若以二府爲越俎爲鈞惠按劍而相盼焉則裏言
滋切負罪滋多伏賜矧察裁奪

重脩紹興學宮議

竊以尼正誕聖爰開萬世道學之宗於越建宮亦
崇一代文明之統詎期積壞漸且分崩明倫堂宇
有披椽大成殿棟無全瓦啓聖學廡兀若星居先
哲諸祠蕭焉露處雖學舍未卽鞠爲蔬圃傾堂廉
已長棘榛藪其舊而加新猶易爲力待其頽而更
革益難成功伏乞天臺振興聖緒瑚啓鴻規鳩聚
工才亟賜脩繕庶廟貌巍然鼎煥而斯文蔚乎泰
熙

杭州府節省生絹議

竊觀杭郡地當劇衝舟車雜襲供餽繁夥派不敷歷任郡守議留生絹每疋銀三分以充公費蓋生絹一疋官估一兩有奇往時制度寬長色澤堅美自中涓爲政只論鋪墊之厚薄不論解絹之好醜以故機棍設巧日就輕脆有以銀五錢買一疋者有以三錢八分買一疋者雖道途搬運內監勒索不無煩費然上給其全下得其半濫惡售欺烹

榜全集

議

卷之一

二十七

割分肥在事者以絹屬上供事體隆重目擊深弊而不敢議裁姑聽每疋畱存三分濟本府各項公費之用陋規因循所從來久矣職受事之初見各屬營求絹差請托薦紳重致贈謝詢之稍知其故遂申呈布政司凡各縣生絹聽各縣輪委佐貳銀自縣給絹自縣辦如有差池責成印官前銀不必解府以滋煩擾而承委解官猶遵舊例每生絹一疋解銀三分到府備取支費職思生絹一事自

萬歷十八年侵犯朋奸欺弊連負動以數萬計貽累考成案局未結官府爲之設法追補族里爲之牽連賠贖或殞斃囹圄之中或呼號桁楊之下孽自己作者法固罔貸禍緣旁及者彼獨何辜職深念痛悼救助無策姑力自節損交際問餽槩從儉薄各官解來公費全封貯庫毫不敢動審其侵犯灰亡產業盡絕者將前銀兩分委各解官收買代補搭解每疋定價五錢可得絹三千四百餘疋卽

榜全集

議

卷之一

二十八

支在廣厦非一本所及然而完絹一分亦可結局一分也自今以往或仍令解貯餘銀待補侵絹抑酌議減派寬恤民力雖涓勺不能資逝波而微潤可稍甦涸鮒矣謹議

壽文

壽司李章西生文

予不佞視瀾學政試士吳興嘗手一牘奇宕超軼之致迴焉物表回環撫翫不能釋去想見其爲人

按牘而晉之則哀然祭酒諸生者今司李章公祖也英姿遠神鷄羣鶴矯予乃竊自喜曰文固如其人哉無何予轄三湘公以鴻漸之翮驤首天衢成進士予更喜曰遇固如其文哉既而公循銓次得司李三山三山者我閩一大都會也轂擊肩摩雷欬雨泚抱樸與騁狙參半吞舟與操鼠互格任司李者每齟齬難之予則後喜曰其人其文凝乎如雲彝之重也挺乎如霜柏之勁也炳乎如陽曦之耀也剽繁負鉅政足徵矣奚難三山哉公下車盡滌苛細與俗更始其大指以士當不物於物然後能物物一腔徑寸赤赤灑灑若披膽肝而示衡平鑑空重輕妍媸隨物之所就而材我無與焉蓋洎事未周芥而神明之號與豈弟之稱不脛並馳矣歲辛酉閏且比士公分校內閣所錄多一時名雋而最賞拔者紀生也紀生爲予室封夫人之弟居恒讀其文奇宕超軼於公差近乃今而得當公也

博全集

壽文

卷之一

二十九

聲氣求應燥濕相從則衡文又豈如其文哉茲秋仲念有三日屬公初度紀生圖所以壽公者索予一言爲頌予惻然左遜而不獲也則亦以向之知公者頌公云爾夫士也韞韞道藝而摠發于觚管晷漏之間匪直鬚眉態度足於暗中模捉而極其所至勲業之宏遠福履之悠邈亦無不迸露若睹方予之手公牘時予於公未嘗交一臂也而輒想見其人何也文在故也文在而徵人徵遇徵政又徵公所應求之人卽以是而徵公年當自有不爽者雲彝不毀霜柏後凋曦耀中天常朗蓋皆不物於物而能物物者也公今日初筮异日三旌文雖乘時虎變而有穀難老豈物之所能加損乎昔有生未識麟者問麟何貌答之者曰麟之貌似麟子旣知麟又知其似麟者而皆於文焉得之則徇紀生之請而以文壽公也固宜

壽江玉林乃翁習泉文代

博全集

壽文

卷之一

三十

予不佞濫竽禮部分試所收士凡若干人而江子國材在焉國材恂恂若不勝衣而辭旨句雅叩之泠泠中五聲談說利害若若導窾能還千竅於秦章摧百雉于繳箭私心固已奇之比習政銓曹益明達朝家體務充其所至龔黃衛霍之業有可憑而覩者予以此益自賀得士焉居無何國材與同門諸生並揖而獨前請曰家大人春秋六十有一懸弧之辰近矣某不材牽於例畱邸未得職將乞

樸全集

壽文

卷之一

三十一

歸省願寵一言爲家大人壽予謝不敏因質諸生曰先生何若諸生曰先生諱某別號習泉孝友端厚其學邇濂洛而上之伯兄達泉君起家爲名進士所敬歷著仁賢聲先生坎壈百六少餒于學官則左繼書升上庠則又左蓋璫璵不珍驂駟不駕命也如何先生居嘗言李廣仰不佞猶然領偏師從車騎樓船將軍躍馬氣奮脫令詘猿技不得一當意冉冉以匹夫老則太史傳喑嗟當益藉藉始

吾有虞世用今則已矣成吾志者其孺子哉乃茲國材一發而建幟南宮釋褐于明天子之庭先生將夷猶佚曠脩然兀鏗喬而三之也是固宜壽予聞之整襟而起曰夫壽親者壽其志之謂也先生負壯志弗酬而幾幸託成於子美哉先生之宏也今國材取道南歸轡組沃若文旗央央至里門下車安步入而登畫錦之堂問二尊人康臧無恙肅袍得百拜庭階手選甘脆滌瀟踟而奉之擊鮮

樸全集

壽文

卷之一

三十二

踐豆以速諸父諸舅次第稱觴合樂堂上下壘簾遞奏琴瑟在御此之爲壽稱壽志乎曾何俟於予言若猶未也則予更有進矣今二邊孔棘生民凋瘵縣官肝食而願聞借箸三事三揖日夜勞計無休時不職在螭頭蓋亦殷殷接恤焉傳日子之能仕父教之忠先生鬢髮未銀又風有虞世用寧欲子之嘒就槃舞躬浣厠僉乃愉快哉毋亦以王事不遑爲念亟脂輪而來一有民社則蚤作勤思追

蹤冀黃以佐元元之急其儼然效奇也投硯請纓
攘臂而脩衛霍之績封狼居胥藉蒲類以紆天
子南北顧憂令隨何不負恥顯文而武夫無所捧
腹則先生慘不得一當者可以持鬚扞頤而剖符
累封榮且不朽所謂壽親志者意在斯乎因爲之
歌曰泉之水遠流湯湯允矣君子純衣元裳泉之
水遠流灝灝允矣君子受福既多泉之水遠流漫
漫允矣君子祿慶無疆歌竟因與諸生三觴江子
標全集 壽文 卷之一 三十三

而別之作壽序

壽會稽沈學博文

不佞之杖馬箠出都門也比部弦室尤君與不佞
有桑梓之雅載酒而飲之郊且揚解言曰曩余濫
竽浙闈之役得士有沈生者雄文灝氣直狎大厯
以後而弟之雙眸炯炯神光雪燿與之抵掌談世
八蠻之大利敗如蝟毛犁平可指而數也顧效璞
屢矣未得一當公車茲且誦策八口設皋授易騁

騁之足視九州固寸咫也斗水東芻詎所稅駕哉
願爲我商謳而壯之不佞唯唯無何受事於越職
全未拂沈君旋擊枥至焉相視莫逆締傾蓋歡久
且彌睚卽一色一笑脈脈意傳燠麓珪璋之合未
足喻也適臯月之三日爲沈君初度凡我同官若
而人謀所以壽之夫壽者此有所祝彼有所受兩
般凝禧引之無斁乃稱壽也今沈君強齡茂蔚雖
暇抱咤南面青衿子猶然一白哲孝廉耳假令飛
觥錯籌陳鍾案鼓發幻眇於席曲賡岡陵之雅調
意非沈君之所受也無亦騰天衢以遠跡奮神虬
之光鱗翱翔清序結帶羣英紉熙漏緒廓恢鴻經
於斯時也俎泰華而不滿吸渤澥而幾傾撞萬石
以振響激二籟於齊鳴彼夫過屠門而大嚼者雖
亦快意其爲受與此孰多哉嘻沈君勉矣不佞且
助比部君張目也因以商聲謳退之鴛鴦篇一閱
爲沈君壽

壽惺南洪親翁八景圖文

訓壽之義口天人應與彌爾性則若取之受福祿爾康則若得之酬譬之飲者觚石斗鍾舉酬逸逸夫有所受之也彼激漿而醺餽槽而酌受既無地酬將安施則今之諛壽者是矣嫺戚初度瑁筵載開曾不問其所受謂何而動引疇之五福詩之九如稱觴頌祝聲歌無序豆籩不飭賓既側弁主亦吐茵以此語壽受與酬何居焉洪翁惺南予甥挺粹全集 壽文 卷之一 三十五

龍尊甫也東髮治舉子業郡邑試輒最而連不得志於視學使者及伯子挺龍采茹贊官翁輟然曰吾志有托矣焉用老蠹魚爲於是結茅椽兀坐其中僅可容膝啓扉而望遠峰近流若拱若揖寒暑晴晦皆足褰衷眺玩景會於心浩歌慷慨倦則頽然隱榻身世都忘乾坤亦幻夢蝶化蜺猶煩註脚何論卑卑鷗鷺營哉此其所受方且渤澥爲韓孟岱嶽爲般醢寰宙爲瓊幃運會爲旦暮觚石斗

鍾未足酬萬之一激漿餽槽無庸置喙矣蓋翁雖謝舉子業不治而性耽墳籍喜吟咏作詩不甚工多脫畧韻律曰吾適吾興耳咄咄休文何得以四聲錮我故笥鮮留葉而獨持所占八景相示卽余所稱遠峯近流拱揖而會心者也翁以日在斗爲七袞懸瓠之晨予甥挺龍繪八景圖分綴小咏踞而乞言予念里居與翁密邇圖中八景可割鼎而據也乃叱御驅馳不遑燕息而紫帽玉浦諸勝遂得全集 壽文 卷之一 三十六

全供翁几席予食指翩翩動矣因有羨於翁而後受酬之說以爲翁壽

壽林母李孺人九如圖文

乙丑冬長至之二日己巳玉琯葭飛黃鍾律應味淡聲希政林母李孺人設悅之辰余仲兒尚諧捧九如繪圖跪請一言以爲母壽余披圖觀玩少選醺之曰壽之義有三壽者祐也自天篤之則爲祐壽者酬也自人答之則爲酬壽者受也自身承之

則爲受三音遞轉皆壽義也當母之矢髦儀而植
遺孤也丁家不造閱侮狎至烝也無戎母茹荼鋪
永以柔濡堅忍砥而持之閱者平侮者息和几晝
扶日討其子於墳索茲且斌斌乎質有其文儼然
從長者冠履遊矣謂非祐之自天者耶林翁伯仲
折箸而居產殖不甚厚而規創恢廣用物宏多母
綜其黍桑之所出入而衷裁之贏縮約豐畢協禮
度而緩急需求則贈卹施舍無繫愆若設罇於五
稊全集 壽文 卷之一 三十七

父之衢時斟酌焉以故食其德者莫不曰仁哉母
也願報賜以力謂非酬之自人者耶母始稱未亡
人時襁負孺子寧官風中籀哉今則問學威儀
外攝於師友之磋琢怡愉齋牕內謹於甘脆之盤
匱母慈子孝姑貞婦順簾閣雍睦有倫有序而箕
裘遠業漸觀厥成謂非受之自身者耶天篤其祐
人答其貺身承其慶獲此三者故全也而壽之義
備矣乃九如者臣爲其君歌孔固也而以之壽母

不已奢乎雖然與奢寧儉敦本實也至於祝釐頌
美古人詠歌大都主于奢溢而不主于儉簡闕宮
之章曰萬有千歲眉壽未有害思齊之章曰太姒
嗣徽音則百斯男夫壽而萬也男而百也我未之
前聞也詩皆溢言之不嫌於奢嘗試就九如專徵
松柏彼其生嵯巖之下龍蒸而起與衆卉同芳及
爲颺颺之所摧剝雪霜之所凌厲草蔚木脫而冬
夏青青惟松柏獨也騰柯布葉蔭盈數十畝以斯
序全集 壽文 卷之一 三十八

一如證壽母三義取類詎不極肖而况五十春秋
日升月恒川源方至旣庶且增而和氣融洩薰蒸
醞釀麟螽振蟄山阜岡陵之福實惟日不足矣曷
云奢也余不佞三復九如載廢闕官思齊二詩敬
附於古人祝壽祝多男之意仁哉母乎賢哉母乎
幸倚几以聽而舉北堂舞綵之觴

序

賀南選君遷太常少卿序代

不佞嘗讀易至萃之二曰引吉无咎孚乃利用禴
夫注澤地上萬物歲稔於斯時也魚鱗雜襲咸營
八區則可謂已聚矣顧賢與愚交爲競上與下交
爲齟聚不幾於散乎而獨以一身衡于其間牽引
聯比闢闢塞之途調平通之軌進者樂其條暢退
者安於不能上焉釋其猜嫌下焉勉於職守此之
爲孚微妙周貫百條於焉受成萬靈亦於焉受職
者也故曰利用禴又曰中未變則理明理幽道無
極全集 序 卷之一 三九

兩矣我國家設官分職總之太宰而董之銓司士
之鱗萃仰流者惟是銓司參伍之微論太宰委心
以聽卽 天子亦虛已以用無中格焉邇來人才
風俗不逮往初天下之士無論賢愚皆競於求進
而急於自試其技下以急投上以急救之而未有
當也於是不得不緩持之下之人見上持之如此
其緩也進取之技益急而無所售乃過揣謬度設
爲不必然之意駭立魁於髮上見攫飯于煤中捕

影爲形域真以幻遂至滋縣官三至之疑選舉廢
開署列虛懸而銓衡之地倏用倏易幾爲懼府自
南君之在事也謂人臣束躬奉法致令主上不之
信毋亦蔽過竊譽以自贍其私不則盈缶之孚闕
如而第操其緩急以與天子爭於短長之數何怪
乎萃之難也吾惟取精於地澤內就而順外比而
悅濯精祓神以達善進賢爲務有可明白坦遂者
昭焉若揭日月有可徐回默轉者悠焉若挽江河

勢全集 序 卷之一 四十
要以開人主不信之心而潛銷天下不必然之意
故拜命以來夙夜孜孜是非採於輿評好醜決於
獨鑑功狀程其端木猷念綜其始卒因名課實因
能授官如置尊於衢隨人挹而酌之俾恩德一歸
於上而我無與乎短長彼自簪裊不更以至大上
造駟車庶長朝奏疏記夕卽報可向之廢閣虛懸
者不數月而茅拔鴻漸布滿中外則南君引而萃
之之力也用是得最考晉貳奉常 天子若曰子

大夫能佐太宰以序千官均四海則馮馮翼翼薦令芳寧億鬼神而函蒙福祉固足爲信君使哉早麓之三章日豈弟君子遐不作人而繼之以享以祀以介景福夫作人之豈弟行於祀享此幽顯周貫之乎而禴之所爲利用也蓋南君先乃伯父嘗秉銓軸以直道顯不果於大用南君恪承家訓純孝著聞茲所表樹其亦移孝作忠而竟乃伯父之志者耶不佞與南君從事久而徑樸不阿譬諸

禴全集 序

卷之一

四十一

草木於臭味爲近然則知南君之深者無如不佞矣故爲諸君申引萃用禴之說而賀之若此

賀左大方伯養初王公榮遷留都府尹序代

是歲之春南大京兆闕政府以越左伯王公請上俞焉蓋公蒞越僅踰載而其望業實久著於關隴之閒公起家縣令敬歷中外且餘三十年其在關中弼教保釐中正以率物和平以信度惠威協張剛柔致一適而行之布政優優迨晉而左轄于

越也越固公舊所參知拊循地歲比苗稂徵書蠲下公極力調劑其閒行其所知推其所欲濟考土劑宜程財平賦猶駕輕車而馳熟路焉以故昔年所經畫遂詒越百年之利賴今夏恒雨陽侯肆孽諸郡邑上傷告亟之牒繼于道當事者方爲將來杞憂公乃以便宜假司帑三萬金委命能吏告糴賑饑則所賴以濟於公而起之溝中瘠者以雲以霓奚啻一郡邑一歲月之爲烈也予不敏在告里居耳目時艱方以富范大業期公而公且召拜南大京兆行矣予爲輟然者久之會杭守臣王君某馳書幣願微不佞一言以爲公贈王君予會闕所取士也閒者過橋李謁予廡下則謂某不肖待罪牧吏之日淺而郡居省會居恒得朝夕方伯公匡其所不逮而質其惑竊自欣幸傳保如臨若不能一日不左右公者乃大京兆之命忽至安所得此長者而事之且 天子卽才公而欲嚮用公奚不

禴全集 序

卷之一

四十二

卽界公節鉞用鎮撫于茲土而固必尹也固必尹而留都也於乎是豈知 當宁召公意耶我國家兩都並建其交重若提衡越卽東南重地猶一陲耳三吳之錢穀日夜灌輸於司農司空猶巨渤之受百川納而不復吐也今邊賦額亟大役繁興度支告匱仰望東南之賦急若燃眉藉不獲名岳伯以刺畫其地爲縣官半壁計橫縱將軍國浩需而徒手應之耶王公爲右伯而三秦治爲左伯而全

榜全集

序

卷之一

四十三

越生其能固已見於天下茲留都根本輿區六曹諸司在焉 高皇帝神聖實式靈之詩曰京邑翼翼四方之極蓋重之重也必欲得一人焉以撫柔豐鎬之遺黎而錫國家之緩急爲東南諸侯倡非王公不可矣在漢京兆尹有二王之歌而包孝肅蘇子容皆以民譽尹秣陵流麗千古顯融大拜公行矣再稔而輯瑞如器肆觀闕下 天子褒嘉令績而三事而九列其掇之也彼南人之視公內亦

猶越人之視公南耳一京兆尹足以長私公哉予不敏伏公宇下忝子民之列因王君請遂序而歸之以爲公左券

賀越參知吳公榮遷長憲序 代

古皖本如吳公以江左璧與綺歲魁賢書聯掇上第出四明周先生門與不佞某有一日知云公起家神明令徵爲粉署清班而祝鳩而司馬而常伯寅清身數歷之上章之秋典文七閩一時得士於

榜全集

序

卷之一

四十四

斯爲盛說者謂季子觀六樂躬如觀火吳氏世不乏季子矣亡何公以越參知仗節駐寶婺開文經武緯治行爲諸道最會越長憲缺且久主爵者以公請 上俞焉而兩越憲使之命下越府臣杭州王君偕諸寅屬脩一介微予言以爲公賀蓋亦有以窺長憲之於司重哉我國家設治官甸國內外咸相準中有中臺外有監司固皆耳目之附麗而紀綱之司府也監司之職則掌察所部文武吏功

能毀最舉大綱以須攷黜陟逮巨獄論報得持衡
剖疑而輕重生殺之諸郡國吏所不敢決者決之
中丞臺治獄御史所不能廉者廉之彰善而彈惡
明刑以弼教樹槐叢棘之下業業乎職未易舉也
公故爲豫章宰哀鰥哲獄始噬肺而漸畫象賢能
聲四起其參藩越西也曙曙穆穆立乎不倚之塗
行乎亡僮之國而坐消荏苒撓捨于鯨海菁谿間
區區五聲八辟三刺無非制義庶孚也者以稱獻
擢全集 序 卷之一 四十五
決嘉石之砥焉抑又後耳今者自分部而長臬自
浙西而省會風聲已預及之越十一國乾墨吏固
當望風解綬去而赭衣鈇斧號于行者莫不引頸
望公至甦生之矣乃公歸然貞度百辟毋論旌別
淑慝幽明之道通彰瘡之政舉卽如邇者越風以
漓民雜五方習詭煽譎屬歲大勞繞旆亂俠邪
騰步之魁橫管器訟之蠹兔三狙四憑陵三尺而
翫爲奸要以公精幹仁質輔法而行越今駸駸嚮

化矣昔平陽相齊以齊獄市爲寄至其舍蓋公而
談相術亦惟清淨寧一之是侈焉夫清淨固葆身
淑世之善物也公慧日法雲九轉丹熟深於法華
而不爲法華轉其真以葆身緒餘以淑世異時衡
宰登壇總文武政刑而淨寧出之爲浴日中興第
一人而措天下於化國刑錯之風又奚有於耳目
之附麗紀綱之司府而屹然稱風憲臣哉南榮越
之慕道也百舍重繭謁伯陽璽若慈父以一言爲
擢全集 序 卷之一 四十六
譎饑予不佞別公之日久意公之道日益出業日
益微方將勤重繭而就問道焉以自優最矧辱僂
筆爲公役榮矣敢不拜命遂書而歸諸王君藉手
獻之
賀司李胡光六考最應召序
郡司李胡公考六載最績榮擢儀曹公蓋予不殺
同年友也則予於公有鴈行誼予有杭之役而公
理杭且數歲矣則於公有同案誼先是杭守臣缺

當事者微公署郡篆予至諸職事皆受成焉則於公又有後先相成誼乃予受事甫閱月而內召之命至杭士民相與聚族喧于道路謂胡公遷矣胡公信宜遷顧何乃致我父母予不穀則曰前事之成後事之師也不穀茲日無有師保而以父母何蓋在予之始受事也嘗謂公曰郡於今彬彬哉其在大夫士歌風蹈雅講德釋稅弁纓固林立矣而鄴里不有遨遊酣醺捍閑于紀耶豪右不有侵威

擢全集

序

卷之一

四十七

睥睨耶臺隸吏胥不有閔檢俱用而垢沔耶嚙醪之出不有訶冒耶許許不繁而六管不有橫調耶杭地四周賓旅織于塗絡繹供億不有漏卮僂沒耶而公則臚臚數計如指諸掌不穀嚙嗽謹拜手受令矣惟是方今吏道稱難莫如郡邑有司司理郡例官也獄訟讞決於職固有主然亦古通經方州得與守臣參校政事短長利病者也且焉中丞御史臺按郡國往往檄司李以從是司李一人耳

居一郡而耳目常兼乎他州與其旁近縣廢虞東濫寬虞骹微嚴耿子之介則虞稜峻開茹採之臚則虞竿濫稍睨上官意旨陰陽與俱則虞脂韋且上虞耦猜于臺監司而下虞睽貳于列邑賢豪令斯固難之難者自非通才達質不練不競率歸于正直平康如胡公者烏在乎勝其任而愉快也公前後在事折獄而獄哲署郡而郡治從臺使者驅車四履而四履肅清吏之懷也有餘畏焉民之畏

擢全集

序

卷之一

四十八

也有餘懷焉諸一切捍閑侵威閔檢詢冒橫管卮僂之事以蜩集而公以寡解靡所薄水藥臚官袞右閭右左閭左而不佐元元之急也者蓋自是而公廉能辟騰凌四起上獲而下信之矣今且再三載績上考奏最方行而掄擢薦嘉在昔韓碑主旣高第始授仕而卽司李開封且日汗浹背儼劫毋怠京尹王博文重之曰若要路在前而爲理若此真宰相器也呂許國坦夫人推其有宰相材亦類

川司理實始基之今公以名進士起家理官受徵書應橐筆侍從之選天子方渙然更新脩勵精初政有如昧爽坐井泉宮召問胡理臣六載賢勞狀上之端揆而揀爵人之柄次之青瑣花磚彈壓桓劉而以韓呂之鼎鉉事業期公命寵斯皇日可俟也區區儀曹郎又何足爲公償哉公行有期二三大夫相與謀爲公贈以予不穀嘗先一日知公屬脩贈言夫予之與公鴈行也而同案也日者後

楊全集 序

卷之一

四九

先相成而契濶有閒矣方惻惻然毋爲後事師而殊自失於此又安知所以贈公哉乃公之治行的鰲上獲下信章章如是則邦人士類能言之微獨不佞矣因相與和歌賡舍脩爵而祝公歌伐木諸大夫歌彤弓最後王生不佞起而終頌奏雅歌穆如之清風以別

賀施四明公祖守漳滿三載考奏績序

今主上神聖嘉惠元元振側吏治每登襄郡邑

師帥之臣以風厲天下意蓋殷殷云其在閩列郡編錯半麗山徼半麗海壤山徼者姑未論海壤之郡四俱倚海爲外戶而泉與漳織膏治生魚鹽舟楫盤桓海上直視若睡榻耳往隆萬時鯨浪不吹長吏用慈和撫柔之臥赤子於風濤之上樂其生業故見德捷而報最易乃者末流波靡奸僞滋萌隄隄于穴蟻網漏於吞舟些窳傳寬則見以爲養廉察淵鋤梗則見以爲烹鮮計慮太銳則捫彈而遠索彘圖迴過緩則逸虎而後關弓彼繞指而我壯頰則悠悠者漬其媒孽彼掉舌而我塞兌則噍噍者騁其萋菲于是綱罟日疎上旣閒於生民之術亂繩不解下亦喪其樂生之心而守郡者欲以閩閩稱最難矣雖然不足難吾四明施使君也使君以名進士爲起部郎分董三嚴之役飭材節費著有勞績主爵者廉其賢簡除刺漳四牡駉駉道經溫陵以不敏某向較士二洞受脫穎之知式廬

楊全集

序

卷之一

五十

脩幣因繫白駒信宿問其何以治漳也則拱揖言
曰天地之大德曰生雷風雨暘鼓動潤燠四時之
吏孳生之佐也守佐 天子牧小民亦求所以生
之而已禹稷由已飢溺莘尹恥內溝中急民生也
守敢不急民之生而顧腹民以生乎某聞其言而
慙之既抵任周咨廣詢夙夜以思凡一號一令一
規一畫悉自匹夫匹婦性命巾置腹推心聚欲去
惡要於生全無憾而後即安蓋蒞事不朞月而四

榜全集

序

卷之一

五十一

履昨隸舉喜色相告曰新太守實能生我而來慕
興歌充充然溢於五父之衢矣亡何旱魃肆虐騰
畝若焦使君夜宿神祠晝勤步禱不乘不蓋憂悴
劬勞爲民請命已而妻淪沾足禾黍勃蘇詎意祝
融爲祟燎原之勢不可嚮邇使君叩天默祝守若
不德寧燔乃躬須臾風反火滅公私廬舍藉以獲
存者如干阨卽有毀者勞來賑貸撥日作室堯棟
依稀新豐之舊嘻異哉災以旱而能令其民不饑

於塗災以火而能令其民不燼於居使君所以生
漳者侈矣不寧惟是先是海氛孔熾焚掠海濱無
虛日使君曰此釜底遊魚耳敕屬縣嚴保甲繕戈
矛料丁壯勵勇敢又於郡治築二子城控扼要害
陣堞崇屹如虎豹在山之不可犯賊怵惕使君威
靈相戒不入漳境當事者亦訊漳守之長城足賴
也借箸籌策撫其巨魁殲其逆孽餘稍稍潛踪散
遯而海壤四郡漸復生業庶幾隆萬晏堵矣豈獨

榜全集

序

卷之一

五十二

清漳億萬戶舞歌怙冒已哉茲且拮据三載循例
報政中丞御史疏薦治行第一功次臚列大都稱
嘉惠元元至意有如 天子按漢故事賜金增秩
召入爲司農卿或尹京兆試質以治民異等何狀
使君拜手稽首對廳君父母亦曰民國本也臣求
所以生之而比專厲強壯繕氣驚悍立威固無足
道卽語次尋釋問地參考聰明識事莫知繇出亦
非臣所能然則爲治信不在多言惟急民生三字

力推行之雖禹稷莘尹之烈何多讓焉施使君嫻於文學作興譽髦華質斌斌諸不具論論其力行所急者如此

賀閩人公祖別駕奏最序

今戴維垂纓之士翹然以才自命者大都藻績矜飾急於見其所長薄收聲譽而厚覲功實僣而得之則快遂盈胸顯躋于古賢豪之列而居之不疑僣而不得則色沮氣奪嚮之藻飾而外炫者聊類

釋全集

序

卷之一

五三

放摧毀而無所於歸此無本之學術所以僥倖取蹶而竟誤人家國也余不慧壯歲遨遊嘗汎彭蠡涉淮泗度錢塘躡屐探蘭亭禹穴之勝因釋鞅秦稽設臬講易濶東子衿脩禽華而負牆者若而人余爲之首說乾坤卦義曰乾之象像龍而德以健稱坤之象像馬而德以順稱何也蓋凡物之飛迅行空者莫如龍騰躍行地者莫如馬龍不健惡能行空馬不順惡能行地士亦人中之龍馬也不健

而順惡能修身而行於世故乾坤兩文言一推本于學問乾則寬居仁行健德進矣而惕於可上可下之際以無驕憂坤則敬直義方順德章矣而含其地道臣道之貞以從王事用是不失其正而以大終則學問之力也豈其本之不立徒藻績矜飾於外而僣倖聲實也乎哉吾郡別駕公祖閩人貳宗先生秦稽士也每過余論學引舉易義相證始叩之若萬石之鍾不以尺莛發響中則鉅音遠韻

釋全集

序

卷之一

五四

若天籟隨衆竅而號已則還返太空杳然漠然而一無所闕蓋深於易學者也生平宅心以寬視躬以敬臨民治事則衷仁本義而輕重措之其刺吾郡也醴郁美政不可縷述乃其剏繁定傾之才尤人所未易及者歲在作噩郡僚屬多闕先生綰攝數篆適持斧督學之使輜軒相踵百冗紛沓不啻蜩毛先生周麾而環應之大輒小窳駢然奏刀恢乎有餘閒焉往秋有羣不逞譁張爲幻狂謀相煽

幾欲竊弄潢池而紅夷蠢動以矐矐跨據彭湖狡
焉叵測時郡大夫從政方新先生借前箸爲之決
策曰夷患在外民憂在內外患緩而內憂急急者
解則緩者自銷矣於是飭保甲謹城守繕器械緝
奸詭嚴海禁豐積貯皆身親任之夙宵綢繆不辭
勞瘁卒令狂謀解散紅夷不敢睥睨揚帆而遁嘻
藉令微先生蚤計百雉郡城數千萬生齒安得哺
餽嬉遊晏然處於此土哉夫先生非以才自命急
樹全集 序 卷之一 五五

請而載拜稽首以賀
重脩紹興府學飭材序代
教化國家首務也善爲政者恒致重焉然學官所
以崇 先師造多士乃教化首善地尤不可任其
圯而莫爲之脩者我 昭代命天下郡邑咸建學
有司歲時脩飭罔或廢墜俾廟貌常新爲諸士子
瞻仰重所制也自鄖陽以還學構變言者謂有司
不得擅脩勑建請著爲令當事者咸格於禁弗克
樹全集 序 卷之一 五六

見所長者也而剝繁若簡定傾於靜聲譽聞然弗
耀而功實退焉不居是遵何道耶蓋其寬仁敬義
潛養素豫處上下而不驕憂得乾之惕從王事而
弗專成得坤之含信設學術有本非藻飾外炫者
所可同日語也茲以滿三載考報政當事者明徵
最績徹于 帝聽綸命寵賁朝家自有彝典無庸
贅敘余特推本先生之學問所以脩身行世不失
其正而將以大終者如此遂因李君某王君某之

舉而學校日彫剝不治我越庠迄於今有岌岌將
圯勢矣溫陵王先生以名進士振鐸吾越見學宮
歌闕惻然不自安首倡鼎新議上之劉郡公郡公
適當蒞政始謁廟擊日嘆曰樸棧作人菁莪造士
師帥之謂何忍見此荒蕪狀也卽以興起學校爲
已任謀所以經營之初不以時禁格知所重也但
苦于時訓慨然割作爲飭材費然值時訓尤不足
以當三分之一所以協贊其美而共成此舉者不

無望於同志諸士子也義山陰邑庠圯予師焉侍
御公嘗董治之棟宇一新孔曼且碩王司教授往
例屬不佞首其事不佞不敏然嘗監厠府庠曷敢
弗任其責况叨令丹徒時曾改學而新之胡獨忍
坐視於鄉校也且慨近來二氏之宮徧區內金碧
髹堊費多不貲而人皆競爲之勸吾儒廟學可任
其漫漶已耶同志諸君子必有嗇於彼而獨樂助
于此者故敢爲之僭序

琴全集

序

卷之一

五七

潮士縵弦錄序

余不慧以辛亥冬奉簡書視潮東西學政時則
場闌燃眉亟矣蒼黃趣裝枝梧鉛槧冒霜露忍飢
渴窮晷達曙不遑寢沐蓋閱月者七列郡之舉額
始有次第而諸士抱瑟曳裾麇集郡城以待蒐狩
者八千餘人不慧分期料數而校閱之壹董以巡
行正課法烈暑如金閨蚤成雷短檠燒膏手披口
吟琴瑟如也曾不循故事假半幅於諸文學大夫

琴全集

序

卷之一

五八

而所甄拔頗符汝南月旦士亦無赤水遺珠之憾
鳴鹿三賡嘉賓式燕旋有武闈之役旣告成事復
負笈遊歷歲試焉雖輓轅未徧而二潮人文桀可
睹也於是哀三載所校藝目選授剗剗而題之曰
潮士縵弦錄夫琴瑟一技耳苟指聽於心心動乎
氣愉而撫之則曄緩之聲應薰風徐來祥禽翔舞
怫而張之則噤殺之聲應元霜紛霽淚鶴怨驚甚
且宮徵之變震盪河海泣怖鬼神此精專之至能
安弦之效也而要自操縵始然則學亦如是焉耳
今爾浙士所爲文目佃意漁者見其環瑋壯麗豪
宕美秀大都原本山川而籍籍欣豔之乃不慧憑
軾而觀錐觚之闢登壇按劒旗鼓不好者固自不
乏間有蜚瓠先登俄而乞歐城下何也毋亦雄傑
奇穎之氣得於地靈者多得於性靈者寡歟得於
才質偶合者多得於服習有常者寡歟故余願爾
諸士習而操之也操而能安則滌角流商卽清廟

明堂之響也操而不能安則一日所奏詎不泯泯設更端再鼓恣憑縮胸慮不動閭丈人之聽矧知音者耶然而士稱太上不朽又不繫雕蟲小技爲者將余操綬安弦之說亦贅髦也乎哉

丙午四川鄉試錄序

自昔稱人才之盛者遑遑游之天精之所函賦地靈之所鍾毓以爲若有神焉行於其閒雖清淑粹美之氣厚積勃發理有固然乃論材之意抑何遠

綱全集

序

卷之一

五九

也蓋國家之需才亟矣熙帝寧王非士不可然千里而一比肩累世而一接踵索之恭殷遇之恭難故顯而微之明而幽之如元鳥兆禹帝震棄嶽降生申莫不要厥終始嗟嘆咏歌俾人主知所自來之不偶而漸育造就以完其材而畢其用云爾顧臣不佞有感於西蜀人士則置幽微勿論論其明且顯者試以易徵之易之震動也得天一而象雷巽入也得地二而象風是二物者屯屯殷殷發

於重蟄之下青蘋之末奮撞披瀝能令百嘉萬品芽茁昭蘇犁然而貢諸區壤此造化之恒也聖人取以名卦而著之繇曰聖王久於其道而天下化成今我皇上組纁元黃軼駕姚姒游息於混元之官經營乎無爲之業履衆美而專妙懷神明而潛居雖他政時有操舍而獨篤意作人鼓躍不倦菁莪樸棧之化蓋三十四禩如一日焉以故四方之士湛涵道德佩服仁義斌斌乎應運響臻卽蜀士僻處西偏平而感氣風雷人文斐亶責若草木輒與寓內競爽今其尺幅具在披而誦之則炳炳琅琅流羽引商宅於醇雅斯不亦久道化成之效甚顯明較著者乎然是恒也天地以之貞觀聖人以之貞一君子以之立不易方故得兄斯可夫子有遐思焉非有恒難也恒而處盈虛泰約之際其所守恬然不波是爲難耳諸士居常動以作聖自命何論有恒第華門圭竇無所紛華柳下季之鼎

綱全集

序

卷之一

六十

居然無恙也一麋鹿幸以後行且肩踵相從出而爲天子使宦脂世賦日相加遺浸假而腐鼠嚇之浸假而市虎譖之浸假而羊腸墮塘倏忽遷改而怵迫之當斯時也能自信其履素樹惇去盈去泰遊乎方以內而物莫之能傾耶蓋立必有方如制器之有規矩也倘規矩而改錯競周寧以爲度浚恒者深營於始交振恒者躁觸於末路則二三其德是謂無方之民非有方之士矣兆云或承之

樗全集 序

卷之一

六十一

羞豈虛也哉臣職在治穀請以穀喻夫猶之穀也隰朋謂其內甲以處外刃中城不敢自恃者可比於君子之德管夷吾謂其少而响响乎孺子也壯而莊莊乎其士也成而由由乎茲免也天下得之則安不得則危爲可比於君子之德夫二子之論芒乎大矣然皆其德之恒也藉令穀戾其常倏變而爲瑞芝芳蒞倏不可餐噉不可饜人其有不目攝而妖之乎何也蒞與芝非穀之所恒有故也故

臣願爾諸士守穀之恒而比德君子令天下翹首跛足而望之曰夫夫也是固安危之所倚也不願諸士飾巧翼爲變穀而爲芝爲蒞匪直無損益於安危之數且以驚世而駭俗妖孰甚焉抑不佞嘗見主司之醜士也臬臬戒懼若墜淵谷雖言人人殊大都欲其有所局鑄鞶鞿於此而無所嚇謹怵迫於彼故不憚諄切叮嚀以尋息壤不然亦奚取其音之曉曉也臣不文不能藏三牙哆三足以樹

樗全集 序

卷之一

六十二

頌頤又不敢視寶典爲懼府多設不必然之辭危其寔尾而厖厖舉易之恒爲諸士辟呬爾諸士得無謂是齟齬時業所受於外傳者而猶然劍首一呬乎然臣觀周官曰其爾典常作之師皋陶之陳九德而曰彰厥有常吉哉恒者常也常固可師而君子脩之則吉者也諸士誠墨守典常不易其方異時者入官載采用成稷禹市中之功以熙帝寧王使詩人頌之以爲藹藹吉人媚于天子而以引

以翼至於弗祿爾康純嘏爾常而爲百神主則臣
所期收一德居貞之士以對揚顯命者其徵也夫
昔程正叔在蜀聞未濟三男之說而喜溢眉衡臣
之說恒亦與說未濟者類耳薦紳先生或有輟然
而喜未可知也若乃原本山川稱引達哲則前人
之物備矣諸士盍鏤諸佩觿出入三觀

癸丑浙江鄉貢齒錄序

國家造士歲遣使臣巡行郡邑錄茂才高等而錄
擢全集 序 卷一

之譽官彼其感會風雲鵬搏鯢化者蓋斌斌矣乃
間有數奇螻屈株據一經齒疏顛蕭猶然勉勉弗
倦則遴而題其甲乙拜獻于 天子之廷命之口
貢貢者以下奉上之謂也不羽不角匪與匪瑤第
取夫纓縱管觚壘壘然而充包匭夫豈故事是循
亦將有所用之焉耳余不佞濫竽二浙學政壬子
羅棘之役搜揚選舉以應弓旌普而燕鹿高者九
十人茲所獻士復得八十有七雖視之鄉書額損

其三然依稀乎麗於嘉賓髦譽矣且也聞見多則
識慮遠淹抑久則性情固閱鍊深則幾務熟且聯
翻結綬翱翔亨衢操瑟鼓而合聽抱璞剖而見珍
大用之瑚鼎之重小用之皋鐸之選也叩闥三尺
名列五科坐策決疑殆尚少壯寧以夜燭之光遂
不如人祇自托於遠遼退讓耶子言之當仁不讓
于師夫師不讓則勿問友矣師與友不讓則近爭
矣顧是爭也爭以仁也無畔援無歆羨町畦不設
犄角都融職事勞能爭云淬礪節烈廉貞爭云矜
奮寰宙胞與爭云荷擔顛連蹄頃爭云扶植三旌
之貴萬家之都輕若蟬翼曾不足以當吾一盼矧
錐刀瑣瑣云乎哉噫孰知夫不讓之爲讓也爭之
爲不爭也爭在當仁則其爭也君子又何讓焉諸
生勉矣若夫鴈行肩隨盤辟罄折豈其儼賢宮者
若而年未睹斯旨猶煩余負劒辟呬爲也諸士齒
錄成相率乞言爲序余懼其怙於貌競于衷遜於

擢全集 序

卷之二

六四

步趨而併怯於道德也故舉爭讓之說以廣其意而弁諸簡端

浙江武舉鄉試錄後序

在功令武闈遴士輒繼鳴鹿而舉無濡時也適二浙以監臨主者未有成命曠焉以待越癸丑春侍御呂公始奉簡書持斧行部至之日布飭條章董悉內外招世胄材官及十一郡勇力技藝子弟設鵠列棘三試之籍士如額登之司馬錄既成學臣

榜全集

序

卷之一

六五

例有言綴于末簡夫學臣以文殿最多士者也武則不競而越俎掀頤毋乃覺人言步貌諸孤言孝乎雖然嘗聞之矣曩不佞某備員金部治餉上谷權料之暇坐而聽二三武臣談說兵策奇與正相生陰與陽相覆敗可轉而爲功弱可奮而爲強固纚纚然足述也頃之虜騎遊獵逼近西塞偵諜報急大將遽請移師境上檄借部餉以共武服不佞笑而止之曰鷙鳥將擊必隱其形彼么磨小醜突

如來之虛聲恫喝邀市賞耳第令沿邊申警至遣一偏裨遊兵以佐緩急將軍居中毋動動則鎮城示弱設虜出不意乘閒擣我何以待之且司農金錢非朝請不可得因白諸當途莫有任其無咎而大將行矣竟不見虜一面空行空返未足明漢兵雷雨之威而費邊庾餼備芻茭如干筭然則談兵非難惟事在於耳目之前而機決於成毀之後是爲難耳今浙諸士之挾藝而前也以驟蹄截鶴

榜全集

序

卷之一

六六

則賢以勁臂貫蝨則賢釋其弮韞授以觚穎劈畫情勢規圖矩畧則又賢詎不家衛白而人廉李哉然騖孺子之聚而娛也塵黍土截踐列掌踞乃日暮必歸饌方可以饜果然之腹鏤木爲龍飾以鱗介張其爪翼望之翻然欲飛而翔也卒不能升霄據灝興川岳雲雨者何也貌有其華而用不當實也諸士之貌華矣主司業既擷其華而直欲茹其實矣設南北有故赤白之羽如日如月旁午紛鷙

急在南則用而南急在北則用而北果能以下瀨
餘鯨天潢飛江乘風破浪築鯨鯢爲京觀乎果能
舉烏桓之旗鼓姑繒之壁尸日逐刷龜茲持尺組
繫單于而制其死命乎吳越四履之境倘有駭鹿
奔竄走險弄兵予之偏師禡社以出果能冒矢蹈
刃奮身敵愾計不返踵滅此而後朝食乎如是乃
稱熊羆之士不二心之臣用諸身爲實事功用諸
國爲實勲勞侍御公所與諸執事三令五申亟亟

樗全集

序

卷之一

六七

於干城腹心之真材不欲其以短技巧合冒長詭
離者意在斯也不爾峩冠長劒巧矜容飾藉叢灸
熱巧植輿援吸髓剝膏巧營貲橐髡樵馘僵巧誇
勦伐名浮於實用寡其効卽乃者策駃騠挽參連
展盈尺之幅搖三寸之錐推明奇正陰陽之法反
復功敗強弱之變不過騃孺子之塵黍土哉與木
龍之鱗介爪翼而已彼其巧而合者非真合詭而
離者乃真離英雄蕭斧且磨礪須之矣于干城腹

心何有哉故予願爾諸士如長者言直以真之一
字奉爲儀的時勿問夷險遇勿問升沈責勿問鉅
纖事勿問利鈍鵠張的注惟力是視必箭箭中此
紅心無失毫末而後真材長技不愧免且慎毋空
談無用如不佞在塞上所聞懸置之耳至今猶惺
惺於往事之不可追也敢以是告諸誅韋君子

重修龍塘王氏族譜序

先是我家宗譜之脩也以萬歷己卯季秋重九告

樗全集

序

卷之一

六八

成于始祖墓下某嘗僭言末簡勸誠備矣烏免如
駛倏轉盼幾五十稔少者長壯者衰耄期者凋謝
後生育鞠嬰提襁負未綴於帙者若干指某命諏
諸二子按舊圖法例哀而輯之又選材鳩工營創
祠宇堂構旣飭譜牒亦竣敬治珪幣句序於翰林
院修撰莊羹若君策茲長至奉譜告廟是日也犧
牲博碩籩豆孔嘉羣昭羣穆隨肩踵武駿奔旋折
儀度不愆祭畢而燕辨髮微齒亦旣醉飽小大稽

首鐘鼓莞馨和鳴雖離某肅恭將事躍然以喜復
瞿然以思其躍然喜者何王著姓也侈談王氏譜
者不誇太原則豔瑯琊而吾譜無所稱引第斷自
七致正公爲始祖邇始祖而來至於今十有四世
矣大都孝弟力田用世其家開有以文無害博斗
食之官者一二人而問詩書觚頽之業致身通顯
者猶寥寥也此豈祖德之未懋地力之不靈與蓋
祖氏初遷錯介海山渾龐顯樸局於視聽後乃耳目

粹全集

序

卷之一

六九

漸啓師友規磨人文日新有十一世孫諱萬者破
荒而起登癸酉鄉書時某尚溷迹羊豕見其揚眉
馬上欣然慕之發憤下帷符菟執圖遂以義經占
甲午解頭成戊戌進士服官中外鞠躬盡職邀
三朝寵命馳封載世光昭我公族譜系而幸有今
日感舉也則如之何勿喜其瞿然思者何一人善
射千夫夾拾舉重物者前唱于後唱唱則迅疾若
驟鼓赴之勢然也乃萬已先登某復賈勇捧盤按

竊竟於囊絃爾曹青青子衿賦小戎歌駟鐵且歷
行矣而中權後勁者猶寥寥也此又豈祖德之未
懋地力之不靈歟意者夾拾弗豫後唱寡應矜銳
者毀律而左次脆窳者方鼓而氣竭彼成師拜賜
高築京觀者果何人也則如之何勿思思之思之
又重思之力田者固斗食者卑砥志奮心詩書通
顯人人可以自致今而後趾美颺芳輝煌甲第聯
蟬滿座置筭盈案而公族譜系重益光昭喜又可

粹全集

序

卷之一

七十

知矣何必稱引太原瑯琊作王氏譜侈談哉於是
三賡瓜瓞之詠什襲宗譜而秘之櫝中

龍窟洪氏族譜序

泉郡城中多右族問其譜例大都髣髴蘇歐遺意
從城南偏邇迤三十里許曰龜湖櫛衆折爲邨落
是不一姓各脩鉅艾觚頽之業以世其家而龍窟
之洪龍塘之王兩族對峙岡勢蜿蜒如龍一踞其
腹一抱其首故里名因之而婚姻盟好遞相及也

稱秦晉焉洪氏世有隱君子載其令德以保後生
則今大令某尊甫龍泉與予壻岸生某尊甫星南
其人也星南壯時心意道上嶽嶽然欲矯翼而摩
青雲乃蠖伏弗伸僅以君陳孝友施政於庭內如
營構祠宇增拓祭田續纂諸牒皆政之大者諸旣
成星南衣冠帥二三子衿請序於予曰族之有譜
猶水之有防也水積善潰堤防築而廣袤隙穴捍
塞必固然後奔者注者激者射者皆有以過其衝

樞全集

序

卷之一

七十一

砥其瀾而無溢決之患族積善逸譜牒設而別嫌
明分纖悉必嚴然後敏者鈍者慧者懵者皆有以
鎮其浮誘其倦而無頹放之虞何者父兄之教既
先子弟之率自謹也然譜豈易言哉援附巍顯則
有遙遙華胄之誚遺割孤賤則有葛藟終遠之刺
螺贏負祝則有節莒瀆冒之譏若然者譜不譜矣
吾宗斷自石縵公爲始祖至七世不令交瘵忿不
相下分爲東西譜奉一祖而執二鬯非禮也今合

而聯之兄弟昭穆倫次辨哲蒸禴灌獻無敢後先
庶幾哉可以告我先公而無罪悔乎予聞之蹶然
起曰懿哉斯旨實獲我心夫借水爲喻是取譬之
近也聯異爲同是統系之公也不援貴而遺賤不
冒似而溷真是脈派之正也取譬近則教易入統
系公則志易孚脈派正則傳流遠而不攜物備矣
卽蘇歐兩公所以勸誠其族人者又何加焉自是
而子孫千億繼序不忘得志則策駿豎鴻以光祖

樞全集

序

卷之一

七十二

考不得志則抱樸履坦無忝前人天祚厚德有所
底止將與郡城右族頡頏盛美永永勿替而我龍
塘王氏亦以婚姻之故玉帛犧牲狎盟壇坫其藉
有榮施也百世而下猶一日矣是爲序

徐匡嶽老師春秋訓兒經說序

說春秋者無慮數十家言人人殊旨自謂手握靈
珠口宣元鐸演素王之嫡派契麟篇之與旨然矛
盾並舉而堅銳互攻枘鑿互持而圓方各適其說

闢繁其意彌晦則何以故蓋聖人作經之心三代
直道之心是也三代直道之心夫婦知能之心是
也見一善莫不祭於頤頤見一不善莫不廢於齒
牙彼其好惡是非隨觸而發至愚至公如矢如繩
古往今來共此直道共此人心卽聖人能獨異乎
聖人以其不能獨異之心因魯史之舊文而寄其
筆削民所曹好從而之民所曹惡從而非之如
郊望雩社盟會征戰錫賜殲殺聘逆歸至之類據
傳全集 序 卷之一 七十三

事直書而褒貶自著當是時文學之游夏負藉步
趨不及贊一辭者非不能贊也親見聖人之修經
深切著明無容贊也故曰吾之於人誰毀誰譽斯
民也三代所以直道而行直則爲是非枉則爲毀
譽知我春秋罪我春秋只在直枉之間耳乃說者
增凡例曲生揣摩分難易於臆解別異同於時
日就片言隻字刻畫杜撰窮微討幽不啻若刑章
格律絲毫比鍛鍊綴繞幾於不可方物嗟乎聖

人以春秋爲直道之書而後世顧以爲是非可枉
之書乎吾師徐夫子躬先知覺倡闢道學以正修
爲準的以文籍爲津梁而尤精研於春秋嘗手授
見說一編且命之曰聖人以義裁事以事垂戒學
者要須平觀聖人筆削之旨破體例之繁庶幾有
當于聖心小子某受而卒業則見集諸儒之論辨
而折衷以已意訂其所未合并其所未備盡掃其
揣摩增剗者一歸之於大雅噫吾師之所謂大卽
傳全集 序 卷之一 七十四

孔子之所謂直無作好無作惡無誰毀譽是是非
非與三代人心章徹合併炳如日星善者以勸不
善者以懲懲而至於亂臣賊子且惕惕然懼此豈
洙泗典策微文損增逮足使之懼哉彼亂賊者初
亦匹夫匹婦也寸點靈怪直道不泯還顧無父無
君之心悖經逆倫神悸膽喪不啻斧鑕之提其胸
則安得而不懼耶亂賊之懼懼於作春秋之直孔
子之懼懼於作春秋之枉其心一三代直道而行

之心也吾師之說春秋意在斯乎意在斯乎小子
鄙不能以僂僂之微測洪濛之大敬拜繹師訓而
綴數言於末簡

蜀中楊四明會課序 代

夫會之義何居乎釋者曰會者聚也聯肱交臂任
患分甘豈其不聚然而幾於比矣扼手吐肝微騁
調諛豈其不聚然而幾於嫚矣聚而比聚而嫚則
聚之蠹也奚以會爲在易有之感必以心去其心
標全集 序 卷之一 七十五

而爲威悅必以心去其心而爲兌故執隨騰口來
往憧憧會不如居貞之寡悔也彼來此引商度未
寧會不如介疾之有喜也對喜爲憂悔亡則吉咸
兌之交損益之故皆於合焉係柰之何可勿慎耶
溫陵公奉簡書視瀾東西學政條教灼章著於琬
琰尤以會課爲重討諸士而申之疎數有期少長
有次勤敦有規而又命長郡邑者弁其文於首噲
物備矣慎志在爾諸士寧爲無心之感而貞無有

僻心而比寧爲無心之悅而介無有惱心而嫚豈
惟爾諸士實受其益不佞抑亦有盈願焉藉第令
闕妍競奇巧獵聲價不咸不兌憧憧未寧以聚爲
蠹而淪於比與嫚之歸此非公重會課意也竊爲
爾多士恥之矣

紹興劉郡伯會課序 代

某不佞承乏越郡則溫陵洪公實董學政諸所訓
戒規束犁然具矣乃會課尤拳拳諄切云先是董
標全集 序 卷之一 七十六

學政者壹以正文體釐士習爲務顧會課罕麗於
約公獨謂會課者文體士習繇以端頗而抵其責
於師帥嗟乎公之嘉惠我人士者不淺矣語曰蓬
生麻中不扶自直白沙在泥與之俱黑蓋漸靡使
然也於越山水秀爽人文蔚興東南之美信非直
竹箭矣然而崇實黜虛造士往往稱效焉今夫索
居成癖麗澤允孚諸縫掖業以伐木嚶鳴羣綴類
牽俱爲繫名第少長而籍之有司矣是豈區區塞

故事已平聞之娛山水者機觸氣隨內投外適一宿體舒再宿神靈三宿以往且頽然嗒然莫知其然而然矣多士相與應物稽疑敷珍擢藻儻不辨不新今日猶是也明日亦猶是也則無取于會也河籍猶惜蒙心未瑩而談滑稽卒多從吏按策誦之不啻腠腧負牆而起乃目攝而腹腴者有焉以若所爲肝膽楚越耳則無取于會也古之學者稱身通六藝今輦輦紛紛其于身通何有甚或飾膏

榜全集 序

卷之一

七十七

黛倚市門幸得當寒脩將一唾而去之若果核然則無取于會也卯毛龜角張浮駕游旣曼衍而無家卽有志之士跣跌兀坐輒詫元門稍有片解便爲密證姒義彼嶽嶽而此折角不已競乎若然則何取于會也凡此皆虛之爲也故某願以崇實之意進爾多士誠能蒨洒夙習奉會課之約而相率砥脩之使人與山川競爽而東南之美視昔有加是卽學使者所謂三善備而且爲師帥者逭其責

也多士慎勗哉毋怠

吳斯協淬劍草序

客有坐而談劍術者曰吾劍用之足以刺兇斷犀激霆掣電跋而韞諸匣也彭彭有聲觀者如堵牆然竟瞿目縮胆不敢逼而發也顧安得善識劍者請試焉予聞之輒然笑曰嘻奇哉在匣而鳴未覩若驚彼昧然者唾之矣且又誰爲遘耶今夫吳千蜚景竅翕混元之精籠神鬼之魄其動靜也其開闔也其飛而伏伏而飛也莫知其所由也斯劍也無聲之聲不用之用謦乎大哉何啾啾於五父之衢而以請試爲吳生斯協予同門年兄從子也氣凌風霜才挾盧曹有制義若干首以淬劍名篇而請序于予予不欲吳生小用而以彭彭聲駭里耳也則爲之敘其文而與之說劍

榜全集 序

卷之一

七十八

慕蓼王先生櫟全集卷之二

六世從孫宗敏爾



序

題蘭谿黃先生手稿序

憶士挾策家食時輒憤發不得一當耳及微寵靈
紆章綬且束皮嚮所披咀而土龍芻狗之矣百妍
不售一青見放則又睚眦九折沮然弔傷招魂借
以洩其懣鬱不平之竅嗟乎悠悠世代夫何屈買
櫟全集 序 卷之二

若是多也不佞承乏於越每與蘭谿黃君扼腕譚
之汗淫淫至踵黃君因出其曾王父老先生手稿
示不佞其編首則初筮奏牘也溫厚惻懇鑿鑿可
見諸行卽文視屈賈有軒輊乎要以通達世務議
斷國經一篇之中三致意者豈多讓焉若夫詩歌
雜體大率賦去來後所作爲多而幽閒坦逸怡情
傲性絕無幾微懣憤不平形於鳴籟飄飄乎有嘯
風弄月之趣至顛白如一日也先生位不配望用

不竟志而進退之際卓爲世儀今手稿具在取而
讀之如見其人蓋奏牘彷彿屈左徒賈太傅而詩
歌雜體蕭散冲澹發于自然則庶幾柴桑氏哉余
旣序先生之文且將問吾臨汀二三老子弟跡其
遺業爲賦甘棠云

宋弼虞年兄制義序

聞之曰雕蟲小技壯夫不爲夫抽黃對白娶絲妃
青樓撫禽魚畱連花卉究乃勸百諷一淖溺人之
情性而不能自曙則雖披秀振藻曾何益殿最哉
若夫翼經佐傳扶微通幽旣濬發于巧心亦不受
嗤於拙目縛旨星稠綺章霞燦方將邇關洛挹義
似孕宇宙之神理而往來揮灑之是未可槩以雕
蟲之技爲壯夫之所恥也我 朝家以經義羅寓
內士士之業此進者茂實英聲鵲起中外縈縈矣
乃人自爲寶宮徵相彈納鑿互抵甚且斥經義而
第之曰此魚兔筌蹄得則唾去之矣果爾則向之

鼓篋遜志潛思力索至於待旦而忘食者竟安在耶吾友弼虞宋君三吳奇儻士也垂髫時爲吾鄉心湖李先生所物色今年春與予偕試春官如岡陳夫子一顧而兩收之因讀弼虞君鎖棘三戰之文茫然內嗽續貂以羔不亦慙乎猶未厭也迫索其奚囊得所爲制義若干首以情緯物以文被質調高韻遠意況自然雖乎如鳳鳴鶴唳而巖壑皆應也恢乎如庖丁鼓刀剗然中桑林之舞經首之擗全集 序 卷之二 三

待旦力行者篤踐其藝常密閑其軌式以無負師門陶鑄則一言一義皆行已居官之鵠也請君省括先之予亦願決拾焉

何點蒼門人制義序

夫觚管之家劇肝鉅胃以梯世榮者莫不人人自詫以爲奇珍在握晶光陸離奚啻照章華百仞柰夢瑯鏤如白晝哉乃耳目娛快鼓鐘解縣向所津津然詫爲珍奇者則芻狗貽蹴之矣嘻此夫務華絕根而浮物之不足恃也予學也晚匠意摸索無所師承固非能知文者然業以文拜自獻其身矣而設臯比於秦稽賁弓旌於滇蜀奉 璽書董博士弟子於東西澗皆操文以脩經墨而得士蓋亦彬彬若邵陽邑大夫何君者則予守武林時所特拔爲諸生祭酒者也三湘七澤楚實包而舉之寧論賦雲夢哉顧勁越之所挾強秦之所爭連城購要而不可得者當其獨知未賣趾且三荆一旦山

川效靈動萬乘之怡顏肅九賓而齋拱何君至是而信貨售矣然何君之可重者非文而予所以重何君者亦不獨文也予先後官浙十餘稔廣筵燕處何君履舄時相周旋未嘗隻語請問問業講德闇闇如也蓋其生平持己嚴事親孝與兄弟友讓質衷雅度鄉邦推之爲何氏太邱今讀其文和而節澹而腴婉摯精微脫形埒之粗極名理之奧大都與爲人相類豈徒恃浮物以游於世撒鐘鼓而擯芻狗者耶以文若此以行若彼其治郡陽也政善民安絃歌之聲滿闔閭而是余卽不知文知其斯之能信而無俟以牛刀割鷄戲矣

張門人潛樸篇序

濛濛太空之中倏爾天開嶽立種種珍錯瑰瑋參差變現可豔可羶而負奇自好之士曾不屑引其一睇顧獨挾腎擢胃作爲文章語不綴邱乘葩藻韻不獵豪詰風騷輒掀髯而詫曰此不朽盛事也

榜全集

序

卷之二

五

賓賓焉嚮名聲於五父之衢以爲快嗜夫名何須嚮乎名威者難副名虛者易毀乾文言釋初之潛不讚其成名而讚其威德猶龍氏患可名之非常名也欲鎮之以無名之樸無名故德成德成故日可見之行而鎮國家鎮社稷皆一片真樸作用故樸雖小天下不敢臣名與不朽事兩沒干涉何須嚮哉何須嚮哉張生某者予視制學政時所遴拔士也蓋負奇自好而志在成名者也一日持制義如干首句敍於予適雨雪霽霽退食齋坐嗒然若喪因拈雪托譬曰是物也名之爲雪已屬強名乃寶樹家兒女題以撒鹽題以起絮稱愈雜離雪愈遠而雪不變也惟疑而爲冰則可以薦簋簋液而爲汁則可以漬蠶稼是則雪之樸也併雪之名潛於勿用而未嘗有也予將奚居耶于是張生慨然爲開曰命之矣遂呵凍濡毫敍張生制義復強名其篇曰潛樸篇

榜全集

序

卷之二

六

解嘲草自序

不佞某稚齡在疚於是王父母耄矣朝夕糗脯之需取以薦糝乃苦不得歲轉而脩于母之策又不售也則操下技博黍鎔無累我二耄爲溝中瘠居無何王父母見背煢煢七尺形影弔幾無以爲人一日弛負擔行都市適迎新薦於鄉者羊酒紛紛鼓吹載道觀者如堵牆歸而怍怍心動欣嚮鼓篋顧安得師友陶鑄哉且也家四壁立無所習于

柳全集

序

卷之四

七

書遨遊丐貸窮日夜手抄始讀語孟箬於魯魚因沈精極研寢餓都廢蓋三年能通義麟兩經大義四明趙心堂先生始督學吾閩一顧輒收之命與才迂屢起屢蹶計以六高等試登解額又上春官者再始成進士嗟乎方不佞發憤大業里中父嫗爲癡狂卽不佞亦心口自嘲矣然鴻漸之翼往往困於燕爵士不蠖屈惡能奮乎平生爲文不屬糝紙筆而成成削去去且存篋者什不二三乃好事

者時以文優孟我抵掌談笑勝眞叔敖遠甚然刻畫無鹽質非其有吾安敢蒙袂捧心覓見咤里中父爲也於是搜廢篋中得制義如干首授劔剛氏蓋眞叔敖自託優孟解嘲耳慎勿索我於蠹魚肆之跋

重刻盧齋先生密箴後跋

蓋聞疾而爲湯熨鍼石之所及者其發有候其症有形按脈觀色而投之方卽負猶如號公子可以

柳全集

跋

卷之二

八

應手而立效嘻亦危矣彼其沈淪顛頓幾於無可若何然後顯而攻之則復起爲人者幸耳惟膚革精營矍然壯夫皇皇乎逆慮夫後之所必至滌盪其內卻圉其外使幽憂之疾無自而作鍼石不用湯熨無功則其所治者密而見效蚤也溫陵蔡虛齋先生爲國朝理學名臣其大者班班在傳記中學士山斗之依蹶然向往矣乃所著艾菴密箴罕有窺者新安范公獨表章之梓於蜀又於越以藥

多士某受而卒業服膺不舍比之書紳因竊嘆曰
密之爲用大矣哉夫言尤而始咋舌動悔而始戒
趾皆力攻其顯幾危而存慮附之所却顧而驚者
也若未言之先深慮與戎未動之先豫防濡尾戶
間籟靜若履若臨此壯夫之所以內滌外卻延歷
而無恙而虛齋先生所謂善管身者能綿百年爲
千載也省有三勿有四艾菴之箴有五十密乎密
乎非天下至精孰與於此彼杖几勒銘觴豆鐫警
榜全集 跋 卷之二 九

吾尤以爲顯焉爾矣故無疾之醫名不出家有疾
之醫名聞於諸侯士自爲計寧遇前一人耶寧遇
後一人耶苟不欲危其身而授人以諸侯之名也
請於密箴蚤從事焉

族譜序後跋

某月某日宗譜既成祖叔有執率族人拜告于始
祖之墓既各列坐墓下十世孫幾謂爾嘆曰嗚呼
越鳥棲南燕驪嘶北彼物類之冥蠢不靈者猶戀

戀濡顧其所自出者矧人而三五以生鍾奇儲粹
乃憤然哉又況吾宗之氏姓稍編厠於襟纓之家
乃可不昭德睦族哉幾生晚方衣帶之能任也已
不及見吾族之盛矣維時弁帷雖曰星列未必皆
黜浮華而湛道德茵舍雖曰紅朽未必皆賑煢疾
而恤孤獨生歿慶弔喪祭婚媾歲時蜡臘雖曰總
總而萃而欣喜休戚未必皆怛然出於其中某時
蓋私感眉額焉復值穢賊繹騷自嘉靖戊午迄壬
戌焚燬我室廬虔劉我童叟重以疲疹爲災死亡
銜尾昔之弁帷變骸骨矣昔之茵倉化塵土矣昔
之總總萃者盡轉徙而顛頓矣今其存者非鋒刃
之餘則流亡之孤也殘創旣極決壞難支先世之
典刑愈邁後流之風軌彌疎以故人私其身家私
其屬卽處骨肉間已設形骸爾我閼隔之況在總
功袒免外者有不閉戶塞向築而局之遠外是大
無以昭德睦族示我鄰里州黨也夫胡越之人許

幣不通飲食言語不同苟同舟而遇風則相救助如左右手夫宗人生聚在斯墳墓在斯非胡越也更喪亂之變正遇風之舟也卒相棄捐而莫之收恤是微直胡越不如也視之烏與驥不忘南枝北羣者亦大遼邈矣請自今修行率德聯恩洽愛幼而孤則相與字之窮而無告則相與扶攜之捍而寡識則通敏者教誨之母曰孰疎孰親而以親滅疎卽我祖之虧毋曰孰愚孰賢以賢棄愚卽我祖

標全集

卷之二

七

之累毋曰孰貧孰富孰賤孰貴而以富侵貧以貴凌賤卽我祖之媿夫人而至於虧其祖累其祖媿其祖也豈非夫矣昔眉山蘇氏序族譜條其亂俗者數事以爲彷彿於斯人之一節者願無過吾門焉噫門猶欲其無過也況厚其耳目上我祖之邱墓乎某願刺心與我族人規勵之後之人且將閱譜而指之曰某也族之望某也族之靈某也亢吾宗某也嗟吾宗嗚呼可畏哉可畏哉於是族人僉

曰拊髀徙白猶稱至言可書之以爲家誡

題映雪軒稿後跋

爲李官難爲李於越尤難夫越一大都會也人文競爽郁郁琅琅而豪右譎詭開時或攘臂寬縱之則形懦多溺嚴束之則赭衣負謗甚且百發百解東陵溷於西山而莫可誰何嘻難矣哉楚雪陽孫公奉檄司李甫受事懸布章條日討國人而訓之期以順流革面歸於醲化毋舞乃公三尺茹吐競

標全集

卷之二

七

綵酌寬嚴而裁之衷蓋坐席猶未煖也而芒斧不試隴髀委地司李之庭若無人焉公始進諸生與談羔雉之業越諸生固稱東南竹箭廼其文往往挾才而翫於法公之諗不慧曰文章亦有三尺哉彼翩翩豪舉者自命挾去拘攣遊戲靈妙而程之以法無當也鎔金於冶躍者不祥故行不法法謂之莠民文不法法謂之莠士其爲躍冶均也矧越尤四方嚆矢哉於是出映雪軒制義若干首示予

大都翕精六籍擷華百氏寧法範才無溢於法捧而讀之仁義道德之言斷斷如也善哉化洽彼中人士將益蔚乎豹變矣第小人革面云乎哉遂再拜請繡諸木敬綴厄辭于末簡

賤歷圖跋

劉友某爲余繪賤歷圖四十幅圖各有解皆敘予窮通出處之致生平事蹟纖細曲折難以盡述姑撮其大畧以示後世子孫昔人謂讀陳情出師表

榜全集 跋

卷之二

十三

而不感慨涕洟者非孝子忠臣余謂爲我子孫者見我窮苦諸圖不警惕以堅其志見我通仕諸圖不矜奮以植其業而徒具一副面目鬚眉穿衣喫飯虛擲景光甘與草木同腐不亦大可愧恥耶圖第一以至第三十八繪於萬歷己未其解說皆余援筆手書時年七十有一而第三十九第四十兩圖繪於天啓乙丑其解說與前引後跋命詠兒代書時年七十有七數載之閒日力手力頓異盛固

可喜衰亦可虞爾後生思及此也宜將是圖捧襲珍藏每月朔展誦一遍相與乘時砥礪期於成立無俟耄朽自貽悼悔念之哉念之哉

賤歷圖譜引

士人起家寒儉而邁迹青雲者亦何可勝指哉乃予也生逢百罹嚴慈蚤背零孤落魄幾於委墜翳桑農酷工傭鄙瑣之業躬親備嘗晚始策駑騾以希駟騶發憤咕嚕淹通文藝六試槐闈而冠賓鹿

榜全集 引

卷之二

十四

載上公車而參題鴈敷歷宦途二十有三載竭憤靖共心無二慮帝嘉乃績擢長臬藩地封三世似足歌伐檀伸螻屈矣而餽非糲服麤濯一榻獨宿無小星衿裯之抱旁窺者或疑其矯而不知予當困阨時王父母與父若母養不奉滫瀡殯不具含櫨荒鹵簡忽深懷悔恨故齒於鄉初號吟蓼不廢莠蔚之章齒於國復更慕蓼長垂旻天之泣寧敢須臾忘勞瘁而侈然自適哉詠諧二千猶及見

我居約狀稍能悚惕繼此而孫曾雲仍恐阻於未
流之悵怵莫識我艱因繪生平賤歷大槩以示後
人歲節羣聚啓圖一覽恍若侍我座隅聽受提命
戢靡曼之習興奮勵之思上焉者鵬搏鯢化用繩
祖武下焉者修姱守恬不墮素風則斯圖也勝於
鑽李持籌而貽兒孫以阿堵中物也萬萬矣小子
誌之

記

傳全集 記 卷之二

五

武林脩復南湖記

越中望山無如天目周八百里亘杭嘉湖徽四郡
插天絕頂兩池相對若目至湖之孝豐有廣苕山
卽天目之陰若水出焉流爲苕溪歷湖之西南合
霅溪諸源大流峻奔放雄逸不可禦禹治水至會
稽會諸侯計功探石置藏金簡玉書於此疏濬至
錢塘餘杭之閒存留西海遺跡承苕溪之流而
處杭嘉湖三郡之上漢靈帝熹平開陳公渾因其

跡爲南湖縱橫一萬三千七百畝其派山苕溪支
入石門港委曲而來泓開一鏡千里奔騰之勢至
此停蓄安瀾稍一駐足如赴闔之兵剽悍狂溢爲
之延勞休息稍憩其疾馳之氣盈科漸進無衝突
潰決之患崇巒廻合湖光四映澄泓如練而流石
焦土之時徐引其積聚之潤分灌諸渠以甦旱魃
之困三鼂咸仰其沫于以瞻拜禹功于千百世之
上而漢人推竟其緒以及無窮美哉洋洋真當社

傳全集

記

卷之二

十六

而稷之矣由熹平至敬宗寶歷垂漢晉五代迄晚
唐六百餘禩泥土漸堙歸公珣脩之由寶歷至崇
寧三百餘禩又堙楊公時又脩之由崇寧至成嘉
且四百禩豪右相與割據封殖延袤彌望千年巨
浸化爲桑林平陸菰蒲禾黍之區存者僅如行潦
嘉靖初侍御傅公慨然清復然亦還湖八千一百
六十畝縮舊額尚五千有奇而諸豪侵牟猶昔高
樓大榭鬱鬱芊芊一望雞犬煙樹桑麻如簪清復

遺址已不辨其故處深湖爲陵則水無所受百川
灌河澤洞懷襄無從殺其勢坻既與魚蝦爭宅而
傾瀉立涸蟹蠃爲災三郡甫口更無繇希涓滴之
瀦引流滋溉戊申浙中雨數月水奔南湖故道衝
廬舍田疇萬計三郡誼閭蜂擁轅門外時參藩王
公職水利慨然議興復錢塘聶令贊襄之上其議
於兩臺遂定復湖之役顧工役浩煩費安從出適
欽犯傅楊二大獄余與孫偃虹君竟年鞠理追括

博全集

記

卷之二

七

贖緩有數千充給其工傭上不償官帑下不浚民
膏是役也三郡編民并舞奮躍歡聲動地故經營
方新子來趣事者不日併力於開濬稷鉤鎌劈
空芟剔舉叢樹茂樞須臾立見脩平向奔突激淤
漸疏排而舒流矣高田不爲湖者七百四十餘畝
二予軍屯一予民佃餘梁黍離蘆菰藜密一望
桑葉繁秀者盡入爲湖如傅侍御清復遺址羣流
注湖如脩蛇赴壑不與高原爭道瀦滙淵淳三郡

分甘承潤浙西萬戶保無昏墊卽旱魃煽虐如嬰
兒仰乳於慈母含哺以時庚癸絕呼稼茨坻積歲
輸國賦以萬計諸君子詠經始且爲計長圖也
豎界石八道以防侵冒築十字長堤以植桑株桑
與田俱貯于官以充五年小濬十年大濬之費若
溪傍慮衝堤則遠砌塘二以護堤岸湖堤內慮奔
湧則內設閘二以節蓄洩近堤外慮崩潰則近設
壩以遏衝射始戊申復月竣己酉鵬月課上大司

博全集

記

卷之二

八

農以聞詔出帑金貲共事諸臣謂然修爲
不朽盛舉鐫石紀蹟將垂爲世永賴嗚呼滄海揚
塵高岸夷谷杜元凱立碑一山之陽一水之底天
下寧有陵谷桑田可長恃爲不變況欲遡元會運
世尋禹功於混沌之鄉亦遐乎邈矣或有憂時君
子爲元氣請命與聖明密護而有之山海雖傾
而南湖不毀此則民開長利還溉注之民間耳於
南湖何有於南湖而勒紀者亦何有雖然愚公移

山夸父逐日銳氣所噬舉千年敵局一起而釐振之須彌沙界永奠坤貞或者南湖堪輿四瀆齊潤陵谷終久不遷也夫誰不追頌諸君子於黍苗之章以志明德之遠

武榮邑侯吳父母脩城功德碑記

南安去府治十里許城墉古未有也城之自玉融夏侯始始侯當嘉靖之季寇夷証侵民鮮寧宇是用條便宜度地據扼以衛我民蓋屹然泉西一重

橋全集

記

卷之二

十九

垣云歲承平久烽燧不驚卽小有竊發一虞侯之力能制之故有司緩視城築幸得按堵稱奉職無害徙秩以去足矣於濡柳乎何有南昌吳侯之蒞茲土也滄燠拔葵慈赤禮士所厝注恰中利病尤圖所以葺墜舉廢爲久安碩畫一日登城垣四顧喟然曰南邑處府治西偏與晉安相犄角而梅花九溪之閒實清溪永德所藉咽喉地惟茲保障雄堞在柰何置瑕玆勿問而以委土封虛有其表爲

令猝有不測彼乘墉斬關之夫得無生睥睨也耶於是捐俸貲如千斤贖緩如千度同事邑簿胡君廉幹勤敏遂與分董其役仍石於城藉土於濠因工於傭不糜公帑不妨農收不兩月而樓櫓埽圯之瑕者堅隙者垺委頓濊患者飭邑城百雉煥然改觀金湯之險彌增而固始其事于萬歷丁巳之夏月而卽以其秋告成侯且咨民瘼嗇物力羨廩備蒐卒乘纒纒實政漸次具舉蓋自是南安誠安

橋全集

記

卷之二

二十

矣哉眞百世澤矣夫春秋書城虎牢重設險也莒恃僻陋謂孰以我爲虞至使楚浹辰克其三都君子賦管蒯刺焉頃者么臍不逞揚舲窺我內地海墉村落之民扶攜過奔望城郭如鶩賴有固志然則侯之綢繆徹桑豫設險以固吾圉政春秋特筆所必書者諸父老不能一日毋恃城宜益不能一日忘侯矣先是城功成父老謀欲碑之侯不可曰古司空不視塗猶以爲非國豈其城復于隍而索

越視諸子不敢恃陋廢備而興斯役既告成事復
攘以自勞人其謂之何已而侯以述職行適不佞
從豫章歸過里門梓有海氛之警諸父老環城而
頌曰微侯其執遣我以安可碑矣邑舊祀夏侯于
縣治之左茲將碑侯于其中與夏侯並尸視乎不
朽乃藉手諸子於斲石以請於不佞今而後乃知
士若民之不忘侯有以哉侯在邑故多善政不書
特書其成功者揚顯伐也

榜全集

記

卷之二

三

重建龍塘王氏祖祠記

蓋自明聖以孝治天下而廣推錫類之仁也閭閻
士庶皆得灑掃穹室薦載陳饌以追反其本始而
況懷符分祿通籍於國者乎我龍塘王氏以七致
正公爲始祖尚矣舊有祠一區介於族聚東偏某
八九歲時每寅正朔且先大夫愛塘公攜而入拜
見其規制窄淺中塑始祖像顏貌魁頤設帳以供
滿據方丈于姓兄弟鴈行稽顙只容十許人必循

榜全集

記

卷之二

三

次後先乃成禮焉嘉靖庚申辛酉間寇賊猖獗焚
掠邨落而祠化爲焦燼援亂既寧我王父述齋公
讓舉始祖之祭而兵燹餘息存者僅若晨星歲推
七八人爲首輪值禮祀以季秋重九執管簞湘茹
藻蘭將於始祖墓場灌饋既畢側坐蒙茸隙地春
間寒溫分受酒核而退蓋祠燬未復禮失而求諸
野姑畱餽羊遺意卽萬與某相繼歌鹿芩於鄉猶
然率行勿斂迨某成進士由部郎剖節守杭郡遷
視兩浙學政始謀建祠宇而湫隘舊址不堪沿襲
宗孫立有地盈畝背寅面申青烏氏相其原隰以
爲允臧而詢諸著蔡兆俱協從筭費宜三百金某
獨任其鹽半餘則族人佐之或以錢粟或以力作
原共勉勉襄事於是庀材料繕瓦甍集工匠選吉
戒期橐橐馮馮版堵朋興不踰年而棟宇斯翼矣
顧族人誠多好義而產殖不豐窘於生業匪直錢
粟之佐什靡二三而力作者亦莫能繼也某乃命

諏諸二千仟有董治積月累歲拮据綱繆然後有
堂有寢有廡有序有中外庭階有皋應闌皋龕置
几榻位置凜如棹楔爐瓶懸列晏如柏卉種蒔枝
幹森如又於祠西築委屋數楹可以除風雨可以
資讀誦可以供燔饗去祠十數武豎恩榮坊四柱
可以聳觀瞻雖未及藻繪雕畫潤飾壯麗而視往
昔規制亦稍宏廓矣祠經始於萬歷壬子竣役於
天啓庚申而奉始祖考妣與五宗考妣之主入祠

樸全集 記

卷之二

二十三

在壬戌冬長至奉高祖考無逸芸翁與贈通奉大
夫祖考述齋公累贈通奉大夫考愛塘公之主入
祠在甲子春王正月九日一祖五宗報本始也無
逸芸翁壽享百齡而疆理塘田水利勞著鄉族述
齋愛塘兩公懿徽足徵皆膺封爵例得併祀至隱
德若某旌善若某破荒開科若某捐施祠地若某
徐議附入以某所昭祠之廢興本末如此既端毫
爲記且聚公族長少揖而言曰是祠也後則遠脈

邇迤而來前則巖峯端拱而掛左則濤塘注匯其
堤宛轉如遊龍右則鉅石倚疊其勢起伏如駟象
石塘而外長橋委蛇復有游湖環遶如圍帶形格
佳勝青島之相替蔡之兆豈虛哉而以人傑濟地
靈創者盛而傳述者美而彰則惟我世世令子令
孫闡繹而光大之云爾

論

安危本乎人情

樸全集 論

卷之二

二十四

天下安危之幾必有所自始從其所自始者而圖
之然後其幾可以惟吾之所制何者安非一日而
安也危亦非一日而危也其相反也此盛彼衰如
寒暑之不同候而至也其相推也彼起此伏如寒
暑之迭磨續而旋也苟不察其本而圖其幾安則
沾沾然喜危則鯁鯁然懼拱乎屏息聽其自來順
其自去則安用策天下者爲惟善策天下者不求
其安危之末而求其安危之本不求安危之本於

天之數而求安危之本於人之情以欲惡為端以
方寸為衡調鈞之變理之煦愉而噢咻之吾之情
得則人之情得人之情得則天下之情得而安危
之機可以坐制之而有餘矣噫非深鏡治本者其
孰能知之今夫安危代事也若阪與隰何國無之
是以聖人著之簡策傳以詔後世言安則易有也
桑詩有孔固書有無疆惟休言危則易有濡尾詩
有集木書有若隕深淵其語安危不啻詳矣至會

博全集

論

卷之二

三十五

子傳大學而以為民父母為天下大僇歸於絜矩
絜矩者何絜之以人情也父母之安大僇之危皆
本于是若水之有根勿可使撥也若水之有源勿
可使壅也不灼其本徒舉安危之故諉而推于幸
不幸時享其安曰天之戢穀我即恣睢遊娛誰其
禁之時值其危曰天之鞠凶我即竦懼省顧莫可
誰何如是則安危之機常制於天不制於己而天
下何賴焉若夫善制安危者知天下之情一人之

情是也人之情己之情是也已與人同一區宇陶
冶同一肘腋毛脈同一血氣知覺而謂其情獨異
乎哉是故人情欲富則為之廣宜阜俾其廩庾蓋
藏如墉如櫛而無神寒暑雨之咨人情欲壽則為
之保生聚令其黃髮鮐背鼓腹含哺而無夭札乖
疵之傷人情欲康逸則為之攘氛導祥置天下於
休嘉恬愉之域毋或一夫向隅以屯我主膏人情
欲親睦則為之敷教明倫納天下于仁義禮樂之

博全集

論

卷之二

三十六

化毋或一人干紀以辱我王度彼其閔閔然皇皇
然好務與聚惡務勿施如赤子之在抱思所以枉
而席之也前有所瞻後有所顧如察朝夕于運均
之上而日不停瞬也得而怖失初而慮終如手之
上而脩頭下而脩足蚊蚋得體則搏而驅之何者
安危之本固在此也動之幾微安輿之中微於窮
簷蔀屋之遠發之喜怒愉怫之頃係乎理亂興衰
之故柰之何其可忽也夫子不云乎執轡如組推

此言也可以治天下子貢曰何其躁也子曰非躁也謂其組脩於此而成文於彼也故以人情爲組脩則能絜矩而作民父母而苞桑而孔固而無疆惟休安猶未足喻也不以人情爲組脩則不能絜矩而躬嬰大慘而濡尾而集木而隕于深淵危猶未足喻也微哉幾乎吾以爲危則安者至矣吾以爲安則危者至矣哉本乎植之于安則安者永無危矣植之于危則危者終不得安矣彼古之聖

榜全集

論

卷之二

二十七

王所以兢兢業業罔敢拂百姓以從己之欲者誠謂安危所託則人情係焉耳而欲得天下之人情者宜何如蓋人情者聖王之田也曰者反土而菑澆畝而溉荒也難之莠也鋤之舍己而耘人則有鹵莽滅裂之報爲政者之於人情亦如田之有畔斯夕而圃之行無越思約守而博施乃所以平天下之情而制安危之本也此又君人者不可不知君子蚤有譽於天下

君子不斲近名而名卒歸於君子者則亦先天下以寡過而立本豫焉耳何則君者治人者也民者則君自治者也我懸的而彼不決拾我樹標而彼不竭蹙此其過恒在下彼方草偃而大塊不噫彼方川迎而壺口不注此其過恒在上過在上者過也過在下者亦上之過也一君之身耳而兩過兼任焉則欲求其無毀且不可何況於譽欲求有譽且不可何況於蚤有天下之譽惟王天下君子合

榜全集

論

卷之二

二十八

天下之人以成其身合天下人身之寡過以成其治釀化昭登淳風洽暢人無穉行戶皆可封莫不歡呼蹈舞娛遊歌咏以自適其性而達其情而君子之譽於是乎彌彰是豈譽至此始有哉譽徵諸民而有譽之本則蚤取諸身也何以明其然也今夫布衣韋帶之士束躬而砥行以名聞於里者非因里譽之日而後有也其前行多脩矣庶官之長秉德而行仁以名聞於國者非因國譽之日而後

有也其前政多善矣矧人君託身於天下之上固天下之所環拱而取則者則不蚤立而第措措焉役其私智以弭毀而邀與虞其潰也而寒川防之慮其沸也而揚湯止之炫其美也而畫羽章之藏其瑕也而施鬚蓋之試反而考道諸身其喜怒哀樂貌言視聽既已緝績紕繆動有過端乃紛紛焉而議制作粉以夏政疆以周索比綴於節文度數之閒自以爲王可四帝可六天神可參百代可券

式序蚤不宅衷於頗然後爲之直行曲殺以履之擗播推進以表之俾天下不得踰禮而僭倣準循繩蚤不錯趾於濫然後爲之符璽權槩以信之車服琴枹以聳之俾天下不得越度而爭布經據緯蚤不絀躬於厖然後爲之象形點畫以別之聲音名物以發之俾天下不得舞文而縱沿之革之與勢趨之減之益之與時宜之正行不泥旁行不流變通盡利鼓舞盡神天地吾其彌綸而建之不吾悖矣造化吾其出入而鬼神不吾疑矣古今吾其進退而考前王不吾謬待後聖不吾惑矣是故上之化下如金在鎔如土在型深淺方圓靡不肖也下之從上如矢集的如響應呼遲速先後靡不副也一人之心通乎天下之心而天下人之心聯而爲一人之心百條庶尹濟濟師師罔不敬讓于朝兆民億姓皞皞熙熙罔不和親于野近而郊圻遠而陳瀝當吾世而八譯九域異吾世而千葉萬禩

耳目不至意氣觸之意氣不至風聲破之且有望
且不厭且世法世則令名洋溢而施及於兩儀之
所薰載二曜之所燭燎四時之所旣移雨露之所
墜降函氣蜚揚翕翼婆娑此豈禮度文章之結束
馳驟而能蚤收天下之與若斯哉蓋君子藏身於
道藏天下於吾身其與天下相符也形骸不隔肝
膽若貫竅繁脈絡之會無所齟齬焉其與天下相
忘也機械不作智故不生得喪逆順聽其自往自
來無所引距焉其與天下相適也精精默諭意意

柳全集

論

卷之二

三十一

交恬潛躍翔走飽德機於化日光天無所壅闕焉
君也無思無爲何心於民之我譽民也不庸不怨
亦何心於蚤譽其君然猶曰明明天子令聞不已
曰勉勉我王綱紀四方曰樂只君子德音是茂此
無他公是公好之人心自爲參同周浹不具脛而
馳不傳翼而飛而塵塵於寡過中得之則信乎王
道之平平蕩蕩無他奇也彼違道干譽者獵虛飾

詭招招焉鬻名聲於天下然而宮中七市女閭三
百卽外假王者之迹稱義稱仁而沃之無根嚼之
無味蚤譽不終而謗議隨之矣夫惟有本之譽其
譽前定故曰蚤惟有本之譽其譽可久故曰永終
舜之罔愆禹之無聞湯之不吝文之無數皆以身
之無過置天下於寡過是以名光史冊榮華至今
乃夫子之贊堯獨曰蕩蕩乎民無能名非無名也
至治無迹至化無聲康衢擊壤之民欲贊帝則頌

柳全集

論

卷之二

三十二

帝力而不可得耳此帝王升降之所以分也而欲
鎮天下以無名之朴者至謂禮爲亂首斗衡爲爭
端經式義度爲欺德所由又與君子之道異矣
表

擬吏部主事儲曜疏薦簡籍道才

上嘉納付部起用謝表

弘治元年

丙午四川

伏以 興王賞諫必重補袞之忠 聖帝嚮才尤
先賜環之典片言誤辱乎 采菲多士幸兼於拔

茅喜溢同升 恩踰異數臣云云竊惟古者諫無
常員君罔擇聽矚誦職匪直皋拜稽首龍作納
言岳咨堯詢豈必訪需總章問清衢室明德遠矣
懸鐘磬鞀鐸之招靡善弗聞文謨顯哉順聲色識
知之泯不諫亦入自夫秦交道降荃宰情睽楚澤
行吟瞻宗國而不返淮陽臥理願禁闔以何從雖
止輦受言開嘗見於營臺惜金之主而拾遺補闕
曾奚取乎連車平斗之謠人作鑑而不終馬鳴仗
櫓全集 表 卷之二

其輒斥黃臺之瓜詞甫詠白衣之轡楊亦疎熙寧
三舍人並擬班聯而竄跡元祐諸君子槩鐫黨籍
以投荒數日臺諫皆空誰作朝陽之鳳一網賢才
打盡堪憎止棘之蠅嘉謨既等於輪毛袞祚亦危
若累卵邈超往軌快睹 昌朝茲蓋伏遇
皇帝陛下 秉精惠哲 惕業幾康 隆舜孝之
夔夔豫以成化 運堯仁之蕩蕩大莫能名 道
固出聖入神而猶採講學親政之議 治欲跨今

軼古而恒懷求賢側席之思故臣偶效涓滴以助
深亦荷川澤之納汚人不終於廢黜事漸見諸施
行言念丁璣等五人者當夫橫經矢志且欲磨礪
以須及其載質入官便爾立談而涕灑一腔之熱
血指溫樹以忘嫌櫻 九閣之逆鱗投近鼠而罔
忌 天威凜乎難犯姑譴謫以示懲臣罪宥已及
寬敢生還之是冀然其氣雖過激乃為君謀則忠
言苟可收勿以下體遠棄矧沈而錮之也則草莽
摯全集 表 卷之二

賤士落莫自甘祇以明 主德之不忍召而用之
乎則羈紲繫臣感愴思奮益足表 聖度之能容
溫綽傳宣雨露從九霄而下除書 頒渙枯朽以
一旦而蘇彼輯檻以旌佞頭未斬藏署於側君過
徒臣孰若 虛已受人勇沛江河之決知仁使過
亟收湖海之蹤不惟 恩加五臣使困衡者勵金
石之貞而剛彌百鍊抑且風動百辟令觀望者破
脂韋之習而口無三緘允矣銓政與言路偕通臣

三藉 主聖濟美者也臣雖僇小品樸邀散材
濫竽選曹之行儉知人之鑑尸餐功署希山濤啓
事之規奪與請自 上裁臣之職也培傾誰非至
德 君何私焉敢不矢嚴獨知包持眾美九術足
以致大不進不休一言幾乎興邦自靖自獻務闢
薪樞之途以報 國寧樹桃李於門而營私伏願
學懋有終 政圖無斁持貞諍以擇士略其短而
取其長酌正論以掄材養其鋒而畢其用苟有裨
務全集 表 卷之二 三十五

于 社稷不靳轉圜卽無當夫 樞機何妨折節
則 光明下濟萃 天地人鬼之歆福履永綏應
山阜岡陵之 祝矣臣無任云云

擬 上幸西苑 召黃淮塞義楊士奇張輔
等同遊 賜宴萬歲山麓謝表 宣德八年

庚子分試滇南 代

伏以 時逢春豫 宸遊諸魚水之歡 道洽秦
交 燕樂繼鹿羣之雅在 明主固淫于逸惟

聖君能體其臣史冊希傳縉紳快覩臣等誠惶誠
恐稽首頓首竊惟蓼蕭湛露聿宏豈弟之恩魚藻
卷阿式叶明良之好迨都兪之既邈致堂陞之漸
疎深居但使聞聲入對空勞辨色或從比暱何取
趨陪興慶承恩四面雲峯入幄華清賜宴五家騎
從如花宮嬪贈珠璣虛說君王召客小瑤陳書畫
徒恣佞倖逢君陋習堪嗟芳規有待茲蓋伏遇
皇帝陛下 神姿舜哲 聖德湯新 迨三王五
務全集 表 卷之二 三十六

帝之駿猷 述稽時切撫 一祖 二宗之鴻烈
近述惟兢 神武靖腥羶飛掣電披雲之羽 宏
文敷訓誥煥光天耀日之篇 選勝地以遨遊
擇佳辰而宴賞惟茲西苑翔白 先朝高閣流丹
日近蓬萊雲借彩層巒聳翠烟籠瑤島水增波蓋
真仙侶之所居信非人臣之可到 御筵載啓
繡帳遙臨 翠華影裏動龍蛇山川生色雉尾雲
邊飛燕雀草木含香豈戀物華爰乘時令未適耳

目之玩旋 興股肱之思 中使傳宣叨扈法
宮之駕 內園鋪設追陪 閨苑之懽初疑坐井
以闕天忽似乘槎而入斗山名萬歲五雲高處聽
嵩呼泉繞千盤百道飛來呈水戲開關鳥語雜笙
孳簫管以偕鳴縹緲花香穿檜柏松篁而遠映陸
珍水錯玉羞出自 上方紫液黃流金露恍承仙
掌春從 天降 樂與人同念淮等技只雕蟲徒
以禮樂而佐 元后勞猶汗馬敢曰輶鈴必屬老
榜全集 表 卷之二 三七

臣幸依 日月之光竊附 風雲之會神遊 化
國始知塵外清都夢入 蒼穹猶記空中廣樂何
以殫竭眷此 恩榮敢不效葵藿以輸忠仰 岡
陵而永戴卽一飲一啄惟 天子恩期一豫一遊
爲諸侯度伏願 樂而能節 康且惟幾益隆喜
起之休風不廢師儒之晉接 早朝宴罷奠 永
祚于金甌外樓內修調 太平之玉燭將河清海
晏八荒 壽域同登而麟至鳳儀萬國春風共藹

臣無任瞻 天仰 聖激切屏營之至謹奉云云
擬宋召輔臣於玉宸殿觀太宗文翰各製文
刻石因指詩牌字問皇太子應聲以對賜
宴翔鸞閣奏樂賦詩侍臣皆賦謝表 祥符
七年 甲午鄉試

伏以顯烈駿謨 聖祖昭垂有赫寶章玉冊 神
孫對揚無疆訓既錫于彤庭 恩更沾乎赤帝聲
詩寫慶朝野洽歡臣等誠惶誠恐稽首頓首竊惟
榜全集 表 卷之二 三八

自古聖帝明王之作皆有芳規懿範之遺披墳典
於黃唐汾穆之治如見挹誓命于湯武化理之迹
猶存百篇刪後無詩大風斯奏六朝作家非法雅
道漸漓庭草燕泥麗已競矣金莖玉露巧其傷乎
追我 太宗以龍行虎步之姿成太平興國之業
德已入神出聖因肆筆而爲書治亦過五登三乃
娛精於游藝翰墨藏諸太史鐫刻副在有司幸瞻
玉殿之微猷星辰手摘快視 璇宮之茂育日月

躬逢質遲岐嶷知才高乎八斗敏專應對信口懸
乎三河妙齡具見如此壯脩將何以加茲益伏遇

纂大合華執中布度道穆三象功塞二

儀念爲之前者宏謨師乎奕世而最要者尤在孫
謀思爲之後者休美憲之百王而所繩者莫如祖
武乃宣石渠之彥爰抽金匱之藏一翰一文糾結
乎龍翔鳳翥隻字隻畫依稀乎璧合珠聯泛而觀
之則藻摘春華如微臣之有目者皆可睹哉指而

楊全集

表

卷之二

三十九

問焉則辨馳秋濤非 皇嗣之英發者莫能與也
是以 天顏有喜用 錫宴于翔鸞允矣 帝德
難名姑形容于刻鵠泰交 乾下需樂 雲頒雖
蠡測管窺未見海天之浩蕩而引商刻羽粗通金
玉之條貫伏願道先身範教以性成羽翼有人不
招綺園之老身心交養何須潘壘之華止於慈止
於孝止於敬今日之三善可書行以勇行以智行
以仁天下之五達在我則金甌鞏于百代玉燭調

千萬年矣臣無任瞻云云

擬宋承天節百官上壽是日皇子加冠禮司

天泰日輝珂廷臣賀表 祥符八年 會試

伏以 皇祚明昌慶 長祥之濟發 儲君溫擇

仰 令儀之懋新 景燦耀於咸池歡聲動於

楓陛事與時會應以和招臣等誠欣誠忭稽首頓

首竊惟自昔國家有道之長每見君臣胥悅之盛

堯德廣運聽多祝於華封啓賢能承續立主于河

楊全集

表

卷之二

四十

洛文王爲世子聿隆齒胄之規周公訓伯禽載誡
觀橋之道入有保出有師時惟吉士君曰喜臣曰
起藹若家人蒙泉之養弗端泰天之交漸隔諸口
獻諛乃稱七十九代之觴孫謀否臧不貽百千萬
年之燕集于苑集于枯釀成瓊瑛之災誰之過也
置之安置之危玩同弈棋之戲不亦傾乎調護煩
于商山何藉羽翼賓客通于博望徒勞望思益爲
之前者龍亢于飛既已帝而不帝故爲之後者瓜

稀於摘斯亦嗣而弗嗣道隆於今風還乎古茲益
伏遇

性生睿哲 德秉粹清 穆

契寢繩靜絲綸于密勿之地 祥摛載玉符吉利

於信順之徵 雉尾雲開曙鬱蒼之嘉氣 龍鱗

日繞煥赫奕之奇文萃百辟以趨瞻望 九閭而

舞蹈如山阜如岡陵方幸姬王之無憂而謳歌而

訟獄忽見夏后之有子彌尊論志重元服於三加

順德觀成介永綏於百福志氣交動天人並歡丹

榜全集 卷之二

卷之二

四十一

穴凝輝五色之毛燦乎爛矣赤輪騰耳千官之景
休哉淑焉太史獻占保章告慶從此爲子知父爲
臣知君爲幼知長行將以士希賢以賢希聖以聖
希天蓄潤乾潛應庶物之首出磨礱震器一主咆
之無瑕臣等勞謝戴星情切就日貴以効力于國
九九之技何功證其盟心於君 之衷勿替瞻
碧輪而三舍叫問闔於 九重伏願 福敏箕範
之疇 烈啓文謨之顯 以身作則隨物爲規奉

弦夏誦秋禮冬書諄諄備四時之教咸五登三
六爲七巍巍超百代之隆臣等無任云云

策問 四川典試

問詰后爲天下計治安則謹始圖幾恒惕惕焉開
嘗得故記之所以道者矣易曰君子以作事謀始
又曰君子見幾而作不俟終日幾之與始其義果
有異歟夫幾者動之微微必至著始者終之端終
未必盡如其始則著烏可忽終烏可玩也何聖人
務全集 策問 卷之二

卷之二

四十一

諄諄致戒獨亟謀始而神知幾歟抑亦有舉始要
終語微達著者可縷而述之歟季代之荒主勿論
已乃樞機明慎者開釁于後昆沉幾先物者侈志
于云亭仁義既效者漸不終於貞觀勵精圖治者
釀禍始於靖康此其失果安在歟毋乃幾不蚤見
始謀雖臧而圖終之策未令歟我 皇上紹天開
繹瑩精理道心固無一息而忘天下也頃以 元
治慶上 聖母徽號 詔罷時政之不便者與

海內更始中外歡呼額手稱 聖顧汗出惟反
綸綍不信其故何歟說者竊謂 聖心疑悔交乘
而 居上臨下聽言行政之閒未能粹然無類以
故始謀而事不終幾萌而善不著然歟否歟諸生
懷樸忠有日矣不以此時直據所韞韜又何須也
毋謂非藿食者所及

問大學一經內聖外王之道備矣用我其東周乎
舉此而措之耳乃夫子又曰志在春秋豈其諱脩
齊譚治平者不過空言之託而春秋繼雅詩之亡

別嫌疑定功罪嚴命討以達於王事始深切而著
明歟彼其筆削之義游夏莫贊而三傳之辭何津
津也大學原綴在禮經其中所載如三無五至七
情十義無非彝倫之理明新之致而何以獨表章
是篇耶子與十傳其義炳如日星而衍之而又補
之不幾於贅耶抑亦有足爲經傳羽翼而與春秋
大義相發明否耶我 皇上聰明天縱問學日新

雖深居靜攝不廢蒐羅頃命儒臣以春秋進講又
刊大學衍義補傳布中外且欲撰文序其首簡
聖學就將信有緝熙于光明矣然臣子之誼頌不
忘規諸生試論詩亡然後春秋作之故畧舉文莊
所補條目有當於春秋筆削大指可裨今日要務
者其悉意陳之以俟 宸旒斟酌焉

問宋儒有言曰川也者心也體也者迹也心迹之
閒有權存焉者聖人也夫心有指體言者有指川

言者是體用皆心也而何以用屬之心體屬之迹
耶心爲迹君迹緣心起心生迹生心滅迹滅非彼
此對立兩端互據之謂也而何以曰心迹之閒耶
豈舜跖義利毫末幾希而心迹體用亦固然歟然
心之與迹離之則兩非合之則一是有似合而離
似離而合有不合而乃以合不離而乃以離善利
曰閒心迹亦曰閒則不合不離樂同歸而一致歟
竊意閒之爲言特徘徊之岐路移游之所託耳故

或謂鳥飛準繩爲大人之義者或謂舍是與非無用賢聖夫塊不失道者或謂無近名無近刑而緣督以爲經者彼於心迹之間竟何據歟然則所謂有權存焉者果權於心歟權於迹歟抑心與迹併挈而取中歟惟權之義不明故舜跖共途義利互競至於逃權變權術之說而壹以權宜爲解則心迹離合益不可知矣此其所係非細故也願反覆明辨之

柳全集

策問

卷之二

四十五

課兒孫策問 二道

國家之張官置吏以爲民也官不卹民則失其職于輿氏譏刺平陸大夫以牧牛羊取譬至爲剴切其說則布於詩詩小雅之歌牧事也羊則三百維羣其角泮泮牛則九十其特其耳濕濕降阿飲池或寢或訛各適其所于是牧人乃有維魚旂旐之夢夫其麾以肱者牛羊耳而夢乃在魚所荷者笠與簑耳而夢乃在旂旐義果何居意物之衆多莫

如魚其民之象耶旂旐官之所建其臨民之象耶在易有之貫魚以受寵則君子得輿而爲民所載剝足以及膚則小人剝廬而不可用噫剝民而至自剝其廬悔何及矣聖人于姤之初遇以爲之謀二則曰包有魚不利賓四則曰包無魚起凶賓之爲言擯也包則民近擯則民遠此其旨與剝同歸亦與詩可互證歟爾諸生遇有日矣設有民社之寄將遵何以牧我小民占旂旐之夢承得輿之寵

柳全集

策問

卷之二

四十六

毋蹈于輿氏之所刺譏其詳著于篇不佞將疎意覽焉

問先儒之論以爲魯之大綱在於復讐矣然嘗一戰于長勺再戰于乾時終不能衡讐人之胸腹則當時縱嚴公以戴天爲恥以枕戈爲志而力可若何哉故在梁之敵笥不惟不能制齊子之歸而待羣圍廊抑亦不得不唯唯然惟齊侯令也至于柯之會執玉帛從讐人子相揖讓于壇坫之閒聖人

乃畧不譏貶且援而與之是又以讐爲不必復矣
果何說歟衛之大綱在於正名矣然蒯聵以得罪
於父而奔義不得復撫有衛土長而臨之有蔓姑
之園聖人蓋重不滿也使其爲政將姑取其稱謂
辭令而正之曰若名父若名祖已乎抑將并正其
位揭蒯聵以禍靈公而世及於輒乎至與端木賜
問答孜孜然慨慕夷齊是又欲噴輒父子效首陽
高風塵芥千乘之國則先公數百年社稷誰將主
轡全集 策問 卷之二 四七

堯而禮祀也夫讐不可忘於魯固然而於越入吳
則深著其罪豈其嘗膾焦思者非辱及君父也耶
國不可爭於衛固然而季札聘魯則因以示讖豈
諸樊紹續名亦有不正耶爾諸生誦法尼父春秋
筆削大義必有聞其槩者設令諸生柄魯衛果能
正此大綱歟苟讐復名正其施爲次第又將焉在
與幸詳著于紙上言不佞將憑几而聽之毋日譚
何容易

第一問

治亂安危之相反也如陽與陰而其相代也如淵
與阪乃人主昧其固然既狃於厝火怡堂之爲快
卽或知其將然而又憚於改絃易轍之非便於是
乎挾已恣睢循習塗飾卒於拱手待斃而莫可誰
何惟夫聖喆之后超然遐覽怒然淵思慮周千祀
而明不闇於當先業貽萬全而計不忽乎毫眇未
雨徹桑旣濟戒惕惕焉不敢一日娛焉以娛者
何彼誠暗於始之當謀而幾之不可不蚤見也夫
天下之事莫不有幾而事之幾莫不有始始者終
之端也幾者動之微也使幾動於微而不應於著
事以此始而不以此終則藥不尋斧折之謂何虺
不爲蛇摧之謂何川嶽常焚帶礪如故鑄金象物
之傳器雖至今存可也然而微者始終環流載轉
墨乎其相報也就就乎其有所起也續續乎莫
得其門也孰知夫燔黍捭豚而其後乃有山梁南

英龍唇麟脯乎孰知夫條系采繫而其後乃有雲
崑列堞蜚幟垂簪乎孰知夫操尾踏歌而其後乃
有爛漫北里陽阿激楚乎語曰其作始也簡其將
畢也必巨始之當謀也大都若此矣孰知夫溲然
豐滿手足拊動者而國有甲兵之事乎孰知夫服
綈於泰山之陽而魯梁之都綬綺連伍道路揚塵
而不相見乎孰知夫微爵而更辭樂不調而折衝
千里之外乎語曰其微也易散其未兆也易謀幾
之不可不蚤見也大都若此矣不觀之易乎易之
序卦訟受於需而象繫之曰君子以作事謀始謙
受以豫而辭釋六二之爻曰君子見幾而作不俟
終日蓋訟者受事而斷也需者徂事而待也當夫
天位正中功利不較則飲食宴樂端拱以俟宜也
儻天下之勢若燒若焦救之不管若奉漏沃釜乃
猶斯以梧勺日姑有待彼干血者其何以蘇耶故
聖人戒以作事謀始欲其不需而斷也謙者輕已

榜全集

策

卷之二

四九

而敬也豫者恣己而怠也當夫順動志行民服刑
清則作樂崇德以告成功適也儻天下之勢日中
膏肓已非湯熨針砭之所能及乃猶謝俞扁耽逸
樂彼貞疾者其何以瘳耶故聖人戒以見幾而作
不俟終日欲其不豫而敬也然則敬豫需斷之際
其可以忽乎哉能於此而握其幾圖其始則龍不
戰野城不復隍而天下可以治而無亂安而無危
不然而失其幾忽其始則霜必堅冰豕必躑躅而
天下且反治爲亂反安爲危是幾也始也無二義
也謹幾也謀始也無兩心也言幾而著可知已曰
怨豈在明不見是圖非幾歟曰無敢戲豫無敢馳
驅曰自朝至于日中昃不遑暇食日明德慎罰不
敢侮齔寡非著歟言始而終可知已曰若生子罔
不在厥初生自貽哲命非始歟曰適求厥寧適觀
厥成曰惟文王德不承無疆之恤曰永康兆民萬
邦惟無斁非終歟蓋終與始同軸著與幾合節方

榜全集

策

卷之二

五

事之初創爲始創未及成而遲回焉躊躇焉則成
乃虧之幾事之更端亦爲始端甫漸開而壅闕焉
沮格焉則開乃塞之幾危而開輒危而塞危而成
輒危而虧慨慨乎不以天下爲憂刺刺乎不以萬
物爲筴至於亂危之形見始錯愕徬徨欲起而強
救之噫亦晚矣此無他惟惜於幾而憤於始是以
憤於著而墜於終則謀始豈不貴亟而知幾安得
不稱如神也彼季代之荒主習亂忘危快不自賂
者姑置勿論若宣帝樞機明慎媿美周宣而乃開
三大釁斲炎劉之命脈光武沉幾先物祀漢配天
而乃惑於讖記汚七十二代之編錄唐太宗力行
仁義親致泰寧而疏棄韋世遂墜貞觀之風宋神
宗勵精圖治追慕唐虞而創行新法卒釀靖康之
禍此四君者皆猛積安之習憚保持之艱善始而
未必善終善作而未必善成尚論者有遺憾焉我
皇上紹天闡繹瑩精理道卽位以來謹幾慮始設

樞全集

策

卷之二

五十一

誠致行信咀嚙百王網羅千代而陋漢唐宋於下
風矣邇者日中不戒美政鮮終幸而 蒼穹錫祉
元孫誕毓 皇上見前星之重曜 聖母之襲慶
也欣然嘉與海內更始有 詔封閉礦洞而稅歸
有司已又詔補臺諫蒐遺逸釋逮繫蠲逋負併停
將作中外懽呼額手頌 聖不謂其轉溺於豫而
需也相顧駭愕莫測其故則竊謂 聖心有二患
又有四蠹故以反汗爲無傷以 絲綸爲戲語耳
二患者何疑志之未釋悔志之不堅是也夫疑亦
胡病堯不以予聞如何疑有鰥乎成王不以不利
孺子疑叔且乎然諸艱歷試帝位允陟金縢既啓
繡袞歸周其疑也乃所以爲信也悔亦胡足貴周
穆不悔八駿之遊乎秦穆不悔下殺之敗乎然呂
刑簡乎空言何贖黃鳥一賦三良何辜其悔也乃
所以爲咎也蓋疑若蘊火然蘊火之家三日不燔
不爨將炎炎而上燎及堂構以至不可撲滅此貴

樞全集

策

卷之二

五十一

疑之喻也悔若膏毒然一爲所中幸未甚傷當亟治他劑嘔之滾之以蠲其邪逆設誤而再試則裂肝潰胃必無幸矣此屢悔之喻也且疑則悔在繩之外悔則疑又在繩之外是疑與悔不兩存者也乃皇上緣疑生悔疑之中又復有疑緣悔生疑悔之中又復有悔嚮之疑在蒲簡今則塞淵之愴亦意其負妍取憐矣嚮之疑在市攫今則鑿坏之迹亦意其出後分均矣嚮之疑在鄰父請薪今則一室之閒亦婦姑勃谿矣嚮之疑在罔兩問景今則一腔之內亦肝膽楚越矣疑而若此何念非疑疑疑相逐併疑而悔者併所未嘗悔與不必悔者毋乃盡疑竇乎方悔羹沸懲以吹葦俄而屠門大嚼矣方悔輪什戒以濟夏俄而長阪騁驪矣方悔怒敵講以河東俄而又惜三城矣方悔憐怨歸以汶陽俄而復有二命矣悔而若此何時非悔悔悔相續併所悔而疑者併所未嘗疑與不必疑者毋

乃盡悔端乎夫人中虛圓不徑寸神明府焉而僂開僂塞僂成僂虧一則以之疑猜一則以之悔創介然之頃而徑寸之地已若炎若冰夫所謂神明者若之何而堪之二者心戰未能自決故於己也必張而震之方且龍亢於飛方且夢鎮其室左盼右睒前瞻後顧誰可心膂寄而股肱使者所恃惟予一人神聖據此微密之營壘耳是謂自予雄其蠢一惟震之故於人也因詘而釋之方且深淵不脫方且太阿獨持其視繫繫之印若若之綬不過廟社之芻狗土木之衣冠故搏執可羈縻可秦畜可禁錮可廉近而堂卑鼠投而器毀豈顧問哉是謂待下簡其蠢二惟釋之故於言也因觚而鑠之方且匏堅而無竅方且鱗逆而難撓日姑備爾貝止矣何無故發大難之端也日三緘若口可矣何詹詹開開而與吾短長也單辭眾疏總屬木哉隱規直指悉是畫脂矣是謂聽諫疎其蠢三惟鑠之

故於政也因狎而械之方且賦芋習祖公之智方
且搏黍寒黃口之啼旋發也又旋收旋與也又旋
奪若將然若或然若不其然今天下之耳目心志
眊眊瞶瞶謂天子如雷霆鬼神之不可測而怨
與德莫知所歸是謂行政亂其藏四凶蠹相因枝
連蔓引皆二患之不除爲之根也絕其根斬其蔓
朕志先定鬼神其依歸羣疑而亡之如雲霧之盡
消始以疑而生悔茲且疑爲信者幾則疑何足病

楞全集 策

卷之七

五五

迷途未遠今是昨非追前悔而震之如日月之重
朗始以悔而生疑茲且悔爲无咎者幾則悔豈不
足貴如是則天可下濟山可藏疾澤可納汚而自
挹之度必虛也如是則鹽梅可託造膝可親還贊
可見而接下之禮必周也如是則補牘可奏止輦
可受請劔可容而聽言之道必廣也如是則原可
勿取鼓可勿圍珠玉貨賄可勿與知而政令之行
必謹也謀其始而不遺其終慎其幾而不忽於著

不以需勝斷不以豫勝敬以至孝康 文母以至
慈貽 文子文孫以至仁綏天下與萬世雖易詩
書所稱何以加焉昔桓公欲致諸侯而不至外舍
而不鼎饋諸婦中子曰白妾之身之不爲人持接
也未嘗得人之布織也意者更容不審耶筮子曰
此聖人之言也可行也我 皇上誠不一息而忘
天下乎則在乎審之而已

楞全集 策

卷之二

五十六

第三問

經者所以存道也道原於天殺於地而具於人心
心至明也而物蔽之心至公也而私撓之物蔽則
闇闇則塞光掩靈溺一己於翳莽之區而不能以
自振私撓則曲曲則擢情撓性築羣類於封畛之
外而不能以相通由是意見互起方術競馳素絲
化於五入廉壁裂於四分脊之剝之噴之祝之人
各挾其所守以求勝於天下而心失其初矣心失
其初而道幾喪世矣聖人有憂焉乃始爲之脩其

教聞其義覺天下之憤憤瑩天下之晦晦使之聲
聲循循日由習著察於斯道之中靈光不闕性情
以邕其所以行諸身施諸家措諸國與天下者莫
不熙然各得其理而治象昭朗躋於大同明此而
南面堯舜禹湯文武之所以爲君也明此而北面
皋夔伊傅周召之所以爲臣也仲尼有聖德無其
位生而當衰周之季王綱解紐侯邦去籍天經數
敗人紀消滅則提聖道以正人心者豈異人任於
是設壇二水之濱以來四方之士舉所謂明德新
民者而與之共學又偕之結轍歷騁軋焉行於
齊陳宋衛之郊周旋其君卿大夫而幾幸一遇且
非獨於此也竊如虎叛如豚隱如耦耕荷篠之丈
人細如互鄉闕黨之童子皆欲啓發引掖揭此道
而條暢之而吾嚮之所共學者庶幾在國滿國在
鄉滿鄉得藉以行且明於世而吾願畢矣然卒無
所遇而返因筆其所學於書總之三綱列之八目

其徒相率而尊之曰經經固道之所以存也而猶
以爲東周之志僅託之空言不如見諸行事之深
切著明乃繼詩亡而作春秋春秋者魯之所名
史而夫子脩焉其別嫌疑定功罪嚴命討皆據事
直書而義自見所謂筆則筆削則削游夏不能贊
一辭者也非不能贊也無容贊也說者謂諸侯諱
妒夫子懼于時禁是以微文刺譏義不顯明游其
指矣泰山就頽微言幾湮左邱明退撰所聞而爲
之傳張本繼末詞多美腴信爲奇偉學者好之公
羊高親受子夏義指清儒斷決明密董仲舒之所
善也穀梁赤師徒相傳立其書於漢世亦成一家
言三傳並行如列宿佐天四瀆輔海要未可孤廢
也大學之書綴在禮記如仲尼閒居所稱無聲無
體無服而爲三無志至詩至禮至樂至哀至而爲
五至禮運稱喜怒哀懼愛惡欲而爲七情稱父慈
子孝兄良弟悌夫義婦聽長惠幼順君仁臣忠而

爲十義誰非彝倫之理明新之致然而本末終始
有條有貫則大學一書自天子以至庶人均可從
事焉故子輿傳之二程氏獨表章之而斯道燦如
日星垂矣至真德秀以賦畝繼主之忠致編摩入
告之益取大學而衍其義曰明道術辨人材審治
體察民情者格物致知之要也崇敬畏戒逸欲者
誠意正心之要也謹言行慎威儀者脩身之要也
重妃匹嚴內治者齊家之要也而先臣邱文莊以

榜全集

策

卷之二

五十九

爲治平之要義尚闕如復從而補之曰正朝廷曰
正百官曰固邦本曰制國用曰明禮樂曰秩祭祀
曰崇教化曰明規制曰慎刑憲曰嚴武備曰馭夷
狄曰成功化是二臣者精思而博取援古以證今
經細兼該詳畧畢舉皆足以羽翼傳而與春秋
大義互相發明信出治之條格人主之著祭也我
皇上聰明天縱問學日新邇 今備臣以春秋進
講又謂大學衍義補事理備具節目精詳 令重

刊布天下且欲撰一文序于首簡用昭朝廷明
德新民至意淵哉 聖思其緝熙光明之學直與
堯舜禹湯文武心法相授受矣愚生頌不忘見敢
無說而處於此記曰君子之所謂義者貴賤皆有
事於天下孔子亦曰其義則正竊取之矣使春秋
所取之義非截然方正爲貴賤之所有事則豈大
學絜矩之道哉故孟軻氏歷敘列聖之憂勤惕勵
而以孔子春秋繼詩亡者政以下聖異事同然之

榜全集

策

卷之二

六十

心卽三代直道而行之心自天子達於庶人人人
有之人人得而明之得而正之貴不獨擅賤不獨
遺特其帶必有所統而臣子不得私且僻焉故以
爲天子之事耳然則王道廢則雅詩亡而天子之
事在筆削王道興則雅詩存而天子之事在舉措
愚生目擊時政有慨於中久矣請訟言而無諱可
乎是故湛露與歌魚藻選習式燕且衍優游陶然
抑何盛也自下泉冽而苞苴傷周京可懷念矣秦

秋於是錫桓公命王不稱天歸仲子賈宰書名
蓋深明正心之用當自貴者始也乃今 崇拱重
霄釜鬻爲隔弼臣無所效其作礪之忠庶僚鮮白
見其素絲之節統體陵遲官職耗廢則溶之所謂
正朝廷正百官者胡可忽也豈第君子是致是附
既盈維億徹田爲糧抑何裕也自中谷脩而此離
泣國步其斯頻矣春秋于是城郎浚洙病其非時
田賦稅畝譏其非制蓋欲弛力薄征復周官典刑

樞全集

策

卷之二

六十一

之舊耳乃今虎翼中涓狼噬環壓窮簷之杼軸幾
空大農之籌箸詘策疊以瓶恥肉剝於瘡則溶之
所謂固邦本制國用者胡可緩也禮儀卒獲業虞
具設春秋匪懈祀事孔明何秩秩也自主璧既卒
蠲饔不備而鬼神且怨恫矣故用六羽事武宮郊
牛改卜吉禘莊公春秋無不謹書之以抑其僭而
儆其慢今也俎豆匏醑幾爲虛器柴燎烝禴對越
久疎則稽儀節律呂之數正 郊社宗廟之典以

明禮樂秩祭祀其可不蚤講耶鎬京辟雍髦士攸
宜契龜慰止百堵斯興何奕奕也自覆教爲虐回
適其德而品式多不度矣故觀魚納鼎刻桷丹楹
作兩觀作南門無不備書之以納諸軌而閑其淫
今也官師倚席于衿委轡奇衰蕩巧素樸盡雕則
慎學校師儒之選嚴設建工作之用以崇教化明
規制其可不加之意耶天保以上治內采薇以下
治外徹桑綢繡栗平有圖艱虞隱之思焉自小雅

樞全集

策

卷之二

六十二

廢而兵刑政墮四夷其交侵矣春秋于是般某公
子書殺某大夫書狩于郎書蒐于比蒲書盟召陵
戰城濮書會申會黃池書履霜堅冰無不爲之防
其微而杜其漸今則三木魂愴二矛志驕漢過不
先戎心輒啓則慎刑憲嚴武備馭夷狄如所云詳
讞簡閱之方綏和脩攘之策奈之何不亟圖也春
秋成而王政舉天道明矣人道備矣西狩獲麟蓋
先天不違志壹動氣之應也父子以篤君臣以正

夫婦以睦老有終幼有長壯有用鰥寡孤獨有養
親親賢賢樂樂利利以保我子孫黎民而燕及皇
天此其格致誠正脩齊治平果何施而不得何所
措而效不臻故曰成功化而聖人明德新民止至
善之極于是乎終焉於戲斯道也何道也乃所謂
至公至明之心自天子至庶人人人有之人人得
而明之得而正之者也夫子魯史一脩而東周之
志見諸行事以繼雅詩之亡以維王迹之衰以接
禘全集 卷之二 六十三
堯舜禹湯文武之傳於不墜豈有加哉不過存此
道於天下萬世而不以己私與焉耳然道固憂於
不存也不存則廢道又憂於不得其所以存也不
得其所以存則病道精一執中無俟皇極之敷言
欽恤兩字何至呂刑之騰口彼大學傳之所為忠
信春秋之所謂元者天地之性民物之命皆於此
固其根柢尸其橐籥蓋守之甚約操之其簡而彌
綸參贊皆從此出者也我 皇上誠能體元而主

忠信卽大學之義不衍不補春秋之義不傳不贊
而斯道固已神明而默成矣奚以贅爲

第五問

夫顯而可摹者迹乎隱而不可窺者心乎迹惟可
摹故結於千容轍於萬徑岐於百致株於一隅澗
漫繽紛各肖其心之所至者皆迹之爲也心惟不
可窺故高也懸天下也淪淵纖也人蒼廣也包矜
旁魄充匝總操其迹之所肇者皆心之爲也然心
肖於迹而迹未必盡白其心迹肇於心而心未必
盡傳其迹於是聖人之權行焉聖人之權固卽聖
人之心也而過揣謬度者乃執其迹而賊之以爲
異不知聖人亦人耳非能於心迹之外別創一奇
詭以愚天下與來世也則何異之與有夫心一而
已矣有指體言者則程氏所謂寂然不動胡文定
所謂不起不滅者是也有指用言者則程氏所謂
感而遂通天下之故文定所謂方起方滅者是也

其起其滅其不動其途通其神明爲尸而應迹爲客乎其真君常存而眾迹輻輳乎故曰惟心無對乃邵康節以用屬心以體屬迹其說何居蓋謂之用者圓融廣徧活潑周通於此乎於彼乎莫測其來莫闕其往無在而無乎不在者也故曰用也者心也謂之體者膠止顛拘支疏節滯能爲此不能爲彼居而不遷物而不化有域而各局其域者也故曰體也者迹也心之自爲體用也合未發已發

楞全集

集

卷之二

六十五

利而實不遠乎義者其體難以執也故心迹兩合堯舜之性湯武之反卽雞鳴之華華爲善者而完之也心迹兩離戰泓之仁義讓燕之禪受卽雞鳴之華華爲利者而究之也或似合而離是索胡繩之纏纏而服艾盈腰者也或似離而合是泠澣澣觴同趨於壑者也或不合而乃以合是方者名珪圓者名璧而乎尹之氣自達者也或不離而乃以離是魯人之惑於愛醜商咄而美其子者也于此

楞全集

集

卷之二

六十六

以堅聖明之戴戎衣亦可以懸太白之旗可以自
毫升隔亦可以遷桐復辟可以負屨履藉亦可以
征東破斧可以卻伴墜都亦可以無與石闕無應
龍求之數聖人者騰精抗志逸世高超運元樞於
微茫之中攄妙節于垓埏之表心固皎皎而迹亦
昭昭旁行而不流廣驚而不外夫是之謂通變夫
是之謂能權固非不合不離姑就心迹依違之間
是者半非者半而苟焉託之以自完也聖風寢替
異術橫厲各爲象說特論以誣播一世之人心使
人憧憧乎得亡惛惛而不定迷其故性而不自知
於是乎有以鳥飛準繩爲大人之義如管氏之說
者夫鳥之還山集谷旣已曲矣而猶名繩焉曰不
以小缺爲傷此夫縱棹於川發軔於山不問道南
北而必其燕越至乎有以舍是與非無用賢聖塊
不失道如慎到之說者夫是非者道之所自聖賢
者道之所歸也乃舍而絕之而以塊爲道則必率

天下謬誤縱脫若無知之物而後已此夫黃白黑
塗耳目毀龍章而入裸壤退英韶而就拊髀乎有
以爲善無近名爲惡無近刑緣督以爲經如莊周
之說者夫督在人身爲中央所以貫接上下乃不
爲善不爲惡而以善惡之中央爲經彼其上不敢
爲仁義之操下不敢爲淫僻之行欲自處於材不
材之閒者以此此夫冬不就溫夏不就清襲首而
袒限貉左而絺右自謂能適寒暑之宜乎蓋考其
所由入旣非堯舜之律核其所自出又非宣尼之
經故曼衍無家窮澗無源初不究權之所歸而苟
託其心迹以與世陰陽上下耳自三子之說倡而
末濫聽熒相與祖述其業而寵狎之故乞墻登塋
迹鄰於汚而曰心與由光同潔鑽核持籌迹鄰於
貪而曰心與曾史並恬攘袂紆臂迹鄰於爭而曰
心與臧札等讓投阱含沙迹鄰於忍而曰心與惠
莊比質猶未也巖居川觀清於迹矣而心未必不

懸魏闕揮金卻幣廉於迹矣而心未必不競錐刀
牽裾折檻忠於迹矣而心未必能甘鼎鑊送帑分
宅厚於迹矣而心未必能忘惠怨猶未也不王不
霸而設桓武之閒以棹唇吻不清不和而假夷惠
之閒以宿蘧廬不斬拔毛不摩頂踵而借楊墨之
閒以鳴堅白不嚶嚶道古不踽踽獨行而竊狂狷
之閒以立窠臼迹欲有所暴也則微揭其心以示
之迹欲有所遁也則堅闕其心以匿之迹欲有所

釋全集

策

卷之二

六十九

襲也則密調其機心以餌之迹欲有所躡也則深
潛其巧心以攀之情態遷徙如脂如韋倏忽變幻
如蜮如魅聖無心而彼亦曰無心聖無迹而彼亦
曰無迹聖達權而彼亦曰達權雞犬忘乎新豐談
笑真於叔敖尋之莫瞰其倪攻之莫得其罅然乎
然不然乎不然吾孰從而辯之噫以此為權信執
事所謂託徘徊之岐路挈心迹以取中而韓安國
之兩是蘇味道之摸稜皆升堂入室矣今夫國工

之為輪也行澤者欲忤行山者欲忤忤以行澤則
是刀以割塗也是故塗不附忤以行山則是搏以
行石也是故輪雖敝不覲於鑿聖人之權譬車之
行山澤不覲不附而騁若康莊者其輪輻足恃也
彼竊權擬聖者不知忤忤之用而飾輪軫以試於
山澤之閒車之覆也豈不易哉至於今則又有可
異者諱其說於權變權術而壹以權宜為解夫變
非常也術非道也宜則時措而得中安行而合義

釋全集

策

卷之二

七十

矣既得中矣既合義矣天下事果何不可為乎蓋
權宜一言始於在上之口實而下遂憑之以為
法守起於一時之調停而世遂據之以為凡例是
故此比彼推前引後援不宜進而進曰權宜於進
耳即三旌之位何遜耶不宜得而得曰權宜於得
耳即百鎰之投何避耶不宜行而行不宜止而止
曰吾權宜於且行且止耳事成吾任其功事不成
吾不任其咎即以國家為孤注而一擲之庸何傷

耶事事無傷事事可爲及其心曲盡壞形迹都窮
衾影寤寐無以釋其魂報動履舉措無所施其眉
曉有起而攻之者彼且逞桀驁之私騁攻許之智
習反噬之謀恣譁張之說誓天矢日徵小論大白
謂官爵不足愛頭顱不足惜第吾之心迹不白朝
之清評鄉之月旦於我謂何蓋初或有中於睚眦
儼然自訟今則自簿紂丞而上一掛白簡動即咳
口撫辦公車之章且纍纍矣於戲使人人皆心迹
標全集 策 卷之二 七十一

無他則人人皆舜而非跖也何至緩急乏材厯

聖天子拊髀之恩哉

防倭標本策

壬子浙江武試

中國之防倭有標有本有標之本有本之本何爲
標標有四一曰密防汎我境迥臨夷甸望洋浩淼
非風不能徑渡故大小汎期幕府檄諸伙飛騰張
以十數艘散列陳錢馬蹟等要害界之外洋不令
登陸是已而後海沿邊一帶設或載水隨潮艤舟

泊岸不難衷甲而窺左足此不可不察偵蚤防也
二曰嚴策應夫艘艦周巡以待小偷則可若蠟燭
巨艦截浪排雲我艘仰之不見檣杪將螳臂安施
乎必豫備沙漏滄號等船分布各隘烽燧一舉衆
艘麋集并力而犄角之蔑不濟矣三曰講戰陣倭
不長水戰而長陸戰倭不長弓矛而長刀銃以吾
所短攻其所長百不當一以吾所長攻其所短一
可當十宜倣戚將軍所定水陣法先列大器大狼
標全集 策 卷之二 七十二

筦戈爰而率舟師如牆以進勢類率然倭技窮矣
四曰誌城守倭來海微倖倖無賴不能人居至近
城邑鹵金帛子女據有巢窟毒始蔓延第有城邑
處頓令清野拮据壘守集威遠神臂欄石甌車建
輒而下令不得近渠舍舟陸行燔薪易乏纔數日
且枵腹困不鳥獸散乎凡此四者乘倭之來卒而
禦之圖于有形故曰標何爲本本亦有四一曰精
訓練集兵不難練兵難不諳坐作不習夷情不挾

長技猶之驅市人戰耳居恒抽擇選鋒上者知司馬法次習吏情次驍勇善騎射擊刺以稱姪而訓屬之自伍長什自什長伯自伯長千以技陞陟救陳整旅龍驤麟振此兵將兩練之法也二日脩器械數年無事陸沉以金鎖拋統兒債帥有挾矛鋌鎧鎔飾棧代營樞他者一旦有警咄嗟難辦能徒手搏乎宜時時查覈缺者補缺者脩無故而缺缺者必問此文守兩藉之法也三日足糧餉兵餉足則居無他營而技精臨陣宿飽而氣奮然募必有餉蝕于何所軍必有屯湮于何年稍于沿海曠地如舟山金堂大榭開田之役于豪右荒爲甌脫者籍而伍之無事則治錢鏹有事則脩戈矛變斥鹵爲良畝化召募爲土著振罷敝爲精勇倭至卽以材官羽林蹂踐之此兵餉兩足之法也四日明賞罰今之海上汛哨非盡能捍禦夷也俟自去辛其不敗待自斃掩以爲功甚至有掠釣艇殺平民以

邀利覬賞者上下支吾欺給耳目謂宜官各有守士各有職以地之衝僻權勞逸以發之遲速第嚴最守而力最于攻訓之精最于戰輕則無稽時之賞重則有越次之擢而支吾欺誑者一切軍法從事無赦夫亦有奮心乎此勸懲兩濟之法也凡此四者倭來亦備不來亦備故曰本何爲標之本夫倭來而圖之抑末也試考倭何自而來記嘉靖初市有船監夷夏相習競爭利賄上窮龍賂下困番網於是兇徒逸囚罷吏黠商講張睥睨窺身倭奴而誘之爲難吳越之閒自溫台以及松陽被其潛螫者十郡自此罷絕監市靜謐者數十年承平既久芽孽萌生吳越奸民鬻田廬攜親戚間渡扶桑析木之津往則載貨揚航以市海爲名歸則鎔金附身貿原舟而還甚至遠資異類持獻圖畧效中行翕侯之爲者倭素髯禿聞習冠蓋矣倭素跣赤聞習衣履矣倭船樓櫓異制聞構華舟矣倭語喃

嘖不可辨聞習華言矣以素相貿易之人卽旅而行于吳越之閩何從別識曩寇在藩籬今在門庭矣不嚴爲禁漸不可長一切禁絕則富賈豪族變怪百出迷禍釀釁當事者苦不得措置手足鞭長馬腹噬臍寧有及乎故密防汛嚴策應講戰陣悉城守以外禦者標之標而謹譏察絕私市以內禦者標之本所宜亟講也何謂本之本夫所謂本者在精訓練脩器械足糧餉明賞罰而大要則又以

楊全集 策

卷之二

七五

收人心爲本乃浙之人心何如也蓋嘗泛錢塘登秦稽見閩寧之綱亘波濤之激射檣輪之環絡魚鹽惠科之饒給信寓內^大都會而職方氏所謂東南半壁者也敵擊肩摩雲衽雨汗徒業糊口至者如市而恣睢狂掣往往窟穴其中不耕不蠶鮮衣怒馬舞智黃鼓喜訟好爭以官府爲鼎俎而已挾匙匕以閭閻爲魚肉而已持刀机聚羽折軸叢指撓錐有司漸失其權百姓莫必其命且也征賦口

繁旱澇爲災蚩蚩氓隸憂貧而不憂罪懼死而不懼刑博賽呼盧倒囊擲幣而且倡盜竿膏髭靚粧衙門招搖而且匿盜蔽披緇髮持孟勺齋而且挾盜器篙工柁師野渡津頭而且恣盜行煮海貨離憑山鑄冶而且集盜羣稷下梁園堯服禹步而且公然爲盜主此曹越志思亂命曰不牧之民鯨波一搖斬木揭竿而應者如水赴壑曩寇在門庭今在腹心矣若不蚤爲之所恐猛敵橫發於不虞

楊全集 策

卷之二

七六

而倭夷接軫也誠能飭紀綱申教化勤撫綏刀劍易以牛犢荏苒符習以鄒魯使人心喁喁歸命於我愉怫相通呼吸相應嚮所稱說者皆可次第而舉矣故曰日本之本也圖其標一歲之計圖其本百歲之計圖其標之本與本之本則萬世之計以南防倭可以北防虜可卽以治兵治民治河治賦無不可者倘慮外而不慮內狃於情之可安嬉笑幾幸及事勢傾敗坐視而莫之救藥是庸醫不知緩急

而標本皆誤者也

學政

兩浙學政十六條

一爲師者必知所以教爲弟子必知所以學教非所教是謂敗範學非所學是謂躐等韓昌黎不云乎弟子不必不如師師不必賢于弟子師曩得水師馬得途師斲輪而知所讀者之爲糟粕豈在哉里中父之升其子也委貌素積進諸客位而

擇全集

學政

卷之二

七十七

之曰棄爾幼志順爾成德無侈說也尊則稱師親則稱父將焉用侈我國家自設科目以來何歲而無學使者何學使者而不廣布條章使其朝鳴鐸而夕雅化也則人人升堂由賜接踵人人入室參回北肩矣抑何儒效淵疏若是耶嘗試披一二學約而誦之見其窺姚軼奴蠹秦型漢札苗信曲鍛鍊緯經非不夏夏乎陳言之務去然以父師而與子弟鬪巧競勝非其實矣況禁莊列也而援逍遙

力命之篇禁佛釋也而引山河大地之談是陽抑

之實陰導之也教者非學者又非奚怪乎我諄諄

爾邈邈不惟以規爲瑱而且弁髦棄也本道素不

能嫻于辭令卽能嫻亦不敢持之以求勝爾多士

今日條章之布矢口命辭僅僅如里中父所以黜

子于昨而已諸生勿以爲無甚高論而鄙夷我

一士者國家之寶也奉璋追琢以勉我王玉璫黃

流以介景福皆髦士是賴今之操尺幅而待試者

擇全集

學政

卷之二

七十八

誰非我我濟濟之士乎若士而以請托進則安所稱士試士者而可以請托求則安所稱師本道從諸生而孝廉未嘗跬步至偃之室卽以他事道經府縣必故迂曲其途此雖近于顧固然與登壘乞墻者趣舍殊矣及筮仕中外初不敢潤色竿牘求子弟躡蹠咫尺而受檄守郡則謹案三尺對質神帝不肯偏聽薦紳一言不肯輕徇春元一事而諸薦紳春元亦皆相成以道義絕無所干請此爾生

儒之所耳而目也矧今奉璽書飭模楷而剛腸化
爲繞指自分兩截則先不寶吾鼎矣何能得寶子
多士以報效國家乎願與諸生定盟所不竭誠秉
公負爾二浙士者明神殲之請以是言登諸載書
爲異日息壤

一學也者倣也學刺網罟學治舟車必倣前人所
爲乃可以進于技若習網罟而操斧鑿習舟車而
執鉞繩是以背之之道倣之也適燕南趾雖終身
榜全集 學政 卷之二 七九

不得望其國都矧第持三旭糗糒哉今世學士動
以賢聖自期然必倣聖乃聖倣賢乃賢豈浮慕襲
取哉諸生試靜念默想聖賢與我同一膚毛股拊
同一體脈胸竅彼胡爲而先醒我胡爲而懵懵彼
胡爲而孤詣我胡爲而遂遂重其任而不能勝皆
由脊梁不勁遠其程而不能致皆由脚跟不猛倣
莘野之不顧不視而後可以堯舜君民倣隆中之
淡泊寧靜而後可以鼎足曹孫丈夫何畏有爲若

是語曰蹄躡之馬亦驥之乘顏氏子嘗啼仲尼矣
正考父嘗啼尹吉甫矣不欲啼則已矣如欲啼孰
禦焉乃耳日覩記猶未見其人也母亦倣之不力
乎願與諸生共勉圖之

一吾人績業不可預期而器局則當先定何者績
業之成毀由乎天而器局之大小由乎我也受以
區籥者注之鍾釜則傾受以沼沚者注之江河則
溢故叔度千頃奉高汎濫其中之所受者殊也今
榜全集 學政 卷之二 八

士者未論其大卽臨小小利鈍小小得失已不能
自持而悲喜愉佛之態見于面目動于肢體令人
已窺其槩閒有矯抑脩飾善藏城府者則又伸節
昭昭情行冥冥袞冠長紳而志同市陌繩趨矩步
而行類踞蹠明窗淨几而心役羶穢御餽塵金而
頤朶簞豆此其器局乃無竅之匏無當之卮投以
鉢黍而不能受尚安望其衆籥二儀包括萬策薄
榮廡若鴻毛履變故若暇豫哉爾諸生要于平時

理會凡遇古人順逆夷險之際倚几而心口語曰
我誠踵見肘決也能歌商如出金石乎我誠負屨
受朝也能三握三吐遜碩膚而几几乎我誠美里
拘幽也能柔順文明以蒙大難乎我誠扣馬載主
也能采薇西山乎我誠風雨冥晦也能坐懷不亂
乎仰止高山設身自處眼孔欲大胸次欲潤膽氣
欲堅心竅欲實貧賤富貴如是夷狄患難如是造
大顛沛如是方謂之大器局方謂之真君子彼夷
檮全集 學政 卷之二 八十一

吾平仲國僑叔向之倫且拜下風矧瑣瑣者何足
置喙

一我朝取士之法似密實疎似嚴實寬前所稱說
慕效氣局猶或謬曰此賢聖者事也晚近焉能顧
諸生居恆論議之所賤簡非儀秦東方生吾邱詩
王輩乎試撫其遺事而觀之秦主縱儀主橫以壁
馬馳說于列國之郊所至勞費山川指筭兵甲規
圖善敗如在目中令世主傾國以聽東方生大直

若訓談娛宴笑匡帝于仁義禮法悠然委順而不
自知吾邱禁挾弓弩之對理正辭嚴卽說命康誥
若不過是咨爾諸生終日呻吟終日佔畢設國有
大故何處而山銳師何處而扼險塞何處而突其
無備攻其必救未必諸生之所能辦也又設若遇
雄才大畧之主膠東之策內史之懲堅拒不入而
佩刀荷戟逆耳撓鱗言者無罪聽者解頤又未必
諸生之所能辦也諸生入試僅帖括制義耳稍能
檮全集 學政 卷之二 八十二

紬繹理道不悖師說論議非盡當于石畫駢偶未
悉應于風雅而紆青拖紫已取之若撮矣斯其法
不亦疎而寬乎雖然上待之疎而士不可不密也
上待之寬而士不可不嚴也咳唾皆恩壺餐必報
而況君臣之義原無所逃進而大行退而窮居國
日市井野曰草莽無之非是也自大庭廣眾以至
潛伏屋漏何地而不當點簡自燕處容貌以至獻
身成信何時而不當敬慎寧玉碎毋寧瓦完寧蘭

折卦寧艾榮寧輒而更母寧刻爲而飛在治若鳳
在亂亦不化而爲梟用我爲虎不用亦不伏而爲
鼠其自治嚴密如此夫然後無愧于士不則徒羨
侏儒囊粟之飽而以繫肘後金印令親戚畏懼者
則孟夫子之所謂妾婦耳諸生盱衡千古必不心
甘妾婦者流也請問何居

一經術所以經世務也士不通經不足致用昔譚

尚矣夫經者常也布帛菽粟誰能廢之好奇者棄

樞全集 學政 卷之二

八十三

布帛而艷雲綢霞彩之飾卻菽粟而羨熊蟠龍髓
之珍此以傾駭耳目則可耳豈日用之常哉世儒
厭薄經傳而索之二酉五車以相誇詫不知經最
簡易亦最奧妙最平淡亦最新奇乾坤兩畫終日
談不離乎是堯典二字說者至累煩而有剩言至
于祇庸載采教稼穡祗鼎鼎鼎駢等語皆發自獨
創未易更僕我 祖宗令甲慮諸士之汎涉而無
得也令各占一經以代羔雉然童而習之白首其

如無論小品下乘卽捐十取一鎖關棘而試者幾

半十千不慧常合併摻之求其中經常之窹冥合

妙契蓋亦鮮矣此皆學而不思之故也庖丁操刀

而割目無全牛秦越人之醫隔垣且見五臟窺顯

達幽從表徹裏割者非形見者非迹宜其躊躇四

顧如土委地而五日不寐之號公子亦起而肉之

也爾諸生之治經義必熟誦萬遍思之又思通于

鬼神直透作經心曲就在眼前飲食佩服終身不

樞全集 學政 卷之二

八十四

舍如是而經務致用庶幾有當非然也義易所以

知險阻而京房反用殺身周官所以致太平而安

石反用禍宋經之罪耶抑治經者之罪耶若又曰

經者公尸餘餼已陳芻狗也則予言亦贅疣矣

一文非獨人有之星霞燦于天果木麗乎土皆文

也其在吾人則言語威儀以華躬紀綱憲度以飾

治纁幣琮璜以接賓安往非文然文莫咸于貴用

之察時變用之化成天下乃孔子卜則無取焉而

以暢四肢發事業歸美于坤之黃中則文之所貴可知已今之論文者顯以握管摘辭軒輊殿最已非昔人之旨乃其所謂文者繁輓爲工飽釘爲富鉤棘爲奇甚且六甲未窺模倣三策五聲未辨綴襲九歌此不足以諸里耳覆瓿詵矧望四支之暢事業之發炳炳濯濯與天地爲昭哉茲不欲咸有稱引以相炫燿第取坤貢二卦反覆玩味坤之文何以通理則敬義不孤之爲也貢之文何以文明

樗全集

學政 卷之二

八五

以止則永貞不濡之爲也藉令在中者孤而易倚濡而易流敬義既廢貞固亦淪是根先撥而求其華之茂膏已竭而欲其光之耀卽鏤玉翦綵強名口文而文豈在茲乎

一異說害政從昔已然但有日星則有肆字鴻鈞訓而肆字弊矣有英莖則有淫哇玉律正而淫哇息矣有載籍則有異說眞見定而異說退矣世之學者每以道術不明歸罪于羸氏之火漢人之舌

自我論之羸火雖熾而魯壁猶有存也漢舌雖熾而枕股猶可傳也迨至于今高者妄希頓悟託意禪宗卑者束閣六籍游談不根窺其庭則盆魚窗草曰吾活潑機緣也入其室則帙竈塵封曰超脫蹊徑也及主考臨場拈題目非惟不知箋註若何疏解且併其本文錯亂上下左顧右盼莫知指歸于是杜撰設創射覆守宮如大哉聖人之道一章而纏住禮字如同也其庶乎一章而纏住空字

樗全集

學政 卷之二

八六

如子路曾皙侍坐一章而纏住居字夢中歷歷吟嚙盈口不識其談者謂何一人弋之百人拾之通國幾若狂焉斯其禍卽羸火漢舌豈如是烈哉今後倘作此惡業乖本文背箋註創爲新說以惑世誣民者生員革黜儒童責枷坊間如有異說存梨卽時燒毀違者一體究治

一讀書窮理乃吾儒分內事肆農之鹿麋商之賈化自本業耳墨翟載文滿車仲舒不窺園門倪寬

帶經以鋤路生截蒲而書彼何爲若是汲汲與妙
理精義盡在典墳耳領之奚啻簫韶其音口嚙之
奚啻芻豢其味卽欲輟而不能自輟耳惟科舉之
制興士人一腔熱腸都嚮功利上走作謨訓簡編
借爲富貴之梯備假之具操觚就試得失榮辱交
戰互持其氣先旣疲憊不振矣安得瀉辭如飛瀑
挾藻若春華哉無垢有云吾生平場屋文字只是
直寫胸臆此舉業第一機括也諸生于作文時合

榜全集

學政

卷之二

八十七

下憑見在道理勝自家材力閨中肆外發揮玲瓏
透徹遇與不遇有命存焉絕無起念計較卽所事
者科舉所習者課藝而身心性命之學便在其中
矣不然農夫不以饑饉不耕商賈不以折閱不市
而爲士者乃于得失榮辱之際來往憧憧廢墜本
業何其智反農賈之不若也

一儒者修身以待舉力行以待取如孝友睦婣忠
敬節廉卽白勝衣舞象而後亦旣稔聞之矣本道

無容復贅乃有世俗之所忽者請頌言以爲多士
規昔魯莊治桓公之宮丹其楹而刻其桷御孫諫
曰儉德之共也侈惡之大也先君有共德而納之
大惡母乃不可乎夫人尚儉世方以器小誚之而
顧曰德之共人尚侈世方以輕財譽之而顧曰惡
之大何哉獨不聞露臺惜而漢業茂燒羊忍而宋
祚昌肉林成而殷鼎移阿房出而秦鹿走彼有天
下者且若斯何況人士然儉多生于不足而奢每

榜全集

學政

卷之二

八十八

起于有餘今則非有餘而去儉卽不足而從奢矣
室如懸罄衣必文采舌以代耕食必梁肉鄉書初
薦僕從如雲鴈塔甫題姬姜列侍其始也數米而
炊甕牖而處繼則方丈鼎珍無處下箸棟宇輦飛
難安裸膝若而人者棄禮敗度絕繩毀維提躬無
姱節居官無潔名其惡之大可勝言耶願諸生深
用爲戒寧纖嗇毋廣大寧澹約毋浮淫甯不盡之
物以還造化濟不竭之源以康黔黎養不盡之福

以貽于孫雖士所當爲者不止是而座右之銘竊謂不可少此一通

一懷德懷刑皆稱君子而懷刑之視懷德則相懸遠甚蓋懷德者無所爲而爲善懷刑者有所畏而不爲惡有畏而入于無畏君子之所以成名也不畏而入于多畏小人之所以敗類也爾諸生兢兢于當世之禁者豈曰無人然而輕扞文網以厭縱己私亦多有之方其角卵成童稍露鋒穎便已騁

博全集

學政

卷之二

八十九

穉鴈行而裏駕之一偶當于刮目自謂蓋世事業收在股掌會不知吾身有許多虧欠世界有許多以陷幸而得意第適然耳一不得意遂垂首低眉如墮坑塹不比爲人故婢膝奴顏以句餘瀝者有之單辭連牘計覓鋪錄者有之甚則引類呼朋撰造謠曲所喜則鷹鷂化爲鸞鳳所憎則乳哺指爲鴆毒持有司之短長快同輩之傲睨若衢之常山處之縉雲已見告矣此風日競長且安窮刑之不

懷德且焉有本道不忍見諸生之無所忌畏推禍門也故反覆叮嚀如此儻不蚤悟罹我刑章噬臍何及

一訟非美事聖人設卦繫辭以訟垂訓惕中則吉終極則凶見大人則利涉大川則不利至於莽之伏戒之以勿與卽命之復戒之以安貞盤帶之錫危之以三褫一卦之中屢致意焉書曰忍乃有濟有容德乃大若錐刀之末奮臂而爭睚眦之忿

博全集

學政

卷之二

九十

挺身而赴卽庸夫細民猶爲失德矧吾儕所學何事而不能忍人之所不忍容人之所不容則亦聞左稗批耳何以稱士本道握郡篆視事且幾四年所矣見有衣冠濟楚文章質正者則愛之重之見有褻衣矮帽雜沓阜輿者則鄙之薄之又見有毀冠囚首徒跣呼號若沉冤畢世深足憐憫者及扣其所以不過盃酒豆肉醉飽之愆而已夫自侮然後人侮我不生難誰能與之橫逆三反安人勿較

唾可乾車可避膝下可辱非譬不共戴國不反戈者庸懃何爲卽幾幸取勝彈雀以珠得不償失況未必勝耶諸生萬惟慎重勿苟錯趾于有司之庭戶婚田土只許家人抱狀赴該衙門懇理如生員被人牽告不係重情亦止提家屬訊實勿得槩拘挫折士氣如事不干己而出名包訟插身辯證者究黜決不食言

一四民首士稱恭重矣孟氏謂待教而興者爲凡

轉全集

學政

卷之二

九十二

民興不待教謂之豪傑之士夫豪傑寧可旦暮遇哉漸滂而馨祝嘏而肖教可以興卽凡民猶躋于豪傑惟惇愚不靈沉淪濁滓襟馬裾牛自底弗類民斯下矣守令者士民之師帥也帥之仁讓則仁讓帥之貪戾則貪戾在賢守令加之意而已是故月有課季有試觀其藝也服無奇行無頗徵其德也善者旌淫者絀約以規也矧其置持其危聯以恩也石可叱而成羊虎可伏而聽法彼頑物無情

猛獸何知化之所及猶且孚貫矧兩血氣心知而號爲人者乎有此賢守令而不矜奮濯磨以豪傑自期待非夫也揚子雲曰在夷狄則進之在門牆則麾之若教而不興且卑卑俛出齊民下矣當亟麾而退毋令玷我門牆

一師道立而善人多自教化陵遲不模不範士習窳偷敝也久矣所賴振勵而挽回之者豈異人任本道與郡邑諸博士不得不均有責焉顧學臣簡

轉全集

學政

卷之二

九十三

書是畏四牡驅馳突不得黔席不暇溫其與諸生親相勸勉第俄頃閒耳諸博士先生南面傳經負劔辟呬朝鳴鼓而聚幕擊柝而散執業有常講貫有方與爲人子者言孝與爲人弟者言悌嚶嚶而狂踴踴而躍者與之言中行春容啓迪舞蹈歌咏熏之以陽和陶之以德讓優焉游焉不令見異物而遷焉勿問脯摯勿褻格杓勿臘貴介豪華勿輕鴉衣緼袍不率教者反覆以俟其悟又不率則微

辨以作其愧又不率則夏楚以收其威如是而且
怙終也有官法之師在焉本道持三尺而繩之矣
乃博士教自身先說在山泉之蒙果行育德以作
聖功師道之立此其選也敢告司鐸

一荀子有言曰入而行不修身之罪也出而名不
彰友之罪也砥行立名濯磨嚮往在我而已于友
何罪哉蓋麗澤則潤佩莖則馨世豈有金蘭切劘
而德業不進者乎亦豈有離羣索居而安安不溺

榜全集

學政 卷之二

九十三

者乎故聲應氣求千里結袂誦詩讀書曠古游神
何況爾浙關關衿舄人握隋和綯帶締交臭味投
合皆莊莊乎美士也奚必遐慕冥思乃可以取友
而成名耶文到各學諸生隨便立會不拘人數多
寡推有學行者一人爲會長又一人爲會副每月
三會每會三篇論表策開作文成彼此互閱盡言
相正毋得虛相貢諛又須于文字外德業相勵過
失相規如有自淪匪彝諍言不入耳者亟宜謝絕

教官月考提調官季考優卷三名前解道批評悉
用原卷不必另磨印開填照舊規行

一士行不淑自勸懲失真始樹嘉穀者必芟稂莠
養珍禽者必逐狸狴彼學霸豪右敗轅破犁亦士
之狸狴稂莠也此而不懲善者何勸朝廷廣厲之
意必不其然今後各提調教官密切體訪填分三
等簿其優者要見平日某事某行其劣者亦要見
平日某事某行只信筆直書不拘對偶又將門簿

榜全集

學政 卷之二

九十四

簡查曾經包攬詞訟曾經被人訐發曾經保刺官
員賢否曾經具呈民間利病就中辨別知非端士
其有改過改節不妨先後開報按臨一體揭送發
落日公同各官諸生面行賞罰各官不得任情偏
聽挾私中傷亦不得故示長厚含糊兩可致碍施
行又訪得教官有不肖者指稱開報行簡將暗昧
無根事情恣其嚇詐臨時止將一二貧生捏報又
有學荒行劣生員自分不免買求教官與開德行

以爲臨考求全之計訪出拿問不貸

榜全集 學政 卷之二

九十五



慕蓼王先生榜全集卷之三

六世從孫宗敏爾博重刊

解辨

不惑知天命解

蓋孔子嘗敘其進德之年曰四十不惑五十知天命夫不惑則覺竅已開解翳釋滯是豈不足稱知而況聖人者神靈昭曠妙合天符靡迷弗灼靡與弗洞乃不惑矣又有知天豈當其不惑尚與天命

榜全集 解 卷之三

爲隔而五十之知與四十之知證悟果殊旨耶解之者曰道一而已矣而以爲有二焉則亡羊之岐也知亦一而已矣而以爲有二焉則射覆之見也何者天以一中立命而人得之以生孰豐孰嗇孰損孰增夫婦之愚其居室見解可以察天地參神聖而天聰天明函精毓粹所爲知至而至知終而終者卒不能於孩提自然之良知有加毫末然則聖人之所學可知已是故其性仁義禮智其情喜

怒哀樂其倫君臣父子夫婦昆弟朋友以至事物
纖悉繽紛殺散而總之皆一中之命蓋微而顯虛
而實者也其微者聖人不欲強探之以爲幻其顯
者不欲粗索之以離吾宗其虛者不欲咤之以爲
寂其實者又不欲徂之以淪於卑近故其爲學於
仁義禮智而研其幾於喜怒哀樂而審其節於子
臣弟友自責自修而驗其極夏之時殷之輅晦之
禮師襄之琴萍實商羊之瑣細不憚一一辨之沿
繆全集 解 卷之三 二

言哉四時行百物生又曰下學上達知我者其天
夫惟天知我惟我知天則虛實一原顯微無間先
天無始後天無終而向之所謂不滅者六通四闢
以知知亦以不知知混乎冥乎而與造化爲徒矣
蓋聖學無工夫而聖心惺惺夕惕朝乾則又未始
無工夫聖學無階級而聖學歷歷則又未始無階
級故十年之精進獨覺獨解故托其近似以自名
如此爾不然一中之天命具於情性發於事物卽
繆全集 解 卷之三 三

流邇源賄指識歸蓋方十五志學之時聖人已蚤
從事焉第能立以往則守愈固知愈明融明透徹
油然而順渙然冰釋而天命之理固炯炯不惑于
聖人之一心矣然聖人不自知其至此也方且不
倦不厭忘食忘憂隱怪有所不爲遯世亦無所悔
精之又精存而又存靜也見天之復動也見天之
通時出也見天之川流溥博淵泉也見天之敦化
流時枯榮升沈聚變見天之於穆不已故曰天何

聖人欲強自異於孩提夫婦而不可得而謂四十
一知五十又一知則四十以前猶恍惚疑似未知
天命爲何物直積而五十乃脫粗入玄洞與灼幽
回視四十之境別有超然頓異耶蓋觀於易自乾
坤而下既濟未濟而上玄黃之通變水火之爭禪
莫非天命流行於其間聖人居安樂玩至於三絕
編三折鑄始喟然曰夫易所以崇德而廣業也範
圍曲成晝夜通知窮理盡性以至於命曾不離是

然則從少而老畢世所學皆天也獨四十五十云乎哉是爲解

大心小心辨

夫善學者則自事心始矣心之體本收斂而內局者隘之心之用本恢宏而外馳者蕩之故必先有以斂此心而後有以弘此心必先無以蕩此心而後無以隘此心此不可不辨也今夫人之心何心也卽天心也天之心翕闔於坤專直於乾則可謂

楞全集 辨

卷之三

四

廣大矣乃其小者醞釀於遜姤剝復之交眇兮宵今不可窺探然而兩儀之齋持二曜之運照四氣五行之禪轉代謝以至含生肖翹百嘉萬品之倫並育而無害無非此心爲之充匝周貫於其間人惟得天之心以爲心是故局之至深和之至鉅鑰之益密發之益宏收而握之藏于一掬之中舒而放之翔于寥廓之表者謂小心可以事上帝大心可以通百物小與大非有二也以其隱密微妙若

希若夷強而命之曰小而其小也乃以成其大也

以其磅礴布濩無端無紀強而命之曰大而其大

也初不離於小也世儒不知天人之爲一心大小

之爲一貫內局者牽曲固滯塊然株守其一膜拘

焉而無所入窒焉而不能達旣已乖其虛圓變化

之用外馳者方且欲乘渺莽之鳥游於無形埒之

區決裂汗漫不可收拾又併其粹精之本體而失

之體之不存彼自謂函物而忘已而祇見其墮於

楞全集

辨

卷之三

五

蕩也用之不行彼自謂妙已而粗物而祇見其稿於隘也隘矣蕩矣則與天心不相似而何上帝之能事百物之能通哉惟夫善事其心者以吾之心合於天之心以天之心合於物物各具之心是故聲聲怵惕兢兢戰恐懼不顯也而臨無斃也而保不聞不見也而亦式亦入乘不薦之敬篤不已之純凝神儲精於沕穆宥密之內卽戲豫馳驅有所不敢而一出王一游行昊天之明且無不及焉故曰

小心翼翼昭事上帝又曰上帝臨汝無二爾心是心也不壇墠而肅不黍稷而馨可以孚重元亦可以總倫類可以格蒼瀨亦可以府垓垤際高蟠厚吾心之通乎兩儀也察來彰往吾心之通乎二曜也茹柔吐剛吾心之通乎四氣五行也雲行雨施而草木自蕃淵實山虛而飛潛各適吾心之通乎百嘉萬品也蓋自其小者觀之若遞姤剝復之交微陰微陽動於緹帷密室之中欲求其芽茁名狀

楞全集 辨

卷之三

六

而不可得究其至大則赫赫肅肅盈乾塞坤皆其小者之爲耳然則繽紛散蹟固太始流行之機鬼神見聞之器而博貫兼該卽性命發揮之精齋戒退藏之緒也勃乎其不可禦若有肩而鑰之者果何體之非用何大之非小耶寂乎其無所有若有拓而發之者果何用之非體何小之非大耶不然小者一心大者又一心事上帝者一心通百物者又一心心領若是之多岐哉嘗觀中庸一書未嘗

以心爲說而善言心之小大者莫詳焉喜怒哀樂不失其節而致之足以位天地育萬物溥博時出經綸知化而實不過一尚綱之淡無愧屋漏此心學正印萬世之真承也彼分小大而二之者吾猶以爲後儒支離之見非中庸之旨矣

誌銘 行畧

大中大夫江右行省參知情符蔡公墓誌銘
壬戌之冬蔡大夫長君將襄其先公葬事偕弟某

釋全集

誌銘

卷之三

七

等句銘於予予與大夫萬歷甲午同舉於鄉戊戌同登甲第名諱相鄰居同里官同戶曹又嘗約締姻婭情誼蓋蒸蒸然厚也以故長君昆季不鄙夷予之不文而以銘墓請予雖自諗子墨之疎而亦不敢以不文辭因按其行畧而次之大夫諱增譽字宏耀別號情符世家晉江龜湖之龍窟里高曾而下敦樸力穡累德行義至贈中憲鑑亭公大夫父也始督大夫負笈受師訓一日贈公攜數稅出

自袖中相示且記異時成虧予讀竟撫几驚嘆曰
此若家千里駒也卽不佞當避三舍矣無何大夫
果用經術顯成名進士卽度支治吳餉出守雲間
擢江右治兵使者分巡南瑞改視學政移行省參
知保釐湖東所至愛利居諷去思而自御儉非一
絲一粟不以旁擾屬邑其於諸薦紳長者容接造
膝咨四履善敗語不及私人亦無敢以私涸者蓋
自在事至遷秩去庭絕筐篚宦橐蕭然每瀕行恒
榜全集 誌銘 卷之三 八

負上任使而後卽安道守松郡人多以盤錯難之
大夫叱御以往一意民瘼市下車詢松所不便次
第設解法所必持雖豪有力藉上官之嚴重以爲
辯不繞指柔也視向沮權璫勁自若松多疑獄久
淹莫決大夫蒞事未浹時剖豁如洗聽兩造一切
罷勾攝令自詣片言立折宿胥之刀筆健檄之爪
牙無所資緣爲奸伏戎之莽松爲劇則清保甲愼
封守一時潢池鳥散閭里且戶不夜扃征科之令
榜全集 誌銘 卷之三 九

不能似舍人裴關西清德其天性也方大夫初授
計部董崇文門課時權搆璫使正橫有權璫以稅
緩頰大夫談笑卻之璫竟戒勿犯當事者有以關
差相市大夫慨然曰吾安能俛首蠅營以逐腥腐
哉于是乃得吳監允是役也有漕臣爲政他計部
至第娓娓脩故事耳大夫以爲誰非王事若弁髦
職業而借銜命以自逸暇璽書謂何乃明要束躬
督勵斷於料量惟允俾庚癸無呼鼠雀不壯以無

劑酌緩急而輕重布之不度者寬其額賦法平而
人樂輸松又瀕海亟於兵亦亟於餉大夫豫爲規
畫儲峙餉以時給而蠶漁有戒故卒伍多激發自
奮超石投距之氣屹如也至若禁水葬毀淫祠汰
治遊濬河渠雨暘愆期有禱隨應纒纒美績未易
縷舉其於緇衣之好尤篤節縮俸餼以脩學宮賑
士之貧無餼者每試士無遺珠之嘆而託於臆鼎
者不獲售焉故大夫徙兵憲江右人無不舉手加

額曰是松之民祗席而軍挾纊者然亦弟以松之
治治之而南瑞治如松旣而徙學憲江右士無不
叩首伸眉曰是松所稱一經品題便作佳士者然
亦第以松之試試之而十三郡之得士如松嘗憐
一生輩而學未荒試其孫爲代一童負病試卷未
及謄真閱其稿錄焉其惜才也如此邇大夫當事
至今兩地之鐸鐸榜中者多曩時所得士則益行
服神鑑云顧其持衡始終不以尺寸假人撫軍衛

榜全集

誌銘

卷之三

公嘗欲爲一年家子復青衿大夫曰豈可以國家
公典奉貴要需私恩竟持勿許程士之暇嘗署臬
篆顧直指以風聽欲法司中吏大夫執不可曰往
例司中吏有過應本司自糾毋以吾今日代庖失
百年來規體也事亦中寢其撓勁不撓往往如此
壬子以參知齋捧六月于邁行次方城之息縣傷
暑暴殞于車中卒之日吾鄉天馬山三日鳴裂火
許其深不測異哉陳眉公碑頌謂器局凝重詞令

簡確張弛甘苦多有妙裁而重之一字尤得大夫
神情意其天馬山之靈所鍾而鍊者乎大夫幼有
至性贈太恭人連氏蚤背事繼母陳色養祿養靡
不備孳並贈恭人如母念陳無出常語諸弟曰我
與若嫂違離子舍惟諸仲甥克諧而始緇我十年
壽以報先人地下無憾兩榜報捷之日輒憶贈中
憲大夫鑑亭公責望意淚霑霑下不休曾參不願
於推牛有以也蓋大夫生平孝友廉儉溫恭慈惠

榜全集

誌銘

卷之三

居官則急病讓夷臨事則慎謀善斷至是非利害
之際守成深堅凜不可奪乃天爵之年不得酬其
大行之志惜哉大夫生於嘉靖云云某月某日葬
於某山之原坐乙揖辛銘曰賢矣哉蔡大夫也敏
而獻也溫而惠也恭而有制也廉而不劇也孝而
能錫爾類也勤於其官而不恤躬之軟掌以瘁也
教民育士甘棠勿拜而所在歌蔽芾也令聞令望
而祿與年之弗配也嗚呼往矣佳城幽蔚吉祥凝

萃詒孫翼子世世昌而遂也千秋而後顧瞻此馬
蠶封者猶憑風而弔曰美哉決決乎蔡賢大夫之
隧也

陳贈翁梅谷墓誌銘

贈承德郎大理寺左寺正梅谷陳翁者予戊戌同
年獻甫君之父也贈翁捐館舍若而年寔安未脩
茲卜兆于南安青社之原與封太安人雷氏合而
寔焉獻甫借其昆季銘於不慧某某以黯淺無
稱全集 誌銘 卷之三 十三

文辭既弗獲命因念獻甫官扶理時予治粟倉部
職業之暇卽相引論說今昔堂下陰移十數尺不
能去亡何獻甫慮囚成都予以弓旌徵蜀士後先
叱馭雙鯉愿邀訊涼暄迨予麾守武林獻甫亦
得粵之潮陽攜孥歸里輪蹄並驟行李居停仰忘
爾汝庚戌之春執玉脩覲僦舍長安不數武而近
晨輿策驟謝客夜篝燈對榻問答郡治利病簿書
執掌刺刺然歌采杞也蓋從初登籍至於今周旋

且廿餘禩以故知贈翁及太安人事最核則載筆
而銘小子敢不勉旃按狀贈翁諱某字某別號梅
谷其先世居清漳自教授公崇勲命伯子祖科喬
遷南安縣之梅溪里遂爲南安人四傳而生素菴
公元英元英生筠隱公庸庸生荔浦公祚祚生松
東公諱端卿端卿生贈翁兄弟四人其伯氏爲興
化府儒學教授明鋒公某叔氏卽贈大理翁梅谷
也翁偶儻有大志弱冠補弟子員蜚聲黌序而厄
稱全集 誌銘 卷之三 十三

於數奇屢起屢蹶開復爲二豎所苦乃釋去經生
業不治見獻甫髫齡聰穎迥異諸兒試之對偶矢
口占應巧中韻律則欣然解頤曰孺子必亢吾宗
他日可與瑞山志齋兩公稱鼎足矣有媿之後莫
之與京此我家故事矧連錢千里已在耳目之前
乎用是顧意課督延款師友豐其脯贄期相切劘
底於成立松東公背產不腴分箸而四之以授諸
子贈翁居其一歲入僅能供蒸嘗饗餐之需而澹

泊節裔衣不重帛食無兼味至於緩急叩扉懇以
乏絕則傾困倒囊無難色焉居恒未嘗操斧鑰算
區豆視世俗閭閻家有效阿戎饋核者輒竊笑曰
夫夫也以矜縵而脩研桑之筭粒粟寸縷靡霑於
人將焉用之獻甫以壬午領鄉薦贈翁益夷猶自
適與周翠亭尤肖州潘澄江諸老結社筭江爲真
幸會而乘一款段挾一長鬚出入閭閻中青衫布
烏泊如也獻甫三因公車贈翁助之曰孺子何慮

榜全集

誌銘

卷之三

十四

螻蛄要須以古人自期如希文孝先無忝科名乃
足術也獻甫以是益發憤精治三禮家言至戊戌
果成進士惜贈翁先已解世委蛻弗及覩矣元配
畱安人實宋畱平章正之裔代有尊顯如方伯鵬
山公憲副鵬麓公孝廉觀光君即安人祖伯父諸
從弟姪也安人父某坊之曰在母某氏腹纔三泐
月耳生而婉嫕能讀內則孝經識大義及結褵歸
贈翁善事尊章備竭孝敬姑王孺人挾家端嚴峻

束諸婦朝受事夕獻功稍有得失言色鮮所假借
安人獨躬率娣姒黽勉服勤雞初唱櫛笄操作漏
下四鼓未休無幾微懈倦忤意於是甚得姑孺人
權贈翁既不屑世俗委瑣料量黍銖一切內外營
費皆倚辦閨閣安人權有亡酌麻縮而輕重綜之
凡師友之既廩賓從之殺漿緩急之調賑與男女
之婚字篋篋無不出自安人擘畫不給則斥簪珥
且輔以女紅贈翁處約若裕客屢常滿栢酒不空

榜全集

誌銘

卷之三

十五

多安人襄贊力也獻甫奉璽書行部簡恤訟獄歸
拜堂下安人慰勞問狀聞有讞議奏報湯網猶滯
者則爲之感眉當饋而嘆聞有平亭原有坐肺無
冤則怡然色喜加匕箸焉其就養於潮也設帳之
晨獻甫以俸金佐觴上壽安人却之曰孺子備官
職事脩舉鄉校無謗老婦嘗公餽寸縷幸矣惡用
此長物爲歲時節序或製一絲一縷以進則又卻
之曰而父課子成名生未膺半通之綸老婦兩拜

聖天子恩封錫以珈組榮寵已多敢忘而父沒齒
幸素耶在郡齋歲餘念諸兒諸婦不置獻甫御翟
弗以歸衣疏茹櫛董治泉絲一如嚮者率婦姒莊
事姑孺人時也貴而能勤老而彌儉有魯文伯之
母之遺風焉評月旦者謂與贈翁稱倡隨合德諒
哉銘曰於穆贈翁飭乃垣墉暨茨堂構寧必我躬
有子大理敏而能仕敬忌艱貞媚于天子彼美安
人寵命重申惟儉惟勤若將終身雖不偕老則亦
榜全集 誌銘 卷之三 十六

龍塘王氏三世合葬墓誌銘

山柄之原有龍塘王氏墓背坤掛艮先祖父述齋
公所築以葬曾祖父母者也述齋初意欲附營已
壽藏既而念一兄一弟宅兆未卜乃畫八窀中後
二葬曾祖父忱齋曾祖母展純顏氏中前二葬伯

父直翁祖伯母克儀顏氏墓左右之前後各虛其
二以待祖父母祖叔父母百年大期託首邱焉嘉
靖之季寇疫相仍祖叔父直軒柩燬于火祖叔母
無違施氏身沒于賊述齋與某父愛塘公亦爲賊
所掠述齋貸金贖歸父未及贖避疾而逝某年稚
幼莫知蛻骨所在母孝貞朱氏旋以痛父實荒殮
甫畢賊夜突至某與祖母慈正林氏被獲驅之以
去而困憊不能行也幸得釋述齋公攜以逃哀喪
榜全集 誌銘 卷之三 十七

同住一區者成先志且遵遺命也然此皆某微賤
時事今雖以奉官無罪邀 三朝寵命四焚黃於
茲土祖父述齋公父愛塘公竝贈通奉大夫浙江
布政使司左布政使祖母慈正林氏母李貞朱氏
竝贈夫人而追思往昔生不用鍾釜殯僅舉藁裡
安能塞終天之憾哉其行畧生娶卒葬年月載在
宗譜不具論論骨肉所以合窆之故者如此銘曰
瞻比山麓惟石鑿鑿盤護時翔龍舞鶴三世同
塋全集 誌銘 卷之三 十八

仲女勤淑 墓誌銘

余生不辰夙遭寇亂既已備嘗多艱益惕惕乎安
安疾毒之不敢懷也山荆紀氏封夫人者茶蓼同
甘蠅雞交警居諸十有六載四乳而得男女各二
途畫衿綢聞然獨處以至于今茲劉甥所葬內子
卽夫人再乳女也性姿沈默喜愠不露於顏履屨

不驚其聲元黃綢麗耳目未嘗一涉稍能治泉絲
晨興昕繼蹶指鳴杼揭揭竟日繼以燒膏余力攻
研哇挾笈于外而無內顧憂者女輔夫人拮据居
多其字劉也余初舉于鄉未能以百兩御及命秩
賦祿始分庖廩之餘以佐其家兒女習於食貧節
約劑縮銖積黍累漸有叮嚀之入躬率奚婢條理
乘積不辭劬勩余嘗經其里居見女家蒙冒煥烈
汗盈盈在頰也意竊憐之然喜其有少君孟光舉
止而又秉心矜惻聞人語以窘急乏絕輒捐鍾釜
賑恤農佃婦孺負二租慙凍餒狀乃哺以哺粥寬
而遣之安而能勞明服父訓儉而能慈陰協道寶
此女士懿行尤閭閻姬姑所鮮例也舅姑蚤逝奉
養不逮莊事兩伯姆儼若尊章敬戒中饋無幾微
拂迂閭內雍睦有禮有義蓋足稱卯金氏世家婦
焉詎意醴泉頓竭芳蕙易凋年未四袞抱疴長逝
計聞之頃宗婣隣黨莫不歔歔嘆其壽不配德卽

今每遇忌諱里中媼猶有操牲楮而奠者信淑媛之感人不虛矣矧鬚眉丈夫大有表暨者乎銘曰吁嗟吾仲女乎爲劉甥之好迷靜以幽恭而柔勤行軸信束脩戒攸途睦婣妯喜賑施毋慳畱年不承德具優卜宅兆封釜上凝瑞氣蔚松楸光昭令母則在爾子之克振箕裘

堂姪心揚 墓銘

銘曰爾生而存乎勞勞於遷化之場也爾逝而還

楞全集 銘 卷之三

二十

乎冥冥於無何有之鄉也形果爲累乎孰知夫滅穀之均亡羊也年雖不足乎孰知夫逍遙之齊彭殤也美哉佳城乎岡陵川壑綠且翔也易哉後昆乎堂構苗裔繇且昌也

洪壻伯韜墓銘

歐劍在握胡不動盼於三旌卞壁在楨胡不藉買于九賓余所能知者才則韞奇而抱珍余所不能必者遇則躋廛而梯榮士之當阨淪淪者非一寧

獨於爾乎憤惋盈襟於平虧益變流谷王善愛爾躬不售式穀爾後佳城鬱幽如瓊如秀福祿來遄日新富有

洛陽劉壻乃翁南陽墓銘

繫贈君南陽之隱德乎言有倫而動有則雖不霄煜於當身乎而苗以待畚耜以待穫乃有令子乎克奮其騰驥之力榮逮再世乎微贈綸之赫奕爰偕昆季乎相原照而脩窀穸佳氣凝且鬱乎拱護

楞全集 銘

卷之三

三

贈君淑人之營魄繩繩繼繼以無數

陶石簣乃翁先生行畧

德鎮雅俗望隆明時道備清和勵懦頑而敦鄙薄躡歆朝野惠黎萌而抑權奸位登八座階銜而惟有桑麻安五柳身畱一生蹟愛而但愁尸祝擾庚桑老而姜桂之性彌堅今猶棠蔭之思可掬懷風邇景恨不勒金按實加名允宜籍玉

自敘行畧

初太夫人孝貞朱氏姪余在腹當免身先通奉大
夫愛塘公自外來至門拾白金一錠上有官字比
入室聞呱呱聲載路則喜曰是兒也其官而亢吾宗
乎及余漸有知識嚴加督厲十歲遣就外傳櫛沐
繫蔬任自爲之葢勞以成愛期於樹立克家耳不
意倭夷內訌孽黨助亂通奉以代父繫隕于賊孝
貞以勸夫亡隕于家余亦爲倭所擄幾不免鋒刃
幸而獲釋從祖父母逃竄賊平歸里農賈工藝輟
轉改徙猶痛生之無以爲養也乃用筆舌薦養爲
挾免園冊者師脰脯之入菽水可供二祖父母以
天年後先仙逝喪葬既畢教學相半大肆其力於
文章蓋六戰棘闈而冠鄉書兩詣公車而成進士
謁選待饒之餘干疾不能赴疏覆浙紹興教授設
皋講易屢滿戶外分較滇南歸則當事者微署上
虞篆獨齋楮片止縣堂東偏不事筮篋期會專崇
風教不數月而囂訟之習化爲敦讓辟篆之日闔

樗全集

行畧

卷之三

三十一

邑士庶僧尼焚寡涕泣遮留盈于道周余始悔向
之不爲縣也俄而陞國子監博士六堂諸生執經
問業日無暇晷轉戶曹治太倉粟謹區釜平出納
防範密匝壯哉鼠雀無所容其侵牟滿三歲考籍
羨米十萬板蕮帚斗稱是大司農趙公掌銓事欲
特薦調余亟辭曰此積餘原庾庠所自有職節縮
纖膏聚而還之公家耳非能神輸鬼運也若以此
博美秩無乃令後來者效裴延齡乎司農笑而止
樗全集 行畧 卷之三 三十三

適當大比 上遣負弓旌典蜀試既反命奉勅董
理上谷軍儲未出都門諸權貴各勾中鹽如干引
號曰書商余念國賦虛耗極矣商不納粟於邊而
冒引於場蠹孰甚焉堅持不可至鎮則按粟派引
一無所循又痛革邊糧借支卹中丞以馬價借總
戎以防邊借皆固卻之且上疏言其弊事雖不報
而竟以是爲權有力者所忌而應守武林之命下
矣甫蒞任洪潦爲災奸商閉糴饑民毀蓄米之室

謹撫軍之門愬于郡庭者自通衢擁逼衙齋余冒
雨出堂皇撫諭散去詰朝下令市肆糶買如常分
委告糶賑卹夏既仲矣田疇盡空示以高下樹藝
之法秋大豐稔穀滿篝車杭西湖之上舊有南湖
邀殺水勢勿令建饒衝突年久淤塞餘杭據爲桑
菓之利或築小屋而居錢塘聚衆持挺而閉兩邑
交爭如敵國而湖嘉苦淫注亦谷塞湖之爲患也
遂議濬復費無從出余括傳楊二犯贖數千以

檇全集

行畧

卷之三

三十四

竣其役高巡撫奏開於上賜守臣勞金十兩傳
楊者鄭直指所題豪富殃民者也楊爲要津子弟
傳爲織監腹心二犯皆廣債殖利蠶食席卷田廬
侈汰府怨招尤然楊不過癡慈無識傳則恣睢自
雄用富賈賁賂賂苞苴力能使鬼直指乃劾其有
反狀下教於郡索軍師鐵木工匠共送不軌者余
向直指抗辯直指意悔色沮然猶疑守有點涅也
密偵守動靜久無所得乃依郡獄辭訊報傳奪官

遣戍楊輸鬼薪其四郡訟牒牽連枝蔓者聽守輕
重理決不爲忤也他若歸島夷之俘釋陳祖皋人
命之誣縱魚舟數十人論歿之囚皆其大者每鹿
車循行勞來道傍穉叟呼余爲老佛者以此考功
奏最啓事屢催俱未得旨後乃以浙學憲請朝上
夕報可科場逼甚余星奔歷試選駭史胥自隨一
卷一字都出指掌繼日達旦半載完十一郡科額
遺才大收法如正考必躬必親仍故事至于漕

檇全集

行畧

卷之三

三十五

糧一事往昔成規破壞已盡百疾千瘡難遽抹藥
惟劑劑處置去其泰甚勿抑軍病民勿抑民病軍
俾彼此交兌稍砥餘粒而不大扞禁網猶可爲也
故江右之漕余初以參知專督繼以長憲兼督糧
完視諸省獨先糧欠視諸省獨少然而長江大河
一葦往還風濤浩蕩幾葬魚腹五載勞瘁前此未
有也既遷山西右伯始得釋肩回翔里門復有兩
浙左伯之擢適值奴酋鳴張水陸調募舟車餽餉

而織造綬疋杼軸金錢筭貲不下一百二十餘萬
毫無額征直責藩臣設處完解余受事將兩載以
拙婦作沒麪湯餅持茶拮据幾幸無罪且陪推卿
貳矣而中於婁非之口以遼餉不完爲辭然言者
謂余居官褻行無可指摘其人良心似未盡泯而
余黷技已窮飛翼亦倦疾病困頓實不能支上狀
告歸隨掛冠以行士民連牘乞留蘇撫臺再三慰
諭彭按臺有手劄與余日門下輕舟載石清風兩
榜全集 行畧 卷之三 三六

袖吾甚媿焉旋亦謝病去主爵者明其不愆覆會
疏准暫回籍覃恩三世如例痊可之日奏薦起用
顧余絕無孟浪小草意矣陋室琴觴堪邀風月薄
田黍稻可供饘糜問煥問涼借齊眉之法喜說書
說禮課繞膝之兒孫車馬不喧於門冠纓莫識其
面芋炊熟而未起雞棲墜而先眠開作詩文輒焚
草葉時讀傳記聊度駒隙燃香誦彌陀幾聲擊磬
歌華胥一曲昔是東西浮梗客今爲宇宙偷閑人

余何憂哉余何求哉第一官亢宗未必深慰先通
奉太夫人於九原則永言孝思不能無銜恤云爾
代蔣犁春序內子行畧

內人某諱傳氏南邑傅某公之某行子也蓋生若
而年而乃公宦矣又若而年而傳氏兄弟後先擢
巍登薦者三內人一視之泊如也其稱貴人女也
則繇是也其稱貴人姊若妹也則繇是也始于歸
之日逮事舅姑曲當我二尊人旨居妯娌間分作
榜全集 行畧 卷之三 三七

擇取劇服用擇取嫡主伯亞旅堂戶雍雍大抵內
人敦和之所率也大事既襄我兄弟凡四髮星星
然幾銀矣乃各分治孟缶而某以壤臂任義羣推
爲千夫長又推爲黨正以故客屢常盈階阨而內
人時時飭匙匕峙膏澆久無厭苦意閒或至丙夜
客酩酊去而機杼始軋軋有聲泉絲之餘不效世
俗婦巾襲爲私蓄計內外姻戚有以急告者偶疊
恥不相應則出而佐之若沃焦焉舉子二長某冠

且婚而中道夭次獻傳弱少繫繫內人以紹續昆
裔之弗蕃而昌也遂與慈某卜姜斂已專居令小
星無怨而江沱忘悔及舉子獻保而妾某氏逝矣
內人悲悼不自禁背腹而吹摩之能食食均能衣
衣均能讀書家塾能執業外邸膳給脯脩師友之
儀均里中婦見而怪之曰夫郎君亦猶夫人之子
也夫今傳與保幸皆撫有而室既抱子矣毋見輒
碎耳曰二丈夫子不克雄奮顧藉若父毫黍遺沾
標全集 行畧 卷之三 三十八

也敢私布諸下執事惟是哀而誄之我內人沒且
不朽不材子傳保若二人銜無涯之賜亦且不朽
祭文
祭戶部主政郭駟雨親翁文
昔某淹恤塵淖阨乃思奮側聞太親翁恭定先生
風軌心竊儀之既而幸得從親翁觴穎之業摩厲
交綏不自意整弧先登受袍卑束脩而習政典則
恭定先生儼然中臺獨坐貴侶矣每懷刺晉謁先
生謂此會家子也勅守閤者勿引卻延入而賓之
開或爲設邦莒之饌沃以酪奴談說文藝商榷官
理堂下槐陰西移十數武始趨而退德音在耳言
言服膺大都某之效質中外賦漣漪而不慚尸素
者皆先生辟呬力也歲在作噩承乏轄二湖莞鑰
任曾鷗張徵師索餉亟於火馳某竭蹶枝梧輓輜
齎送不避焦爛以赴國艱而用事者齟齬指銛爲
鉅弄機既張尾遯斯危遂謝病乞骸還于初服時

則親翁亦持籌箸佐司農庚癸見出餉如逝波東
師日感扼腕抗章自請以尺組繫哈赤之頸而制
其命事雖中寢而苦口刀圭觸白眼所忌於是展
轉詆擠不安厥職然而伏波裹革之志竟不衰也
居恒鬱鬱壘塊盈胸輒命酒澆之積而成肺胃之
疾投以他劑弗效涼劑則愈愈則復命酒如故初
夏幾望趣舍人裝北征尚圖據鞍躍馬伸烈士壯
志而宿疾勃發轉益增劇自知必無起色沐浴更

釋全集

祭文

卷之三

三十

衣叮嚀家政纖悉靡遺兀然端坐以逝於戲親翁
生平爲子則孝爲臣則忠爲兄長則友處族黨戚
舊敦厚周慎叩以緩急傾囊倒廩不憚費其視恭
定風軌可謂無負堂構矣而又洞達生歟衾器兆
域蚤諒營辦彌畱之際談笑如常其視存順沒寧
可謂逍遙齊適矣而恒化者猶然以彭殤脩短之
數致疑造物毋乃非擁南面王樂者意乎某誼締
簪盍情綰繻聯明幽岐隔感愴淒然卮酒舉酌載

以蕪言靈光不昧鑒此茆茆

祭蔣太親翁九觀老先生文

世有裁冠長佩倬倬警呀者每扼腕於服艾盈要
而畱夷之不芻也迨其鉛刀效割骸體當前則愕
眙啗啞鏐鳳不翔璿駟徑駕遂至摧轅傾軫身與
名而俱瑕於乎此虛憍詭激之士所以首尾緯繆
而竟誤人國家也乃若先生其人者質任坦淳材
優巨濟溫婉有度如蕤玉之不剴炳燭先幾如靈

釋全集

祭文

卷之三

三十一

莖之開筮沈靜凝遠如岱嶽之奠麗貞信堅決如
湛盧之必制故自強仕錯贊而邑令而樞關而郡
守而藩宣剴解綜理之密阜通惠恤之寬訊獻簡
孚之允彰瘡揚遏之端在在載諸畏壘鼎錄者皆
可頌而傳也至於嗣黎征勦之役初以事不與聞
甘分啓覺之過而不亟於自白繼以方畧潛授獨
成戡定之功而不居以爲德裁兵節餉指掌極於
明陞條畫善後疆寓厝之安謐田直指解之無尤

無怨不矜不伐豈爲得其脊矣噫今日之東事何如也喪師蹙國統制頻易儻得先生佐戎索於行間以策粵者策遼庶幾其無數乎惜也先生溘然息矣彌留之頃猶若指麾軍令曰當拏者拏當犒者犒將一腔忠盡至是猶不忘蹇蹇戮力耶蓋先生生有瑞徵面目鬚髯彷彿埒關壽亭車轍所至人咸指爲關聖歡呼跪迎旱潦災祥有禱旋應謝世之日卽關生辰然則先生固關之後身而居恆

榜全集

祭文

卷之三

三十一

祭呂封翁文

昔之爲王臣者從事不已軼掌劬勞至不遑將其父母而陟瞻屺岵以寄其幽憂拂鬱之思乃或庭有縣鉦鐘釜可逮而有懷二人又爲天之所裔卒

令人子慘怛悲悼動銜恤靡至之戚欲以重祠易負米而不可得則其情滋戚矣蓋某輩昆季同籍聯社可若而人其蒿蔚亡恙鬻瓶不恥者鮮矣獨伯翁也者履舄安重杖笻逍遙髮鶴顏丹與太媼齊眉偕老長君爾搏甫優游清宦時獲休沐子舍曳舞斑斕旣而以皇華四牡馳驅周度念垂白在堂音問濶疎途上章句歸養焉怡怡膝下夙宵省定躬滌廁脰鍾釜之饌幸得備致於親固非劬勞

榜全集

祭文

卷之三

三十二

從事僅托于望岵岵而嗟猶來者也然而數載之間爾搏君每遭輶軻鼓盆歌矣復賦鶴鴒西河泣矣復慟栢巷家戚頻仍而猶以靈異大椿春秋鼎隆爲慰頃者郡邑大夫稔伯翁德齒之併尊也舉飲禮於鄉而上賓之伯翁以大耄之齡耄冠繡黼儼然造焉自迎勞以至酢獻登降旋折儀度不愆觀者如堵牆僉曰嬰鑠若翁殆蓬壺中人哉參是則不俟俟碧琅吸黃霞而崆峒曾城尚可需次幾

千春者胡爲遽跨虬鸞以往也豈濁俗臬豺不可
與處而羣真高會亟招婆婆耶於乎洁刼盡灰至
人不朽矧爾搏君名懸日月 天子矧將宜麻而
大用之季穉孫曾頭角嶽嶽都是師尚父家奇物
福澤慶祉非君平龜策所能筭其綿邈某輩視伯
翁猶父也痛爾搏君之素韞未除其經再設慘怛
悲悼情曷以堪故相帥而告之几筵者如此若伯
翁之巍范懿矩載諸如綸且有薦紳先生纔纔之

博全集

祭文

卷之三

三十四

誄辭在

祭蔣沂泉封君文

醲化久蝕澆風斯扇此君彼牧孰問疎塞墜戶秦
酒擅褫矛戰惟公遠德萬夫之特孝友和恕中清
淵塞乎徹廣鷺仁開烜赫夙翔芹泮潘左北面岐
黃方典孫吳合變稱苞蒙括白哲元辨下時弗靖
鯨鯢作梗肉食者鄙墨守自勁斗城孤絕借一云
幸氛妖未霽民乃瘳公曰勿慮我任以濟爾藥

爾穀起居無厲難排阨解舒裘緩帶蕭曹衛霍業
豈不載數乎百六安展厥采躬之不閱後昆錫哲
式穀惟肖家邦之傑龍騰鳳翥允迪元吉兒姪聯
輿掇科獵第公也不佞冠裳棟棟人謂難老受祉
未替豈謂奄速宛其無祿膏臙在門弗享其餽饌
養旣獲竟遺而菽某輩辱交令子典刑沃飢攀號
弓墜涕泣如雨奉觴裁詠寫我衷緒

祭李封翁文

博全集

祭文

卷之三

三十五

繫彼岷嶓敷別邇原丹穴韞瑞鸞雛雲鸞物理人
事茂自靈根李氏封翁秉德純龐篤育四美如圭
如琬埴饒雍愷萬石家風翁夙茶茹不康厥居研
桑儒術遷化羸虛義所以利毋權孳餘積而弗愆
好禮防淫孟嘗毀券陶朱散金賑乏恤匱累善於
陰子之能仕曷以作忠未能仕者淑慎爾躬晚景
交付展也心懸帝綸責錫寵如子官顏童髮鶴章
甫元端稽首拜賜儀度舒安從茲斂福月恒日升

期頤未艾佺喬作朋方來朱紱以莫不增胡天不
遺嶽崩椿萎杖屨猶在音容已非陟岵揮涕萬里
馳歸於乎坡平復往慶弔相求盈階繞膝可琳可
球兜率果有足慰九幽某也女孫締翁之曾瞻奠
筵几有酒如澠翁靈炳見鑒此豆香

代李芳西祭郭益菴文

始某爲諸生時藉令子若孫驪得侍先生則見峻
乎其容肅乎其象若威鳳而文豹蔚也繼而領鄉
榜全集 祭文 卷之三 三十六

書與令孫仰益君唼絲繡之約頻相過從則見先
生峻者以舒肅者以嚮若金玉之韞其精若草木
之將斂其華而歸之實也逮某握縣篆困於萋菲
歸而居停於先生之亭榭時先生雖患眼簡酬應
而每置某席未坐對移堂下之陰乃退則又見先
生舒者融皞者忘若子列子之御風南郭子綦之
隱几也夫以某三伺先生而先生貌凡三變彌粹
彌冲抱神凝一殆類古之有道術者若何投杖龍

化意其慈惠在箕山之側潁水之陽耶其登瓊室
之臺聽八瑯之歌耶彼知生而弔知死而傷先生
皆以爲非天解耶嗚呼宦業著於郡治令望載于
月旦孫曾滿乎庭庀先生何憾哉獨某以數十年
燕侍姻媾之雅匏繫遠粵不能執衾紼躬脩蘋蘩
聽而獻之是則某之罪也是則某之罪也

祭朱母舅平溪文

憶八九歲時隨母孝貞夫人歸寧見外王父義方
樽全集 祭文 卷之三 三十七

峻整舅氏伯仲季侍立於側父子兄弟之間闊閭
如也既而某也二親畜我不卒焚獨困悴形影相
弔時則外王父母老矣諸舅雖心憐我力不能援
而振我天誘其衷不卽實墜黽勉磨礪備嘗多艱
後乃奮跡鴻漸宦四方王父母與伯舅俱不及覩
而仲季兩舅尚跋履數十餘舍勞苦我于宦邸無
何仲舅卽世而季氏筋革強矯視聽不衰顧二子
慈拙甚菽水無以爲歡某繼魄髻穀累歲給饗餐

不乏絕又爲之豫治斂手足具前數日某以寒食訊掃先大夫邱隴道經舅宅入問起居則曰猶強踈揖問食飲則曰猶勝匕飭以手搔其頭面體膚雖稍瘦削而聲氣猶揚而不抑也詎意寧帷幾語遽成長訣耶於乎春秋八十有八壽不促矣生平持齋誦經言動寡咎悔行不薄矣御氣乘風婆娑淨土舅其在兜率天耶其已證須陀洹勝果耶倘相羊佛界邂逅我父母爲問朝家贈綸褒加冠嘏

楊全集 祭文

卷之三

三十九

翟萌之榮壹似人間不耶則某之寤寐所不能忘者也舅靈不昧有內在俎有醴在樽願鑒此蕪詞而歆焉

祭 太夫人文

繫太夫人於誕自嵩圭潤玉映純淑載融居則命史動則稱詩克配君子令德攸宜肅肅東海我儀媚媚琴瑟靜好淑問以宣維相乘法嚴上裂麻似爾式穀翼燕孔嘉有鳳將雛長翅翺翺頤頤叩叩

樂其有光爲士山斗爲國琳球服膺母教旋履無就陽春有脚化雨膏吳拊絃而鼓鳴雉翟翟星軺玉節攬轡澄清惠文白簡百僚虔貞奕奕丰裁特達珪璋水木原本母氏姬姜爍斯 帝命有翟鸞輿金泥煥煥嫠宿騰輝方期遐祉如岡如陵云胡不憇僊馭飛昇某與令子居聯梓里仕忝同官才殊鵬鷃味契金蘭悲風傳計愴焉以悽末山沈綿薦誠炙鷄遙望雍國中心如摧英爽不昧鑒此

楊全集 祭文

卷之三

三十九

祭徐母太夫人文

維邱之墟茂淑紆餘篤生賢媛曰嬪于徐洽陽渭水作合在初鐸鐸和鳴燕喜令居宜爾夫子柏臺騰譽朝陽孤鳳補牘抗疏有之似之神駒軒者明允奏賦請纓借箸福曜在吳黔赤待蘇甘棠不剪漬醴浹膚彭彭四牡觀風問瘡南北將吏承流滌汗卓哉模楷實需鼎鼐使君凡几母心則愷紫誥金章沃其有奕願言難老春秋千百不惠旻天寶

髮遠頤絲斷於杼无擲于懸栢槐不改音容逸焉
衢巷春罷士女滄漣某以下里托君桑梓某以後
乘追君驟駢嗟我杞州隕茲太姒千里寸心淵毛
沼芷

祭李芳瓊太親翁先生文

士之厚積而徐發者其蓄之也凝重深堅既有超
世之識量其振之也崇竑瑰瑋必有蓋世之謨猷
自昔英傑所以名炳春秋勲垂旂竹者類如斯也
榜全集 祭文 卷之三 四十

而胡天獨不憖遺我翁顧豐其所蓄而膏其所振
耶翁賦質穎敏秉性恬毅即在舞象人咸以遠器
異之某奮跡蓬萊學靡師承每嚴同年李聞伯君
為畏友聞伯常語余曰我家自有龍門寧馨弟安
足畏哉蓋指翁也於是某又以畏聞伯者畏翁矣
翁以丁酉舉於鄉屢上公車不滿志是時余服官
京邸一日翁挾所為文過而問焉余拱手加額曰
大呂元聲不諧里耳固也凌雲子虛何必不遇知

已請摩厲而須諸歲丙辰幾獲元珠而復失乃
以親老勉從乙榜恩例設季長絳帳適蒙憲節
重漕淮陰道經其地縣官輅折入揖余訊翁起居
縣言稱此中有芳瓊先生鐸古初宜負牆屢滿一
被容接號咷龍門者非歟余憶聞伯語為之點頭
亟命車展謁而關人徑通翁刺矣趣延上座周詢
寒溫已則剝養佐酒燒燭劇論因得其袖中近草
讀之卒業拍案大呼曰希奇哉青氍玉堂青陽氏
榜全集 祭文 卷之三 四十一

前茅我翁其後勁乎無何翁偕計試春官果進士
高等選比部郎徙果部郎清行徑惠商旅夙夜靖
共聲颺朝著當事者廉其望實擬調銓曹忽聞太
公不祿而翁徒跣奔計矣余以藩伯謝病里居馳
往唁之徬徨稽首未暇出一言既輟朝夕奠時時
省問廬次且私之曰時事紛拏天墜可憂青氍不
玉堂寧不粉署也龍門寧馨振聞伯之所未振旂
竹黝猷某操左券俟矣詎意翁薨蒿銜恤痛慕罔

極素齋將除孝思逾苦遂遭危疾而竟化爲真也
嗟嗟美衣人指美名物忌門賀方殷閭閻後至孰
使余以畏聞伯者畏翁之遠器又孰使余以哭聞
伯者哭翁之長逝耶然而垂白大母能康匙匕嚼
嚙兒孫能紹裘箕豈翁之壽不配德固志一動氣
者之難豫期而翁之仁必有後乃人定勝天者之
可逆知耶某夙忝年誼重締姻媿綢繆握手遽爾
舍旃陳辭涕泗告諸几筵明靈肅肅鑒此微虔

擇全集

祭文

卷之三

四十二

祭沈應文封君文

於乎天鍾名碩有開必先玉璞輝蘊梧茲枝延發
祥三茂邇源九淵令子命世惟翁毓賢語翁甲族
衣冠江左語翁邁德洵美且娜不於乃身茹厥碩
果豐芑之貽弓冶無區斂華釀實蓄流坎堰有子
能仕英英騰遠鵬翼負雲亨衢龍焜式玉式金載
瞻繡袞踐歷南北履武公卿播揚會牧姬召與京
函社令子曰翁陶成炙譽令子曰翁增炫乃來朱

絨沃飾有奕願言難老春秋千百家有黃奇國有
世澤壽我人斯庶幾無斁某輩承之此都沐浴德
馨仰止高山欽我典刑云胡弗慙乘箕還真圻望
弗及潛爾涕零觴几設奠躬弗親只酹既清只肴
亦柔只翁靈不昧監而歆只

祭恭人李太親姆文

於乎天與人交相制也乃能獲其所難不能獲其
所易德與福兩相配也乃緒而脩之者已至敷而
錫之者未備將造化人事之未可知乎予何以測
其終始方鳳岳先生之弱冠登第也恭人御百兩
以歸李尊章康只琴瑟諧只肅肅乎離離乎歌葛
覃而詠卷耳旣而老姑往矣舅翁邁疾危不可治
先生行役北山采杞恭人徬徨憂忡號天籲禱而
痛刺其臂枯羹踰進太翁沈疴遂爲之霍然以起
斯不亦事之所難而恭人之所易乎乃若忠亮孝
貞刑範麗美先生之仕也恭人與之偕行而展厥

擇全集

祭文

卷之三

四十三

施先生之隱也恭人與之偕藏而坦厥履迨夫
聖主夢賚安車蒲輪貴相望于清源之里先生且
揚旆叱御欲親見姚姒於世也詎意天不憖遺梁
木先摧幽蘭繼靡兩髦我儀竟相從溘焉以逝斯
不亦脩德之已至而錫福之未備乎於乎噫嘻烏
兔隙駒人生如寄門弔閭賀環循遽倚嶽嶽哲嗣
鳳毛麟趾以燕以詒豐水有芑難者既得之於天
而易者豈人之所制已至者絕完之於當身而未

補全集

祭文

卷之三

四四

祭洪母莊懿傅氏文

嗟乎蓄深者發茂積厚者流光緊物理之真諦匪
運化之無常余嘗肝衡乎往昔天欲篤一家之祐
矣不有卓靈鍾秀者以濬發長祥若孺人之為婦

也婉婉端懿饋祀必致其潔芳孺人之為母也慈
愷貞嚴訓戒必勉以顯揚琴瑟在堂則齊眉舉案
既夷猶乎榆桑蕙蘭在庭則伯仲埏篴率繞膝而
稱觴謀孫翼子孔嘉且臧神之聽之俾熾而昌宜
善養與祿養之兼華亦錦衣並斑衣而相將胡微
疴之速遽乃索醫以徬徨非纏綿乎歲月冀一藥
而寧康詎意瞬息之不能待遽永訣而顛偁逝矣
不可復還信年命如朝霜於乎鳳窠窠其煩冤兮

補全集

祭文

卷之三

四五

悲分飛於失路離煢煢其何恃兮慟梧楸而鬱吁
天冥冥其難問兮孰悉夫靈氛之故魂宵宵其焉
往兮駕輜輶而翱翔乎瑤圃介夫子之眉宇兮登
期頤以日富裕後昆之羨祉兮肯堂構而丹雘酌
沆瀣以為漿兮旅辟荔以為脯孺人之明靈不昧
兮鑒馨香而來顧

祭洪壻伯韜文

噫靈之逝兮飄揚髣髴四方上下靡所不適兮靈

之蒞兮悽愴蒼蒿堵祀庭除倚徙降陟朝而夕兮
靈之生而爲人兮我師爾友我翁爾壻一旦撇開
如鳥折翼兮使我漣漣涕泗夢寐顛倒追想而莫
可卽兮靈之化而爲真兮有父有弟有子有妻於
今歇了魂爽英英不泯不息毋亦陰飭默相俾爾
兩靈馨兒長育成立以昌大爾宗祏兮於乎噫嘻
幽明隔矣悼宿昔矣心慘惻矣辭靡極矣陳酒栗
矣靈來格矣

楞全集 祭文 卷之三

四六

祭昇南洪親翁文

翁之生也長予四歲皆幼讀父書日能記數十百
言嘉靖之季倭夷蹂躪繼以饑疫井里痼瘵獨翁
家溫臧無恙儒術帥初予則伶俜軼軻擬治他業
備嘗茶苦駒齒騰嬌復憤發從事管觚獵青華於
廢簾而嚼其戴翁規予峨述小藝謂所親曰夫夫
也氣挾雲霓豈藩籬間羽翮哉遂與定交且締姻
盟遣大兒挺龍負笈授經卽予壻也翁屢以郡邑

高等就試學使者鬱不得志迫予登第壻亦藻采
黌宮翁始焚研謝雕蟲然雅有古癖課賦獲十畝
之暇常手攜細帙不置予旣以寒儉起家營職中
外庭無雜賓至移二湖學憲持節董漕課章翁杖
策視予官解每退食則對榻含盃劇談恒河沙界
千百由旬白雲蒼狗遞變遞滅更翻酬答如環無
端藉令十吏供毫楮不能縷述焉舳舻雲集旌旂
介發謀邀李郭同舟泛彭蠡絕長江乘風破浪涉

楞全集 祭文 卷之三

四七

淮泗作千長遊翁勃勃興動竟心憚湍瀾巨測之
險而止乃割俸金以贈爲菟裘資趣裝南還予漕
役告竣遷秩潮轄推肅奉常竊自念春秋高迫思
尊簞上狀請老懸車里門歲時訊掃先隴信宿村
庄舊廬與翁燒葉煮蠲飽樽共酌醉歌韋蘇州休
居賦不知是誰主誰客也戊辰春海氛甚惡翁避
入城闔繫駒于我怡白樓下袂屨追隨阮適花卉
氛靖辭去猶然動履康勝是箸不衰詎意葭律轉

新遠厭塵涸飯依菩提耶噫翁固耄期好學不倦
君子也動遵軌度言協倫要雖以布衣老而肫肫
雍穆有德有義族黨鄉閭望之儼若父師終其身
澹逸瀟灑皎然光霽視世之龍鍾蹙蹙眉長吁
者直蟻蝨唾之矣今茲儿筵奉觴以告惟是坦腹
快壻中道實矧兒女藐諸孤艱難拮据盡托弱女
未亡人一肩幸令孫長者已能典謁次亦勝衣若
于尺矣翁靈在天願假冥力誘其慧性宅於純雅

楊全集

祭文

卷之三

四六

用光大爾宗祊則某之所酬地而禱焉者也

祭陳母淑惠黃孺人文

維靈婉嫕賦自夙成幼閑姆訓弗輕笑顰淵塞淑
慎曰嬪于陳尊章艾髦滌澣歡承昕宵省定怡色
柔聲伯叔萃處倡和簾終溫且惠睦其姒姪內
外嫺黨慰問以時奚件載獲卹閔勞飢甘我顛顛
拯彼化離夫子碧翁采藻于須軸杼簪簪用佐觴
管何有何亡何亟何緩左之右之靡不聰苑黽勉

鳴雞墳索穠蓑庶幾亨衢驤首奮翅命爲才仇焚
舟不濟書劍陸沉齋志以逝黃鵠分飛悽惻洩涕
荼苦如薺老益彌勵謀子翼孫亦既克道云胡一
疾溘不可留雲輜霞輶儀特借遊余忝姻姪聞計
懷恻執觥憑弔靈其來牟

祭伯齡林氏文

某生不辰幼遊翰凶藍襖墊隘隸圉之所弗堪靡
不閱而涉焉馬齒既長乃自矜奮遊意文藝莫爲

楊全集

祭文

卷之三

四九

開引如矐矐之辨日也叩盤捫籥不得其似闕拙
眩疑欲焚君苗之研者屢矣私以請開於伯舅九
溪九溪舅蓋會挾冊而亡羊者因撫几太息語某
曰渭陽氏旗靡轍亂安能雄入九軍夫甥也者劒
吼若雷蜚弧先登前無堅壘殆將應我宅兆王氣
哉於是退益憤發冥搜窮探淹通大義遂折嶽嶽
之角競走鹿於中原幸倖得之飲冰竭燧忘室家
之業以圖報塞蓋十餘年始得請沐焚黃展墓時

則伯舅踞南面王樂久矣伯始見之笑而指曰
冠高如箕者夫非向之解衣盤薄與仲叔鼓臂干
錘石閒者耶異哉鵠乎而鵠虺騰而龍謂應宅兆
王氣信矣恨不及睹也君命不宿畏此簡書采杞
北山黽勉從事又若而年鞅掌劬勞亟賦遂初依
然爲藍襖墊隘中人第不能解衣盤薄如伯始所
云耳嗟乎駒隙騁馳倏仰今昔戴笠也而乘軒設
旗也而漱石沈浮及復直是漆園一夢周乎蝶乎

樗全集

祭文

卷之三

五十

吾弗知之矣而所知者伯始始則爲婦繼則爲母
爲姑最後則爲王母爲曾王母孝而能慈勤而能
教內德修矣兒孫滿眼壽浸期頤遐祉備矣茲當
長至卻粒僊昇雲輶霞弗覓九溪勇於夜臺踐旦
旦之信誓明幽一理同室與同穴不殊又何憾焉
甥也有酒在觴有肉在簋芳靈不泯歆此饌饋

代李芳西祭陳新泉文

江之潯遠流湯湯些瞻望弗及聊瀉我椒觴些有

懷伊人永慨嘆些惟翁與考執盟其旦旦此股隨
肘舉如負攜些我哀勝岫感感靡所棲些翁日若
考發祥在爾之身何終貧且窶些幸仄厠於鄉書
管斗食而自俯些在公鞅掌几杖違些奉北堂以
南趾爰提提而歸飛些彷徨訪翁於釣遊舊處髮
鬢顏緒臧而康些胡隅席之未涼遂晚化而遁藏
些嗚呼生覺夙夢代呼吸些憫懷耽耽於王樂艾
封依依而悔泣些造物櫛柄不可全授些華祝得

樗全集

祭文

卷之三

五十

二齋其一以遺厥後些翁靈不黷昧也毋寒我考
之故盟些恍兮惚兮相追徵些尊俎無恙我亦有
母遺些陰持力護祚穀其永綏些

代施友祭同門姚文

我丈父之挈家而遊也我及君餞之郊丈父且行
引爵祝曰不穀仇於命門祚未昌幸二女子子也
各施以衿袂奉繫匭使令矣願善視之務懋乃學
廣乃聲譽以宜乃家室不穀雖萍迹湖外洋喜矣

因再拜而別無有幾也君受麟瑞徵予飲食之且共申丈父之祝歡甚而退而我慈大人謂予筮簪不占祥夢則又內自戚焉蓋時數之遲急不齊卽丈父未子而君已子君已子而予猶然未子也此非命乎然君之初得子也姨氏康強佐內饋不怠及今再得子也姨氏羸憊卒抱病而不能色起於乎育子而以子死死者云何喜子而以子悲生者云何則益信造化小兒予奪欣哀倏忽殊態總之

榜全集

祭文

卷之三

五十一

歸於命之不能知矣我丈父之祝且別時豈慮至此耶所惓惓憂者吾二人學不懋聲譽不廣家室之不宜不謂姨氏之夙擯生緣而不與君以齊眉終也倘旅邸有聞也我丈父慟可已哉噫子弗子命也壽弗壽命也骨肉之生死喪離命也雖欲勿已烏得而勿已也靈苟有知當陰陽二十呵護不祥無重貽夫子之憂

代己卯同年祭許參鵬文

夫朝菌榮落不及旦暮而喬柏之幹傲霜凌雪彌挺彌堅至以千百歲爲春秋而柯葉不改士之負材而晚成者此足以喻矣君富蓄如帑潤涵如璠介氣如山立策事如儀中當綠髮時諸薦紳先生已目攝遜前矛矣乃跋胡者若而年而賈勁不衰以歲已卯始偕某輩歌鹿鳴焉旣又再對公車如轅生旨不阿時竟受鐸以去由蜀而吳至則約躬周慎振厲廉立吳蜀人士瞿然顧化而以抗直失當路歡遂秩王府明法官於王者實用古爲左多不得職以故君投劾歸南山樓廣澤畔窺原人皆悒悒爲咋舌彈指稱屈君獨迥然適也夫以君之素脩宜蚤遇而乃愆時空鉅發而僅淺試卽愆時宜延歷久視而又以六六湫然泯三斬於君而三不券令也則所謂晚成之說非耶抑用而不用於身顧行將行於子耶予忝同年休戚之誼相率而哭君若此且將效七發九辨問蒼蒼所爲盈虧張

榜全集

祭文

卷之三

五十二

翁者竟何如也君其鑒之

代洪惺南祭古山乃堂文

嗚呼伯妣一日而存也某猶有母遺也伯妣一日而不存也某無有母遺也夫尊章之奉也夔夔乎其恭也母則妣也如奴之睦也諧諧乎其雍也母則妣也蘋蘩之飾也涓涓乎其潔也母則妣也枵筐之綜也獵獵乎朝以夕也母則妣也衣私之澣也齋齋乎無緣以飾也母則妣也然而福履之薄

樞全集

祭文

卷之三

五十四

也母不如也子之能仕也康官庖也母不如也孫曾多賢也能承序也母不如也健於匕簋之共也啜噎無祝也母不如也引年已幾滿百也母不如也不疾而飄然鶴化也母不如也如妣者五也母之德所自致也不如妣者五也某之不肖也無所佚罰也於呼伯妣一日存也某猶有母遺也伯妣一日不存也某無有母遺也有母遺也可以庇矣無有母遺也感感安所歸也明神不泯其誘我天

衷不卽淪陷俾我紹續昆裔從令子令孫後有顯庸也則妣之庇我若生也庶幾哉慰吾母於九

也原

代郭鵬海祭邱母王氏文

不佞將肅憲粵西道里間勞諸親舊見吾姊夫碧塘君款款談笑健飯善酒如初因訊之曰丈翁曩嘗權子母絡牛馬于清溪之郊或一再改燧歸或幾易臘歸問居停庖俎則令姊某家茲尚能重繭往耶姊尚存無恙耶碧塘喟然而悲曰嘻犬馬齒

樞全集

祭文

卷之三

五十五

長矣姊倍我而年而猛於也國雖黃髮偃軀猶然理此絲枲率迪內事髦髦然一二八婦也厥子魁仁能殫四肢之敏服錢鏹承膝下歡孫又釋什一而脩觚管之業家蓋隆隆起矣今姊溘然化雌鶴以去余謀與家姪某赴而唁之大夫其爲我文焉不佞旣卒耳乃悼而歌曰百年人世迅如駛風有如邱母旣壽且臧雖不冠帔足樂無荒子孫克世母其不亡

代鄭麗池祭陳清波乃弟文

先君子之無祿也某尚未克負薪惟是尸饗以荻
畫蓄之繼而某得卽燕嘉宇下則我大岳脂車輅
作龍門遊涉汶泗衡廬胸中吞八九雲夢矣猶然
蹶於春官乃詘策斗食建鐸歸化蓋某婿陳若而
年而與大岳相贈問皆托赫蹠之使未嘗得一奮
衣前坐也所惠微辟呼則惟翁叔朝夕之翁叔溫
不瀾理介不傷和節序伏臘某每展拜存暄涼外
柳全集 祭文 卷之三 五十六

輒以遠到鞭勉不效俗顏媿媿爲厚焉中春時大
岳以廣文成進士例宜高擢翁叔治歸化行李奉
嫂而歸入里門內外戚黨賀謁盈門翁叔雖稍患
瘡猶矯矯對客某頻過省尚坐語移堂下之陰益
聞所未聞也詎謂風露之毒漸中朕理而熨劑果
不及乎嗚呼翁叔願愿周慎非狂烈之輕也儀容
整瞻非三甲三壬之俱無也生平勞苦變動非若
富貴之易折也胡爲不引年久視而竟處百齡之

半也抑人生如組縠杼軸脩短已定於初翁叔固
無如命何耶矧有兄有子足以熾其身後而昌之
哉冥靈不昧固安於遊造化之治而且以小子之
慟爲怛化也薄醪登奠佐以蕪詞

代楊仰恂祭王中田夫人謝氏文

維安人之貯秀也琅琅厥精陶璽乎望族也襲襲
厥馨乃結褵於王公也穆穆厥貞薦佐宦履也嗶
嗶厥聲有子三人也濯濯厥英雖毛裏之殊合也
柳全集 祭文 卷之三 五十七

婉婉厥心孰歌陟屺也閔閔我眊孰誦江汜也惻
惻我以我是之季也不瑕有异乃公存也絮乎何
擇乃公往也获平均畫安人之懿不勝選也於戲
斯其尤奕奕季婦曰予弟妹也則奉教慈以無
數意休嘉之殫隱也駁選眉壽而無害貴以公且
將貴以子也紫雲疊頰於未艾胡放悲乘鸞也淡
埃風而騰遐界聞仙計之載臨也彷徨無俚嗟家
妹維終其何賴用哀誠而薦酒也聊以陳蘋藻之

末介

代李芳西祭王

夫人楊氏文

夫人陶質名門夙稱女士結褵于歸用有燕譽丁
公家食佐以綢繆尊章之歡旨臚勿失鄉薦書升
猶無色喜叨第業官益相勸勵疾痛飢寒响噢而
治文罔麗辜平以情法昔宰嘉善今也頌上二邦
之民心銘口頌仁哉我侯夫人壽考殊筭玉翟錫
以難老云何一疾奄然橫世迢迢遠駕遂成信誓
柳全集 祭文 卷之三 五十八

祭洪母黃氏文

蓋某與令子媾男女室家願始十年所矣前是母
命令子介幣請曰老躬耄矣幸受我孫婦而辟咎
詔焉某不敢左拂是唯寧承途治奩弗以式乃詎
知婚期抵近而母遽泯然沒耶嗚呼母之孝謹在
家族睦愛在姻戚慈恤在臧獲卽內德之盛聲不

外暴而輔鄉賓公愧吾發聞里井蔚于邦城蓋知
有公者亦莫不知有母也語云逝者如麻惟德不
朽信然矣獨奈何厄於泱旬之閒不生受孫婦北
而哉豈某女晚末寡福難借母須臾恪共明訓耶
抑人壽如織杼軸已定無從假尺寸耶母靈不爽
惟誘弱女之衷夙宵虔惕無忝婦順此母之庇也
令子若孫之願也某之所以兢兢然哀且告也

祭洪守愚公文

柳全集 祭文 卷之三 五十九

嘗讀豐芑之詩云貽厥孫謀以燕翼子夫貽謀於
孫而子得以燕翼則其筭計優長久而彌昌固不
僅僅於一時之安且便以爲愉快若世俗所馳鶩
者然已公之生也質樸從身言無釣奇行無飾詭
居常人視之若愚而公亦以守愚自命蓋剗剗珣
觚盡削不用彼豪華者流見謂削而笑者蒙而姍
者公獨遂遂訥訥迥然得也不幸丁數之奇中喪
其子節哀悲慟撫在祔之孤孫而顧護成立之其

所親多規誨者曰吾不能飭櫬來謀而居願安庠
塲若我之愚吾不能豐蓋藏謀而養願甘非陋若
我之愚吾不能緝統穀謀而衣願服布帛若我之
愚嗚呼公之貽孫謀者敦慈悠裕若此則膏沃而
充茂源濬而流遠洪氏之福何可云量也今以七
十餘齡踰躋羽化細語其子以孫謀是亦足燕翼
於九壤之下矣

代黃復園祭外父文

楊全集 祭文 卷之三

六十

嗚呼翁果遽遽然往耶某之哭翁第執解沃地淚
數行下已耶蓋悽乎惘乎畢吾生乎有餘悲矣方
某獲成嘉禮時見翁据拮觚穎之業猶恂恂然儒
也而百六爲厄螻屈睢肝乃幡然曰錢銚襁褓皆
足自樂惡用抱璞見刖爲於是布其四肢之敏橫
從叮嚀事有閒則斂膝危坐讀漁父賦篋牧民山
高及梁甫吟天馬歌一再過觸事感興口占咏適
遇陶韋而方之無相君臣也歲節春秋某或候問

寒燠輒繫我駒至累信宿爲談說古今成虧物態
遷換又進而騰大歷以下墨子短長某時已悔雕
蟲脩計然策然聞所未聞益沾沾喜焉無祿翁女
卽世統兒呱呱在襁某痛楚幾不能有立翁雖內
弔而再三溫解令某復諧伉儷以撫而孤旣而藉
翁之靈統兒得所特稍能勝衣某攜以見則置諸
膝曰嗟哉爾無母而母存我有女而女喪因歔歔
不能已蓋至于今翁加耄耄某亦短髮星星統兒
又旣抱子未嘗不傷悼如昨也翁茲物矣躋翁之
堂几履琴書猶然無恙而翁已化爲真矣倘翁女
尚在某幸而號之雲山之巔水石之崖翁之音容
庶其彷彿也乃竟使子才老婦哭吾翁因以哭翁
之女契濶成生悵恨橫集如之何不終身悲哉佛
氏有言曰布善脩果者當入福堂快活無邊儻福
堂而果有也顧願翁與女超登無墮惡道且語之
曰今日之奠統兒實來佐觴其降覲旌而臨之無

楊全集 祭文 卷之三

六十一

吐也

代一塘祭洪望槐文

某嘗竊私悼暮齡衰朽其筋力神慮既頽頓不能目強與納髮健少迫獵愉適而所資自老者靡肩高誼造膝談吐則亦足釋袪塵垢舒綽龍鍾矣親不親固未暇論也公與某少相優長相隨而縋縋歡遊至于老愈膠每相過從握傾臟腑不倦粗及禽魚泉石之樂高及吐引黃石之秘纖及田夫蠶

擇全集

祭文

卷之三

六十三

婦錢鍾繭纓鉅及矜佩薦紳沈赫黽謝登床對榻問答倡和或幾信宿然後退金蘭之喻蓋匪淺也倚念方深百年未厭而何棄我之奄忽也公之孝德在族姓行誼在鄉黨賓禮榮醕在郡牧貽謀垂裕在子若孫完人上鬼歲日卽生年矣獨衰朽之悼資公以老竟爲太空奪去此謬悠私怨所以泣盡而續之歎歎也嗚呼幽明岐路斷隔道眞夢寐之閒公幸策蹇而下寄我形神無貪福堂樂境斯

不一見使我怆怆悼無已也

祭陳君文

嗟嗟生者人而死者還爲眞故射獵哭泣同在幻塵而躍台則爲不祥之金公乘箕歸化矣胡使我吁嗟而不可禁高堂月西垂老顰顰一脈衣鉢猶子僅繩且也仁厚不壽僅以中年黃白飛昇豈易竭者泉之甘而直木不能晚榮抑報施之爽太虛總是冥冥靈爾有知試發屈子天問安在福善禍

擇全集

祭文

卷之三

六十三

淫蕪詞登奠淚灑沾襟若談論生平猶有詩文四壁熟公之爲人

祭石泉內子文

昔風人詠南國夫人之德詎不能盛有稱引哉而以小星之抱衾自付於不同之命江沱之不與慰喜於後嘯之歌者謂夫人之樛木逮下致然豈非懿行之他猶可勉跂而媚妬之私卽賢婦流不免耶女之闔閭不可濡毫旣而獨其待石泉翁之媵

與其子也絕不設町畦有疾痛痾癢手隨心至摩而復之必無有患也然後即安蓋忘乎子之出於湯而湯亦忘子之爲我出也嗚呼風軌涼斯妬媚萌起綠衣之悲終風之怨猶喋喋然也矧融釋形骸渾合於一體以德若此固宜備采風謠勸法干後而他懿行不述可知也某忝姻末方思次母之德登諸壽帙戴蟠桃稱觴而豈知所嗜誦者反竟爲今日之誄辭耶噫石泉翁老而益康諸孫蘭玉

樽全集

祭文

卷之三

六四

繼武母以七十有四之年考終于寢歿日卽生年矣特念我女姪孱孤不得邀祿于母之教而母遽溘然而逝也九京之下母亦對哀令子一說生之悲否

祭金濟漢文

今夫塵寰之閒與蠓飛蠕動均育者咸役役獵取所便適以爲愉快彼其宛結疾瘁者無論矣卽習狙巍厚忝唯華侈之家亦以備物自累故牛山

之遊峴首之陟卒彷徨涕泗以悲欲求須臾之樂而不能得嗚呼物迹遷化欣厭萌生宜其挈促情以狗濡忍矜顧至老且灰而莫知反也公達人也得喪之交存沒之感安敢戚戚於公之旁哉公生長草野洒落傲睨飄然刮洗世俗之癭垢而自樂其樂穉穉答筭曰吾樂其銍艾錢鏹曰吾樂業農父儲子指答桑麻曰樂之所共適泉木土石鳥魚雲煙曰吾樂之所寄寓而不竭無禁脈脈嘉種穠養於靈府之一丹芘芘厚粒衷福於食餘之大庾舉宇宙所可欣者摟之不從所可厭者追之不祛徜徉夷猶者蓋七十有三年矣其與臨牛山而泣對峴首而悲不能索樂於須臾之內者若霄壤然今之奄忽而逝也還形太虛尋眞眇莽從凌雲御氣之伍追逐上下縱觀踈梁無莊都歸鐘鐺哀然舒其一笑彼徒計得失論存沒恨公不延歷久視以見養吾君邁迹騰祥者公視之皆甍生怛化者

樽全集

祭文

卷之三

六五

流也何嗶嗶哉吾聞達人曠俗成生齊樂故云若此若夫孝友愷悌之令德磊落嶽巖之奇才紹續裔胄之濟美則都鄧老少能識之薦紳士人能述之令子養吾君又卽能闡揚而光大之杓人固不能輕舉舌誅也

祭築泉內子文

於乎詩言歸子宜室宜家而母也者家室無瑕詩言獲葛爲絺爲絺而母也者絺絺維時詩言有齊

楊全集

祭文

卷之三

六十六

采蘋采蘋而母也者蘋蘋必親詩言柏舟兩髦我特而母也者卽夙胡慝詩言麟趾振振公子而母也者蘭玉纂緒詩言樂只遐不壽考而母也者期頤齡茂夫論母德則詩徵之亦旣臧止婦流震矜夫論母福則詩徵之亦旣康止爾後保艾今其沒矣神將奚往從築泉笑語汪汪曰有子賢顙白以老曰有孫肖篤學致道平日齋經紉繡夷豫悔勞於生求逸於死某繫姻後攜漿一渴毋謂我鄙肯

我顙藉

代陳氏族人祭弟文

舍弟某以某月某日還其於寢今帥子姪功總視衾紼哭之三周矣復相與治羹載爲奠余於子姓長也舉觴酬地告以詞曰悲哉詩之歌鶴鶴也惋乎惘乎令于人有深思矣余念夙時與我二三兄弟垂髫相偁角巾鼓篋相從已乃棄去業研桑跋屨於陬邑林薄之間舉廢徙止困瘁愉快輒相問

楊全集

祭文

卷之三

六十七

勉我二三兄弟用是稍有羸稊而爾靈也尤倍起不貲然而弗自康虞服奉出費猶蕭然若昔之重繭負藤日也歲時伏臘風雨冥晦時聚我族子相與論說民生之不易情故之遞遷且曰自吾祖始基于此至有今日紹續昆裔蓋蒸蒸未艾也幸未歿有能脩飭類迅天風川我先德顯者庶幾旦暮見之因巡廊矯足泣數行下夫牛山之悲峴首之涕彼直爲悔其生而悼華靡之物不可長而有耳

奚有論先世德如我弟潛然哉嗚呼河清難俟榆
景易消我二三兄弟向之相優相從相問勉者其
存僅如晨星爾靈後我數齒思托旦昏而不可得
且溘然逝也矧余以執殯殘軀待嬰兒孩之曾孫
以老又何能久恃永年耶爾靈不爽願臨筵几舉
一七筋聽鵲鵲哽咽之聲

祭友人陳同吾乃堂文

某年某月陳君同吾尊堂惠顧孺人某氏計音至

榜全集

祭文

卷之三

六

越旬外通家生某等相率陳牲以哭因唁曰嗟傷
哉若翁耄矣微孺人莫共居起問煥寒無恙可若
何同吾甫再頓顙而號曰不孝孤嚴大人命負笈
從諸君後以定省最曠藉母氏善視昕夕稍敢卽
安今而往孰與代而子也老父飲養之弗供不孝
曷所逃罰起復唁曰嗟傷哉若昔在幼冲孺人實
字而成之乃茲舍世緣往子未有以報也可若何
同吾甫號聲轉悲曰不孝孤蚤喪所恃藉母氏覆

露之以至此日抑寧獨孤卽我諸兒女羣焉藐也
母氏右提左引令其婦得供室家事今而往孰與
代而母代而婦也報酬之弗稱不孝曷所逃罰嗚
呼一孺人也生者以之養歿者以之寧老者以之
恬少者以之嬉孰是孺人也而可溘然泯乎明靈
不昧母亦實力祈益乃公壽就乃孺子名願乃諸
孫阿禁其不端庶同吾君有所藉手以迨不孝而
在閭之賀某輩敢請以異日云

榜全集

祭文

卷之三

六

祭洪公文

今世論節俠者大都豪悍恣睢設力役貧同爲齊
民編戶踰藉而君之至投之公家務而衡縮周疏
茫然置不任焉乃公蚤歲隆氣矜不能抑首弭耳
後稍軌于律適丁喪亂以雄閭器諸官統矛慮千
餘習技擊次第能超距迢寇虐戢推爲鄉司正彬
彬然以禮遜先社中橫少年束屏而聽非有方柄
不相入最後括田事起邑中宰以其無跛曲也令

董役則竭肝膽披浮遊之蠹平其出入詳確不
莽具夫抵掌而談兵難公卽能兵約躬而就禮難
公卽能禮握筭而會兵籍難公又能籍倘令有師
承業明習典故而宏於用物則豈擯在昔俠遊後
哉胡然也壯士一蹶隕春杵之滄零昨慶弗昌割
弓台之遺緒所兢兢素服窀穸春秋事者獨伯
兄之孤藐然子也公靈不落莫將委運於造化小
兒無常悲喜抑亦謂報施之及也怨耶不耶嗚呼

楊全集

祭文

卷之三

七十

代叔父祭石梅郭外翁文

某憶六七年前時展視公之典居值霽夜翁布席
當雷呼某前曰吾老矣筋神齒髮統已改初念我
之壯也奉郡檄長千夫董繼征艦于閩之省下能
竭夙夜力不病且息屈始衰猶能揚朱明府之條
教而約於鄉朝冠紳拜跪立起矯然輕便與里人

談說善敗晨達旦無厭苦也乃今吾形若槁木心
亦若灰灰其將還而爲真乎日者夢我姪句甫得
贈典昇肩輿三其二爲乃父母一則虛若待我然
倘褻封之至也吾歎矣嗚呼歿生之數惟夢蝶漆
園周能齊而視之翁寢餽無恙豫知死際於六七
年之前今句甫君晉秩入司空郎署贈典駸駸逮
矣翁遂以一夕鼾睡而逝遺教治大事張設鼓吹
如生時燕饗豈翁果有見大塊之勞生而佚死也
故不欲悲號者恒化耶昔也譚夢今也真夢譚夢
非幻真夢非迷翁視死生之故卽周之夢蝶搗之
然一也某不敢以女甥悲慕私情犯子來躍台之
誦於是命小姪某脩辭而弔翁者若此

代姪可俞祭外母文

嗚呼揚之不得天幸也揚自垂髫時先君子卽擯
世業往矣煢煢相依煦濡喘息僅我老母在而我
老母又卧病床褥強支則起迫問則對餘則成然

楊全集

祭文

卷之三

七十二

而夢卽身之所苦予之所憂曾不一舉舌且亦不能覺也弗孝巨慙天不躬勦而厄所持以爲命者若此揚將何所藉哉而所持朝夕覆露我尤有丈父之諄切與丈母之倦勤也而豈意母又奄忽逝也夫母之年次於吾母雖軀體脆弱而且能緩婢獲飭廚匕佐我丈父內政焉始揚遊疊序也肅衣拜母母則沾然喜旣而弁也肅衣拜母母則又自喜益痛揚之蚤孤而循循焉摩之若子也而笑意母之奄忽逝耶母之存也吾懼吾母病難以旦夕延而幸母之康強無恙也母今歿矣康強者不可畱而久抱沈痾者又何可支哉揚是滋益懼矣以我母之懼重母之哀以母之哀增我母之懼深危多艱心緒搖曳卽懸旌不足喻也母視揚子也曷不爲緩少須臾耶豈人之脩短若殺也付軸已定而咫尺不能移耶然數之推移若清盈者傾而虛者必有益也母靈不昧其我痛念也歟猶生也亦

能以陰功爲我母蘇其困賜令駸駸復起也毋使揚之終窮而靡所控而伸哉

代楊麓山祭友人文

聞之達人之說曰天地逆旅萬物芻狗夫逆旅一信宿去耳芻狗則甫陳而旋踣藉之矣彼天地萬物不可長恃抑何速朽之甚耶蓋不變則宇宙可挾而游變則不能以一瞬固也公達人也始予家食時大司徒陳公館而餽之公遣令予負笈北面以故得交公歡旣予藉孝廉偕計長安爲扉屨之資莫緩急也乃公任其无咎迫落第北旋適公初度予手持蟠桃圖以獻致不騫不崩之祝時公雖已白巔台背然猶稱嬰緜也是後予跋涉畏塗且受策又且跋涉進寸退尺靡所短長益念公漱石卧煙夷猶自考見人世蟻爭鴟嚇真足以揮塵而竊咲矣方思買地一區與公相鄰繫泉築邱盡辱而愚之如柳柳州故事而豈意公尋真之亟耶嗚

呼年登八袞豈其不壽倉箱盈止豈其不豐以公之達視之固乘化歸盡息緣長終也卽天地萬物已逆旅而錫狗之彼區區者何有哉然則昔以辭賀今以辭弔亦予之不能已耳公豈其肯而臨監之否

代蔣犁春祭丙子文

嗚呼靈其有知也耶無有知也耶如無有知也則設核奠盥誰爲嘗之涕淚陳辭誰爲聽之如有知

樗全集

祭文

卷之三

七十四

也則不聽而監不嘗而歆我又何爲乎簌簌然哭且告也夫靈之出自傅氏父母昆弟亦不賤矣然而服膺茹糲夷于隸笑生年六十有九亦既壽而臧矣然而蚤計夜思僂焉曾不能以終日舉案而食同室而穀亦既偕我老矣而專居自飭樛葛逮下無以思先君易寡人爲解嗚呼靈之處身何啻而取於世何薄乎齋則固藏薄則厚收而何遽捐我之急乎往我抱疾病呻幾於匝歲自謂溘然霜

露而幸爾靈之矯且康也可令我瞑舉無患也豈意墨墨之反我猶爲人而爾靈化爲真也矯且康者倏不可知若此矧獨鰥之耄匪歲抱病者尚何恃而久存乎卽令旦暮托於人世而精覓銷鑠相若脫夢寐之間放德與爾靈相勞苦如生日也於乎靈果生無恙耶則時我暄溫勉我七尋我精魂未銷鑠若斯甚也今而繁施墜矣榮矢寒矣爾靈非生無恙矣我尚何恃而久存乎然而更相勞苦夢寐如見是爾靈非無知也靈而有知則亦歆我蓋核鑒我辭淚發我二子若婦護我二在襁褓之孫繩繩振振以無失我世守則洞陰鼓磬爾靈可坐而需我者乎

代張振軒祭洪堦文

嗟嗟我懋賢無恙耶何至今不我顧也倘我顧也我將沃以飲冰闕其張脈而至今不我顧也何故之以也噫懋賢歿矣懋賢何歿也凡歿者危生懋

樗全集

祭文

卷之三

七十五

賢仁質篤中非狂悖之劑也姿容端瞻非三甲三
子之俱無也不危生生則不危懋賢何歿也歿以
材也膏自詒剪璵乃招剖機尊青黃爲木之災人
生不願材也懋賢天稟高朗星輝電煜沈平背邱
俛遷寂雄屹屹乎旦暮遇之思所到時不以天地
萬物易我蜩翼如其未也括膺擢胃至于嘔血數
升不知疾電之破山虺虎之捕麋也此危生之道
也以是死也當懋賢未病顧我于廂之東也已若

將全集

祭文

卷之三

七六

焦蝦而猶扼掌談事自喜自弔轟轟霏屑蓋張脈
而熱於中不飲之冰不止者安料其歸輒病病輒
歿耶吾耳目之前耳目之後如揖且語如嘆且歌
吾懋賢尚無恙也何至今不我顧也然而槩火燼
寒圖書塵擁大人哭於堂寡妻哭於室噫懋賢歿
矣非生而不我顧也懋賢何死也死以材也主人
之鴈不鳴者殺國郊棗楸日尋薪樵之斧斤材何
咎哉歿於材何若歿於不材也豈將托於材不材

之閒耶嗚呼觸懷王樂艾封悔泣材也不材也材
不材之閒也莫不有歿也殤子壽而避天也矧大
人而康而藏二三兄弟戀翔鶴峙能昌其世守懋
賢歿以材誰懋也所可懋者惟是無莪諸之遺使
我後歿女罔托以報於九原也彼蒼蒼夢夢則柰
之何也懋賢死有知也其駕鶴來勉舉我觴不顧
我於生而顧我于歿也

祭陳任宇文

將全集

祭文

卷之三

七十七

孰是無生乎而所嚮乎畱君之生孰是無歿乎而
所嚮乎挽君之歿歿也成然寐也生也遽然覺也
寐覺若環旋歿不可起而生也所嚮而莫之得不
亦悲乎夫天地無私寇賚也陰陽無私造毀也何
君之生也剪剪乎其薄也何君之歿也颺颺乎其
夙也讀君之辭爛爾月星何帛鬱而不發也觀君
之貌式如玉金何帛蹶而不拔也締君之交如醪
斯醇如蘭斯馨何帛棄捐而中道輟也將浸假而

化爲鳳麟社於何呈也將浸假而化爲河嶽精於何靈也將浸假而化爲風霆氣於何徵也嗚呼胥易技繫怵形勞心無莊據梁美勇都盡爲是不愛舟山之藏聽有力者負而走也則待君之灰生亦淺矣其所以蓋直乘渺莽超六極以灰生爲一條以江河爲一貫也予等祈嚮而莫之得也因相率而招魂曰生閩外粵今別離母老子孤今流涕恍惚存亡兮遙設虛祭旅魂歸來兮徇徕故地

樸全集 祭文 卷之三

七十八

祭蔣犁春內子文

長君忠次君孝與某相從事有年矣某嘗偕二君讀書山中適有風霧之虐三謁醫未效犁翁乃謀諸孺人曰山中去家十餘里而遙廨與指使之弗充脯漿羞給之弗時謂事師何其如投粲於館也遂迎以返齋居爽愷疾勢寢紆而猶怔怔然越吟自苦也孺人董童僕庖續調護欲劑則劑欲粥則粥凡有求卽隨手應益四十餘日某始平復如初

焉夫父母之於子懇懇而摩切切而吹有疾病則多方救療機祥崇祀必無恙而後卽安然苟稽之歲月閒猶不能無倦苦意矧號爲師若友者哉嗚呼風軌涼疎末流逾甚彼稱鼓篋授經者吾及見其塞向墜戶白飲醴膳而不一顧問者矣安有疾病四十餘日不歸委於其家而直任其無咎賡續調護倦苦不萌是人子不能盡得於父母者而某乃能得之於孺人也今孺人沒矣喪母之某又喪

樸全集 祭文 卷之三

七十九

一母矣則奈何不潸然出涕哉乃以所報孺人者惟朝夕祝曰願犁翁壽德無斁願子孫多賢而昌是爲善願齋心惟孺人鑒之

祭母舅朱九溪文

嗟哉畿之生何不辰耶幾憶五六歲時隨我母歸寧也一起坐飲食舅卽肅之以禮讓每見渠渠畏傳之在侍也比少長抱笈于外我先君必卽舅謀擇師而詔之用是問學有所開益適值寇疫我父

母嚙尾而喪某時年十二遂輟所業營力于耕常
 剪琢之賤而養我祖父母以老舅既痛某之父母
 之不幸畜悼我學業之迫索於累而廢也意甚內
 恨後某年二十四復發憤下帷初試爲文若干首
 舅覽而異之期以大有成立顧某才命互仇屢蹶
 場棘而舅猶然慰勉不衰嗚呼教言在耳注賴方
 勤不意舅遽以一疾長逝乎方舅之始卧床褥某
 省之卽語及殯生事因廣說世故嫋嫋不自休若
 榜全集 祭文 卷之三 八十一
 健于然繼而稍困尚能詢某以今歲甲第姓氏最
 後雖能辨某言貌然語亂無次隨以不起聞矣噫
 某不獲天幸內無父母兄弟而有母家舅如翁者
 在奉以周旋則把天猶未墜也乃焚焚一軀形單
 影弔二十年之間哭我父母哭我祖父母又哭我
 外大父又哭我舅翁人非木石能堪此幾番摧頓
 耶嗚呼某尚何言哉舅靈不昧倘然見我父母
 而有問也其將謂不孝某負人慈生逢百殃無可

藉手慰我父母於途也抑將謂我父母誘我天
 衷不卽淪陷俾得至成立以無孤我舅生時之所
 期勉者乎情蹙辭蕪無以誅休懿也姑自鳴其哀
 如此
 榜全集 祭文 卷之三 八十一

慕蓼王先生楞公卷之四

六世從孫宗敏爾



詩

五言古

題林母節壽冊

括蒼鬱名勝。正氣自千古。淑媛垂徽音。煥煥未易
數。安得節與慈。遐齡兼篤祐。林母獨純備。芳聲耀
珪珥。繫彼柏舟咏。鏡鸞戢其羽。豈不念夜臺。有孤

楞全集

詩 卷之四

一

誰爲撫寸腸。矢冰槩。持茶供湘釜。截髮身不惜。和
熊意良苦。堂上嘆未亡。膝下悲何怙。負米事孀幃。
青雲力堪努。釋褐理花封。居巢歌召杜。政成報
天子。璽書錫簪組。冠帔何輝赫。承恩自明主。況
復嘉貞操。褒綸下衡宇。兼之設脫期。北堂靜揮麈。
白鶴集瑤池。碧桃綴玄圃。拔與春正長。霞觴夜未
午。仰眎蒼顏酡。俯看綵衣舞。百順萃庭闈。童叟爭
快覩。慚予下里吟。堪續彤譜。

五言排律

壽李明府太君

冀英當初度。椒花頌北堂。玉壺清作誠。組練法非
涼。宗訓成慈儉。家聲振懿姜。楚湘鍾島會。華渚誕
仙郎。義畫開新穎。周瓜擬代昌。雄才名短李。獻賦
上長楊。晉錫來蕃庶。需雲自奮翔。金鄉新製錦。萍
渚集慈凰。化日舒官署。清風度堵牆。闔宮歌壽母。
斑綵綯儀囊。玉樹披三珥。雲璈和八琅。托珠陳肆
博全集 詩 卷之四 二

頌披帙滿繚緗。瑞合韋元仲。靈成李伯陽。今朝拜
家慶。持此祝靈長。

祝寶淮南右轄八月十二日初度

名藩緋紫綬。華節冠芳辰。金鏡千秋在。乾年一識
新。河清供笑口。嶽降喜生申。曾需泉山雨。行控楚
水珍。清風高竺國。福曜映全閭。金粟斑璘儼。赤城
沆瀣勻。月逢十二日。秋禪八千春。嵩祝丹心耿。劬
思赤悃悃。冰輪待欲滿。台斗望常親。桂接燕山種。

書選寶相臣。七閩三駐脚。九棘一前身。上界蛙光
淨。中元鴻寶因。商霖時有望。端的祝封人。

五言律

贈杜鳳林北上春官

幾載燈窗共。被分意婉絕。狂歌杜子賦。醉拂王生
冠。鞭指京華近。劍橫斗氣寬。泥金消息好。坐聽鵲
聲傳。

贈劉台巖北上春官

楊全集

詩

卷之四

三

君號酒中聖。風流誰與倫。洛東無處士。冀北總空
羣。鱗翻鯨海日。額帶龍門春。何時能附尾。披腹倒
青樽。

邊馬有歸心

翹首欲南征。蹉跎向二庭。胡雲千里黑。漢月一鉤
橫。鞭驟流朱汗。風嘶帶怯聲。黃金買少骨。猶勝老
邊城。

五言絕句

贈史道卿北上春官

與君締墨社。慣識射雕豪。寶柳今先茁。鳳池應有
毛。

同遊慈明寺

自是真如界。蓮臺四照花。冥心參豎拂。萬法此中
夸。

題王母圖

人從王母還。道母果朱顏。未赴瑤池宴。相貽白玉
環。

楊全集

詩

卷之四

四

題袁桂軒壽圖

玳筵度紫笙。素髮兩瞳清。仙桂雲中種。年年伴月
明。

七言古

壽王儀部

七月七日秋氣清。天漢迢迢牛女情。羽蓋雲車光
掩映。疎星淡月何縱橫。九衢夜靜人呼酒。放歌聲。

過白雲走王君是日壽筵開瑞應星河知不偶此
夕從來降列仙君家仙籍斗南懸會開方平龍奔
躍復傳子晉鶴鳴蹕王君除室試相伺定有羣仙
御風至瓊漿一飲壽千年君須恣飲莫相避

七言排律

贈吳刺史奏最

蕭蕭五馬出神京。剖竹高專寶婺城。有脚春回千
里遍。隨輪雨過四郊盈。爲祛積蠹文移簡。慰藉羣

楊全集

詩

卷之四

五

心賦斂。輕。每以哀矜流愷悌。還從摘發見神明。笑
譚頓息清河訟。指顧潛消渤海兵。啖蘗瘦餘霜鶴
影。飲冰寒徹玉壺清。閒閒有學皆興起。畎畝無田
不播畊。懸榻直因高士下。芳樽多爲上賓傾。環山
問俗雲生屐。出郭勤農露濕纓。月泛詠樓揮塵坐。
花開葵嶺引車行。題詩自擬招徠灝。作賦何曾厭
禰衡。化洽時聞虎渡機。忘不使狎鷗鷺。高門桃
李新陰暖。徧野桑麻曉色晴。汗簡三年傳循政。路

碑千口播賢聲。吳公自昔稱高第。黃霸絲來擅美
名。此日徵書光漢璽。清風肆好頌韓荆。

七言律

分祀南郊

分祀南郊出禁城。精誠獨潔薦芳馨。銀河手捫星
辰近。紫極眸瞻霄漢清。霽霽爐烟藹袖滿。雖笙
管和珮鳴。欲知帝德真何有。請看葭灰一線生。

其二

楊全集

詩

卷之四

六

上帝端居護百神。太壇崇報燭燎烟。蒼松翠覆
儀秋碧。漢柴升周祀。明民力普存。昭几豆。精禋豈
盡在。珪瓊獻。罷恍聞天語。響萬年。天子泰階臻。
贈鄭制臺得請予告

名襄北斗久傾韓。報國只憑徑寸丹。三鎮凡封猷
克壯。九關豺遁膽生寒。袞裳歸去尋裴社。祖帳追
隨集漢官。天子禁中懷鄭履。東山未許卧謝安。

和林計部

曾於史傳讀遺文。摯行孤芳得似君。幾見露臺
白鶴。何知名姓附青雲。儒宗晉宋傳流遠。司馬弓
裘世澤芬。聖代于今推孝治。可無封事徹升聞。

別李芳西官粵西

折柳豪吟席半分。行旌帶去嘯龍雲。鶯花處處迎
冠佩。風月時時落酒樽。百里知非賢者路。盤根試
別邁人羣。王生戰解今誰重。認有仙舟舊李君。

贈楊仰恂先生赴闕

楊全集 詩 卷之四

七

使君卓卓氣如虹。劉水粵山增煜芒。琴鶴未宜歸
綠野。綈袍依舊拜丹樞。春榮赤鞵花迎笑。馬帶雕
鞍驛有香。結轡王生何所重。閩泉又見一東楊。

沈道尊壽功雙祝

瑞藹氤氳擁百城。清霜紫電挺奇英。姑蘇久播南
陽詠。閩海爭喧北斗名。僊郎此時妖浪殺。詩航開
處暖雲生。笑談足擬封侯印。何事紛紛細柳營。

贈南撫軍

聖朝畫壤辨紱荒。泰爾狂夷敢跳梁。日暎朱幢軍
律壯。霜飛紫劔國威威。京觀高築鯨鯢殲。飲至共
傳琥珀觴。談笑折衝歌海晏。勳名千載耀旂章。

賀司李秩滿

太乙星臨映彩虹。旌麾到處識于公。孤標力砥狂
瀾靜。朗鑑高懸貫索空。璀璨文章凌北斗。芬非桃
李醉東風。於今始署中書考。績奏旂常徹帝聰。

賀閩中憲臬

楊全集 詩 卷之四

八

牙憲分司似水平。閩山獬廌也知名。臺懸冰鏡清
稜肅。網滌秋茶解澤生。按部風行知偃草。掄材燕
樂聽吹笙。政成奏最天顏動。矧看鹽梅和鼎羹。

賀繆父母惠陽秩滿

會賦皇華泣越東。羨君落筆氣摩空。春融惠邑膏
芘泰。人是秦稽暢瑞風。匡鼎解頤心印在。偃絃學
道笑言同。佗時曳履星辰近。入告嘉猷廣帝聰。

王壯其公祖保障溫陵

走險潢池竊弄兵。鸞銷五馬撫孤城。吟談樽俎
戎莽揮灑鶴琴戢亂萌。格化依稀階羽舞。綏降詎
借姥歌聲。假饒賀勝誇鯨築。會似車徒總不驚。

小沼蓮花二首

一勺方塘似斗旋。呼童種得幾莖蓮。濂溪偶愛偏
成癖。西子含情亦獻妍。貞遯何心招逸隱。孤芳與
爾共畱連。更有桂秋消息近。好將苹鹿瑟琴宣。

亭館中央有小池。荷花綽約挺新枝。嬌脂映月僊
橋全集 詩 卷之四 九

僊舞軟玉臨風穎穎宜。自我歸來歌獨宿。於今遯
近樂忘飢。兒孫舉袂相看笑。鼎足揚芬事較奇。

祝陳母壽

佳氣龍葱繞玉池。大正壽母茂春禧。筭珈白髮開
雲餌。綸誥丹章錫鳳禧。身閱五朝存社臘。齒踰九
表憶荆蓍。霞觴滿祝笙鏞沸。舞綵承歡日晏遲。

其二

誰將萊綵易簪冠。子舍滸瀝侍母歡。萱草北堂春

暖。暎蓬萊東海月圓。絕裾從仕絲何急。捧檄爲
親亦未安。最羨使君能養志。淑人百歲貌猶丹。

輓宗婦

筑守冰幃三十年。兩儀我特矢心堅。夢魂常帶湘
妃恨。荻跡再存歐母賢。遊子不歸慈線斷。詒孫猶
見膽凡鮮。老身化作春江雪。洗淨偷生僥婦談。

七言絕句

除夕

橋全集 詩 卷之四 十

歲事消除爆竹中。許多塊壘貯於胸。今宵斗酒都
消盡。半醉狂吟白髮翁。

贈龜

天開絳節肅朝儀。趨踰惟君最後期。帝子分明知
媚寵。金剛不敢問來遲。

歲新

暮爲舊歲曉爲新。新歲總都舊歲人。何似當初無
歷者。那知新舊逐風塵。

春暖

兒童拍掌鬧紛紛。說道今年好暖春。麥稻如雲棲隴畝。農人醉笑杏花村。

立春前一日

荏苒光華又一年。明朝濡筆寫春箋。靜心掃却塵常事。且解輕衫質酒錢。

鞭春口號

迎春故事塑春牛。官府揚鞭打不休。撇倒裝牛還稱全集。詩。卷之四。十一。

是土誰憐筆肉痛難瘳。

別分宜張明府

春來雨露萬花開。點綴新恩未許還。回憶黔山楊柳色。方知此曲是陽關。

過劍浦驛

千尺轟轟劍浦龍。光芒射斗一匣中。當年鑪冶成剛制。也知用世有雌雄。

題梅花譜

冰骨霜姿水作神。蕭蕭香霧玉嶙峋。饒他杏苑千

林雪。獨領羅浮一樹春。

題文昌君像

狎主五千文教盟。傳來七十二長生。天中無數珠璣焰。誰識張星一點明。

賦

獨居賦

七尺之軀。與物同府。么焉渺焉。如渤海之一息。迅稱全集。賦。卷之四。十二。

焉逝焉。如過隙之六駒。鳥忘乎天之高矣。吾獨仰

而有所拘。魚忘乎淵之深矣。吾獨俯而有所懼。彼

汲汲於名者。既為毀譽而喜。吁。而役役於利者。復

為得喪而憂。虞無貴無賤。無貧無富。旦慮夕計。東

馳西驚。不羨隨光之潔。甘蹈糞養之汚。不俛眉于

環堵之室。寧搖尾于金穴之聚。抑瑜瑾於硤砢。高

柴躋于堯禹。觸坑入坎。自貽顛仆。豈念有生。原出

天賦。命之厚也。雖悍如呂帝。不能滅其銷鋒。命之

非也。雖德如姬王，不能加之毫黍，以爲力無不逞。與垓下曾搞重瞳之夫，以爲能無不酬。與長沙乃哭少年之傳，當夫時之未至，則光範門外，可以屈山斗之愈，及其運之既亨，則趙葵麾下，可以置鬻薪之履。錯寫弄塵者，秉軸不識甄益者，登樞倚伏，難量於鬚髯。甲慶每變於須臾，蓋君耶牧耶，數之有乎。窮耶通耶，分實莫喻。古今瞬息，乾坤寄寓，羅珍茹草，皆爲充腹之需。錦衣布褐，均爲蔽體之具。

縛全集

賦

卷之四

十三

少而蒼髮，老而皓髮，生得一宅，沒得一區，非物大而我小，匪人有而已。無胡爲乎勞於憂畏，無杪刻獲以自娛。曷若怡神養志，委心任其去住，進也我爲軒冕之賓，退也我爲圖書之主，涼不必棄，炎不必附，安于素位，恬澹可愉。尺吾步繩，吾趨躬讀書，身纖縷，優哉游哉，靜與天俱，亦足爲守道之極，修身之符。

形役賦

人生何陶大化，爲工將鼎參於戴履，迺淳毓其顯，伺躍台吃，其不祥鴻鈞鑄之元同，在襁褓赤舞象，成童飢食渴飲，神隨天動，雖焚炙之，不辰靜六竅，而無訖視聽于于，踞持莽莽夷君牧於齊物，邇宙合於鴻濛，迫琴瑟之在御，奉槃匱而縱總，斯黽勉于同心，詠習習之谷風，蚤育恐而育鞠，時涸迹乎莘工，殫捋茶而拮据，餘旨蓄以御冬，嘻藝能之少賤，還耿耿乎道宗，戮冠章甫，大布掖撻，始旁撫以

縛全集

賦

卷之四

十四

共鼓左書右息象朝現之霓虹官寢殄於蠻蜚賢
賜困乎中憊目躡耳附原非本來之色相焦火焚
木藹然如馳而騁飛馳故陳仲灌園而不悔莊周
寓言以浪汎子真變名爲市卒逢萌掛冠客遼東
不肖五斗若元亮端居華門如焦光吾欲希軌乎
數子決意遂初而明農訊晴陰於丈人訪種稟於
穆種參空玄以契禪寂一部圓覺課兒孫而敦詩
禮長穎管彤枕石長嘯友青眼之嗣宗良醞酣樂

楊全集

賦

卷之四

十五

祖醉鄉之無功車馬不喧于門卧寄高於南窗恹
惚不囂乎慮神直交乎羲皇知我者謂我樸質不
知我者謂我老也偃頤何須子雲之解嘲齊付漆
園之蝶夢拊髀雖消四大猶是我有息深于踵胞
孕護其重閨今而後不知鶴長鳬短日晶霧靡痴
我似痴翁我似翁塵冗勞勞了銷歸乎太空

歌

賀四明施老公祖榮壽歌有小引

施大夫者浙之姚江人也以己未名進士爲起部
郎佐大司空董理三殿都料且將竣役上念閭
急命大夫馳守清漳星軺視事隼旗甫建飭綱振
紀遐邇慕悅士庶傾心冬十一月戊寅大夫初度
也不慧某惠微一日知雅又屬四履編戶散延繪
師治丹青一幅綴以韻言雖不中於宮羽聊竊效
麥耶祝頌之意云爾

乃聞賢守南陽朱民歌直遂惠膏敷施君閭澤亦

楊全集

歌

卷之四

十六

淪濡我頌南山祝君壽願媿臺萊美且紆美且紆
矢謀謨調和玉燭炳宸厓

乃聞賢守漁陽張民歌兩岐譽聲颺施君仁聞亦
軒翔我頌南山祝君壽願媿桑楊蔚且臧蔚且臧
詠熙康轉旋鈞軸揆天章

乃聞賢守雲中廉民歌五袴徧閭閻施君德化亦
豐邇我頌南山祝君壽願作杞梓穠且穠穠且穠
杼綸縑參贊巖廊赫具瞻

乃聞賢守東郡岑民歌鼓腹樂恩深施君善政亦
謳吟我頌南山祝君壽願侔栢栢蕃且森蕃且森
式玉金鼎勅助猷簡帝心

簡劬思公祖德政歌

彼美一人溫且穆分司憲紀清風肅冰瑩何事察
淵魚肺石不冤寧訊鞠濡纒皇皇沛雨膏掄材濟
濟賓萃鹿郡齋攝守穎川黃邑宰代庖單父必廉
靜離披桃李陰聽琴鶴舞花閒伏扶藹連袂疊聲

楊全集

歌

卷之四

十七

歌昔無秬今有幾釜穀昔無羔今有幾尺積疊疊
簡大夫今疊疊簡大夫今覆露我四封之民今萬
閒屋

吟

白髮翁吟

白髮翁兮優游樂天命兮不憂我生何兮無爲我
生後兮何求父母育兮不卒誦蓼莪兮伊蓀欲報
德兮罔極恥瓶帶兮銜恤慕往哲兮私淑被短褐

今懷玉曳長裾兮誰盼得善價兮自鬻試割雞今

牛刀託願受兮鴻毛殫精力兮從事賦北山兮賢

勞鑄堯舜兮批糠采參苓兮藥囊傾我斬兮夜郎

推我檝兮瞿塘治邊儲兮上谷轉漕粟兮江國司

管鑰兮於越秉正直兮獨復瀾涇清兮渭濁納方

柄兮圓鑿我馬瘠兮焉往行踽踽兮彳亍鳥色舉

今遠騫魚駭餌兮潛淵道可卷兮身退年既邁兮

車懸思草廬兮拂袖歸去來兮扁舟且嚼杯兮樂

楊全集

吟

卷之四

十六

聖速營築兮槽邱耳不聞兮黜陟口不評兮夷臚
課兒孫兮紙筆問臧獲兮耕織皎白駒兮嘉客共
盤桓兮松石景高風兮四皓快豪興兮六逸竊歲
月兮濡留適杖屨兮夷猶白髮翁兮不憂白髮翁
今何求作長吟兮天媚歌復歌兮逍遙知我者謂
我自嘲自笑不知我者謂我士也驕

行

得楊仰恂使君教子二語作勸學行

尊公攜我袖傾蓋若舊友談笑春風座慙慙接杯酒驅車朝魏闕握別丁寧久修塗寄魚素誨于幾遠就肄業有常督葆身防外誘此規賽藥石願永佩在肘毋溺宴安鳩懷之墜人守毋甘兩破樂汨沒不可救毋聽慙臾口邪萌將誰糾風愆蒙士儆古聖言不朽發憤忘食寢皇皇宵與晝怯夫興壯志敢縛孟賁手跋蹙功不舍何難楚澤九百川能學海槁暴熟於捺勿遺韶華老寸陰價瓊玖良箴

楊全集

行

卷之四

十九

長提耳參倚存牆牖咫尺父師詔欽哉此座右傳

贈奉直大夫梅岡陳先生傳

贈翁陳梅岡先生者吾師如岡陳夫子尊甫也不悲螻屈諸生時聞西浙有陳如岡登壇振藻祭酒寓內嚮慕執鞭戊戌春偕計公車如岡以壁經董試義聞四方之士同處囊中稱弟子者十有八人某幸廁焉顧十八人者近遠聚散萍踪靡定獨某

也者作陸沉曼倩索長安米更七絺裘坐春風座最久及陳夫子洗沐里居某出守武林吾而奉璽書視學政時時造謁服膺裏言而宣布之則又負牆領益最多而以此知贈翁之潛德亦最悉因不自揣其不文爲撮大都而論次之贈翁梅岡諱一德字子咸弱冠通經術蔚有文采學使者方山薛公負冰鑑爲一世龍門贈翁特爲所器拔絳是名籍籍章逢間贈翁弗自矜震也旣而從外父一

楊全集

傳

卷之四

二十

山先生遊先生素尊王新建之學贈翁日侍幕次賡互考衷嘗謂學須體驗身心悟入自然若分頓分漸不免疎脫而終歸無着者皆非朱陸二氏宗旨蓋一山先生莫之難焉學成竟不售于有司贈翁亦不欲苟促效轅下駒藉郡國守相推輓日烹甘設臚承兩尊人膝下歡委蛇左右罔忤顏色退則引經折義課其子爲文章每花晨雪夕延二三昆弟壺觴歌嘯感物觸事發而爲詩其古體追武

陶柴桑近體亦自成一家言不染指大歷以下隻
字神宇高閒不復知戶外有寂喧矣屬島夷作難
家途中落然內而兄若姊若甥外而姻黨之不克
自植者猶仰給贈翁若河與燧贈翁亦多方緩急
無倦意以故舍館解驂之誼鄉耄耆至今能道之
夫贈翁精于學而不以學名精于詩而不以詩名
庭帷雍睦閭里頌義閭脩若此而僅得中壽以歿
遂使舍光弗耀何哉夫惟弗耀所以成吾師今日
榜全集 傳 卷之四 三十一

之業也蓋贈翁僂嵒幾八載而吾師成進士爲繼
坡近臣又若而年吾師以編修滿最考復以宮寮
承覃恩得兩奉綸綍爲贈翁幽壤之貴誰謂潛德
果終闕弗耀耶假令贈翁挾少年游氣竭蹶羶華
未必不可博名高陪顯秩卽不然而潤袖裁冠雕
蟲聲悅以邀鄉曲之譽吾知浮稱易獵不過石火
電光閃然一瞬安所得昌懿昭灼懸諸日月以啓
佑於後乎然則贈翁幽潛淡闇之德所體驗于身

心妙合自然不襲之以頓而培之以漸也已沃其
根令後人食其實彼陳氏紹續昆裔將世世顯揚
而光大之寧獨吾師夫子一人哉吾師名懿典如
岡其別號也爲贈翁家督文學行誼稱當代名臣
頃 聖天子有南都掌院之命嚮用方殷乃朝野
所敗望以成平格敷猷而闡家學之未究者正未
有艾也贈翁暨配三宜人與子女孫若會成詳載
焦弱侯誌中某辱爲師門下士仰止高山請以叩
榜全集 傳 卷之四 三十二

岳綴鉞天廣樂之奏而附於夫子蒙乘云論曰陳
氏自明唐公而上世以醫拯人樹有隱德焉而未
食其報梅岡其木之始芽泉之始涓乎再傳于吾
師則敷披濛濛矣而又砥名植行裁漑而疏淪之
以廣濬發之祥制所謂蘭生有種祭必先河者邇
本尋源信贈翁梅岡之澤自吾師衍之而不自吾
師竟矣吾師經緯典文籌摹宏鉅霖雨鹽梅之烈
拱而俟諸世德作求高明有融豈顧問哉

徐家婦張氏貞烈傳

不慧某以豫章督餉之役爰告成事句沐言歸展謁先大夫馬鬣適門人楊子懋復負牆脫屣起居寒溫因坐而談徐直指家婦張貞烈事甚悉且揖請曰異矣哉貞烈之以死殉夫也薦紳先生有誅有傳有實錄夫子盍不律而旌焉余曰唯唯否否夫事有軌躅夷易耳目不驚而隱微突之中未可控揣此不異而異者也有騰踔截業賦俗震世

楊全集

傳

卷之四

二十三

而坦衷正性昭昭乎落揭日月此異而不異者也
不觀孔子之修春秋乎春秋一經筆削予奪垂訓萬禩不惟其異惟其常至于嫌疑猶豫之際叛法棄禮盤於常度冒有將之戒而不自知如盾不討賊止不嘗藥文姜與聞乎禮成不及之故聖人始慄然咨嗟變例異辭而斧鉞加焉乃若孔父義形於色申生無所逃而待烹宋共姬不下堂而逮於火彼其忠孝貞烈之槩一腔赤丹足泣鬼神凌霜

雪而經無襲嘉豔羨之文孔父書及申生書殺共

姬則僅書其卒葬若曰臣而死君子而死父婦而死夫夫亦循法守禮人道之常云爾何異之與有今張氏之死於徐孺子也不以拘踊不以易食不以練慨從容濡忍茹苦含辛又期而大祥始絕粒扼吭以死是日也閭丈人而下以及眇夫么豎目擊耳聽莫不相顧駭愕詫以爲異而自氏視之則當于歸結褵之時已虞孺子之奇疾必不可瘳而

楊全集

傳

卷之四

二十四

兩髦我儀之志必不可移萬一幸而生吾偕之者不幸而不生吾死以殉一殉而吾事畢矣卽衣冠月旦弔其異而旌以貞旌以烈舅氏避其異而旌以孝何與知焉氏惟知生之有死常也古來哲人豪士懿媛淑娥誰能免之處不能免之勢而欲遂吾所欲有甚於生之心揆諸禮與法無所待乎引決於俄頃非激也尚猶有所待乎舒徐於歲月非忘也首陽之餓汨羅之沉其死於商之既墟也與

死於楚之未亡也奚以異趙之客元之通播臣其死於數年之後也與死於數年之前也奚以異總之法禮不愆盡人道之常生死兩無憾焉耳然則張貞烈以拘躄死可以易奠死可以練慨死以大祥死無時而不可方且融融快意昭孺子於泉臺追信誓之旦且其寃窆以長終通晝夜之明聯乘風雲而來往惡知其不詆嫉斯生者之非惑耶惡知其不噬怖死者之弱喪而不知歸耶又況乎訖

檇全集

傳

卷之四

二十五

大常以爲異而爾爾然旌之耶然而春秋二百四十二年之閒王姬而外列國君公之妻逆者歸者如者至者非一也而獨於宋共姬致女來勝則書卒葬時日則書是亦聖人特旌微意也令獲麟絕筆而可續乎張貞烈之卒也葬也例得大書於策與共姬並則楊子之嘆異而請旌也固宜不慧某愧不能文私載其與門人釋言者若此以俟觀風者採而旌之

施太太夫人吳氏苦節傳

旌表苦節孺人吳氏者予門人施生邦曜祖母也邦曜祖父良心無祿蚤世孺人年甫二十藐孤呱呱孺人矢柏舟腹而復之備茹酸楚以底成立孤諱時學娶鄉氏誕一孫卽邦曜也爲兒時動止與常兒異孺人手摩其頂曰是殆我家千里駒乎乃彼蒼降割邦曜父若母俟爾淪逝孺人襁負其孫哭於施氏之祧曰天乎胡使未亡人至此極也存

檇全集

傳

卷之四

二十六

孤喪孤又重遺我以孤寡太苦矣且未亡人婦爲婦能忍飢渴耐寒暑晨興十指傭傭治米爾至丙夜乃休不虞憊困今齒髮駸駸改矣風痺須臾之不能待如襁中稱孺子何吾計盡無復之惟慷慨一決以謝死灰而已既又念施氏載世魂魄僅遺一塊血肉卽不自重其灰設前死者問稱孺子何在將安所置對於是強延喘呼復力圖所以維千鈞於獨髮者綢繆拮据酸楚視昔倍甚儻粥短褐

之資伏臘饋祀之費孤賴肺贄之需盡從十指中
出和熊畫荻瑩瑩燈火居起與俱幸而曜也履艱
微危學業日新詎意孺人遂兩髦之盟足踐耶嗟
嗟孺人一身畜則代母教則代父成則代祖曜何
可一日不有孺人也孺人不可一日不有而竟不
可一日畱天又以窮未亡人者而窮釋孺子矣謂
之何哉邦曜擗踊悲號勉襄大事素輶既除適予
奉璽書視浙學政以壬子課士秦稽邦曜持尺幅

楊全集

傳

卷之四

二十七

就同儒試予得其文浸器異之擢爲青衿祭酒是
秋歌革鹿於鄉時曜冠而未婚也予細詢之具述
祖母苦節甚悉予爲懸棹楔以章之既而邦曜成
進士上疏陳情旬 恩旌表蒙下禮部覆允旌閭
如例邦曜自京師寄疏草示予且索祖母吳氏傳
以徵信焉予讀施生陳情疏涕泗霑襟因濡毫次
其行畧雖不能文然皆施生舛所具述感頌語也
蓋嘗觀世有奇苦之事而窮迫悵鬱極人情之所

不能堪然後卓犖英偉之士蜿蜒動變需時奮興
憤發其所爲垂光於天下譬則疾霆破塊怪寶露
靈巨漂徙川神蛟起藝人情物理往往若斯方孺
人之存孤喪孤而重遺之以孤也荏苒衰榮濡忍
百死與穢中稱孺子依倚爲命能令施祧有主不
墜泥塗斯已難矣乃用詩書顯揚致身青雲姚江
固多君子哉如施生者其爲人端毅凝遠與文辭
大抵相類今已起部即飭材鳩工贊構工殿又爲

楊全集

傳

卷之四

二十八

聖天子分治沉璧負薪之役夙夜華華殫精營職
異時旂竹黜猷與諸君子較隆論烈孺人以千里
駒期之不虛矣史遷氏之言曰士不因阨惡能奮
乎信然哉信然哉

贊

張執吾真贊

面玉潤而果也頰嶽立而勁也目電煜而炯也唇
丹濡而靜也鬚髮眉鬢霜雪霏而哲也紅袍烏衫

儀容端瞻而飭也如欲言如欲不言欲言者貪濁是激不欲言者墨墨冥冥抱爾一也如有所思如無所思有思者人域是域無所思者混混沌沌保爾極也蓋可得而貌者衣冠顏態丹青藻繪之格也不可得而貌者孝友敦重先生長者之德也

洪惺南乃尊像贊

可得而貌者公之耳目顧顧乎不可得而貌者公之氣態情度乎以所可貌者思其居處笑語既勿務全集 贊 卷之四 二十九
勿乎莫之觀矣以所不可貌者思其溫坦肅雍猶然可歌而慕乎邇公於古其陳仲弓之徒乎門有鳳庭有槐公固駢虬駕鶴而逍遙於元圃乎

洪惺南乃堂孝惠黃氏像贊

若有翌然以念者甘澍之敬也若有惻然以裏者蘋藻之奉也若有瞿然以惕者爛星之微也若有規然以謀者姻婭族間之職也若有怡然以憚者君子偕老後昆象賢之慶也孺人乎孺人乎稱孝

稱惠是豈畫史之所能傳而丹青之所能繪乎

松石主人自贊

冠稜稜者我耶屨仍仍者我耶睥星星者我耶貌亭亭者我耶時而浩歌長吟時而潛詠默吟時而劬勞執掌時而責黜園林七尺幻軀為龍為蜩螭贅倏伸我方不知我之所以為我而況一幅丹青強肖象形誰能知我為何人何心然則我其杜德機耶我其第溟滓耶世有知我者毋亦曰夫夫耶稱全集 贊 卷之四 三十
少而伶俜壯始成名學務博而不茹精仕靖職而不慕榮老而歸松石締盟狂不狂狷不狷中行不中行惟是抱璞履信之為兢兢

龔姑夫及姑王氏像贊 有小引

此余姑與姑夫龔雲谷之像也姑夫捐館舍時方年三十有五遺孤焚焚甫脫襁褓姑茹荼攻苦而顧復之今且稱艾耆杖飲於鄉子若孫環繞膝前矣適余自浙泉徙秩豫章歸梓里姑齡九袞猶健

匙匕余執觥奉壽祝其像而爲之贊曰

願執手以諧老兮中道訣絕詠柏舟之靡他兮憂心如剗倚孤嬰而爲命兮一腔熱血思髮髮以別離兮到如今盈頭白雪幸孫曾其繩繩兮克茂明前人之令緒克敏克哲於戲百年居諸今星飛電掣未亡人將斂衿輓以待盡兮踐信誓於同穴

婚啓

代蕭峻陽復林聘書

榜全集 婦書 卷之四

三十一

僕涉世久好譚舊事亦好譚舊人則嘗辱大親家翁厚雅因得遊尊親家賢伯仲間蓋竊識豐翁伯爲公輔器輒欲托於葭莩之末以微有寵榮於吾子孫乃尊親家篤存舊誼不鄙僕父子迂疎以賢郎執事采及小孫女而合好焉僕父子亦云有天幸矣顧齊大也得無非偶是懼比者僕日從尊親家結遊攬勝而騰鳳兒復從豐翁伯仕粵西以姻婭也加愛厚焉則薦羅施松之義方自慶其得所

托也而懼其少釋矣敬脩菲辭聊答佳貺伏惟慈昭不宣

代鄭家復蕭翠岑乃孫定聘書

某黠淺蠖蟠山裔顯顯然株持樸愿問穉奚種桂外不敢他有組越矧圖卽姻媾輒忘偶大翹跂高華哉乃大封君足下鄉國著龜薦紳型楷爲令孫董擇內主而及藍縷之陋非其質矣非其質矣豈洞酌昭信而對非之體固貴厚者所收茹不茹唾

榜全集 婦書 卷之四

三十二

乎是用凜凜大懼螳臂不任乃督舍中姥率弱女敏習執筐剝棗之役將異日者裳公子且介眉壽焉多儀璀璨敬藉之以徵世好

代蔡家復定聘書

濬發長祥允叶昌世之兆有僕景命適從女士之釐合好自天慶流斯遠恭惟某足下纓紳山斗鄉國著龜協夢紫烏之文遂入青錢之選才高八斗知寡和乎陽春氣壯九軍決歸來於元圃倡道香

山之社尋真綠野之堂用而不用諸身行將大行
於子童烏豈凡品能讀八索之書丹穴有奇毛應
絢九苞之彩淵角聳日妙握靈珠階頭臨風脊騰
玉樹藉通家之孔李媾世好乎朱陳愧續女維莘
收管蒯而不棄樂相攸韓姑嘗飭饌以爲珍昨日
博士席開已奉奮衣之容今朝京室文定載瞻盈
門之光伏願瑞藹春翔嘉禧日復衆應魁三頌高
門之橋梓風生巽二搏萬里之鷗鵬朱子齊姜諧
榜全集 婦書 卷之四 三十三

絲緝於有永鉤膺縷錫慶燕譽於令居

代王家定聘書

此小曾孫某也丁家不造冀然有陟岵之望實是
尸饔腹而翼之晝灰懸几蓋亦勤且殉也茲已能
舞勺矣以未獲嘉耦食必祝焉翹跂於葭華之戚
其撫我哉乃某以令愛議僕雖然喜曰是可謂
親以親致而親以親成者乎遂占庚午告寢而徵
以不腆之幣自今以往姑曰壻我姪也則善覆露

而姑夫曰內姪我壻也則善覆露而庶幾哉某之
克有立也僕耄矣猶然健於匕簋願徒倚見之

代楊鼇山乃郎定聘書

蓋生有鶴鶴之育四從伯而仲若叔業皆撫有而
室且薦鴈也矣獨季也蒙生攜之宦蹄鞅荏苒無
所規填是用黠黠幾弗辨亥魚生調之曰若三昆
謝百官師功令不能進也思若受它筭奚若季選
不自甘遂屬華稟於傳指幸哉駸駸乎知捫簫而
日矣又何幸也顧先君子之靈得執事爲之翁舅
宸宇渥庇金玉之音不遐異時者穠華載咏肅雝
至止藉此寵也季其庶幾荷折薪乎芳盟既定徵
以蒲壘乃敬述肝膈之願若此

代張中斗復定聘書

日某弗遵規於筵叩執事忘通尊者三乃允而媽
懿之受盟以來祇懷夙夜邇對伐木之座光觀令
季梧梧乎珠廷淵角富八斗高才卽當從三昆後

奮揮日之戈胡云捫籥遠哉肅雖大訓端願奉初
然而未敢奏及之也則請諫隸梁山之章以慶韓
樂洽燕譽焉懸幣孔有足可導引兆祥敬謁祝宗
嗽告于先廟且復家太慈而哀拜藉之以志不諼
代楊仰恂復蔡沙塘定聘書

某某能典謁時則我先大夫幸託尊親翁莫逆權
某周旋大訓奉以弗墜既而君家玉樹聯蟬益焜
耀鄉國之望願爲令郎諧僂偶顧不鄙夷菅蒯議
博全集 婚書 卷之四 三十五

及弱女而董振擇焉以備內主如天之福匪先大
夫彝簋實式靈之宜不及是邇者令郎賓昨某屈
致之東廂奮衣高座亶爲敝宇延明矣乃執事猶
謂岐嶷少拙羈策不閑而以師保教誨委命某敢
不掃然左避哉文定之祥門楣有爛敬什襲珍藏
以微寵嘉且百頓首而歌苗黍焉

代張冲斗復婚書

冬仲之月律呂黃鐘音羽而數六迨斯吉也有鴈

鳴止離其聲矣有車麟止燦其盈矣有婿寧止琇
且瑩矣內外賓正酬酢以度某乃盥啓鳳絨而誦
之曰伯昆伯姊宜室宜家足振鬱之慶也敢不拜
揚曰翱翔星爛惕竦蠅聲是在御之警也敢不拜
承曰問營菟裘據梧自老是眉壽之介也敢不拜
祝物備矣蔑有加矣敬歌采蘋以答賦而當百兩
之御焉

代楊紹欽定聘書

博全集 婚書 卷之四 三十六

先是某以家大慈令爲長頑某圖納不腆之幣于
尊宇下則撻英淑祥得坤之泰其繇曰天地忻悅
草木輒茁妹歸以祉黃裳元吉夫坤者坤也陰將
受陽土之申也故令以十月律中應鐘音羽而數
六矧乾交之而泰道成和之至也祥之極也今吾
二氏者從草從木則固臭味也時維十月之交則
坤稊政而泰乃來也迺吉襲祉於是乎在繇其徵
也夫遂以是日尋駢旄之盟奉蒲石而布之繼且

以梅標請需後命焉

代李芳西爲姪啓馨推迎書

生念家食時以舍姪馨托婚宇下蓋欣欣乎有黍苗膏雨之感焉乃庚十年所而人事多變矣然將茶拮据少者以長机者以寧所天猶有恃也庸詎知家之不造舍姪馨又陟屺而瞻望弗及乎樊輿隻立內稔靡託則權而強委禽者非敢嘉禮而草莽也情之荒也勢之棘也所以康我弟若婦於九楊全集 雜著 卷之四 三十七

京也

代楊肖陽復陳壻親迎書

某賴家伯兄緒訓顙顙然佩禮教廉朴盤辟弗違卽兒息婚媾奉此爲標不敢介以求厚乃執事也亦鄙夷繁艷采及封非譬之草木吾臭味矣赤繩夕繫泰候方嘉敬承涓迎光觀不顯遂肅季女摯榛脩以待牖下家室其宜和樂且衍吾爲父母之心喜而後可知也第愧締結不實實僅則拳拳婦

順辟呼詔之以當百兩

代友人復親迎書

春日遲遲有責其華鳴鴈在庭乘龍之車登堂拜奠熠燿陣書屏執事之命不鄙仲女爲若而人將授御輪于今茲僕不腆乏九十之儀深惟迨吉敢不共命思是結駟辟呼詔之曰自今日旣歸之後式而婦順修而內職兼翼夫子而加之以共儻以憲大夫之靈執事之福益斯麟趾夫亦萬有幾乎楊全集 雜著 卷之四 三十八

僕不能爲佞也敢布腹心

代楊麓山乃子娶婦書

先君子有不腆之筮簠鼎爲季孺子某奉內宇下且以標梅請執事禽之玉音僕喜不自理私季孺子於庭曰乃公冉冉龍鍾惟是斯夕畢祇饋之願爲慰幸而諸伯昆姊若而人皆宜室宜家矣季生也晚今亦儼然升厲往迎佳迷翔翔星爛惕竦蠅聲於是乎焉賴而以圖大致遠不亦臧乎爲我問

荒裘之營將據梧而老焉遂賦棠棣末章而遣之
執事大有造於吾季也則更寵以高規令出入三
觀

代楊仲恂乃子娶婦書

從昔以駢旄曳釣絲之約孺子某名在執事匪一
晨夕茲幸能典謁儼然弁屬嘉禮之成在今日矣
無所以文之也則起而祝曰惠我百福大夫之穀
既而諦曰若之何其寧承乎惟是執事鄉國著龜
縉全集 婚書 卷之四 三十九

薦紳型楷矧也對攬期邇師保如臨孺子某敬常
弦韋明訓髦髦虔虔而思毋忒而度毋隳而
德奮繼攀乎鴻闢根生託於桑末有不遠且茂哉
遂褒拜而穎之令孺子某飭管遵脩禽摯奉而布
于下執事以受穠華

代張允選娶婦書

自仲孺子某得隄釣絲之約吾二人者綢繆款洽
無第神髓層通則踏齊荆郊對傾素悃因竊請曰

不佞龍鍾景仄拳拳詆債之私克畢婚媾於以近
美受釐不亦快乎執事不滯金玉之音驩然俞之
遂諏迪吉遣仲孺子某脂車轄飭管燧往迎懿相
執事念其匪燕遊一朝也勉勉惠訓俾喪我家督
用無墜我高祖靈命

代黃碧山復娶婦書

聞之閭夫人曰鄉居持質市居任華其賡酬輒不
相表裏如黜與丹所漸靡然也乃翁都殷贍之區
縉全集 婚書 卷之四 四十

而茂情橫性葢脆脆焉僕是以敢忘顛固使女子
備令長郎盤匝之御嘉禮結成在今日矣綢繆款
洽敬帥厥初微福尊神之靈無墜明命僕藉枚庇
寧有量哉惟是締結不實筓筐則願無以鄉人嘖
我

代李芳西命姪親迎書

不敏初補仕時小姪某猶藐然孤也裝秋肯不敏
官署則儼然弁屬能典謁矣見郎大喜因挾以歸

家大慈命之曰盍使往受室乎乃諏日以干莖得嘉繇以請既有俞音速期則布席治饗呼小姪而前曰欽哉茲迎而婦夫婦輔也諭板以輪濟濡以楫夫非輔之力也維自今無怙心無僣德藍縷之箴願子無日忘之而爛爛翔翔亦冀而婦之朝夕修也則豈惟億綏若考抑不敏實食其餘於是小姪某起再拜曰伯父有衷言敢不夙夜請書以道行且求益於我外堂之父兄也不敏曰諾敢敬布

博全集

婦書 卷之四

四十一

代李芳西復陳壻親迎書

僕不敏繫博士籍于畿輔地遠不可自致卽有家戀不敢賴寵以濡已私用是馳一介行李歸白我家慈曰日長孫女氏微福陳氏之祧備擇櫛總茲其吉且迫矣有請勿以簪辭敬遣之往夫是女子子也將奉棗脩從夫子供所後事所可懸置之耳者辟咎詔之倘異日也能纂脩淑嫺而關雎麟趾

此萬之一也我其有厚幸乎是惟小子初以家慈命陳筵于寢然後寧承九十之儀無以復也遂布腹心且規爲瑣曰願令賢郎成遠志以耀飛闕下僕將羣北方譽髦士尚而友之不敏適承師之爲進士大用也敢不左辟敢不左辟

復洪壻親迎書

某自締盟姻于尊宇下竊沾沾然喜私語舍中婦曰予得佳壻俊類殊常卽少小能辭章旣乃惓惓

博全集

婦書 卷之四

四十二

然懼私語舍中婦曰壻賢且才而女德不副將何以稱淑媛而諧大宗伉儷也無何相與證經于函丈之內有叩發輒泉涌杼答洞窺古祕而某也溺朽磨鈍竟不能進咫脩則又喜與懼集語舍中婦曰壻明學過我羽翮大具指日扶搖矣顧予舊索蕭蕭結褵伊邇無以爲御可奈何至于今奉翁溫誨以爲年相若居相近肝膈相披某懼始稍解益喜不自勝語舍中婦曰窈人子藉同心之雅覆露

如天庶謹侍盤厄任其無咎伏惟翁念某喜懼之心敦式穀之訓脫蹤文俗奮於遠大母厘厘呼舅而對以甥呼師而對以弟存耳目之儼羊也某實不勝厚願

代門弟林宸燧親迎書

某也謏幸式靈於我先大夫以仲息燧徵福尊祧徵蒲石焉茲已進勺舞而大夏矣伯兄豐瀛君曰夫不可使諧厥伉儷乎是用揆吉以請承寧玉音

博全集

婚書

卷之四

四十三

適令郎岐翁奉璽書肅憲于淮過里門省覲開有盛期喜可知也乃以在角之日奉南呂脩贊帛布筵於廟使仲息燧見伯甫甫曰夫婚重矣敬慎重正以合體同親子將於子乎觀禮焉爲之歌抑見季甫甫曰夫婚之言熏也熏故能順順則內和和故大爲之歌韓奕見外賓長長曰從伯甫禮不謏矣從季甫燕譽洽矣子且執手鴈于蕭太公之庭又將寵以周行而大爲吾子宸宇也爲之歌黍苗

三歌備矣遂書之以導御輪伏惟台照不宣

復陳志瑕親翁納幣書

陳朱姬美聯世締之姻盟王謝垂芳襲風流之雅韻私慰非偶幸託善因恭惟尊親翁門下文揆七製學鈞二酉珠璣璀璨鸞座侈其雄談矣奧閎淵懸榻延乎來秀既吹笙以歌鹿榮奪錦標矜楊髯而誇鯨臚傳鼎甲乃采葑菲下體不棄潢汗小流間其姓氏芳鄰祇在比鄰將以幣帛佳期未泮凝

博全集

婚書

卷之四

四十四

復陳志瑕親翁令長郎親迎書

奕奕太正家風景德星之聚離離蹶父里欣聞鳴鴈之音芳約可尋孔嘉稱慶恭惟尊親翁門下道融元律詞揆天葩繹闡春秋默會麟經三傳之秘縱橫禮樂久叶雲物五色之占作於前者既勤苗畬續於後者自肯丹牋天作之合筮洽渭兆在鄰壻文定厥祥采芣采芣諸左右今已迫吉梅實堅

以傾筐敢云好。迷桃華灼其宜。室與歌燕譽。睹六轡之如琴。載賦螽斯。偕百年而舉崇。

啓

與各道年啓

序端王月。陽已回于斗。轉祥耀卿雲。煖更借於律。吹鄰近耿光。庇依宸宇。恭惟巍標太乙。高躋巨靈。霜臺肅法。鏡衆流而滙澄清。露冕敷膏。霽四時而先和藹。歲逢序首。人代天工。府曰好生。盡收春意。

博全集

啓

卷之四

四十五

於肺腑。木爲盛德。畢達萌榮。以昭蘇。惟其元化。氤氲屬鉅公之調變。是以農祥豐美。合庶隸而謳歌。某紛綸粟芻。倚傍珠玉。聲聞爆竹。知寒臘之將銷。香度梅花。喜春光之已到。鸚鳴泉響。活潑潑莫非化機。草色苔痕。嫩霏霏都是生趣。請發獸樽而斟九醞。椒獻芹芽以佐五辛。願日月之光華。旦今復旦。頌德業之久大。新而又新。

與廉憲李翼軒

恭惟胸羅象緯。體具河山。生本長庚。業已沈潛。秘圖奇。揆小西。卽看頡頏詞壇。金雉千篇。價重都城。幾紙貴。銅符一握。澤淵區。寓成霖。流并冀。鴈門。弼教人人。絃誦汾河。象谷。祥刑處處。無冤。十事陳忠。自是公家故事。三公論道。重聽虞陸。賡歌山之西。芬名鵲起。朝而上大拜。麻宣某卽事宣。驅素蒙台盼。片言鑠版。恍若道德五千一麾。濫竿叩別陽關。百二思。御李之在望。有懷渴飢。跂登龍而欲趨。無

博全集

啓

卷之四

四十六

與松江楊別駕

仙軼翔雲。閒鹽官司馬。古監郡芳標。映日下士元。展驥佇騰驤。三吳影。纓一人得與。恭惟台丈聲名如斗。丰韻欲僊。氣介玉壺。人稱關西夫子。筆灑金。雄世傳聞上太元。捧龍命以遙臨。光騰五馬。登別乘而出牧。載重六轡。大夫曰賢。行奏績於治中之

任。天子有詔擢熊軾于侯伯之班。某也披雲久矣。瞻斗挹青龍于上游。文治陪古檜之菁蔥。望鳳凰于機山。嶽猷昭白苧之瑩。吳宮露溼桂馥越境分香。名府風清。芹熟趨堦陳寶。荒筭摠惻筦納慰心。

與松江府張郡伯

彩鳳擁朱幡。霄表秋香薰八柱。金魚暉紫綬。雲間星軺領諸侯。仕爲吳越比肩。望向河山拜手。恭惟

楊全集 卷之四

四七

品超儒綬。氏應文昌。手筆大燕公。綜遺書之三篋。腹笥跨壯武。羨穀城之一經。西越望若泰山。飛作三吳六苞。薦後學宗如北斗。遠邁四明五總龜。活千人者。封仁風敷由賈府。從萬石以起。陽春播自專城。雲護御屏之書。日曜鹿車之彩。某也。榜庸廁在蘭臭。分曹畫省。向來希冀情戀。錯壤仕邦。當日登龍終歎。謬意聲同。則應何須編帶之盟。縱謂人各一方。豈隔江河之澗。是用手勦。聊抒心期。揣尺

素以告虔。慶傳鴻漸。俯寸絲而贊喜。禱冀龍頒。

與同里郭道長

柏府升華。瞻容宿望。簪白筆蘭臺。執憲妙簡。謙臣對朱衣堂廟。益尊冠紳咸式。恭惟清時偉器。開世奇英。毓治三靈。文春精而盪緝。調劑二氣。手擘嶽以經河。精忠茂結主知。蚤繫思于禁中。頗牧正直。久乎人望。盡落膽於杜後。思文一片。川衷扶乾坤。于不朽。數行諫草。揭日月於重光。下焉繩糾官邪。

楊全集 卷之四

四十八

上以持衡。國是千班雷動。四海霜清。豈惟望重。鑒肝行見榮登金耳。不慧某守藩無狀。綆短實難。汲深。幸國有賢。鞭長或念。駕蹇臺烏入夢。千里雖阻。於避驪素鯉。可將九苞欲振于鳴鳳。用陳采藻。微鑒傾葵。

與王總戎

恭惟英姿夙異。豪氣橫生。投筆揚勳。雅具虎頭骨。相。彎弧洞札。真稱。後。曾。將軍。揮戈而鵠采。同。輪。伏。

劍而龍光入斗。長風鼓浪。鯨鯢弭尾。宵潛未雨。支巢狐兔。驚心。晝伏。藉甚千城之譽。用專邊帥之權。遠軼召方。近騁頗牧。不佞識荆意。愜分袂緣慳。媿我一麾。孔道當八面之鋒鏑。望公列戟。刁斗壯九塞之韜鈴。緩帶從容。何日再期杜預。蕪陵修候。不文殊媿陳琳。一望媚媚。九關耿耿。

與任 兵道

恭惟八斗才華。三辰景位。風裁吐發。巖中散紅玉。輝全集 卷之四 四九

之輝。符采陸離。匣裏射青萍之色。碩德經文而緯武。洪猷幹乾而維坤。虎視鷹揚。煌煌環宿。推剛直。枉謬。謬清風。銅鉞駐黃華。千里嵐氛若掃。法星臨紫塞。一道憲紀維新。邊款塵消。不須坐嘯於風苑。家絃戶誦。奚啻裁詩之月樓。蓋節鉞之古侯司而登壇之眞宰相者也。某濫膺仕路。托識邊疆。望靈節之遙輝。彷彿燕雲縹緲。媿守府之下乘。自惟水國沉跼。闊別時稠。情腴源。臨岐處向。遙搖旌。武林

郡中。覓征鴻以抒懷。懷來司莢。翮尺繭而披丹。叩祝盼。曷既忤躍。

與張涵同

恭惟學綜遺篋。氏應文昌。神識天開。張留侯之素。橋振響。丰標嶽屹。趙邯鄲之福地。獨鍾。譽既播。夫雷轟。仕方司乎斗杓。乃帝念上谷。謂地屬重邊。百二河山。苟鎮鎗。非公不可。綢繆。牖戶。惟老成風望。爲宜。特畀黃鉞之司。用重紫塞之鎮。提衡虎旅。譚標全集 卷之四 五十

笑消日逐之氛。拂劍龍泉。指麾靖風漠之壘。聲名裴宣慰。翹翹劔履上階。地步韓平章。亭亭節鉞開。府人瞻北斗。國倚長城。某卽事邊疆。業蒙雅盼。身非內史。幸元使君當路。以下交。才不長孺。忽汲淮陽守郡之召。及南轅北轍。跡遂隔于湖山。左弭右轡。心相期於霄漢。輪囷欲謝。枯榮是慚。將我寅私。斬公丙在。

與秦湛若

恭惟豸府文星。虎帳卿月。遇盤根以別器。日解全
平。乘大輅而鳴鑾。勢雄萬馬。揚綱肅紀。恍乎持柏
府丰裁。剔蠹振凋。悠然舒。楓宸軫念。千旌所至。
星福攸昭。地以陽和。名。快仁風散作陽和。萬里時
丁肆夏日。喜循政績當肆夏。升歌。動地灘波。夜靜
魚龍之窟。摩天微嶺。晝消烽火之烟。管錫從天。鼎
鉉有日。某封疆俗吏。聞海豎儒。頃歲憑依。頗合芝
蘭之臭。茲辰朕闕。曷遂蘿柏之扳。托跡武林。回首
樛全集 啓 卷之四 五十一

卿雲若睹。馳情闕府。拊心意。馬欲飛。肅楮爲恭。崇
炤是禱。

與楊致吾

恭惟七閩閒氣。八表閒人。筆海澄波。煥腹笥之星
斗。學山聳秀。峙紳笏之華嵩。豪氣映金洋。人稱關
西夫子。宦譽輝玉笋。衆羨道南相公。乃試盤錯。以
呈才。爰司憲臬于重鎮。北門鎖鑰。鴈關燕朔。誇長
城當道福星。白石黃河。垂天墜車。書萬國喜此日。

真稱大同。節鉞一方。際明時。屹後顯。陽。某猥同小
章。誼托維桑。督賦行邊。幸蒞葭之玉倚。專城回轍。
槐筐篚之瓊施。翹首轅門。膺襟傾感。敝麾下。乘桴
慘刊。酬伏。斬丙在。曷戢寅私。

與黃節吾年兄

恭惟三輔誕精。太華擢秀。地號金城。千里人惟玉
樹。一枝生來。曲江春。昆明太液濯錦。學紫潼關勝
虎。觀石渠流聲。起草明光。國香含芬芳之舌。運籌
樛全集 啓 卷之四 五十一

會計。民隱軫病家之衷。度支倚爲懸衡。司衡實今
重寄。鮮于仇。孰繼三難之羨。邵康節。見爲殫力之
時。有如我公。實動。帝眷。特簡司夫。宣府。遂事假
以便。宜。上谷郡中人。戴和風。甘雨。邊徼域外。果服
龍圖豹韜。輪輓飛馳。恍惚鄧司徒之漕給。勾支剖
判。直若陳丞相之宰均。宦譽鵠起。自今。峻陟鵷行
伊始。某次第共登黃甲榜。已知遭際險。昕夕同
看紫薇花。猶幸觀型有地。念宣驅之視。乃鹵莽

而移歸。賴有隋珠。光映于前乘。慚無美績。堪藉以告新。藏拙匿瑕。糠粃望鑄於堯舜。揚芬飾醜。黍蹄敢祝夫。簞車。謹備仵而陳忱。祈宵霄之錫炤。

與武林司李孫偃虹

璇魁新錫第。鼇對三千日。未斜。彤府暫分猷。鵬搏九萬風。斯下。趨庭玉汝。述作重光。濟世金吾梓。情既新于得侶。慶實翌夫同官。恭惟銀鏤名家。禹山奇蘊。筆涌洞庭。祖武行軼宋宣公。記作

標全集 啓

卷之四

五十三

岳陽樓。史才不數孫之翰。宜在紫霄碧落之側。乃煩阜蓋綠綬之行。草綠鸚洲。借作兩高春色。雲黃鶴閣。移來三竺仙踪。皋陶仕卽明刑。武林郡中拔。雍子奇少而英邁。大李徑下無蹊。車未駕而名已斜飛。旂欲動而聲先直指。驪迎旁午。喜賦同寅。某也技乏烹鮮。學慚製錦。育子索劇路。方問道于佳逢。飛蠅歷名都。且附尾於逸。何幸越仕。得借楚林。金菊流葩。逐秋香而獻彩。征鴻漸羽。走夏日而

惟車。地步韓平。章河右兒童引領。風流蘇學士。湖西景物待舒。常望氣于關頭。玉聽鈴於江面。戎役輪。慙。慰。翹。盼。

與潘吏部代

恭惟學傳家。銓行壯國。積。窮。察。通。五。經。之。源。豈。數。二。酉。俛。仰。交。百。代。之。傳。何。論。一。鄉。道。既。冠。乎。閭。中。聲。遂。籍。于。天。下。躊。躇。慨。竅。姑。且。善。刀。而。藏。鼓。鐸。矜。祿。試。爲。鳴。鐸。而。振。士。也。人。可。新。穎。帝。日。爾。作。工

標全集 啓

卷之四

五十四

虞握槩。檢村採其華。尤採其實。堯開樵稅。利在民。亦利在官。報命有虔。銓衡攸寄。佐登明選。公之典。宅揚清激濁之思。蓋三錫榮綸。人皆誇其儀鳳。而一味澹樸。已獨若以守雌。某叨竊胥屬。惶恐漸干。策之清時。乃九九何技。質之閒室。惟一勿欺。敢告里閭之私。希垂盼昧之重。馬骨未朽。期努力于鹽車。壁翼有餘。容借光于末燭。

冬至與湖東道沈

道扶三統。福斂九疇。朋來方亨。作寅恭之冠冕。彙
征肇祉。慶引萃之茹茅。冬日負暄。知可愛者趙孟。
元酒味淡。請更問于包犧。某稗穉賤。臣樗櫟無用。
柞灰閒撥。擢爐起游于之悲。梅影斜移。推窗疑故
人之至。忽遠投以瓊玖。敢忘報夫李桃。敬托歸鴻。
用伸餽鯉。仰祈慈霽。俯鑒微悰。

與福建撫臺黃

玉帳宏開。暢雄風於海鎮。油幢高映。景華蓋于天
榜全集 啓 卷之四 五十五

樞聲實所加。華夷咸聳。矧屬萌蘖。寧不皈依。恭惟
秀州發祥。鍾五百年清淑之正氣。長水毓粹。占第
一等卓犖之名流。道允荷乎主知。恩益隆於帝
眷。謂中外之數歷已久。信上下之倚毗殊殷。居勞
以謙。雖藩臬遞遷。曰予奔走。曰予禦侮。直自抒其
赤衷。懋功必賞。卽京卿特簡。作朕耳目。作朕股肱。
尚乃來其朱紱。益腹松入夢。瑞將應以變調。三台
而面柏敷榮。兆先行夫總持六察。擎天柱而建旌。

快睹河清海晏。泄原豐以擁節。坐令文恬武熙。紆
宵旰於指顧之中。弭烽氛于笑談之頃。固知勳崇
彝鼎。絲綸佇拜。楓宸從此業震寰區。哀黼造躋
槐蔭。子民某依輝德里。竊祿菲邦。爰崇龍門。幸快
心於李御。棲遲蛙井。徒翹首于巖瞻。燕賀未伸。慕
傾茶切。微忱可達。美虞遠渚之沉浮。非儀用將。更
禱上台之酒醑。

與鄒南泉

榜全集 啓 卷之四 五十六

在治若鳳。頌難啗之可儀。應世猶龍。信潛躍之尤
咎。運無往而不復。時將泰則必亨。恭惟品與伊呂
爲伍。學契姚姒之精。正色立朝。端荷利社稷。會何
羨夫髮膚。真誠答主眷。自盟臚肝。卽冥孚于神鬼。
牽裾危論。重扶倫常之綱。對仗彈章。直褫奸諛之
魄。雖萋菲成錦。青蠅之止棘可憎。然遇雨脫狐。白
璧之靡瑕如故。身退而望彌重。道大而譽益尊。已
知夢卜人情。豫占鹽梅。帝眷某膠鬲無用。間汾

不聽守郡無功祇閉閣而思過衡文寡識徒握槩以懷慙承乏今官益非其據改治人而治粟將欲使陶鑄枇杷推持管於持籌聊且學料量區釜慨自揆催科獨拙且未能寵辱不驚久願慕於識荆敬薄脩于采藻

與姚江江

恭惟生鍾嶽靈出叶圖祕器妙潤玉動節見春陽之溫才恢發礪解理中桑林之舞占仁祥於三異

博全集

啓

卷之四

至七

勵獨操於四知撫字心勞寧恤客貌之瘦爬搔政肅不容狐鼠之奸信召杜再見於今而龔黃可方于古者也某蓬窗小品閩海迂生量已入官敢曰眾人之母抗顏說易僭稱一字之師忝分試於一經既知負乘挹下風于百里深媿代庖咫尺檐帷未及趨覲鄭重惠貺顧辱先加敬銘厚德以藏心願示周行而好我

與宗國博

恭惟鳳麟呈瑞斗嶽授精賦奏明光搏薊霄而直上文壓大歷障狂河而東之花縣鳴琴允矣眾人之母芹宮振鐸卓乎八越之師既已教成于鄉士也人可薪樵遂用道尊於國帝曰爾秉鈞陶從此濟濟漸鴻盡是森森化李某稟姿散樛困學面牆扣缶嗽聲難和郢中之曲破犁狂憤敢參冀北之羣角穴尋風儼臯比於未徹程門留雪景霽宇之猶存大啓後人實資先覺願賜周行之示式指

博全集

啓

卷之四

至八

與陳鄉宦

恭惟二儀鼎應九有幪包入而事人主以道踵武夔龍出而殿天子之邦堯芳叔虎信人倫之冠冕而當代之羽儀也愧如某者市焉作隱仕也易農道未嘗尊徒于便腹欲眠之笑教益知困自優倚席不講之羞繼晷燒膏兀兀何爲無車彈欽

歸歸誰聽幸以小草托於維桑憶星聚于長安未

飫御李。跋日麗乎東海。祇切傾葵。敬綠順翼之鴻。
毛敢附披腹之鯉。素仰祈崇盛。俯慰下悰。

與楊總戎

雲開玉帳。團花耀鯨浪之威。日麗牙旌。綬帶靜狼。
烟之警。望崇閭外。寵重師中。恭惟豹畧深沉。鴻猷。
彪炳。戎服萬里。鐵衣迴照于寒光。烽火九原。金析。
遙傳乎朔氣。障天驕于塞北。勳提麟圖。起春色於。
江南。波恬蛟穴。瓊飛羽箭。魚鱗看陣勢之分。旌動。

柳全集 啓

卷之四

五九

火雲虎翼展戎行之列。允矣鷹揚。表東海萬邦以。
靈。卓哉騁騎。勒燕然四夷夾附。某自慚窺管。晉綰。
文衡。忽辱貺臨。捧瑤絨之鄭重。猥叨榮施。懼涼德。
之奚勝。醉我以瑤華。恭先未幣。獎人以肝膽。報莫。
爲瓊。敬布謝私。伏靳鑒納。

與撫按兩院稟啓

南湖之役。仰藉台臺德威。以豪強之侵賊。復坡塘。
之舊界。公不費乎官帑。私不派乎民槁。春插雲興。

令每申於勿亟。嗚呼風唱。功遂成於不日。六橋綿。
關。恍若修虹之橫。偃四堤繞障。矯矣游龍之盤。凝。
信三郡所永賴。而百世之深澤也。司空因而奏績。
聖主沛以賚恩。在台臺望重。功高。宜疊膺乎懋賞。
乃郡吏附驥。攀鴻亦濫叨夫異數。敢不酌泉知本。
摩頂戴天。柰科場期迫。試事羈縻。謹願官百叩。望。
閣致賀。仍伸謝悃。

與林平華

柳全集 啓

卷之四

六十

用世作珪璋。潤色備明時之制。育才資衡鑒。論思。
列常伯之班。請載吾黨之斐然。來事家邦之賢者。
恭惟清源開氣。碧落仙班。列戟門高。華閤歸乎林。
浦。趨庭澤想。家學振于眉山。錫邑錢流。笑指星沙。
瀾。現容臺席累。快瞻春署鴻儀。曲禮三千。播春誦。
夏絃之績。儀官六十。奠國邱方。嶽之祥。裁七制而。
餘藁爲空。司五常而玉帛庚煥。一夔繼美。兩生知。
興。蓋禮樂之對丹墀。夙著龍頭之望。而開闢之開。

黃道。佇趨豹尾之聯。某猥以小草。托在維糸。司牧而負專城。校士乃慚全越。敬敷五教。道在以人治。人謹凜三無。敢云知我罪我。以面牆而測管。度管豈河漢之星。未半豹而掄駟。驚乘寧駟駟之駿。茲當解卷而受考。祇自開筆而抱就。不用則爲堅。抱恍惚醜形。臨月鏡。因材母以下體。庶幾狄李被雲。裁薄米魯泮之芹。聊將梓里之臆。曷麗瞻注。遙祝鑒存。

楊全集 啓

卷之四

六十一

與儀郎解方壺

秩宗三禮。寅清資元老之謨。明堂九筵。碩彥擁文昌之座。千里取裁於銜轡。二天幸藉乎扶搖。恭惟文穿月勝。名埒斗魁。穆如清風。議論爲四方而立。的炳然白日。氣節回眾派而獨航。登譽儒宗。超粉署祠曹之貴。蜚聲人望。並玉堂銀燦之榮。禮樂續虞風。教申胄子。威儀還漢室。制陋叔孫。薇開清華。變理和九天之露。容臺祕重。黼黻藻五色之雲。師

有作而望隆。文在茲而將振。如某者負乘司牧。謬玷士衡。不範不模。徒爾聞所聞而見所見。罔知罔父安使步亦步而趨亦趨。況受命在昔中冬。而奔役僅迫半載。加以兩越重地。而兼多士思皇入市。五都青白眼張而常。題文萬徑。朱墨穎禿而不靈。茲當解卷之期。實滋循牆之懼。有意還雅。範我馳驅。無力迴波。慚彼匠石。惟忠告之以藥其失。而提撕之以玉于成。敬薰心香。仰冀鑒灼。

楊全集 啓

卷之四

六十二

中秋與馬制臺啓

國有大事。寄在鎖鑰之樞。武貴善經。式于樽俎之豫。休哉疆場不聳。洵矣社稷得人。恭惟性懋忠貞。才該文武。生應名世。孕川嶽吞吐之奇。道程先民。輶天地冲和之粹。既踐更於藩臬。疊奏膚功。旋秉界乎節旄。宏恢遠畧。以衷正御史。以整暇治戎。以真常律乃有民。以大智行所無事。謀周系土。措邊垣於衽席之安。備戒衣衾。制屠耆于股掌之馭。九

塞威傳風。承四夷盡。威。茲者王。草飛。金。動。青鳥。明。珠。炯。炯。自。如。擁。寶。鑑。開。清。朗。長。空。何。須。燈。燭。笑。詠。氣。盈。新。試。悲。絃。管。吹。開。某。等。風。沐。耿。光。久。叨。照。臨。共。慚。頑。鈍。敢。彈。指。於。藥。錦。相。約。慙。慙。舉。凝。眸。于。金。蘇。私。對。嬋。娟。而。鼓。瑟。載。賦。菲。葭。遙。望。榮。戟。以。獻。慙。用。傾。葵。藿。

上趙司徒

某稚齡落魄。長始知學。內無父兄之訓。外乏朋友。

柯全集 啓

卷之四

六三

之規。聞見寡陋。借書市肆。求少發其朦朧。敢妄希乎咫尺。不意重徵天幸。謬通名籍。試墨已愧災木。餘草盡付焚研。至承寵興。曲垂盼睐。持衡已郡久。受鵬梁之誨。附推浙泉。益懷負乘之羞。蓋台臺愛忘其醜。雖敝帚而享以千金。故下吏實不中聲。即蹇蹙猶辱乎一顧。茲者蒙委文策。令酌去存。非知音之季札。誰辨唐夏。豈識劍之茂先。能別雌雄。聊竭狂瞽。畧評梗槩。

與張主事代

魚在蹄澤。莫識江湖之大。鳥依烟樹。自知造化之春。物類若斯。人心尤甚。欽惟軒江理窟。麻水文宗。萬選青錢。蚤明經以高第。千秋金鑑。既庶草而知名。天下無冤民。京口有延尉之頌。廷中妙稽牘。夏卿得首曹之稱。帝遣虎豹以當關。坐鎮時萬人莫敵。天生鸞鵠以瑞世。促覲處十策並陳。夷虜已在目中。遣式歸而兒。侍從不居省外。行晉位以柯全集 啓

卷之四

六四

嚴嚴惟是萬石君家。江右推人中。龍鳳抑且一襲。命世湖西。頌天上麒麟。卓然一時儒宗。展也三代王佐。是以及門。皆桃李。悉從培植。闕功。即使載道。諸蒲爽。亦荷吹噓。渥澤。如某輩何足稱哉。量乏干波。安能知乎禮本。章慙三諫。奚敢齒乎國光。惟昔當道藝賓。與一經。誤借及乎牆序。今茲遇功名主宰。三誦。又同入乎藥籠。化雨無私。千載總歸功。春色攀雲有地。萬程尚借。異秋風。望紫氣于關門。尚

鯢魚書之遺。覆青雲于京闕。先塵駿惠之敘。藻翰
勤渠。意切平耳。提面命。綈儀珍重。光生於旅舍。寒
慙。感愧輪囷。謝酬葉藉。中函尺牘。易勝垂露懸針。
外獻野芹。不盡四環一寸。仰祈藻鑑。俯賜海涵。休
道玉關百二重。知乘樞之指日。快瞻金闕三千仞。
藉當軸以垂雲。嚮懸寶深。敷宜罔既。

送軍門鄭年啓

龍驤聲節。雲霞霽六合之晴光。鳳簫更時。旌纛萃
標全集 啓 卷之四 六十五

三陽之淑氣。祥璚瑞府。瑞集樞階。恭惟心協泰交。
體承乾健。據丹衷而報國。弛張應四序之和。竭赤
膽以安邊。注措周萬年之策。德布柔風。麗日遲遲。
正映甘棠。仁爐湛露。輕烟隱隱。將舒細柳。祝歲功
成終而復始。知台社敘舊以增新。職等叨役行開。
奉籌宇下。深蒙栽植。若草木之沾榮。厚荷生成。如
蜩蟻之被育。欣際履端。啓運慶逢。鼎座迎禧。猥以
跡羈靡從。躬叩。恪具稟聊。宣頌椒之悃。敬頌官肅。

獻飲柏之忱。伏願茂衍箕疇。綿鶴算八千之景福。
永扶堯祚。耀麟圖億萬之長春。

復淮府年啓

恭惟賢王。世儲殿下。神毓巨靈。精標太乙。瓊奇鴻
寶。幹大造以生心。仁厚麟儀。涵始和而布象。祥雲
輝煌於左个。首麗銀潢。淑氣歲蕤于孟陬。先環紫
府。當茲送寒迎煖之候。適協除舊更新之符。河嶽
並榮。盤石之宗。彌固。地天交泰。闕陵之祉益增。某
標全集 啓 卷之四 六十六
撲邀小儒。批糠賤吏。爆竹傳喧。威屢催于客臘。梅
開芳馥。羨新占夫王春。甫託江鴻。遠勤驛騎。投桃
報玖。敬篆明德以藏心。束帶纓冠。謹謝嘉賜而拜
手。

中秋復益世府

恭惟賢世子殿下。玄機通暢。美韻高超。千頃洋洋。
清之而不可濁。一腔炯炯。炙之而有餘輝。屬值青
霄欣逢令節。晴空不夜。宛然在瓊樓玉宇之宮。銀

漢無聲恍乎遊蓬島瀛洲之境慢亭安開天上樂
與人同覓寰曲異。寰開聲傳僊。諸某末陪撤燭。遙
想弄珠披襟。納雄風宋玉之悲。盡洗舉杯邀明月
相如之渴。頓消夢。步蘭臺。酬九歌於白帝。分來藥
杵。索一笑于素娥。感荷孤懷。勒占難聲。

冬至復南贛陳參府

五雲獻彩。飛灰叶于初陽。萬象含生。弱綠添平短
晷。柳營垂庇。梅苑舒芬。祭征虜之奉公。投壺歌雅
樛全集 啓 卷之四 六十七

傳修期之策馬。草檄能文。振精神於五兵。雄肝膽
于一劍。某猥以膏肓。次屬封疆。光分照鄰。玉律方
吹寒谷。神馳緩帶。瑤華忽逮陳人。有懷明德。徒結
素心。慚瓜報之三章。賦唐嗣於兩地。

復南城縣杜門人年序

鳳歷紀春。龍精戒旦。快觀豈弟君子。敬頌嘉樂宜
民。恭惟時敘。箕嘒五福。禎應泰階。六符恩從祥風
翔騰。騰繞匝三千甲。德隨淑氣普。藹藹薰洽百萬。

雪霽亭臺政好。舉觴傾竹葉。春來庭院。須應呼
筆咏。梅花不佞。集連泰亨。時慶離社。慈雲度南浦。
豫占赤躡傳宣。膏雨潤西江。忽奉素書。龍錫不敢
固卻。式受庶幾。言謝詹詹。心銘耿耿。

中秋復焦總戎

時在八月。節屆中秋。香風動桂林。廓紫氛于萬里。
爽氣澄蘭渚。肅白輝於中天。清光徹遐邇。以攸同。
雄畧耀華夷。而獨威。玉鏡懸而樂長夜。千家砧杵
樛全集 啓 卷之四 六十八

維邊聲銀橋度。而舞霓裳。三鎮雲霞連朔。漢會觀
攘脩殊績。欣逢平治休徵。某忝叨筦鑰。幸廁樓垣。
未展獻糕之儀。先辱投瓊之賜。敬藉蘭璧。用肅殷
函。伏冀淵茹。曷勝翬戴。

復施四明年啓 家君

歲功閱成。潛伏鱗鯉。亦奮動春暉。迫到氣含芽甲。
也昭蘇。矧乃杲日麗熊幡。煦萬生於熙煥。德星耀
閩海。修兆庶之醇和。固宜巷陌路歌。合黃白以連。

袂堂皇受祉。擁袞黼而長春者也。某飄飄鶴髮。適垂兩肩。登塵塵譚弗驚四座。久叨宸花。幸杖履之小康。每勤臺官。將庖廩以庠。續門生卿相。青藍之榮足誇。野老軒簾。盃罍之物恆滿。拜嘉燕喜。敬謝鴻慈。笑簡殘臘。光華握椒盤。而斟富水。試問王正消息。慶梅鼎之調。大羹國器。鄙私容。霽吉。撰。

復各司道

蓋聞挾山扛鼎。必大力負之。而趨橫海操舟。非長年曷勝其任。況乃浙藩劇地。岳伯重肩。猥以屏庸。謬司計賦。值時勢之艱棘。勤風夜以枝梧。在民則

穆全集

啓

卷之四

六十九

杼軸其空。一綫之遺何有。在官則帑藏若掃。三征之急並馳。肉忍痛以醫。瘡魚盡爛于竭澤。備嘗茹荼之苦。更抱采薪之憂。遂爾投簪。於焉息駕。污萊數畝。率兒孫而耕鋤。梵僧幾篇。證僻提以咏。咄去國之魂。漸遠懷人之淚。空垂過好。瞻存俯賜。勞問幽居寂寞。遠荷駢蕃之寵。華宮輝煌。忽駭童叟之

觀未敢拜嘉。度附還謝。高青苑華。歷贈難宣。

復戶部張鍾山

鳳閣分輝。日麗灝精。來玉節。隼旗布瑞。地重輪賦。錫麟符。舊識騰。惟新。械渥寵。恭惟維揚士風。江左人龍。生來姓應文昌。三篋才高。張丞相學成名。書絳節。萬戶封侯。漢回侯。通籍卽列地官。紆籌已擅民部。二十四橋。明月收入肺腑。之春。百千萬姓。育脂行數。指掌之地。矧今時事。尤切大農。憂國奉公。

穆全集

啓

卷之四

七十

既人冷夢。卜負輪飛。曉遂事假便宜。布兌澤於無疆。司監課以明允。某閩海跋。龍仕路輟。騎昔承乏于度支。已景回天之力。茲叨轉于守郡。復竊治地之光。貢記未遑。飛緘先辱。何時促膝。兩龍偶令延津。且喜奉函。雙鯉如來。漢水施良。過膳報愧。後期謹藉手以璧謝。擬捐廬而環衛。

復嚴州府承陳年兄

恭惟三山靈胎。七閩瑋器。文園擷秀。蜚英望於南

天筆海澄波。燦清華于北斗。韓雲點綴楚邦。借司理以明刑。虞日逕旬。越庭試諸艱。而作相清風來釣客。熊軾並轡行春。峻績累新都。準旗興詞肆夏。不佞榮分梓里。忭附賢書。別宇彌時。徒切蒹葭之想。同聲自應。何煩綰帶之盟。矧幸同官。叨列附郡。雙鯉俄至。開緘字字雲烟。百朋遙將。啓篋煌煌。拱璧報德。聊還藉手。盛情謹以銘心。

復嶧縣施公

楊全集 啓

卷之四

七十一

梓里萍踪。幸相逢于一地。丹砂桃縣。每懸想乎二天。不佞愧爲南北東西人。偃機何日。猶然秋冬春夏客。下榻待年。晤丰采於曩時。磨新畫于邇邑。風行草上。神運壺中。願相與以有成。期周示而無隱。乃承破格。益感忘咄。署下八行。喜白玉宇。函到雲端。五色驪從錦字。飛來讀有餘榮。毫不敢拜。匆匆附璧以謝。草草寫臆。未將。

復桐廬縣華公

恭惟鄂渚名英。楚甸豪雋。賦成追赤壁。價重南金。朝發跨墨綬。烏青東越。聲施累父。號著神君。草綠鸚洲。借作嚴陵春色。雲黃鶴閣。跨看桐廬冬昇。不佞十載宦樓。一麾出守。才疎而慙。地劇質魯。而望賢。斯胡意鼎儀。自遐晉鋤。施良過。願媿莫敢膺。盛情謹以篆衷。報德聊還藉手。

復莊陽初

楊全集 啓

卷之四

七十二

恭惟溫江才駿。桐郭名駒。書成價重。鷄林何論紙貴。賦奏恩沾。鳳闕式瞻。鳬飛南華。品是仙從。無食烟火人語。東方星爲吏。飄然與造物者遊。發軔芝城。鄱陽湖上。濯錦晉湖。靈不如。篋江裏還珠。平反與歌行。擢指武可。片言以折。洞洗犴棘之冤。活千人者。封自見。駟門之大。不佞前薪五載。劇郡一麾。梓里萍踪。幸葉蘭芬於隔地。荆絲芝宇。擬遂簪盍于會城。尚缺烘堂。敢煩折簡。烟烟雲煙。滿紙煒煌。瑤璧充庭。謹銘肺腑。而篆衷敬完。趙以祝謝。

復衢州府張七澤

恭惟霄表斗星雲。開鸞鶴。詩書繡沒。家人疑黃石。
仙傳。姓氏表文昌。眾羨張仲生。世雕龍之才。本博
靈蛇之舉。自高。漁陽樂麥岐。姑蔑起張堪之詠。膠
東新臥鼓。於越戴公敵之飲。三異負矣。無前一錢
墮乎其後。君弗淮陽之薄。帝垂渤海之加。某稟
生多艱。從宦尤拙。幸叨接郡。均斯孔邇之懷。實賴
先資。靡遂樞承之願。在珠側而形穢。其波及者君
將全集 啓 卷之四 七十三

復顏雲漢

恭惟西江豪傑。北華名英。生本王佐才。四代禮樂
歸孔鑄。爾國有顏子。千頃汪波。遞憲流賦。成價重
南金。纓影符分東越。嘉禾頌溢。正誇九莖迎祥。橋
李丰高。直是千花夾爽。思一己為飢渴。人從禹地
易來。以天下懷樂憂。品追范州躋美。不佞宣接十

載。山守一麾。才肉而慙。地衝抱拙。而望賢。冀曾識
潘花縣。愿慙識荆。已到馴雉庭。絲蕭倚玉。胡意鼎
斯。復爾晉臨。應侯謹以篆表。報德聊還藉手。

慕蓼王先生禱全集卷之五

六世從孫宗敏爾禱

啓

復武林李總戎

武林劇郡。驚駭忝負乘之司。驃騎名家。熊羆來飛。
械之貺。施良過腆。感笑言宜。細柳之望既高。大樹
之風自謫。扶桑弓掛。圖林傲甯。金僕姑倚。天劍藏
壺。歌投弄鐵如意。且悅禮有似祁子。而象賢階類
榜全集 啓 卷之五 一

衛公。片見璽書鳳銜。願期金印。鵲起不佞入境式
名。廬未遑將軍掛客。垂堂拜華翰。乃辱雷使交驩。
煌煌瓊玖爭輝。炳炳雲烟煥爛。川深篆結。自魏整
投。敬附璧以趙歸。謹擬箋而鄭謝。

復劉凌蒼

恭惟金雞辭客。桐郭名英。家種邁三蘇。里名銅鞮。
鉞。鎮祖武誇安。川人號紫蟬。聯遂以閩海第一。
流。借作越邦二十石。熊幡墜重。遙溯蓬島流聲。琴

鶴調高雅與赤城北峻。蒲鞭追君家之故事。選錢

軼山陰之舊聞。步入天台。黃堂風清月皎。名標仙

吏。紫府星映雲昭。同升諸公。咸羨潁川之長者。褒

嘉卓異。其在弘農之歸然。某幸以小草。托在維桑。

承乏武林。深慙蚤負之誚。所逢名傑。得附驥尾之

跡。尚缺依劉。素期御李。乃辱折簡。兼以厚儀。卽對

使以增慚。敢循牆而卻走。原壁仍歸內府。報環總

俟後圖

榜全集 啓 卷之五 二

復嚴州毛公

恭惟西江人鳳。兩浙元龜。滕閣倚天高。胸羅霜戈。
雪戟。洪都拔地。儔。手動星渚月華。巋然二千石重。
臣。允矣五百年名世。仁濡金莖露。七里灘頭萬丈。
芳操。粟玉壺冰。一釣江干千古峻。牧之嘗守古睦。
非其地耶。長孺不薄淮陽。今召君矣。不佞某浮沉
宦海。承乏杭邦。兩地蒹葭。悵伊人之秋水。一函梅
萼。分驛使之春耶。卽對作以增慚。敢循牆而卻走。

復張十所

梓里萍踪。幸相逢於一地。雉堞築如。望實慰乎五。
雲。曾旅候之末中。何謙摛之先。恭惟桐郭名閣。
溫江舉髦。手筆大燕公。綜遺書之三篋。腹笥誇壯。
武。羨穀城之一經。華發天葩。效備已。繩祖武。英。昔。
仕路。初試卽爲大夫。允矣如大行臺。謹然號真刺。
史。朱幡早蓋。侈人生五馬之榮。碧嶂青溪。跨郡城。
百雉之峻。融融歌興。麥瑞。看看。竚式輪迎。弟本乏。
樗全集 卷之五 三

修能謬膺繁寄。希光東壁。故是貧女舊鄰。接羽南。
鴻。渾爲挾天奇藻。與故人飲。望冀州之重來。爲君。
千條。愿箴規之樂告。鼎錫謹以銘鏤。盛儀毋敢拜。
嘉

復秀水縣史省愚

恭惟聲名如斗。氣韻欲仙。顯秀自金壇。千秋壇登。
牛耳。蜚英標玉笋。一代簪紳頭。顧自登龍虎之。
上游。乃遄騁驍驪之倚軌。花長滿縣。領春暉于郁。

李穠桃。琴不下堂。寄孤調于高山流水。嘉禾續最。
看飛天上之鳬。漢璽芝香。已下日邊之鳳。不佞弟。
叨列年譜。益仰風徽。一自守邦。于焉再聚。斗邊劍。
氣千載會合。延津庭際風薰。此日泐沐。桃李對兩。
鴻鵠。驚翰。睨之重來。覓雙鯉魚。魏報章之不。騰。原。
儀謹爾璧謝。高情俯焉篆衷。

復姜翼龍

恭惟礪溪祖武。公輔後身。萬軸擲奇葩。八叉已振。
樗全集 卷之五 四

西昆體。千軍掃彩椽。一戰而飲東湖頭。出賦袖中。
曾借當枋。以收拾豪俊。揀衡棘內。素垂法眼。而接。
網名流。乃譽旣播于電轟。而志遂懸夫雲壑。探會。
稽穴。添一部史記之微深。登蓬萊宮。問九老香山。
之逸趣。駟門輝畫錦。看看某水某邱。鯉庭做槐陰。
桐桐問詩。問禮不佞某判袂數載。出守一麾。前度。
劉郎。應笑桃花之老我。今朝刺史。方慚棠樹之莫。
華。缺焉登堂。胡先折簡。八行鄭重。字字雲烟。百朋。

觀麗的琅玉謹銜情而內錢敬傳儀以謝中

復須日華年兄

恭惟望重姑蘇舉峻於越生來奇氣黃中五組俱
空少負文名白下三江生色鵬程搏漢外甘泉殿
上爭誇第錫卿雲見鳥到人間橋李山前共祝瑞
集采鳳滿堂琴韻來單父之燕風幾樹花飛萬河
陽之春日知最續已微於楓陛擬高名直列夫
御屏年譜增華風猷竹慶弟學慚刻鵠伎乏烹鮮
楊全集 卷之五 五

復陳總戎

恭惟燕領雄姿龍韜偉畧雕弧月滿控弦七札齊
穿綠筆霜飛磨盾千峯盡掃仗劍而龍光入斗揮
戈而鶴影廻輪電戟霜千簡師徒而轉駕鷹揚虎

視揀節鉞以登壇越越號干城晉室應推叔子桓
桓光鑑甲漢家不數驃姚不佞夙慕英風曾聞壯
節衛將軍之長掛未刪班行陳使君之久懸有懷
下榻忽訝劉公一紙何殊楚水雙魚雅意綢繆豐
儀繼絕倥偬股函不肅敬奉趙壁從容

復天台縣謝年兄

恭惟七閩影纓三山攸錦謝家寶樹烏衣挺蘭蕙
之香鄴架牙籤彩筆耀珠玉之帖靈地之舉既博
楊全集 卷之五 六

翔鸞之棘簪樓步入天台赤縣風清月皎名標仙
更碧府李郁桃芳澤溯蓬島以流馨業與赤城而
比峻烹鮮既格製錦行成草長訟庭虛笑指花開
眠一鶴梧高封閣近佇看目下趣雙鳬不佞拙矣
抱林冒焉守府賢書芽拔星聚動太史之占名邑
難施雲波來故人之貺開緘而琅玕滿紙啓篋而
球璧充庭有銘在厝敢拜稽手敬爾勒謝未既

復壽昌縣王公

恭惟豫章玉樹。彭蠡錦淵。賢主得臣。曾作王褒之
頌。京兆有尹。舊傳君家之詞。明月一簾。午夜聞岩
尚喚鶴。清風兩袖。花庭聽仙。吏鳴琴。邑著壽昌。名
喜今日。復見耿壽昌教化。郡以嚴陵重。快當年再
振漢嚴陵高標。不佞十載宦馳。一麾郡守。慚資負
鼇山之重。賦雄馴鷄邑之猷。方在儀圖。忽承翰貺。
辭華璀璨。戛戛乎聲出石金。儀物豐隆。充充然珍
移帑府。毫不敢拜。萬有餘承。

博全集 卷之五

七

復泗洲鄭年兄

恭惟莆陽穎秀。閩海蜚英。九真地靈。珠簾玉筍。丰
采八湖淑氣。蘭芬荔薜騰華。乃剖竹于濠梁。茲飛
鳬于泗水。三刀懸屋。夢曉來鄭相當時。一鏡映臺
空。人羨君家有道。不佞弟叨列年譜。益仰風猷。吳
越萍踪。盈盈水帶水。彼此蒹葭。悵悵天各方。忽承
華函。兼辱沃貺。八行真鄭重。露霖誼切維桑。百朋
羨孔隆。榮慰情逾投。敬頌明德。以衷戴共。念綿

抱而懷仰。

復金華縣龍公

恭惟名高八斗。姓卓四靈。時雷吼於匣中。鱗甲已
成數萬。致雲從于霄表。儀羽獨震大千。帝念蒼
生。用汝作霖雨。君來赤縣。躋世于華胥。庭嚙壺是
冰。應輝寶婺之玉。系嬌雉自馴。笑叱金山之羊。知
最績行列於御屏。擬高名直奏于楓陛。不佞金
頑難化。錦製非能。人謝王尊。何知營京兆之職。地
屬都會。方且抱繁劇之艱。屈指高賢。有意簪盍未
逮。驚心遽使。破格鼎臞。來加覓雙魚而鱗錦迴波。
視十龜而祥光觸紫。是明德也。何日忘之。謹藉手
以趙歸。容齊心而李御。

復陸鄉宦

武林劇郡。駕駟恭負乘之司。於越芳鄰。鸞驚景具
瞻之望。抱奇葩於新語。奚啻陸子十二篇。摠忠盡
于嘉猷。行繼宣公百十草。才優製錦。已識仕路龍

光遇選附。且喜都門星聚。一別數載。重辱專城。
念魯國之多賢。不齊斯將樂。且懷交之有自。叔
度長憶。丰神未及班荆。遽承投李。啓篋而元黃。璫
璨何殊。三錫之榮。發函而咳唾珠璣。恍自九天而
下。驚心轉劇。染指奚堪。傳盛壁以趙歸。握妙箋而
殷謝。

復翁周堃

恭惟兩高才雋。三竺曇華。金石聯魁。綺陌爭看飛
榜。全集 啓 卷之五 九

西鳳。填笈叶響。紗籠喜得護雙珠。發初蕩花封之
響。猷陟歷振比部之鴻。春郵侯出守。試昭武之聲
根。召伯來宣。新江右之棠蔭。彼洛濱榮餞。誰云
黠薄淮陽。而侍從治股肱。行見遂徵渤海。難兄難
弟共催舞於槐龍。文定文昭。喜彙徵于官鵲。某猥
以杪品。謬廁通家。金友玉昆。會同盟於大宋。班荆
御李。嘗翹跼于季方。乃承睠念。益感霖霖。雲端五
色。疑是瓊宇移來。座上八行。恍自龍門飛到。愧報

章之。不勝。遙頌。謝以若馳。

復陳侍御

恭惟天竺仙品。揆展輔衡。文範世篤。忠貞彤彤。追
仲弓之聚德。敬仰昌叶枚卜。謂謂誇驚座之才名。
珥白筆于殿中。蚤奪三狐之魄。鞭青驄于海上。更
存一鸞之風。培植陽明。引茹拔茅。無虛日。相張國
是。提綱振紀。不留行。背日斜飛。觀風風駕。所至稱
真御史。因之遇大聖人。蕭相國暫借理滑。萬國星
輝。全集 啓 卷之五 十

飛雷動陳晉公。勾稽錢穀。三公甌覆。麻宜吳越。皆
在下風。符紳均此。願斗某也。株拙。忝矣名邦。才塊
任職。臣屬當苗殄。流行之日。人非膠東守。祇抱戶
口訛增之慚。不齊能官。蓋以魯多君子。內史在陪。
隱然重挾河汾。每望驄臺。而情傾御李。輒阻鷄羆。
而盼映磚花。胡意燾雲之私。更需覆露之下。鼎臞
自天而佈。寒谷負日。斯煦有惠在肝。敢拜稽首。

復諸暨縣陳公年啓

六瑣調。衡線倚瑤臺而增彩。三槐拂座。錦胸抒
麗藻以擲輝。道與日南。威隨時至。蓋造物出震入
坎。總成始而成終。而至人開地開天。恒以位而以
育。惟三冬之學既足。故期月之政自成。漫道太音
希。裏轟轟一聲。普轉人閒之花甲。恒云元酒淡
淡中。脈脈元氣。斟酌天上之樞精。不慧白雪調疎
紫芝望切。葭添一箭。遙瞻君子之亨。麥熟兩岐。近
聽輿人之論。愧地爐之煨芋。開絨而燦魯雲。憶山
樗全集 啓 卷之五 士

復嶧縣施公年啓

陽暄北陸之輝。和黍和歌。知谷暖梅占先葩之覆。
花封掇彩。羨情濃。綰綉線以舒文。正值元英綽綽。
倚璿臺而望氣。遙賦綠絳。回春陽窺吹葭。粹白洗
塵勞之俗。錦胸補袞。辭章增黼黻之華。誼重粉榆。
情芳蘭茝。緼和先象帝。節節惠風渡江城。播德屆

春王時。時慶雲蔭天竺。不慧質猥若柳。心冷於冰。
屢聽黃鍾鳴。而太音寡和。更訴玉律動。而下里紆
懷。陽關如親見于包犧。寶鼎恍神游于軒后。响噓
凍筆。聊對魯雲之芝英。璧謝瓊儀。用溯寒谷之霖
霖。仰祈日鑒。尤切星經。

復嶧縣施公年啓

鳳箭繁轉。時兆三朔之祥。駿惠遙頒。色飛十朋之
寵。眷言悃悃。收入肺肝。蓋體仁長人。恩欲洽于春
王之首。而大德不德。澤彌渥於楚客之閒。公事酒
杯。寬凱放梅梢之煖。漢宮福履近。倚飛芝宇之香。
錫我華章。彼其不稱。投以瓊玖。欲報未能。心長醉
乎春暉。情若渴于歲望。馳祝三靈。効款草率一函
布衷。

誕日復嶧縣施公

十月之交。揆在初度。三時而內。頻沐惠施。生我人
勞。撫尺孤而增感。俾茲耆艾。捧連璧以知慚。恭惟

心與造物者游。名長上古不老。藹藹冬山。西歸。慈父見稱。响响春陽。花封仁域。躋世人從五福。借作鸞鳳樓。德厚多儀。及記犬馬齒。半百之齡已近。應憐坡老之衰。三萬之日無多。欲擬茶山之逸。丹砂來桃縣。僊令聚勝安期。舞鶴愧綠山。吾家鉢疎子。晉自惟蒲質。芑在桑陰。道墨爲童。閱多所而誰知。紀歲腰黃何補。歷萬劫而未見元身。人情欲壽欲安。顧所業矣。君子善頌善禱。何以報之。重拳拳而拜嘉。謹唧唧而鳴謝。

楊全集 卷之五

十三

復陳總戎年啓

一麾守府。未聽兩岐之調。五馬伏轡。彌驚九坂之峻。時方彩雀納瑞。忽爾飛鴻游嘉。淑氣層霄。光映標雲之黑。綠蘋驚籟。春先樹幟之培。鈴閣碧梅。清萬馬不嘶。聽號令。海樓飢饒。沸三軍無事。樂耕耘。正當椎牛享士之期。庚辰朋龜束帛之至。聽爆竹而轟霆號。砲吼聲振虹霓。賦仙木而捧雲箋。劍氣

芒冲牛斗。豐儀戟手。雅念鏘心。飲至椒觴。敢拜明將軍之賜。壺開凍筆。藉畚陳驚。座之頌言不殫。宜衷誠鬱積。

復崇德縣靳公年啓

春王布令。兆家塗仙木。以從新。東帝籀輪。華府微嶺梅而傳信。告協風於皂史。賓出日于花封。柳葉青歸。喚起錢塘之清夢。麥苗綠漲。傾聆桃縣之歡聲。行看肆夏典歌。寧爾陽春布煥。德則崇矣。爲龍

楊全集 啓

卷之五

十四

復安福縣李載其門人

爲光情莫厚焉。式歌式舞。知維桑之必敬。愧寸草之未將。願且酌彼黃金壺。對春酒以介眉壽。何以報之。青玉案。趁晴光共步熙臺。荒絨勒謝。彩勝神。蓋聞坎止流行。覺盈虛之有數。剝窮反下。信消息之靡常。物理如斯。宦途豈異。若不慧某也者。少而乳孤相。僅存形影。長乃邁奮獨行。不計亨屯。自有官守以來。惟知直道而往。視國爲家。拮据持茶。

寧敢康居夫夙夜護民如子疾苦疴癢奚啻痛切
于髓膚迨至備員司藩適當逆酋蠢動賦車籍馬
之令亟於風雷齎餉裹餼之輸積于道路既持漏
卮以沃焦釜亦剝殘肉而補潰瘡自揆憂國奉公
竊比於殫勞之征虜詎謂求全苛責猶坐以後至
之防風戴盆無以望天掛冠庶足明志遂脫離
言還初衣野渡橫舟甘作風煙閑叟巨林隆棟端
屬桃李名賢麤鼠堪羞用固爲虎不用亦當爲虎
楊全集 卷之五 圭

復孟遊擊

聖主戎衣柳聽鼓鼙而思熊虎之士將軍捍牧圉
專斧鉞而壯山河之威吉在師中望隆閭外恭惟
磨盾成檄撫劍生風投壺雅歌雍雍平儒臣白面
輕裘緩帶趙趙乎公侯好仇不戰而屈人兵何取

於舉旗拔陳先聲以奪敵氣惟貴夫好謀攻心鐘
鼓震西江狐鼠之潛踪若掃樓船下東粵鯨鯢之
嘯浪頓消有功弗矜遠則魯之孟之反也揭謙善
下近則泉之俞元戎乎不慧某鐵硯雖穿毛錐無
用志欲從山而填海愚誠有餘動輒迂俗而違時
術苦不足思尊勇退優游十畝之間解組言歸吟
咏一室之內簷橫蛛網馬聲不喧庭挂雀羅遠使
候至旣念及簪履之舊復重以瓊玖之頒感且增
楊全集 卷之五 十六

復李及泉

斗極耀暉夙懷衰繡之觀琅函披懷聿重琬琰之
頒下問勤斯高情厚甚恭惟家國鼎呂朝廟著龜
溶發大江之西聲名遐暢鎮撫神京以北德化旁
馳文武據赤心之經綸激揚對黃辰之簡命若吳
楚燕秦之壤其詩人載歌召公卽鞅寄象譯之邦
願中國早相司馬稱當今名世舍我公其誰乃式

金玉之音。爰採封非之體。仁睦桑梓。承于明儀。愛
推屋烏。寵以大賚。言念某達。冀拘備辭。章小品。奏
茲。鮪。鮪。寧識。洋洋之深。吵矣。蚤。蚤。謬負。華獄之重。
初以憚愚。孟浪。思効。割而操鉛刀。繼因疾病。纏綿。
慮學。製而傷美飾。進退維谷。就戰如冰。遂上狀於
公車。用懇。更乎。教署。強顏。搖鐸。僭呼。一字之師。攬
指。鳴琴。敢曰。眾人之母。重違。龜錫。孤大人晉接之
恩。自懼。鵲。鵲。踏。踏。小千。漸干之。屬。罪。擢。髮。以。可。數。情。

柳全集 卷之五

十七

嘔心而足。憐。憐。惟。寬。斧。鉞。之。嚴。誅。哀。其。茶。苦。惜。螻
蟻之微命。假以瓦全。厥疾既瘳。當匍匐而御李。此
心未朽。矢圖報於銜環。

復陳廉憲還冲啓 代

恭惟器苞玉粹。才妙。礪。施。忠。誨。自。盟。矢。鳳。音。於
楓。陛。丰。裁。峻。秉。補。龍。袞。于。蘭。臺。二。鎮。邊。徽。爰。持。斧
而飭其將吏。兩粵。遐。服。隨。遊。刃。而。肅。其。土。臨。懋。績
有嘉。閩。臬。載。陟。播。廼。敬。忌。訖。于。富。且。訖。于。威。率。又

匪彝。德。惟。明。亦。德。惟。畏。嚙。膚。斯。吉。坐。肺。無。冤。鈴。曹
列。其。勲。庸。登。之。廷。薦。天子。眷。茲。碩。舊。殿。我。海。邦。
寵。命。責。乎。二。人。綸。封。褒。及。再。世。蓋。將。優。游。而。需。以
調。鼎。豈。忘。勞。勛。而。滯。於。積。薪。某。覆。露。久。沾。就。日。嘯
切。冀。與。辰。沆。之。政。裨。益。宏。多。今。喜。桑。梓。之。郊。仁。祥
滲。漉。彤。輪。借。寇。知。吾。民。善。祝。善。禱。之。思。赤。烏。歸。周
興。我。公。信。處。信。宿。之。威。政。斬。修。問。先。辱。臨。存。遙。賜
十。行。之。綬。更。重。百。朋。之。錫。儀。圖。助。愛。舉。輜。德。於。如

柳全集 卷之五

十八

毛願言藏心。勒微誠於轅李。

復王忠菴總戎

風流江左。幸託。胙。姓。之。宗。鎖。鑰。關。西。敢。附。同。舟。之
誼。傳。號。令。於。細。柳。威。振。軍。中。圖。方。畧。于。金。城。師。度
席。上。天。驕。機。曉。知。久。擅。霍。驃。騎。之。功。儲。餉。持。籌。送
諸。蕭。鄴。侯。之。策。所。賴。逐。鹿。角。竟。何。謀。之。不。成。譬
諸。救。焚。疾。呼。當。惟。力。之。是。視。巾。車。至。止。鼎。餽。下。頒
歌。飽。德。於。庶。幾。思。投。桃。之。未。報。手。勒。中。謝。心。切。馳。

中秋復陳參將

律賡南呂。序屬孟終。冰壺有景。澄萬頃之波光。銀
漢無聲。耀一空之秋色。方動登樓之興。忽捧投錢
之箋。千里同飭清光。何須秉燭。百盃依稀醉。無
事衣裘。明德可歌。藏心曷已。匆匆附謝。脈脈難宣。

復沈何山

帝眷大邦。總憲特推平宿望。民瞻巖石。宣麻允協
于輿情。喜動江雲。惟騰晉地。恭惟龍門標峻。鳳穴

榜全集 卷之五

卷之五

十九

振儀科名已卓冠京闕。聲實尤蚤蜚蘭署。迺忱恂
之令德。動履卽是典刑。具經緯之雅才。措施如應
桴鼓。甘棠蔽芾。久播頌於古湖。峻秩升華。遂乘臬
于西晉。此際借甲兵之范老。暫據風猷。卽日睹鎖
鑰之萊公。親扶日轂。愧某賦質頑慙。承乏輓輪。面
目皆塵垢。批糠堯舜之鑄安在心。計止鍾釜區豆。
研桑之策無聞。乃綠積薪之資。謬附買魚之籠。驚
駭隨騶步。自揆蹙蹙難追。蚤蚤飛鴻。或冀羽儀。

可借。拔之瓊玖。既三沐而致謝。私報以木瓜。卽百
拜而申賀。惓惓敬陳于墨。禱照寅丹。

中秋復各道啓

歲何月而不望。獨揚秋輝。人與時以相遭。雅稱令
節。適情既具。乎四美。寄意復絢夫七襄。恭惟手握
寶綸。胸涵金鏡。精爽潔淨。宜圓闔於九衢。顯朗昭
融。映嬋娟于千里。巖峩視匡廬。齊峻氣接蒼旻。汪
洋比彭蠡。益深光浮碧漢。功高藩國。樂也和人。雖

榜全集 卷之五

卷之五

二十

玉燭徧照。逃亡何心。開宴然。樞衡自妙。張弛且賦。
登臺某。遠思實勞。懷興不淺。同野非兩。宛在冰壺。
中央對影。成三試舉。金樽問答。方詠蒹葭之句。遽
蒙瓊玖之頒。深佩高情。敢忘錢膺。

復陳參將年啓

龍精戒旦。賦駭客之孟陬。鳳歷紀春。飭章江之農
事。履旋元吉。泰祉方亨。恭惟英畧震世。神武超羣。
少皞司衡。寒隨旌旗捲去。長子帥師。溫被鼓角吹。

來開度韶華。實賴保障。裴回將軍之樹。感楊柳以
泥吟。肅拜。遞使之函。巡梅花而舒笑。椒觴浮臘酒。
寧敢忘君。辛盤薦谿毛。願言好我。敬占授簡。奉答
枚醪。

復廬陵蕭無兢

神淵涵月。道岸標霞。主藝圃之齊盟。咸推牛耳。擅
人倫之朗鑑。獨表龍門。武林設臯。桃李森森。盡在
梁公宇下。壁雍采藻。參苓種種。總歸昌黎。紫索中。

楊全集 啓 卷之五

二十一

聖主作人。四十三其首。重棧模真。儒倡道一千餘
載。再振廬陵。已知憂樂爲心。遠追朱朝之文正。矧
見君民不負。近親昭代之忠宣。某面目可憎。猶然
舊我。綿絕是戀。敢望故人。言別久睽。每動兼葭之
溯思。君不見徒。庶草蟲之吟。乃辱美筐。重頒委吏
恒言。桃瓜難報。矧先寵以瓊瑤。相彼縞紵。締交又
莫酬乎繡段。欲稽首以拜賜。願捫心而懷慚。力抒
傾葵。敬歸完璧。

復莫周二春元

龍德中正。潛見因而隨時。鳳彩文明。飛棲可以觀
世。苟輪轅之已飭。豈衢路之不亨。恭惟才情雙超。
華實並茂。鹿茸笙瑟。既聯袂以冠嘉賓。鴈塔姓名。
當泥金而歷多士。願朱衣之頭未點。致白璧之寶
猶藏。所以麗澤不孤。盟心磨礪。相與着鞭而奮。舉
足騫騰。道貴則知希。何妨六月息。羽器大者成晚。
自將一鳴驚人。不佞某少以多岐而亡羊。長始得

楊全集 啓 卷之五

二十一

途於問馬。則趾終售美璞。我固無慚。折肱竟作良
醫。公亦奚憾。扶搖程九萬。試看指日蜚聲。縱橫宇
三千。矧看摩空奏賦。願言金玉。附采非鮮。

重陽復學道胡泰六

居諸不停。景光如駛。半秋團輪正。齊方舉問月之
觴。重陽美序更新。復履登山之屐。夷猶歌叢桂。荆
亭閣之芬馨。仔細看茱萸。知履帷之勝健。大夫能
賦。邁彼落帽風流。伊人一方。亂我溯洄心曲。檀車

瘡矣。曷日其還歸乎。菊英茂哉。此時堪玩賞也。敬
謝報玖之惠。併述采苓之思。感荷雅情。敷宣難罄。

復恤刑曹積雪

聖主好生。寄三宥於噬嗑。良臣敬獄。詳五聽于簡
孚。觀遵渚之鴻飛。徵還朝之燕喜。恭惟手揆雲章。
胸吞斗宿。擅九流之英譽。獨標龍門。主一榜之齊
盟。共推牛耳。爰奉。璽書。欽恤允協。金矢。艱貞。霜
雪。回春。百千家。茹冤若洗。雷雨作解。十三郡。閉室。

楊全集

卷之五

二十三

咸。蘇網開而道無積衣。園扉。貞是福地。輦駐而肉
生白骨。肺石化爲藥山。以此慰暢幽明。便可對殿
君父。如弟某者。受質賁昏。分馨蘭臭。意念深矣。久
知有構李晏嬰。韻致迢然。自愧非山陰逸少。當高
軒之責止。竊嘗負弩以迎。乃大旆之旋歸。未及清
道而祖。過蒙雅厚。遠辱寵頒。稽首拜嘉。縷心展謝。
此行得一佳士。帝口都哉。何日登三過堂。弟所
願也。

復南贛參府陳年啓

德威在木。共占獻歲之祥。斗柄回春。茂集履端之
慶。恭惟謀能守微。權貴先勝。提節制之旅。震震冥
冥。則天下皆驚。握神明之威。桓桓。趙趙。而封內永
奠。璧梅寒綴玉。迎瑞日以揚芬。營柳曉含金。披融
風而布暖。不佞遙望龍箱精彩。久聆虎節英聲。樂
郊壘之無虞。嘉圖穀之受祉。辱賜瓊玖。併惠榮璽。
九頓拜登。八行鳴謝。

楊全集

卷之五

二十四

冬至復嶺北道戴

灰飛律應。水木之氣始交。味淡音希。天地之心斯
見。機獻未效。篚厥先承。恭惟道握元樞。神遊太始。
元關靜寔。一掬洞若太空。丹紫氤氳。萬彙資以成。
象嶺柏嶢嶢。嶢嶢獨秀。凜平表法座之丰裁。江梅次第
微開。熙然徵春臺之意。度卽此便是周易何須更
問包犧某。幸際履長。竊叨陽煦。占七日以來。復知
剛長之方。亨隔千里。如面談信朋來之无咎。願舉

芳爵共慶令辰敬謝沃儀永懷明德

復海陽縣

負承蜩之奇者累凡不墜騁馳驟之足者歷塊若
馳惟其左右之具宜是以聲實之兼茂恭惟緯象
凝精川嶽孕秀儀峰峻巒巖巖哉千仞偉觀學派
悠長森森乎一脈相授適借天衢名彥暫稱海邑
神君雖枳棘非鸞鳳所棲姑爲之兆而庖戶隨體
靜可試綽有餘閑有脚陽春散入管絃歌百里無

榜全集 啓

卷之五

二十五

邊廣幙分爲橘袴足千家某聞汶不聰迂疎無當
任以懷鈴握槩既莫辨亥豕魯魚使之司會持籌
又安識釜鍾區豆乃辱遽使遠貺多儀敬拜瓊投
容圖李報

復嶺北道王

恭惟藻燦明霞英蜚彩旭爲信君使組六轡而賦
皇華作典秩宗勅五惇以緝 帝載惟是寅清風
夜允和諸于神人且也緯經武文用旬宣于藩翰

旗旄甫建郁平煥章山貢水之光榮載遙臨美哉
增匡廬彭蠡之勝蓋誠入則司夷夔禮樂出則奏
方召功勳者也某四載徒勞一籌莫展奉官碌碌
笑菽粟之未能知從政卑卑嗤斗筭之何足筭幸
以布席貧女得借照壁餘輝姓所同耶譬草木實
吾臭味心乎愛矣投桃瓜報我瓊瑤敬策鏤以銘
衷謹拜嘉而稽首

復徐郡守啓代

榜全集 啓

卷之五

二十六

恭惟才妙圓珠器縉純玉青虬發彩標芳耀于七
閭白雪傾都振徽音于六羽持衡爲李民坐肺石
而不冤懸鑑郢州士脫穎囊而可用 寵命宜膺
來紱旬宣暫假漸磐某分符接壤希鄰燭之末光
抱瓮望洋挹江波之餘潤矧見自谷遷木棲丹鳳
于帝梧抑喜鳴石在川應黃鍾於仙管政切山斗
之仰忽荷琬琰之頒揆分知慚刻心竦慕肅此布
謝式之歌舞

端陽復喬按院

赤龍司權瑟調南薰之奏彤騶肅憲節遶中天之期光溢塞垣惟騰戎士恭惟瑞映台階秀毓坤輿正論不阿廻狂瀾于將潰丰裁獨秉植勳柏於後彫尺組繫淳維何遜兩階之羽半通走呼衍爭獻重譯之球某幸際芳辰欣承元矩心盟素竹願同醉以終日口詠紅榴誰謂花不及春乃葵藿之甫傾忽瓊瑤之見報豐函載錫燦若霞綺星稠嘉駟

博全集 卷之五

二十七

復程蘿陽

恭惟畜德川冲豐施玉祔孝隆舜慕寧知鍾鼎之榮忠惕禹思遑恤胼胝之瘁昔迎廉於平海櫓榜謠傳今借寇于盧龍鎖鑰猷壯績奏甘棠將大書特書不一書列之琬琰寵來朱紱且五命七命加九命畀以鹽梅某蓬蒿小品甘菡迂生道未嘗尊

敢抗顏以播鐸教而知困欲勇志於撤皋竊兔絲燕麥之聲空有其號試馬渤牛溲之用何補于時多荷眷存辱惠鼎貺懼不恭而祇拜投壑自慚感沃賜以勒銘銜殊莫報八行致謝萬禱崇瞻

復董景越

恭惟才高八斗氣函九牛圓智通萬類之方具宜左右大賢寄百里之路嘗試經綸寧爲鳳而不爲鸞歌父母之孔邇專養禾而不養秀見蠟蟻之潛

博全集 卷之五

二十八

消蓋道施於虞夏敬信之先故民游于義黃渾噩之上觀恒成化兩邑已飫乎雉膏有譽來章九重將汲其深井某抱拙守株承乏治粟授之握筭不知累黍橫縱責以阜歲莫辨要會息耗豆區自滿遂誇積貯於邱山批糠是營無從陶鑄乎堯舜深慚濡鵲幸托攀鱗雙魚遠頒驚彩霞自天而布十龜載錫喜寒谷負日斯暄報賜未能然心既敬勒赤驥以申謝遙瞻紫氣而傾馳

復楊總戎

威武維揚命掌專征之重謀猷克壯壯師之
尊山岳色搖華夷聲振恭惟英姿夙異豪氣雄飛
志敦詩書煜煜詞宗學士勲勳彝鼎柏柏武庫將
軍秉鉞指麾玉帳凜風霜之肅登壇號令金符開
日月之光海不揚波穩泛漁舟上下人皆安堵弗
聞鼙鼓喧騰卓矣遠軼召方展也近驂頗牧某闔
海淺生武林俗吏責之簿書筐篋猶或勉強自鞭
檮全集 啓 卷之五 二十九

復建南道吳生白

台星南麗開福路之昭熙斗炁北旋接泰垣之清
穆上流扼會於微省下土具慶乎溫宮波及維桑
恩同噓柳恭惟揆天才富且地德宏千里汜文清
炳虎幃之經帳萬流挹心鏡行龍節之華軒詎惟

領袖前鎮曲江解揚得主而且引授粉署貫城空

索有人嗣秉衡衡筆陣今夜郎之酣蟻高懸冰鑑
詞峰并日逐以驅駒是以 帝眷八閩首建舉於
山國民安一道詞臥席於平階洵哉保障有其帆
金允矣宣藩徧爾潤玉者也某泉滋微鯨雲涯小
草幸微籍未捲簾而海燕誤收竊近鄰光結網而
淵魚莫辨適承寵北敢效步趨單車發軔於明區
自愧眼瞇瞇日鼓篋接響於校序喜逢身傍春風
檮全集 啓 卷之五 三十

復參府

鱗閣名高勳奏青冥之上峴旌望重寵隆紫極之
前惠洽百朋銘深九鼎恭惟蔚興詞宗蜚聲武庫
孤城夜月倚長劍於秋空大漠寒山麗飛戈于曉
日詠江南之花柳壘靜煙波提海上之金鞭潮迴
鋒可鈴聲金閃燦桓桓趙趙鴻謀折微外之衝羽

箭影縱橫祇祇威威虎幄廼師中之吉精忠貫日
行看組繫八蠻朔氣橫秋并俟官酬九棘某謬管
臬司猥叨文柄瞻雲未遂忽來賜谷之春渥露先
濡過辱河源之潤真感媿之交集將鏤佩以奚勝
敢布謝私統祈炤納

中秋復李總戎 二啓

白帝司令聲已震乎仲商青女飛霜斗潛移於指
戌占師中之貞吉羨闔外之雄飛菊蕊搖金煜矣
樽全集 啓 卷之五 三十一

瑯戈曜日黃盃泛酒美哉玉罍流霞坐聞蟋蟀助
吟更有鱸魚切膾興思勝景遐想同歡敬致薄芹
用供雅宴

冰鑑麗空霜臺斂福劔指而挽拾盡掃月懸而鯨
鯢皆消銀漢無聲千里裴回明月玉琴有韻一絃
排調素秋方動剝棗之思忽發登樓之興驚序厚
貺刻鏤寸心肅附小箋用伸謝悃

復各道壽

壽考維祺君子所以善祝貞亨元吉否德莫之敢
承葢蔓草長松品類自有區別而大鵬小鷗賦受
亦以羣分如某也者生幸爲人道歉於我蹉跎歲
月驚馬齒之已增凜惕淵冰悔駒隙之易邁老冉
冉其將至勞矻矻以何裨披讀我蒿穢既整而鼎
亦恥陟瞻岵岵樹欲靜而風不停瓠矢徒懸鍾釜
弗洎乃辱記存過蒙寵貺敬告筵几珍襲篋筭銘
鏤在於中心圖報願以他日

樽全集 啓 卷之五 三十二

端陽復湖州守

月臨建午節屬端陽殿閣生涼五月初傳永漏琴
瑟解愠兩地共屯薰風知福祉之駢集欣寵命之
遙臨滿幅華箋燦爛一天星斗連函豐籓驚動四
壁蠅蛸拜手魂搖捫心色赧敬奉歸璧未報投瓜
端陽復北關梁

萍叶蕤賓令用高器鋪張畫舫看競渡於西湖緯
結壽絲羨開樽於北海乃勤雅念爰及勞臣暑日

火焦閉一室而淋淋汗滴夜蚤雷聚握寸管而吟
吟舌乾幸值昌辰過沐沃寵情文出格感鏤由衷
敬頌君子之德聊裁尺書欲罄小人之私容將寸
草

復湖州鄉宦王洪崖

恭惟毓粹靈巖孕奇君水家通孔李夙占千里之
駒世行裘箕遂騰九苞之鳳皋比談易已聞鐸振
于南壁靡鼓鍾復見斗暉在北匪特知覺啓後恥
擲全集 卷之五 三十三

釋納溝抑且志事述先孝稱續緒者乎某猥以糠
秕負慙珠玉之側譬諸草木實幸臭味之同一片
青氈冷態於今未改半盃飯真趣猶然可甘知
所知止所止當屬後來之秀範不範模不模自憐
失路之人過辱大函重加沃貺謹稽角以歸趙敬
歌頌而懷周

復大同焦總戎

恭惟英武夙成雄豪獨挺劍橫牛斗誇虎臣介馬

無前鞭迅風靈驚飛將從天而下傳號令於細柳
九重霽其威容國方畧于金城六師躋彼席枕侏
俚曉魄 久擅霍驃騎之勳嬰鏖若翁矜秦馬伏
波之績 某免園僇生鴻干末品謬承簡命試割
疆場望紫氣于雄關尚缺雙魚之獻覆青雲於上
谷先厘百朋之頒投壑自慚報李未效手勒申謝
心切戀馳

復湖西道張 賀壽

擲全集 卷之五 三十四

弟某生而不辰親蚤見背亡羊感於岐路少不如
人師馬反其迷途老且將至櫟枵無用自慙七尺
之軀弧矢久懸徒負四方之志乃蒙台臺道足有
容仁不忘遠挺鳳麟之奇瑞矜犬馬之微生寵賜
沃儀重申大祝骨非僊相敢望南海增壽質本蒲
資安覲靈椿長秀惟幸年未履乎大耋聊且鼓缶
而歌更願心竊附於同盟常得執鞭而御

冬至復各道

瑄裏葭飛感歲功之推禪窗前梅瘦顧月影以裴
回惟是獨復中行遂錫朋疇離祉恭惟和鍾玉律
清徹冰壺得輿而亨作眾正之領袖與陽偕開轉
洪造之樞機卷舒宮線之紋胸蟠五色鏗訇雲門
之瑟音度九韶魯史必書兆農祥於大美趙日可
愛介景福于上台弟某猥以鴻毛濫附驥尾久荷
二天之庇欣逢七日之來稱觴履醉白之堂悵無
遠翻吮墨和味玄之句慚不成章肅拜隆施虔勒
轉全集 啓 卷之五 三十五

疏謝

復巡西道趙 年啓

恭惟淵心澄穆靈韻高超敏百福於載陽盡收和
煦囿八垓以元氣更妙嘯吹值太皞之司權順東
皇而布令巷歌途舞滿懷拍拍總是春遠至邇安
兆姓欣欣皆有喜弟幸厠紀綱之末屢見堂英之
新翦燕莫倍獻鳩有喜慈雲映南浦忽驚雙鯉傳
宣法雨潤西江遂奉十龜寵錫恭拜而受式衍且

歌言謝唐唐銘衷耿耿

復參戎崔

蟠花錫命 朝端隆分閫之權細柳開營江右重
折衝之寄惟揚我武克壯其猷恭惟謀奠海嶽氣
吐風雲善讀畧韜非膠柱而調琴瑟獨嚴節制直
登壇而建鼓鍾什圍伍攻素精戰陣之法前茅後
勁頓增壁壘之光笑挽章水以洗甲兵坐鎮虔州
而寢烽燧弟四載從事五技都窮不已于行既劬
轉全集 啓 卷之五 三十六

勞而鞅掌寧遑啓處復畏咎以縈懷乃辱華緘更
承沃貺敬藉完璧恭報投瓊

復嶺北道

伏念某碌碌寡能膠膠守拙持斗筭而從政五技
俱窮役批稗以紛心一籌莫展服之不稱既有愧
於伐檀趾且欲顛抑亦虞其覆轍幸藉桑梓之雅
乘及菲葑之微載馳載驟竭小人之力而從事亟
問亟僉奉君子之賜以調饒千里飛航此時望龍

門如隔天漢。十旬返棹。卽日觀鳳彩。重締金蘭。肅拜承筐。敬占削牘。何以報德。惟有鋟心。

侯馬制臺啓

元老行邊。六師望重。麒麟閣。名卿總府。九列榮生。鵠鵠臺。翹首傾瞻。鏤衷悚慕。恭惟黼辰。礪衡方鎖。鎖鑰蒼龍。捲四海之水。拔地威風。巨鼇戴三神之山。擎天砥柱。坐籌玉帳。追跨羊太傅之經營。笑逐官廳。未數馬伏波之慷慨。一新牙肅。重整金湯。張

楊全集

啓

卷之五

三十七

前予于府中。實文武之吉甫。走尺組于境外。驚韓范之生身。廟畧藉爲腹心。奠寶鼎以衣裳之會。人情賢於夢卜。壯金城于樽俎之間。位晉巖巖。望重几几。某濫膺仕路。托覆邊疆。星轉蓬心。一麾叨繁劇之郡。雲懸台盼。萬里景穹。嶙之樞。去去卿霞。捫衷旌之搖曳。依依葵藿。恨筆舌之單疎。千嘔下私百斬崇燎。

侯連少嵩撫臺

牙帷曜金章。綰樞寄鷹揚。於闐外柏臺。持玉斧元勳。登麟閣于圖中。敘威諄諄。望顏友。樓恭惟台臺。

文居太一。威壓河魁。倚馬才高。蚤探西崑之祕。縛虎姿異。獨推南仲之勳。韓范一日行邊。鵲帷膽落。李郭並名。制帥旗蓋。風生維彼。垓埏在在。望式代司馬。凡茲徽猷。人人驚鐵面中丞。圍霽烟消。百城輝映。風弄笛烽。晴瑞霽九邊。夜帶月鳴笳。丹青識禹甸之封疆。帝心簡在白雉來周庭之貢獻。王

楊全集

啓

卷之五

三十八

會圖敷某視餉邊方。叨沐清盼。一麾遠徙。跡偕征輅。而南萬里長依。心隨塞鴻。俱北謹裁尺素。抒此惻丹。雖衰衣繡裳。尚彷彿於居東之日。知和羹作醴。且雍容于秉軸之時。統冀台涵定。慚塵悃。

侯喬按臺

虎殿峩冠。太微星映。臺中柏鷺。車載道宜。邊霜颭簡上花手。遐祝以披丹心。感恩而破白恭惟身依日月。氣縕風雷。蒼佩穹班。入踞五花之磚地。烏臺。

峻秩出總六察之稜儀玉節御青驄赤旌望風自
嘯朱衣簪白筆丹心向日而傾安問狐狸此際泰
陽收雨點何須柱斧倏爾玄暢卷雲根筆底禮樂
三千貞寮案以憲度胸中兵甲萬數掃狝貌而清
塵裊動 袞龍光寒銅虎某餉司舊吏叨沐清波
甘在下風幸陶成之有賴茲麾遠牛憶照潤之猶
新自惟跼踖輟下駒盼瞻望幸念公爰業殿上虎
燕翼將來僭爾下私仰扳上囑

柳全集

卷之五

三十九

候沈蛟門老師

雲輦映沙堤砥柱望兼台柱重霞裾縹梓里少微
光益太微明年未至而養高寵方隆而釋微吹萬
之恩廓矣在三之義凜然恭惟沈相公夫子閣下
絳簡仙真紗籠宰護腹笥空二酉道邁四明五總
龜鼎業調三辰人誇兩湖九苞鳳炳畫圖於赤烏
彈指而傾屬衣冠和膠漆於丹青垂紳而振翠裘
領經綸已邁前哲進退尤卜安危劬劬明星辰候

得華分東極几杖光日月賜來酒近南山稽古名
賢老師罕儷中書二十四考汾陽既豫且康洛社
一十三英潞公堪媲美嫩漫從松偕竹見輪迎某
生則吾親成惟夫子生平何幸得一代之名世而
爲之徒中外勉旃酬再造之鴻私頓忘所措維時
朱夏來守杭疆仰師帷情伸立雪阻匏繫躬缺坐
風雲樹隔江流依依門牆而引領驟芹將野獻盼
盼斗極以馳神誠竭三薰榮希一職

柳全集

卷之五

四十

候趙心同老師

愛日流光八座寵昭鳳凰閣德星旋照三台峯映
爽鳩家粟里流驪桃門悚慕恭惟趙老夫子閣下
兩開正氣八表偉人有萬品於心源步趨聖域貯
六經於腹笥領袖辭林邁士以相馬之方頓忘驪
牡黃牝掄材惟拔偶之亟不數青銅朱絲鼎弼趙
宗卜中興之賢相才高中令咲半部之太平明允
播虞風光生貫府祥刑維國脈遠駕于門龍門八

節吉日開下界爭迎儀仗鼇池六載名卿績上方
傳錫裹金以某闕海之豎儒叨沐陶鑄于洪治恩
等父乾母坤而均大遇際雲龍風虎而稱奇仰安
定之門望而知爲弟子傳尹公之鉢慚其弗類端
人未遂鳬趣懸想春風喬座聊傾魚腹用佈立雪
下私盼絳幄而虔將斬璇霄之錫燬

候王按院

玉節駕青驄東觀與西臺表裏朱衣簪白筆木天
榜全集 卷之五 四十一

偕柏府崇高雲檄所麾望風自笑丹心一指向日
而傾況在末條益深翹跂恭惟台臺霄閒鸞駕殿
上夔龍三槐堂開種種穠陰滿地九列世陟巍巍
柱石擎天綠閣映青藜廣公家得賢之頌紫薇煥
紅藥依玉堂香案之雲惟 天子重簡耳目以觀
風故 帝臣特分股肱之重地皇皇者華代九五
黃扉以巡狩行行且止詢百萬蒼生之苦辛安
問狐狸此際秦陽收雨點何須柱斧倏然和暢卷

雲根指日先庚趨風旁午職某曉然未能信之仕
久矣慕命世之名叨守杭都備員屬吏何其幸也
瞻榮戟之來臨所忻慕焉負弩矢以前轡淮南雞
犬延頸九轉之丹冀北駑駘思驂五總之乘身阻
袍繫志切簪迎馳報山靈佈祥雲以護蹕帥先父
老載壺漿而脂輪伏乞夙駕鳴鸞俯慰伺鷺

候座師陳如岡年啓

六瑄調元大呂奏金章之雅三槐拂座碧梅燮玉
榜全集 卷之五 四十二

鼎之和道固在南瞻猶弗後恭惟陳老夫子座下
歲星儲秀皋座凝祥火龍燦木天毫華新黼黻之
彩彤螭榮藜閣景色韶緯綸之章和繼象帝先輔
元氣而鼓棠蔭德洽春王首佐大治以運鴻鈞乾
施坤生六子方繩繩而亭壽泰通壯長三陽行奕
奕而履綏珠星萬點趨晴光絳帷儼福卿雲五色
催淑氣芹毛獻新某身歸化醺醺沐坯造從政期
月慙居宣父之一科撫景三正祈適師翁之億祉

事足百斯男。夙貽蘭夢之報。樞昇九爲列。邁舉蔡羹之鉉。某臨啓曷勝瞻戀祈祝之至。

侯衷白王老師

厚力培風。翔鯢鵬之遠翮。霈時化雨。滋桃李之芳華。荷鈞陶之自天。思展報以何地。恭惟名高北斗。道壓中朝。羽漸雲遠。搏扶搖而直上。流植砥柱。廻百川而東之。校書然太乙之杖藜。久專長於二陝。徵士移上方之彤管。通借重于七閩。然之薪之。

楊全集

啓

卷之五

四十三

第採其華。尤採其實。生我成我。既已虔於始。益厚於終。某輩才非倚馬。技止雕蟲。連彙獻下國之珍。蓋九十士。接武登瀛州之勝。有十八人。得垂盼而驚。價題千金。資先容而朽株薦萬乘。恩深潤海。敢忘從出淵源。止仰高山。勉策後塵。向往門牆之依。彌切星辰之履。暫遙迴。迴遊。共想伊人於白露。信處信宿。芹觀我公之繡裳。莫表心旌。恭陳手板。將以蘋藻之采。虛愧承筐。頓茲犬馬之驚。誠同獻。

願言鑒納。曷任瞻戀。

侯浙江按院李懋明

應世翥龍驤。九霄而變化。在治若鳳矯。千仞以翔。翔進退觀之。我生推移因乎時事。道固不失志。亦可亨恭惟天韻宏悠。風神卓朗。鍾三光五嶽。未分之氣。厚蓄其源。讀八索九邱。有用之書。莫窮所蘊。侃侃乎危言正論。殿虎名高。栗凜然激濁揚清。臺烏氣肅。以身律吏。懸法在冰。壺霜鏡之中。與歲爭。

楊全集

啓

卷之五

四十四

民求寧于旱乾水溢之外。拯饑溺如是其急。勤咨恤。遂洞乃躬。叫閭閻以陳情。猶滯天聽。懷鄉闕而歸止。聊慰親心。蓋資事父者。事其君。既效劬勞。於攬轡。卽以求臣者。求乎子。且展敬恭于滌滌。矧爾位靖。恭明神。固介以景福。而有懷明發。人主亦嘉其孝思。時見綸綍之頒。益彰駢蕃之錫。某質同稅稗器。埒斗筭。政拙催科。甘自署于下考。籌疎會計。不足齒于中材。董飛輓之千艘。心憂責重。凌。

危濤之萬頃命賤身輕 宸花有靈布帆無恙幸
公事之勾當聞大旆之言旋謹擲一片用將寸惻
候恤部曹積雪

秩峻西曹持三尺以明邦禁名高北斗慎五刑而
恤嘉生雷電合章雲霓屹跂恭惟抱才瓊瑰宅德
忱恂抒巧匠心溶洞淵于玉海搜奇函古羅異采
於寶山操縱同陰陽翕開溫栗與春秋禪代 聖
衷特簡 寵命隆膺若曰茲爾士師寧三宥以錫
擢全集 卷之五 四十五
其罪欲哉憫吾赤子毋一成而不可更法輪責止
十三郡纓弁萌隸咸沐仁風憲節來宣數百人抑
滯鬱幽盡思湛露從此腹松載夢寧惟肺石無冤
弟某猥以蟻蝶托於駉駉念主人之婉婉怒如調
飢想車聲之鄰鄰充然盈耳遙望塵而先拜願執
斧而前驅敬迓鳴騶虔申素鯁

候浙江按院李懋明

五雲戛薦紀綱峻風望于西臺六轡乘聰貞肅炯

高名于上柱情傾映斗度托飛鴻恭惟珪璋國器
琬琰家聲標鳳嶺之崔嵬翔翔千仞毓螺川之秀
麗包納九流製錦花封羨澤酒江潭著績循良符
漢傳捧 綸柏院看身依日月封章彈劾董周官
當乾坤清晏之期居山岳動搖之地威侵遠振巍
巍鐵壁雲岬丰采素高皎皎玉淵冰浸爰藉臺鳥
于江左因來殿虎于禁中臨天目以塞帷幄觀山
輝川媚環其區而擁節兼敷秋烈春熙推轂人才
擢全集 卷之五 四十六
萬里扶搖海運提衡吏治百城絡繹星馳洵哉接
武夔龍對揚 天子之休命允矣致 君堯舜晉
躋公輔之崇班某依輝德里竊祿名藩爰喋龍門
幸快心于得御棲遲薇署徒翹首于具瞻芹曝久
疎葵傾彌切微忱可達靈虞遠渚之浮沈非儀用
將更冀上台之涵育

候劉川齋撫臺

柏府春開振丰裁于持筴油幢畫擁仰法象於樹

牙惟忤有懷戀依無極恭惟二儀鼎應八宇幪包
在昔衡軸秉銓允矣人倫清鑑于今轅門列戟居
然水國長城投壺萬羊府之風百條爲憲揭塵黜
庾樓之月四座俱傾虎噬中涓調股掌而弭其毒
溝納下隸貪衽席而底之生旣以康萬姓爲安遂
以聚百順爲福嗣裾舞綵願效膝下之萊 當宁
拊髀每思禁中之牧溫紆垂錫高靈載瞻汎海敦
殷士卒欣如挾纊戴山歸重將吏慶洽彈冠某河

楊全集 啓

卷之五

四七

潤躬沾葵傾心切 彤輪借寇符斯民善祝壽禧
之思赤舄歸周與我公信處信宿之頌盈盈一帶
欲溯洄于中流牙牙雙旄負弩於下走肅勒赤
牘用攄丹素

侯王衷白老師

金闕疏榮象緯絢中台之色玉堂正位門牆縣北
斗之瞻翹首龍光傾心雀喜敬憑子墨恭控寅丹
恭惟二儀毓精五嶽陶靈秋實春華夙奪西京之

錦清霜紫電夜燃東壁之藜汗竹博極於前熊羆
毫光搖乎金馬灑天葩之筆陣董賈綸經提海國
之文衡歐韓藻鑑高標鼇禁妙簡 楓宸遂從洛
社之衣冠爰拜瀛州之領袖兩都詞賦揭曉漢以
長庚六代風流砥狂瀾於中柱學山獨秀人地雙
清誇 明主之特知擅儒臣之異數行將螭頭宣
白鳴吻施黃陂大旱而作霖夢卜亟需鼎鼐天未
陰而徹土綢繆永賴袞衣某等才驂下乘質難散

楊全集 啓

卷之五

四八

樗牡而驪牝而黃俱佐赤墀之駕桃能紅李能白
總歸青帝之鈞吹萬恩隆生三誼重顧報慚國士
如蚊戴山惟夢繞經帷似葵向日忻逢大拜轉切
遐思靈丹就而雞犬欲僊有懷砥鼎大厦成而燕
雀相賀無路棲梁忽承千里之瑤華共沐九霄之
玉液喜而索笑寵益若驚佩德書紳步趨卽同於
立雪齋心繫帛舞蹈豈隔於負牆謹貢謝緘併申
賀悃仰止星辰之照俯垂渤澥之收伏願鴻飛遊

陸龍見在田游藻織鱗託沾濡於洪浪控枋弱羽
藉噓拂於長風

候翁青陽宗伯

位晉秩宗鴻碩負衣冠之選班聯常伯燕閒蜚翮
徽之猷章縫快視揚標粉榆懷慕稱慶恭惟霄衣
輔星揆端神鷺六鱗風化躍禹浪而卓冠龍頭雙
翻修搏望堯雲而高標牛耳既升平津於第一送
峻公望于魁三雲錦裁荷囊朝憑玉笈燈花剪蓮
楊全集 卷之五 四九

猷暮拱金輿夷蕤不生禮樂之事幾廢旦夷再見
鼎鉉之業重昭議禮制度考文玉帛賡參于韶濩
寅清弼直熙載丹書盡洗夫甲兵蓋元祐四公盡
聚于洛而今口台耀墨鍾我閩奇愈出于後薪勲
當媿於擎柱某閩海織鱗錦里餘潤官既曠於民
牧患乃在爲人師徑拙介株是其本來面目管窺
僅舉安能旁燭髮眉矧受命于昔之中冬計奔役
僅踰乎半載手足瘡痍於馳驟形神瘁瘁于較轡

敷教在寬道千蹊而耳食知人則哲日五色而目
睹茲當解卷之期政爲考成之候驅介鱗而望海
若片語沈升集鉛汞而歸化龜彈指仙俗仰懷明
德莫罄微忱維桑梓必恭敢將薦蘿希樾蔭譬草
木同味庶幾苦李倚雲栽

候徐匡嶽老師

正脈淵微遠垂如綫之緒純脩篤懋獨承述祖之
宗景紫氣於崑崙捧玄規于久佩恩深培李威切
楊全集 卷之五 五十

傾葵恭惟鴻洞函三聖真統一來益堂下元元本
本契古人獨契之心問答前中語語言言開今賢
未開之口教大行於閩洛士皆可以薪煎後覺不
迷任天下之重自我欲平有兆觀當今之世其誰
某蓬甕拘儒么魔末品殷懃孔鑄頑矣躍台無功
勉強回趨瞠乎奔軼而後幸微福于宸宇謬托籍
於龍門量己入官慚非眾人之母抗顏講易僭曰
一字之師禮既冷然若冰心亦清而如水願言負

笈長膏黍苗於春風阻彼遡洄徒賦蒹葭於秋露
適緣行便聊貢鄙私此日望先生之廬依稀立雪
更期觀我公之袞信宿畱駒

候漕院唐存憶

禁路風清夙仰立朝之勁節 綸函日曜特膺代
符之殊榮星旌方輝動京華霜斧已寒生郡國屬
僚慰仰庇宇知歸恭惟白雪清心黃鍾雅韻才源
浩淼演巨派而吞吐滄溟氣岸崔嵬聳高標以摩
榜全集 啓 卷之五 五十一

突臂漢肅法暗稜稜鐵面憂時擁烈烈赤肝念西
北神京壯哉宜先積貯思東南民力殫矣須亟懷
綏遂奉簡書式宣綱紀水牽陸挽約束以趨程途
前負後擔勞來而應徵令節旄指節草木倏爾回
春驄馬行來山川亦爲起色某承乏四載莫展一
籌僅知種桂秉穡粒粒辛苦祇率樓檻舳舻鱗鱗
飛奔凡此輸將微勞咸藉威靈遠播謹述一介臣
僕恭迓四牡皇華身未與塞鴻俱馳心竊附江魚

並奏仰祈丙霽俯鑑寅誠

賀淮王年啓

玉歷春回啓泰應三陽之會瑤圖日麗履端迓百
福之祥令既布乎青規道益亨于朱邸恭惟賢王
殿下心清若水度式如金馬跡鍾靈涵天地中和
之正鳳遊孕秀備聖賢德義之尊文章禮樂標奇
翹襄舜日恭儉溫良萃美遐映堯雲僊李盤根襲
芳華於瓊桂冰壺徹露淪煖氣于銀潢支際執徐
榜全集 啓 卷之五 五十二

夾龍飛而未艾于逢柔兆符離聚以無疆允矣維
翰維城桐圭永固美哉若礪若帶桃印靈長縣延
福饒箕疇昌熾歌興魯泮某夙欽元範樂挹雄風
瞻歲德于兔園徒懷獻柏想春暉於麟閣未克頌
椒肅將不腆之儀用展積誠之懽伏願日華之春
不老歲衍八千 天宗之祉膺繁系苞百二

賀益世子年啓

義家啓泰榮光浮玉水千流堯歷回春韶景煜金

枝累葉青規律轉朱邸道亨恭惟賢世儲殿下茂
德方潛英徽蚤暢恭儉非聲音笑貌溫文更宥密
緝熙寶錄夙授于彤闕服膺梓訓玉版流頌於
紫闕接武桐封寧惟繪藻摘華足擅八軌雄賦抑
且親仁樂善雅稱百代賢宗當此履端發祥豫占
箕嘽斂福殖條風於羣品不須放趙孟之鳩布瑞
旭于萬家何必鑄祗支之馬某久欽玄度樂挹雄
風瞻歲德于龍門徒懷獻柏想春暉於兔苑未克
擢全集 卷之五 五十三

頌椒敬陳不腆之儀用展積誠之悃伏願純禧昌
熾卜年卜世以無疆化日舒長維翰維城於不替
賀南贛軍門孟 年啓

春轉璇杓斗指虔南瓊瑤光騰玉帳天開泰際陽
和慶藹四藩祥聯八座恭惟摩肩韓范繩武傳伊
躬承聖學真源本仁祖義胸備太和元氣闢乾闥
坤西北 神京倚經綸於帷幄東南 天塹藉鎮
撫於蕭牙文武密籌寸腔福日烜暄華章貢嶸嶸

徧覆萬厦喬雲掩映瑞崆峒威稜與出震俱新
水魚龍戢浪閭澤偕勾芒並運金峯并木飛花治
平含孟氏其誰信是五百年名世鎖鑰非明公不
可堪壯數萬里長城久已簡在於帝心矧應綸
宜于歲首某素荷陶鑄肅奉紀綱聽殘臘之竹聲
懷獻春之椒頌望彩雲多處欲傍魁三看紫氣浮
來遙占福五敬效六符之祝慶將二筵之儀仰冀
鴻慈俯涵嶸嶸
擢全集 卷之五 五十四

賀總漕軍門陳 年啓

陽回葭管榮戟燦斗極之暉律轉玉衡璧奎繞龍
門之麗瑞霽高騰平獨座祥光退冕于千官幸依
宸宇鴻麻遙望 嚴捍虎拜恭惟奇鍾三楚顧應
六符彩筆干霄五色靈紋飄斗漢素心映月一泓
皎度澹星河裂麻氣勁蘭臺羽狼奔魄攬響聲播
華嶽草木知名既晉秩于上卿旋提衡平儲政金
麾日曜藻梁雲物增熙哀斧霜明淮海氛霾頓滌

西北之黃河環遶總資德潤安瀾東南之青雀檣
飛悉載恩波利涉負舟霖之偉望暫凭鈴閣以紆
籌勒彝鼎之巍勲竚秉樞軸而贊化某桴櫟瘼材
甌瓊瑣品授以懷鉛秉槩莫辨亥豕魯魚使之握
筭持籌安識釜鍾區豆矧值雨暘弗若益懸禳救
罔功猥蒙覆露藉蔭垂雲煖律初吹隨草木而起
色元橐甫動偕禽鳥以鳴春謹勒蕪詞恭擬椒頌
仰祈丙霽俯囑寅衷

博全集

啓

卷之五

五十五

冬至賀陳參府

元戎十乘信奮武於中權文昌六星儼分光于上
將藿在山而庇虎樞草響以馴鳴勒勲伐於旂常
名高南國靜氛埃于裘帶績表西江茲者律應黃
鍾宿臨正昴仰天心之初見知景福之永綏敬綴
蕪詞聊申葵悃

正旦賀總漕陳

帝德格天紀四十五載於寶歷元臣經國登百千

萬里于春臺頌多祉之茂綏徵隆風之遐暢簪紳
溢喜社稷增榮恭惟手燮洪爐躬扶大斗班崇常
伯謨謀調玉燭之和秋峻版曹調度鞏金甌之固
柔剛競綵並用歷運會以更新文武張弛兼施幹
貞元而復始操神機於乾旋坤轉卜義畫之小往
大來柏府旌旗掃淨歲前之臘凍龍樓鼓角催回
雪後之陽春序泰階六符行且光騰九有斂箕嘑
五福矚看位正三孤某海內寒生委積賤吏但知

博全集

啓

卷之五

五十六

粒粒辛苦政拙催科自愧九九何功思深拔拭茲
遇東皇舒煖之候益感西江濡潤之仁敬託魚箋
恭伸燕賀伏願作朋難老輔吾君于累洽重熙
體元長人致斯世於長安久治

賀紹台道壽啓

法臺藹崧嵩余月啓朱明之瑞薇垣騰彩曜貞符
應澄海之占天和既萃於長甌人豫共鳴其熙皞
壽朋鶴筭慶叶兕觥恭惟昂孕立精鍾滌陽之粹

氣奎呈文祕接道脈之傳燈聲華首藉於計曹音
澤兩敷乎巖郡赤城按節飛青霜于天台鴈蕩之
閒臨海駐輅布仁風於剡溪秦柱之表月當建巳
瑞符孔釋有徵辰居生申德負皋夔令望鼓虞薰
以解慍坐盾日以凝禧展 聖世之嘉禎冀葉榮
舒於百萬衍僊源於純嘏桑籌直介乎三千行觀
鼎解之調聿載旂常之永某竊叨宇庇幸際瓊懸
職雖羈于匏繫莫效鳬飛心實切於葵傾用伸燕
喜

柳全集

卷之五

五七

賀托之百拜據以寸衷仰祈鑒涵無任戀注

賀撫臺壽啓

凍雪漸融一脈陽和回宇宙條風初布四時瑞氣
入都臺萬象知春羣生煦暖恭惟鄒魯儒宗域埏
正楷運元樞于亭毒崇勲從歲序同新躋法界于
春臺濊澤與平華共霈況元始履端之會值椿庭
介壽之期原夫篤我異人忠臣卽是孝子所以眷
茲令甫元日永爲壽辰者也某忝逢上日恭挹下

風對階柏而銜孟雅隨飲柏懷院椒以試筆擬效
頌椒散綴蕪詞并呈輶瀆伏願燕愷樂昇平仰百
福誕膺平吉甫保釐推友愛祈千年永賴于君陳

賀紹興道年啓

恭惟新安鍾秀巍甲標馨郎署翺翔已著循良偉
績中外敷歷尤高明允蜚聲建節總名邦海晏波
恬民安堵留神傳正印義分利折士傾心蓋得象
山元晦之眞傳非直方履員冠之翹楚茲者日麗

柳全集

卷之五

五八

光天歲忽殘于爆竹風和海甸節已近乎歌椒際
此星廻愈瞻台斗顧自慚縑線方旋淇水之車而
職有人民又荷虞封之攝勢難越疆而晉拜心惟
隨物而上申伏願應節凝和備納和平嘉祉隨時
錫福大膺登拜鴻禧

賀王總戎壽啓

序緬白藏宵殷元武長城望峻遙瞻上將之星細
柳名高政逢初度之日有禽利執壯雄猷于師中

以律斯臧宣威稜於闔外靜閉戶而動脫兔風霆
聽其鞭驅平設正而險運奇鬼神不可摹測旌麾
舞影震驚谷蠡之魂眩鏘傳聲橈落陰山之膽某
學劍無成未遂請纓之志握錐何用徒奮投袂之
思抵掌談孫吳粗云梗槩矢心礫胡虜實藉韜鈴
幸親弧矢光華敢效剛陵頌禱儀愧不腆敢存未
將伏惟鑒涵曷任欣戴

賀新任連撫臺

櫟全集

啓

卷之五

五九

巖瞻巋重渙絲綸於九重節鎮凝嚴壯長城于萬
里衣冠妙選夷夏胥歡恭惟名襄北斗道振中州
馬圖龜書直探河洛之祕龍文鳳篆遍搜墳索之
奇肅憲度以如霆豺狼盡屏秉塞淵於惟月驂北
斯臧凡羣皆空 帝衷特簡欲驗物情夢卜先試
行兆撫綏大纛之建方新甘棠之思猶在舉手加
額鳩川隍社增春禧頌來庭屠耆叟落破膽某海
上畸人閩南拘士授之握筭不數鍾豆黍銖率其

憚愚莫辨馬牛蹄角問官固倉庫爲氏課狀則甕
瓮自毀幸托陶鈞勉策駑駘望典刑之伊邇目矯
璫蓮拱師保以如臨頂摩金臂用陳款悃代致賀
私伏冀淵涵俯垂霽照

元旦賀撫臺高

律轉春回天地啓泰來之運鍾銘鼎勒 朝家普
晉錫之恩萬物忻忻以向榮元公赫赫而底績恭
惟幹旋元化鼓鑄太和從馴雉而棲鳥名高石室

櫟全集

啓

卷之五

六十

繇棘司而柏府簡重 楓宸諫草御前封幾落羣
邪之膽攬搶天上洗永清滄海之塵鼎鉉卽陟于
中朝節鉞暫畱于東土珠星璧月青陽開左个之
春煥惑勾陳蒼佩列上台之重造化與人情並協
王言同天命俱溫蓋持國是察官邪暫凝霜于九
月而位宰衡調鼎鼎立承寵于三春某夙依北斗
今倚南枝風雲霄漢之扶攜企望如歲月旦陽和
之賞許覆庇猶天謹肅鯉函代申燕賀伏願元日

調元泰階開泰乘時杼素執魁柄以撫五辰靖運
流丹甍仁風而嘯萬類

元旦賀按臺鄭環樞

天開淑景泰階協應於六符 帝節元臣憲府駢

綴於五福稟皇綱之丕振占國運之惟熙慶溢履

端功宏贊化恭惟聖英鳳閣壓俊鸞坡秀毓文昌

綺臆煥一天之星斗珍羅武庫彩毫飛八極之雲

霞經綸再試於河陽龍召懋承乎黼辰螭頭獨直

楊全集 卷之五

六十一

豸服披忠攬轡九衢柏陞名高避馬乘驄兩浙蘭

臺聲徹棲鳥欽欽志肅千官阜囊鼎重翼翼衷和

九列黃閣需調方睿眷之頻膺適王正之始至律

回簇管青陽絢綵於瑤圖香襲辛盤黃道更新於

玉歷福攸暨韶華並茂勲猷同旭旦初升某猥以

謏庸渥叨埏埴仰瞻法曜但知稟繻芥於宗工讎

較賢關敢謂恢絃綱於帝綱茲歲洽慶倍荷洪陶

丐恩極切葵傾典局愧同匏繫見趨未便燕喜難

名謹勒彝表代申虔祝伏願伸議論以徹重閣白
獸尊首膺寵錫祈協訏謨而定國是黃鐘律成賴
鈞陶

元旦賀鑾臺張

寶籙延禧瑞應彤雲扶旭日璇宇薦祉光聯法座

貫薇垣歡溢八埏福崇九鼎恭惟應二儀之中和

總六德之純懿文章禮樂富蟠胸中雨露雷霆神

于掌上崢嶸五院之聲名朱紱登轡優渥九重之

楊全集 卷之五

六十二

龍眷繡斧昭奇特發白獸之尊忠抒肝膽茲攬青

駟之轡用並醴梅屬景運之方亨政樞臺之清豫

龍旂高擁談笑澄澗水清波烏府宏開咏吟壯吳

山麗色躋兆民于仁壽之域斂繁祉于熙皞之辰

坐看六合同春立觀三台獨上某幸沾湛露肅奉

仁風生意與草木偕舒向榮若葵英伊始效葵傾

于日下盤鼇忤于海隅伏願紉熙純嘏保合太和

萬福攸同常爲萬邦之憲百順駢集永樹百辟之

賀按院鄭環樞壽啓

繡斧瑞雲開喜屆履端于八百冰桃春色醉懸膺
繁祉于三千遙瞻攬轡之輝快視添籌之旦主
眷偕福星以俱麗淑氣與韶華而並臻恭惟秀育
堯封文探禹穴菁華蕊萼奎明騰石之期藜熒花
磚瑞映浴龍之兆當立朝而正色聲著坳螭洎
激濁以揚清化行江浙維茲華誕適應昌辰陋上
品之丹砂發東來之紫氣青臚日永八千歲以爲
柳全集 啓 卷之五 六十三

賀高中丞壽啓

柳帳春深長聳漢壇之重花籌海溢乍移周極之
華指東卯而日軌流光介西庚而霞觴薦壽折衝
綬帶囊矢懸弧恭惟履錫于齊嶽生自岱名高鐵
柱躋九列之崇班寵握銅符作三吳之重鎮邇者
鼙鼓鳴而層波偃遠銷四島鯨鯢鳳笙奏而鹿筭
增近集三山鸞鶴西湖月滿攬金鑑以星投北斗
雲開指玉函而天齊念某武林賤屬久荷幪包文
政濫膺實藉宸花雖一江縹渺望紫炁而猶遙
柳全集 啓 卷之五 六十四

賀南贛軍門孟壽啓

顧百服趨駟馳素械而恐後仰申嵩祝俯切葵傾
伏願劬劬近天坐捧十行之青鳥杯盤吸露笑
攜九關之蒼麟際王會于風雲締僊盟於日月
徽垣炳曜四藩仰斗極之樞華嶽鍾靈羣衆播日
升之頌惟帝簡在爲國儀刑信天篤生佑我社
稷恭惟淵源聖學衍仁義之真傳勸黻王猷植綱
常之鉅典治平久負名世氣象獨巍泰山提重鎮

於虔州豈第風清章貢霑湛恩于楚澤抑且聲施
粵閩績奏 彤輝几几然碩膚是遜寵來朱紱穰
穰乎降福孔夷茲當生市之辰適值履端之始青
陽布令唐階已發僊萼蒼陸凝暉虞廷更儀瑞鳳
海屋籌添八百種五德以耕耘璇臺履錯三千歌
九如而蹈舞筵開瓊玳滿懷拍拍總是春樂奏鐘
鼓兆姓欣欣皆色喜某等猥承陶鑄莫報涓埃遙
瞻紫炁騰騰福斂箕嘽之五散放亦衷款款祝致
壽金集 啓 卷之五 六十五

華封者三西方之桃東方之棗未能殫而獻也南
山有枸北山有桵相與廣而和焉伏願純嘏爾常
以其壽吾身者而壽民壽國燕喜受祉以其贊人
主者而贊地贊天雖祿位勲名爲大德所必有而
單厚戩穀永保艾于後生

賀南贛孟撫臺壽序

蒼龍啓歲華開氣以獨鍾元鳥司春挺英靈而卓
發條風扇郁台曜揚輝四國式舞且歌兆姓皆欣

相告恭維氣氤四氣翕張二儀翠柏青松天矯直
凌夫霄漢黃流玉瓚芳潔不點于塵氛恩錫弄印
以疏榮位履專席而特峻匪惟章貢列城之保障
兼秉閩粵諸路之樞衡適在斗指東方政逢星朗
南極天官簡長生之籍永駐朱顏 聖主思耆舊
之臣瞻杏黃髮行調嚴廊鼎鼎先添海屋桑籌篇
鼓闌喧鳥向綺筵來度曲亭臺香霽雲環綵幄結
成樓某等竊被耿光遙瞻曉曜雪霽江漲廣頌方
壽金集 啓 卷之五 六十六

至之川柳媚花舒共依載陽之日祝元公以難老
八百歲聯爲春秋輔 天子之昇平三千界咸躋
仁壽

賀丁撫臺

薇省勳崇懋膺掄擢之寵烏臺位重獨握撫馭之
權海國於焉波恬山川爲之色動恭惟金裝粹品
蓬島僊才克柔克剛兼吐茹而相爲用允文允武
時張弛而執其中睢潁濠泗之區過斯卽化豫章

漢沔之域去後見思惟 九重惠顧荒陬故七閩
幸瞻繡袞優游敷政知百祿之是適赫濯宣威信
四方以無拂遠夷奉琛入貢何事築鯨鯢而封之
老人含哺作歌誰不見羽旄而喜也屹勒勲猷於
彝鼎行剖帶礪于河山子民某益底酸鷄烏覩乾
坤之大穴中細蟻誤認垤壤爲高守郡無功徒應
呼牛馬不敢告勞于折腰衡文寡識更迷謬魚豕
抑亦自嗤其拙日嘲謂弗解夫尚白盼睐乃轉而
擗企集 格 卷之五 六

賀吳本如

徽省名高丕著保釐之偉績 楓宸寵渥茂膺簡
在之新綸光華過于台垣慶忭通于寰宇恭惟才
通文武德備直溫秉鑑閩中桃李春風荷培植滿

宜越地兵農化日藉帡幪遂協延推乃移蜀鎮蓋
益州千里古稱天府之土疆若巴國四方今號坤
維之都會適當勦勦之際特隆鎮鎭之司名位彌
崇事權愈重揚旌南服山戎膽落前茅仗鉞西陲
小醜魂銷後乘自茲錦城玉壘聯三江而水底綏
寧凡彼劍閣石門同二浙以倍成鞏固勿問元吉
未占有孚某荷庇最深叨恩尤久俟開榮命喜溢
常情聊修蕪牘以陳詞遙瞻紫雲而祇賀伏願豐
功載揚崇禱益近人情賢夢卜尊寶鼎於衣裳
廟廊藉腹心壯金城于樽俎

賀寶淮南

望峻三台端省寄旬宜之重眷隆雙闕分藩屏
翰之尊維茲瀕海陬區重借上公鎮鎭慶均僉祉
喜溢編氓恭惟名世偉人熙朝元輔儲靈金十清
操砥宦海之狂瀾結秀龍舒芳躅柱世風之波濤
膚動最靈宵雨曹聲著於鷄香異政表溫陵五馬

績高於虎竹秉鑑聚荆襄之奎壁行省屹江右之
金湯兩浙茂敷歷之功月微霜柏七閩新保釐之
托鶴繡犀輦仁風重被長樂之江山甘棠更需召
公之雨露此誠擎天碧柱坐分宵旰南顧之憂得
賄覆姓金甌永際泰交一德之盛某敢簪舊鹿桑
梓再天心馳父老之迎悵羈校閱日注旌旄之色
愧負瞻承敬飭下悃於魚函恭展忱私於燕賀極
慚翰藁曷既冰兢

初全集

啓

卷之五

六十九

賀李夢池老師壽

南國鉤衡振鐸沛七閩化雨北門鎖鑰舞千壯萬
里長城幸托跡于蘭門瞻依審邇望絳帷之岳降
喜忭歡騰恭惟文武全才勲猷茂績德業係兩朝
巍望道脈振百代貞傳朝端屬望於甫申謠頌傳
歸乎李郭某早託門牆培爲桃李瞻戟祇深雀躍
稱觴莫效鳬趨百頓而誦南山未展事師之禮三
祝以依北斗敬申將上之恭僭啓微誠少伸積悃

伏願卿雲光爛海宇清澄頓絕躍浪鯨鯢早覩朝
陽鳳凰五百年名世長銘竹帛于鼎鐘八千歲爲
秋永茂椿齡於圖錄

又賀李夢池壽啓

望氣中臺星紀叶崑雲之候感精輔座瑤池會應
昇之祥嵩呼雷動於油幢燕喜春生于絳帳敢舒
雀頌聊徂魚緘恭惟先人覺知後天純嘏體備中
和之粹襟懷霽霽月光風能修經緯之全器量恢
廓全集 啓 卷之五 七十

泰山溟渤養正無煩於真訣籌邊獨苦乎良工履
虎尾之險辛當機鎮定臨魚書之旁午着數精明
難息鑿山之吏民何曾活佛作用坐震驚波之羣
醜居然老范威聲以安社稷爲安兼壽學脈爲壽
南極星朗巧符南至之期陽明道亨方長陽復之
會和門懸初度弧矢多福迎長以俾昌煖律入難
老朋尊三軍就日而歌凱某等其託栽培桃李幸
聯點綴班行披寶錄捧金書常記蓬壺歲月到頤

池圖麟閣樂看將相神仙陳吶吶之辭新諧雲和
節奏侑箋箋之篚微贊公袞從容隨賓客而戲錦
棚心馳柏府稱國更而扶几杖目覩槐階惟冀俯
存可勝遙祝

賀喬按院回河南

玉律轉葭大火流而滌暑金鑾鳴籟商絃奏而收
溫政成及瓜榮輝行李節旄影動山嶽于焉蜚搖
聽馬蹄輕草木為之盤舞雖谷蠡之塵未掃霍標
擢全集 啓 卷之五 七十一

姚治第無心然河洛之流既安崇伯子過門亦入
堂開畫錦聽笙竿寒瑟迭宜筵敞秋瓊見觥罍鎔
籌交錯此誠庭闈之至樂人世之極歡者也某十
載萍游一官匏繫賦興松菊愜田園之將蕪職受
牛羊求芻牧而不得惠微宸庇倚切良規德人
敷時繹于思心頌不啻如其口悵郊亭之別緒搔
首踟躕式金玉以縈懷夢魂縈繞敬馳末介候叩
前關薄言修芹聊藉摠臆

端陽賀喬按臺

序屬皋月律應黎賓清蜩始鳴引高韻於午闌碧
桐初放映嫩陰于甲幃蘭浴斯馨雀占有慶五兵
不試何事佩赤符以辟兵三壽作朋且將結長絲
而益壽當茲具美念彼至仁榮歲遙瞻傾葵誠于
九頓斗山在望佐蒲節以一片伏句塵存可勝
九頓斗山在望佐蒲節以一片伏句塵存可勝

餞喬按臺再差山西

日躔在柳迓景福於重維旦啓中奎捧綸音而
擢全集 啓 卷之五 七十二

繼至蓋帝命匡我家國周爰咨諏適公曰畏此
簡書不遑啓處車棲棲而既飭馬駉駉以斯征寤
寐高標情甫懋於御李躊躇別緒思忽動乎分萍
况積纓之未舒敢稱觴其在後採荷曲沼效鄭氏
之碧筒折柳清郊獻謝公之白粥敬陳祖帳佇候
鏘鸞

賀文宗馮景貞啓

化成菁樸文章射北斗之輝任簡紫微使相舒南

訛之景權崇寄重望切神傾愧匍匐之未能幸飛
翰之有托恭惟質統四明精粹辭湧兩浙波濤斗
山仰遍寰中文正之科名不愧鸞鳳翔棲江右神
君之德化有徵廟堂幃幃典樞機共羨折衝樽俎
章甫元端敷禮樂尤優緝武經文九陛渙綸欲爲
清時敦矩獲八閩震鐸遂從洙泗溶淵源士風爲
之頓回 帝命於焉載錫行中書之省而承流仰
沫繁社稷倚重之區參執政之堂而特簡兼銜實

榜全集

啓

卷之五

七

宰相回翔之地瞻企更切忻躍奚勝顧某沾化雨
于輶車幸芳規見在桑梓挹祥風於錦里慚鄙俚
難和陽春敬藉雙鱗聊將一羽仰惟大造洪仁俯
鑒編萌赤意伏願作舟楫而調鹽梅九重毗賴入
公卿而出侯伯萬國瞻依

賀糧道畢見素

憲府宏開南國瞻法星之燦外臺儼肅中天仰台
曜之明惟茲瀕海隩區得借上公鎖鑰慶均榆社

喜溢編氓恭惟應期元老命世真儒秀結蘿山豈
弟夙徵於馴雉靈儲漸水丰裁懋著於合綽掄才
而麟角鳳毛譽歸秦鏡執法而風凝霜凜筆有陽
春爰以敷歷之膚功載厘節臬之寵命皇仁溢露
敷哉刪教明刑國柱擎天竹且爲霖調鼎某以小
拙猥備屬員祇奉靈威久蒙大造一時承乏藉手
金玉之規二天多緣朋名湖蘇之後義應堦墀握
領職羈雲水閒關莫遂鳬趣敢馳燕賀清分羅剎

榜全集

啓

卷之五

七

薦黃潦而槐瀆明臺紫照幔亭盼星辰而忤深下
走敬伸鄙悃伏冀崇炤

賀陽和道秦湛若

恭惟函三峙鼎抱一闢規文章夏上鼓金衙官屈
宋氣槩凝冰傲雪仲伯夷光繼天爲社稷而生乃
帝每藩垣是寄甘澍隨車而流節曾春暘祥風到
處皆薰川嶽色電稱當今名世合我公其誰某海
上畸人閩南拘士授之握筭不知紫黍縱橫率其

惇愚莫識馬牛行驟誤辱 簡命謬厠邊垣杆軸
其空四民之羸餒已甚輓輪不繼三軍之騰飽何
期通聞台旌榮履新任望典刑之伊邇目矯瑤蓮
拱師保以如臨頂摩金臂敬申非賀伏乞淵涵

賀連都院少嵩壽

望氣中臺瑞光應丹魚之照威精輔座揆度符赤
龍之昇權呼雷動於舳艫頌禱星環于柏府將至
人直游化國豈下客能奏華封恭惟開世奇英後
榜全集 卷之五 七十五

天純淑體涵中和之粹霽然霽月光風才備經緯
之全卓矣泰山喬嶽鎖鑰非公不可股肱惟 帝
其恂宿動微垣陸離疑燭龍吐出籌添華屋彷彿
是松鶴銜來旄倪祝三多之釐治域卽爲壽域將
吏廣九如之雅大年奚啻小年某幸以蚊蚋託攀
鴻驥識荆未遂方懷倚玉之恩御李白盟適際懸
弧之會式歌且舞願八千歲爲春秋俾熾而昌慶
五百年生名世徂亥之僅微贊繡袞容陳款

款之詞愧諧雲和節奏仰祈招納易任欣榮

賀王東白老師壽

恭惟天麟異品廟璣奇珍學海千聖淵源率數三
冬二酉文闡六經閭奧奚論諸子百家招士以
舉海邦小鶚大鵬成歸贈綴鑄人在治萃 帝京
純金美鑽盡入甄陶居宮尹之延登豈國本之攸
賴詩書絃誦既已有蒼震于中亨謨燭明諸行且
聖黃離而元吉茲者壽收按轡夷則鳴商南極呼
榜全集 卷之五 七十六

曜光映生申之度西陸縹緲瑞凝太乙之居五百
年而若五百年而相數衍箕疇八千歲爲春八千
歲爲秋算添華屋某拙難應世間不通方昔治粟
而今 金幾於倉庫爲氏出戴星而居問夜洵矣
牛馬自呼幸藉三生善因得返二天厚庇元元本
本敢忘水木從來懇懇懃懃思詠岡陵效祝翹首
雲霄之上恍若隨珠履以步趨繫匏沙漠之濱無
能攀絳帷而陪對敬將芹獻用展葵傾

賀同部

恭惟覺德融愷逸才敏該韞玉含金美哉天球氣
韻披英拔藻灼矣月斧精神握妙算于版曹軫杆
軸其空而出納惟謹借司平於常伯慮標蘇易竭
而贏縮有經勸勞簡在 帝衷華實蔚標民譽乃
膺崇陟遂晉內銓士必登賢誰不聞朱而結綬人
豈遺舊竊亦從貢以彈冠某兔園後生鴻千末品
劬勞十載人固指牛馬以相呼拓落一官心亦慚
糴全集 卷之五 七十七

倉庫而爲氏矧塞垣危如髮引牧圉可虞且藏積
幾若罄懸籌箸奚借幸屬江漢之履希與桃李之
蹊望衰衣於信宿莫遂見趨仰斗極以徘徊徒勤
雀躍敬傾英悃聊致片私



慕蓼王先生榜全集卷之六

六世從孫宗敏爾

附尺牘

請徐匡嶽老師啓

令紀嘉平一氣噓元黃之泰化宏樂育三生沐陶
鑄之私元吉其旋正脈斯邕都城春暉桃李不言
而蹊臯比道尊頑蒙皆實共腹茲者敬磨某日之
吉踞進椒觴言攀玉闕高儀式貴忱升來益之堂
糴全集 卷之六 怨之六

請陳如岡老師壽啓

令布長麻三庚協乾離之轂轉星煌太乙千齡慶
桑海之籌增修景方照元脈斯邕經帷化涖桃李
不言而蹊臯比道尊蠅蟻願實其腹恭惟先人覺
知後天純嘏中和具體萬乎光風霽月勛止從心



妙若語父默象。澄金鏡以甄士。彼或驪或黃。收之於形相之表。紫玉管而敷文。乃如綸如紵。貴之于情禮之中。行且帝鼎資爲鹽梅。寧直儒紳仰若山斗。茲當建未適。邇生申。弘矢高懸。見龍爲之應節。李瓜旅薦。升龜於焉效靈。鼓瑟來薰。何須運七輪之扇。入火忘熱。無事帶六癸之符。某輩葵藿心傾。頻憶蓬壺歲月。岡陵祝嘏。樂陪祕苑神僊。赫曦漸移。慶雲興想。煮茗供玉案。敢希河朔之狂。和酒

樽全集

卷之六

二

鑿銀冰。勿論長安之價。賡酬情聯於四子。蹈舞感切乎二天。所望鸞鑄。儼然貴止。匪惟捧朋尊而答問。共喜瞻之在前。抑亦倚壽域以步趨。頓忘腔乎其後。

請王衷白老師

紋線新添。巖節立八風之片。縱灰時動。暢月潛一陽之根。碩果喜見天心。點梅願授卦畫。借餘閒於講幄。萃惻款而開尊。恭惟德成兩三。學優寡二。摩

空奏賦。光暎天上雲霓。燃藜較書。精辨帙開魚豕。馳弓挂於海國。盡梗枏杞梓。收入穀中。正模範於爾雅。儼星斗山嶽。巍在宇下。此日傳吾君之子。指點墳經。異日爲聖帝者師。都俞謨典。某等蟲鼠脣肝。均荷陶鑄。草木臭味。敢忘本原。值連珠合璧之辰。效獻履賁機之意。薄采其藻。敬秩初筵。陽泰方亨。何用刻春之木。道溫可藥。不須辟寒之犀。侍坐見杜德機。潛契夫音希味淡。追隨忘苦孔。卓共

樽全集

卷之六

三

把平月。霽風光仰。冀鳴鑾伏候聽履。

中秋請連撫臺

玉鏡高懸。光帶蘆花之雪。金蟾微動。清氛桂子之香。佳節偶逢。清時胥慶。恭惟心涵秋月。清徹冰壺。肅號令以如金。威揚絕塞。普光明而似晝。照遍覆盆。仰霄漢之無烟。知謀猷之有赫。某渥承湛露。風被光風。謠擬仲商之吉辰。廣關邊城之皓月。轉桂輪而奏玉笛。徐登庾亮之樓。度銀橋而舞霓裳。則

泛張騫之棹仰祈輝賁俯賜寵臨

謝張薤院

乘輿振紀聿森風察於東南攬轡揚芬式擴露培
于封非捫心深銜明德叩額敢曝微私恭遇秀峙
西華望隆北斗仙仗凜 楓宸而嶽立殿虎名高
繡廬飛海國以霞騫臺島氣肅三吳惠浹談猷同
燕載之宏仁兩甸霜凝指顧樹澄清之偉績運籌
鹿勝國之理方將擁身建朝甄敘廣負辰之求遂
柳金集 卷之六 四

乃持衡啓吏操機最約朗鑑無私袖裏彈文已落
宵人之膽手中花筆自回寒谷之春某闔封賤品
浙水末僚守郡曠鯨綿力久無善狀衡文冒竊奇
遭實藉殊恩僅罷勉數月之驅馳何過承二天之
覆露涸姓名于薦臚魚目乃映靈蛇策愚鈍于影
鞭駘足遂同仙鹿驚心跼踖鐵威淵深謹勒鯨素
以上陳敢望龍光而申款于清嚴之重冀垂寬
大之條伏願宸衣繡裳蚤踐碩膚之峻位和羹甘

醴爰成調燮之隆勳則廣廈萬間盡屬帡幪而小
族一羽亦荷生成某臨啓曷勝瞻戀懇切之至

謝總漕王公

朗鑑懸空孰遁妍媸之照汰礫在後誤綴珠玉之
聯既懷感乎舊知更震矜夫異數恭惟八埏柱礎
六幕權衡學窮聖哲淵源靜照時探會天根月窟
心契中和妙用默運處轉移乾坤樞界鎖鑰于
保州華夷綏靖總漕儲於吳會淮漢澄清東南半
柳金集 卷之六 五

壁倚天鑄鑄然蜚芻賈果西北長江若帶飄飄乎
擊楫揚舲舒宵旰於指顧之中廣陶鑄於品題之
外暨賦物囊搜稱芥而畢書僊丹甕鼎引鷄羽以
聯升某聞海庸流江藩冗史心勞未能祿國覆餗
懷慚計拙罔效持籌斧背滋懼過蒙剪拂謬厠樞
揚濟斷飾以銀黃知非素質駕寒衣之紵絮仰而
長鳴遡寵施高薄穹昊矢圖報願捐頂踵謹三薰
以濡墨敬百拜而擁丹伏禱齊暉垂矚微悃

謝九江鈔關啓

粉署含香燦奎躔于北斗 彤庭錫寵攬潘轡於
西江侯志欣然赫濯籍甚恭惟瀛州擢秀渤海蜚
英煌乎經國之章呈琅玕於披腹偉哉濟時之畧
霽膏潤于夢刀積已奏其丕丕 帝特嘉乃采采
秩晉累部計握金籌當此杼軸幾空之秋兼夫兵
食告急之日簡書鄭重未能遽弛令于譏關民力
艱難聊姑示寬征于祝網門如市而心如水解愠
懣全懷 啓 卷之六 六

風清朔受命而夕飲冰理財政肅美利不言所利
寧須折及秋毫取民因以與民已見惟騰道路弟
某承乏五稔莫展一籌技已窮於塵垢批牒識安
能辨乎魯魚亥豕忽來西山紫氣遂拜萍陽素青
愧展候之未遑蒙腆貺之下逮咸益滋懼受且若
驚有膈內銷永言力報

又謝九江鈔關

鶴鳴子和乎一德於同心金斷蘭馨隔千里如談

而感君子不我遐棄思伊人在彼中央恭惟心會
天宗躬是世寶張以文而弛以武左右具宜靜則
正而用則和周折曲中 帝曰尚方之好用不足
國將若何公謂市廛之杼軸幾空關不可暴寧甘
前會之失祝網以開毋與無魚之嗟竭澤而取弗
損得益且見享二簋而錫百朋因節爲生何須治
三事而修六府如某者智似棄昏材原枵散葉官
版部偶同金穀之司結綬豫章竊附墳簞之奏久
竊全懷 啓 卷之六 七

設仲舉之楊猶爾高懸欲掉子猷之舟庶幾得見
敢先申之蘋藻匪爲報以瓊瑤仰祈丙炤俯鑒寅
私

謝王雲澤

樞臺開鎮偶依節鉞之光令府邸機謬膺華袞之
錫恩深履育功類栽培況宸眷久符于武庫且寶
區共屬于嚴曉進參版部之煩雅稱國華之選謂
宜獨司喉舌佐一人以變化原行且游陟台鉉乎

一德而和鼎實其策蹇追先辱厠使令之未磨鉛
試制敢當風厲之仁乃師相達士以相馬之法不
擇驥黃掄材以作梓之方頓忘尺朽誤加品目俾
玷光靈徒感激于蓬心思莫酬于碎首聊憑風以
抒悃擬就日以流丹仰噴台慈實慚塵涸

謝巡漕唐存憶

勁柏棲鳥紀綱轄聯乎支省征航轉錫哀緇續懋
于艤京不謂霜斧清嚴曲播露章渥潤揄揚溢分

謝全集

卷

卷之六

八

感哉銘衷恭惟陸海人龍熙時天驥心波湛漢清
靈脈於晉溪情嶽狎霄煥祥光于峴阜宏博嗣芳
仲友祕啓石函忠亮繩武于方風生白簡著甫借
而公私兼裕轡方攬而清濁自分萬艘連雲無驚
巨浪千箱積坻允賴安瀾流馬盡奇謀盡獨一石
三十鍾之費搏鵬張怒翼何難六月九萬里之程
固應登台席以開牙節輝金葉擢卿階於橫榻綬
豔桃花職某忝附一時之籍敢云同翼共飛謬薰

三江之儲竊恐負乘致寇詎意過情之譽倏達溺
職之躬數字褒嘉榜材與梗枏齊價片言剪拂驚
馬隨駉駉並驅敬七日以脩誠望五雲而颺謝薰
沐致江鯉情同噪雨之蛙明信薦谿毛喜劇銜環
之雀伏祈丙霽俯鑒寅私

尺牘

與宗國博

翹跂高規賦葉葭而徘徊舊矣適承乏會稽竊武

謝全集

尺牘

卷之六

九

末慶蒼黃重蘭意春風之座儼然道南可以奉挹
光霽消融鄙私不謂僊舟行邁竟溯洄而無從也
陽九迂生何分薄固爾哉越中八士飲吸道範如
化雨敷潤無論小龍巨枏勃勃昭蘇曹平陽何幸
乎豈一韓若卽對吏醉醉足博規隨之歌矣久缺
候問忽降華絨瞻北百拜愧感并發何以報之願
言金玉

與晏懷泉年兄

從組復之後得窺眉宇有稜稜紫氣而侍問淵疎
未能領悉元提印之中隔無何仁兄榮撤百里不
佞弟淹恤都門嶂雲江樹益勤寤思良緣天假設
也於越與仁兄共一省會道武林而東聽諸風謠
則歌太平召杜者塞康衢矣寶光霑煜十方普照
矧布席處子借壁上之餘尤爲密邇者乎敬以不
腆之儀奉布鄙私萬祈炤存可勝感饌

復胡瞻明

續金集 尺牘 卷之六

螺州古名區也足下鳴琴之暇仙鳬翩翩登臨眺
勝尋歐文二先生舊趾憑而弔之如見其人亦生
平之一愉快也下走挈瓶小智不敢睥睨天路避
器處冷林守癡絕而當事者反相齟齬淹恤都門
瘋憂若結陸沉東方生幾爲三尺侏儒笑倒矣甘
棠報政錫典休嘉士民流愷悌之聲尊人介壽榮
之祉足下此樂何可量數也境外之賜波及晚末
視目拜登主臣主臣

與晏懷泉年兄

日偵旄頭所指移床一瞬酣足千秋乃僊槎夜度
令山陰子猷不得一見戴安道退賦蒹葭益增戀
仰何金玉之有遐心乎世事如蜉蝣提衡實難兄丈
以製錦妙手割之縫之無不如志蘭陵非劇太平
非簡總之倉公所至輒解藥囊施有先後而效無
疾徐也不慧弟塊爾寂寞自甘局踣所持以振而
起之不終踣踣者非兄丈誰念嚶鳴之聲哉昔荷
涼更無以爲禮敬有不腆之筐奉將賀臆伏惟茹
酒不宣

與方大哥

昔荷涼更蕭然索居辱兄翁臨況連床促膝足語
千秋文園固多病乎且勃勃起色矣乃以老師大
祥之奠亟治歸舟不慧弟強賦白駒而不可得也
嘉客如玉勒在寤寐藉令不爲進賢冠所窘且買
一小舸走雲間道攀兄翁登眺覽勝弔二陸於黃

耳豈不大快而羈東一毡望崑山錡湖如在天上俗物哉俗物哉壘官之行適遇倉冗非意所及然此丈終不是無心人必有以相報也朱定海有便當以所教轉致之范叔無恙敝裘蒙茸兄翁戀戀意厚賜以二布卽縫長袍一襲被服高惠式舞且歌果何日能忘也朱君元度可挹愧廣文先生被杜少陵罵破不能作一居停萬惟涵宥是荷

與黃九石

轉全錄

尺牘

卷之六

十三

割裾而南涕泣如雨非敢薄外局寒官愀然作苦第念仁兄愛雅依依若穉孺子慕慈哺不置身途中藉庇輿舁無虞以閏肆月初八日履任此地袍屨不讓我溫陵格象揖讓而觀人文儘有佳致問別消息則茅椽數間風雨相虐二三竹床不足以支坐客一主兩僕數米量炊庶幾充果然之腹儻細君扶服而至又不知將安出矣言之使人太慙郵次每詢寶眷動靜無所報聞何淹留若斯之久

也玉堂固是高貴而孤食獨據誰甘同夢乎所淹四札俱已轉遞董貞復乃子猶然黃口郎君前事皆屬太夫人刺心發憤訊以上葬欲於冬閉了之朱公祖已出關弟及面謁劉太尊榮任後弟四日每見輒盛稱仁兄高誼可薄雲天候爾傾蓋深相嚮慕亦一奇也遐方儒吏箠篋不承鄉中愛我親貴如郭李數公及同年相知者皆不敢以尺一涸聞人幸爲弟呼名致意尤望室月天池使旌指日發都矣臨安得繫駒信宿尤所翹望便中有可假弟羽翼者幸加調護令撻植而行之夫終不至墜落坑塹則捐糜以報仁兄之始終造就敢辭難耶操楮幅側神與俱飛

與鄧環邱

思吾環邱一日則病渴一日思吾環邱一月則病渴一月無時不思則文閣之病何時已已啻亦苦矣使頭不戴進賢冠吾且持杖頭錢數百沽富春

水供吾醑。酹駕小舫。走櫓。率從三老子弟。歌頌仁兄治行第一。雉之巢。麟之定。可馴而窺也。乃盈盈衣帶。阻人執鞭。烏紗因人。固如是哉。金年伯壯志不衰。俠骨如昨。什一在內。什九在外。居然作范少伯湖上遊也。仁兄能爲之賦白駒否。

復呂天池

吾二人者。行同巖。憩同舍。食寢同居。起追隨。同談笑。幾三歷矣。不佞弟竟以失路。彷徨剖翼。分飛言。斷。陸集 尺牘 卷之六 十四

之何。不令人忉忉也。至於今。芝宇佳溫。無日不展轉寤寐。計使旌道武林。必棹遊剡溪。不寒舊約。而藉口于猷孤。我延疇仁兄。非是無心人。笑遽忽爾。拂裾受事以來。無一善狀。敝床確盤。依然窮措大。家風而鞠躬束帶。送迎江泚。僕僕然從邑大夫之後。靡分宵晝。督令墨卿。隨索隨應。使一副腎腸。皆非吾有。本圖輸嫺反博。煩疥釣之亡羊耳。何事獨邪。揄博塞爲也。悔甚。悔甚。費錦之華。粉榆紛紛。羊

酒僅有垂問。不佞弟者。則請曰。陸沉王生。非吏非隱。採菰稽山。欲賦歸來。而未可得。貌不加腴。毛則增白。此真消息也。塵垢絨膝。重累行李。瓶甌雜屑。又煩封識。仁兄恤念我艱。固若此哉。

與方大哥上舍

憶三山署中。老師命之曰。不佞從宦辛楚。將決計。明農鑿池灌蔬。夷猶卒歲。吾子宦遊四方。當過雲。閒。問我松陰之下。樂克試於魯。皆不佞喜而不寐。斷。全集 尺牘 卷之六 十五

之日也。何必關我。躬哉。德音在邇。牆羹不忘。不意老師之遽化爲真也。淹恤都門。不能束芻。趕弔。嚮遺蒼頭。代致鄙私。禮不嫌志。常懷耿耿。茲得新命。取道會稽。迫於程期。疾棹而至。以閏四月初八日。履任廣文。固冷而此中。脆薄殊甚。又冷之冷者也。一主二僕。蕭然對處。確盤敝薦。依舊窮措大風味。雖素性淡約。固恬然安之。而能免室人交謫乎。盈盈一水。睽我會晤。始信繫匏之爲累也。近日伯兄

何狀老師寃窳亦有期否便中幸賜赤蹠尤望

復張賢中

嘉賜稠疊令烏有先生坐客沽酒兩無所苦山荆
視瓶罍輒蹙蹙在眉間弟持鬚吟曰張義烏兄念
我飢渴不啻奉漏沃焦何慮瓶罄哉翼卵之恩錢
入鬲隨敬謝敬謝夫人心不同有如其面外謬爲
恭而徑肆整於胥吏此弟所謂含沙之射毒不可
狃而假色設誓皆弄我於股掌之中而欲甘心釋

柳全樂

尺牘

卷之六

十六

憾者也達恕以固彼情政仁兄處得力豈云疎漏
哉矧脚跟如仁兄文章政事上官所雅重而攝卻
之端俱已停妥自然保無後虞士各有偶人各有
儔近鼠之器亦所當忌也平湖丈質雅隱厚但世
態之變閱履未深故微有嗟失昔道尊王道尊過
會稽弟不自揣其分之薄也亦以顛藉相托洞轍
寸鮒而欲爲鵬鵬挽大河之水適足賈笑然兄弟
情誼不能默默仁兄負大力想當思共濟也使中

附聞願勿以冗瀆爲罪

與黃九石

玉堂佳勝漸磐衍衍甘惜涼吏叨藉涵育九淵之
浸未足以喻也廣文吟態自杜少陵一曲若吟若
嘲始猶疑其過於刻畫乃今非談虎且履虎矣夏
初受事弟與二僕踽踽暑中雖踴躍敝篋無有善
狀而操杓量腹尚足以厭鼯鼠之需今則待哺索
索斂形垢面交相徧讀尺短侏儒持糞果而驕釋

柳全樂

尺牘

卷之六

十七

之陸沉王生幾無以自抗顏色也年兄弟官於浙
東西者治行人人卓起皆足動上官物色又念弟
之採葢稽山一穗獨冷嘗有釜豆之遺而張義烏
兄愛我尤篤勤其臺人月旦再三至焉報桃以李
況實投我瓊琚如之何敢忘感錄也郭希老李贊
老解我剪臆賜以生全屢欲修尺一頃問而自揆
蕭瑟涸空雨於尊貴之前非所以爲恭竟懷咄咄
而止面時爲我謝曰吏隱王生七尺無恙當效犬

馬於後已吾鄉伯仲銜綸四出計此時聚首都門
與仁兄相朝夕者惟李鄭二兄耳董見龍兄決計
尋弟途轍至今未聞邸報此兄一生辛楚而科第
拓落與弟相類仁兄稍垂盼矚能使我二人價增
數倍儻有機便可轉涸鮒於清波願無愛大力焉

與沈上舍

佳況近何似乎彩穎僊僊暢豁元妙常逼東西京
而三之矣異時者風霆迸發端然現此神物也弟
願假百尺樓側坐我下床盡披足下武庫而日苦
跼束祇望屠門大嚼爲快耳齟齬區區以佐饕人
毋曰糠塵唾不屑也

與林奏五

仁風四嚙卽不慧弟亦在噓拂之中第羈束寒局
無從移床促膝脰就元提如在都下時爲悵耳不
識鳴琴清暇猶憶有癡絕王生否乎僊居吳老師
別號懷靜茲以一介行李觀花貴縣兄丈鼎嘗執

柳全集

尺牘

卷之六

十九

贊而北面矣魚懸如昨諒亦當爲下一榻因便以
姓名附候與居毋謂弟私憐同病喋喋然請解藥
囊也伏惟裁啓不宜

復張賢中

纔着烏紗便有幾許矛戟以仁兄高雅冲厚尚爾
事發意外始信此途多畏不啻九折坂也業已銷
釋無害政好平氣待之然濡尾之屬切宜豫防浙
東有二事情形稍稍相類一則闕而俱傷一則解
而解敗蓋世態翻覆百起百伏含沙之射中於藏
景爲毒更已甚矣仁兄慎勿狂且忽也呱呱弗畜
直是幻物弄精魂耳一措大無冤自足以大仁兄
之門何煩焦慮哉劉年丈見念鈞體德意憫我陸
沉不知何所修營欲此福地耶孫使君雅重仁兄
過於鼎呂彼自有所以重者儻積細可增斷不敢
惜一羽也張生藉顧足廋千金信貨可買敢佐決
之豈望報乎佳貺稠疊莫稱恭富今且誇陶倚矣

柳全集

尺牘

卷之六

十九

復樊道人

道味固如昨乎元暢超超點塵不罣真行地第一
仙也何物抱辱羈我若鹿樊中之神豈足王哉每
憶蘇門燕聚置二匏犀膝上劇笑浩歌樂哉此一
會也亦可再尋否耶羽原君至知足下稍苦微痾
射姑上仙人純氣不漏自有卻老卻病之方無煩
愈跼矣高情見念何以爲報有閒乎則過我而坐
如水之瓊

楊全集 尺牘 卷之六

二十

與鄧環邱年兄

弟之杖馬筆而南也量程計畧謂可以瞻觀縑裳
且處我下床信宿傾倒元祕及停撓檣李詢諸道
路而寇公之車猶爲彼中父老所挽溯洄莫從中
心如結至於今每一交睫夢魂恟恟若登覽五臺
佳處晤對笑詠第不識兄丈猶記有王生同坐陳
夫子春風座乎會稽山水爽秀如昨而苾蒨先生
輿楫不備蕭然兀守空甍未能極四適之勝以豁

襟抱爲之奈何老師欲賦皇華聞兄丈高調而止
別時寄語纍纍難以穎述然其意蓋可思也秀州
繁重視浦陽五之而神庖奏刀如土委地何足難
吾環邱哉鳴琴清暇揮灑之章料已足汗牛矣風
便幸無悵金玉

上李夢池老師

官家以南都重鎮肅清將吏壯萬里長城非老師
不可故且暫試大傳卽日宜麻大拜調和鼎鼐無

楊全集 尺牘 卷之六

二十一

煩夢卜而知其屬之老師矣愧某才命相仇前跋
後贖謁還得江右餘干而病魔作苦不能奉檄趨
赴乃上狀懇更教秩雖廣文冷窳且卑且貧然寒
澹涼疎只宜此臺鹽故味矧老師門牆彬彬經營
金石之業者已自不乏而峨述樂誨遠暢春風令
小子後生景仰山斗且切私淑某亦奚敢多讓也
海氛時作江防繁勞惟老師葆國珍重以慰遙禱

復何武裁

首蒼涼更無所比數乃台臺敦雋年誼踰於骨肉
干旄屢責焜耀片官適奔走在事不復鞠躬束帶
迎送道周文園病客渴仰刀圭竟爾分薄孤違神
祕奈之何不健羨淮南鷄犬也世故如蜩政台臺
盡力之時不朽事業鐫勒彝鼎某惠微宸庇使得
釋於罪戾民全無傷其爲榮施厚矣僊舟迅駛望
之魂飛肅此布復申謝不盡

與沈賢庵

柳全集 尺牘 卷之六

二十三

蓬蒿小品荷老師翁借以羽翼拔之踳踳內揆拙
疎不敢睥睨天路強顏設帳借仕易農庶幾主人
之鴈卽不鳴亦可免耳出都門時老師翁諄諄辟
咩謂寂寞片瓊非終身住脚之所世事如蜩卽刑
法兵戎亦當究勘某奉以書紳比之琬琰顧文園
多病什五參苓又此邦酬接煩贅竟日偃僂腰如
枯棹卽本業幾於弁髦何暇論繩墨之外乎每食
必祝惟願老師翁神力加強專調斗杓兄丈鵬圖

高奮踵武霄雲卽陞沉哉猶得惠微宸庇民完無
害自今以往誰非老師翁與兄丈生成之日也

與吳純所

我二三兄弟獻賦長安者若而我我幾乎就列巾
外皆珪璋之器也獨不慧弟自揆疎拙不敢睥睨
天路抗顏設帳借仕易農庶幾主人之鴈卽不鳴
可幸免耳乃此地枕嘉湖台寧之交上官往來如
織潮洞潮遶率以丙夜迎送米非五斗折腰欲裂
三尺短侏儒且持囊粟而驕釋之丈夫子恨不能
博一第百里雖繁劇哉而吏氣嚴重亦足發搗一
場胡爲冷局自苦與窮措大爭頭面也不意弟方
憊憊彈指學草解嘲兄翁足下故一代人傑也乃
變化翼於涓勺乎風雷迸發神物騰變非若醜鰐
托以終適已也願兄翁廣心圖遠爲弟龍光豆釜
區區何足介意臨楮曷勝馳戀

復李及泉

某弱齡染疾積苦傷心疾病纏綿疋羸已甚謁選
時告之主爵懇求致秩不獲成命敬天之幸承乏
實邑得藉閣下覆露鉅蔭庶幾寡罪不意數日閒
奔趨勢頓風疾劇起初筮既已如此末路將何以
堪用是上狀猥荷 帝俞政圖趨候忽承使至某
扶病束帶叩顙床下有此仁人先生龍誨周渥
忍負之而根器淺薄栽培難篤乖違德意自外門
續命也可奈何哉然閣下吐握休休遍及白屋小
將全集 尺牘 卷之六 二十四

上李夢池老師

華絨遠詔獎借逾涯且重以瓊玖之賜乃所謂出
諸懷中而與之者也如天之福何以當之老師道
德崇隆焜耀四海之望廷議屢屢推轂而未獲成
命蓋 聖明簡在將倚重老師以台衡當事注擬

奉合上心之所眷而俟者耳門牆螻蟻斯夕翹跂
實謂胙國胙民必藉老師秉鈞乃可非僅微靈覆
露而私喜脈脈也某不才不能自致青雲之侶計
謁選當受役簿書俾愚憊蹶不周世務疊疊怵惕
惟隕越足懼老師於某子也不以不肖而鞭箠教
令使得免於愆尤則以老師生成之身圖報老師
生成之德即捐糜所不辭矣

與林我所

吾二人者操毛錐對壘時第嗟匏落無用倘得一
當內外崇庠惟 天子使耳乃今弟藉有天幸揚
輶於先僕僕袍尋視職勸秋官署中已苦繁瘁矧
膺有百里之寄鹽米簿書埤益執掌不知又何以
馳負擔而釋於罪罟乎仁兄抱嵇淵宏峙當勁翮
雄飛致身九霄之上毋如不慧某鷲鳩淺圖決榆
枋而止也犬子某蠢鈍不靈其為文也每欲以里
婦而效西子之顰時時唾退之竟未雅化仁兄視

吾子猶子也幸以鞭箠教誨範之於馳驅不者躍
冷頑金投之烈火不亦難乎

與洪星南

家食時見握縣篆者巍然坐堂皇之上左析右膠
前諾後趨繫紳投刺而望者幸一俛眉便借爲顏
色私心以爲丈夫子當如是矣比來長安目攝入
觀令長策款段循牆而走趨起於高華之門矢名
奉幣慮不當其權乃幡然營外吏之不足貴也茲
得全集 尺牘 卷之六 二十七

且波及我矣又值寶宇多故今日責供億者縣明
日嚴裁減者縣萬一當衝繁之區奈何得周旋寡
過哉性固多焦外則虞仕內則虞家數莖頭毛幾
皤皤如雪較不若親翁雲臥松壑吟弄烟霞果在
義皇以上人也方明老之變出於意外聞之甚爲
酸楚且惻虛郎君一著然羽翮誠具無患不扶搖
周當勉勉勿怠升沉有定奚問君平爲所欲言者
不盡百千之一第遠道相勞苦寒溫耳

與楊致吾

迺者陽和之役仁丈授餐且加璧焉厚施未報念
之實使人覲然顧赤也塞垣艱棘已非一日而敵
饑則尤難之難者二運愆期府藏如掃戎士飢渴
無所依懷則日於餉臣曳長裾塵飯戲之不可盡
解療之不能果栗惶懼罔知所措當斯時也卽挾
山權農戰之術者未易設策矧拘拙如弟株守空
鎗周呼而莫之恤乎仁丈新命旦夕至矣鵬翼圖
得全集 尺牘 卷之六 二十七

上王東白老師

某行能樸邁無所比數惟是挈瓶布席或能殫其
四肢之敏乃謬辱簡書董餉邊垂此何異鉛刀試
割而責查蚤以負山嶽也矧時事枳阻蜚輓愆期

戎士飢渴追索若焦內竊而號既鞭腹之弗及外
嚮而訴又充耳之罔聞日夕怵惕如凜冽冰塞垣
發軔已若此其艱難卽挾山摧農戰之術者猶未
易設策而拘疎如某株守空藏沙不可量金不能
化尚能爲終歲計爲三歲計乎老師愛某不啻卵
而翼之矣幸曲加剪拂別爲推移使得施此負擔
釋於罪戾則生成之賜也永寧縣尹敬當奉命周
旋惟力是視旅幕羈絏不獲從諸生後稱觴祝慶

楊全集

尺牘

卷之六

三六

區區寸藹願不以翰囊爲罪而厚討之

與武連城

蒙茸秕稗晉積三替藉承宸宇脫於吏議乃又有
嬌州之役此一鎮也名爲京輔股肱而四履孤懸
輪楫不通薪枲蔬茹騰踴幾倍且也官民二運愆
期不至卒乘饑渴無所歸怨惟於餉臣瞋睨視焉
未審仁丈在事時與今奚若抑調度有方恢恢庖
刃自無慮輒憚也濮陽簿所輸大不及格敬遵明

命聽其自酌自補第未嘗持成式相問朝投牒而
夕抹馬去矣獎狀一如尊指不敢差池仰祈台炤

復經恤刑

景企斗暉非一日矣幸假善因祇承風雅信是叔
度千頃直令人各鄙都消也第五雲瑞彩可偶睇
不可頻攀則興賦蒹葭益動寤寐耳讀門下愛書
見仁人溫惻婉摯多所平反而皆以順逆爲基中
於情法之衡膚肺斯噬肺石不冤此豈讓曼倩哲

楊全集

尺牘

卷之六

三九

獄長者哉遠頌臺史感佩五中肅勒布謝臨楮

往神

復侯總戎

醒醒雕蟲無所短長於世此壯夫之所賤簡者也
故偏師一隊東阿急於求試而投硯封侯至今哆
然艷之不慧某曩亦嘗鼓雄嚮往而學劍無成忍
就殘蠹葢六羈省棘再洞公車乃博一袍尋焉居
相仰政高風仗鉞制勝爲國家銷氛寢燧一日而
禁中思頗牧乎則分茅礪山爲我里社交遊光寵

寧不大愉快也者愧不慧守玄落拓過蒙簡擢謬辱弓旌入蜀以來兢兢拮据幸而撤棘竣事矣政念詢侯將軍建牙所在束輶登龍而臺人適至賜之華絨又重之以嘉貺御李未能歸趙不敢敬承長者之拳拳也用賦黍苗之章而拜將命

與方老師二孫

曩在長安拜承手教乃知足下有天性之傷既而蔡情符年兄以入觀至相勞藉外便及老師電步

楊全集 尺牘

卷之六

三十

之事與尊大人啓手足之際皆成禮無憾雖聞此稍爲寬解然積嫩再世年數不延天之報施善人竟安在也豈直樹先伐醴泉易涸造化小兒亦莫知所以然耶不佞賜齡伶俜幾墜門戶漸縱以後始苦勵薪膽發憤而有今日生我者父母成我者老師水木元本何日忘之顧千載萍浮一官匏繫未能以炙鷄絮酒制伺赴弔每念輒惋惋如割也同人先號北叟後福往籍微言斷不我欺願足下

昆玉讀禮既暇勉修大業奮繼祖武則在關之賀不佞竊被寵光多矣

與李斗初

弟受事且半暮矣殊無善況足慰知己乃曳裾而憩皆辛苦墊隘之狀信足供胡盧也前餉三萬四千奉部文差官赴領乃鍾別駕往候五十餘日猶是一場畫餅豈宜鎮非朝家股肱地可任筆勾抹耶勢已急矣故備揭始末稟覆堂翁幸爲弟再三

楊全集

尺牘

卷之六

三十一

德東即時遣發若更有稽延疆場之事未可知也塞上情形具在揭中謹露封呈上兄丈先一覽之然後轉致堂翁全鎮瞻仰在茲一舉萬望神留感錄無量

與王總戎

淳維稽顙致書匪伊朝夕乃者狡焉啓疆似亦講張虛響句盟境上耳門下隆望壯猷卽樽俎談笑已足伐其謀而擬其魄矧大車焯焯揚旄擊斗彼

臬闢雖殊類乎料常聞聲退舍矣第能左藥右鼎
周旋鈴閣之下請擬入塞一曲以佐鼓吹可乎三
日不見如隔九秋謹遣執父代問起居

與張覺自

弟蚩蚩昧子觸皆徑趨微惠司南庶幾不卽淪墜
奈何事與願迂忽翁臺有天性之傷孤孰餘生聞
變心摧淚且霑霑下也矧翁臺仁孝篤華瞻帖泣
慟又當何如耶然尊大夫春秋高矣給章稠疊既
騁全集 尺牘 卷之六 三十三

介景福人子雖有無窮之情豈能勝造物必盡之
數哉願翁臺無過爲哀毀長途開關厚自護持讀
禮之暇味腴道真以養性靈搜繹國典以豫經濟
詩人所稱永言不貲者尢在茲矣弟羈縻官次無
能及於哭泣之位敬治束芻布之几筵萬惟炤亮

與李斗初

鍾別駕歸手授大函且備述嘉德曲加訓護弟北
望稽首傾頌鴻慈癡絕王生何幸有知弟愛弟如

仁兄者作邊臣與主也顧敝鎮軍需月費不億而
互市冬衣計二十餘萬金皆于此時取辦頃者二
萬至庫健兒爭取如開瞬息立散依然烏有夫求
之之難也如沆瀣點滴用之之易也如尾閭飛傾
則奈何不令人色動膽寒耶昨閱邸報見 上旨
發帑金以資邊餉歡喜欲狂已懇洪南池年兄從
中推挽併奉尊命薄致謝悰矣伏祈仁兄此番大
爲弟憤發鼎力更賜數萬急拯目前仍指馮外運
騁全集 尺牘 卷之六 三十三

限以程額弟有胸有心其敢忘此恩厚哉特龍游
瀆願從寬計

與朱吏部

曩者庚會之役藉承塵誨佩以周旋勞則盃酒相
勉暇則劇談相歡形骸爾我幾脫畧都盡矣旣而
翁臺爲遷起部弟遂離索孤居靡所適從辱不鄙
遺惠之以佳刻沃之以清聖屢施未報豈其朝濟
而夕設版乎蓋每飯未嘗敢忘汎舟也客秋從事

錦城道梓潼而式長者之居盤辟低回賦藁以
往撤棘而後則問道水濱瞻望弗及至今猶聞然
魂銷焉景光如駛轉盼非昨翁臺茲且冰鏡高懸
澄敘流品矣未審癡絕王生躡蹻塞上亦可激水
西江游泳枯鱗耶抑止許談及風月設勞扣角也
吉夢久占石麟成隊願使聞之肅勒申侯臨楮曷
任懸馳

與林省菴

詩全集 尺牘 卷之六

三十四

十年萍梗羈東天涯欲一賦歸來而不可得此北
山風人所以有慘慘劬勞之懣也弟自治粟竣事
決策乞沐而敝堂翁苦不相假借又督之以邊儲
之役此一嫺州也內護陵京外逼虜巢卒乘萬億
饑渴墊隘日惟餉臣耽耽視焉而時事孔艱庾歲
若掃官民兩運一鎔不至開者左賢無祿曳落秦
動都護將軍且以戍士數千彌縫境上迫索餼芻
何啻湯火乃株守空鑰百計拮据遠號則鞭不及

腹近號則痛不切膚譬如蝦蟆作聲亂鳴竟浮沉
水中而莫之拯救弟性固多憂危而肩此負擔遭
此窘匱益復風夜愁焦署中試持鏡自驗則盈頭
冰雪滿面縐紋假令翁丈一見驚是虺隤老子不
認爲勳時嬰鏢王生矣台席甫溫徑爾唐突萬惟
寬計曷勝汗惶

與東橋兄

詩全集 尺牘 卷之六

三十五

讀書二十年始登第遊宦十餘年不歸家任是鐵
僕亦且耗氣憤神矧弟也勞勞百狀艱難盡
已身涉之乎天下幾許大足跡所未到者僅東西
兩粵耳峻嶺危川窮邊極塞世人躊躇吞嗟獨使
竭蹶以往命之所造與人之所設皆不可知也今
且頭上堆霜與兄爭大白矣弟雙眸炯炯燈下尚
作蠅頭細字毫無善釀則已有則飛騰半百猶無
際倒態此弟近日消息爲吾兄一吐之姪輩居食
聞稍寬裕不具贊

與可明姪

嚮苦嗣續之艱。今聞熊羆且種種矣。蚌中珠孕。晚者多奇。問所從出。婦耶。媵耶。主人翁管可將鬚而笑也。詎兒賴婦。未報夢祥。業各效顰。卜妾儒生。骨騰寡術。閨闈床第。調養和氣。無敗德亦無隙末。此最難事。爲我附耳教之。叔老矣。塞上風塵。益增憔悴。惟公案稍了。退與糟糠對談。一晌。強自寬耳。

與李印山

楊全集 尺牘 卷之六

三十七

長安邸中見蔡仁菴扇頭題贈乃兄丈所賦捧讀再三。遍昂藏之態。凌雲千霄。弟鼓掌而笑曰。壯哉。李君偃僵猶昔。吾黨有人哉。且擲揄大蔡欲其背城借一。從丈寧旗先登。顧三刀之夢。竟不可挽。則大黃持滿以中。率取萬戶侯者。非李將軍其誰哉。而又有大故奔哀於萬里之外。豈尊相未當侯耶。且固命也。然三基瞬息耳。醜禮之暇。畫地爲軍。石可沒虎。可射誰謂。獲臂終不能得所欲也。塞上難。

難視治粟都中更逾十倍。強令王生跼踖行。開欲

賦歸來而不可得。亦造命者安排寧敢有所恨乎。

絮酒一醉聊展寸棕。令比玉未及。耑候伏祈。酒炤

與劉婿

歸期屢訂。夢魂翩翩。且謁拜先人邱隴。與舊時耕釣之處。徘徊翔翔。不謂勞債未滿。欲索笑沐猴而不得。遂一行一止。信非人所能矣。新督學料已履任。曾補考了此場公案否。孤塞荒涼。薪米蔬茹。貴

楊全集 尺牘 卷之六

三十七

都城數倍。當此盛夏。衣被猶然裹綿。不識秋冬。栗烈何以禦之。每與老荆計慮。咋舌咬齒。益懷想鄉關。度日如歲也。阿舅相助水薪。阿女稍服儉勤。阿甥取蠟作鳳。竊爲浣慰。

與朱二母舅

私念從舅食力城南時。廢簾中得弔古戰場文。一帙高吟。嗚咽愁痛之聲。驚動四鄰。繼而棄故業。治雕蟲技。每丙夜篝燈。誦書未嘗不撫几咨嗟。繼以

涕泣同舍聞之。怪其音之哀。以楚而不知某焚孤苦恨。隨感輒發也。茲幸冠進賢。稱仕宦矣。而王事鞅掌。埤益我躬。未獲乞沐歸里。焚黃告墓。則退食之頃。又且泣且痛。視向日何改焉。勉強支吾。明春當上章請假。微舅翁車騎。謁父母邱墳。庶少舒銜恤耳。官況不爽。具三母舅札中。不敢再懇。

與朱三母舅

乘馬唱騶。則謂某是個官人。而京理粟邊理餉。持籌辜較。日夜兀兀焉不得休。此與賈豎子何異乎。且數十萬戎士。命懸股掌。區釜之供。稍不以時。胥譏作惡。闕然至矣。性固多憂。而肩此荷擔。益用冰藥。舅試爲某念之。當決何策。釋解驚散也。舅老矣。想弟妹婚嫁已畢。此時善願齊心。無所呈礙。亦足一快。但媿某十年仕宦。猶作局趣輾轉。不得乞沐歸里門。奉金爲壽。渭陽之思。中抱耿耿。祇候居起。未盡欲言。

與樊兵道

奉觀芝宇。頓釋蓬心。乃爲紛遽所奪。不獲時時倚百尺高樓。飫領玄庵。則輒令人惘然自失也。承取拙墨。搜之篋中。僅一殘冊。後場俱已飽蠹魚矣。敬錄前場二七首呈上。豈其敝帚而千金享之。聊以應成命耳。恐台丈見便欲嘔速浮沉之可也。草勒布候伏祈崇鑒。

與戶曹司廳

守藏之吏。自談有無多寡。是職司固然耳。乃談寡談無。奔懇再三。而上不我顧。僚友不我援。倘一旦河決魚爛。戎士嗚咽。惜兀四大曾何足愛。如國家大事。何仁丈素振人之急者。矧焚溺幾迫。大聲疾呼。而不爲弟一引手乎。願請雷侯。籌策與堂翁商之前。餉已盡。後饋不繼。沒麪湯餅。非出蚩者所能辦。持漏沃焦。切不可緩須臾也。薄儀媿不成享。併祈昭納。

復江玉林

儒吏邊吏皆非小弟離所宜只好奉承犧牲祿
祿聽敵於翁丈足下耳庖事之不供其敢僭及樽
俎乎左賢無祿乃襲冠帶祠春秋者房中倫次已
定矧重之以朝家威靈必無他慮所可慮者惟鎖
藏若掃蜚輓不至健兒索哺日環庭堦誰司筦鑰
而可以塵飯土羹療其饑渴哉坐此軫憂不遑風
夜翁丈何以教之使就寧所也前命郭琦已越格
榜全集 尺牘 卷之六 四十

與洪伯恂

十年遊子萍梗西東執鈞於蠶叢之道筦鑰于沙
漠之場皆清宦所不屑者而樂集于我躬此北山
大夫所以有慘慘劬勞之慰也賢甥決計開隱自

貴邱園桑麻既長雞鶩亦肥優哉游哉納稼課子

之外毫不關心真所謂人閒清福矣羨羨邊塞寂
寥兒婦至不覺喜動顏色意欲留之度此三冬而
極北氣候秋初已凜凜霜寒砭人肌骨矣知非脆
質所堪遽遣南還聚難別易令我肝腸酸楚則可
奈何門閭之事素承厚雅無分鉅細必相顧問仁
人用心若此哉景升豚犬未有以報也第竊嘉歎
而已。

榜全集

尺牘

卷之六

四十一

與可臨姪

吾鄉薦紳宦游南北歸而出出而復歸者車蓋之
往來如織乃癡叔獨淹邱於外十有餘年丐沐不
得掛冠未能夢魂繚繞黯然在湖山之舊蕭索甚
矣老姪宏抱優紳至今不業景升二雛竊奉教益
免沒字碑之誚已稱厚幸敢望武接耶誨兒告還
手勒相問天衢雄飛願言努力賤名別署

與杜鳳林

仁兄拜董漕新命矣煌煌書錦言旋言歸何快如
之邊事孔艱竊直談其梗槩倘借墨卿纒纒布紙
上竊意仁兄當亦爲我投箸也見劉參知潘功郎
幸呼賤名謝曰諸伯仲自鸞皇王生自牛馬業緣
有定其可奈何第埤益鞅掌不能不羨班景倩僊
翩耳台旌以何日榮發乎遣一長鬚附累行李長
途煖橋當自給之伏候俞音幸勿峻拒

與省愚年兄

楊全集 尺牘 卷之六

四十二

嚮謂治粟勞矣然斜照漸西策馬歸署滌障而之
糠垢拂沾衣之全塵聚頭促膝或酒或弈或醉或
歌歡欣快適夜且達旦吾烏知倉庾能困人哉自
離羣索居繫維上谷蔬茹不備竹樽長空舉目談
笑無與爲伍如澤雉在樊籠中神已不王矧儲備
瓶罄措應多艱其將何所稅駕乎仁兄請以食箸
亟爲弟籌之馬鳳老盛舉成都之政去後召棠信
足徵也董年兄屆馮許裴張諸老俱代呼賤名致

復陳魏

益部之役執轡境上辱承台丈敦念維桑旣飲食
之又教誨之豈惟羈旅勞臣頓忘飢渴抑且言言
書紳佩服無斁矣玉帛戾止願執鞭弭而竟踟躕
門牆不可攀親至今念之輒黯然自失也么磨郎
署承乏封疆一時共事弟槩不敢闕以邊幅矧張
老公祖尤吾儕之父兄子弟歌詠歲節合掌自佛
而未能諸所祝者乎敬當捧席鉤扶北面而脩孫
仍之禮寧第曰揖客已哉幸勒復未陶翁情鮮
羽可假幸惠法音

與可綯姪

天涯遊子誰不念家矧阿叔老且冉冉至乎邊塞
孤懸與匈奴之居僅隔一帶億萬師旅時其儲芻
而供其匱乏惟於餉臣是賴此須驍雄壯夫一飯
平斗者方能堪之奈何今霜髯龍鐘籌畫拮据乎
哉姪孫器骨稱吾家千里駒踔躐奔騰使倚見之

山川寥阻。不得時取文字。與景昇二子別雌雄耳。語短意長。老姪念之。

與吳塘表弟

樹藝之業。阿兄嘗躬親之矣。鐵鋤銍艾。勿有暇日。荷風雨循序。滕蛟不災。倉箱盈止。官稅既輸。門無追呼之吏。夜無驚吠之厓。此亦農家快活第一也。自佗慕徙業。宦游湖海。別親戚。離墳墓。不得賦歸。來者十年所矣。蔬茹在口。布褐在身。與田間僮父。擲全集 尺牘 卷之六 四十五

與外弟紀春元

代陽令許生兆金者。湖奇士也。每試輒居高等。而連不得志於有司。游學南都。人爭師事之。館金盈壁。而生平善病。悉以供參苓費。不暇治家人產業。晚且癯然貌。寢心竊憐之。不謂拓落至今。始以明

經佩墨綬。則又爲之輟然喜焉。謝公祖在郡日淺。弟嘗與龔潤寰李斗初諸公。致酒清源。一奉慰勸。未有綢繆深交。不敢徑通尺牘。燕閒語次。齒及臆。各併推轂。弋陽令可也。

與于振方

聚而別別而聚。聚而復別。江亭柳色。猶且依依。弟也。臨岐能不關情。但不得挾數尺長翰。于飛提提。隨車旌翩反耳。粵西政簡。以台臺慈愷。清靜鎮而擲全集 尺牘 卷之六 四十五

撫之。此邦士庶何幸。而沐浴元波。嬉遊化日也。然聖主方勵精。改弦搜揚。宿德鼎軸鈞衡之地。亟當宣麻。彼中安能久借我于定國哉。祝融煽赫。嶺嶠阻脩。暑氣尤倍。噦噦鸞聲。且行且止。切勿叱御長驅。也不腆一片敬勞。鞭叩雲山。西望踟躕。臨穎不盡注嚮。

復閔曾泉

緊昔通籍雅締序。鴻不慧弟得以千里之蠅。偶旅

行尾金臺劔合聯床促膝依稀乎伯仲堪羨也乃
老年丈皇華畫錦而弟索居長安鄙吝芽檠遂爾
滋蔓風雨之夕緬思老年丈累德崇仁乾肺可噬
肺石不冤當事者以卿貳岳牧虛席而俟愧弟才
疎質最承乏劇區兀無豫咎何能微祥風萬一而
哀鰥哲獄爲貴鄉任職臣哉政在徬徨閒而台緘
鼎臆忽自彩雀嚙來令人劇德汗腮謹對使邊巡
稱謝

柳全集 尺牘 卷之六

四六

復陳年兄

憶昔滇楚道中聯翩罄款把袂如昨嗣是契濶芝
宇戎易周星丰情竟成神晤老年丈治行卓犖分
符嚴陵開桐江釣絲繡徽天漠不慧弟何幸得多
餘輝以自華潤也抵任時舳艫夜經貴治所謂黃
昏渡俗吏恐羞清風博笑自點耳富春地主顧乃
割水索瞻念故人而鼎鼎薦加之萬有餘載愧莫
敢承附壁鳴謝曷其有諉

上馬制臺

方今邊事劬勩幕府多故台臺以龍圖夙望借重
行邊鎖鑰九塞居然萬里長城在昔周召出而經
畧武功入而揀衡宰輔台臺固清時周召也夢卜
大拜日可俟矣某治餉無狀卒乘饑渴不能拯救
藉承覆露營伍晏堵脫於罪罟而一麾出守復當
孔道勞薪執掌心固甘之政恐齒髮前爲仇讐卽
欲鞭愚朽以道官謗道無絲耳台臺鑪錘在握陶

柳全集 尺牘 卷之六

四七

成後進拜別之頃慈仁有加祇令威戢神一夕而
三馳也

上按臺喬鶴皋

某不奉顏色聆慈誨者三時而邁矣乃台臺之霜
威露德則時時慈戀膈中也方台臺之持斧而出
封章而入神羊悚角蒼隼驚飛無論三邊川嶽色
動九塞可以凡封而百辟可以羽儀矣某無似獲
以職事快覩清光竊自謂有八使而千載稱御史

有臺下而千載無八使非虛語耳拜別以來遠守越郡孔道四周簿牒百集以匪材繫維其閒何異蠶負令得如臺下者師而帥之提而命之庶幾無大實越以速官謗乎高誼霽深刊酬耿耿

與副總戎王仰齋

異時某以天子命與將軍會于上谷將軍桴而不佞鼓之將軍談劍術而不佞歌凱鏡雍雍乎折衝樽俎閒矣方今南北多故幕府有事赤白囊塵下轡八石弓鳴劒伊吾磨墨盾鼻題燕然碑縣官安排麒麟如後將軍故事丈夫處此差足愉快不佞之爲愉快而後可知不佞別來驅車杭郡繁衝紛紜譬如八面鋒而縱橫其閒神怔怔戰也北望轅門繾綣如昨葵邱把臂續當傾側

與黃節吾年兄

某宣賦之役以糠粃先左右內畫外据期上不負簡命而下不負師訓然卒良裂莫支而兩無當也

楊全集 尺牘 卷之六

四八

老年丈高標偉綴珠玉爲後料趙營平一至金城

湟中士卒如在枕席何慮先零早開哉近簡郎報

讀老年丈封事忠肝激論侃侃憂時至爲肉奮而

神飛異時立朝丰采端爲望之蓋老年丈吾年譜

中景星也幸復同署觀型有日司餉最績直緒餘

耳弟浮沉郎署慚無寸豎可爲吾黨光茲叨轉越

郡地衝事拏內方寸外七尺疲曳於供億罄折期

會閒鞠手而不可脫年丈仁心爲質果何道而可

楊全集 尺牘 卷之六

四九

藥我膏肓乎簿書之暇敬布腹心

與李翼軒

中原士鼓篋縹緲名下耳相慕則翕然以台臺爲穎鵠蓋台臺文章德業實人世一菩提今者總憲諸司提衡三晉畫象敷教千載一時某無似嘗以職事密邇下風佩沐教愛爲多每自謂晉都會也於山有恒霍於水有龍門閒得台臺爰增而勝異時三槐九棘蒼生卜其安危矣某浮沉仕路鹿鹿

無所表豎治餉上谷遭遇艱難株守空藏徒懷竊
憂轉守劇郡道周事紕百相繩而百叢責也何時
得坐春風教益中而左提右挈之爲恩哉西望憲
臬戟衷馳膈奉候台禧仰于璇炤

復衢州府張七澤

冗劇之司無如郡守而古杭又焚然都會也不慧
弟濫竿其閒勞薪執掌如庀于力千鈞之負幾何
不實而越哉所幸台丈耿耿鄰壁餘光可竊襲以
縹全集 尺牘 卷之六 五十一

自鑑臺台丈仁心爲質輔以英猷直令三衢居然
穎川五鳳閒也踰幕踰幕閒者旅航經貴治弟以
履任期迫小舫前驅不意辱枉干麾歸臨江潯前
途聞之初夏愔然負冰此罪當何荆塞哉乃貢記
未遑飛檄復辱令人愧感倍深謹附壁奉謝

復詹遂安

門下製錦才高暫借爲百里眾父桐江一絲清風
高節得門下若增而勝不佞近在郡輔時時披拂

琴薰以譌解阜也所愧者地衝事繁綿才莫支周
行相示實爲門下望之乃高誼薄雲翰脫忽自彩
雀銜來讀之芬芳齒頰奈執掌它奪不獲賡酬謹
對使誦謝

復俞如愚年兄

嚮直謂京庾之吏批據作苦耳及董餉於邊而儲
運不給受事於杭而奔馳難周心瘁形疲不可支
吾譬則庖廩之子以百鈞壓其背且責之掉臂而
縹全集 尺牘 卷之六 五十一

趨寧不憊乎承誨諄諄非兄弟髓膚之愛宜不及
此顧武林省會之區四方巨猾羣聚作蠹縱之以
寬彼固無所忌憚束之以嚴使其手足莫措則怒
謫四騰矣蓋非治武林之難也此中縉紳士類爲
我師資所難者乃異地而聚廬託處者也藥石雅
言敬當書紳

復陳成所年丈

游淺下材附庸年譜長安繼繼不慧弟承受明德

實篤且摯嗣是牛馬奔馳鱗羽潤稀疎節之罪累
繫邱獄矣乃香案餘閑緝經吟弄猶念及倚王餘
穢乎自麾守劇郡勞薪罄折期會閒卽欲修候冗
莫致之而台丈腆焉先施啓篋焯焯令人汗下謹
對使誦謝藉手而璧將之相思如結願炤赤衷

復莊陽初

弟株持鈍樸無所比數台丈敦念維桑之雅寵渥

鄭重焜耀門坳令人且感且愧而高情綢結何日

楞全集 尺牘 卷之六

五十三

忘之乎承諭諄至非惟徵台丈愛師之厚而所以
待弟者亦不薄也蓋居官政理當握以平衡卽細
微舉措着一毫意氣之私不得矧大獄問讞出入
輕重天地神鬼臨而質之通國耳目睹而聽之稟
稟三尺誰敢顛越台丈行法平恕固今日釋之定
國也不慧弟敢不仰體德意苟湯網可綢四肢之
敏寧有愛焉

復劉參戎

方今幕府多故天以虎臣生臺下金印封侯旦夕
在望區區撫組練數千飲馬海上令轅壁有堅壘
何足一大當哉不佞誼叨維桑心夙慕蘭日者承
乏武林未獲飾冠劔爲將軍壽乃辱不啻蒯而鼎
臠先施情文腆摯拊念閒重違臺下之舉奉謹拜
登頌謝不朽諸心惟其鞭弭統圖嗣佈

復須日華年丈

丙午秋不慧弟有蜀之役維時仁年丈謁補金臺

楞全集 尺牘 卷之六

五十三

匆幸開款焉總候今者年丈構李政成蘭臺玉署
爲報非奢雖云俸未及瓜而且暮雲需可勿問之
詹尹矣弟叨守劇郡百凡總萃日夕冰兢恨不得
翅而承年丈辟呼左右也脫儀過厚顧影何堪盈
盈衣水玉人一方便鴻嗣佈歧予望之

復紹鄉宦徐龍環

於越佳山水禹穴蘭亭千載爲光惟是老先生門
下以攀龍續虎之望式靈其閒南州美甘煜然玉

馬前魚犬不慧時昔之役獲遊門下左右一別十
禪悠悠我私遠莫致之茲濫竽杭郡地以四周而
事且百集不慧日夕嚼冰兢兢三尺以斬上無負
國下無負氓而未即安耳乃門下鼎貺薦加直著
簪之是念捧閱開令人媿感併集謹對使誦謝

復陳四游年丈

冗署得華封啓而覆讀慰誨兼至非折肝相信必
不及此以仁年丈游刃妙手恢恢無畱行宜乎政

楊全集

尺牘

卷之六

五十四

聲四馳而顯擢可勿筮埃矣積逋沿習何足爲神
明令芥蒂哉大都仕路險巇一絡足其中卽兢兢
三尺不容錯半趾此吾黨之共憐而迂疎如弟奎
負鉅都尤爾凜凜也辱蒙俯愛鼎貺薦加弟知感
矣而未知所以報也鴈行栩栩飽沮地分睽切中
丹肅復不盡

復陳清波

丹陽去三竺數百里而近吾舅甥者宦地相望耿

耿五雲閒彼此耳舅才乃大常質復木驢賢甥所
習知茲承乏杭郡何異責倭佞者以鼎負督黷躡
者而致千里也杭固舊所臥理地此中百凡習苦
計無容贅矣乃賢甥篤念戚誼錫之翰貺且不靳
藹石砭我膏肓自非至親誼不及此感戰何可言
宣也惟是丹陽峻績人稱真刺史將來專城憲臬
直日幕事世有楊輝甥涓陽愉快而後可知

上沈蛟門老師

楊全集

尺牘

卷之六

五十五

仰惟以名世先覺爲當展礪衡立朝丰儀歸然中
興第一蓋在國國重在野野重主知輿望願願復
相司馬家而以四明當巖洛矣閭茂之季某小子
構庸謬辱栽培倖徵通籍以迄今日居忝內訟咄
咄措大何由有此日也則吾師相公施生難爲德
父母難爲恩矣從吏十載浮沉中外司庾而糠粃
作苦督餉而措給靡時茲轉守杭郡復當繁劇薄
膏邱桑賓旅途纖內方寸外七尺日瘡糜於罄折

卷埒開百叢鞅而百亡當也且也首夏卽事而蜥
蜴爲妖九邑之生靈半爲沉窳徬徨顛穉僅獲粗
安以故師相公修候之役缺焉後期計尼父之優
吾徒夫固錫其誅討而謂誦教詔於從政者不遺
餘力小子茲日昕夕飲冰覆餗滋懼師相公倘不
終棄菅蒯而春風蘆植之以終始生成之謚安在
小子之無天乎虔修不腆上塵軒闥仰干慈炤

復程志初

博全集 尺牘 卷之六

五十六

南薰肆夏忽彩筆翩翩自南來瓊瑤飛墮爛然駟
心充然徵目是何慰藉之綢繆也不慧迂謏濫竿
省會如闌干攬千鈞而致千里將來宛宛乎蹶躄
難勝矣台丈以脫穎雄才原從百里起峴山畏壘
隱映而在每望天柱諸山令人景行之思若翼若
跂也畱都去武林數舍而近台丈思舊蹟亦復併
念舊蹟之郡牧夫乎威儀孔臚當之亦類感
肅惟爾葵傾

復泗州鄭年丈

惟莆晉唇齒國而年丈又胞乳誼也安籍

蓋魏綿謫亡能爲效尺寸而無何復以視餉驛車

上谷行矣年丈以上雍試爲大夫人地相傑恢恢

游刃將來宦譽雷轟黃金詔道而南者必之鄭泗

州耳弟承乏武林地號劇驂簿書且復蜩集營營

懼府未知稅駕何所承台諭敢愛頂踵不以圖效

第潛臺雖杭中縉紳然吳越皆其屬地也聞有公

移俱爲上下僚統體啓事且弟初卽任遽爾冒干

恐非地屬藩未必有當於年丈也俟有回便客徐

致之祈在炤亮未戢

復陳清波

稚齡伶俜備嘗諸艱幸博一第而悠悠落落動遭
齟齬治粟則稅棘作苦治邊則輓運不繼今治杭
則又其矣接應繁衝日效馬牛此以筋力爲禮猶
可勉強任之而帑藏匱竭錙銖如掃有一日幾費

十金者布被紙帳脫粟羹鹽不敢告人人亦莫之
察也且事體掣肘上下之閒呼吸殊不相應此地
固老甥舊遊亦稍知其難乎抑時勢局樣月改日
更又受事以來便遭災潦米價騰貴市民噪罵極
意調停乃稍安輯然而呼號控懇猶紫紫也吾不
知所稅駕矣宜城鮑縣令乃川中所錄門士也其
人年貌英特清標俊材小試崇義而政聲飛揚已
膾炙人口今屬老甥宇下慈藹共器氣味自合然
博全集 尺牘 卷之六 五十八

復吳白雪年丈

四明佳山水物望原甲域中老年丈以奇負臥理
之露冕行春棠陰染衣翠如沐也蓋自是兩浙有
寧波涯居者歌清宴頌頌王李籠蓋錢曾不慧弟
竊在下風其爲榮施豈有既焉弟承乏古杭地號
劇驂當公私置因之頃加以蜥蜴肆孽沉寃陸舟

編列殄瘁吾儕均斯負重雖有餘附長桑且驚而
走奚啻秦越人哉屏在同盟誼聯金友君家治平
方且爲天下第一果何半豹七發可爲波及而河
潤耶捧讀台緘具見高雅敬已心銘矣斗邊劬氣
何時虎林當延津願跋願跋

與兩浙監司

某以客冬奉檄重趺南歸今春元夕方入里門惟
是春秋窳窳與門戶兒女之事百冗蠅集措理惟
博全集 尺牘 卷之六 五十九

艱而簡書可畏旋治行李趨赴武林不意初夏淫
霖直至五月將盡乃始開霽水潦漲漫連於天漢
田疇衝陷居室傾頽老稚沉淹少壯流離麥苴之
將收者蕩無半粒禾秧之既插者朽無一稊米價
騰貴市途嗷呼人心洶洶莫必其命夫杭固難治
之區兼以災傷如此之慘卽糗黃而在猶難拊綏
矧某椎魯無似其何以起瘠溝中今就安全也台
臺憂國如家民饑民溺切若膚痛浙省自宦紳而

下以及隸萌莫不引領望恩蓋此番災異百年未
有非大破格蠲而賑之不惟才遺可哀恐禍患且
貽於國矣某疎慙不知忌諱冒瀆鈞威伏乞炤涵

與南昌府盧真常

客冬攜孥過南州辱長者車騎寵而臨之駢駢征
夫壯色千倍且誨督慰勸授以守郡良規寸咫周
旋靡敢失墜第鉛刀效割管蒯猶難矧以試諸盤
錯有不瑕而碎乎承乏以來蜥蜴作祟民幾魚鼈

檮全集 尺牘 卷之六

六十

號溺告饑徹於九邑而官府之藏赤赤如響人子
賑無可賑蠲無可蠲徬徨周呼莫知措手台丈露
冕行部澤沃四至請亟出其餘緒以拯此百罹何
宦懷中之賜也敝門生陳困頓長安十年所矣乃
博一官執役宇下不惟渠喜躍自奮弟亦爲之歡
然不寐此生敦實有餘恐年少未熟於事願台丈
以教弟者而鞭箠令之感且不朽

與吏部丁夢初

其不慧之在里社中迂疎儼蹇是其本色藉有天
幸獲徵寵於台丈杭之役錫以鼎臚耀以祖饌如
天之福終身誦之曰者簡邸報知銓衡虛左以待
崔盧勳業中外具瞻公家松徵喜勿問之詹尹矣
弟抵職以來計服膺慈誨罔敢失墜奈時異勢殊
帑府空虛百務蜩集支離莫應加以天禍蜥蜴爲
祟霍潦滔天說者謂百年未有之災人心皇皇乞
命而部檄徵風遘中官急苟繩此時此地卽范蘇

檮全集 尺牘 卷之六

六十一

而在猶虞約結矧昔廡如弟若何而有稅駕所也
台丈翬翬雅愛聞之想爲蹙額飢渴道範亟欲訴
此東旌茲因鴻便敬候興居計和鸞色動擁篲有
期關頭望氣曷勝懸戀

復陳如岡老師

十載師門天幸密邇乃衣帶相望恨不得日覲絳
幃下領畧提命也貴客降荒署儼然吾夫子威嚴
在焉促膝片時便是千古昔蘇子美爲杜祈公愛

僭雅有冰玉之譽不謂於今再見某小子復得步趨其閒且獲耳吾夫子起居近況愉快哉雅誨諄諄恍若面命而於中丞臺重寓薦剡夫子之優吾徒信篤且摯金石有銷此誼難泯矣承誨作書郵某自履任來嘗與此老相聞問草率空函恐貽嗤謂故姑循憲體事例用經廳官銜以往耳

復宣城諭曾年兄

一瓊閣暇萬卷披翻塵全無擾龍犀都忘此弟生

解全集

尺牘

卷之六

六十二

平獨得風味從此以往形憊于案牘之紛沓心驚於毀譽之浮沉官以倉庫爲氏人亦牛馬相呼今則承乏武林七尺之腰俯仰如械治文書至子夜甫得就枕目未交睫而竹人擊柝傳趨事矣夫人生亦貴優游自適耳如此劬勞如此鞅掌北山大夫所以有行役之怨也年兄暫借獨冷之署勉圖進修異日許大勲名都從此立跟脚奈何厭薄爲哉鮑生英齡雅抱弟所愛而畏者承諭卽折簡相

致且令執贊北面年兄幸引而教之

復鮑日葵門人

令與守均司牧之官第郡守於民稍隔且攝屬數縣其情亦泛而不親惟令則擁抱蒼赤而噢咻之有闕則遂其所欲有愆則去其所惡故以愷悌父母稱耳老弟發硯新刃得百里而君長之一念乎誠金石可貫卓魯豈能擅美於前哉昔人謂喫得幾斗醋便可作令蓋言要耐煩忍氣也不慧今且嚼醋數石矣寧直以斗計耶貴治掌教不慧同年也此君意氣翩翩鵬程萬里在指顧閒願以阮步兵青眼視之八行布候統惟鑑涵

復萬總戎

七閩最爾提封介在海之外戶節鉞重鎮非繁易任自臺下建纛其中而蜺蜺斥晏涯居者歌清海不慧父母國受賜多矣時在春初不慧攜孥過三山擬一揖大將軍卮酒上壽以勞克詰而虎節踞

解全集

尺牘

卷之六

六十三

椿清披雲之願未慚乃不自意辱承睽念推如天之貺而光華之政在劓劓而秋鴻翰幣復琅琅自雲中來得無傷於惠乎遽使鄭重懼方命敬拜登灼艾新集異時內召建伯勒蹕過武林把臂葵邱毋勞歆血矣主臣耿耿

復樊致虛

久飲芳名技成製錦頃承華翰喜慰管鸞麗水莖露流金百里播神君之譽武林仁風夏玉二境興孔邇之歌欣然共事一方蘭金臭味傾心八月蒹葭倚同好音速報玉樓人政是秋中團魄負漿已映茅簷望直爲君家歡迎晤對有期冗占附布

復翁周堃

是月也令兄年丈自天南以遽使至而台丈在江以西復翰貺重臨焉則不慧弟所承受於尊府兩兄弟閒者實腆且華又獲挹令兄芝宇於香閣下則是河東之鳳徐羅之美弟以一身聯鑣而肺腑

之矣弟在武林才疎地劇了無善狀加以蜥蜴爲祟人民嗽琬而蹊鼠之技益窮台丈昭武政成果能以其波爲粉榆德而出之懷中措之柁上乎弟受賜多矣葵私八行佈其萬一伏惟炤而原之

與松江楊別駕

客自雲間來噴噴楊使君治辦清暇秋宵鑑朗桂環也弟夙慕仙踪未遂倚玉閒從敝里同年蔡情符君耳所爲刺狀輒贈炙台丈在口頭始信雲間

不第有二龍更有腰裏驥足長轡在騁終當詫天驕上驥矣弟承乏武林鵲滿蜚瓦無善聞可爲台丈佈吳越衣帶相望所謂一葦航之鞭弭有待也茲不腆之將藉紆積悃區區志役萬祈得請于將命

復方冲舍

循覽瑤華申之副墨幸讀之知爲江茂才補試圖也夫聽臺島府西席鄭重江生何幸得遊龍門而

觀海若耶。陳學道已竣試回郡。功令嚴確。子矜悻心。第江生業獲所依。依慈雲法雨。何寒谷之不陽春乎。生卽芟蔓綿蕞。辱有明命。而加以敝座師之耳提。敢愛三寸之舌。方寸之心。不憚憊爲役也。敬此奉復。主臣瞻注。

復陳廉岳

別慈顏時。辱以李學博見誨。入武林。亟一晤對。果然雞羣之鶴。百鳥下風。蓋縑衣固長者盛事。而文節亦非私一項斯矣。夫廣文乃某起家秩家。寥故吾首藉青袍。毋惑乎其頓破壯士顏也。蘭芬臭味。卽愛莫助之。然力圖爲助。其敢有愛耶。

與新司李孫假虬

惟武林劇地。大李重司主。曾者慎難其任。必遴而授之。雄才偉畧之英。以勝任而愉快。益人與地。兩相重。云台丈名家裔也。青瑣黃扉。公家故事。堂有文正。固知繩武有忠宣。區區古杭郡。乾肺可噓畫。

楊全集 尺牘

卷之六

六十六

象可化矣。昔群圭相業彪炳。而簞仕發源自司理。開封始當事者。以古杭爲開封。弟竊爲厚幸。今卽桑林未奏。而恢恢餘地。矧發何畱行哉。顧此中屬當苗沴多事之後。都人士莫不願願。台騶如和風。甘雨連被。爲快也。弟案牘是擣。惟南望天岳。日懸紫迺德香耳。尊大人台祉嚴重。未獲端候。毋敢唐突。耿耿下私虔。若鶩願以辱在蘭侶。庶幾得請于將命。

楊全集 尺牘

卷之六

六十七

復大同府高啓塘

際昔祝鳩共事。駿才鳳輝。炯炯在望。上谷之役。復叨芳鄰。得時時從塞鴻。嗽吐赤襟。差爲浣慰。無何而天西南分矣。惟是門下批荅利器。建作畫熊。於紫金黃河之閒。治行卓犖。行且築受降之城。以安邊款塞。令仁愿廉李籠蓋下風。將來操軸中朝。開府重地。直勿筮須之耳。弟亦乏劇郡。兢兢查負。卽有西湖之風景。三竺之曇花。要以支離映掌。兀然

無觀較不若雲中恒岱之清壯也辱承翰貺恍焉
故人如覲敬百拜登襲秋風爽瑟臨向披傾惟鑒
亮之幸甚

復陳參府

嶠不飛峯士樂守歲明將軍之賜所獲多矣頃會
城飛蓋快圖良晤竟爾相左茲以籌轉新正和歌
凱鏡惟牛享士時也不慧弗獲舉柏尊以壓龍淵
爲將軍壽乃朱提雷使自海上來誠然悅禮樂而
將全集 尺牘 卷之六 六八

修惠好哉敬拜手璧謝遙祝冠劍未醜素心

復陸明府

繫昔執鞭貴治入境而喜賦全魚履庭而風清馬
骨名下無虛賢雖披雲未遂神固翬翬獨遣哉不
慧蚤負鉅都奉職無狀惟是仁賢之區獲居而事
之以亡負一腔心庶幾亡大負于父老子若弟乎
辱蒙翰貺情文兩溢心篆之矣使旋謹向風九頓
以謝

與鄧壺邱

聽馬煌煌何不暫停旗節遠越江干蒙茸郡吏不
及負弩迎送罪狀多矣滇南乃弟舊遊之區彼地
風氣與中州大不相埒蓋寒暑不其分卽三伏節
候猶見繡衣使者不去綿藉則調攝之常慎可知
也台臺健順同德神帝呵護所至且川嶽響動草
木色飛百祥駢集無俟著蔡弟片曝無以自效不
得不慙慙叮嚀耳簿書鞅掌端役代叩伏惟炤在
將全集 尺牘 卷之六 六九

曷勝惶悚

復李靜齋年兄

弟賦命不猶在都城則蒙茸稅櫟在邊疆則拮据
芻餼在武林則又遇歲之不易民之艱難天下大
矣何獨弟也者爲一進賢冠劬勞鞅掌與雞俱興
日晏不再箸卽欲借晷刻之暇如嚮者侍仁兄座
隅捋鬚一笑而不可得尊羹鱸膾益勤寐寐矣貴
同僚陳君使至詢知履幙安吉且辱繡補之賜未

有以復也。敬附八行鳴謝。青陽布命。願言自玉。

與無錫縣許門生

卓魯芳踪。久已從涉。歷閉目。飲而心醉之。私謂。暮月政成。卽蘭臺玉署。可計日俟也。乃當事者以垂雲之翼。不宜捨榆枋。必借而奮翮於莽蒼之國。而後以九萬里爲斯之曰。錫山且化爲金城。可不問錫而見錫流矣。悵悵惓惓。秋閒屢走關頭。望氣冀仙。鳬之必入武林也。乃竟杳然門下。賢勞馳驅。不

柳全集

尺牘

卷之六

七十一

復王虞部

遑啓處。其殆以吳山常塗山乎。政在睠懷閒。而翰旆復自吳天至。夫樹出伯夷。其錫之也。固足榮光。然柰施而不報。重施而重不報。何不慧茲。惟目領胸篆而已。西望閭江。惠波層峻。藉手壁謝。未佈。臆。

不慧心儀已久。乃辱承諦念。鼎脫薦嘉。如天之福。何以承之。元方難爲兄。平家有白眉。一言自足。九鼎敬領命矣。鴻儀毋敢拜嘉。傳茲頌謝。

復嵯縣施中尊

門下羽翔仁露。骨高。清風益。猶篤念桑榆敦摯哉。役享頻加。報者媿而施未厭。令人徒感忘畦焉。日不慧犬馬齒叢矣。乃智童也。德豎也。質蒲柳也。引鏡覽形。我生謂何。徒負七尺軀。而顧敢辱仁兄之

柳全集

尺牘

卷之六

七十一

記念。且割冰壺之瓊液。而青黃飾之。耶語云。得至人。一善言。法當增壽一紀。今而後從天光。乞殘日。驅馳人閒。世瞬曠。皆門下賜矣。相望一水。隔若崇霄。何時一樽話衷。隔相與傾倒。

復何芝嶽年兄

陬春燈明。火龍吐燄。老年丈華。械適至。盟而宣之。桺檀馥而千官擁也。夫詞臣都清華。老年丈宏詞。抽對占臺閣。第一流。當夫月明太液。雪霽西山。玉

塵飛屑文酒游傲固自千古快意事不慧弟一官
拓落徽纒劇郡與翰音興後長庚入腰膂欲裂寢
餐至或廢也叩眠天祿顯相真元都苦海不啻懸
矣辱承德意公弟以緇衣敢不心識顧朱君嘗觀
海若矣奚屑江介波臣以也弟瑣瑣牧夫葛藤胸
塞望吟壇弗敢伸半紙惟有遠巡謝不敏耳老年
丈聞之將無搏髀王生真俗吏哉抑吾家將軍老
而怯也恃暉徽佈束言紫霄明德樓與懋俱

樽全集 尺牘 卷之六

七十一

復姜同節公祖

寶眷過吳山鸞驂沃若道色干雲生某卽不獲弩
驅惟是移檄山靈護翟車神王耳桐城脊脊多故
非老公祖仕學兼優臥理其閒民幾亡幸卽如從
容定亂一端視賣刀建鼓之遺蹟尤誇盛事數千
里聞之加額生待匱武林冗劇滂浸日爲陽肝乞
命孑然無善狀大都苦旱苦潦彼此病鄰刺府幾
成畏府哉適聞老公祖動尊鱣之想奈吾父母國

扳轅截鐙何奈山斗待衡文何行可之仕方大見
之行尼父處此當不霞痼生固醉馳車者何敢憊
患乃借寇望切故不願以家食先大烹耳便羽敬
候居起荒牘草率統圖恭炤

與林微瑕年兄

榕城班荆喜得附仙跡以誇李郭乃台丈紫氣分
攜令人望玉林而侘岐路焉白下風景不惡日者
天昊不仁稍改舊觀年丈以勛時妙手電章而平

樽全集 尺牘 卷之六

七十三

反之毋論國土有天卽拔苦海而清都法雲梵蕪
維摩功德浩矣弟勞薪此中七尺之腰徑寸之胃
罄折瘡靡而無善狀至若其魚其脊之憂又彼此
共之愛我者其何爲教澤焉冰鑑文攜得玉樹一
枝春標芳武林弟敬已神愉矣晨風便翮創繭披
衷整而炤之幸甚

與樊致虛

今世守一官任一職者水土刑獄之煩米鹽錢穀

之粗處置經營劬勞鞅掌閒亦有之然作止緩急皆得自主而賓客之晤對風月之遊玩猶可託以適意而娛情乃若督學使者居一畝之宮握三寸之管局曲帖括標黑勒白從春徂冬以夜繼晝有急無緩有作無止寒不暇爐暑不遑簋形貌外疲精神內窘其防範也如蛇虎在旁其模索也如鬼帝在側前後左右盡疑畏之人俯仰動靜盡窺伺之隙當夫天日清霄偶得奇雅文字微可賞心及

博全集

尺牘

卷之六

王

至風雨陰霾意興不佳又遇腐爛頭巾荒穢臍腸吟嘯夢幻搬堆沙礫擲筆投地短氣塞胸無何復勉強收拾從頭排頓則爲此官者不亦難耶第念吾二人共事武林時簿書期會早滯飢渴無不蚤作夜思綜理勞晝姑颺婦春兄踦弟角未足以喻然某則多憂多懼台臺則多譽多功推此而上運斤成風削錄入神極天下盤根錯節不能難吾致虛先生也又豈難學憲哉豫章一別參商九載倘

獲面晤所欲談者卽十吏未能供楮墨茲一幅赤牋寥寥數語餘皆付之想像掣笑閒耳另有裏言肅在別簡

與浙中吳門人

讀仁弟試卷文理優長通場作者皆瞠乎其後何以至今不業也顧學不日進則日退曾見諸生中有平平無奇後乃能雕繡龍虎者又有挾華振藻後乃索然無味者大抵九仞之虧與一簣之覆進

博全集

尺牘

卷之六

王

復周斗垣

學使者不易爲亦不難爲以弟鄙鈍猶且混做一場矧翁臺才識百倍於弟山斗歸望弁紳傾軔其提衡測士直承蠲擻之耳此時不緩不忙寸晷分陰皆爲至寶公儀既畢卽可行巡從容整暇隨所指麾無不周暢若蹉跎時日却於忙處着脚非惟

自苦且令傍伺者生心矣。翁臺所示眼目爲先。精神爲本。胸襟爲樞。三言已盡其槩。何患有神鬼天淵徑實哉。弟前舟中以寡欲節勞相囑。亦彷彿此意。蓋欲不累勞不傷。而眼目精神胸襟皆有餘裕。至於內外諸弊。不必苦用揣摩。在我根源既清。事專而心靜。魁柄不落人手。弊到面前。自然覺露。消除。考日分卷。考後閱卷。二紙一幅。切不宜別有假借。只是自家兩目兩手。相信相隨耳。考場給事員。

榜全集 尺牘 卷之六

主夫

役少用一人。便少弊竇一分。若冒籍代考等弊。全在提調官。倘非同德一心。可奈何哉。翁臺借視於瞽。而弟以瞽言進。祇足爲笑資耳。弟別矣。山川遠阻。不隔者心。遙睇德星。倍增懸注。

復林樗朋

一葉小舸。鼓枻東行。極目南雲。梓桑在念。不啻欲插翅飛。翔朝發夕至也。乃淫潦作苦。濡滯於古陸。蘭陰之閒。越幾信宿。榜人猶未敢擊楫而前。羈勒

旅臣倍增悵惘。昔人感嘆行路之難。信有以乎然。程途數舍。淹速困亨。且不得自由。矧吾儕墨礙世網。毀譽騰嫉。倏冰倏炭。其如彼何哉。惟有居易俟命。一法任他風浪。沉浮耳。無虞驚悍者之不相忘也。蘇紫溪爲吾鄉神人。弟豈敢望萬一顧此老初。亦不免斐菲。今則輿論始無開然而謂癡絕。王生能令人愧屈耶。卽有愧屈。安知非禍之所伏也。翁臺視弟同里同官。情誼敦華。故到處不靳屑吻。而無鹽奇醜。飾以膏黛。過者益掩鼻矣。所賜白粲。賜受食飲式舞。且歌明德。臨穎曷勝拳拳。

榜全集 尺牘 卷之六

主夫

復奉新縣

批稗學臣無一善狀。乃以魚貫之序。量徙豫章。豈當事者以治人之不能改。而治粟批糠。猶堪陶鑄釜區。可使持平耶。然蹢躅征夫。未遑以不勝任爲懼也。萍梗孤踪。離家已久。此番暫弛負擔。假程途之便。歸謁先人。邱隴趨奉。明誨未有定期。遠煩紀

綱越境勞問肅勒布謝憑楮依依

與張葵軒

有沐歸來抱恙謝客卽族黨姻戚未嘗一應折簡之招前到貴鄉對坐月下談敘宿昔信足愉快以隨從多人懼擾庖俎告辭而歸乃聞兄翁爲弟下榻雖不及匙箸而心腹已屬磨君子之賜矣曾有短制奉謝何以竟達空函也則小侄封識註誤耳旣而高車臨顧門者傳刺稍稍迫弟蕭衣趨出飛標全集 尺牘 卷之六 七

蓋又他馳免豈食飲聚晤亦有默定之數耶彈凡一穴跋履山川而竟茫然無當兄翁造化在手地靈聽其指揮獨不可點畫尺寸俾弟得營菟裘以老乎注懇注懇台旌進城先以居停賜示繫維白駒於我信宿尤所願也率勒展佈憑箋耿耿

上黃太蒙撫臺

某鄙陋齷齪得以職事匍匐鈴閣之下服膺嚴訓奉以周旋至擇官而仕便非不貳心之臣一語則

尤佩之終身爲咎爲鑑不敢畧刻違忘四載馳驅衝冒寒暑凌犯風濤雖以先人遺體履行危殆並無悔愠蓋仰體台臺忠君愛國盛心勉竭駑鈍庶幾一當報效所天耳茲台臺以大司空持節治河大江之西不得復借旌旄鎮撫矣某犬馬賤臣從今以往謹肯舉金色指臂廣運法輪引導頑癡入光明藏哉語云士伸於知己而誦於不知己此某所以踴躍還回持疑於進退之際而不能自決也標全集 尺牘 卷之六 七

乃捧讀尊諭謂松楸繫念得代便當疏請則某竊有感焉夫某蚤宦經營耳其進其退何足輕重台臺一身廟社倚之安危海寓由以否泰寧可借釋負爲適哉想聖主夢卜簡注必不煩元老於櫟櫟閒也伏願願攝鼎鑪以慰霖雨舟楫之望

與建寧府方策阿門人

人言五馬貴倨哉愉佛在心而喜懼行於數百里之外此未爲知言者夫吾儕齋躬事主寧直以人

之喜懼爲得志耶。要於精神乎微。淪髓浹膚。乃勝任而愉快乎。老公祖治建州。不數月而遐邇傾心。頌聲如沸。這一段精神。真有超於簿書筐篋之外者。倥偬俗吏。惟日不給。望之眩乎後矣。浙事艱難。百孔千瘡。某拮据支吾。無所措手。羸紙折鼎。勢所必至。慄慄乎若將隕淵。而莫可奈何。則惟有投簪引遯一策耳。仲豚某從武林歸。敬遣承筐。候問履慕。仰祈叱咤。馮筭拳切。

楊全集 尺牘 卷之六

今

與孫偃虹

每與楊君毛君坐談。便想台丈翁紫芝眉宇。訊問近時履幙。何狀閒有及往。局未結者。則又詳述台仁翁任事之苦心。可對天日。而質鬼神。乃二君亦披腹相信。同此臭味。蓋赤腔聯合。豈強結而後親哉。近聞一夫鼠竄。自詣對簿。物情揣摩。許多支節。此事吾兩人者。實終始焉。禍福安危。順其自至。無用憂疑。亦無計擺脫也。尊意以爲何如。弟此番幸

馳負擔囊裝歸里。便欲藝秫種菊。作小柴桑行徑。畎畝中人。還以畎畝不失本來面目足矣。用世勳業。台仁翁乘時勉旃。奚待相知。腎感也。羅生已承大命。復其原物。便中敬布腹心。萬祈矧啓。

復黃貞父

頃傳年翁丈。且畫錦言旋矣。擬欲負弩西郊。拜迎馬首。適據大篋中所存白下諸作。長篇短牘。挾爲歸貨。誇至寶於吾黨。不謂紫氣雖騰。而真人清鶴。

楊全集

尺牘

卷之六

八十一

關尹猶未報聞消息。弟已有他除。不敢濡滯。遂鼓枻而東。舟中行。李圖書。紫紫乃點簡年翁丈之賜。止二三策。終難屬屢。矧此番一別。未知後會何期。雖聲容談笑。宛宛可思。而一日三秋之感。弟某安能釋然耶。孫耑老同在南都。意氣日親。麗澤不淺。鄙弟離羣索居。又不能不生增一妬也。草勒短札。望爲弟轉致之。羅生已敬承台命。復其故物矣。併此附布。臨穎依依。

上順天府尹李孟白

藩政難繁非猷畧通敏者不能仔肩弟批糠稍暇
閒嘗微代洪經寰畧刻之勞則相對而嘆曰李孟
老真神人哉我輩馳騫竟日而不足渠獨舉麾俄
頃而有餘且酬應周密無所不到而意氣暇豫絕
無絲毫粘帶人之品量相越豈不遠耶敬服敬服
非諛語也江省修船一節弟催督四閱月皆以修
船之銀不給爲辭朽敗沉水莫肯補葺今允期已
鏐全集 尺牘 卷之六 全三

近飛檄如雨延滯猶故藍縷凋瘵之軍旗呼號抗
顛諭之以空言不得威之以夏楚不得如此情景
而曰不稽誤漕糧其誰能信之翁臺雖已離此中
苦海而地方大利大害素所洞晰伏望垂念并州
力言於部堂必允如翁臺前議而後可若堅持不
允弟不過以溺職待罪而誤軍國大司當事者亦
安能晏然坐視也肅此佈瀆曷勝懇切

復建昌府須日華年兄

疾病人所時有也弟鄉承乏武林亦以勞瘁致瘡
三檄旬休當時適有大工大獄拮据刺訊已十之
九而當事者過揣以爲不堪毒苦託意採薪弟聆
此外論勉強支吾呻吟床第且服藥餌且理案牘
閉關近三浹月乃出視事及拜謁上官見弟形容
衰憊始釋然諒其無他端也年翁所處弟深信非
爲近事而杜令聞翁丈有引疾之舉真如孺子戀
慕不忍離襁褓更無一語私猜彼旁觀生疑豈能
鏐全集 尺牘 卷之六 全三

望高明之腹哉矧脩觀近矣非惟題疏之難卽守
郡事體亦甚未便邇者如此迭聽可知安得家置
一喙也願加意珍攝慎重鼎茵勿藥吉喜弟敬當
饋百叩以祝純禧

與樊致虛

轍晚甫竣而新漕又復經始頭緒紛拏不啻亂絲
竟日費繁力氣都是蔓胡之弁與藍縷之卒也其
最束手莫措者則脩船銀兩部文不許扣畱輕齎

計今歲修船舊船費近四千金此而不給欲貴窮
旗自修駕運卽用商君之峻法勢亦不行異時稽
誤漕事誰執其咎耶淮陰擢別會以此託轉達於
總漕陳老先生未審作何張主也便開幸賜示貴
公子英齡法寶熟聞趨庭之誨鵬搏九萬日可戾
也瀕行之際丁寧以多治舉子業攻苦賦詠俟有
餘力及之翁臺以爲然否

復仁和縣

楊金集 尺牘 卷之六

八十四

處繁劇之邑間夜戴星不辭勞動此非難也惟是
應猝若豫定剖艱如素習神閒意舒而且以退食
之委蛇游戲翰藻則仁丈盎然有餘地庖丁之牛
宜僚之凡不足爲喻非才性超邁問學粹澗惡能
敏妙若是春杪擊楫楚州與樊致虛從容談及信
前後兩神君稱連珠合璧述職之期已迫將以何
日祝輟乎見都中貴人倘有詢及不佞某者爲語
以王生幸無恙批糠蒙茸面目可憎第近稍出儒

歸禪雖塵全勞攘而六根自覺清淨耳命使至時
適周旋直指鷹揚之役不及修儷辭以答華絨特
平生愛雅必不以疎節督過也

復吳起華

不佞某以輓粟之役從楚州歸執紼桐城貴同年
王明初作東道主授餐加璧慙慙杯酒之閒詢及
翁臺居起乃知藉重北譙此地幅員不奢非足以
棲鸞鳳然而山幽水冽醇翁之亭在焉翁臺退食

楊金集 尺牘 卷之六

八十五

委蛇躡履遊燕與歐陽六一先後比美不亦大愉
快耶會計賤臣蒙茸批糠安得遇茲勝境浣濯塵
容俗狀也過承嘉賜懼損清俸不敢拜登勒狀上
謝感荷之私豈筆舌所能罄哉翹首僊鳬臨風耿

與鄭渭初年兄

橋門寂寞杖頭不足至以爲仁兄憂重煩使者杓
之人不敢受賀而敢不拜泚舟之賜乎途呼小力
走市中市杜康十瓶無腸公子數枚與法喜勸酬

舉案耳熱擊缶且舞且歌斯時也吾不知天之高
地之下何論一官維谷哉敬謝敬謝演武堂聯題
母大有所意致第對兵符二字頗然然否又帝座非
兵符之所而七較對北門不過借以拙見擬更之
云軍容宣帝闔掃除南幕靖妖氛蓋竊慕南無王
庭之意未知何若惟兄翁再裁定然後可發寫也
洛陽記問尚未有昨蔡熙齋至矣客遣人索以

與郭希老

博全集 尺牘 卷之六

八十六

某嘗讀邢邵傳謂國子有學官之名無教授之實
第燕麥免絲南箕北斗虛有其號焉耳某始以爲
不然乃今列銜受事所隸者不過十數青衿迂隊
而入一揖而退祿俸儉薄不足以供鼎飯掩扉臥
雪膚革欲裂乃信韓昌黎之號煖啼豐進學之議
無以爲解僅與曼倩客難同一杜撰耳時事如蠅
須是伯翁大人出而收拾整頓庶幾河沙世界不
遂沉淪此海內人士所共翹首跂踵微獨某仰藉

二天之庇日倚關而望青牛也 帝賚覃敷賢公
子例應齒胄未審何時到都門使某得奉以周旋
又大幸矣

與會稽學博沈春宇

秦稽之閒山有莪水有菱又得兄丈爲我齊盟共
主聯裾結綬時相徵尋龜毛馬角隨吾齒頰之所
至談鋒稍北則葛巾漉酒且醉且歌吾安知肘見
於襟踵決於履也乎哉比入都門閉口學默鞠躬

博全集 尺牘 卷之六

八十七

學遜執鞭下隸一不如其所欲即怒目而睨不敢
相呵爰居駭於鐘鼓機牛困于文繡誰謂京官足
羨也開春以來意兄丈滿秩鶯遷必入此局成均
每設一座相待舊款新懽勃勃乎欲對榻共吐之
而除目未載遲我數日良晤函關紫氣迎以新秋
計可徙倚而埃

復王省愚年兄

益州非昔稱天府之國耶錦城玉壘麗區勝樂固

緒紳所西望而願遊者老年丈此焉提衡此焉展
駕尋鳬蠶之遺跡弔揚馬於舊臺殿齒所至題咏
運箱異日者璽書徵拜入掌絲綸不佞弟迎紫氣
而解玉笈當得一部于長文章懸之國門寧獨今
日報政稱治行爲天下第一哉媿弟某株守橋門
吏氣若冰乞巧不柳送窮不韓徒學幾句歇後語
強自嘲笑而已過蒙仁丈敦念嚶鳴無有遐心華
絨隆重益然於抹月弄風之庭無以報也敬九頓

傳全集

尺牘

卷之六

八十八

歌黍苗而拜將命

與靖州守黃僚友

成均之官着袍束帶亦似貴人俯仰而淡率清素
渾是措大風味一時僚案促膝交臂談天說淵無
所迂選而鄙弟與伯兄以樸性相投語音相近尤
稱意氣之雅從台旌南指而寂寞閩中生便成離
索每中夜交睫輒若聞伯兄西堂笑語推枕而寤
則又徒賦蒹葭矣想三刀之夢既踐而有脚陽春

令四封以內如遊華胥如享太牢生平懷抱開展
愉快選視昔荷故人橫肱一榻株守蠹魚面目不
亦可憎甚哉山川阻脩懸注寶笈偶緣便羽敬勒
八行奉候與居

復胡遊府

春風澹蕩汎瀾安恬將軍提樓船而鎮海上搖羽
賦詩舉盃問月撓搶於焉盡掃鯨鯢爲之息浪不
佞藉有宸宇憑賦而觀士歲強者祭酒弱者飲解
依稀足下軍令輕重布之雖不可以當鉅鹿意者
亦偏廂一隊乎承賜沃厚敬九頓拜嘉勒版展謝
願言自玉

復侯度貞

空谷足音翩然可喜矧謫托維桑聚萍於數千里
外有不強人意者乎曩時吾邑髦英纍纍冒監今
則寥若晨星每寤寐邇之而不可得偶於署中閱
令器佳章欣欣色動進而揖之則秀發開美頭角

嶄然信是着鞭一躍當撞破煙樓矣足下有此寧
馨何讓甄家阿逢哉望氣僊關未迂青牛嘉脫之
辱無以爲報敬歌杜秋九頓而肅將命

復李斗初年兄

弟之鼓椎而北也量程計暑謂可以瞻觀繡袞且
處我於下床傾倒元祕及停棹淮陰詢之燕客乃
知煌煌四牡已責於大江以西溯洄莫從中心如
結至于今每一交睫夢魂恍恍若登覽龍門清淦

楊全集

尺牘

卷之六

九十

佳處晤對吟詠不減嚮時都下剝癬引醋也依戀
政殷而臺人適至捧誦大札歡喜欲狂時事孔亟
商旅困瘁兄翁爲之列其條約擔負而枉席之仁
人長者之澤渥矣青瑣風味宛然如昨辱承遠惠
頓令蕭蕭環堵陡然暴富此之爲德寧敢忘歌舞
耶惟事告竣願蚤命鸞慰我飢渴

復紹興府劉右吾

今日成均頗異曩昔矧當甲乙榜旣放之後舉貢

諸生皆回籍爾者大都賢郎賈豎青衿三五半是
沒字之碑職事雖暇而習懶成癖子墨幾訂絕交
曾無有白眉如干新作如干可以副明問也愧罪
愧罪學宮程費繁夥又時誦舉羸難於調應幸賴
台臺殫神畢慮多方區設以完大工此一役也
聖靈嚴妥士類瞻依彼中世世讀鄒魯之書亦世
世佩服明德不忘矣廣文卑秩無所效其尺寸第
能領台臺經始之難與詠樂成之喜焉耳適洪學
憲公入都門坐語遷晷津津臺下治行爲天下第
一而茸繕學官乃又全豹中半班也榮擢在即願
珍頤道體以膺簡命

復晏懷泉年兄

弟也居兄翁存其廬弟也行兄翁脂其車茲淹恤
都門又以桂玉之不供爲仁兄憂華雨遠至嘉脫
宏多荷荷先生阿堵中遽有長物號煖啼豐之議
不用對弟子喋喋自解矣仁兄緒望隆赫踦膺簡

楊全集

尺牘

卷之六

九十一

昇弟不惟爲官家賀有耳目之臣且私幸爲我宸
宇無量數也佩懷瓊玖報李未能慙惻寸衷銘鏤
曷旣

與紹序王潯門人

梅聖俞仕宦踰蹕而不得一館職故有鮎魚上竹
竿之譬不佞服官歷五寒煥猶然株守橋門囊粟
不厭取笑侏儒頃賤姓字亦嘗兩辱奏書而猶不
得請豈送窮不去第當留之耶足下清才蘊藉修

楊全集 尺牘 卷之六

九十二

業待時一舉而騰奮九霄橫絕四海固可承嚀掇
也願足下更與盛門昆季及林陳張魯諸君交相
砥礪大都科場俱是頭場作用須經四題目一到
眼而體裁機訣便自了然由是騁其神情所至辭
華俊美節調鏗切主司斷舍我不得矣附去國學
崇正錄二冊雖未足稱上乘然亦四方之士所挾
腎腸而二箱老先生捐十得一者也矧朝家文體
之禁諄切森嚴暇中稍與諸君披閱庶幾審時尚

之所存乎遠承翰貺無以爲報草草言謝辭不宣
與漕運理刑張惺初

不慧之賦辟雖而來也獲覲芝宇猷承元麾邂逅
傾蓋居然白頭旣而鸞遷在喬幽谷之侶嚶嚶鳴
聲猶西東倡和今則門下奉璽書董理漕政矣淮
水泱泱伊人如玉卽子猷興頭不淺而匏瓜拘束
安能溯洄而從瞻我公緡衮哉晤對何期傾戀如
復陸瑞庭年兄

楊全集 尺牘 卷之六

九十三

局促主生惜然無觀老年丈矜而謗之鄙弟某奉
以周旋稟乎若傳保之提命也至於滌流擊楫攝
展焦山訪隱君之舊迹坐高僧之蒲團舉杯高嘯
白雲停飛壯哉此一遊乎何時再發狂興尋此佳
會也卓魯異政簡在 帝衷卽日復臺省裏密勿
使鄙弟藉爲宸宇如昔所稱二天不亦幸乎境外
之賜波及淺末無以爲報敬申中禱

復司理張文字年兄

鷁首北征停橈境上蒙老年丈光顧舟中而重以
嘉貺夷門薄賤藉壯行色爲寵多矣淮陽美政道
路之人類能言之至於蛟虎不傷完玉無毀則精
誠力量乃古豪傑所難推而措之天下事皆可玩
在股掌中也愧弟鹿鹿咫尺莫暨徒索長安市米
取笑侏儒老年丈敦念嚶鳴擬西江之水而注蹄
涔之鮒感愧并心未知所報祇有銜鏤而已肅版
布謝曷勝瞻邇

楊全集 尺牘 卷之六

九四

復金啓心年兄

顓鉤寒局鼎飯弗供而檐隙蛛絲砌下苔錢亦足
與西鄰競富乃辱老父母年丈存念不忘寵以嘉
惠蕭衣拜賜卽呼蒼頭走市濁醪一甔衡蟹數筐
與二三僚友引滿呼盧且詠且歌斯時也藉承榮
施毋乃可誇鄧氏銅山乎感切肺腑未以爲報願
與吾閩中三老子弟勒貞珉一片頌述長溪治行
兄丈其許之否紫氣南騰僊鳧不遠大姥丹砂幸

頌餘粒懸芹

復尹星麓年兄

蓋昔有不能詩者而強筆作詩故有琵琶風接建
章之語弟亦詩非所長也而兄丈以詩命弟以詩
應毋乃與此類與然繪音龍錫光賁幽潛咻咻小
曲稍助鼓吹初不自知嵒嵒之轉不可潤編瓊瑤
也鳴琴清暇試一艾艾倘全體皆發則投之中流
爲魏收藏拙可矣

楊全集

尺牘

卷之六

九五

復沈冰壺年兄

吾見弟同籍同官又聯居數武之內時時拍肩時
時促膝談鋒所至龜有毛兔有角不知孰爲雄雌
意興所倦佐之以酒或踏雪而遊或弄月而歸爾
頃我簾爾歌我舞樂亦何可支哉自台旌旣發而
清狂王生便爾寂寞匪巷之無居人而惠且好我
者希矣以故公餘之暇闔戶掃几料理數行子墨
義取旣頌兀然夜坐有酒則對燭爲三無酒則對

燭爲兩悠悠我思何日再假善因與仁兄周旋尋
風昔樂事也吳生白曹純原聲望藉甚聞亦嚮當
事者一啓頰不過自效款款之愚要之毛嬌珍重
亦奚事嫖娼爲之曳長裾也然以此足徵高誼有
戀戀故人意矣起都門貌大異成均抑仁兄處之
道心湛定固如市卽如水乎臺人告旋索回札迫
甚草草數行不成報章臨風懸切願言自玉

與黃貞父

博全集 尺牘 卷之六

九六

不慧弟微有天幸獲序魚貫叨忝龍攀蓋十年以
前仰其聲光十年以後圓於鈞陶斯豈偶爾之故
哉曩嘗行役南中策贏賁治入仁兄之境則馴習
瑞穎可磨而書登仁兄之堂則清瑟素絲可播而
咏昇時者調酌斗杓均和寰宙信無如不爲令之
悔矣愧弟鹿鹿匏繫一壺客秋兩辱奏書而不報
聞此春又格於薪積而不及敘遷歲月愈邁事業
蹉跎昔日所以寄慨於骨肉之消也仁兄敦念嚮

鳴何以鼓而起之使不就淪墜乎偶因便鴻八行
附問

復沈冰壺年兄

橋運日新局面屢變大都吾儕當此無論內外繁
簡率稱難矣兄丈嚮也濡滯橋門苦於火焦今則
優游郎署又以水厄爲苦乎然而鳴蛙當鼓吹亂
藻當錯繡比獨冷之官株守寂寞亦大相懸矣循
例遷改秋以爲期而此蜉蝣無援未知竟作何狀兄
丈有可爲我地者幸以法力振之陸沉東方生政
索長安市米而承惠俸票彼飽侏儒豈復能驕稱
哉冀吳二丈無恙問及當敬致德音

復徐匡嶽老師

服官茲土者卽斗食下僚皆屬股肱敢不彌縫其
闕而匡救其患乎矧揭簿者誼同粉榆尤老師之
所卵翼也栗芻之役自其職守郡邑以此申聞卽
當以此報可矣前事不忘後事之師也要須殫意

博全集 尺牘 卷之六

九七

竭慮豫爲料理。柄不墮於宵小。期勿失于稽誤。出納必明。課量無爽。當事者且將誌以最考而推揚之矣。若沾沾爲厚幣計。而汨沒焉。則非某之所敢知也。

與撫州府陸太尊

湯海若公文章氣槩。海內人士勿論。知不知莫不高豔其聲價。不佞弟嚮會以行役至昭武。式廬請見對揚。聲欬不覺堂下之陰移十許尺也。乃長君

榜全集

尺牘

卷之六

五

時猶青青子衿。以近藝見質弟深爲擊節。客秋雖廁名鄉書。然尚未盡其生平奇負。私心竊快。快焉不意海若公抱疴纏綿。溘然朝露。聞其家最清素。而長君春元困於四壁之蕭然也。知仁兄丈憐才禮士。則此生爲宇下後來之秀。破格提攜。寧俟弟作曹邱哉。便羽僭瀆。伏惟台昭。

復學道胡泰六

別後無日不思。思則頭岑岑然。痛心悅悅然。播也。

非不知室邇人遐。雖思而不得見。顧自君之出矣。孤僻索離。非惟舉目言笑莫與爲歡。抑且面命耳提。誰匡其過。如之何。令人勿思耶。閱卷難而閱惡卷尤難。如聽侏儻如。猜吟嚙。要須寧耐。心腸爲之勒白。標黑中有可作談資笑柄者。亦足快也。

復鄧壹邱

春杪以批稗之役。得望華廬。而覲芝宇。促膝坐談。雨花飛墜。低回而不能釋。然分袂顧行李蒼黃。竟

榜全集

尺牘

卷之六

五

弗及從。沈何老躡屐遊陟。承年翁臺盃酒。慙慙之歡。俗吏鞅掌。卽有登臨雅興。消磨殆盡。真可揶揄哉。舊運方竣。新運又復經始。而吉臨諸郡。控額早滂者。疊疊也。客歲年頗順。成漕臣拮据。猶費許多氣力。乃今遭此時艱。其辛楚且更十倍矣。未識輟輟勞薪。何日得稅駕乎。計惟解綬投閒。返我初衣。不爲腰閒老牛革所縛束。斯可快意耳。翁臺速爲我決策。毋徒曰夫夫也。猶徂於嗷嗷之雞肋者。冗

中奉復未罄觀縷

復蔡虛臺

弟以輸輓之役自楚州告成事而還假道武陵爲歸省計不意舟至常山聞吾鄉游氛之報甚惡遂不果歸因杖策南州而釋鞅焉于思復來新漕從頭經始而想勞勩旱者且連數十郡以歲之不易民生之艱難批糠賤吏安能唱籌量沙而令國賦殷殷然無慮也台臺品望才猷海內寡二當事者務全衆尺牘卷之六一百

推藉督學此是還十五年前宿債而二湖人士所禱祠而求者若弟之小債債祇可備前車之戒何煩芳類齒及哉

復馮諸鄉宦

捧誦諸老先生貴縣改折之議與縣官申文言言嘔心真不啻鄭監門之繪也不佞承乏儲輸與耕夫饁婦痛癢倍相關切卽雨暘稍愆便彷徨焦慮食寢不寧矧閭邑痼瘵耳聞日擊而以肥瘠作秦

越視其能忍耶前者粟部災疲之駭不佞代攝司篆極力剖折爲民請命幸而得旨則寸衷惻惻求瘼畏帛之念亦可錙也茲承台諭卽與藩伯同白之撫臺矣願事關題請其可與否在居中當事者主持非一介批糠之臣可以口舌爭也端此肅復未盡觀縷

復上饒縣

貴縣設有省倉當年間先任許大尹極力營勸何既成之後年來俱荷且本兌更不上倉據所風聞有謂解官與領運官私相和同侵欺運糧公費而瓜分之一縣如此他縣效尤萬一水次風波不測則官米民命盡入馮夷之窟可不爲寒心哉今歲開兌之期又近矣門下可將省倉稍稍脩葺令糧官豫期料理糧要盡數入倉不可仍循舊弊恐二臺聞之於貴縣大不便也敢恃雅愛敬布腹心上撫臺軍門黃與參

子民某備乏大國三式長者之廬蒙賜詩刻捧而誦之如荆壁隋珠不能釋手既而受事豫章則老太公祖蔽芾之棠在焉麗眉齠齒歌咏去思至於今猶可倚而聽也名世勳猷朝野倚重 聖天子念不腆斥鹵之區遠在萬里特簡節鉞而鎮撫之塞帷以來桑土綢繆百弛並限卽如邇者東夷蠢動而吏將戒嚴遂令鯨鯢宵遯波瀾不驚樽俎談笑四履晏如與蔓而後圖者相去遠矣某也執掌

詩全集 尺牘 卷之六

百一

復吉安府祁夷度

承諭造船之議極知台丈一片苦心但江省事體與貴省大不相同此中漕事千難萬難未易以口舌罄者如貴省每歲差官買木司庫動發一二萬金而江省庫貯見在僅二千餘兩耳若一差官此

銀何所倚辦乎至脩船費省另有額派而江省則無別派叩匄輕齋奉 旨行之已數十年近部文再三不允令本司別行設處不知京邊及宗祿等項錢糧無縣不欠無官不參安所設處數千金爲脩船之用乎去歲弟自六月催各旗軍脩船至冬閒尚有船沉水中者不得已中詳撫按徑以輕齋散給卽此一件弟自知負罪居中當事者必相齟齬但船不脩則誤漕之罪更重勢不得不出於此弟且置一官度外聽部處分矣吉郡三所今歲俱有減存則新船可以不造倘有石畫可爲百世利者熟講而徐行之何如餘情縷縷客面晤時細商之率爾未敢贅及

詩全集 尺牘 卷之六

百二

復南康府朱司李

以門下清苦正直而仍有風聞之語則信乎任事之難也誦尊揭所云無稽之故有三漂山成雷折軸撓錐昔人之說豈虛也哉然吾儕只辦一片鐵

石心腸挺立不變會子與未嘗殺人慈母豈終投
杼耶惟門下撫心自信勿爲浮議所搖有可以祛
弊通商者殫力圖之叔孫卽我藥石庸何傷也

上唐騏石老師

釋全集 尺牘 卷之六

百四

繫問候潤疎雖山川阻修之故乎而多是文園病
客懶治赫蹠以賤辱姓字溷掌記也然縉紳先生
自吾鄉來者第每詢伯翁與兄丈居起安吉無恙
及王浣心至忽聞大事心膽摧裂潸然出涕夫伯
翁年力未頽性格恬暇挂冠解組夷猶林皋父得
兄丈之爲子養志承歡百順都聚固宜景福遐介
應如岡如陵之祝乃造物差池樹欲靜而風不止
爲之奈何顧伯父位未配德施猶屯膏所以闡釋
釋全集 尺牘 卷之六

百五

而昌大之者非異人任惟兄丈節哀順變努力而
圖不朽至孝光昭豈必盡百年牲鼎也同籍昆季
匏繫長安者若而人敬修薄奠比於束芻惟兄丈
鑑而涵之北征有羽幸惠德音



慕蓼王先生樗全集卷之七

六世從孫宗敏爾博宣

尺牘

復學道胡泰六

吾儕幸沾一資半級皆國家之恩當塗之德諸寮
家援引之功也若弟以儲臣而廁臬銜則喜懼交
併而喜且不勝懼焉蓋漕事艱難勿論身為桎梏
冒犯雨雪凌涉風濤卽軍民期會之閒而百寶千

樗全集 尺牘 卷之七

罇此喧彼開甲睨乙沸雖多方調停俛受約束萬
櫓相續馮夷不驚而粒米未入神京之廩心尚慄
慄如懸旌也兩度輸輓頭髮爲白今又跋胡蹙尾
未獲弛肩百里九十懼益滋甚矣年翁不我憫念
反以爲賀何耶

復黃年兄

督儲之官上聽約束於諸臺下仰鼻息於郡邑前
曳後掣旣不得行其令且不能行其意軍民期會

之閒百寶千罇多方調停稍稍就緒則躬領舸艚
冒臘巨潮長江之險以先人遺體殆不啻王陽遇
九折坂也每一輓輸頭髮爲白今又羈之以新銜
束之以舊貫寔尾跋胡未知稅駕何所年翁鳳翔
千仞視弟因此柴欄應爲感額而顧艷言之耶此
中俗尚儉樸鄉縉紳高潔自好履任以來識面者
稀又內揆批牒臆臣不敢強有攀援全無相知可
爲令親藍君地者敬獻薄芹僅當居停一杯肅勒

樗全集 尺牘 卷之七

布復伏祈矧恕

復南康府張太尊

吾儕共事地方賴二三賢尹拮据保釐以底蒸民
之生最是得力若星子王君今清丈一事備極苦
思且幾三載矣近閱其丈冊區畫以加出之米補
窮丁而增馬價無非從撫摩赤子起念耳然其中
有與賦役全書及部勘令未同者稍行覆議要令
曉筭書手分派如法與諸縣不甚異同方可通行

無礙惟門下留意焉草草布瀆未悉

復建昌府同知

會城之區冠蓋往來如織敝道贖銀甚稀每以俸
康應酬若貴府贖金則額備建昌地方交際之用
行票俱坐犯贖支取弟叔任且三非矣并不敢借
支郡邑毫釐今據貴府簿牒乃不照道票某項禮
儀係支某名罪贖而樂填借支十五兩嚮日贖銀
一筆抹勾何耶敢煩足下將道單款對道支票細
榜全集 尺牘 卷之七 三

對開銷毋混言借支而以飽侵沒之案也特愛冒
瀆惟留神是懇

復粵西方伯于振方

自台臺榮蒞粵西一時同事寅案或以遷秩去或
以請告去或以他故去今則僅弟一人作布袋猢
猻耳漕事艱難日日已甚軍民期會之閒聚訟紛
紜既不可以左右袒復不可以方圓畫調度區處
費盡筆舌彼江湖波浪航楫顛危又勿論已矧承

乏三朞旱潦沴虐豫章子餘辛苦墊隘莫必其命
而請蠲請賑 天聽彌高批據賤臣安所施其撫
摩拯援而甦此崇崇溝壑戢戢承台臺翰教且以
厚貺下頒勒版屢謝未盡覲縷

復學道胡泰六

度年翁心不欲留亦必不能留所以眷眷然攀而
援者竊意會聚之久盤旋之殷猶或萬一之還
白駒之可維耳茲且浩然歸矣兩司印具議
榜全集 尺牘 卷之七 三

臺亦卽有題疏矣威鳳高翔征鴻矯翮望德里而
載欣覽松菊之敷榮鐘鼓考於堂琴瑟奏於室蔥
蘭列於庭階儘是一場樂事第感恩別離分翼而
飛未知後晤何期弟某處此寧能無惻惻若失乎
年翁幸勉旃自玉數日後當遣一伴抵潭府間起
居也

復湖東道沈何山

嵩賀告竣畫錦而入里門與一二親朋盤桓款會

高詠縱談題品今昔白日既匿繼之以宵有絲竹之盈耳無繁牘之勞形良愉快哉然台臺譽望崇赫簡注累愚內拜之命直在倚徙非惟豫章不能再借卽晉上亦難久淹也愧弟黯淺蒙茸稅隸追邇受事之初藩臬闔司同時相聚者計十有七人今俱接踵散去獨一猥庸委吏作布袋糊繭居中旋占易信當鼓缶而歌矣此中近事臺何能道之不及縷陳寒威凝重幸珍重鼎茵是禱

楞全集 尺牘 卷之七

四

復南康府

斗食卑官錐刀之微動有爭晚吾儕只欲完却公事何論其他漕糧以冬十月開兌十二月開幫規限最嚴乃有延至次年之春皆漕規所不載者都昌積弊已久故姑徐徐茲仁丈在事百廢備舉切不可聽各縣稽滯僅爾泄泄也趙簿雖陞然舊例既已經手不准徑赴新任若一糧而委兩官前後曳掣不便甚矣倘有生事干紀仁丈泰鏡朗甚隨

以三尺繩之可矣

復撫臺黃與參

蕞爾下國介在山海之區災異疊仍民不堪命依山而居者山利殫矣沿海而處者海利竭矣他郡不識何狀若敝邑郭外村落野蘆水濱不足以充腹饑饉載塗半填溝壑鵠形僅存則夫鬻其妻父鬻其子女甚則沉槎浮浪杳莫知所之矣幸賴老太公祖加意撫綏多方禳救予餘黔首猶得緩須

楞全集 尺牘 卷之七

五

吏而頌來蘇民也不敢忘天災其敢忘覆露生成之大德乎邇者豫章亦遭劫數夏苦於潦秋苦於旱當事者力佐百姓之急請蠲請賑請折而天聽彌高某職在儲輪漕與折之兩誤也無獲已申達二臺以便宜從事計畱南北米三十餘萬以濟燃眉其應輸運者移檄督徵控懇累顆粒不至異時者討漕事之不共且無所逃於斧鑕豈敢有他覲如老太公祖之獎借云乎哉

復高安縣

漕糧本色及協濟南昌月糧銀此項視京運等條更爲喫緊蓋運軍艤舟以待頃刻難延故漕運申飭最嚴峻耳前者以貴縣輸解不敷故轉借南昌府庫貯銀兩支給屢催補還竟無影響茲新漕又急矣仁丈不以此時料理瞬息且易歲矣舊者新者一時督併應還而不還欲借而不可再借不知將何策處於此乎極知仁丈一片苦心但部檄迫將全集 尺牘 卷之七 六

如火馳卽敝道亦在焚燭之中同舟遇風左右手援救非仁丈誰望哉萬惟神畱至懇

復進賢縣

饒陽之役夙夜兼程乃東道主館穀過於腆豐又承燃燭光顧所以不敢請前席一晤者知仁丈連日馳驅仍復虛縻相煩則鄙心有不安耳貴縣漕糧每多後期而仁丈在事不動聲色報完獨在諸邑之先信是神君作用自別也慰甚感甚承諭官

旗已豫有明禁矣茲當再嚴申飭以報成命

與瑞州府韋司訓

廣文風味弟備嘗之矣昔荷一盤圖書四壁優游談笑寵辱不驚較之荏苒批牒勞瘁鞅掌則青瑣清況飄飄欲僊寧委吏所敢望哉長兄以爲何如與高安縣

當此困敝之秋民與官均分其苦不佞弟承乏儲精拮据三載不能釋其負擔邇者部檄且以米色將全集 尺牘 卷之七 七

不登積逋不完有欲參處敝道之語嗟乎國步多艱爲臣子者受譴受譴亦何所逃罪顧身雖蒙罰而竟不能代任百姓之患則我輩處此亦甚難矣承諭知仁丈夙夜焦勞然須漸蚤整頓切不可虛爲然諾竟使涸轍之鮒徒望水於西江也

復恤部曹積雪

信州獄獄十餘日便足了此公案則台年丈十三郡欽恤簡孚之命可以奏報彤墀矣不識台駕卽

卜吉登程乎抑尚回省會兩堂也弟某批牒之役最繁最苦而內外當事者督責迫蹙嚴如斧鉞急如焚焦每次刺舉亦不得已束於漕規而一行之耳然官之殿最皆以正察爲重輕如敝道所循故事舉無益於錙銖刺亦無減於毫黍殊不足介意也矧昔滯而今敏又另有一番評騭其何傷於日月乎年翁可以此意相告所諭弟當敬佩不忘率爾展復未悉

務全集 尺牘 卷之七

八

與右堂潘鵬江

桑下一宿猶稱前緣矧弟自青青子衿以至干茲屈指數之與翁臺前後周旋且四十年矣入學鼓篋山菴聯床執鞭弭於長安傾益學於武林雖閒或合離不常跡蹤靡定然而意氣周通吸呼共貫所謂吹塤吹簫如蘭如金者誠未足以喻也今豫章又藉重右伯得報之日都中人士莫不舞蹈歡呼而弟某則尤極喜欲狂肝忘食而倦忘寢反側

思服望翁臺插翮飛來慰我離索發我蒙昧問粵西途程云驅車半月餘便可脫鞅於此則朝夕聚晤倒瀝肺肝第在徙倚耳不亦大愉快乎春色明靄大旆所經滿路花柳舒放禽鳥嚶鳴憑軾而寓耳目神怡心曠居可知矣紫氣騰煜懸懸引睇

復甘參府

在昔有甘都護尺劔自奮立功異域者門下豈非其苗裔耶七尺魁梧英風矯矯而鞍馬不御髀肉

務全集 尺牘 卷之七

九

坐銷李廣不侯馮唐易老竊憐當事者之不一俛眉也茲聞爲韓直指所推轂駁駁乎嚮用有日矣繫賢王之頸笞中行之背何足道哉矧望矧望所論敢不服膺顧虎臣勲業尚未可量磨石表章請以異日圖之

復瑞州司李

道斛乃成化十五年奏准頒降傳流至今卽道中所做木斛亦較量再三並無勾撮多寡未知府中

鐵斛亦是部降與否必須送道對較無差方可通行遵守若有多寡異同行於瑞而不行於他郡行於高安而不行於他邑則敝道所傳守二百餘年之斛反藉人以口實也此事關係非一時之事一人之私貴廳須細加斟酌未可使姑息於今而貽爭於後也至於私造大斛之輩當嚴加痛懲門下所謂法不可宥者信然信然草草布復未悉

與德安司李吳澆石門人

釋全集 尺牘 卷之七

以仁弟清才美器竊意當摘華振藻登玉堂遊閭苑暢有用之文章備清朝之瑚璉乃此番考選竟寢不舉行當事者急於張楚也藉重司李此官爲二臺耳目所寄令如流泉風足偃草通一國之文武將吏莫不怵惕於威而懷佩其德儘可以發舒意氣而設施學問良亦愉快然而忠恕謙慎四字吾儕奉身正律無須臾離得矧司李易於收恩亦易於買怨其中若官評之殿最刑獄之平反千枝

萬節豈徒任慧劍鋒刃一見決哉存之以忠行之以恕出之以謙處之以慎然後尤悔寡而眾志服賢同年李生之在湖州率用此道仁弟勉強而加之意可也樊君爲不佞通家仁弟得此君信是芝蘭同一臭味與之周旋共事自是相益相成不佞今日之言卽當作左券矣便附致賀僭及他山伏惟紹涵馮雙耿耿

與南康府

釋全集 尺牘 卷之七

民情難與慮始所從來矣王星子丈量一事備極苦心而持牒赴愬者且紛紛焉敝道槩度而置之乃昨奉撫臺批詞一紙不得不轉行貴府酌議大都通變所以宜俗立法要於經久譬如設鼎五父之衢大斟小酌人人均利焉則善矣幸仁丈與王君再一籌度山地塘田如何裒益多寡丁口糧差如何劑量重輕一時之制可爲百年之規敝道與司尊不過循石畫而取裁於當路耳伏惟留神矜

侯教旨

與新昌縣

人在造化中如魚之遊江湖或化爲蛟龍或困於泥沙然化而亨者千百之一二困而塞者十之七八亦理數所必然耳仁丈賜教考核之精引據之博詳哉其言之矣然談言而不談凶似不免少有忌諱世寧有歲歲通途人人壽考者哉客晤時更相質證潛事已就緒乎歧望不啻雲霓萬惟留意

齊全集

尺牘

卷之七

七

復巡西道趙紫房

弟某作措大時已聞甬東有趙紫房先生矣每從宦遊貴鄉者詢顏貌質起居願一識荆而不可得及麾守武林則姑蘇邵齋先生之準旗在焉盈盈一水竟爲官次所羈如繫微纆不敢越封疆寸咫以見君子而慰調飢茲幸以稅稗末僚獲締縞帶執鞭而御且有日矣乃台臺蒞止某政擔簦在途征衫一脫迫於數十載願見之思造次脩候方愧

其不成享而忽報之以瓊瑤一何速且厚也肅版申謝詞不能宣

復萬百谷

從朱夏奉別祖臺遂以飛輓行役鼓枹淮陰旣告成事假途姑蘇度錢塘而歸梓里因患風露之感不能負薪遂決策明農連章請告而當事者堅不允題潛事迫矣無獲已力疾以赴衣塵方滌百冗如沸則又深悔難肋不割乃復引足入此樊籠也

齊全集

尺牘

卷之七

七

祖臺清風美韻徧滿溫陵今歲星在楚我儕父兄子弟且合掌白佛祈召杜再至終始在提抱噓煦中未審能諧所願不耶辱承沃贐謹九頓拜嘉肅勒展謝神與楮往

復署新昌縣余別駕

錢糧那借各縣往往不免但某年借某項某年還某項爲縣官者一本簿籍一箇算盤時時在手事不旁落卽頭緒紛雜而散總相合如網有綱如衣

有領無毫釐之亂彼老奸巨猾安得伺其隙哉惜
新昌廖知縣見不及此故有今日之事承示鎮以
安靜細爲清查極是得其肯綮然此官在縣非一
日矣林林氓隸皆其子弟乃相率悍然不顧操戈
以攻父母如郡守所申者大可令人駭異狐兔之
悲諒仁丈必不忍忽然視也嚴懲狂悖以維體統
毋使冠履倒置自今日新昌始望之望之

與徐匡嶽老師

楊全集 尺牘 卷之七

十四

某待罪晚輸四載之閒三遭旱潦歲蜡不通民生
日蹙往者勿論已今歲凶荒視昔尤甚雖邀恩改
折而應解本色尚有二十七州縣疊災之後督徵
艱難兌期已踰而各屬之糧猶爾參差又江右船
數不敷向藉京衛湖廣協濟近奉部檄停止責令
本衛所自運脩船行糧之費不下數千金江省既
無額派司帑無可挪移彼運卒不能以枵腹涉險
道而儲臣不能以空言驅疲軍沒麪作餅巧婦咄

嗟別佐囊癡女奚乎夙夜惶懼憂心如焚未審何
策而可了此一局也剩臘無多驛梅已報春信敬
摘芹芽以侑辛盤

復鄱湖守備

門下投視說劍英聲蔚起當道諸公莫不以矯矯
虎臣望之不慧謹忝維桑其相期許更老婆心熱
矣有此美醪何不投諸江濟均惠士卒鼓其勇氣
而顧以饋不慧也重辱厚意當勉舉一觥以破春
寒敬謝不宣

楊全集 尺牘 卷之七

十五

復建昌府

吾鄉諸君子往往徑直自好不諧於俗弟平生頑
鈍不通病正在此乃仁翁亦以伏莽含沙爲患乎
然壘土可爲師保只宜整淨跟脚硬豎脊梁世路
風波聽之而已

復宋弼虞年兄

我輩之遊此途如魚在水中俄而聚戲荇藻俄而

散離江湖聚則喜散則思思而不可得見至於咏
兼葭賦棠棣觸目興感不能須臾忘則子民某之
於年祖臺是已方夫聯轡帝京接袂師席談笑諸
誰何驪然樂也一行作吏萍梗東西山川阻修魚
鴈間寂倚玉班荆徒託夢寐茲奉大劄嘆同籍之
參商傷時事之陵遲環循展誦隔數千里如覲芝
眉慰甚慰甚顧年祖臺隱矣抗志雲霄適情衡泌
真所謂鳳凰翔於千仞恥與雞鶩爲伍者某也一
擢全集 尺牘 卷之七 六

官拓落久錮稅糠面目可憎語言無味而乃虛譽
之以駕月鞭霆遠期之以干城鎖鑰此直塗澤奇
醜爲王生解嘲耳戴笠逍遙某卽與大宋遞執邱
園牛耳矣不腆一芹以侑荒緘伏禱鑑涵曷勝結

復郭青螺

黃簿至獲拜老師臺璆琅全編之惠稅糠稍暇展
而誦之神魄頓王心骨俱清第委吏鹿鹿從事斗
臂辰而出盡申而入一日之閒倚几披蒲僅僅竊

借晷刻耳又馬齒已長羊岐易亡卽強自鞭勉安
能如少壯時稱日出之光哉四載治漕無一善狀
老師臺顧謂軍飽而嬉民臥而逸此直以愛忘醜
飾之羽毛掩其瘡痍不令人指點瑕疵乃弟子內
訟匪惟素餐且幾覆餗矣

復廣信府衛太尊

輓輸之役藉庇勾當于思復來率修舊職而國課
民瘼又充充在耳不識何以待之貴府絲農絹疋
擢全集 尺牘 卷之七 七

擢昔數年而一摘造今部文督責必欲一併完解
本司屢求停止而不可得乃議加派先造三年然
災厲之後民力未蘇遽增派額是剝肉醫瘡之說
也蒙撫臺面諭會查貴府有歷歲裁省如河稅如
弓箭弦料等餘銀荷可以補燒眉之急而抵得一
分便可減派一分知台仁丈素以內溝爲痛拯此
危溺不惜髮膚願番圖利之政在編派顛顛首以
候成命

與南昌府朱司李

輓輸甫竣而新漕且經始矣南昌卒伍庸憇日至夫當其減存則告欲代運者南昌也及將起運則告欲脫免者南昌也人各有心無所依據非惠微寵靈何以鎮其囂而釋其紛乎頃衛官起送旗軍到司已有八十七名領銀去矣其餘已僉未領與夫已報未僉者望翁丈留神審定料明信乎片言立斷了此不遑晷刻聞耳稍遲則旌麾有典試

補全集 尺牘 卷之七

九

復按院田雙南

丙午蠶叢之役倚傍珠玉領聆規誨嗣是雖山川脩阻鱗羽閒寂而典刑仁美未嘗不寤寐若對也頃台臺旌旗焜耀南浦僅從寅賓之後奉挹斗輝不復顯縶白駒披瀝夙昔每自訟於令親翁李孟老深慚濶疎乃華雨沃貺忽從天而下聽馬行狩周爰咨謀弗遑燕息而顧念及批糠賤臣寵以異

數此其雅誼信與嵩岳等高滄溟並潤矣謹百拜登襲賡黍苗之章而頌明德

復德安鄉宦郭仁宇

憶在武林比肩共事舉其重則倡于而和唱當其劇則此騎而彼角至勢有窮於轉石而阻於掣肘者無可奈何相與踴躍而歎獻昔人以郡邑比之姑婦若吾兩人者無忝姑婦之稱矣顧所能知者賢婦之才之德而所不能知者則賢婦之命也老

補全集 尺牘 卷之七

九

父母筮仕以來贈履輒軻海寧政成而更調南安甫試而遭變其如命何哉顧不敗殺美有孟明不堂阜美有夷吾往勿論矣今而後皆老父母濟河焚舟方行天下之日也願努力圖之倘惠徵天幸不腆海陬復得借重則子民某之福也然而不敢必也台旌榮發以何日乎俶裝戒途而猶念及遺簪寵以多儀謹拜嘉餘藉手璧謝

與蘭谿縣莊鶴坡

客夏舟過貴治洪浸稽天縛纜城下經幾信宿台
丈饋以廩餼共其困乏居停主人厚意未報念之
面輒赤赤然熱也衡附書儀問侯王東白老師曾
有回息可得聞乎台丈兩邑甘棠政績茂著即日
蠶書內召出入承明侍從論思儲輸賤臣亦可邀
疇昔之雅借阮步兵青眼一盼乎不腆江蘋聊以
侑緘伏祈鑑涵懇切懇切

與粵西道臧靜涵

楊全集 尺牘 卷之七

三十

客冬旌旗焜耀南浦乃以簡書之長叱御前征弟
某稱東道主而不獲繫維白駒於我信宿疏畧之
舉可勝言耶桂林山水奇峭政約民樸台年翁以
凝重簡要鎮而撫之清淨寧一之歌可傾耳而聽
也聞彼中亦有西湖不知其樓臺亭榭亦能與貴
鄉相伯仲否然達人所至開襟放眼則六橋三竺
何處不在几屐閒乎愧弟離齋無常戴星出入惟
秕糠是問塵容俗狀卽臨江一閣且非我有矧幾

百里外匡彭哉

又

楊都閫至豫章馬障泥猶然未滌傾蓋間便爲弟
述台年翁溫惻長者津津不置旣而傳致華絨則
知將將軍固翁臺所擊節嘉慕而以意氣交驩者
也當吾世欲求熊羆之士矯矯虎臣之將微斯人
其誰與哉敬銜明命藏在中心倘有謀仗鉞而登
壇者敢不推轂卻轂以對

楊全集 尺牘 卷之七

三十一

與廣西黃都閫

弟生不辰磨蝎作難自勝衣冠以來辛楚百瘁集
于我躬今鬢髮星星改矣秕稗之役日與釜區爲
伍舳艫旣具則躬領漕卒凌涉危波瀟大江而度
長淮夙夜劬勞不遑燕息向在武林欲賦遂初因
循不果乃知考槃在澗信碩人之寬而仰慙飛鳥
俯愧游魚則形蹟之爲拘也台翁丈英畧冠海內
文綬武奮無所不至灘江之濱鎮南之頂有馬秋

二將軍遺烈在焉掀髯拂劍表樹奇勲金印如斗
繫肘而歸我翁得無意乎

復韓壁哉公祖

客秋自下里謁辭旂戟而入豫章至則山川蕭條
闕閭凋瘵雖微恩綸且賑且蠲而挽西江之升斗
以活涸鮒勢則難矣矧蠲賑所不及者漕折京邊
之賦竟不免追呼而陸突乎子民某收襁無策第
從中籌畫便宜有可持漏沃焦者不敢愛四肢之

楊全集

尺牘

卷之七

三十三

敏耳乃敝鄉災厲洊虐民羸幾卒幸藉祖臺廣賚
宏濟拔其淪胥而躋之衽席鴻鴈安集其楚不賦
蚩蚩了遺不忘天災其能忘齋持之厚德耶虎翼
中涓飛而食人在吾閩者計窘而去遺餘毒于縷
紳在江右者飽噬而颺連檣艦以言歸此曹得志
吾儕之憂也可奈何哉承諭知祖臺爲諸頭巾所
苦子民亦遭此累大約科場之際不能盡屏卻也
未知景升二豚犬亦側聞而曳裾否乎祖臺何以

處之

與戴贊微

台臺雅德顯望國人之屬耳日久矣執玉呼嵩既
告成禮陞辭而南便可耀節西江開紫薇之華省
聽甘棠之新政寧直鄙弟某以桑梓葭莩實有嘉
賴卽自薦紳大夫而下以及黃耆兒齒誰不景企
福星願沐元澤如飢者之慕鼎膏渴者之思冽泉
也倘借道而還吾閩畫錦榮矣然跋履山川舟車

楊全集

尺牘

卷之七

三十三

藉頓一入里門羊酒紛紛又增一番應酬以弟拙
籌不若乘便泄任較省得勞費強半也願亟展旌
旗以慰此邦雲霓

復益陽縣董閩風門人

經生家言世以饒脂視之謂其無當於用抑誰知
撫性剛靈奮功植節都是物耶不佞春杪督漕入
淮州過儀真王生繫我白駒綢繆信宿因相與屈
指貴鄉丙午諸君守官中外譽望烏奕雖所就人

人自殊然總之皆英英法寶也夫不佞當年所遊而收者非經生言乎乃得士之效若此斯已奇矣而賢弟又以鳴琴餘暇游戲翰墨捧讀佳製卓然大雅蓋氣象淵源固有所自而通達國體可見施行恐諸君不無稍讓一着也及瓜奏績載在司勳此番執玉肆覲便當直承明之廬侍從論思平生所學上下內外一無負愧盡以獻納對殿不佞藉有光寵多矣

楊全集 尺牘 卷之七

二十四

與儀真縣王韋軒門人

輓輸之役停橈貴治東道主人繫維我駒至於信宿促膝燒膏傾倒肺腑又虞羈旅之飢渴也投餐於數百里外誰無師弟子安得如高賢情意之肫厚乎鼓枻南歸不獲面謝寓書於縣少尹且還嘉賜諒必不浮沉也執玉近矣此行必以治行高等直廬承明見孫康諸君若問不慧官況則語以咄咄備臣陸沉耽耽無別善狀可爲知己道也

復周斗垣

治學之官如啖苦茶只自嘗自知耳世俗旁觀若有所羨而豈知其戰舌箱口難以告人者耶翁臺謂勞罔怨府則誠然矣至於鸞陽桃李弟沃其根翁臺茹其華則非所敢當也蓋弟以無頭學問強顏設臬綱之低昂抑抗夢夢然莫辨短長收薰蕕于同器置鎗金於並擲多足以供笑柄乃蒙垂念婉摯前隊既與入轍遺履又細搜索此非惟二浙

楊全集 尺牘 卷之七

二十五

人士鼓舞燕載之大而鄙弟亦銜威覆露之私矣頃遣小役往知試事未畢榮戟戒嚴不敢脩境外羔雉避嫌疑也政擬撤棘後顓圖問候而台貺儼然先之敬九頓登襲報瓊以李旋當拜使也計典伊邇凡百罪愆曲爲掩滌不至斬焉尋斧皆惟翁臺是庇是賴千萬留神

復應天巡撫王玉沙

蠶叢之役惠徼明誨執玉京國布示腹心至今念

之德音猶琅琅在耳根也朱夏鼓楫維揚邂逅僊
槎寵之以前席重之以嘉賜竣事言歸方圖報李
而攝官承乏提董場闢及撤棘而出則遽使函貺
又儼然下逮矣夫台臺望巍斗山班聯日月而鄙
卑猥陋如某者乃與之應答如響且恩數稠疊有
加無已祇據賤吏何以當此如天之福乎謹淳濯
百拜登受肅勒感謝罔既敷宣

與湖廣糧道劉

楊全集 尺牘 卷之七

二十六

儲精之官上仰息於部院下受成於郡邑一切錢
糧匪惟權不得與抑且口不得言者也而南北交
催迫於星火寧知糧道僅爲養員百呼亦莫之應
乎未識貴治政體竟何如也前竣役南歸邂逅傾
蓋祇聆教益佩以周旋茲度台臺且建旄視事矣
敢有所請江右漕船扣畱輕齎一分爲脩葺之費
奉旨遵行已久邇當事者責令盡數起解兩載早
傷改折減存脩船共不過二千餘金至今未給軍

伍怨讟茲歲全運費幾四五千金若不以此項給
散何以待之貴治與江右一體有同舟救助之誼
目三十八九年起至四十三年止支何項給軍脩
船每歲動輕齎銀若干抑遵照部撥完解別有所
設處那移也伏望不吝詳示臨楮曷勝祈懇

復建昌府須日華

楊全集 尺牘 卷之七

二十七

玉體康壯非孱羸者比而披閱大檄及華札又覺
神情非病若有所苦弟環循念之豈其別有感情
乎五馬貴重而年翁廉仁公忠一方倚作長城卽
事端偶觸批卻導窾歸於恬和亦焉用芥蒂也旁
觀者以意猜度謂爲近事之難調而發果爾故者
新者皆無以自解矣然亦罪在下吏於年翁何軒
輟哉弟又知慈度汪洋必不出此願惟加意頤攝
純嘏茂綬以副遐邇恬戴之望

復豐城縣各鄉宦

不慧某承乏大國凜凜然羸羸是懼入疆以來驅

馳數百里見苗麥盡萎山川無色傷心蒿目悲箸
不甘然猶謂豫章以東爾及脫鞅省會咨詢西偏
黍盛之害亦復如是淫霖作苦繼以旱魃孑孑災
黎安能堪此孰困宜薦紳諸老先生之汲汲爲民
請命也矧職在旬宣食土之毛者乎所諭蠲停事
宜容與寅伯再四商之苟可以佐百姓之急何敢
不竭慮殫力以報明命

與劉魯南年兄

集

尺牘

卷之七

三十八

弟從潮馳歸便欲與敝鄉逸隱狎主齊盟乃世緣
羈絆斬除不斷復爲五斗折腰然猶幸年翁在事
師保若臨典刑日親可以扶其顛頓置之安全不
謂弓影成蛇市廛傳虎而年翁遂決意勇退也自
今以往所恃彌縫弟闕匡救弟危者將誰望哉宦
路風波倏忽異態古來傑人俊士亦束手聽造物
安排耳想論議旋當自定猜疑旋當自釋年翁一
片心腸有如皎日寧寸雲所能終點翳耶舟中聚

晤見尊顏清泰怨尤不露於辭色深爲嘆服信是
度量加人數等也脩途開關霜威漸厲尤望珍重
以慰遐禱

與梁惺田

江許折麻黯然魂銷及馳入里門雖酬應紛沓而
夕曠西頽賓朋旣散燒燭獨坐則台臺典型儼然
如對室遠人邇棠棣之章信足繹而思矣資深望
歸姓名久覆金甌宜首推轂而消息閒然意謂海

集

尺牘

卷之七

三十九

壻還僻郵報稽遲耳乃策蹕豫章始知台臺以大
事奔歸東粵矣方今廟堂需材最亟內而槐棘外
而牙纛惟台臺是望而遭此艱厄讀禮中廬豈孟
夫子所謂天未欲平治耶然兔鳥如駛三載隙駒
萬願節哀順變輶輶養鼎雉以俟墓卜鄒弟某且殷
殷翹跂也

與潘鵬江

襄與台仁翁共事於浙政令則相咨詢勞苦則相

慰藉曠馭既頽燒燭繼之一樽一豆傾倒膽肝更
籌報子之半與猶未闌兩人掀頭而笑不知孰主
孰客同社昆季鬚髮已改而聚首投歡尚是措大
時臭味良足快矣乃自由拳告別鼓柅言歸回想
德音隆隆在耳第欲溯洄而從則不能無兼葭白
露之感也及入里門戚黨故舊問潘伯子官況弟
對以玉壺凝冰清徹到底近聞且有京卿之推羔
羊素絲庶幾不負生平夫何猶寥寥至今也豈此
楊全集 尺牘 卷之七 三十一

邦士民攀轅借寇當事者欲假以便宜烟雨樓中
且作廉使君畱客亭乎弟鼠技已窮雞肋不割纔
解輒豫章而災黎呼懇請錫請折國病民病修救
無策台仁翁何以教之

與熊石門

中秋奉別南歸會未幾時而金風蕭爽黃菊舒萼
今則律轉應鍾霜威且駁駁迫人矣聞老公祖履
屨清勝復有覃訂載路之喜孔釋抱途蚌珠愈奇

第子民某不獲作湯餅客染指大鼎一簪則不能
無快快耳儲輸之臣以財賦爲職而入疆以來見
貴鄉禾豆盡枯米價騰踴詢之道路皆謂滂潦之
後繼以旱魃窮簷小民待命於木實草蓏甚且有
闔室流離者今雖邀恩改折及請畱稅金以佐百
姓之急而部疏未覆 天聽猶高國計民生禳救
無術徒仰屋竊嘆而已望老公祖垂念維桑授以
上策某即當奉而布之也

楊全集 尺牘 卷之七 三十一

與糧道程聰持

二湖三江若東西鄰士習民風大畧相去不遠獨
漕事則懸絕殊甚蓋湖中政由己出權不旁借而
府廳衛所急聲疾呼猶勉強接應矧台臺以真誠
雅德率倡於上故綱舉目張舉然各有次第千艘
萬櫓奔騰如馳乃此中紛紜無序弊竇叢不可
究詰卽有端緒微露移文查覈至行五六十票經
十餘年而竟寢閣者尾大不掉掌孤難鳴匪朝夕

之故矣今歲以水旱頻仍微恩改折已十分之九
不折額數僅居其一耳而且許多齟齬倘若全運
將若之何耶台臺功高望巍指日內召此番已不
煩拮据中有喫緊條格易簡可遵者望賜開示俾
承下風不至顛墜榮施多矣

復樊致虛

弟與翁臺周旋數載膽肝若一痛癢相關前談及
溥關之政因偶布聞然揭中多自明心迹語且謂
柳全集 尺牘 卷之七 三十三

商人膚慙之未可盡憑並非有所瑕疵也弟報書
推穀翁臺平生長者所議亦就事論事耳更無他
端邢丈在關人多稱其脩飭自好若衙門內外不
敢必爲潔身之人信有如台論者此事徑可置之
聽當塗或覆或否似無庸再及也尊意以爲何如
商揭敬完上詰朝弟解纜行矣不敢振聲煩動與
居羽鱗有便願惠雙魚

復操江軍門沈華東

漕事之難月異歲殊追憶治子某初承乏時規制
具在典刑若新稟成式而輕重布之謚如也客歲
雖軍民約會之際微有齟齬然禁之卽止令之卽
從則竊奉祖臺德威猶足爲收攝人心之具今也
人持一私各行其意州邑之輔貳與衛所之轄給
惟利己是圖不問程限不問要束督責日嚴仇浪
日甚當此際而漕舟渡淮者纔十之五六他可知
矣某巽技已窮鳩翼亦倦此番告成便欲以半肩
柳全集 尺牘 卷之七 三十三

復太倉道高縣圖年兄

委積賤臣勞勞三載所沈錮者稅糧所程量者區
釜所日猾猾焉而控抑和調者凋瘵之里胥與胥
敲之卒伍也非惟塵容俗狀自覺可憎卽一片肺
腸混沌垢穢沃以十斛純灰寧能渙然不滓哉客

夏歸自淮陽假道姑蘇冀幸瞻望繁戟倚傍珠玉
釋離邊之遐思消吝鄙之滋芽不謂寶山空還孤
我寤寐茲復以輓輸之役擊楫潤州乃大函牒既
從天而下盥誦溫誨則恍乎芝宇之充充在目也
聞年翁臺近刻甚富亦可惠第一帙俾紙鼎餘者
依稀作雲中鳴吹乎舟中拜賜感作兼抱肅勒颺
謝心旌懸馳

與林天咫

樸全集 尺牘

卷之七

三十四

不肖賤昏無識而獨於二弟舞象之時認是連錢
寶樹到處相逢便說項斯既而伯也蜚聲譽序仲
也升歌萃鹿豐城雙劍辨氣而知亦庶幾具眼非
肉矣乃二弟屢起屢蹶至今未業何耶然厚積者
其發必宏矧天驚人之說自非欺我願益努力進
取摩厲以須會稽之翅終當奮翼澠池也若鄙諧
兩雛乃景升豚犬安敢望孫仲謀哉輓輸之役既
告成事即欲策蹇南旋聚晤不賒辭不多及

與行人廖對鼈門人

南浦聚晤傾吐膈肝非惠徵天幸何以得此愧東
道主人不能成禮第茅客一黍與郭有道共飯耳
意仁弟亦灑然欣傾益乎簞仕之初便賦皇華而
行郡國大旆央央所至莫不橐鞬郊迎亦足以明
得意矣乃謙抑善下若不勝衣與俗士甫冠進賢
遂有震矜之色可同日道哉使事告竣畫繡而歸
見貴同年諸君爲呼賤名致問已宦者勦勦旂常
未宦者努力進取若不慧某少不如人今鬢白面
皺居然作老頭陀但八口自累羈絆鷄肋未遽脫
屣以去所願矯翼屬翮爲我衣鉢寵光者深有望
於諸君後來之秀也不腆一芹敬勞紀綱於浮梁
之上伏惟麾存

復浮梁縣

浮梁漕米徵銀初議全不由敝道然既曰賤則扣
餘銀貯庫貴則庫貯量補蓋斟酌於豐歉之中通

融劑量敝道只聽縣糧完解更未嘗與聞其米價多寡也凡漕規當於臘月開幫矣縣糧該以往歲十月交兌劉世盛已去冬領銀幾六千兩買米卽宜乘秋成之後價賤買糴而當時省城米價尚不滿五錢推延四箇月倉無粒米今始申文欲增米價又以縣中前扣贏餘之銀欠在民間申請通縣另行編派夫江右何地乎目今宗祿額欠七萬兩脩理漕船每年當用數千尚不敢言加派解官領

檄全集

尺牘

卷之七

三十六

銀於米賤之時而圖增價於兌糧之際是國家漕銀徒以飽解官私橐也昨見吳府公申文明言其不可弟亦卽日批駁矣仁丈新任劉主簿與吏書暗通以誤仁丈須作速催完糧米上倉中有可裒益者只好就縣中前有贏餘未扣者畧措處些三兒若加派二字一出於口則墮諸奸網中切宜慎察弟叨附梓里休戚相關不敢不以直告幸惟炤亮七十八州縣糧差告示俱遵依久矣獨浮梁屢催

不以告示請印此亦吏書深弊速宜查理

復涂聲宇

吾儕守官屬職掌以內者好自爲之至於越俎而執刀匕則往往以輕率賈罪弟每譬代庖之官如旅寓過客遽廬一宿詰朝卽持被襖去矣安敢問主人戶以內利害事乎所諗細閱其中始末尚有許多差池而作敵睥睨猶然未已又新藩伯旦暮且至弟謹持管鑰以需苟得弛其負擔免於辜鑿

檄全集

尺牘

卷之七

三十七

與鄔霽雲

老蒼之意不在乾封胡爲久靳甘澍而今此一方民憂雲漢也連日以來我同寅率二三郡邑大夫齋心虔禱而未有應浮潦之後繼以旱魃則可柰何吉臨災數敬聞命矣而省邑之區當事者欲同例蠲恤便宜一分在閭閻萌隸亦是昭蘇德澤候

台駕旋時商之南贛覆勘屢催未到但改折只有贛縣耳未審可徑敘入否李萍鄉已給請封之文然此事全聽部裁卽撫臺之疏亦不徑任也顯此布聞未備

復安福縣陳自公

弟以輓輸之役一葉小舸長江濶湖風濤萬頃靡所依泊聽其所至而休焉推帆四眺若浮若沉雖目擊其危而一身不得自家張主仕宦苦海固若

博全集

尺牘

卷之七

三十八

此哉計惟有解組投閑煙霞爲侶乃便宜耳然惟弟技窮飛倦則可若老仁丈正是百仞蒙衝乘風破浪之秋篙舵在手瞬息閒便可千里至也瓜期在通報績奏最爲我桑梓光寵豈顧間哉掄頌金玉不能增在櫝之價而景仰欣好藉以芬其齒頰則鄙衷竊拳拳矣草率布復萬惟珍重

與吉安府

吾儕比肩共事於此民飢民溺誰能作秦越視若

鄙弟與老仁丈則與農畯相倚爲命稍有早潦若病瘵之在乃身蓋職事所關心神意念自放歇不得也承諭四邑災冊披而閱之真可太息流涕也俟諸道轉詳二臺發司之日自當殫四肢之敏爲百姓號呼請命但當事者亦苦於支吾之無策昨奉部文以四十二年厨料一項錢糧俱已陸續解完而且參罰江右八郡十七縣之官遭此時候信是千難萬難矣改折之說敝道敢不惟力是視而

博全集

尺牘

卷之七

三十九

與左堂王岵雲

子民某以輓輸之役鼓枻淮揚藉庇告成事矣長江濶湖風濤叵測小舸從潤州而退假途姑蘇擬欲束躬趨謁復竊自趁趨恐以不速來也致煩下榻故托陳郡公郵筒候問興居且勸駕焉司政繁

重自客歲初秋李孟老以陞秩行越俎相繼一年
所矣坐席不溫迭更若傳舍卽黽勉劬勞人直目
爲五日京兆耳豈能如老公祖卓數精勵指掌一
麾百度自振乎錦堂燕愷固爲可樂然通國之人
屬耳目已久矧豫章疊罹災祲拯援飢溺此亦老
公祖亟亟纓冠時也伏斬卽展軫啓行以慰元黃
壺簞之望

上山東軍門李孟白

楊全集 尺牘 卷之七

四十

建牙開府世俗耳目侈爲尊榮而當此荒儉之歲
民人贏餒莫必其命弄兵潢池者乘勢而起 聖
天子東顧盱眙知流離之安集反側之銷弭非借
重台臺不可車旌一臨二東之人歡呼舞蹈如脫
湯火而就慈父母之煦育枯者濡瘠者腴向所稱
夫妻子母割膚互啜者今日欣欣然喜色相告復
爲齊魯禮義之民雖福曜懸照幽泐自耀于光明
而孰知台臺一掬苦心調劑拊循顯施於所可見

而嘿運於所不可知乎總之眞豪傑作用其規局
自迴別也不肖某拮据批糠已稍就緒舳舨鱗鱗
溯流而北計中夏當抵貴治河伯效靈安流無恙
皆仁政之所及也敬庀小篚奉候履幘

與武林陸二生

隱顯有數出處有時卽聖哲且不能迂矧我輩乎
不慧拙簪歸來門戶世俗事累塵牽一切掃去蒲
團之上沉味經典破妄還眞六根七大且如夢幻
如浮漚泥滓濁淖於我何有哉惟是君家伯仲
與二三知己所期望曠首雲霄者則寤寐不能忘
爾願相與砥志礪心凡夫拾決猶可親證無上菩
提乃人間俗物有層有級又豈難扳柁而登耶見
孫根器不利倘得砥淮南鼎餘作雲中鷄犬固所
願也然而不敢必也潦草奏復不備

與南靖史邑令門人

吾儕北面委質義無所逃忠敬愷悌反之於躬淹

速升沉。歸之於數。如是而已。中庸以獲上治民。而要在明善誠身。此作官律令也。大都仕途崎嶇。螻屈龍伸。翻覆難測。未有快鞭直走一蹴而遂抵君卿公相者。同人先咷。北叟後福。一付頭巾腰帶。多不能脫此窠臼也。仁臺有赤心而無佞舌。脚跟立定。便成品局。至於去就之際。不妨紆迴婉曲。所謂大直若誦。道固委蛇者。非耶。若稍稍狃狃。即欲高舉遠翔。不惟於物情有碍。恐於自家腸腑。亦悒鬱不快也。動履行止。恣意所之。安所稱浩坦雅度哉。仁臺新刃發硎。大業遠圖。未可涯量。熟仁堅志。正當這裏着力。鄙人老矣。每食必祝。施四明有使者往來。亦諄諄言之。不置。乎戀素心。伏惟炤在。

與門人施四明公祖

世情物態。江河日下。勿論其他。即考較一事。熙攘譁囂。紛如市鬪。高壘登望。東藩屬。貴流作偏。逆波效尤。居嘗竊自詫曰。假令王大癡。今日尚戴進

釋全集

尺牘

卷之七

四十二

與周際五門人

賢冠奔驟塵冗不審可憎。面目竟當何狀也。乃老公祖獨以勁脊鉅肩。靜鎮力持。無妨於義者。姑削圭稜。委蛇其間。至嚴正體裁。不可遷撓者。則操萬斛之舵。一帆飽風。直破巨浪。踏彼岸而後已。此真屠龍手段。委地庖刀。曷足問哉。郡試三驅。遂隊請閒。兼錄鰓鱗。敢不祇謝。穎川治行久微。宸聰重書黃金。旦暮至矣。不腆小筐。豫奏粟卜。伏禱塵存。

釋全集

尺牘

卷之七

四十三

往歲海氛弗靖。重賴公祖貳而討之。服而撫之。吾儕小人。幸得晏然。以嬉。不謂祖臺北征。而後當事者處置失宜。漸生厲階。至今爲梗。黃口玄磨。初蠶動時。直可尺筆答之耳。乃爲虺弗摧。養癰貽患。加以饑饉。荐臻。愚民被其哄誘。蟻聚蜂屯。我行牌票。彼亦行牌票。是明明與官府爭名也。我曰。救民彼亦亦欲除暴。是明明與官府爭名也。我曰。救民彼亦日安民。是明明與官府爭百姓也。爲武臣者。未察

情形不知彼已輕師狎敵有如兒戲艘艘百餘盡
化灰燼今雖舟楫稍具士卒稍集然而新招募者
非餓卒之孑遺則逆手之狂子也不熟波濤不習
攻鬪裹巾領餉則應聲如雷撫劍揚舳則膽驚失
魄此豈可遽言戰耶且昔有作賊者瞋目露刃索人
父母妻孥不使之知今之作賊者瞋目露刃索人
以牛酒則牛酒至索人以布帛則布帛至索人以
金錢則金錢至垂索而出翻載而歸父母誇榮妻
孥快喜鄉黨不敢問親戚不敢言甚則有身作賊
而僞受募者混賊於兵反兵爲賊其禍敗何可勝
道哉此中大有機關要局法所謂多方以愚之經
所謂轉敗爲功因禍爲福此三言可熟慮也然要
以收拾民心爲本宣布文告使人知賊之不可久
而官府可賴以長存寓勸於撫以撫爲勸觀變而
動可也漆室罪言殊無可採幸深祕之

與李鹿巢

台旌入城闔如文阿羅華照映凡界條芻倏斂可
望而不可扳直令人讚仰已耳側聞祝嘏有期矣
時事多艱而翁臺叱馭驅馳以赴公家之急此其
壯膽忠肝信足以振發寓內頽靡之氣而定蜀安
黔掃蕩奴虜在此行矣耕釣僉父從泉石烟霞間
傾聽好音屢誦大業寧能自止哉不腆小篋聊以
修意伏祈鑒茹不宣

與林天咫門人

歸田以來巷無車馬之跡戶無劍咏之聲什三在
城什七在鄉鄉居則曳杖戴笠箕踞水石之濱占
晴陰問農圃麥禾生藝城居則葛巾芒鞋與一二
知己攜樽遊眺臺榭郊亭一惟意所適有迅風寒
雨卽淡旬櫛沐都廢擁膝斗室誦大小乘雖未能
指頂放光然已依稀作阿羅漢矣悠悠世路升沉
瞬眼不宜談及適聞軒旌將有事於信州謝上饒
者不慧視學政時所傳拔士也忠懇敬信可料其

殫心營職第製錦猶新恐於筐篋履屐之間或未
織密敢懇鼎力曲爲推援薦列高等引致青雲在
此一舉也

復兩粵制臺胡泰六

弟某承藉年臺舒金色臂運兜羅指得不墜落迷
網勉豎咫尺然鷗枝既訕鳩翼亦倦決策投簪遜
歸隴畝曩時之銓錚檄襖尚居然無恙也戴笠荷
鋤從事某污納稼輸賦而外剩稅稻數斛釀濁醪

補全集

尺牘

卷之七

四十六

以供農伴醉飲風夕花朝逍遙物外竊自比於羲
皇上人回視二十餘年前奔馳勞動直於驟背上
馬棧下嘔心短氣可謂大惑大痴矣雲泥懸隔古
意寢衰乃猶有不忘素交遠辱厚餉如年臺者乎
感沐恩慈謹束躬野服對使拜登無以爲報惟翹
佇鼎鍾鴻業與穹壤並不磨耳巍騰烜赫則是第
二義也

復松陽縣范門人

豈不奉漏沃焦以赴公家之急而厭愠未殄壯圖
遂灰解組歸來獨坐客膝小樓間然無事則敲小
磬翻貝葉證菩提因果深悔二十餘年前已決斷
愛河作苦行頭陀生涯乃却爲一進賢冠勞勞奔
馳至於今始舍去蕉鹿脫煩惱障抑何見事之不
早也仁弟好事近矣願加弩力華道尊一書便開
遣人致之撫軍前已齒及遲之當更相懇倘拊膝
匭言猶蒙採聽或可以纖埃裨岱嶽乎途中極承

補全集

尺牘

卷之七

四十七

高矣

復浙中司道邢

流行坎止進退有時卽古賢哲亦且隨所遭遇以
爲因應矧我輩能抗世忤俗爲其所欲爲乎弟自
揆疎拙決計明農病魔既却睡魂不驚六尺孱軀
始爲我有回視二十餘年奔馳勞苦舍性命之理
浮沉空埃悔掉臂之不蚤矣彼東山寄臥乃捉鼻

自憂不免弟非其人又無其志無其具台丈豈得以此爲弟望乎一邱一壑駒隙可銷知己大業拭目俟之耳

與吳陸諸生

江干雪艇徘徊追隨不忍別去而竟不能不別去心癢魂銷此其時矣歸入里門病體漸蘇坐臥一小軒焚香檀磬佛書滿榻嘮嘮披讀百塵盡掃五蘊皆空居然禪定菩薩矣還視官署中墮煩惱障縛全集 尺牘 卷之七 四十八

復杭郡陳司李

浙事艱難百孔千瘡如徵募繹騷災青頻告民力竭于皮毛官帑洗於懸罄眞台丈所目擊者弟某不敢憚四肢之瘁捋茶拮据至於顛頓危病而猶勉強支吾此豈沓沓泄泄尸素餽官者耶乃當事

者別有所授而齟齬之及雖持論未平然病體既殤得完性命於林莽則實大有造於不肯也過蒙遠念寵以函貺感作並抱謹九頓藉簡完謝篆鏤雅情言不能宣

與方伯游蠶初年兄

某農家者流也耕雲鋤月原不知人世有升沉榮枯事壯而扶策亡羊迷於岐路若爲柴欄所絆快筋擺骨愴魂驚心一如含釣之魚繫罾之鳥無須捫全集 尺牘 卷之七 四十九

與安福縣李載其門人

仕宦何必將相乎卽殺不朱丹服不金紫上能爲國家效一臂一指之用下能解匹夫匹婦之困便

是吾志得行。稱不素餐。君子仁弟。今日所居是也。從此升霄據旻。大沛遠施。埃之而已。不慧臆技已窮。鴈翼亦倦。決策明農。幸遂所請。身退心閑。雲霞爲侶。信林莽之樂。俯仰無礙。第悔其不蚤耳。

與郭符所

浙事艱棘。瑣瑣不具論。其大者。毋如織造。召募。彈力。拮据。帑藏。若掃。乃言事者。以四十八年。加派四十二萬。與協運。淮船二項。稍遲。并彈及焉。此二者。槲全集 尺牘 卷之七 五十一

皆有司爲政。卽弟蒙刺之後。重以三院嚴檄。猶不能隨呼而應。一介藩吏。有司視若贅疣。可奈何哉。則惟爲地方。受過掛冠。長往而已。起家原是一老農。今以老農還之。更何芥蒂。第覃恩蒙蘇撫臺再三畱意。咨部題請。故遣小价入都門。倘微大庇。獲微半級綸命。光貴先人。于泉壤。雖終身林莽。有餘榮矣。

復江右門人

昔人謂士別三日。當刮目相待。別門下爲不慧素所刮目者乎。客秋得貴省鄉薦書。讀之。未見門下姓氏。爲之慨然。顧圖南之謝誠具。亦何慮不扶搖也。所示諸作。皆有意致。但一日未離筆硯。則一日不得輕易放過。已精益求精。其精確珠工夫。自當如此。不慧巖居清致。勝於碌碌風塵遠矣。

與高致衷

今何時哉。以邊鎮則校虜鳴張。以內地則郡盜蟻。槲全集 尺牘 卷之七 五十一

聚得有發憤赴難。挾弓矢而馳計。不反覆亦已難矣。矧上馬殺賊。下馬草檄。如足下其人者。詎非表裏文武。而可以應鼓鼙。將帥之選者哉。授鉞登壇。當旦暮需之矣。不佞邇世閒居。固不敢問及浮沉榮枯事。然吾里間人豪俊。能以尺組繫單于之頸。而安集游釜之魚。則未嘗不殷殷翹跂也。山澤石隱辱承嘉惠。拜手而登杖頭。有藉矣。

與洪位穹

鬚邊之絲且皓然矣何用腰閒組爲哉棄而長往
一塵不坐臥行游任意所適無官身輕信大快
也第一官半畝容膝之外僅容于雲書一床當此
盛暑曲肱火甕熱氣蒸蒸汗下如雨此則隱家樂
中之一苦耳胡制臺曾遣人到弟家報書中徵爲
令舅掉舌然此際政天下危注意將之時令舅自
有以見知於當事者矣庸曹邱生喋喋也桐葉初
落仁兄歸期近矣屢相促膝尤所厚願

柳全集 尺牘 卷之七

五十二

與康莊衙門人

浙仕國也亦難仕國也不慧官遊其地而守郡而
視學而操藩轄首尾十年餘雖諸世寡術不能人
人盡中其歡然堅持一片樸心而行之以直道原
筮自審敢謂亦庶幾計過無憾者至於秦檜則不
慧之遺蹟在焉清旦啓鑰屢盈戶外堂下之陰已
移數丈而橫經問答猶未倦也今朔朔天路同多
其人然而澠池未奮者亦非一二仁臺以蓋世雄

朴建節此邦政事之暇青青于衿相率而就陶鑄
者續續牆序也願仁臺廣收而曲成之俾桃李成
蹊有小王大康之號不亦美乎

復武榮吳父母

邇自郊關折麻而老父母之典刑日以遠吾鄉之
習俗日以變勢家作俑羣不逞效尤雄行恣睢弱
肉強食甚且毀人之家戕人之命而不顧者訛言
傳煽譸張爲幻以郡城衣冠雲聚之區搖搖然若

柳全集 尺牘 卷之七

五十三

不能以終日令擇地蹈者市廛不可林坳不可鵲
鵲一枝靡所棲宿倘老父母猶然借恂也威糾惠
懷豈一旦陵夷至此哉或者善緣天假轉均而泉
其終鎮撫我乎跋而望之不啻雲霓矣

與滇南王門人

憶庚子秋與舍親陳隆老相攜入滇以赴場屋之
役當日驛路難難備嘗辛楚及至滇關分閱帖括
每得一卷輒對榻評語嘆賞撤棘而後兩經諸士

多是英英國器而喜可知也。乃造化參差。人事難料。敵房生汶汶寡陋。而門下最稱首座。竟厄於一第。可奈何哉。然宦途升淹。皆不係此。綏陽新城兩地得賢師。師居頌去思。亦足以發明用行初志矣。

與鄧壹印

歸遜巖壑。結伴農樵。今歲夏秋之交。隰原雨足。數畝所入。汗邪滿車。急輸公家。租賦簞揚之餘。猶可以飽百指。斯亦隱者之所娛也。惟是夷氛孔熾。

楞全集 尺牘 卷之七

五十四

天子肝食三事。大夫莫不夙夜方蹶之憂。寧以草莽耕鋤。頓忘國恤乎。年翁臺忠貞性挺。康濟繁簪。內安外攘。運諸掌上。亦可使野人得聞緒餘乎。

與浙左轄胡存蓼

咎麻藩臣。積勞積憂。抱病纏綿。自慙尸素。決策抽簪。入里門以來。杜門却掃。託生藥餌。幸而視息。猶存。卽料理汗邪數畝。煙雨稷鋤之閒。與農圃問答。桑麻俯仰。無碍夢寐。不驚身安。分足稱清世癡遜。

散人不亦休乎。若夫摠猷宜力。內修外攘。以佐聖明大業。勒勳彝鼎。則有台臺在焉。戴笠耕夫。侈誇知己於曠穴。快矣快矣。

又與浙中左轄胡存蓼

藩事藉難。而弟以低甌小器。處之猶能支吾。旦暮者。則台臺模楷在焉。若調募士卒。若告糴救荒。皆奉石畫而輕重布之。幸得釋於事。整不謂當事者。更以郡縣未徵之派餉。相齟齬也。輟阻于腹病。積

楞全集 尺牘 卷之七

五十五

於躬。當此國家多故。寧可浮沉俯仰。妨賢者路。重速官謗乎。用是決策投簪。歸臥泉石數月以來。膏肓漸蠲。愁慮不呈。庶幾馬牛未相閒。能傳頌台臺鍾鼎遠業也。武林聚廬。半爲煨燼。邊塵日聳。羽檄如馳。我公之重城萬里。自足倚賴。無俟山澤之癯。爲并州起念矣。

與吳生白年兄

治于某向與老公祖言潮藩之難也。而猶未見信。

也及至埤益杳出拮据維艱積勞積憂病困而莫
可誰何且不免於用事者齟齬焉則惟有勇退一
策耳歸田以來友朋既疎僮僕亦散數畝汗萊半
杭半禾旱溢無害斂穡滿簞家有百指供脫粟糲
飯之外可釀濁醪澆以葛巾招鄰舍老農箕踞樹
下瓦栢共醉已則相枕藉而臥夕陽西下詠歌以
歸空庭月朗抱膝獨坐方悔投閒不蚤而昔日憂
勞病困甚爲迂且拙也粵東政簡而老公祖敏妙
稱全集 尺牘 卷之七 五十六

與杭嚴道陸鳳臺

某之退而耕於野也所與偕者農丈人耳所與相
較量者雨暘之和忒麥黍之生熟耳眸子如霧視
一作兩邱報卻疎內外除目都久不見且不聞矧
敢更問及浙中幽明登黜乎惟是身雖隱矣而三

載通考恐支離名姓猶掛人齒頰閒自知壁劒絕
吼櫪馬不鳴而顛白髯落衰颯日甚物理人事既
已如斯卽有採勞車之薪解太行之紆者見黥劓
不可復補其誰肯任之哉然鳧脰不受續鴈脰不
受斷其苦傷均也山獐澤麋病羸困斃昇而置之
櫟莽足矣似又雕瘠皮肉無煩刀俎爲矣伏望台
臺宏開慈度曲爲包荒倘有相齟齬者幸寬而釋
之曰此癡絕腐生固鶴鳧獐麋類也亦聽其自長
稱全集 尺牘 卷之七 五十七

復耿都閫

弟所與海內知交登壇說劍者蓋若而人然肅允
深堅材華不露而緩急足倚爲長城者則非門下
不可故極力推轂庶幾國家得熊虎不二心之臣
以當一臂耳方今南北多故禁中頗牧尚未有慰
拊解之思者長寧雖未堪展驥足乎而乘此嘗試

艱難跋涉險阻。昇日衛霍功勳。皆是得力處也。弟近日亦有以繫條之桐。補牘者。顧烟霞水石盟心已久。必不能效。股深源。書空授人。唉。柄也。

復何點蒼門人

謀也不敏。僭假稱師。臂則邨社三老。捧土木而抱。尋之。號曰菩薩。歲時祈祝。雨暘偶爾不愆。輒驚動。遠邇奔走親媚。疑天疑帝。適有狂無賴。叩之不靈。遂以昏夜。攪其服。赤其軀。詬謗甚矣。彼菩薩者。慈。博全集 尺牘 卷之七 五十八

悲忍辱。未嘗過而睥一指焉。而猶然據半畝之宮。不袍不屨。塵金滿案。欲令人奔走而祈祝也。不亦難乎。某今者實類於是。歸田以來。輦上君子。忝一日之雅者。豈不濟濟若林。而鴈帛鯉素。會不一入羅雀之門。老父母履任不半載。而問謁再辱。何用。情之篤摯如許乎。赤軀菩薩。不能放頂臂光明。拔度報施。而尚受此供養。感何可言。愧何可言。率勒致謝。併伸賀悃。儀不成享。伏斷炤納。不宣。

又復何點蒼門人

不肖某初見老父母大篇。意謂狎天驚人。直俄頃事。乃迴翔十餘載。茲始展垂雲之翼也。方不肖為書生時。雖每試高等。而年少狂士。輒目之曰。丈夫也。今歲得增。明歲得廩。不過可為異日鍛羽地耳。無足畏也。詎料不肖竟以力田逢年。而狂士相譏。詆者。卒落落無聞耶。老父母淹通遲速。大都與不肖相類。居恒哆口揚揚。於當事諸公曰。何君海內。博全集 尺牘 卷之七 五十九

人龍也。寧可作池中物。視之。故會場報榜。非惟不肖躡屐折齒。即妻孥童稚。亦欣欣相告。喜可知矣。第歸田以來。中外除授。並不及聞。舍親蔣八公。送壬戌齒錄。始知借重敝省。政圖問候。而老父母命使適至。溫詞隆賜。隔千里如面晤。謹九頓拜嘉。肅版嚴謝。力占難罄。

復康莊衛門人

仕隱兩字。要自家認得分明。然後令志同方之士。

相與扶攜率輓仕固成其爲仕隱亦成其爲隱也
昔夫子將適荆先之以冉有申之以子貢蓋一聖
二賢皆汲汲欲仕故其周旋不舍若此假令夫子
作丈人荷篠舉措則求不必執御賜必不結轡又
令求賜爲沮溺耦耕孔轡皇皇竟何之乎寒劣如
僕身已隱矣仁臺猶以東山相望問其寒煥寵以
南金其用意勝古賢遠矣敬稽首拜嘉即呼諸孫
跪列階下舉而授之曰此康大夫之賜也爾曹能
稱全集 尺牘 卷之七 六十

與孫六吉門人

夫仕宦而持斧服繡代 天子巡臨郡國旌麾所
至山嶽動搖此亦人世之至榮也乃自仁臺視之
則漠然無所動於中其理雖政也滌繁蠲苛疏數
百年未通之財賦其握文衡也蒐奇振滯覽數百
年未發之材誦竭誠無二慮徇公不顧私夙宵勞

勸未嘗一晷刻晏焉以嬉昇日者階愈峻責愈重
其盟心惕厲者亦若是耳安知有人世榮華哉不
慈承乏浙轄時蒙仁臺不忘簪履之舊函貺浣加
至今念之猶若冠蓋儼然於蛛蟻之室也第山農
石隱戴笠而望卿雲末由自致適有鱗羽之便敬
以草莽姓名奉候與居不敢修僂語和緝儀者懼
煩褻也

與何點蒼門人

蟋蟀在堂甫拜歲暮之賜居諸何幾端陽屆臨翰
軒使者復扣柴扉而致大夫君子之命時則子民
某擁書畫臥夢一投冠絳衣報某試聞之捷異哉
遽使之呼與意外之夢相值也覺而思之衣冠儼
然者非老父母耶試聞告捷者非台諱耶知己神
交千里徵兆語意之慇懃寵貺之稠疊又非片楮
所能謝而宣也志在肺腑如劇如錢另有所言載
之副墨

與臨海張九鼎門人

裏不慧以三寸不律索貴省英豪於簾幕開惕惕焉惟眯目寶物是懼天誘其衷大薪小樵目力所及多是璫璵美器今之翺翔霄漢者已累索乎若而人者矣而仁弟猶滯賢序然而按劍登壇旗鼓不表曹將軍豈以三北爲恥哉棘闥已過驪駒駕矣不慧足力不敏弗能走送郊關薄贈數種奉壯行色敬傾耳而聽鹿萃捷音

歸金陳尺牘卷之七

六十二

與兩浙道憲

弟某憚愚寒拙且遭時事艱難百憂攸萃加派遣餉槩省縣官全未開徵而責之以濡滯諸公助餉內報部院外報兩臺而責之以矇矓明明心事明明案牘天日可質愚夫愚婦可指而知獨蒙不白之疑不亦冤乎然自古忠而被僂信而受謗者何可勝紀某雖不得意乎未若箕商之甚也多病顛連一官如徒得此題目掛冠而歸十畝之閒桑者

閑閑則承言者之惠亦已多矣台臺追念往事諒

之于形迹之外剖臆折肝相信會參不殺母杼自如大夫君子其盛德遠度可勝道哉蛛雀牖戶忽傳嘉貺坐客有鹽沽酒有錢陡爾暴富銘心之感百倍尋常

復邵武縣學廣文

嚮得南都試錄讀之見仁兄姓諱喜不自勝竊意名駒馳驟便一日千里至也乃猶然暫以六月息將淹迅有數必風雲相遭然後奮翼揚蹄使凡羣

將金陳尺牘卷之七

六十三

盡空耶巖藪遁入世事塵情毫無所撓近者何父母境內問餽時時相及杖頭有藉無事典衣銜盃樂聖又一快也佳卷披玩遠致可徵未仕而以南金爲禮過矣敬附完謝分陰尺璧願言努力

復台州守張人林門人

台郡事體決裂欲借異材以善其後僕雖知非巨源不足了此而護惜佳寶防慮損傷故當日苦口

躊躇然當事者亟於拯溺救焚竟舉艱重全托仁
弟一肩乃寬脾理解剝然秦刀羊腸九折叱而過
之若康莊焉始信豪傑之士急病讓夷而功能固
炳炳在人耳目也聞已會題金華道矣但此姑置
三輔云耳建旄秉鉞徙倚可致林藪間人耕雲鋤
星無絲毫世事掛諸胸臆第天上知己鼎彝勲伐
廣播傳頌則區區所每食必祝者也承示貴同年
諸君消息七尺無恙尚可奮策後來所可悼者造
樽全集 尺牘 卷之七 六十四

與周際五門人

解組明農竊意一邱一壑可以掩關閑處無事恤
緝不謂風習流壞情故萌生睚眦釋憾至於攻劫
掠殺而罔所顧畏遂使無賴惡少狡焉思逞郡城
百雉危若累碁纓組之家攜孥避難於窮邨僻谷

一月而四五驚此從來所未有之變幸微老公祖
威靈潛弭默奉卒就寧宇市廛里巷夜臥始得貼
席雖雷雨旣解罪過可赦而四成妖言惑眾倡亂
之魁似不可不重懲一二以肅風紀蓋事不成則
爲萊傭乳臭事成則爲赤眉黃巾創之或警於後
不創則蔑視三尺將來何所不至哉乃紅夷眈眈
瞰我內地目前羈縻若可苟安然江充徙戎之策
政是今日對藥也草野通人杜門結舌久矣辱承
樽全集 尺牘 卷之七 六十五

復閔曾泉年兄

坎止流行隨時消息此吾儒進退良規也然惟台
年翁隱繫物望仕振風猷其出處方大快人意弟
也碌碌亦遂行隊登場作戲而面目可憎歌笑談
諧自量無足諸俗掛冠歸里客膝孤居世事家事
絕不問毫髮筐床一帷經綸一榻儘足供僉父逍

通緯恤漆憂何用老婆心熱哉第紅毛夷外侮狂
無賴內訌吾鄉岌岌無可爲藏身之固信有如台
年翁所慮也節旌高懸垂念棄簪龍觀遠頒敬再
拜而受卽以授舍旁酒媼王無功可百日作醉鄉
遊矣占瀝展謝馮楮神馳

與武林陸二生

意倦而還身閑爲快庭中風月窗前經史儘足優
游歲月蓋世既忘我我亦忘世非惟升淹晦顯之
榜全集 尺牘 卷之七 六十六

事不徹於耳而交遊問訊之書併不涉於目忽承
幹教信是空谷孤居聞足音而喜也君家昆玉鴻
漸之嗣宜奮飛久矣乃猶然蟄而未伸此造物者
將益培其力厲其氣而負蒼天亂浮雲可計日需
也豈必問詹尹君平哉佳作四首卽付兒輩誦之
楚璞光華明秋價貴連城矣千萬珍重



慕蓼王先生榜全集卷之八



六世從孫宗敏爾

家譜勸戒二十則

十勸規範

孝敬一

夫孝者天經地義爲人道百行之首孝經戴經二
書詳哉其言之矣今不繁稱博引姑就爾少時所
讀論語粗爲講解論語問孝四章獨于游章言敬
榜全集 勸 卷之八 一

餘不言敬而敬在其中何也人子事親知養而不
知敬是犬馬蠢蠢無識我亦蠢蠢無識名雖爲人
而靈性盡喪披毛帶蹄何以自別於犬馬認得罪
過這等深重怵惕惶恐急求自贖養體盡物養志
盡順無所不用其極說到這裏纔是能敬至於生
事葬祭無違於禮自始至終兢兢戒謹惟恐干紀
踰分貽親不安非敬而何子有疾病父母懷憂懼
貼此念履薄臨深不敢怠遑朝夕計過以求無憾

非敬而何乃若酒饌具供服勞盡瘁都是末節惟以戰兢恂慄之心生愉悅和婉之色手舞足蹈而不自知非敬而何如是則謂諸子游以敬卽語懿子諸人以敬可也又論語事父母三章獨幾諫章言敬餘不言敬而敬亦在其中何也父母差誤僅在念頭幾希人子從眉睫間窺見些兒意思卽怡色下氣不以口諫而以心諫委曲婉轉夔夔惕惕到底不違務令親志默化恍若神明密移說到這裏纔是能敬至於承父母命不得已遠遊離鄉關實戀庭闈身在東若親與俱東身在西若親與俱西音容可掬夢想皆真小心翼翼明發不寐非敬而何乃若父母之年常存記憶方喜黃髮康寧仍懼旦暮風燭倏爾懼轉爲喜忽且喜不勝懼寸陰珍重尺璧一日貴逾三公非敬而何如是則謂遠遊知年之敬卽幾諫之敬可也由斯以譚引伸觸類念念刻刻皆敬皆孝移以事君移以事長移

以事天饗帝無之非是矣

友讓二

書君陳篇曰惟孝友于兄弟大雅之咏王季曰惟此王季因心則友則友其兄則篤其慶夫友以人合兄弟以天合友以義勝兄弟以恩勝而以兄弟爲友母乃親疎莫辨平日非也詩書舉友之一字加於兄弟最親切有味今且以友論之伐木嘯鳴聲相應也芝蘭感契氣相求也金石締盟意相孚也講習麗澤道相益也於是有窮交而讓財者有達交而讓官者有厚交而讓宅者有卹交而讓謫者彼其人合義勝猶且慇斯慇斯而矧兄弟也生同屬毛離裏少同嬉遊嬉戲長同並肩接膝老同扶筇曳屨墳簾倡和而嚶鳴不足諭矣棠棣華而芝蘭不足諭矣肺腑聯貫而金石不足諭矣手足赴援而麗澤不足諭矣兄曰弟吾友也匪惟一體而且一德弟曰兄吾友也匪惟一脈而且一

心兄曰泰伯以天下讓吾友吾弟而難乎其爲伯
弟曰季札以國讓吾友吾兄而難乎其爲札區區
室廬瑣瑣田地沾沾粟帛銖銖器物任取其厚美
而不爲豐任留其脆薄而不爲膏豐者日處有餘
而不爲貪膏者日處不足而不爲怨無讓名無讓
迹讓者無德色不讓者無疑嫌所謂因心則友慶
篤無疆而兄弟相與以成其孝者非耶

敦睦三

綱全集

卷之八

四

古初族類未煩姓氏不分凡戴髮含齒方趾圓顙
而爲人者鵠居鰕飲與草木同榛榛與鹿豕同狃
狃混乎無所爭也安間睦不睦哉及洪荒闢而文
明啓堯德廣運重華佐之舉十六相誅四凶平章
協和之治光被四表史臣頌之曰允恭克讓敦睦
九族蓋言國本于家化行自近始也厥後生齒日
盛氏族益雜情故滋萌爭端漸熾朝爭者闕於名
市爭者闕於利而農民于耜舉趾築場納稼亦紛

紛郊野閒讓田讓畔之風無復有也井田法行而
出入相友守望相助疾病相扶持百姓乃親睦焉
蓋不親則爭不爭則睦是知敦睦云者亦聯之以
恩正之以義解紛息爭而致其親親之意耳吾族
姓業農者多居連棟紆連畝鑿連烟牛羊連芻牧
墳塋連阡壠耕耨既同井而世系又同宗今而後
存改慶唁祭祀燕享歲節問慰期望會聚推其所
以相友相助相扶持者倍加恩義少必敬長卑必
奉尊富不輕貧貴不忘賤周旋往來之間實有眞
實懇切情意又實有正大分明道理聯屬融貫薰
蒸透徹無論郊野市朝而親睦之道敦厚不衰則
雖百代綿延何異同堂共室哉

忠朴四

本有根而後枝葉盛人有根而後福祉昌忠信朴
茂人之根也根既植矣灌溉之培植之始於萌芽
至于凌雲參天皆根之爲也故人須山內及外從

綱全集

卷之八

五

幼到老只是一段真真實實做得徹底言必有物
行必有恆心事如青天白日器宇如璞玉渾金恁
款醇固直與赤子一般更無毫髮欺滿肝腸無毫
髮粧飾模樣有此根本自然衣食豐饒多壽多福
一生受用不盡

平恕五

謙之象曰君子以裒多益寡稱物平施子曰一言
可終身行其恕乎己所不欲勿施於人夫不欲不

懽金集

卷之八

六

施則多者寡之寡者益之所施皆得其宜而無不
平之憾所謂能近取譬恕之道也若不能順事恕
施惟己欲是爾己所欲多爭之又爭占了許多便
宜己所欲寡損之又損減了若干節目非但人已
相對長短輕重倒置懸絕而自覺方寸峯崎險側
不平甚矣然則平之與恕做兩字看亦得做一字
看亦得吾人平居交應酬接須討個極公道的權
衡定個極穩當的丈尺凡取舍愛憎施與辭受依

這平平矩度分付將去並無毫釐爭差無些兒偏
斜如大學惡上毋使下惡下母事上惡前母先後
惡後母從前惡右母交左惡左母交右上下四旁
均齊方正中庸求臣以事君求子以事父求弟以
事兄求友以先施不足必勉有餘不盡孟子自反
而仁自反而禮自反而忠橫逆由是置之何難此
其胸大何等平坦襟懷何等寬恕重門洞開八窗
玲瓏蕩蕩周行無碍無障雖聖賢地位亦從此進

懽金集

卷之八

七

慎直六

嘗讀易至坤二四兩爻二繫以直方大不習无不
利而文言申之曰直其正也君子敬以直內四繫
以括囊无咎无譽而象申之曰括囊无咎慎不害
也蓋人之生理本直直則正不直則罔聖人慮其
罔也觸藩羸角不退不遂因而示之以敬敬則不
敢暴虎不敢馮河而知慎矣況坤陰也陰疑於陽
冰堅龍戰元黃兩傷此豈處囊脫穎之時括而不

出故守其直及夫冰消戰息倒囊而施暢於四支
發於事業豈惟無害抑且無不利焉故夙夜匪懈
以事一人當官慎矣而糾繆繩愆寧懸毋諛非直
帝求瘼畏岳疴痛切膚臨民慎矣而風行草偃寧
張毋弛非直耶奸惡無僻嫌隙不開正家慎矣而
防閑有則寧嚴毋縱非直耶執玉捧盈如不勝衣
提躬慎矣而拔淖揚波寧噉毋汗非直耶論行結
交比匪是戒交友慎矣而他山攻玉寧拂毋順非
綱全錄 勤 卷之八 八

直耶興戎出好口必三緘發言慎矣而息邪放淫
寧辨無訥非直耶履虎集木若將隕淵處事慎矣
而據經守正寧峻毋靡非直耶直以清慎然後慎
不至惠而無畏首畏尾摸稜兩端之失慎以成直
然後直不至絞而無攘羊證父責善傷恩之誚乃
知坤之二四兩爻互相爲用而學易信可以寡過
也

節儉七

聖人作易取上坎下兌之卦名之爲節而贊之曰
天地節而四時成節以制度不傷財不害民天地
帝王且須有節況士庶之家乎是以安節者亨甘
節者吉不節之嗟無所怨咎但自苦耳傳曰儉德
之共也夫儉者纖嗇慳吝今人多目之爲守錢虜
曷云德共不知能儉則制節謹度不敢縱放收斂
節約德繇此聚非共而何故晏子豚肩不掩豆一
狐裘三十年文子妾不衣帛馬不食粟蕭何爲家
綱全錄 勤 卷之八 九

不治垣屋曰今後世賢師吾儉此皆前哲往事可
效可法矧又易有明訓與禮奢寧儉不遜寧固之
語在乎

勤勞八

天地生人授之以天時食之以地德將使之營辦
生殖厚倫盡義匪第令穿衣喫飯自暇自逸爲也
歷稽往牒崇伯子股無胈脰無毛胼胝手足西伯
昌自朝至于日中晏不遑暇食姬公旦夜以繼日

坐以待旦。傳說版築。膠鬲魚鹽。孔明躬耕。士行運甕。彼皆聖哲賢豪也。尚乃汲汲孜孜。緣此推之。士農商賈。黔黎少壯。孰是休閒之人。市廛村聚。僻壤窮鄉。孰是休閒之處。春夏秋冬。伏臘晦朔。孰是休閒之期。祁寒暑雨。烈日嚴霜。孰是休閒之頃。故鼓篋授經。佔畢講貫。則勤勞于術序。沾體塗足。稼穡鋤耨。則勤勞于田園。徵監貴賤。遷化有無。則勤勞于道路。樵蘇弋獵。量暑綸釣。則勤勞于山海。刀斧

柳全集

卷之八

十

學問九

予族姓住廬。托處與遷徙。僑寓長少。計不下三千餘指。大都孝弟力田者十之七。而依山者採於山。依海者漁於海。不山不海。工賈為生。總十之三。詩書庠序。渺乎邈矣。迨予繼燈。萬起豐沛。汗馬後生。始知嚮往。而採芹鼓篋。尚未斌斌。故茲獨以學問勸夫學問。何居乎揮戈逐日。鍊藥成僊。聖賢有路。咫尺目前。是在定志。牛羊斤斧。齒齧裂夜。氣防蔽用。滋萌樂是在清心。跋鼈不休。千里非遠。括錄勿倦。七札可穿。是在勤業。佩蕙握蘭。馨香同味。映珠懷玉。輝光自媚。是在擇交。亡羊多岐。縱馬識途。凍解冰消。雲密則雨。是在釋疑。古今疏註。史傳典故。弋獵蒐獮。嚙齧截腴。是在博收。玄奧要妙。了然心目。魚兔既獲。筌蹄何有。是在約取。輪扁良匠。應手疾徐。慶錄入神。頓忘誹譽。是在精進。過此八者。學問之道備矣。如斯而仕。則紆青拖紫。勒鼎銘鐘。如斯而不仕。則通儒大覺。陶世淑人。弓冶授受。衣

柳全集

卷之八

十一

鉢傳習一脈書種百代流芳其視力田工賈採山
漁海所得孰爲多也

禮教十

夫禮者有儀有威有典有則自君臣父子燕饗跪
坐冠婚喪祭饋獻飲食巨領細目纖悉畢具所以
別嫌疑定猶豫立堤坊止淫佚也故居家教誨子
弟八九歲而後如曲禮少儀內則弟子職朱子家
訓先輩家禮須與他講解明晰令其通曉稍長則
禮記集說 卷之八 三

禮運禮器玉藻月令學記樂記諸篇皆宜熟讀默
識而日用之間嚴飭尊卑秩序長幼防閑內外以
及升降楊襲周節俯仰莫不對酌禮意參合時宜
節文度數繁簡稱情要於閨門雍睦有德有義廉
唯整肅不瀆不乖而習慣性成動中繩率族黨州
鄉薰磨顧化不亦美乎

十戒藥石

悖逆一

我聞曰君子修之吉小人悖之凶又曰惠迪吉從
逆凶惟影響蓋吉凶無常在人所召惠而修者君
子養之以福不期吉而吉自集逆而悖者小人敗
以取禍不期凶而凶自至曾子不云乎不愛其親
而愛他人者謂之悖德不敬其親而敬他人者謂
之悖禮德禮既悖匪逆而何況親者身之本也身
者親之支也吾不能以德愛親而顧能愛人不能
以禮敬親而顧能敬人則所云愛敬者亦不過彌
文飾節瞞人耳目已耳世有悖逆之子淫縱破義
傷敗彝倫者置之勿論卽定省無曠溫清不疎似
矣而索之未必在側呼之未必可得非悖逆乎饔
酒筐內滯澆畢具似矣而將徹不請所與有餘對
曰已無非悖逆乎舞絳成歡賓筵設饋似矣而父
母所好不好父母所惡不惡非悖逆乎唯諾惟謹
筮楚不怨似矣而小杖則受大杖不走非悖逆乎
過端未露柔怡諫諍似矣而見志不從退有後言

非悖逆乎疴癢亟搔湯藥必嘗似矣而晉管臧獲
叱咤大馬非悖逆乎推此類具言之未易更僕然
悖逆不止一種而獨舉之以警人子欲令爲子者
隨事點簡隨時省察視於無形聽於無聲必理靡
一毫不順心靡一毫不安纔認是德是禮以愛親
者愛人以敬親者敬人愛人者人恆愛敬人者人
恆敬有惠迪無從逆有君子之修無小人之悖福
祉駢集禍災不至所謂吉祥善事親與身並受之
矣

楊全集

戒

卷之八

古

閨闈二

棠棣之詩曰兄弟闔于牆外禦其侮蓋言雖有小
忿不廢懿親卽內闔未休外侮突至相與禦而止
之惟力是視非謂閨牆爲無傷也誠思我兄弟一
塊肉血都從父母毛裏分割將來則身卽父母之
身亦卽兄弟之身那得有爾我彼此故舜與象同
憂喜偁與壽同步難忿自何來闔因何起今時兄

弟皆由分娶而後漸聽婦言譖愬遂構嫌隙疎離
骨肉小爭以詬誶大爭以挺刃甚且爲買首之讐
刺骨之怨分家破家拚命隕命貽父母愁慘作子
孫榜樣受神明譴誅嗟嗟是誠何人哉是誠何心
哉

諸僞三

凡厥初生惟是一片真心人所必有使人人能保
任護持徹首徹尾言必忠信行必篤敬則金石可
磨

楊全集 戒 卷之八 十五

貴神明可通而行於州里行於蠻貊又何隔閡之
有乃世有一輩輕薄子瞞昧心性破壞本真謂言
而沾沾訥訥不足動眾于是專造詭譎之言鼓弄
唇吻變亂是非龜毛如蜩兔角似犀而曰目睹其
物山湧碧浪井起紅塵而曰親見其事既涸細以
爲素復涅素而爲紫既指雀以爲鸞復詎鸞而爲
梟無影之樹婆娑匝地不彫之花馥郁四播謗言
若斯其足信耶謂行而碌碌碌碌不足震俗于是

專務虛偽之行掩頭匿面厚貌深情恐人嫌其方也則利方成圓而爲走盤之珠恐人疑其巧也則藏巧若拙而爲韞玉之璞纖喬似陰而裂帛揮金以名廣大包納似汚而墮戶卻軌以示介特好葉公之龍立可升霄躡吳寶燕人之石直欲藏積待沽僞行若斯其足憑耶之人也當其創設語言肝膽已自難欺藻飾迹象象影便卽懷慙矧捕風捕月到底非眞質羊蒙虎畢竟是假果何益哉孔子

博全集

戒

卷之八

十六

曰亡而爲有虛而爲盈約而爲泰難乎有恆矣恆九三之占曰不恆其德或承之羞人知有恆之難無恆之羞毋亦斂譎歸實剗僞還本忠信篤敬參前倚衡終身書紳而善人而君子而聖人步步躡級而登奚難焉

貪伎四

宋人有獻玉於子罕子罕不受曰子以珠玉爲寶我以不貪爲寶不如人有其寶雄雉之詩曰百爾

君子不知德行不伎不求何用不臧大抵伎求皆生於貪天下未有貪而不求者亦未有貪而不伎者以貪而求者言之榮鼎膏粱乞墻登壘觀我朵頤舍爾靈龜欺暮夜之四知營狡兔之三窟作護法之沙門效春庄之吠犬以若所爲求若所欲有視面目垢黷甚焉至於貪而生伎張機設檻投井下石引繩批根推刃按劍孟酒負慚覓結魏寶之禍互懸朝柄遂構牛李之爭綠珠在帷石將軍之族已赤羊羹不至中山君之國旋亡噫貪而生求猶可道也貪而生伎不可訓也乃若閭井下隸貪饕成習據其所嗜僅若醯鷄恣其所憎幾同哮虎方夫飢渴過求庚癸一呼簞豆共飽則極口頌德稱是三藐菩提及夫反目懷伎麥船以遠廩人不繼則入室操戈指作再世仇敵不思人各有命各由天之所興誰能廢之衛人奴不車騎耶天之所廢誰能興之鄧錡山不餓芋乎滕王高閣風

博全集

戒

卷之八

七

爲誰來薦福宇碑雷爲誰毀我尼我困彼求何用
彼封彼殖我伎何益子罕難迫衛媛不作又何知
不貪之爲寶而以不忤不求爲戚也

爭訟五

易卦成列以盡情僞定吉凶使民知所趨避而訟
之一卦尤見聖人之情何也訟次于需需者飲食
之道也飲食人之大欲存焉欲起則必爭故觴酒
豆肉嬉聚笑謔鼓弄風波攘臂而仍此開彼佐遂

勝全集

戒

卷之八

十八

成仇讐金矢一入鬼隸如沸或索酒饌或覓錢鈔
衙門以內某百某千而又央託貴顯啓事請開惟
求取勝不吝金寶未會觀官府一面而室已懸磬
矣囚首對簿搶地惕心乃訊者不以剖決曲直爲
能而以多得贖錢爲快徒杖之外加以酷罰罪案
既定追呼雷急身膺金鐵膚受榜掠必質屋鬻田
典妻賣子然後主者肯擲筆勾銷是以聖人當畫
卦時已逆見衰世之意戒之以乎室惕中教之以

作謀慎始初不永所事二則歸逋無青三食舊德
四淪安貞獨五爻繫之以訟元吉說者曰此聽訟
者守正執中大畏民志故得元吉耳不然以訟而
受聲帶且終朝三褫何吉之有嗚呼聖人之慮遠
矣

侈靡六

載觀肝肝雕雕之世其氣渾噩其風淳龐迨世變
如江河之逝人習浮華俗尚藻績於是有侈費而

勝全集

戒

卷之八

十九

不知節靡麗而莫底止故堂構輪奐茅茨不仍壘
飛鳥革峻繪極工官室侈而靡矣綺紈綵繪杆軸
幾空冠履衿聲貴賤無等衣服侈而靡矣列邊設
豆山海珍錯歲時伏臘殺牲維旅飲食侈而靡矣
範爐篆鼎鼎珠玕玉鐫瑚刻簋鏤鳳雕龍器用侈
而靡矣男冠女笄燕會累日套粧御送稱載盈箱
冠婚侈而靡矣至於喪祭一事流弊尤甚初喪在
殯親賓攜酒饌往勞之主人亦自備酒饌與共醉

飽又假浮屠超度披張繡錦帛客盈門作樂以娛
尸富者費中人十家之產貧者鬻田典屋至稱貸
以從有不然者人爭嗤笑之以爲鄙嗇兒孫甘墜
父祖無閒地獄而拘泥風水窻窻不脩有積年積
世寄骨荒土而不藥裡反掩者語曰作法於涼其
弊猶奢作法於奢弊將何極今日風俗之弊至此
極矣不以禮法堤坊之不止也去汰去甚還質還
醇深有望於柄世教者云爾

博全集 戒

卷之八

二十

酤賭七

書有酒誥詩有賓筵諄諄著戒亦云嚴矣乃彼昏
不知縱酒沉湎稱八仙之高興慕七賢之狂踪百
觚五斗角量誇勝花朝月夕徵逐暢酣舞衫歌扇
男女雜坐觥籌交錯孟盤狼藉志氣內亂威儀外
喪散髮裸體流連叫號此酤酒之禍也至于賭博
一事市井亡賴鄉邨愚頑招羣引類爭賽輸贏茶
坊酒肆聚積排場墓亭巷寺動輒喝采口爲賭徒

夜作盜黨踰垣穿窬雞犬不寧而宦族富息統納
膏粱又被賭師哄去啗以會食誘以觀妓假創灌
鉛注設假金衣服輸盡繼以妻妾釵釧財物輸盡
繼以父祖田屋朝爲千金子暮且市行乞此賭博
之禍也兩端爲害慘於鴆毒損年傷生傾家蕩產
前事既敗覆轍復然甚可怪也

驕縱八

魏世子擊謂田子方曰富貴者驕人乎貧賤者驕
人乎子方曰亦貧賤者驕人耳富貴安敢驕人噫

博全集 戒

卷之八

二十一

驕不可有寧論富貴貧賤哉貴而驕則朝爲趙孟
暮爲匹夫富而驕則金玉滿堂莫之能守若夫貧
賤而驕非恃其有才智也耶然木以美自伐膏以
明自煎窮途之哭白日之悲漁陽搥鼓之辱廣陵
絕響之嘆非不才且智也而肯以驕縱失之蓋從
驕生縱沿縱成驕轉相倣效輒近猶甚不必富貴
崇撫也門戶寢衰權勢已謝席父兄之遺庇藉閑

閱以自矜我冠長劍濡繡雕鞍顧盼猶生風雲叱
咤便成瘡痍甚則狡隸頑童市魁屠僧床頭數貫
簾中隻金而且高視闊步倣倪君卿矣不必貧賤
賢能也魯魚未分虎帝莫辨拾墨莊之殘蠹援塵
談之士苴安窺半豹遂渺全牛黃口敢效長舌青
衿直踞上座甚則畫工奔士卜郎筮師能布圖局
善占卦兆而且揚眉瞬目凌轅行輩矣駢縱成習
恬不畏忌狂瀾滔酒莫爲砥柱然而以正法眼觀
撈全集 戒 卷之八 二十三

之不過羶裏忙蟻洞中鬧蟲出陰蟬蟬夕奔茵華
耳何足道哉

遊惰九

語云隕霜不殺物之災也逸樂終身人之禍也故
殷憂足以啓聖震動然後光明昔譚尚矣人有一
副骨力便有百樣施設有一段神情便有千般作
用看古真正英雄幹出掀天揭地勳業皆從戰兢
惕厲中來愚公徙山山神亦畏精衛填海海濶可

枯況尋常底事尋常去做除了盜賊一路不可窺
入其他世上伎倆孰非衣食之資生活之計乎乃
將自家健骨力徑任頹廢把自家好神情全不抖
擻優游泮渙幸爲快心怠惰閑娛惟日不足風花
雪月願與相親奔驟經營懶措半武不是仁智好
樂而觀山玩水以寫我憂非有疴痛顛連而伏枕
踞床莫覺其故婚嫁未了胡驅車而出遊禪律不
窺何面壁而入定每向十字街頭弄傳魔說輒於
撈全集 戒 卷之八 二十三

二六時內靜作尸居分陰可惜溺晏安之鴉群青
春不再躑躅歲月以蹉跎一心無所寄頓四肢幾成
痠痺遊惰若此以致生理蕭條家道日蹙釜甑埋
塵甌噤懸罄父母凍餒兄弟離散妻垢其面予黨
其形既怨天而尤人復罪命而仇數不亦晚乎中
谷有推之詩曰啜其泣矣何嗟及矣此之謂也

卑鄙十

人亦有言貴不如賤富不如貧此何以稱焉蓋彼

貴矣而貪榮競進不知退止彼富矣而鑽核持籌營利不休汶汶碌碌無所比數吾雖貧賤而茅屋一區竹床一筐點瑟方希昭琴亦鼓此中有曲可舞可歌簞瓢屢空視連騎結駟者孰賢哉奈何識趣凡陋輕自貶抑甘雞鶩之殘粒嗜孟聾之餘瀝東墻一飽妻妾可驕矮巷半刺華袞自榮頤指氣使偃僂奔趨奴顏婢膝恥辱不顧卑鄙至此門地家風掃地盡矣

楊全集

戒

卷之八

二十四

楊全集後跋

先大夫自角羈及弱冠拂亂奇窮褻糗之弗備何遑挾冊辨志旣天誘其衷下帷發憤復尋理脈類舊業又屢試弗售至年而立始以儒科采茆育鞠誣昆弟亦稍晚誨十齡卽揭之館舍晨夕侍座側潛窺先大夫學問大都躬廵開修勘研實益于心會卽文戰常冠軍亦抑抑若晦不欲翳虛聲市譽里耳故當諸生背閒爲鄉紳代斷就藁輒削去卽通籍後先達諸公類以有用文章傳播爲宙合士子嚆矢先大夫絕不技癢壹似夫藏拙者設鐸秦稽執經問業者環炙如堵強請益不能辭迺發制義數首公之同志題曰解嘲猶遜不成章第以解嘲嫻耳及轉成均部郎晉郡守學憲至大岳官有職業夙宵勤修沐櫛不遑無暇及學卿從事蓋生平造意不欲以文立名故題記諸體不多作作亦不畱副墨遍搜遺篋僅得著撰若干編憶前後軼

落者多矣因付剗削氏甚非先大夫素志也而誨
昆弟讀父書乃任散佚以供蠹魚亦非善體先大
夫隱志也當諏勞輯時有友前請曰尊公沈酣諸
氏貫穿百家文壇雄壓宇內斯集剖蚌尋珠掇紹
成裘毋乃以掛漏自歎乎諏曰唯唯否否夫文無
論大小言要抒自家靈性使靈性惘然眇會傍門
戶襲匱釘非不洋洋纒纒然繁輓雖工神骨非有
文而入於詭矣何取於洋纒爲子虛一賦耳至今

楊全集 跋二

漢武帝嘆賞不置出師二表便足了孔明終身底
就況先大夫前後無青藍漁獵師心摹古竊誦其
一敘一詠參列之今古諸名家未遽題其甲乙輕
軒抽奇披英堪稱造論著說之文又何取於洋纒
爲則斯集也未敢藏之名山傳之其人詮次成編
垂諸家乘孫若仍賢者邇前人弓冶將軒眉抵掌
步武作求卽愚憚不齊向若望洋未竟前人之壺
興猶知侈前人之通顯也不什襲珍之猶未至弁

髦而弗之耳存什百於千一斯集亦吾家獻之坤
乾也

男尚誦謹跋

楊全集 跋三

跋

夫士博綜事類幽探理奧矻矻焉以至於
頭白汗青乃其所出以示人者獨此筆古
不朽之靈中有所得著之詠歌書之簡牘
而其人之性情心術亦往往於是乎見立
意慘刻者必有申韓刑名之文寄迹物外
者必有老莊虛無之說存心忠愛者必有

激烈真摯之詞令伯之陳情孔明之出師
一
彼其初豈欲以文重哉而性之所鍾發而
為言使後人讀之不覺賞歎交集血誠為
動視夫賦上林而汗顏於竊賞草太元而
愧志於羨新者奚啻徑庭也且夫文固不
容以意為也古人無意於文而奇章怪字
半出於三代之書今人無不以文自命而

風雲月露之篇竟不越古人糟粕之餘是
何古今之不相侔乎則名心太盛而氣不
克學力之不至也老子曰名可名非常名
若採春華而忘秋實雖有刻鵠之才雕龍
之辨要不過英雄欺人語而已於天地閒
之至文何與焉先大父賦性樸拙子墨之
外無他嗜好蓋自諸生時而於傳記詞賦

二

雜體已略嘗一嚮矣釋褐而後兩就青瑣
其時無簿書叢雜之擾亦無五斗腰折之
煩一觴一詠或敘或歌是以仕宦二十餘
載而著作之多半集於此迨至遂初而歸
輕舟載石湍袖清風益不問人世得失事
惟是獨坐小牕琴書自娛浮白引湍之餘
時誦古詩數章隨有題吟輒作輒棄其存

者十無之二三蓋無意於為文先大父素志也雖然文之所以重者才深而識沉學高而氣靜若大海之吞吐百川不見其涯涘焉斯足述耳故方其韜光斂采退然不勝如田畯野叟之胸一無所表見比其持一陶泓步入萬鵲袍場中淵雲之所不能賦嚴樂之所不能稱而經其手遂至與天

三

地同壽者區區辭華又何足道哉先大父唯不欲以文自鳴是以茲之所集非得之斷簡之餘則搜之廢簾之中輯而成篇要無以盡充蠹魚使後之孫仍猶得見厥祖精神所寄而已若曰是可以炫煜當世也豈先大父遺意哉

孫昌贊跋

樗全集後跋

夫儒者雄狎寰中焜煜不可迫視享大名於當世者莫大乎文章擗三寸之管擢徑心之靈風月任其嘯歌赤綠供其點綴至于名山之不能藏車箱之不能積富無如文組霞錦于紙上璨珠璣于

一

簡端麗無如文媚生筆頭之花光驚夜泣之鬼奇巧無如文及其豪興靜閑思波寤定錯圖日星歸潛于天象刺畫河洛歸潛于地靈抽鏤肝腎歸潛于人性尋嚮之所為焜煜而享大名者竟何有哉諧家業易義易首乾乾天也姬公繫

又以龍象之而首釋之曰潛夫潛之為義不易乎世不成乎名蓋有確乎其不可拔者而不欲用窮偕極示人以端也先大夫生平問學得潛之義居多淡泊寧靜之致閱終身如一日茲其光斂其采與々乎似觚之堅粥々乎如嬰之孩

二

奚取夫叙賦諸體強而鞏悅之以文哉雖然潛鱗於泥蟠而升騰於蒼昊奇怪不可方物者信惟龍矣然圖其形者雲霧之間恍惚見頭角崢嶸之象則古今猶知有龍安在翰墨之為可也先大夫已矣搜遺言於千百哀集之而成編凡

其忠獻訏謨朴心古質根衷抒瀉具在疏揭吟詠中當世猶知有先大夫者知其深潛自晦不欲輕褻于用品地大都若此文心亦大都若此諧兄弟落寞無似不能貌吾先大夫也憶庚午仙化夢一道人贈言曰士君子有仁禮愛敬之

三

施而常善存其心大丈夫有裁成匡濟之術而自不失其德噫嘻詞簡而意雋幾々乎其了先大夫生平問學矣

次男尚諧謹跋



楊全集七卷附錄一卷

福建巡撫
採進本

明王畿撰畿字真邑號慕蓼晉江人萬厯戊戌進
士官至浙江布政使與講學之王畿同名非一人
也是集詩文共七卷末附家譜勸戒二十則爲一
卷畿立身居官矯矯自勵故所爲詩文皆質樸類
其爲人卷首序爲施邦曜所作畿視學浙江時拔
邦曜第一邦曜貧不能婚畿爲備聘拜雁於官署
邦曜卽於是秋登第後殉節爲完人其識鑒爲世
所推云

百花洲集二卷

〔明〕鄧雲霄撰

北京大學圖書館藏明萬曆三十五年陳元素等刻本

附《四庫全書總目·百花洲集二卷》提要

百花洲詩集序

詩盛於唐至以取士固不重而習之皓首不休然未窺六甲先製五言見識於時又有當用五經秀才之目是詩賦無當於世而經義當亟講明矣我朝盡黜不用專以經子課士而海內尚有習之者非冷淡不急之務耶永宣以上渾噩未雕弘正以來大雅輩出如五嶺之南昔稱才伯近推楨伯二伯並振響詞壇揚鑣文囿迄今又得鄧玄度先生云鄧公制義磊砢光彩流麗竟奪錦標鬱爲赤幟經生操觚者爭誦習之復賈其餘勇於詩賦駸駸乎彌甥蘇李嫡派曹劉尚友沈宋平交李杜成雄編偉製何歟吾意唐用取士故士莫不鏤肝繪腎雕心刻意以爲富貴階梯今世旣不然而公斬將擐旗納降用敵雙立奇功豈別有所見歟抑經義詩賦兩不妨歟奈拘儒陋生執經者不能方圓俱盡於有韻之文輒鉗口結舌不敢吐一語談詩者不能胡漢迭現於性命之旨瞪目卻步不敢出片辭

是兩相失也交相非也獨登公能謂齊之甫置
射覆便成千秋若曰夫夫也非完人也非全才
也豈有經義而不知詩賦詩賦而不知經義者
乎先生之作具在樂府脫去蹊徑翩翩欲仙古
詩自運機軸咄咄逼真近體與時高下傳以神
采皆超詣卓絕有言外意是可傳也豈冷淡不
急之務哉公釋褐爲長洲令長洲煩邑也公出
之以精察行之以勤敏老吏至今吐舌居常戴
星出入不知此藁從何時構思豈經過百花洲
百花洲集 錢氏

上時耶洲爲吳王故苑在西城下集名所由也
在邑時僅露一斑今候缺都門緘寄門人陳元
素等又貽書不佞索爲題辭不佞老賤不文素
沐公知敬書臆見如右往時楨伯過吳門極承
綏戀同時又有黎惟敬梁思伯諸公今皆往矣
能不於鄧先生願爲執鞭

萬曆丁未仲冬七日長洲舊民錢允治撰

校刻姓氏

處士錢允治

門人陳允培

張桂芳

張魚藻

陳元素

張桂芬

百花洲集 姓氏

百花洲集卷上目錄

受長洲令出都門戲作長歌

至茂苑

小漆園八詠有序

碧梧 翠竹

古柏 叢蘭

丹桂 黃菊

盆魚 湖石

卧病暮春

百花洲集卷上目錄

櫻拂子

清風亭

吳子夜四時歡歌時各四首

吳子夜四時懊歌時各四首

除夕攜演春樂部過張伯起幼于昆仲園

亭把玩臘梅殘菊席上同賦三首

胥門晚春閒眺

寶帶橋夜泊玩月二首

和申瑤翁詠物十四首

竹粉 松濤

花影 雪花

烟柳 梅雪

荷珠 燭淚

睡蝶 鴈字

香塵 游絲

麥浪 月露

放鸚鵡

隄上行三首

百花洲集卷上目錄

寒山寺避暑對客二首

江南弄

偶成

西園

漁樵耕牧詞有序

姑蘇八景有序

支硎 虎丘

太湖 上方

靈巖 天池

桃花塢 蓮花蕩

葑門城樓

錫山驛秋曉

江陰支河

秋夜西園

脩西園菊籬畢酌客漫賦

治平寺梅花

陽澄湖歌 有序

蘆中謠 有序

百花洲集 卷上目錄

倚竹歌

姑蘇春情五首

聞同年王淑明何充符因忤稅監被逮作

四首

送袁廣文遷藩僚不就歸安慶

送蕭丞罷官歸大庾

陸丹徒年兄招飲甘露寺

擬古雜體十九首 有序

古思邊 古別離

折楊柳 遠期篇

關山月 艾如張曲

釣竿歌 陌上桑

昭君辭 王子喬

東門行 鞠歌行

鰕鮒篇 烏生八九子

筮篋引 日出行

雙桐生空井

善哉行 當壚曲

百花洲集 卷上目錄

白龍祠禱雨有應喜作長句

陽山鳴內小溪

春日泛舟四首

贈漁父 并序

姑蘇元夕集諸詞客得明字排律二十六

韻

西園聽客彈琴

臨高臺

春思二首

牡丹四絕

芍藥

倦夜

獨遊上方三首

并序

偶讀東坡海外寄人書云某到貶所半年
百凡粗遺更不能細說大約似靈隱天
竺和尚退院後却住一箇小院子折
足鐺中罨糙米飯喫便過一生也得令
人絕倒戲成三絕以效希調

暮春寄同社

春曉

獨酌月下

暮春舟中

苦雨

舟中卽事

落花二絕

月

曉

百花洲集卷上目錄

五

寄袁伯益望江

憂謫寓言

悲火葬

閬門春望

贈謝曰可年丈

久客

閬門觀競渡戲作長歌

夏清夜吟

冰盤瓜藕

百花洲集卷上目錄

六

百花洲集卷上目錄

百花洲集卷上

長洲令東莞縣署

受長洲令出都門戲作長歌

從來懶慢喜逍遙林下聞風欲棄瓢東海肯將
龍性擾北山誰把鶴書招竭來京陌紅塵裏奏
對明光謁天子驥尾猶隨十九人鵬溟休說
三千里一行作吏傷鳬飛此日驅車出帝畿
風木哀吟愁捧檄塵埃世態易沾衣平生疑是
勞薪骨簿領從今終屹屹折腰斷不受人憐強

百花洲集

卷上

項雄心未全歇丈夫有甌學萊蕪獨鶴隨行興
不孤物力東南今正竭誰能鞭朴更催租莫言
下吏翻嫌俗百里郎官高列宿一曲琴清化蘭
絲九還丹就騎鴻鵠夢中彩筆去曾攜一片閒
心物外栖吳門烟月宜仙令處處湖山待品題
至茂苑

翛然身世兩無求一入塵塗意轉幽范蠡芳湖
蓮苑外虎丘山寺挂城頭散衙入夜開芸閣問
俗乘春上野舟莫怪河陽誇傲吏縣門長對百

花洲

小漆園八詠有序

小漆園者衙署小憩之所也梧柏交陰
竹石競爽虛亭一楹清風四面退食其
中琴歌觴詠可以暢幽情而淘吏俗前
令江公盈科顏以嘉名而爲之記蓋效
莊生之逍遙而慕輞川之逸調意寄深
矣余更爲葺飾植花卉列圖書每清夜
孤吟聲隨古磬越發却疑此身在蒙莊

百花洲集

卷上

摩詰座中區區五斗何啻腐鼠

碧梧

炎天庭院午生涼爲有雙梧對小堂金井銀床
邀夜月綵鸞威鳳待朝陽瑤琴曲度龍門險石
鼓聲傳蜀道長莫向西風驚一葉疎枝偏不礙
秋光

翠竹

長日誰堪領簿書繞亭蒼翠可逃虛清風入榻
茶烟罷疎雨鳴梢午夢餘賦就梁園無俗調影

搖湘水動仙裾主人最愛清狂客爲問王猷肯
命車

古柏

秋深霜落滿園蕪愛爾亭亭晚節孤黛色浮香
如隱麝蒼枝橫鐵亦栖烏古堂疎豁欹朝枕小
榭陰森換夕鑪老友歲寒堪共對女蘿餘蔓莫
教扶

叢蘭

楚客香傳九畹名西軒欄檻最留情當門弄色

百花洲集

卷上

三

人爭妬幽谷孤芳爾獨貞冷翠迎秋襟袖薄淡
粧團露夢竟清同心入室今何在歲晏懷人別
恨生

丹桂

霓裳仙袖暗分丹冉冉秋香悵獨攀霜露可能
欺綠葉神仙長與駐朱顏尋芳有客登中嶽招
隱何人繼小山遙望故鄉森八樹西風流水夜
潺潺

八桂在番禺之東桂
水出焉余之家林也

黃菊

晚對金尊泛落英西山爽氣入秋明偏憐骨爲
凌霜瘦更美香綠飲露清薄宦幾年猶浪迹故
園三徑正含情憑君寄謝東籬客嘯傲歸來得
此生

盆魚

日月曾聞寄一壺誰云勺水異江湖天光雲影
含虛鏡碧藻紅鱗漾錦鋪漁父持竿空佇立波
臣卧轍笑相呼翛然齊物同觀化未辨濠梁樂
有無

百花洲集

卷上

四

湖石

永日求羊不到門烟霞片石意猶存神鞭驅出
洞庭泣仙子騎來震澤翻幽壑轉疑迷竹徑危
峰直欲壓松軒叅禪一悟生公偈靜坐焚香可
對言

卧病暮春

經旬休沐擁愁眠不分殘花笑欲然吏俗尚堪
呼酒聖官貧猶得數榆錢惟將案牘供多病誰
把升沉錯料天共道出郊人事少開衙應去課

春田

機拂子

避暑早扃門道書行尚把脫巾握機拂意態何
瀟灑非無白羽扇能使煩襟寫無風風乃清此
物較幽雅古人琴無弦希聲不外假繁余悟此
理隱几高梧下地靜如清秋蒼蠅胡爲者

清風亭

在齊門郭外江光幽絕野村曠
遠今中貴加以禪菴稍喧囂矣

夜來坐虛亭蘋末微風起金波搖素練江上月
千里何處采蓮歸歌聲傳淥水更有扁舟人濯

百花洲集

卷上

五

足月明裏茶烟飛一縷知是天隨子

吳子夜四時歡歌

時各四首有序

江南古佳麗地其俗妖冶其音清切易
卽於淫而入於怨司風化者欲挽歸正
雅莫若因其情之所向而微諷之使其
知性之則而合江漢泳游遺俗此亦采
風者之願聞也

蜂翅初試黃茸寇花漸吐小姑未許人不敢下
堂步

大嫂喚小姑踏青南浦去兒夫同一艇繫纜人
稀處

前行逐後行同着錦襦襠彈鶯休中燕打鳥莫
驚鶯

踏青晚醉歸郎醉且休寢上堂問舅姑挑燈還
製錦

右春詞

竹箔罷春蠶生絲作夏衫今年家計好關草牘
宜男

遊子轉蘭船調儂曲港邊採花先得藕不受外

百花洲集

卷上

六

人蓮

江上龍舟戲新妝照碧波隔船呼女伴舉酒醉

曹娥

歡向臨邛去經年不寄書還及浮瓜節初看燕

乳雛

右夏詞

挈枕上高樓銀床涼似水對郎彈箏候恐落鄰

家耳

瓜果郎休笑鄰姑共巧筵今宵逢七夕光景異

常年

摘葉裹螢火應手葉先飛妾貌同衰葉追思嫁

日衣

昔日夢遼西生憎絡緯啼歡歸秋夜永不敢怨

鄰雞

右秋詞

應憐夜度娘衝寒往相覓可畏雙行纏已落雪

上迹

獸炭擁貂裘歡情中夜滿頗怪芙蓉褥留得三

春暖

新妝非好淡本欲學梅花妾異東鄰女墻頭盼

百花洲集

卷上

七

宋家

守歲對寒燈寒暄茲夜隔儂作玉壺冰願君如

松柏

右冬詞

吳子夜四時懊歌

時各四首

自君之出矣縑絲頭緒多朝來理蠶箔不忍見

雙蛾

妾憶初歸日栽桃碧沼旁君行不覺久桃樹出

樓長

步出城南陌客來乘五馬可笑使君愚調儂綠

桑下

暮春朝氣和儂自肝腸熱何許最撩人林間啼

百舌

右春詞

生女有所歸莫嫁吳中估江頭望回船日日多

風雨

寄語采蓮伴誰知蓮苦心齊撓翻弄曲若個是

知音

避暑水亭中繫下葳蕤鎖夜短夢難成日長愁

殺我

百花洲集

卷上

八

少女拜新月臨階幽意多但祈夫婿貴不願似

嫦娥

右夏詞

家住閨門外笙歌攪獨愁三年空見鴈兩鬢易

驚秋

登樓望閨門下見倡家女萍苕蔓美渠雪深誰

采汝

夢斷遼陽戍心西火共流莫言閨裏苦邊塞正

防秋

擬作迴文句殘機懶更開愁來眠不着促織夜

相催 右秋詞

南雪不到地着樹關瓊花正是可憐色兒童休打鴉

獨觴不成醉獨被不禁寒頗怪鄰家語喧喧到夜闌

片心焦若火兩淚滴成冰早晚逢西使重圍在白登

歲去暗須驚春還似相識梅花在隴頭爲我傳消息

百花洲集 卷上

九

除夕攜演春樂部過張伯起幼于昆仲園

亭把玩臘梅殘菊席上同賦三首

江左機雲遠擅場華筵法曲並傳觴羣芳已變繁霜後空谷猶存晚節香豔骨未隨長笛落幽姿偏藉短籬藏歲寒吾輩能相守春事何心怪底忙

漢殿迎年催賜衣幽人猶自把寒枝攜來彭澤先生酒同和揚州水部詩春入池塘驚曉夢歌翻子夜倚吳兒巡檐欲寫東籬意冉冉孤芳可

贈誰

春色凭欄對美人嬌歌妙舞起梁塵誰家綵勝紛矜巧得似蓬蒿別有春不惜柏尊邀上客從教瓊露濕花神少微夜半光連宿坐看星迴萬象新

胥門晚春閒眺

胥江春浪疊平沙野水浮來盡落花遙望片帆歸別浦不知雙鷺入誰家孤村斜日收漁網遠寺殘鐘起暮鴉試問城中歌舞地何如此處最

百花洲集 卷上

十

清嘉

寶帶橋夜泊玩月二首

長橋十里卧晴虹吳會山川在鏡中豈有神鞭驅海石遙聽仙珮下瓊宮雙星寄恨三天水半夜懷人一笛風此去滄洲知遠近且將孤舫狎漁翁

潮歸月落夜漸分人語空江隔嶼化鶴道士不入夢弄珠神女能爲雲天上白榆侵桂樹枝間乾鵲隨鴉羣秋近騷人無限意乘流東下弔

湘君

和申瑤翁詠物十四首

竹粉

萬竿晴拂渭川烟
解籜瓊枝自晶然
湘水裙搖珠珮冷
葛陂雲護玉龍眠
看來翻恨何郎妬
栽處應將漢署連
六月林間猶帶雪
可留清韻待羣賢

松濤

龍鱗蹙沓起狂飈
虎嘯空山動次寥
萬樹忽飛

百花洲集

卷上

十二

秦帝雨千巖
遙湧浙江潮
徂徠欲駕神鰲去
精衛寧街大木飄
滄溟寒聲催作賦
枚乘雄筆未須驕

花影

瑤臺仙態自重重
色相元來未是空
暫試新粧臨曉鏡
更憐殘照倚東風
洛神解珮凌波上
巫女行雲度峽中
幾向雕闌頻想像
蛾眉偏愛月如弓

雪花

藥宮天女下仙臺
前落瓊枝片片開
銀谷未緣吹暖律
梁園先覺春梅暗
香縈入水壺澹素質
非驚玉笛催羞向羣芳
誇皎潔靈根元是倚雲栽

烟柳

垂絲百尺陰紅橋
香謁龍葱半未消
眉黛拂殘留淡粉
舞腰凝望隔輕綃
章臺雨過霏霏濕
隋苑霞明冉冉嬌
十里紫騮迷去影
臨風誰折最長條

百花洲集

卷上

十二

梅雪

玄冥變律轉青皇
瑤樹瓊花兢曉妝
夢入羅浮偏覺冷
舟迴剡曲暗聞香
惠連賦就枝橫月
何遜詩成筆帶霜
莫向藍關覓春信
隴頭消息正茫茫

荷珠

綠波深處近鮫宮
顆顆新翻翠蓋中
光浸水盤罪早露
影浮仙掌舞迴風
誰將羅袖探纔領
忽有瓊漿瀉碧筒
自是若耶多瑩珥
歌聲隔在

江東

燭淚

蘭堂張宴夜將闌
錦幕風搖寶炬殘
乍看新花生火樹
俄驚仙露滿銅盤
光浮珠汗心偏熱
暗濕鮫綃焰覺寒
恐有向隅孤影裏
寄言豪客莫窮歡

睡蝶

燕懶鶯慵春晝長
舞殘粉翅未須忙
倦依柳幕爲蘇帳
靜襯花茵作寶床
酣處不知絃管促
醒時

百花洲集

卷上

十三

來猶覺夢覓香
漆園傲吏遽遽後
賦得新詩浪擬莊

鴈字

書傳關塞近如何
遙見賓鴻陣陣過
雪窖海邊斜繫帛
錦紋天外倩飛梭
迹分蒼頡階前鳥
巧換山陰院裏鵝
幾幅練裙堪點染
瀟湘空濶靜無波

香塵

日暖花明風正狂
馬蹄終日踏花忙
誰家羅襪

蓮生足幾處蘭鐔
曲繞梁衣染龍涎
呈妙舞埃籠檀暈
掩新粧芬芳豈獨
誇金谷別有西施
響屐廊

游絲

微雲淡日養花天
銀縷高飛百丈牽
欲度金針窺繡閣
更隨紅袖拂鞦韆
香風送去纏花片
細雨徐沾着柳綿
莫道輕盈不堪織
鶯梭戛戛錦叢邊

麥浪

百花洲集

卷上

十四

滿隴新風翠穗浮
遙驚滄海在平疇
桃花似湧青青沫
莊子青青之麥生於陵陂三月爲桃花水
竹箭如翻漸漸流
箕子詩麥秀漸流兮禾黍油油竹箭急流也
蕭瑟亂霏高鳳雨
連漪

堪泛范家舟
更看萬頃黃雲暮
四月狂濤已報秋
麥熟諺之麥秋

月露

秋夕烟消萬里天
冰輪沆瀣兩澄鮮
洗粧半濕霓裳袖
揚彩輕沾玉井蓮
不用方諸偏滴瀝
直從仙掌望嬋娟
夜寒宮瓦層瀾動
猶伴長門玉

筋懸

放鸛鵒

獨憐翻鏡急放汝入空林莫逞新聲巧能忘故
主心防危秋隼逼歸路隴山深客意亦如此因
之起感吟

隄上行

萬井樓臺落鏡中環堤處處小橋通吳娃慣蕩
蓮舟戲水淺沙明不畏風

大隄風物類襄陽上巳年年競女郎自是吳王

百花洲集

卷上

十五

歌舞地至今猶學浣紗粧

月明誰唱竹枝歌聲繞江風起白波古渡春來
潮正急停舟估客意如何

寒山寺避暑對客二首

寺有佳竹
可以消暑

隔岼垂楊暗老楓客來清午不聞鐘貧僧止解

栽脩竹五月涼生制火龍

綠篠深深白鶴栖烹茶燒笋稱招提此中已入

清涼界碁局

留日易西

江南弄

野水春來急似梭遠山日晚圓如螺誰家蓮舟
起新曲吳音片片鏘寒玉磯頭雙鴛睡未足驚
飛掠破晴烟綠江村門巷多不俗美人娟娟倚
脩竹

偶成

自得漆園意散衙成隱居微官不屬我止足豈
求餘花發侵虛牖香消颺廣除年來何所慕喜
看道家書

西園

百花洲集

卷上

十六

西園桑椹熟萬顆紅珠碎開尊綠桑下鳩與人
同醉春院足花茵陶然堪一睡

漁樵耕牧詞

有序

仕者多諱言隱事余則不然滿腔吏俗
非烟霞結想不能淘洗退食之暇戲作
漁樵耕牧詞令吳中善畫者繪爲坐障
每清夜擊磬一歌有千重翠微在舌間
出也

八月流潦清芙蓉落秋水白雲江上來伴宿空

船裏持竿不設餌取適而已矣偏嫌張季鷹更
美鱸魚美

大斧入平林不踏險崖路野泉聊濯足松風引
輕步日晚負薪歸表敞餘裏布道旁有遺金掉
頭未回顧

人皆犁膏土我獨守石田瑤草別有根呼鳥爲
耕烟空山學辟穀洗心祈長年何事戴勝啼來
驚春晝眠

驅牛出東野新草綠於羅短笛叫長川同伴揚
百花洲集入卷上

清歌游牝得其時黃犢看漸多不知南山下白
石近如何

姑蘇八景五言古 有序

吳中山水清且嘉所稱八景尤王長其
間余以吏事羈絆嘗夢遊焉及政成多
暇恐負山靈之責兼辱詞人之召流覽
過歷景色沁詩脾情之所至聊一揮灑
世云工拙不在我在彼耳
支硎

支公固好禪何事偏愛馬至今飲馬處春水潺
潺瀉王生立佳城近在馬澗下因悟無生法四
大皆幻者 王百發自營壩 在支公白馬澗

虎丘

吳王墳踞虎不及生公石石悟已忘言虎去無
留跡我來千載後訪古一歎息山門夜寂寥月
冷劍池碧

太湖

太湖豈云濶天地一勺水我心無涯涘汪汪亦
百花洲集入卷上

如此夜來風浪收入坐明鏡裏湖心佇綵雲縹
緲思仙子

上方

上方何處好湖水浸長橋月出搖波光靈鷲若
可招醉後發清嘯空江動迴潮何須登絕頂高
險多風颿

靈巖

靈巖有古寺人道館娃宮不識西施貌禪宗色
是空採香幽徑沒響屨落山風往事休回首吳

門足練中

天池

池邊多靈草山客和雲拾若不得惠泉碧乳成
枯澀何如蓮花石風露寒仍吸仙根自玉井千
年方結實

桃花塢

誰言城市近別是一仙源不用闕深洞扁舟自
到門今時異秦世六合共乾坤已見吳門卒柳
榆笑綺園

百花洲集

卷上

十九

蓮花蕩

六月廿四日傾都出遊戲彼美賽洛神空江客
愁思鴛鴦各有偶何預傍人事戲水濺蓮花元
來不着水

封門城樓

獨上高樓起晚愁蒹葭衰柳繞長洲征徭偏有
三吳苦杼柚真傷萬井秋失侶孤鴻翻北叫背
人寒水自東流憂時歎逝心俱折露草蛛絲尚
未收

時奪餼催利
又權稅正急

錫山驛秋曉

旅食愁無寐推蓬問驛亭峰明斜抱月河側倒
漂星日躍雞先覺鐘殘世漸醒獨憐楓樹色倏
忽換丹青

江陰支河

江近潮偏急喧聲滾如沙河迴剛沒脰水淺不
勝槎兩岍多脩竹三秋見落花還從雞犬裏錯
認武陵家

秋夜西園

百花洲集

卷上

二十一

秋夜夜何長鶴夢破風竹此時西園意偏賞在
幽獨日來萬事擾揮汗動盈掬散衙假片閒拍
月兼水浴冰紗帳似烟湘簾紋如縠平頭供笋
茗事事各不俗神清未渴睡心期白雲宿瀟散
脫形骸迂疎去在枯據梧宵天真且鼓便便腹
曉來問朝餐三嗅東籬菊

脩西園菊籬畢酌客漫賦

愛惜孤芳謹護籬寒英片片灑寒卮乾坤逆旅
誰爲主風物驚心有所思幽賞未逢桃李笑後

時寧遣蝶蜂知一官牢落今如此與爾高歌倒
接離

治平寺梅花

寺僻雲深車馬稀踏來殘雪弄芳菲
參禪香色憐俱淡遲日風花莫亂飛
拂幹寶幡春裊裊隔林清磬夕微微
老僧賸有孤山興放鶴湖邊尚未歸

陽澄湖歌

有序

此湖與太湖通汪洋巨漚其千多荒田

百花洲集

卷上

二十一

余以勘荒泛舟焉土人云一名陽城湖
秋冬之交水涸露洲脊彷彿有街道井
竈磚砌意歷陽之都卽此類耶滄桑之
變不可勝詰存而勿論可也

虹拖颶母龍吼雲巨浪直上翻高旻扁舟繫纜
不敢發須臾雨霽浪全歇雷聲隱隱度遠山霞
氣盈盈漾輕碧揮杯酌河伯爲爾笑大方來牛
去馬不復辨論蛙語鶯聊相忘雄風懷袖裏三
嘯棹歌起洞庭縹緲七十峰片片芙蓉立仙子

酒酣命客吹玉簫青鷺玄鶴不待招遙憶吳王
歌舞後錦帆天外落歸潮歸潮已沒鴟夷革此
中怨結潮頭白昔日曾聞市井喧千年忽變蛟
人宅爲我詛河伯今何不仁荒田滿目令愁吾
人萑葦叢生鵝鸛喜打魚供稅多酸辛代民請
命胡爲者歎息湖濱淚潛下陽城能復作宣房
縣令自甘沉璧馬精衛徒勞心血枯滄桑何止
歷陽都功成却羨扁舟客落日歸心寄五湖

蘆中謠

并序

百花洲集

卷上

二十二

余海裔農夫誤嬰世網竭來茂苑適值
荒餘邑有流亡俸錢自愧爰屏騶蓋爲
蘆中之游問所謂輸稅之區則鳬鴈魚
龍夷爲故宅睹茲剝肉悲實填膺乃以
吳儂唧唧之聲寫諸謠詠倘觀風見採
吳民其有瘳乎

今歲秋成好家家足稻梁問儂稻安在菰蘆水

一方解共道江南美江南信都會閒田倩鳥耕

白水能供稅解場工十月畢擊鼓賽田神吳儂

爭祭肉可念未歸人解荷鉏肌入霜揮鉏汗成
雨但願有田鉏不惜鉏田苦解魚龍睡秋水寡
婦哭秋原數家逃散後蕭索不成村解豪家艘
四櫓索負無雞犬流亡今稍歸嗟爾好焚券解
長吏午未鋪問儂曾苦饑儂言不苦饑昨日幸
晨炊解縣胥夜半至柴門不用敲子孫今賣盡
祇有一叢茅解蘆荻擁籬根空場無鳥雀寒風
四壁入敝袴不堪着解雲深江路黑三星夜在
笥爲聽田家言不覺歸來久解

百花洲集

卷上

二十三

倚竹歌

西園翠竹叢生暇
日倚之聊作是歌

主人好種玉繞屋森琅玕青青不避三冬雪
撼能生五月寒叢底可宜喧啅雀枝頭猶欲佇
鷓鴣瑤琴抱出西園裏脩然四面清風起似隨
流水到瀟湘水碧沙明映妃子湘江妃子綠羅
裳嫩粉初凝解籜粧誰道柯亭堪製笛試聽清
韻一登床細雨龍孫爭迸出須臾箇箇于雲長
倚竹林消永日棋局對壺觴意態何真率直節
休論隱士竿虛心且應郎官筆竹聲戛戛發浩

歌金尊沸揚洪波糟丘麴壘護離落七賢家
飲酣天和醉餘夢卧伶倫谷醒來散髮晞新沐
自占園中數步陰渭川千畝翻嫌俗怪底主人
詩骨瘦爲對此君不食肉

姑蘇春情五首

迎春日作效
李義山體

望中佳氣滿吳門青帝行春入廣原柳眼漸醒
蝴蝶夢條風初返杜鵑魂嬌歌急管隨車度絃
服新妝映日翻共道豐年多樂事毬場先已選
名園

百花洲集

卷上

二十四

笳鼓喧闐引土牛漢官冠蓋若雲浮銅街玉勒
看調馬繡戶珠簾盡上鈎詞客別裁新樂曲華
筵初換小俳優萬錢不羨何家侈七貴堂中列
五侯

七寶香車鬪俠斜褰帷一笑盡良家晴光自暖
風前玉春色先催勝裏花舞袖拂釵輕化鸞行
雲落髻滑翻鴉不知宴罷消春夜誰並閭門草
綠華

騷客乘春日半曛翩翩步障散紅雲桑陌上

逢秦女青翰舟中見鄂君芳樹鶯聲偷玉笛遠
郊草色上羅裙春深預約蘭亭飲肯信流觴屬
右軍

堪歎年華漏箭催東君邀客且徘徊誰家巧黛
傳新柳有女懷春待標梅十里香塵迷下市千
重芳思在層臺興來須赴高陽會休動江南庾
信哀

聞同年王淑明何充符因忤稅監被逮作
四首

百花洲集

卷上

二十五

偏側徒傷汝乾坤孰愛才忤人偏傲骨對吏已
寒灰劍抱豐城怨霜飛燕地哀誰傳黃雀語爲
雪冶長猜

宦途隨燕雀苦海更豺狼錫吐陰雲合雷轟白
日藏八廚元不愧三木任爲囊萬一 皇恩轉
春生到夜郎

聖人臨北闕君子歎南冠
病思千里途窮恨
一官憂時雙鬢白戀主寸心丹萬國皆塗炭誰
非行路難

中宵興浩歎明月入梁虛有夢疑顏色無人脫
檻車更裁窮鳥賦好授獄中書李杜齊名在千
秋孰爾如

送袁廣文遷藩僚不就歸安慶

收盡吳門桃李春圖書歸篋未全貧小山好客
能招隱野鶴摩空耻傍人秋月乘舟堪咏史空
齋卧雪任閒身憐君漉酒無長物聊贈清風一
葛巾

送蕭永罷官歸大庾

百花洲集

卷上

二十六

幾年吏隱共微官九折悲歌行路難老去哦松
堪自寄歸來彈鋏好誰看劍橫豐水雙龍杳馬
散吳門正練寒何事東風將別恨嚶嚶啼鳥屬
春闌

陸丹徒年兄招飲甘露寺

陸山陰人

古來北固號吳關雲水樓臺暑畫間主人風流
美爲政暇日携客同登攀長洲仙令羅浮子喜
往名山洗心耳躡屐高衝宿霧收振衣長嘯雄
風起此時春日麗春臺桃花杏花次第開山雨

鶴不避客眼底魚鳥皆迎杯江胥山遊羣龍
舞湘妃挾瑟馮夷鼓命句愁翻鮫室珠揮巾恐
挂珊瑚樹春臺長日坐氤氲下界喧囂寂不聞
憑闌灑酒來空翠擊節徵歌佇白雲半酣遙指
金陵城六代興亡似醉醒連天江水千重碧隔
岫揚州一片青江水東流達海門烟波渺渺得
仙源金焦何必誇名勝蓬島猶聞列上尊兩腋
雄風將羽化半生傲骨終難下便可三山跨鳳
皇誰堪五斗呼牛馬携來甘露滿水壺一滴靈

百花洲集

卷上

二十七

芽永不枯主人已傍山陰住爲問門前舊鏡湖

擬古雜體十九首

并序

樂府諸體始於國風騷選其濫觴矣稱
合作者必不露聲色如童謠如醉語又
如夢中吟噫理所不必有而意所不必
解情有所不言而言有所不盡興比多
而賦事少此其大凡也故余作擬古或
醉後興到援筆疾書稍落我見則止而
不敢益此道不在魏晉以後索耳嗟嗟

折揚皇琴安知不嗑然而笑哉

古思邊

邊馬渴長嘶夜過長城窟欲飲嫌水腥其中多
齒骨昨日鳴戰鼓今宵聞鬼啼生入玉門他日
事深閨且慢夢遼西

古別離

悲來不數斑竹血愁來不數青塚月人心咫尺
有別離床前忽自成胡越君不見相如已受長
門金茂陵欲娶成哀吟道旁一顧停五馬蛾眉
相遇黃泉下

百花洲集

卷上

二十八

折楊柳

楊葉開時學妾眉楊條折處正傷離楊花亂舞
撩春思况胥東風百尺絲

遠期篇

遠期共攜手百年未爲久君看貌如花倏忽成
老醜蓬山仙子金銀臺坐見蟠桃幾度開爲報
看基爛柯客子孫不識好歸來

關山月

關山隨地濶明月萬里同莫言萬里同更有雨
兼風嫦娥好獨處玉兔還爲侶閒庭月落尚擣
衣乞將靈藥學輕飛不然吹暈翻成缺待與邊
城一解圍

艾如張曲

蕭蕭蓬與艾稚子張羅戲黃口動成擒焉知青
鳥志高飛遠食玉山禾機械籬邊奈爾何

釣竿歌

古人釣國復釣名嚴灘渭水未全清美人脩竿

百花洲集

卷上

二十九

生自直和烟砍却還青青連舉六鰲笑不取桂
舟淺浦何容與寄語悠悠世上兒江月江風本
無主

陌上桑

當春綠桑柔懷春女出游不及秦氏女百媚嬌
且羞使君來一何愚停驂道側久踟躕使君不
念立馬疲妾自歸去憐君饑

昭君辭

嫋姚北伐軍聲起左賢祭馬擐弓矢漢胡格鬪

沙場裏伏屍如山一千里不及明妃西入胡胡
庭美女皆羞死翻將漢曲奏琵琶雪磧穹廬冬
見花萬古惟悲青塚月誰憐諸將骨如麻

王子喬

人道邈仙道退不見王子喬千年一去不還家
寂寥笙鶴令人嗟彭祖巫咸前後死玉棺何處
葬仙子

東門行

出東門臨大道道上來往人一行一回老莫嫌

百花洲集

卷上

三十一

相對貧相對貧亦好將進酒強牽衣雲離山幾
歲歸車輪未轉腸先轉萬行涕下風吹斷君去
郊送歸郊迎黃金斗印莫相輕

鞠歌行

年年上巳與清明九衢車馬嬉春晴瓊樓弄琵琶
故作斷腸聲何人傳此曲曲罷春郊遍青綠
踏青女兒年十五纖腰如柳向人舞蹴鞠蹴鞠
夜忘歸歸來庭畔月移午

鰕組篇

不識三神山乃在六鰲背任公一舉釣失水翻
成鱸誰知爾鰕鮒乃在蹄涔內鄙夫營七尺達
士期方外

鳥生八九子

君不見古時九日燒天紅鳥生九子巢日中飛
上天門尾畢浦落翅徒傷后羿弓鳥乃叩閭訴
天帝后羿何不念其妻竊藥一入月彎弓不射
還嗟別兔何德兮鳥何辜世間貞女多狂夫

筌篥引

百花洲集卷上

三十二

彈筌篥聲正揚河之水流湯湯被髮之叟學呂
梁漸身反向魚腹藏傳語此公無渡河渡河當
更奈公何人間平地多風波

日出行

世上何碌碌名利驅人不遑宿君看日亦無閒
時東海西山轉如轂夸父夸父何其愚與日競
走胡爲乎

雙桐生空井

井不吸虛銀床桐易老思鸞凰削桐爲琴揚哀

音秋思千重如井深鄰姑聽琴夜獨語并鮒子
子誰與處

善哉行

百年何蠢蠢少女看木槿一朝失顧盼紅顏零
落盡來日苦短去日長麻姑金母髮如霜蓬萊
山水下已種數株桑感此芳時春將晚酒朋棋
伴郊遊遠牽落日倩游絲黃鸝喚東風爲我停
斯須杖頭休道酒價乏隔岍榆錢飛策策借問
海上仙何如此歡伯歌善哉醉方歸

百花洲集卷上

三十二

當壚曲

客來未飲酒薰却東風醉胡姬十二試當壚見
客含羞翻欲退新教一曲能半能歌喉嬌澀冰
絃凝豈惹花頭花未吐芳心一點輕於露槽邊
灑灑滴醪醺迷殺陽城下蔡兒

白龍祠禱雨有應喜作長句

祠在陽山古

汲於溪拾異卵因豢龍焉龍去猶時婦
一省姆今山側有龍母墓祠在墓旁歲
以特牲祀於二
仲禱雨輒應

陽山之溪幽且深澄潭直下千萬尋龍祠俯視

潭之陰絳雲白霧時蕭森神龍猶念所生處歲
鞭列缺歸省姆回首吳民皆桑梓喜霈甘露溉
吳土縣官爲民酬若龍春秋祀事潔而豐何者
肥蠶煽蘊隆火旗焰焰燒天紅江焦湯沸馮夷
宮龍兮睡醒然氣冲立檄九河與四瀆青虬黑
蜃來趨風雲將初列障兩師驟發箭忽虞山嶽
翻乍覺乾坤戰郊外商羊舞欲狂垓中鸛鶴鳴
且翔古洞無勞擊陰石市廛何用燔巫廷九虬
興歌田畯苗秀青青如櫛比萬戶同歡大有

百花洲集

卷上

三十三

年催科幸免煩鞭箠兩珠雨玉賀昇平祠下宜
添喜雨亭大澤不忘功德水年年歲歲薦芬馨

陽山塢內小溪

小溪綠密篠茅屋岼東西野老鷗爲侶孤松鶴
並棲避喧今幾世入洞昔人迷坐愛烟霞晚迴
橈返照底

春日泛舟四首

棹歌翻淥水擊汰復夷猶吳越春江合東南王
氣浮鳴榔遙向若岼嶺不驚鷗渺渺五湖客烟

波如可求

江練晴堪染汀蘭靜自芳已宜君子佩不倩好
風揚折采香盈花懷人水一方輕橈徐轉去春
望浩茫茫

洗耳疑讐俗懷沙悵獨清豈知簪紱內不異薜
蘿情舒嘯滄浪曉觀空水月明乘流無住着目
在玉壺行

聞道蓬瀛外鯨波若拔山秦皇空望幸方士去
無還縱有金銀闕其如風浪艱靜觀濠上理心

百花洲集

卷上

三十四

與廣川閒

贈漁父并序

余于役京口舟行曠浦遇一漁父棹小
艇挾四童子各操笙鏡簫鼓迭和爲迴
波款乃之歌其音清揚縹緲高越人世
余見而異之問何以爲曰無以爲曰何
以爲家曰此以爲家問安所得飽曰到
處逢捨到處逢飽更爲余歌數闋絳雲
停江中良久方散余贈以詩亦不稱謝

悠然而去意水仙琴高湘中老人之流
耶余忽不知微官之屬已也心與漁父
遠矣

野老歌傳款乃清和風澹蕩漾仙聲烟波不雜
市朝態鼓枻非關去住情奏急魚龍號絕浦響
迴鸞鶴下層城吏情未覺滄洲遠倩汝微瀾爲
濯纓

姑蘇元夕集諸詞客得朋字排律二十六
韻

百花洲集入卷上

三十五

吳門歌舞地樂事日相仍况遇千金夕遙臨片
月澄條風吹鳳野新暖解鮫冰繡陌香塵匝銅
街瑞氣凝樓臺甲第敞裘馬少年矜趙李皆連
戚金張各引朋春思方浩蕩逸興寄憑陵共慶
瑤天爽同欣玉燭登翫脂明絳蠟豹髓隔紅繒
兢鬪丁諼巧爭誇萬畢能鰲山浮陸海星彩避
華鐙火樹家家燦驪珠顆顆升祇須驚絢耀未
易辨名稱錦席九枝滿蘭轂百味蒸初筵心已
醉列炬目爲膏賓從紛輪至俳優次第徵魚龍

翻角觥杆索互緣乘士女鳥交錯笙歌鼎沸騰
歡聲搖地軸高響遏雲層蹴鞠九隨足鞦韆鳥
度絙登場重選伎催曲迭酬綾良夜真堪賞幽
懷若不勝可憐花滿面豈吝酒如澠亂箭停寒
漏雞人報旭昇橫橋無鐵鎖歸騎踏金繩相約
留餘興來宵更倍增

西園聽客彈琴 五言古

嘗怪古人愚臨流偏洗耳耳中本清虛更無物
可洗誰爲揚天籟自入清虛裏此時冷冷意片

百花洲集入卷上

三十六

片隨流水曲罷兩無言林間竹風起

臨高臺

臨高臺好風澹蕩從東來朔鴻已去燕未返坐
令春信空相猜臺前鞦韆兼蹴鞠千門嫩柳如
新沐白馬雕鞍輕薄兒春游倦入誰家宿

春思二首

芳樹臨清沼紅顏落鏡中催花惟麗日莫怨雨
兼風

夢破紗窓曉西園鳥亂啼春情縱搖蕩猶勝聽

莎雞

牡丹四絕

紛紛紅紫戰春場，巨奈東風掠陣狂。
誰道青皇不解事，故將後勁屬花王。

繡幄珠簾護寶欄，露華猶自怯朝寒。
呼童煖酒澆檀暈，春色偏憐帶醉看。

共道名花肯讓花，後於桃李殿韶華。
寄言一八樓頭女，不必先窺宋玉家。

輕盈似入昭陽掌，濃豔堪迴照夜車。
朱鳥池邊

百花洲集

卷上

三十七

傳信息好將顏色付紅蕖

芍藥

效義山體

幸與花王爲近侍，承恩偏得倚芳叢。
趙家姊妹低昂裏，楊氏諸姨顧盼中。
掩袖自慚當國色，向人如語怨東風。
香車寶馬春游晚，寄贈多情有蝶通。

倦夜

行雲逆流月慘淡，有無間世態誰能定。
浮名好是閒倦來，憑碧簾夢去繞青山側。
想沉冥子經

年長閉關

獨游上方三首

并序

上方秀絕下瞰石湖，虎丘之外此爲近。
地昔曾與廣文謝表陳，三君子載酒同

往暮春風雨慘淡，霏微山光湖影恨朝
暎之未開，酒態詩情覺夕秀之難振。興

盡而返，負此壯游，茲以勘山之役，假道
石湖，回首上方，空翠可摘，舍舟躡屐，脩

然獨攀呼韋白於雲邊，揖鴟夷於湖畔。

百花洲集

卷上

三十八

檻臨魚鳥響，答樵漁足託知音，何傷閒

寂山靈索詠，申以三章

上方蘭若逼諸天，有客乘飈弄紫烟。
悟入忘言遺玉塵，坐觀無相得金仙。
三花洞裏渾金古，朝菌人間自歲年。
誰道淩園非傲吏，逍遙吾擬遠遊篇。

遊篇

重來風日正宜人，山色湖光澹澹分。
象外烟霞閒處得，仙家雞犬靜中聞。
空虛法界依雙樹，流浪塵踪付片雲。
寄語山靈非逋客，相過何必更

移文

長日風林坐玉壺凭欄千里散平蕪扁舟湖上
今能否匹練吳門間有無縹緲野心鳬共遠憑
陵俠骨劍同孤休誇作賦登高者元是高陽舊
酒徒

偶讀東坡海外寄人書云某到貶所半年
百凡粗遣更不能細說大約似靈隱天
竺和尚退院後却住一箇小村院于折
足鑄中罨糙米飯喫便過一生也得令

百花洲集

卷上

三十九

人絕倒戲成三絕以效希調

海外仙人興不孤烟波東去卽蓬壺青童能供
胡麻飯肯問鑑中米有無

野鶴橫江化羽人德雲元說是前身人間一謫
無長物最愛先生徹底貧

小吏紅塵耻折腰王喬葛令待相招偶看海外
談天竺自笑萊蕪甑尚饒

暮春寄同社

子胥門外水空波春事闌珊感慨多對酒東風

啼越鳥懷人子夜聽吳歌漆園傲吏殊無賴竹
裏狂生近若何寄語揖仙樓上月年來清夢數
迴過

春曉

旭日明虛室流光鑑薄幃夢迴迷曉蝶忘却換
春衣百卉頻開落年華有是非片雲天際淡可
比宦情微

獨酌月下

誰謂酒杯小中涵萬事空未須論聖品且與灑
塵胃好友形兼影嘉肴月共風無人會此意歸
去問陶公

暮春舟中

沉水之香通太靈虎丘新茶雲乳烹茶曉汲
惠山水焚香卧讀黃庭經江南春暮已如此花
落清流成錦水燕語鶯啼大着忙素心不寄春
光裏一縷輕烟起博山清風習習滿懷間江皋
倘遇天隨子應共扁舟去不還

苦雨

已亥有水

不畏沙崩損藥欄
逢憐麥秀浴風湍
海童有意迎神女
暴雨何曾避灌壇
薄暮回颺吹野哭
更深更哀角動春
寒臨流欲灑瘡
淚祇恐偏增濁水瀾

舟中卽事

燕懶鶯慵三月中
畫船簫鼓漾和風
莫言春盡江南景
到處明霞映水紅

落花二絕

舞片辭蜂嘴餘香
到馬蹄燕回休太
息好去探

百花洲集

卷上

四十二

春泥

金谷香塵散樓頭
逐曉風莫言春有
暮總是色皆空

月

枕簟起秋思夜深
羣動歇斜倚桂樹
枝徘徊望秋月風
吹暈漸破露洗光
仍發遙念廣寒人
天空雲水濶

曉

聊寄一枝宿起來
何所思西山對高
閣爽氣入

支頤累牘憐多事
三竿出每遲夜來
虛室夢似與白雲
期

寄袁伯益望江

五斗堪春釀愁來
幾醉眠誰能柔繞
指一任直如弦風
雨寸心折閒忙兩
地偏憐余甘拙宦
相念一潸然

憂讒寓言

問影何所爲惓然
渾不語共爲天地
客暫與爾儔侶孤
燈對不疑皓月還
同步勿逢沙中賊
半

百花洲集

卷上

四十三

路失相顧

悲火堊

夜雨啼烏黯自憐
何人忍斷蓼莪篇
肯將兒女千行淚
盡付郊原一片烟
洞却已甘投火宅
清涼無路到羅天
年年寒食清明節
徒向江邊酌紙錢

閨門春望

王孫愁見草萋萋
客裏逢春意轉迷
幾處藝蘭依淺浦
誰家拾翠上平堤
荒臺舊苑孤烟外
流

水閒雲野日西欲寫春來無限恨東風時倩一鵑啼

贈謝曰可年丈

江練平鋪彩筆飛何人不識謝玄暉袖中諫獵書猶在門外張羅客漸稀李白夜郎今更遠賈生宣室幾年歸浮塵擾擾豺狼滿秦罷離歌易濕衣

久客

梁上喧雙燕逢春亦解歸往來看舊壘歲月老百花洲集

卷上

四十三

烏衣得食衆雛長窺簾傍母飛吳門蜀久客對爾淚長揮

閶門觀競渡戲作長歌

席上集諸詞人醉後賦

端陽新雨漲平隄柳暗長橋鶯亂啼萬戶樓臺如鏡裏千門弦管喧於市五絲繫臂醉蒲觴爭看龍舟戲江水紅簾彩鷁木蘭橈錦纜牙檣奏玉簫簇簇黃頭歌款乃重重翠扇佇嬌嬈樓船畫舫紛停泊別上江亭開水閣兩岼遊人似堵墻綺羅耀日相交錯遊人開處使君來伐鼓填

填響若雷屏帳駭張巨舫瓊筵樂部遙相催

使君重文兼好客當筵載筆皆詞伯未許丰容

鬪豔粧直從險峻看標格梨園曲罷報詩成江

上游龍急閤聲鱗甲翻波風雨惡江胥河伯避

霓旌輪贏未決雌雄隊疊鼓催橈浪花碎錦標

奪得快先登兩岼千人齊喝采輸者慚兮贏者

矜迴舟賭勝更憑陵江波咫尺分吳越往事千

年感廢典越興吳廢付東流南國烟花恣浪遊

誰向澄潭傷屈子空餘蘭杜結離憂湘蘭沅杜

百花洲集

卷上

四十四

長江隔吳門還有鴟夷革日暮潮來天地青劍

光袍鎧如銀白江南士女自嬉嬉話及前朝總

不知贏輸興廢渾閒事莫怪山公倒接離

夏清夜吟

世上僅三樂人間止百年義和何太苦朝暮不停鞭崢嶸火雲連赤坂入夜惟愁日車返冰紗爲帳扇輕執竹氣梧風清更遠此時煮茗在虛亭剝笋還窺玉札經爲呪燭龍聊稅駕來朝微雨待人醒

冰盤瓜藕

熱思寒水玉更憶葛仙方忽對片冰晶能生六月涼
甘瓜翻几滑脆藕拂盤香坐聽蓮歌晚青門意更長

百花洲集卷下目錄

江村吟四首

擬吳宮行樂詞五首 并序

傷吳宮絕句

擬竹枝詞四首

秋山

齋居

塘上行

靈巖琴臺畔松徑遇吳練師因贈

百花洲集 卷下目錄

病起

吳門七夕三首

歸興七首 并序

感遇十七首

送林坦之垂之兄弟上春官二首

秋夕閨怨二首

偕常熟趙明府游惠山秦氏園

靜女詩

秋思

觀刈穫示村中父老

江上吟

孫建侯邀飲觀韓湘子傳奇席上賦

夜

九日孫建侯貽詩訊余病兼約登高賦此

訓之二首

避暑小憩

除夕二首

寒食虎丘

百花洲集

卷下目錄

二

雨後上方寺

人有餉余瀟湘八景畫冊者退食之暇逐

景分題空同子先有此作余其爲鄰婦

乎加七言以別之

漁村夕照

山寺晚鐘

平沙落鴈

江天暮雪

瀟湘夜雨

洞庭秋月

遠浦歸帆

山寺晴嵐

爲劉恒甫年兄悼亡

爲張孟奇悼亡

贈樊崑山明府以父病解官歸黃州

與周主簿茶會

九日同吳縣曾明府遊靈巖望太湖

秋杪同阮堅之年丈集皇甫氏園夜飲

侍大中丞曹公閱武作三首

余課農水鄉張錢二山人移花載酒并樂

部夜集舟中

題張氏園白樂天遺石

百花洲集

卷下目錄

三

人日對梅花憶江陰明府余才伯年丈

吳趨春五首

間居七詠爲孫建侯賦

映雪

閉戶

枕流

漱石

長嘯

作賦

酒樓

贈劉叅軍三首

茂陵二首

賦得楓橋流水五絕送孫建侯歸金陵

詛河豚戲作長句

又詛百舌

仙鶴篇壽伯父慎思翁

林坦之夜集

周昆彥夜集

宦邸秋懷八首

聞碓

題陳母貞烈卷

百花洲集卷下目錄

四

秋夜懷友

歲暮憶京華同籍舊游有感三首

三月三日

同曾澹夫夜集王百穀園亭

錢山人功甫斗室

花朝集山人錢簡栖宅夜飲王百穀同賦

秋夕同阮堅之潘景升泛月胥門江上

中秋再泛胥江

秋聲彈劍歌

夏日過趙凡夫定山別業

送吳縣廣文王道錫之馬平令六首

吳門秋月十五首

并序

贈高景逸

西湖排律三十一韻

弔專諸墓仄調排律十二韻

聚星行

并序

百花洲集卷下目錄

百花洲集卷下目錄

五

百花洲集卷下

長洲今東莞鄧雲霄著

江村吟

築江村觀風有作亦紀其事耳四首述築村之景而勸相之

吳會繁華地淳風在野村桑麻連戶牖禾黍散雞豚茅屋還堪賦江亭好避喧壺觴依淺草真樂滿田園

稚子捉楊花呼羣更打鴉嬉遊忘帝力耕鑿任農家野徑飛晴蝶平疇噪亂蛙陶然上皇世不道武陵遐

百花洲集

卷下

新月帶斜輝江村動夜扉笛殘知牧返歌颺識漁歸薄霧籠波淡疎燈隔竹微孤舟同鷺宿塵夢夕來稀

畚鍤如雲集周防爲水區今朝勤婦子他日變荒蕪敝袴寧堪着新租未易逋一勞真永遠尚勝北山愚

擬吳宮行樂詞

五首并序

古君淫縱沈湎者三代而下莫過夫差至陳隋季主纂濫矣陳隋樂事見於玉

樹後庭花及女學士賡和諸曲而吳宮

獨湮沒不傳豈非史氏之缺歟余至茂

苑吊古興懷蘇臺娃館屨廊香徑往往

披榛覓蹤想像佚遊之盛而綴以艷曲

雖未敢編之樂府亦著亡國之炯戒云

耳

陣掃東南一劒收水犀十萬日椎牛君王氣蓋百二州錦帆龍舸江中流吳歛子夜風傳曲臺上栖鳥不得宿

百花洲集

卷下

蘇臺高出浮雲外吳越諸山几案對美人舞罷王半醉絲管啁啾滴空翠珠簾捲却吳江水

鬪雞陂西走狗塘雲芽露蕊紅蘭芳美人拾翠行采香珠璣寶極搖琅琅歸來響屨香風繞月

娥西鏡森相照天雞不報吳宮曉

烏啼集苑不集枯越王行酒妻與夫東南半壁

聞霸圖烟沈烽淨一事無今不行樂胡爲乎

茂苑花閨門柳萬石鍾千日酒醉殺吳兒小垂

手採蓮夜渡消夏灣魚龍聽曲滄波間誰解泥

紗裁白紵歲年年呈妙舞

傷吳宮絕句

館娃宮畔暮烟迷響屨廊中返照西莫話吳王
當日事恐驚寒鳥一時啼

擬竹枝詞 四首

溪女蓬鬟日負鹽擔頭十指尚纖纖路逢年少
輕調笑連袂清歌望酒帘

狂夫一去動經秋日日祈神錦水頭每下鳴機
逢七夕幾回腸斷爲牽牛

百花洲集 卷下

三
劍閣連雲欲插天人心險惡更堪憐憑君寄謝

臨邛女又被風吹過別絃

薛濤墳畔盡桃花猶憶新牋錦作霞雲雨竟隨
巫峽散空餘明月落誰家

秋山 憶家作

秋山叢桂暗松門黃菊西風酒一尊莫問閒房
幽徑裏向來離合敢重論

齋居

休沐緣多病西園春雨餘戒葷扶藥餌列堦當

鮭魚喧雜非吾性清羸合道書真成香案吏已
伴玉皇居

塘上行

水落銀塘淨芙蓉颯已秋可憐枯葉上乃有綠
龜遊

靈巖琴臺畔松徑遇吳鍊師因贈

琴臺出石徑三月松花黃好風從東來散落皆
天香野老行斲苓白石煮瓊漿掃花春釀熟醉

飽能休糧蘿薛洞門古閉關春晝長誰知靈巖

百花洲集 卷下

四
畔已到蓬山鄉野老竟爲誰恐是漢張良

病起

肺病起秋色四肢忘安排苔侵搗藥臼竹覆彈
琴齋瘦同鶴影立靜與雞談偕未割區中綠難

將幽性諧

吳門七夕 三首

銀漢輕波漾月華橋邊靈鵲護駕車未知天上
情多少秋思人間遍萬家

吳門巧女世應稀看罷雙星更上機繡出鴛鴦

宮錦燦爲他人作嫁裝衣

樓頭乞巧夜將闌五彩朱絲落玉盤不見倡家

金屈膝何曾身傍繡床看

歸興

七首并序

余以慙直忤權貴自揣骯髒恐嬰禍機

乃託病杜門抗詞解組冥鴻心遠叢桂

神交聊效歸來之旨漫成七律拙宦亦

驗於茲云爾

懶性宜高枕途危畏及秋非無漠北翼自薄隴

百花洲集

卷下

五

西遊葛令求丹藥江生笑黑頭憑誰解余意試

一問沙鷗

塵容聊一洗垢髮正新梳藥裹開蛛網芸編走

蠹魚調希絃可解意到竹堪書寄謝勞勞客無

煩問索居

豈避弓蛇影生憎鳬脰添閑看稚子戲未怪老

夫潛秔稻餘三釜蠶桑具一縑誰云吏情淡盤

有水晶鹽

微祿不果腹浮生堪息機空囊吾已慣叢桂舊

相依失路行偏遠回頭未覺非秋風病百草正

長北山薇

竹林真玩世金馬僞逃名達士期朝徹高人貴

夜行寒蟬秋自急涼露飲逾清天下滔滔是吾

將學偶耕

匡坐適禪心西風入爽襟歸存壓舟石不用買

山金溟渤萬千頃羅浮四百岑冷然如可御汗

漫託知音

對婦品茶譜呼兒檢藥經一區虛白室半畝草

百花洲集

卷下

六

玄亭濁酒堪埋照東籬笑獨醒放歌元自解歌

竟若爲聽

感遇

十七首效陳子昂體告病時作

太虛幹元化園轉固無端茫茫大千界劫火或

已然誰持石五色更爲補皇天堂上樂方宴杞

國空憂煎山中抱黃犢歸去種春田

索居曾幾何夏火忽改木夜露淒已白桂枝自

含綠幽香好暗持不爲旁人馥嗟彼園中葵逢

秋不衛足

君平既棄世猶復在市廛簡圭出垢石於土生
紅蓮觀化洞無始不爲買卜錢大隱正在茲授
老垂空簾

曾國盡若狂鐘鼓拜爰居獲麟不善保反爲尼
父吁皇風代淪煽大道日丘墟試問道傍者何
如沮溺愚

吾愛桃源洞幽居絕世氛子孫忘晉代衣服自
秦人寧知鎬池壁久遺祖龍君招覓長城下不
來早問津願將雞犬去永與麋鹿羣

百花洲集

卷下

七

此亦一是非彼亦一是非人具曰予聖烏能辨
雄雌所以古達人一哂皆孩之遐想鴻荒前衣
服乃毛皮鑿竅混沌死吾將杜德機

翩翩漢飛將射虎真空羣馭下開刁斗連營豈
薄恩罷來逢醉尉不識故將軍梁燕兼門雀飄
如陌上塵玉壺有天地養晦以全真

精衛一何愚銜盡西山石東溟波萬里力微豈
能敵獨憐帝女靈芳覓或重溺仲尼浮海心李
叟流沙跡知不可奈何安命甘踵息

邵平瓜已熟五色綢田疇人知瓜美好詎識東
陵侯地近心偏遠路旁自悠悠好掃秦坑灰爲
他糞壟頭

靜坐心無事幽居日覺長明牕與淨几掃地更
焚香秋色已如此浮雲怪底忙吟成聊抱膝世
路付亡羊

一破名利關覺非如不及設羶游蟻聚張燭飛
蛾集得嗜性所便近死乃逾疾何如五絲囊採
露華山室無事風塵眼仙童坐相失

百花洲集

卷下

八

嗷嗷夸毗子自謂挈瓶智達者笑觀場翻同傀
儡戲君王怒偃師手觸歌聲碎誰知造化心塞
翁以爲識

我登蘇臺上懷古生百憂霸氣已淪沒草深麋
鹿游錦帆落天外孤月照長洲彼美五湖子脩
然不繫舟功成耻受爵亮節激千秋

三五明月滿二八明月缺大鈞忌常盈至人貴
藏哲犬出東門怨鶴向華亭咽梁鴻與德耀賃
春自埋沒千載臯廡下令人想遺烈

家本羅浮下蕭然木石親扶桑東不遠勾漏亦
爲隣學道煉金骨三山期間津歲星耻被謫強
之觀國賓矯矯野鶴性飲啄漸向人一迷紅塵
眼五別青蘿春緱山倘相接歸揖雲中君

陶令一以醉柳春不復知誰持千日酒爲息百
年機蠻觸國蝸角流血鬪離披蚩蚩名利間所
爭亦如之漢陰有遺老歲暮可同歸

傲吏坐漆園悟得逍遙理想像南華仙似假北
溟翅鷗鵬息六月天地乃一指覺與蝶同蘧夢

百花洲集

卷下

九

隨體共語嗟余竟內累愧彼雲中志胡不瓠浮
江甘同鷗嚇鼠平生大俠骨豈是折腰具拊髀
友鴻濛據梧齊惠子清風入修竹灑盡諸苦趣
涼露可濯纓不借西江水

送林坦之垂之兄弟上春官

二首

據地酣歌笑四豪詩情酒態憶吾曹坐來夜雨
衙齋冷望去春風馬首高白眼未消游俠骨朱
絃寧向衆人操燕臺重價需千里莫問囊中金
錯刀

旅食西風幾問津丈夫行李未全貧懷來白
聊披褐袖有蒼精豈傷人痛飲且歌燕市筑振
衣休染洛京塵安危異日須吾輩折得名花不
當春

秋夕閨怨

二首

永夜西風減帶圍涼迴誰爲寄征衣樓前淚迸
雙星落客子蓬隨一葉飛袖裏有書裁錦字夢
中無路到金微平生幸未偷靈藥斜月何心入
絳幃

百花洲集

卷下

十

露浸重簾知夜長啼殘銀燭吊寒蟬坐深錯認
身爲石愁絕翻驚雨變暘鴻雁天邊音更杳靡
蕪山下徑全荒木蘭誓欲從軍去不信軍中氣
不揚

偕常熟趙明府遊惠山秦氏園

御去風冷冷長廊次竹亭雲晴還復濕泉酌更
宜聽池上論茶譜林間檢鶴經幾年塵土夢今
日始全醒

山靈邀上客雞犬類秦餘洞裏忘年月人間笑

簿書清談容谷答梵唄度松虛坐對滄波叟持竿不取魚

靜女詩

人有勸余巧宦之術者作此示之

靜女心如水空閨澹歲華晚來惟倚竹春盡不看花芳草連淇上遊人隘若耶良媒元有待耻問宋西家

秋思

昨夜西池玉露清紅粧臨水若爲情莫言秋盡芙蓉老猶可蕭蕭作雨聲

百花洲集

卷下

十一

觀刈獲示村中父老

田家十月競場工杼柚東南幸歲豐片片霜鎌桑柘外村村雲碓水烟中黃雞紫蟹宜新酒伐鼓行歌擁醉翁寄語吳儂莫狼戾好將淳儉學

函風

江上吟

坐對蒹葭晚遙悲水國秋魚書長不達江上怨陽侯

賓雁帶星霜南來關塞長杜蘭零落甚客意屬

沅湘

南天雲水闊秋望杳無端誰道新霜冷能燒楓

樹丹

孫建侯邀飲觀韓湘子傳奇席上賦

時值霜降

節

嘯有孫登響鳳鸞更携秋色入瓊筵歌迴暗覺樑塵起星聚應占劒氣連風急黃花催短鬢夜長青女下遙天揮杯莫訝逡巡酒葛令元來號稚川

百花洲集

卷下

十二

夜

鎖印遠鍾耿鈎簾新月起欲知吏隱心銅餅貯清水

九日孫建侯貽詩訊余病兼約登高賦此

訓之二首

久宦逢秋懶多愁與病兼高齋聞搗藥半月食無鹽忍負龍山會因就鶴夢恬新詩如七發傲骨若爲砭

宿業應難懺禪宗試一叅烏傳飛闕北人尚滯

客駕長虹至龍歸古洞春山門新霽雨石路淨
纖塵得句先呈佛長歌不屬人所嗟山下徑來
往入迷津

人有餉余瀟湘八景畫冊者退食之暇逐
景分題空同子先有此作余其爲隣婦乎
加七言以別之

漁村夕照

曬網柴門返照新桃花流水認前津買魚沽酒
湘江去遠吊懷沙作賦人

百花洲集

卷下

十四

山寺晚鐘

絕頂高僧未易逢禪床長被白雲封殘鐘已罷
寥天遠錫杖時過紫蓋峰

平沙落雁

陣斷衡陽暫此迴沙明水碧岸莓苔相呼正喜
無矰繳又被孤城畫角催

江天暮雪

簑笠無踪失釣船同雲黯澹混江天湘妃獨對
君山老鏡裏修眉已皓然

瀟湘夜雨

大王長嘯起雄風又逐行雲入夢中想像陽臺
環珮濕令人腸斷楚天東

洞庭秋月

李白曾稱月下仙烟波秋醉洞庭船我來更欲
騎黃鶴直向高樓一醉眠

遠浦歸帆

漢江游女石榴裙一道菱歌兩岸聞估客歸帆
休悵望閨中紅粉正思君

百花洲集

卷下

十五

山市晴嵐

亂峰空翠晴還濕山市嵐昏近覺遙正值微寒
堪索醉酒旗從此不須招

爲劉恒甫年兄悼亡

客子悲秋已惘然那堪更著悼亡篇獨憐竊藥
人猶在頗恨鴻都術未傳歸夢夜懸巫峽雨孤
鴻聲斷太湖天素琴已悟無絃意慢取鸞膠與
續絃

爲張孟奇悼亡

時當七夕
泊於楓橋

憐君猶在四愁中
淚落新秋一葉風
神女雲收珠珮
寂畫眉人老錦屏
空鵲分金鏡橋先
斷星隔銀河水未
通誰解招魂如宋
玉江南哀怨結青
楓

贈樊崑山明府以父病解官歸黃州

強項從來說董宣
王陽迴馭更稱賢
輕舟獨載惟卷石
遮道猶聞卻一錢
勾漏已餘丹竈藥
絳庭應獻紫霞編
懷人不見衡陽雁
歲晏音書誰與傳

百花洲集

卷下

十六

與周主簿茶會

周以貢起家世胄之子有文行南昌人

小隱吳門老歲華
爲君彈劍一長嗟
共傳仙尉逢梅福
誰識名駒出渥洼
秋至任教塵滿甌
夢回猶覺筆生花
年來宦況甘如水
相對同烹顧渚茶

九日同吳縣曾明府遊靈巖望太湖

登臺人共鹿麋羣
錦石黃花對夕曛
屐底湖山吳混越
江南風物水連雲
壯遊未遂扁舟去
往事徒傷落葉紛
杼柚凋殘非昔日
村砧寥廓不

堪聞

秋杪同阮堅之年丈集皇甫氏園夜飲

名園花木澹秋容
曲徑幽軒紫翠重
發興正須寒晚菊
尋盟偏愛對寒松
青絳舊葉推玄晏
白眼悲歌有嗣宗
明月留人良夜永
醉歸應待景陽鐘

侍大中丞曹公閱武作

三首

肅肅百僚瞻獨座
翩翩諸將列連營
勝風暗結魚麗陣
殺氣先傳草木兵
戈拂西山迴落日
劍

百花洲集

卷下

十七

橫東海倚長城
白猿黃石余曾學
慷慨軍前欲請纓

吹角千羣寂不喧
傳呼屋瓦盡皆翻
不觀潮上同兒戲
安識條侯將令尊
氣肅金天開組練
烟銷銅柱定乾坤
東南半壁渾無恙
鎖鑰還應問北門

天上文昌居上將
人間武庫動兵符
雷霆風雨誰能料
滄海鯨鯢立可屠
江石虛聞傳八陣
水犀曾見沼三吳
書生更願敷文德
歸馬欣看王

會圖

余課農水鄉張錢二山人移花載酒并樂

邵夜集舟中

載酒荒村二妙來名花入座對尊開江臯暫闢
竿求徑暑氣先消河朔杯棹發魚龍皆起舞人
閑鷗鷺總忘猜當歌未解瘡痍恨爲報繁絃且
莫催

題張氏園白樂天遺石

白傅豪吟片石知風流餘韻使人思當年櫻柳

繁華盡此日蓬蒿世代疑臥處豈無醒酒力移
來猶有野雲隨主人不灑江州淚對石空歌長
慶詩

人日對梅花憶江陰明府余才伯年丈

人日晴陰暖半還寒梅早已破春顏隴頭消息
誰爲寄檻外風花懶獨攀隔歲暗驚雙鬢改百
年能見幾人閑興來欲鼓江陰柁共坐春申邑

後山

江陰乃春申封邑
故後山名君山

吳趨春

五首

步出西城陌香車滿狹斜鹿臺今日草娃館舊
時花江畔多遊女紛紛學浣紗

王孫芳草意士女踏青心羅襪隔微波隨風沂
玉音目成日已暮惆悵吳江深

千門細雨中落花三月節春思浩茫茫不與芳
菲歇誰言貌似花莫遣花成雪

馳道方調馬高樓正品簫遊韁惜不發遺響落
空寥聽罷一揮手驕嘶過板橋

侵晨挾彈去薄暮垂鞭歸堂上歌鐘發迎門換
百花洲集卷下

十九

舞衣生來豪俠地不道冶遊非

閑居七咏爲孫建侯賦

開牕臨積雪片玉墮遙天鶴氅相輝映人如姑
射仙

右映雪

却掃謝時流秘書臥常把誰知不出戶可以見
天下

右閉戶

風泉清午夢高揖潁川人冷冷從人耳欲洗本

無塵

右枕流

斲松烹白石絕粒漱雲根齒敝舌長在深思老氏言

右漱石

昔讀成公賦曾登阮籍臺半空聞逸響疑有鳳飛來

右長嘯

錦囊行處得彩筆夢中輝賦就金聲起嚴霜盡

百花洲集

卷下

二十一

倒飛

右作賦

大江如鴨綠蕩漾對糟丘座上客常滿何如孫楚樓

右酒樓

贈劉參軍

三首時罷官游吳善劍術能詩更饒俠氣江北奇人也

馬如匹練到吳門虎囊蕭蕭蒯緱存醉尉豈能知李廣曳裾何處向平原途窮轉覺詩懷壯金盡翻令俠骨尊世路悠悠君莫問待逢國士一

酬恩

結客翩翩賦壯游逢人肝膽片言投狂來且吊要離塚興到聊尋范蠡舟草檄從軍誰跋扈當歌橫槊見風流自燒丹竈千年藥不羨黃金萬戶侯

破虜平羌衆共看齊盟風雅更登壇酒酣說劍蒼龍吼夜靜論詩白雪寒鎖鑰北門諸險盡鯨鯢東海萬家殘赤松元待功成後莫向江湖問鵬冠

百花洲集

卷下

二十二

茂陵二首

王孫玉帳錦流蘇裘馬夫君態甚都若料黃金能取酒悔教紅袖去當壚

冰絃初斷淚痕新玉軫潛窺別院春莫怪茂陵憐異色文君元是薄情人

賦得楓橋流水五絕送孫建侯歸金陵

橋頭楓葉自青青客子離歌悵獨醒夜半鐘聲出幽寺依稀猶似昔年聽橋近寒山寺流水潺潺日夜聞當年曾度水犀軍臨流莫話

興亡事驚起啼鳥片片分

楓響颼颼落暮潮郎君且駐木蘭橈橋邊車馬

塵初靜明月新教白玉簫

浣紗人去冷姑蘇寂寞江楓怨夜烏好搗橋邊

如鏡水憑君西寄莫愁湖

桃葉渡頭花似錦楓林橋畔月如霜他時忽憶

興公賦兩地愁牽一水長

詛河豚戲作長句

西施一入吳王宮宮中粉黛顏無紅錦帆遙向

采香徑十萬雄兵集甬東古來美色能傾國更

有輕生嘗海錯爭誇異味出金盤不惜捐軀同

鼎鑊君不見西施紅粉沈東海河豚猶號西施

乳芋蘿山上月輪高越王進色啗徒勞若將此

物充吳膳何異專諸魚隱刀

又詛百舌

君不見蜀帝春蒐託杜鵑遼東有鳥能人言枝

頭百舌憑誰化應是讒人口業寃東方旭日千

門曉花間鶯轉閒庭悄燕語雕梁最有情何來

怪鳥襟春聲春闈乍聽疑殘夢啾啾啞歷亂

鳴輕揚旋轉捷范睢展辯儀秦舌險側間和夷

曲房鄭袖兼驪姬須臾百韻含宮徵一聲悲兮

一聲喜易將白壁變青蠅可畏歌喉藏蠶尾自

矜葉密可容身自負枝高聽轉新但覺如簣生

處巧寧知挾彈死爲隣一朝青皇恩永隔朱鳥

飛來啄其頰寂寞無言蒿下飛寒蟬相對抱深

枝借問嚮來調弄好何如桃李自成蹊

仙鶴篇壽伯父慎思翁

青田奇鳥抱明姿養就胎仙上界飛黃金龜畔

傳丹頂白玉臺邊化羽衣洞天茫茫三十六珠

樹三花幾栖宿射的方聞取箭還緝山更度吹

笙曲羣仙冉冉下烟霄雪鬢雲纓可待招逸態

耻隨吳市舞幻形猶傍酒人驕竹林老叟通仙

術丹丘紫府開靈笈養鶴常同和靖心步虛已

化盧駝骨有時跨去入羅浮東海如環繞十洲

人世蜉蝣堪一笑還同龜鹿共千秋仙翁紫氣

連南斗仙令吳門數回首夢入橫江歸思催雙

黃花裏故國松楸白露中古堞月明烏怨夜虛
堂人靜木吟風秋深暗抱臯魚泣天地茫茫恨
未窮

宦薄能令俠骨尊西風客思滿秋原久居澤國
諳吳語每向江楓弔楚冤暗裏含沙猶射影時
來孤鶴忽乘軒少年日逐專諸巷袖有魚腸未
報恩

傲吏風塵強破顏歲星浪跡寄人間那堪對酒
浮黃菊自起開籠放白鷗望去鄉心隨雁足愁

二十五

來叢桂徧秋山修琴賣藥饒生事歎息迷津欲
閉關

地脉凋殘決九河妖風猶向 祖陵過清談莫
效羣賢飲憂國聊爲五子歌雲外商聲傳玉樹
檻邊秋草近銅駝賁生痛哭長沙遠北闕天高
柰若何

吏隱吳門歎陸沈塵途猶覺 主恩深曾聞
聖帝投雙壁可念中人罷百金瘡癩未收遷客
骨雪霜空扣賤臣心憑高悵望休回首落葉鳴

秋夜懷友

回望寥天片月高側身今古憶吾曹西樓此夜
聞長笛南國歸心折大刀搔首斷鴻迴絕塞絨
書雙鯉落秋濤河陽漫道栽花好潘岳于今有
二毛

歲暮憶京華同籍舊游有感 三首

玉河橋畔柳如絲尚憶鳴珂並馬時午夜催詩
分刻燭深春曙酒競彈碁青雲天上憐高鳥白
眼人間耻皺眉試問同朝鴛鴦侶官袍零落有

卷下

二十七

誰知

一行作吏在風塵手板朝朝祇向人偶入朱門
誇驟貴何須白首始如新要津道上無膠漆阿
堵叢中有鬼神傲骨從來倚松石折腰終未稱
吾身

江湖歲暮天多風龍蛇已蟄鴻雁空遠書屢寄
長不達幽夢失路難爲通彈冠結綬浪相許工
竿好瑟將無同庭前掃雪且煮茗疎竹影外月
出東

三月三日

新晴堤柳淨年芳修禊溪邊錦繡香勝日管絃
元上國冶游風俗自吳王江南四姓誰爭長曲
水羣賢幾擅場遙望會稽思往事蘭亭霞氣晚
蒼蒼

同曾澹夫夜集王百谷園亭

柳堤蘭徑翳青蘿步月虛堂得並過客子問奇
還載酒主人長嘯更徵歌吹笙忽下浮丘鶴揮
筆休驚道士驚吏隱今逢白衣宦巖泉幽興較

誰多

錢山人功甫斗室

吳門甲第自連雲斗室蕭然見此君几隱烏皮

無俗客庭垂綠樹有清芬

此君几案皆古製庭畔大樹清芬襲人

荆扉雪滿時餐栢土銍烟疎懶費文屈指江南

高士傳獨憐孤鶴在人羣

花朝集山人錢簡栖宅夜飲王百谷同賦

風裊游絲繫玉瓶花朝卜夜敞雲屏雄譚清奪
吳趨曲列宿光連處士星山簡任來聊寄傲銅

鞦歸去醉宜聽春深修禊期同往往萼紅塵厭
獨醒

秋夕同阮堅之潘景升泛月胥門江上

出郭清尊散夕陰蒹葭鳬雁自蕭森德星正聚
真人氣明月如窺吏隱心對酒雄風舒阮嘯悲
秋良夜稱潘吟仙槎一水堪乘興此際扁舟意
轉深

中秋再泛胥江

良宵歌管動千門得似空江酒一尊月遶鵲枝

低拂席水搖鷗夢遠浮村洞簫瑤瑟非今世鱗

膾蓴絲且對論風物江南殊不惡悠悠作客信

乾坤

秋聲彈劍歌

醉後賦

美人拾得破愁物中山一飲醉千日丈夫氣逐
秋風高何事摧殘骸髒骨搔頭不寐攬吾裳巡
簷中夜星琅琅斗邊紫氣搖古獄腰間老劍啼
干將此劍手之二十年千金燕趙未許前吹毛
雨落惜開匣鉛刀世上何紛然長嘯倚天聊自

寶破山精力豈草草劒今持汝斬樓蘭漠南庭
空刁斗閒燕然野碑久剥落陰山妖血愁斑斕
劒今持斬佞臣頭搖天封豕正焦然一夫九首
拔大木當筵未許說莊周劒今持汝向俠客易
水蕭蕭虹已白秋風客散信陵門夜雨人耕孟
嘗宅徘徊彈劒且高歌延津龍吼揚雄波鬼母
秋郊何處哭猿公竿杪時相過起舞拔擊盤蓮
花星辰夜落亂如麻風胡薛燭皆肉眼傾秦指
晉君休誇古來神物待知已吾欲贈之有張華

夏日過趙凡夫定山別業

八首凡夫與婦偕隱定山十年

不入城市夫婦並能詩足當江左奇士山中自創巖洞幾奪天巧

宦海嗟無岸名山別有春遙從栖隱處再覓姓
龐人野鳥時窺客幽花不笑貧坐隣支遁宅今

古並芳塵

山與支側近

自闢東南境誰誇十九泉四圍山作國一線路
通天龍性難降俗猿心入定禪此君依佛石田無隴
畝種藥本耕烟

元同蔣詡徑浪擬習家池雞犬雲中靜藤蘿戶

外垂磴荒松自掃客到鶴先知隱映香臺上如
聞紫鳳吹

天池當面卓仙茗有雲芽麋鹿隨雙屐圖書足
五車論詩疑白社叩訣秘丹砂借問愚公谷何
如此地嘉

過雨沾山翠淙淙萬玉流重簷飛瀑布五月可
披裘返照銜珠閣殘雷度石樓坐餐霞氣晚如
入赤城遊

不畏莓苔滑松陰晚更晴舉杯酬桂父拂鏡走

山精對牖蓮初吐前峰天與平

蓮花天平兩山皆在望中

愁歸路黑趙壁向人明

清齋忘肉味斷酒見天真美爾伊蒲俎調從舉

案人山中非索價廬下實藏珍次第徵幽事冥

鴻歎此身

自尋襄野駕可息漢陰機躡屐猶虛往逢君已

實歸泉聲如咽別雲氣故隨衣他日投簪綬相

從掩石扉

送吳縣廣文王道錫之馬平令

六首

官冷名逾重同推鄭廣文
範人金在冶作賦氣凌雲
刀試全牛解星占列宿分
脂車須夙駕人吏待神君

馬平非葉縣仙今卽王喬
好抱陽和去無憂瘴癘饒
湘蘭秋可佩桂水晚停橈
坐見雙鳬起相期在紫霄

策馬衝炎塞開衙對瘴沙
無田堪種秫有縣豈栽花
溪洞雖殊俗車書本一家
日高惟臥治蒲掛一鞭斜

丈夫期報國不爲一微官
願學萊蕪醜毋忘首指盤
征徭諸洞急礦稅幾家殘
無限烹鮮意循良在靜安

柳子留遺廟顏垣滿野蒿
此行將雨露亦復繼風騷
墨綬淹叢棘青雲想鳳毛
京華重聚首馬骨美君高

馬平乃柳州屬邑

登高臨象郡匹練望吳門
神氣存雙劍平生重片言
有官空歲月無力正乾坤
慷慨憂時意非君孰與論

吳門秋月 十五首并序

春女思秋士悲古今所同
况吏俗驅人流光速客早
栖六載幾度三秋難飛葉
縣之鳬坐變河陽之髮松
楸隔地霜露驚心每臨水
而送歸輒塞籬而傷遠蛩
吟雁淚遇節則鳴玉筍金
波同時並墮雄心孰寄聊
以託夫大人逸興遄飛耻
自同於斥鴳用是抽毫賦
月神作廣寒之遊握管吟
秋觀化峽中之指律雖止

於十五思已驚夫三千直
寫性情寧論工拙大方請
削當借斧於吳剛前韻如
賡必取梯於周子

楓落吳江夜有霜旅懷何
以對秋光誰將碧海一輪
滿浪擬瓊樓七寶裝奉使
未須論博望遊仙還欲學
裴航曾聞靈藥非難竊今
夜遙傳不死方

秋色平分一鏡開恍疑身
世在瑤臺虛弓倚塞初驚
雁環壁沈池已辨灰漫道
驪龍方睡穩忽

看神女弄珠來夜闌莫負杯中物明日陰晴未
易猜

東海潮生帶月高誰驅雪屋駕銀鰲人間波浪
嗟千頃鏡裏山河祇一毫幽思未忘秋浦夕壯
心遙寄廣陵濤那堪節序逢搖落搔首西風問
大刀

桂殿雲屏風露侵廣寒應有辟寒金怪將靈兔
千年杵散作秋聲萬戶砧團扇歌殘金屋冷玉
簫吹去鳳樓深從來人意同天上碧海青天夜

夜心

溟海銀潢一脉通微茫大地入輪空何須天柱
浮雲外自坐冰壺碧落中夢後不知人化鶴歌
迴猶覺氣成虹遙憐緱嶺吹笙子今在蓬萊第
幾宮

人天遍放白毫光魍魎妖暮靜自藏露泛紫蘭
偏映酒雲遮紅蕖更移床樓頭人倚今宵笛雁
足書封昨夜霜懷土自傷留滯久願隨流影到
吾鄉

白紵聲悲露滿衣尋源誰復問支機霓裳歌舞
無消息蓬海桑滄有是非河轉漂星皆北向風
高驚鵲盡南飛秋來苦憶羅浮侶翹首天邊指
少微

瓊宮高捲紫霞綃冉冉諸仙絳節朝星珮聲搖
雙鳳曲雲車香度六龍鑣銀河似隔天孫語瑤
瑟誰將帝女招更憶乘流過采石騎鯨無處問
歸潮

幾度悲歡歎缺圓鏡臺相對兩嬋娟同衾正喜
百花洲集八卷下 三十五

金風爽搗練空傷玉筍懸歌動昭陽燈似晝漏
殘長信夜如年秋期三五休相誤青鳥多情爲
寄牋

月轉西廊夜漸幽坐深河漢傷人流狂飈偏逐
桓伊笛皓魄先侵庾亮樓光射潛虬號遠浦響
迴殘婦泣孤舟寒深忽念無衣子懶向秋牕理
敝裘

空閨蟋蟀應鳴機淚滿流黃憶授衣暈繞白登
園正合輪圓青海馬初肥徵兵處處防秋急插

羽年年報捷稀寄語盧家新少婦玉關能得幾人歸

簾下吹灰倒入霜謾勞仙術試淮王可憐青女雲鬟濕坐對黃花客鬢蒼詞賦千年誇赤壁琵琶終夕怨潯陽參橫未肯停絃管猶憶前身是謝莊

午夜歌鐘徹曉聞姑蘇絃管歲時新重簾不畏三秋冷一笑能回四座春娃館尚留吳苑月冰輪曾照寧蘿人太湖萬頃金波闊欲駕扁舟再

百花洲集卷下

三十六

問津

坐來疎漏已三更屈指流光百感生五斗微名虛寄跡千秋吾道竟何成升沈總付當空鑑放浪如游不夜城誰識閒心同白月踏歌羞逐衆人行

秋至緘書付鵲鴿猶憐風木冷虛庭關山迢遞多離合岐路艱危任醉醒且把茱萸浮綠蟻更彈蓮鐏倚青萍誰言星月遙相妬此夜還須讓酒星

贈高景逸

大隱吳門吏亦仙丈夫寧受俗人憐玄經有待期知己白壁無因孰至前閱世淡交情似水看君得趣意忘絃漢家元禮誰堪御悵望清光北斗邊

西湖排律三十一韻

時陞任謁謝使使者過此賦

名湖天水闊游客馭雙鳬出郭紛絃管登舟儼畫圖湖山無俗吏文物果仙都樓臺雲外出魚鳥鏡中趨白波披縠練紅蓼湛珊瑚青雀蘭蓀

百花洲集卷下

三十七

楫黃頭錦作襦列羞皆海錯奏曲半吳歎縹緲十洲近微茫三島孤棹歌催擲雉鳥語勸提壺烟景濃疑淡嵐光有乍無西施寧比麗蘇小亦名姝放鶴波逾迥攀梅萼未敷柳堤張帳幕花岸簇瓊蘊芳杜閒堪采輕鷗狎可呼蓮筒初瀉酒尊菜適逢鱸妙舞盤鸚鵡新聲唱鷓鴣菱舟喧妓女翠袖映菰蒲洛浦看留珮陽臺欲解纈情同開合蓋慣宿去來烏晚眺吐山月還如照夜珠琉璃浮萬頃金碧見千區鮫室冰綃燦蜃

樓綵幄殊馮夷來擊鼓龍女出吹竽佳麗風方
盛英雄世與徂金輿嗟暗徙鐵馬想長驅坐對
岳墳泣因悲宋殿蕪山川非異境興廢豈同塗
弔古餘雙淚匡時耻一株笙歌雖撲地豺虎正
交衢澤國動搖易長城俊傑須莫隨游冶子飽
食類侏儒

弔專諸墓仄調排律十二韻

將離任作

椒漿一奠吳門豪感恩捐命如鴻毛荒墳慘慘
依古郭白楊蕭蕭滿黃蒿不知千年碧血化猶

百花洲集

卷下

三十八

聞昔日蒼鷹高地下風雷纏俠骨天邊星斗盤
魚刀游魂夜過朱亥里浩氣秋壯伍胥濤舞陽
死灰笑怯懦要離燔子無勲勞弔君應擊鉛中
筑揮涕合賦湘流騷遼東仙鶴久寂莫江南杜
鵲長叫號黃金結客覓死士赤膽若輩真吾曹
吳下少年無意氣閭門竟日空遊遨肥肉大酒
浪相集探丸喋血紛先逃可勒哀些表杯土豐
碑百尺爲君褒

聚星行

并序

余將離茂苑赴司馬含香署諸詞人不

忘舊好各惠贈言誼重黃金情逾縞帶

一天雨別此時傷南浦之覓百里星聯

他日望吳門之練不有杯酒何申雅懷

爰張錦瑟華鐙廣置青州白墮飲趨曲

罷刻燭催詩朱碧眼迷揮觥引罰洗盡

六年俗吏露出舊態狂奴難酬歌驪折

柳之章敢抒學步效顰之句永堅後約

莫負前盟詞人者誰王百谷二錢功甫

百花洲集

卷下

三十九

簡栖及曹茂如也

主人已解青銅章召客邀歡夜未央文星炯炯

當空長清談輝映玉琅琅詞人者誰錢與王曹

生角敵能擅場橫飛彩筆森開張雅歌方羅雜

伎將俳優小隊列成行妙舞法曲櫟塵揚冷冷

天籟中清商何必蛾眉出洞房有酒如蠅琥珀

光更看鴨綠類鶯黃葦絲鱸膾佐飛觴百壺萬

斛誰禁當鯨吞靈壁樂且康况茲携手限河梁

酒徒遙憶舊高陽離懷應以醉爲鄉嗟余作今

六載忙攢眉折腰貴人笏誰云單父不下堂戴
星空自慚踉蹌今夕何夕華燈煌一洗塵夢付
黃梁仰面長歌問彼蒼肯容豪客發清狂便當
散髮游扶桑上朝三十六玉皇下笑金母鬢如
霜誰能局趣待含香更籌邊障事戎羌古來佳
兵戒不祥荒服不至歸白狼萬年王道本金湯
玉門長闢甲士藏欲進此策排天閭聖人垂
拱壽無疆徐徵墨客侍御床來儀威鳳鳴高岡
勸君聊暫依東牆會見鵲書出上方

百花洲集

卷下

四十一

百花洲集卷下

後序

吾師鄧先生為長洲時間與二三子談
文也曰咀之不厭必古人更在寂古者
笑近代豪即高自標詡其書卻車而載
乎請奏之十章我恐欠伸且卧矣其為
不朽指要如此而絕不及議聲詩客以
詩進唯稱善而已或以先生方事壯

後序

縣夙夜鞅掌刺心耳何暇詩也母又謂
詩為吏道所諱我終日嘯歌而案有未
集之事庭有不速之客非令法笑蓋先
生為長洲六年神明治狀遂為三百年
一人而獨不能名先生詩者即元素所
得諷先生詩僅是題先貞烈卷與白蘓
州石一兩章而已先生既被徵去迺

忽緘寄二三子百花洲集二卷則皆所謂六年長洲令詩曰屬小子為拔而梓之以示不忘長洲云則先生固不諱言詩哉願為壯縣日執掌剗心矣抑何多暇乃爾猶憶乙巳之端陽日二三子祖送先生於毘陵舟中酒半共勞苦先生先生曰為長洲不難直不令人眠食耳

後序

即不穀六年戴星惟就肩輿一假寐為鷄息而又苦道路凹凸輒驚悟又恨石巖織里皋伯通橋太高相與大笑而別顧何從得吟咏種：如是山川草木歲時風土人物聞見竄不受其品題而樂府古選五七言歌行近體善美畢備洋洋乎籠蓋作者佶侏千秋倚與已富矣

已化矣吾不知先生何以得此暇業此也豈所稱有道者之心如鏡受物不疲於屢照不礙其虛體削牘聽獄無異於鳴琴捉麈哉即平古評今詩襟橫溢亦不煩刻畫組繪以為工者耶則先生不祇詩亦夫管公明之不言易也聞之先生未第時結一室山中屏去筆研淨几

後序

然名香閉目匡坐以探密義以是其所得精微光明發為文章如飲沆瀣非人間味今讀其詩亦冷：然空林仙籟不與竹肉俱鳴也先生自被徵客居長安三年始有南垣之選近遺元素書曰昔苦喧今苦寂夫喧不廢詩而況寂哉燕中稿計必吐光恠行李中又謂官陪京

簡淡可稱仙吏神已遊於栖霞燕子之
間則所謂平古評今六代往而千秋來
又何但如吳宮花草而已雖然先生方
以獻納赤忠上報

天子請不擇隹辰又寧暇哉又寧暇哉
萬曆丁未嘉平月十有二日

門人陳元素撰并書

後序

四

百花洲集二卷

江蘇巡撫
採進本

明鄧雲霄撰雲霄字元度東莞人萬曆戊戌進士
官至廣西布政司參政是集乃其官長洲時所作
故以百花洲爲名其詩近體居十之八九

解弢集一卷

〔明〕鄧雲霄撰

北京圖書館藏明刻本

附《四庫全書總目·解弢集一
卷》提要

解弢集目錄

初發舟二首

別惠山

金焦

儀真阻風

燕子磯

有所思

睡

舟中無事戲擬古樂府雜體遺意

相逢行

結襪子

緩歌行

隴頭吟

戰城南

舞衣曲

解弢集

目錄

一

白紵詞

宛轉詞

蜀國絃

霹靂引

邯鄲少年行

芳樹二首

城傍曲

烏栖曲

後烏栖曲

襄陽曲二首

避暑銅陵留滯二旬暇同黎明府登天王

寺乘涼二首

銅陵執熱書懷十首

久旱戲柬黎明府

山城

暑朝

同黎明府南樓玩月

又同黎明府遊銅官山 二首

別黎明府却寄 皖城逢立秋

秋夜鳴榔歌

過望江贈袁伯益 二首

出伏

馬當

小姑 二首

湖口逢故人之蜀 舟中

潯陽江間笛

望匡廬戲作五老歌

解張集

目錄

鄱湖七夕

南昌卽事

續夢

江上行三十首

宮詞 四首

豫章寄楚中故人

十八灘

灘上人家

贛江

度梅關

梅關道上古松歌

英州道中

倦客

展二親墓

同舊社中諸子集揖仙

樓有感疇昔

掃舊日山房

秋日過尹昆壁小瀛洲同周昆彥譚永明

林坦之垂之兄弟膾酌得鄉字

秋夜同林坦之垂之元聲元韜兄弟周昆

彥譚永明曾資銘茅溪泛舟對月賦

辭先墓

春夜與社中諸君鳳臺

言別因留贈

別家

金鰲洲觀燈歌

早發庾嶺

通達驛

登匡廬排律二十韻

東林寺 二首

琵琶亭歌

解張集

目錄

早雨杏花

旅夜書懷

觀行取疏目有感

王莊驛寄長洲父老 二首

宿州清明 三首

清明日又憶吳門勝事

孟嘗君養士處

孟廟

渡易水歌

解張集目錄終

解發集

嶺南鄧雲霄玄度甫著

此集自乙巳之夏解茂苑之銅章遷縉雲之
粉署便道歸省秋入里門丙午上元脂車燕
路家園景物途中山水來往毫端觸事成篇
得若干首名曰解發如池魚籠鳥稍得水木
之適耳

初發舟二首

祖帳羣賢並三杯起棹謳六年淹茂苑他日憶

解發集

一

并州童稚應相候田園已夢遊不知猿鶴意肯
與隔年留

暫奉潘與樂寧違漢署香行舟狎漁父濯足愛
滄浪舊事吳門遠歸心粵嶠長獨憐衙宇寂東
壁冷胡牀

別惠山

天池真若友新茗試春泉山客和雲汲衙齋帶
月煎松風虛颺爾宦况與冷然此別重回首清
聲入夢邊

金焦

金焦鬱相望佳氣曉森森水開天鏡魚龍識
梵音垂綸任氏意鼓楫謝公心悟得忘機理鷗
盟尚可尋

儀真阻風

客行貪利涉旅泊阻風潮月苦更含暈星稀祇
亂搖郵籤江路杳鄉思海天遙不及南飛鵲迎
風爾自驕

燕子磯

讀秦書用顧石幾
覆定後欣酌醉賦

解發集

二

布帆破浪疾如矢逆一無渦旋且止燕子磯頭
石林立水勢建瓴走千崖石齒齒斜街舟老
鼇舂呷舵師愁百篙挺折不得力一纜豈合牽
奔流風號濤怒如交戰層崖觀者皆色變危檣
欹側不可支同舟衆命懸輕線誰將鈇索置崖
間挽索齊呼濟險艱錯探驪龍離虎口愁胡冷
面開春顏人言灩澦大如幙五月瞿塘不可觸
燕磯之險勝瞿塘靜想可爲三日哭垂堂遺訓
慎風波世路風波今更多吳門回首渾如夢且

向清尊一醉歌

有所思

浮雲西北馳逝水東南去有客正傷離佳人在
何處烟消江練濶湛湛青楓樹日暮眇愁予疎
鐘度微雨

睡

石枕繩牀午夢閑簿書迎送不相關簾紋淨滑
搖湘水鑪氣氤氳起博山六載勞薪翻自晒百
年倦鳥亦知還夷猶孤棹便疎懶豈合追隨玉

解張集

三

筍班

舟中無事戲擬古樂府雜體遺意

相逢行

客從東北來皮裘類燕朔紫髯環碧眼英風何
磊落笑出吳鉤光照人更懷匕首欲投秦相逢
下馬飲君酒晚贈平生一片心

結襪子

寒江一清深見底壯士肝腸照秋水隱隱風雷
起鉄鎚蕭蕭殺氣橫千里感德輕將身命酬抱

關屠者更何求一言不合輒投袂說甚千金不
掉頭

緩歌行

長繩繫日日漸移大藥不就朱顏非問君何事
常橫眉丈夫墮地當雄飛烏鳶嚇鼠浪自喜衆
鳥美之鳳皇恥蓬山元是巨鰲簪我欲從之東
海深六載坭塗衣可浣秋園松菊尚知心

隴頭吟

磨刀鳴咽水肝腸如中刀回頭語徒侶脉脉不

解張集

四

得語雙眼迸淚同泉流風悲鬼嘯聲啾啾遙望
秦川烟霧裡悔拚戰骨覓封侯

戰城南

城南荒地今耕破遺鏃半鏹骨交臥借問何年
此潰兵野老無聲淚潛墮怨氣淒淒結黑雲城
頭吹角不堪聞城南寥落無人跡猶聽城中新
募軍

舞衣曲

游絲百丈裊春天新機漠漠看如烟織成霞錦

天孫妬剪破雲衣玉女憐纖飛蝶粉輕蟬翼柳
腰試着嬌無力出房垂手初入拍洛水湘波隔
羅襪迴節身隨急管聲半空搖曳游龍驚飄風
飛雪渾無態燕懶鶯慵巨奈情佳人者誰石城
女慣向上賓呈楚舞舉袖春生鵲鴿姿斂眸汗
濕陽臺雨絕纓豪客散蘭堂金鑱沉沉夜漏長
可嘆傾城猶逐隊不隨秦帝捲衣裳

白紵詞

交州剪刀裁匹練掌上飛來如白燕苔色秋深

解張集

五

長信宮歌聲夜繞昭陽殿珠錯華燈列萬星玉
牀半醉倚娉婷舞迴似恨秋衿薄侍寢瓊房曉
未醒銅龍咽咽天河水牛女佳期歲如此席敝
錦銷勿輕棄

宛轉詞

獨獨漉漉漉聲札札憂憂機杼鳴咄咄惻惻
離人情慘慘淡淡天難明

蜀國絃

蜀道鳥難飛蜀中人未歸壚頭花似女江水綿

爲衣瀟瀟急雨來巫峽苦竹秋聲怨行客幾回
夢裡聽後啼不覺朝來頭盡白

霹靂引

愁人苦病暍炎嶠只聞雷渴想陰宮餐積雪狂
思散髮臨高臺南來有客抱琴至冷冷色挾清
商氣調軫林生少女風扣絃指下奔豐隆鏗鎔
砵駘聲震野疾可破山緩墮瓦四座橫飛赤電
光堂坳潦漲恨無梁火龍抑首下西陸風雨瀟
瀟一榻涼罷琴雲氣猶纏指壯士聞之按劍起

解張集

六

直當叱咤馳千里翻身暍病霍然已

邯鄲少年行

邯鄲才人善歌舞門前車馬紛如雨城南年少
游俠兒贈錦纏頭不知數坐來意氣自豪雄劍
文秋水湛芙蓉珊瑚不避鉄如意驤裏半啣金
盤龍酒酣拔劍起相視報讐結客城南市殺人
十步不留行居間椒房偏赦死五侯七貴競繁
華俠骨猶憐貌似花歸去香風吹滿路路傍擲
菓尚盈車

芳樹 二首

憶妾初歸日芳樹齊蛾眉如何三兩歲已長拂
簷枝春風初入洛陽道芳樹含花笑春早夫婿
朝回千騎喧玳筵召客滿西園紅衫半拭朱絃
柱青菜新傳白玉盆翩翩蜂蝶閑來往投轄呼
盧恣歡賞共道筵前日未斜誰知樹底已飛花
花飛亂落清池裏明鏡容華宛相似寄言夫婿
晚留春轉眼風光不待人

春樹沐輕烟芳菲倚瓊閣朝日照新彩轉覺花
解發集 七

妍灼美人謹護持攀條入珠箔牆陰有怨草悵
恨春風薄願迴旭日光一爲到葵藿

城傍曲

邊城健兒好身手金鈴掣馬如雷吼平原獵去
疾於飛快犬豪鷹皆向後鼻尖出火耳生風狐
兔么麼不入弓却月迴身翻射漢旄頭夜落塞
垣空

烏栖曲

何事城頭樹慣栖來去烏倡樓二八女邀客獨

當爐烏啼漸緩歌聲悄錦帳春融不知曉香風
搖曳繡羅衣笑殺隣姑夜上機

後烏栖曲

烏啞啞知返哺子從軍母爲虜空房糠粃久饑
妻獨對城烏夜夜啼啼殘玉筯雙流血飛鳥驚
去城崩裂

襄陽曲 二首

春蚕眠春蝶舉紫燕飛來黃鸝語春深堤上多
游女過曲橋逐前侶踏青拾翠知何許大堤之
解發集 八

水錦爲波倒映新粧寫翠娥欲解明璫前致贈
盈盈羅襪眇星河

襄陽兒齊拍手打鴛鴦呼鷹狗看看欲前翻向
後眼底迷離不爲花心中長醉非關酒自遇臨
風漢掌輕歸來厭却齊宮醜

避暑銅陵留滯二旬暇同黎明府登天王

寺乘涼 三首

天王臺殿俯城隅江色平開島嶼孤金界涼生
離火宅玉山頽處浸冰壺諸天轉覺成空相三

伏誰能定有無最愛琴聲清且好南薰吹去萬
家蘇

美人爲政自忘機舌底千重盡翠微漉酒暫同
陶令醉飛鳬終傍子喬歸參禪已破三生妄歎
世空傷萬事非笑指大江波浩浩浮名爭似釣
魚磯

臥病銅官客未還風林晞髮對江灣深杯始信
千愁失數局能消半日閑欲禮空王爲弟子更
携長策徧名山他年解綬誰同往瀟酒如君可
解張集

共攀

銅陵執熱書懷

十首時
苦旱

悲秋誰作賦病客反思秋赤日高如許金風不
可求聞雷空望霈過雨黯然收時着芒鞋去臨
江倚竹樓

火雲連赤坂永日苦如年轉恐金成溢翻憂海
變田商羊何處舞陰石更須鞭願得仙公術端
居在冷泉

峨眉多積雪冬夏不曾消野鼠甘寒冷長松蔭

次寥科頭思絕嘯赤脚望層霄縮地安能到因
期白鶴招

回思童穉歲轉憶舞雩涼散髮夏終日持竿水
一方長爲冠帶束輒苦應酬忙內熱非關暑無
何有是鄉

縱有水統扇難消大塊鱸玄霜何日致肺病幾
時蘇河朔須豪飲肥蠅立可屠銅陵多洞穴恠
不類宜都

吳牛猶喘月陰鳥未呼風直苦炎難度虛疑日
解張集

再中冷然期列子揮手問鴻濛更有清涼宇徒
思滄海東

吾家有叢竹下映碧潭幽過夏疑無午合風早
覺秋茶瓜時可御童冠日同游一別紅塵遠星
霜已八周

銅陵雖執熱猶勝在吳門已脫簿書累而無車
馬煩下簾成小隱對客祇清言悟得逍遙理涼
風滿北軒

忽憶彈清角呼兒理素琴絃長知調古夜靜覺

堂深山水千秋意
驚皇此夜心客愁連玉軫
早已變南音

新茶烹顧渚寒簾展湘波睡破一牀月清消午夜
魔暑深秋氣近簾靜砌蛩多節序催鄉思臨風發浩歌

久旱戲東黎明府

雲擁奇峰暑未殘
江焦石爛幾時安
望中雷雨過
傍邑仙令元來是灌壇

山城

解張集

十一

返照落平蕪
山城晚眺孤嵐光藏霧
豹江影舞檣烏遠嶼濤聲壯
層臺暑氣無松楸歸思急
不為尊鱸

暑朝

琴書靜掃一虛堂
短榻臨階月浸牀
恹底朝來肌骨冷
微風昨夜入清商

同黎明府南樓玩月

立秋前數日

雲物迎秋暑力微
大江高閣對清暉
光翻貝闕龍初醒
輪度銀河鵲欲飛

時將七夕漁浦寥寥聞遠

笛村砧片片急寒衣誰憐王粲傷留滯作賦荆關尚未歸

又同黎明府遊銅官山

二首

美人如玉樹作令得銅官望氣千峰紫清談六月寒訟庭多暇日幽境洽餘懽歸路澄湖晚仙城隔水看

山水元同調烟霞引興長
杯從蓮社合人似竹林狂
醉倚山公馬衣分荀令香
獨憐離思促葭莢欲蒼蒼

駐紮避暑於秋涼即別

解張集

十二

別黎明府却寄

棋局壺觴日往還
憐君臥治別來閒
寄聲江上天王嶺
何異城頭姑射山

皖城逢立秋

鄉程迢遞杳難期
又見江亭一葉飛
日月不饒孤客鬢
烟霞長護釣魚磯
杜蘅遠望愁堪結
鴻鴈南還喜並歸
欲挽銀河洗殘暑
夜來涼露濕征衣

秋夜鳴榔歌

時泊皖城守風

天上白榆歷歷光夜深倒種江中央騷人散髮
歌滄浪鳴榔一嘯雄風長河轉漂星低可摘尋
源忽憶乘槎客揮手高攀織女機不須更問君
平宅丹楓紅蓼怨秋容秋思人間幾萬重借問
橫江徒夢鶴何如天上跨茅龍茅龍縹緲入空
飛雲水高寒冷客衣自有明霞裁玉女更將江
練剪湘妃仙家不羨人間樂素心一片秋寥廓
厭聽江州商婦絃還羞河畔看靈鵲已知去住
本隨緣一任秋江淹旅泊

解發集

十三

過望江贈表伯益

二首

爲憶陳蕃榻能迴叔夜車交情千里外往事十
年餘暫聚驚分手憑誰慰索居秋江新鴈過莫
惜數行書

相逢成一笑惜別轉淒然客鬢西風裡離亭落
木邊班荆同此日結社更何年仕路迷津久相
期早着鞭

出伏

江行逢出伏楓葉早知秋霞帶新鴻去帆拖片

兩收浮生空復爾大藥竟難求莫道金風爽蕭
蕭起旅愁

馬當

共訝馬當險行來自覺平風波不起處鶴鶴兩
和鳴柁背吳天杳帆衝楚塞晴遙聽崖葉墮淞
淞助秋聲

小姑二首

過雨延新爽秋江正耐看小姑初沐罷一鏡曉
粧殘霞靄搖空翠雲衣怯早寒凌波朝復暮獨

解發集

十四

立爾應難

化石照江心空山若有人簾櫳收宿雨羅襪不
生塵青鳥頻通信蓬山幾問津寄言作賦客休
擬楚臺神

湖口逢故人之蜀

舟中酌贈

江湖落魄竟何如昔別十年無尺書蒼龍袖裡
涇古色碧草嶺外怨離居停舟把臂回白眼乘
燭酌酒贈神魚明朝解纜各南北看月峨眉一
望予

潯陽江聞笛

白樂天作琵琶行即此地

西風瑟瑟吹寒莎野笛如啼又似歌
砍竹定遇武昌老劉禹錫有武昌老人說笛歌
牧淚尚咽湘江娥魚龍欲睡移深浦
鴻鴈驚飛掠遠波試問當年白司馬
琵琶幽怨較誰多

望匡廬戲作五老歌

天邊五老匡廬友冥冥呼吸通南斗
掀髯箕星忽簸揚長風吹落彭湖傍
湖上落星石羣仙訴帝帝不怒猶遣白龍驅瀑布飛流一洗南箕羞

解發集

十五

更與老人清杖屨錦屏之下置香爐
儼若仙家祝壽圖爲問泰山丈人石
近時書信有耶無

鄱湖七夕

效李長吉體

箕星好風喧上都帝訶一夕謫鄱湖
謫來驕蹇猶狂粗橫鞭屏翳驅天吳
浪頭高蹴銀河水鳥鵲成橋忽傾圯
織女粧殘愁不理支機有石自難支
巧旣莫施將乞誰脉脉洪波徒爾爲
西方月娥窺冷笑玉蟾香桂森相照
風波不到瓊房悄

南昌卽事

江湖襟帶洪都郡食鼎鳴鐘幾萬家
彭蠡濤聲搖鉄柱匡廬晴色映龍沙
雲霞樓閣今猶壯賓主東南昔共誇
遙望豐城知不遠更携雄劍問張華

續夢

憶暑夜泊牛渚夢得句云澄江空對月詠史更夜坐乃足之亦因對月興復不淺

旅榜依牛渚清風滿葛巾澄江空對月詠史更何人
醉酒吟狂客燃犀辟水神名高前後事同

解發集

十六

是夢中身

江上行三十首

自京口至豫章觸景而得不覺盈帙

斷虹呼颶母津吏笑相迎且慎風濤險維舟緩去程

挂帆鳴越榜擊汰奏吳歌休訝江行險人間孰

不波

寒潮銷鐵鎖浪打石頭城莫問隋堤柳徒傷遠客情

江白卽如練江青好染衣不須施粉黛隔浦見

湘妃

夜靜客帆稀
漁舟尚未歸
問君何泛泛
浮宅本無依

羅袖倚青荷
新粧映碧波
聲從香裡度
知是採蓮歌

最愛麴無毒
偏憐蟹有螯
舟中無所事
痛飲讀離騷

孤棹迎風退
羈人何日歸
船頭雖畫鷁
猶作宋都飛

解發集

十七

萬樹帶鳴蟬
秋思滿暮天
東流無盡日
不與駐

華年

停橈惜餘景
晚泊烟波靜
頗恠行汲者
動搖山水影

一帶江村好
柴門水竹居
主人招海鳥
僮僕厭溪魚

江上聞長笛
能吹出塞聲
衰楊秋折盡
孤客若爲情

月落西風急
秋螢點點流
却疑江上女
半夜弄

珠遊

聲破雙蓮子
冰肌抱苦心
寧芳何限意
腸斷爲知音

舟楫幾時閑
乘潮日往還
欲知潮盡處
咫尺是蓬山

連日江雲暗
今朝眼倍明
酒徒非愛酒
倩作斬愁兵

宿漿依村落
頗聞農者言
秋簷雞黍熟
真樂在田園

解發集

十八

江上逢漁父
今時幾逐臣
遙傳一掬淚
爲我弔

靈均

隔船絃索響
人說到江州
司馬當年淚
猶分九派流

彭蠡雨霏霏
匡廬隱翠微
不知瀑布落
錯認白龍飛

片雨過孤村
晚溪晴洗馬
復有如花人
浣紗明月下

浦溆人家少
柴門白屋貧
年來增礦稅
多作異

鄉人

野村無犬吠夜哭繞秋雲處處誅求盡哀聲不可聞

秋裳堪製芰午醉亦鋪糟孰識乾坤意狂來半反騷

鴈響應蛩吟蕭蕭落葉暮誰知天籟鳴盡是秋聲賦

縹緲順風舟玲瓏倚岸樓思歸與望遠兩意各

悠悠

解張集

十九

泊灘樵且爨晚興倚芳洲秋色行看老蘆花已

白頭

夕陽生晚愁杜蘅秋浦濶欲采寄遠人可望不

可掇

冉冉江上楓丹青向來變不信有炎涼請看秋

後扇

社近燕懷歸呢喃逐隊飛能無憐舊壘故國在

烏衣

宮詞四首效義山體

禹甸堯封樂太平芳年淑氣滿神京璇霄日映龍文合寶幄蘭銷瑞霧清上苑預催游獵宴西場初歇打毬聲夜來誰得君王寵舞馬妖難盡賜名

萬國時康賜犬醺六宮仙酒引醍醐華清浴後搖紅玉香徑人歸步錦鋪南內歌聲傳曉漏東方日影散啼鳥猶聞別院留王母絳雪玄霜近到無

元夕鰲山爛熳遊盛金奇服異宸旒廣寒移下

解張集

二十

隨龍仗玉女飛來集鳳樓星錯華燈迷陸海風吹仙曲滿皇州綵雲更指維揚路傳詔文成已拜侯

玉螭金鰲別有春上元遙泛碧桃津霞遮龍舸翻成幄香度瓊樓散作塵紈扇暗題班氏女絳綰空憶李夫人粧殘更學侯門巧墮馬啼眉事新

豫章寄楚中故人

湘水浮雲望轉迷離情一片楚天低衡陽已恨

無來鴈況在衡陽又更西

十八灘

危灘十八名浮客轉多驚水性豈知險人心自
不平垂堂須止足洗耳喜同清更憶呂梁叟長
歌散髮行

灘上人家

鳥道雲生石人家水繞門灘涼時亂聽雞犬不
聞喧沙鷗窺漁網山魃嘯獵原畏途逢九折歸
思逐波翻

解囊集

三十一

下九十三

賴江

章貢分危瀨孤城控合流野橋穿虎穴雲碓落
龍湫地熱清砧少田肥晚稻稠山川連楚粵幕
府借持籌

度梅關

擾擾嗟行役風塵老客顏車從叱馭度人是棄
繻還鳥道千岩合羊腸一徑攀粵天南望盡雲
際認鄉關

梅關道上古松歌

梅關夾道多古松老龍鱗鬣爭摩空恠鳥時呼

幽壑風濤聲萬派山洶洶客行八月方病渴蕭

瑟對此如寒冬蒼顏可入韋嵬畫行者息肩騎

者下亭午颼颼竿籜清太陰黠黠雲雷掛日輪

月馭迴高枝木魑山精避深夜君不見泰山頂

徂徠巔棟櫟剝落大夫老至今芳馨流青編何

如嶺外衝南斗粵天浩蕩開元後傳聞植自曲

江手相傳松乃唐丞相張九齡所植嶙峋氣節俱不朽神明呵

護當再拜仰止高山幾回首松上懸絲下有苓

解囊集

三十二

花香葉苦通仙靈誰能築室依岩扃花可釀今

苓可烹科頭箕踞烟霞裏下看度嶺人如蟻往

來名利空老死接簪服食果宿諾我欲從之赤

松子

英州道中

丹崖錦石映行舟水碧沙明散旅愁幾處刈禾
依夕浦誰家吹笛倚江樓川迴日暖猶含暑山
晚嵐昏始覺秋久客歸心催落葉楊歌乘月下
中流

倦客

奚囊無異物孤劍倚空鐔已厭宦途惡方知野
興甘入門童稚喜開徑蝶蜂酣莫問王程急山
中且結菴

展二親墓

酹酒荒阡草色殷愁雲苦霧結哀顏痛將滿梅
風前淚灑向他年夢裡山霜露漸看秋又老松
杉寧有鶴飛還栖鳥昨夜號寒月不覺朝來鬢
已斑

解裝集

二十三

同舊社中諸子集揖仙樓有感疇昔

六載微官歎陸沉開導真見故人心歸來尚有
陶潛菊燕喜慚無陸賈金夜雨短檠傷往事虛
堂塵榻對沾襟存亡更切山陽感隣笛休教助
苦吟

掃舊日山房

寂寂幽齋半草萊北山適客正歸來江頭漁父
休相笑海上鷗羣莫浪猜荒徑松篁宜晚對故
人雞黍得重陪含香襍被渾閑事五柳惟知濁

酒杯

秋日過尹昆璧小瀛洲同周昆彦譚永明
林坦之垂之兄弟贈酌得鄉字

暑殘河朔尚飛觴暇日招携樂未央望去仙居
環弱水坐來人意滿滄浪絲垂芳餌紅鱗出庖
奏鑿刀白雪揚共道秋江鱸正美季鷹今已暫
還鄉

秋夜同林坦之垂之元聲元韜兄弟周昆
彦譚永明曾資銘茅溪泛舟對月賦

解裝集

二十四

月色江光稱賞心水天上下動豪吟飛飛鳥鵲
南來急黯黯星辰北望深狂客殘尊堪共臥羽
衣中夜莫相尋蕪葭他日仙舟隔霜露何妨入
爽襟

醉先墓

以下俱
北土詩

草綠平原狐兔驕墓門松柏冷蕭蕭榮親不及
三牲養去國空嗟萬里遙往日舉魚心更苦他
年寒食淚先飄從今歸夢知多少夜夜關山度
海潮

春夜與社中諸君鳳臺言別因留贈

把酒高臺歎羽翰側身天地共憑欄到門誰敢
題凡鳥諸子何爲尚鵬冠楚客狂來歌轉逸王
簫吹去月偏寒因集鳳臺故中聯多用鳳事天涯聚散憐今
夕莫恠千金一刻看

別家

五言古

忽忽意不樂客行春尚寒僕夫已在門慈母猶
授餐長跪緘縫衣問我何時還前途多風水青
衫得無單拭淚向母言此行非苦艱丈夫既乘

解張集

二十五

傳寧作敝貂看不須母煩憂但願母常安宦薄
雖食貧菽水聊足歡回頭顧妻孥人生聚合難
明知離別悲莫破名利關他鄉久索居何以慰
我顏有便常寄書念我雙鬟殘竭力奉高堂弄
雛以自寬征人視芳草客夢仍故山恐傷骨肉
意蓄淚不敢彈登車路悠悠悽惻摧心肝

金鰲洲觀燈歌

上元前二夕闔邑孝廉邀邑侯李父母觀金鰲洲新築塔基銀燈火樹繁如星錯遊人河下

萬艘鱗集余是夕預飲大醉宴罷即解纜北征破愁狂藥大爲遊子壯行色因歌以紀其勝云

君不見金鰲海上泛神洲縹緲蓬壺相對浮佳

氣三天來皓鶴人家兩岸映紅樓東官圓沙古

有兆舊有圓沙出狀元之識故建塔於此以應之已見鰲頭標石嶠

寶塔能將瑞靄籠桃津定占春江曉誰持玉尺

及青鳥幻出金莖在畫圖集事羣工來若子九

仞巍峩此經始成梁不籍祖龍鞭莫碌實環功

德水萬戶烟花近上元溶溶新浪起雷門六鰲

忽駕三山至總向洲前勸綠樽銀燈火樹春宵

合蛭脂豹髓紛照灼玳瑁筵中醉使君同遊才

解張集

二十六

子氣如雲登龍共是仙舟客更和青蓮五色文
萬艘千舸相鱗次妙曲名謳歡動地醉來休問
夜何其但覺釣天異人世斗轉參移玉漏稀火
城遙送使君歸留連諸子猶浮白立望征帆彩
鷁飛曲江紅杏入袍新鰲禁猶懸隔歲春時隔未
春一握蘭傲吏沾千石遲爾看花第一人

早發庚嶺

烟籠星月遙微明曉發愁衝宿瘴行人跡暗驚
連虎跡雞聲遙聽帶樵聲利名未了殘更夢南

北空傷倦客情休向關門嗟險絕行藏吾已任
浮生

通遠驛去柴桑近此處多虎

驛路烟嵐虎豹隣微官真愧遠遊身誰憐三萬
六千日半作東西南北人芳草故隨行客馬啼
鶯猶似故園春門前五柳堪招隱回首柴桑獨
愴神

登匡廬排律二十韻北山從陸道經廬山麓孤節暫遊竟愜素志惜乏謝眺驚人語有負山靈耳

解發集

二十七

半劃青天上平臨朱鳥旁雄吞彭蠡濶勢壓楚
雲長九江紛繚繞五嶽互低昂帝座通呼吸神
功接混茫星辰分翼軫宮觀自隋唐天池春浸
月瀑布晝飛霜靈草三花秀雲屏九疊張名山
天地在隱士姓名揚此山以匡續居之得名披畫昔神往
扶筇今興狂登臨窮絕頂顧盼盡遐荒遙斟五
老峯累舉千瓊觴回頭近北斗抗手揖東皇杏
林思董奉丹竈憶旌陽仙馭日來遊香爐氣飄
颺吹笙黃鶴下倚劍赤龍翔小憇遠公社因尋

李白堂白蓮全草沒彩筆半苔藏感歎千年事
行迴九折腸浮生如梯米幻界總滄桑願向山
靈道相傳不死方

東林寺二首

策馬尋精舍東林非舊師池空蓮社散塔壞墓
門疑僧云塔底乃遠公墓地憶攢眉處橋憐笑度時遠公
猶幻跡人世總堪悲

教行三天竺門當五老峯人烟行處僻幽意坐
來重籬落聞猿掛溪沙閱虎踪唯餘池畔水一

解發集

二十八

爲洗塵容

琵琶亭歌

九江之下通楊子九江上接瀟湘水湛湛青楓
江上愁春心極目傷千里湘北朝霏巫峽雲湘
南秋色洞庭分白蘋暗結三閭骨班竹輕搖帝
女裙湘波迢遞長沙渺逐客千年幾相弔漫道
懷王惡直臣寧知漢主輕年少騷人遺淚落潯
陽司馬琵琶更斷腸哀音似倩江流咽彩筆長
懸日月光有客扁舟楚小泊琵琶亭下重相思

荻花楓葉長如舊紅袖朱顏又一時渡江北望
長安路逐客江南近無數零落天涯杳不聞摧
殘何異商人婦古往今來共寂寥感時懷古旅
魂銷便欲吹笙騎皓鶴匡廬五老坐相招

早雨杏花

萬縷千條羃麗華非烟非霧帶朝霞粧成乍傳
何郎粉墻角如窺宋玉家旭口溟濛迷鏡匣香
寬縹緲隔牕紗那堪惱亂春心處語燕啼鵲又
噪鴉

解裝集

二十九

旅夜書懷

馬首東風弱柳垂關山迢迢杳難期誰知遊子
中宵飯正是閨人掩淚時紅荳不須携滿袖江
南何處寄相思巡簷夜步空庭月宿鳥雙栖自
一枝

觀行取疏目有感

天涯多逐客關北又榆材共待螭頭筆誰甘溺
後灰賜環他日事折檻幾人來佇望新頒詔
陽和徧九垓

王莊驛寄長洲父老

以舊吏謝之玄爲驛宰故寄之二首

清夢頻年到水區近時圩岸尚存無幾家茅屋
荒村靜一水橫塘片月孤誰念逃亡新復業遙
聞恩詔已蠲租寄言父老勤修築莫遣春深
長綠蕪

六載吳門歲月長別來今又易星霜亂餘機行
寧堪稅旱後田疇莫更荒千里湖山勞夢寐百
年耆舊問存亡誰云宦跡同傳舍回首并州是
故鄉

解裝集

三十

宿州清明三首

憶昔少年日芳辰恣浪游呼鷹橫北郭走馬出
長楸七貴輕調笑千金不掉頭誰憐念載後郎
署尚淹留

墓田猶宿草墟里已新烟野哭人如此傷春客

泫然離魂交舞蝶灑血染啼鵲後嶺平山路

墓在二山微茫落遠天

芳草連天客轉迷清明風日自晴暉攀桃簪柳
有何意越鳥燕鴻各異飛過眼物華看改火感

時兒女倍沾衣勞勞薄宦非吾事一歎浮生欲
息機

清明日又憶吳門勝事

吳會春光屬虎丘傾都此日競春遊鶯花世界
吳王苑簫鼓簾櫳范蠡舟歌沸劔池催送酒幕
張鶴澗笑藏鈎別來勝事堪腸斷茅屋荒烟度
宿州

孟嘗君養士處

不知天下士浪說客三千堂中食客已散盡荒

解發集

三十二

村雞犬猶依然可憐意氣今誰見可惜豪華若
飛電曲沼高臺翳短蒿遺碑斷碣封殘蘚雄風
不及朱亥椎俠氣終輪臂連箭當年三窟意何
深豈料墳崩狐兔侵一曲雍門空洒淚千秋泉
戶罷鳴琴我行訪古長歎息西照東流浩無極
于今竟少市義人休言養士不得力

孟廟

瞻拜三遷地松杉古殿陰大剛千古氣仁義七
篇心王霸分自昔見聞傳至今官牆勤仰止翹

首泰山岑

渡易水歌

飲馬臨易水清波照客心平生仗俠骨誼重輕
千金匣中劍動蒼龍氣化作白虹光燭地萬古
荆軻不死魂拍手哀歌招復起昔日燕圖在掌
中寧知草澤無英雄逢人爭博多目攝風色蕭
蕭心欲折擊筑時從市上遊勸君須向酒徒求

解發集

三十三

解嚴集一卷

兩淮鹽政
採進本

明鄧雲霄撰雲霄作冷邸小言論詩以妙悟爲宗以自然爲用故茲集所載多仿王孟之音而醞釀深厚則未及古人昔嚴羽作滄浪詩話標舉盛唐而所作乃惟存浮響雲霄所論所作益均似之矣

兩粵遊草一卷寄心集六卷

五嶽遊草七卷

〔明〕陳第撰

福建省圖書館藏明萬曆會山樓刻一

齋集本

附《四庫全書總目》·一齋詩集

十三卷《提要》

合刻塞曲粵草序

往戊戌春季立先生過余海壇以
薊門塞曲示余錄藏之今辛丑春
先生自粵歸復過余嘉禾檢其篋
中得兩粵遊草余又手錄將合而
梓之先生固遜謂塞曲多得自馬
上粵草多得自舟中音節弗類宋
人燕石也安用市張以取笑大方
余曰不然夫詩猶畫也山川之形
勢存焉余嘗至薊未嘗至粵今讀
塞曲戚戚然若陟降於灤河孤竹
之墟讀粵草栩栩然若神遊于五
羊八桂之境也且南遠莫粵若北
遠莫薊若天下限於馬跡車轍而

意在上下四方者豈少也哉余將
推與卧遊者其奚不可乎先生著
述頗富其道真在謬言意言其緒
餘在書札與松軒講義其土直在
薊門兵事及茲二編雖然道器匪
離有味哉莊子履蹠之說也孰謂
觀二編者不足以見先生

萬曆辛丑十月望日宛陵沈有容
譔



兩粵遊章

三山陳第

詩

與林培之入粵便道宿石竹岩二首

笙簫縹緲接飛仙峭壁參差境自偏
入洞紫雲迷曲逕凭欄青靄落平田
林間伏火還番灶石上鳴琴不用弦
乘興已經三蠟屐莫將疎髮嘆流年

岩有丹灶石
琴紫雲洞

一宿孤峯上悠然物外心
鶴歸青海香須嘯碧雲深
鍾磬僧常定風塵夢不侵
明朝相別後因憶此登臨

憶此登臨

遊九鯉湖

碧澗澄潭晉古跡芒鞋藜杖踏斜曛
八公悟道空思漢九子成丹却羨君
清湧懸崖秋作雪煙生古鼎曉流雲
莫疑頓醒人間夢鼉鼓鯨音晝夜聞

誌載九仙一父所生道成衆鯉而去溪水
懸湖而下聲甚迅烈最能祛人塵慮

重遊南臺

昔慨荆榛滿今看景色開前江聯郡邑列壁掛
樓臺燈影搖微月鍾聲落上台雲鋪平野濶風
送遠潮迴坐久僧同定機忘鳥不猜蔬畦綠曲
徑石室淨浮埃簾捲烟霞入息虛鶴來井泉
蘇病渴香茗醒重醅最是幽棲處偏宜作賦才
一秋遊未厭欲去更徘徊

上卷 粵草

二

送俞克仁參戎之任海南其先翁舊宦處

幕府邀賓日論文銅符新領伏波軍讀書合變
能如父控海雄圖又屬君天遠平臨鮫室淨月
明清嘯島夷聞津亭把酒難爲別長向閩山望
粵雲

寄送沈士弘將軍使日本

去歲輕裘下海陬雄心今抵薩摩州千層巨浪
東風破萬里孤帆向日浮曲迅捐金成反間班
超提劍取封侯匡時事業憐余病期尔凌烟閣

上頭

初出閩關值大風雨

危關今始度從此異鄉人山色遙連海榕陰盡
似閩江湖生客夢風雨妬閒身祇有遨遊興皇
皇非問津

潮陽道中同林培之侍御

山遊固多奇路行亦不惡水滿稻苗長風來綠
波作山色帶松陰啼鶯續鳴鶴我有所從人雅

上卷 粵草

三

志在林壑相將五岳遊庶以極寥廓

潮陽玩月

久雨初看月空庭夜自涼偶然離岳水忽已到
潮陽零露先秋色飛花送晚香悠悠諸慮寂玩
賞獨徜徉

謁文公祠

當年謫宦暫徜徉韓水韓山久未忘已有豚魚
知刺史更餘肝膽在封章溪頭樹轉嵐光合成

下潮來海氣長宇宙行藏應不偶漫將盃酒醉
斜陽公居潮僅六月山溪樹木至今以韓名賢人之澤遠矣

海豐道中月夜

明月炯中天孤雲淨不起山徑亂狐蹤溪橋有
魚筵脩竹隔前村穿林復渡水宵行豈不勞清
景良足喜

海豐公署玩月

昨宵欣見月今夜倍光輝爲愛光浮竿何論露
四

滿衣析声依閣靜螢火點窓稀莫問天驕事遊
人久息機

惠陽別林培之

偶有羅浮興同爲嶺海行長程俱借馬每飯必
分羹蔬草聲名重曇花世界輕今朝忽岐路黯
黯別離情

羅浮石洞追懷葉化甫

錦田僧舍夜論文此日羅浮獨吊君洞裏泉聲

常帶兩峯頭樹色半侵雲百年勅節存天地萬
卷遺書探典墳我亦逃名滄海上不將麋鹿向
人群化甫築室名逃菴自爲記後應召出

寄林培之二首

世路難知已風塵怯遠遊因君行色壯秋月到
羅浮

石泉堪洗耳山菓薄充糧勅斷塵中事同省秋月光

再寄林培之

五

湖海爭看起逐臣薦書猶自滯楓宸八閩謫
去孤帆遠西載歸來一劒貧堂上醉沾斑服酒
庭前花擁紫荆春蒲團竹几羅浮月應念山中
獨夜人

洗耳泉

白雪灑懸崖坐忘幽澗底風塵久不聞何事洗

吾耳

遊青霞洞

青霞廢閣倚層巒
草樹交加翠杳漫
短髮歸來山徑裡
萬松風雨一身寒

羅浮懷董崇相進士三首

江頭別去兩經秋
獻賦明光賜錦裘
遙約幔亭并太姥
此時踪跡在羅浮

寒林楓葉兩蕭蕭
一夜相思萬里遙
人世飄蓬元不定
白雲叢桂可相招

薊北春來兩寄書
南歸消息近何如
青雲負負

學草

楊雄草太姥山中小結廬

羅浮中秋

雲從玉女散月向鐵橋看
萬籟轉虛寂杯深山

露寒

採葛徯婦

行歌相唱答采葛
羅浮陽山高日易落到家溪

月光

九日口占

羅浮逢九日身在最高峰
把酒看人世白雲還幾重

九日飲洗耳泉次周彦奎韵
解其悲歌之意

羅浮杯酒正重陽
宋玉悲秋祇自傷
此日幾人探洞府
百年爲客任星霜
層崖水湧蛟龍吼
幽澗雲生草樹涼
且把風流酬令節
不須岐路嘆亡羊

感事

學草

城郭紛紛是與非
歲寒郊野杜柴扉
一杯且共青山醉
無數春花秋又飛

宿海珠寺

波心安寶剎明鏡一珠懸
烟月分城市樓臺自洞天
朝看群鶴下夜傍老龍眠
更有諸奇樹涼風到客船

同霍益茂遊集仙臺

冒雨尋棋嶺扶藜陟敬亭
雲連一水白樹接萬

山青跨鶴仙何去登龍客未醒願言成小築歲晚斲松岑

竹枝詞二首

羅浮山下有人家松竹團團澗水斜塵世機械渾不識碧桃依舊是秦花

西樵山頂有人家處處山園處處茶一十三村烟雨裡不知禾黍與桑麻

西樵噴玉泉

不
粵草

溪迴九曲流瀑灑四時雨吾自倦游人欲此結

茅宇

碧玉洞別霍益茂

飛泉灑千仞委宛隨天風仰面見絕壁蒼然松桂叢玉紅生樹杪花雨落杯中此地一爲別東

西任轉蓬

遊白雲洞霍益芳昆玉携酒言別

翠壁巧堆石清流瀉紫迴蹕足陟其巔隱隱聞

晴雷崖鑄有奇樹點綴千尺臺欣然值二妙一嘯天風來班荆坐古洞採菊流寒杯江月忽已上握別首重回

自西樵之端州舟中即事

風落洲前樹霞明水裡天人言愁寇盜吾意愛山川久弄黃龍月閒尋碧玉泉端州有奇勝復買夜遊船

遊端州七星岩

不
粵草

九

崢嶸怪石紫雲懸頓覺登臨思爽然神鬼有心開洞府星辰何事落芝田岩迴九坂紅通日水漾重湖翠接天五嶺山川真第一莫言仙窟在蓬玄

岩有洞絕奇由南逶迤而北題云五嶺南來第一山又云蓬玄一覽

遊端州石洞懷林培之

九曲溪窮境最偏玲瓏洞府儼清蓮岩前擬卜壺綸處誰共清風明月船

遊九星岩在東安郊外內一岩天然佛剎

東岡城外九峰聯擢秀爭奇並可憐古洞玲瓏
懸夜月層崖陰翳吐寒烟虛疑一剎西天上竇
見雙星北斗邊風景有餘山壞僻客來心賞欲
棲禪

題鄧叅戎燕喜亭用韵

練成虎旅更誰如表帶雍容水竹居好客新開
方畝宅談兵自註六韜書芳春鳴鳥聲相應細
雨棠梨葉已舒衰病獨慙張仲侶尊前頗憶草
玄廬

康州署中重晤唐文學用韵爲答

五嶺飛花二月深豈期書劍復同臨風塵莽莽
惟雙眼今古寥寥獨寸心暫聽鶯聲休宦舍底
將鶴夢向禪林何常遲暮逢知己綠酒青灯不
斷吟

訪李畏卿

當年才志滄青雲不謂明時受垢氛白壁暗投

應見誚黃金衆鑠竟難分書成孤憤窮何病酒
對同心喜更醺今古英雄多偃蹇試看豐劍斗
間文

府江舟中有懷鄧將軍

片帆乘興上蒼梧雲笠逍遙得自娛兩岬村烟
風盡掃一天江月夜同孤灘頭水轉浮鷓鴣林
外春深叫鷓鴣回首忽成千里隔高談能憶去
年無

府江懷杜秀才

張筵幕府樂湛湛別後春風月又三奔走名山
遊不倦留連風景醉還堪江花帶雨紅侵艇山
樹籠烟綠滿潭此日相思千里外不知何處接
高談

遊風洞山在桂林城中一名疊絳山

疊絳峰高擁碧湍遙聞仙佩玉珊珊誰言五嶺
炎蒸地一道天風萬古寒

粵西七星岩

七峰高與白雲浮下有龍宮萬丈幽把炬更憑
僧指點出山疑是夢中遊

遊觀岩在陽朔縣北七十里亦名官
岩上洞下水泛舟可入

誰鑿靈關鎖碧流奇峰羅列擁神州雲來晴灑
諸天兩日落寒生一洞秋下有龍珠光在窟仰
看蜃氣結爲樓咲歌不盡雷連興岩樹依依繫
客舟

卷
粵草

十二

三月三日余生辰也府江即事

年年初度綺筵開此日風光獨可倩莽莽江流
依嶂轉重重樹色拂雲來欲將客艇成清况故
向蠻村買濁杯寂寞繁華俱是幻碧天空濶任
徘徊

客有惠染鬚方者卻之

回首歸來十七秋閉門讀易出門游誰言解組
當青鬢翻到懸車畏白頭鏡裡形容隨自老酒

邊心事不知愁去年東粵今西粵萬里滄江一
沒鷗

昭州江上晉別平樂黃大尹

綠樹陰陰草色鮮他鄉杯酒感風烟山從桂嶺
開仙府水湧離江繞客船一路共傳黃霸政五
湖似有向平緣萍踪重晤知何日醉後驪歌漫
扣舷

粵西謁俞虛江先師祠

卷
粵草

十三

潞河曾憶別離程瞻拜猶然舊日情樓櫓一征
交趾格經綸三策古田平門前榕樹清風遠郊
外井棠細雨生獨恨粵東兵變事至今輿論未
分明初討古田賊著用兵三
議古田今改永寧州

曉遊小金山

曾登北固金山寺復上南溟鬱水亭繞檻波光
留月白隔江樹色入簾青雲深鶴唳聲偏遠塵
斷人來醉亦醒不用臨流評小大虛無天地總

浮萍

晚過吳處默祠

微寺為祠投香浦
貧泉皆在其處

西華廢寺獨行尋忽拜荒祠帶夕陰絕島烟浮

香浦遠諸溪潮湧石門深山中流水何塵土竹

下清風自古今薦罷渚蘋還感慨月明空照首

陽心

五層樓登望有感

崔峨樓閣與雲齊望遠層層轉欲迷漢帝詔書

與草

十四

人易感越王臺杜鳥空啼天連碧海辟山盡日

落青蕪萬壑低沃土從來歌舞地莫教黎庶怨

珠犀

夏夜重宿海珠寺

去年曾結海珠盟最喜重來月色清波浪茫茫

窓外動帆牆面面鏡中行雲連村郭塵難到樹

掃星河暑不生永夜潮迴人獨醒漁灯滅盡聽

鐘鳴

崖門吊古

居臣同日蹈滄波宗社淪沉可奈何潮落崖門

苗黍長月明陵廟杜鵑多乾坤有淚傷沙漠江

海無情吊汨羅罷說當年興廢事白雲孤島且

高歌

送李廣文赴選

所著有北遊草

江烟珠寺綠陰垂忽喜相逢又別離南國人倫

推郭泰北遊詩草見王維青山對酒還何日終

與草

十五

帳傳經正此時世事艱危需俊杰知君名姓動

彤墀

謁白沙祠用林培之韻

舟入江門花木深楚雲嘉會細追尋蒲團久坐

羅浮月欲把遺編印此心

楚雲臺名
嘉會樓名

聞大司馬吳客所先生訃就端州謁拜生祠

故里傳觴日賞花別來風雨慘秋笳新祠山帶

崧臺繞曲徑門臨錦水斜帝錫彤弓綬嶺外

春深棠樹徧天涯還家無復知音在徒倚迴廊
幾嘆嗟

遊惠州西湖

湖上生小菱甚佳
居人林以渡日

虛亭錯落水中央小艇縈迴數舉觴雨後橋從
青野斷月明波引碧灣長蕪葭綠森森堪遺世菱
茨萋萋可絕糧堤上醉眠呼不醒宛然清夢在
錢塘

劉都諫居永福寺漫贈

卷
集

集

十六

野寺君來倍可憐平湖浩渺近超然臺名談玄一
塵花成雨問字諸生酒滿船

天泉書院論學似楊復所少宰

巍巍精舍俯平川妙道初聞自別傳為有靈機
通晝夜却將生意並魚鳶三千冠帶環橋水無
數天花落法筵莫論從遊俱頓悟客來歌舞不
知年

西湖泛舟謝天泉諸文學

偶依山寺隔明河乘興相將一葉過草色故隨
舟揖遠湖光偏向酒杯多機忘盡日親魚鳥雨
過輕烟掛薜蘿却羨青雲諸俊少尊前吟弄發
高歌

寓居湖上答駱孝廉次韻

野寺荆榛遊客少天泉山水為君多雲來翠浦
波光動雨散蒼松月色過最喜窮經追董子空
餘善飯似廉頗神交久得忘言意幾度薰風共

卷

集

十七

醉歌

鄧歸善招飲白鶴嶺暮歸永福寺有贈

五竿同醉意如何興到山陰忽又過亭上開尊
江色遠湖中歸棹月明多蕪葭隔水偏依寺鴻
鴈乘秋欲渡河此日政聲誰獨最惠陽桃李徧
絃歌

用韻別王文學

對床風雨總堪憐回首烏山思惘然說劍當年

聯短榻携尊今夜泛輕船客星光照雙溪水
興秋生五嶺烟底事勿勿還別去月明相憶望
江天

過朝雲塚

朝雲東坡之妾也
塚在惠州西湖上

美人芳草尚留墳澹澹平湖帶夕氛萬死投荒
携愛妾莫疑狂楚夢朝雲

譚山人七夕雨中携酒過訪鏡湖閣

鵲橋天上正秋期乘興何人訪故知風雨渡河

粵草

大

雙鳥健園林下榻一杯遲書畱帝闕名元重

劍取侯封志不衰蒲柳獨慚先鬢白欲從蓬島

採仙芝

山人陸慶問
上大禮疏

遲回五嶺亦多時一見論心慰所思海內共看

高士傳囊中剩貯美人詩開尊對雨聊同醉拔

劍歌風故不疑君欲出山吾欲隱白雲何處更

相期

惜居鏡湖閣石林周兄贈詩用韵荅之

十載滄溟理釣絲他鄉又對菊花枝橋連曲徑
松陰合樓倚晴湖日色遲把劍却慙西塞去閑
關猶恐北山移看君著就梁園賦萬里聲名漢
闕知

哭林培之

天涯長別黯消魂淚灑西風落九原諫草已知

懸日月典刑猶在重乾坤清秋慘淡聞隣笛白

杜淒涼掩客門五岳祗今成獨往匣中流水向

誰論

粵草

十九

東莞九日譚山人尹文學邀飲西樓追悼

林侍御

重陽又向粵中過忽慢登樓共嘯歌白鴈江天

憐客久黃花杯酒爲君多滿城樹色秋將老遠

海嵐光晚更和莫訝醉來偏感慨知音人去柰

愁何

答譚見日贈別時余往康州訪沈刺史

寂寞逢君日東官數月遊上書追賈誼奇策似
番侯江海孤帆夜風霜滿目秋封康應不遠懸
榻待南州山人嘉靖間上時務十事

讀林培之疏刻賦贈蔡生

御史登朝直有聲為傳遺草羨高情燈前讀罷
人何在一夜秋風白髮生

遊三洲岩

石宇玲瓏倚碧灣白雲僧去洞門閒扁舟幾度

粵草

端溪上此夜登臨帶月還

贈鄧道鳴將軍征黎大捷

將軍南伐振天聲擒縱由來百巧生戈甲自開
魚鳥陣烽烟盡掃虺蛇營月明碧嶂先驅馬兩
過滄溟為洗兵共說黎人終不反珠崖應築受
降城

晉康送鄧將軍之任惠州

東山拔劍靖蠻荒旌節翩翩又惠陽千古襟期

同慷慨百年踪跡判行藏鯉湖夜雨携姜被鶴
嶺春風醉杜鰲逆旅相看元惜別莫教雙鯉斷
封康時將軍之兄為歸善尹白鶴在共處下有豐湖亦名鯉湖

偕鄧將軍遊宿曹溪用韵言別

西來法意重經文直指真空獨此君錫落名山
驚鶴駕杯浮古井結龍雲千年妙偈尋常在五
派傳燈不易聞握手南華同一覺即有長劍掃
蠻氛

粵草

鄧元宇將軍征播余自端州送至韶陽賦

贈二絕

新剖征西伏虎符追隨千里有潛夫平蠻倘遇
瞿塘下重壘江心八陣圖
析衝尊俎世無双去歲平黎淨海邦此日先聲
乘破竹洞蠻知縛巨魁降

庚子中秋病漫賦

紫薇精舍傍江村皓月傳傳露滿園偶為病魔

欺白髮不緣地主新青專少年偏是歡娛甚孤
枕能無醉興存轉憶羅浮今夜景提壺深扣酒
家門

康州香山陸大夫祠

漢室公卿業盡聞雍容裘帶獨憐君使車頻入
蠻夷地壯節能開嶺海雲春到山花猶似錦風
來岩桂盡飄芬當年更進調和策應是安劉第

一功買入粵說耐他過康州高山私誓曰事成
以錦裹山後過植杜鵑花代錦因名錦山

粵草

廿二

懷家兄時家兄應貢北上

三千花鳥滯東官匹馬誰同行路難薊北粵南
音信杳不堪姜被夜生寒

過王唯吾光祿池亭

王嘗令崇陽有聲
明修廣東志

謝客林泉日晏如幾因疏章得閒居湖湘最美
中年政海國新成越絕書曲徑花明隨舞鶴清
池棹轉雜遊魚輪臺旦夕思忠讜未許滄江卧
草廬

董廣文話舊

五年新闢郡齊居宛似當年生大虛握手最憐
心力破論交總覺世情疎官貧尚可沽酒客
嬾何能勝著書莫厭一黏滄海外乾坤到處是

遯廬

大虛菴名
董讀書處

寄連山尸林懷瓊

聞君清韻十年餘晤對羊城慰索居把酒樓臺
江樹杳談玄風雨夜窓虛南荒兩借神明宰北

粵草

廿三

關初投報最書世事艱危應努力野人踪跡只

匡廬

林嘗署新會

羊城遇陳邦敬志喜

芙蓉秋色粵江湄忽漫相逢喜可知萬里離居
頻遠訊三旬並榻豈前期興來每憶王猷棹坐
隱還推謝傅棋歲晚白雲思結社為君歸治釣
魚陂

夷名手談
亦名坐隱

九日贈莫元慎秀才

當年曾說莫宣卿幾度相過坐月明海內論交
多長者粵中迴席盡諸生飄零秋色行將暮慷
慨歌聲意未平此日同遊俱落帽風流重見古
人情

九日薄暮同董廣文莫李二文學過唐山

人青門別業

青門肥遯日高眠重九相過欲暮天文賦一時
俱作者風塵何處可逃裊杯臨曲檻花堪醉徑

谷

粵草

廿四

繞清池竹可憐月落郊原馳馬去白雲猶自戀
歸鞭

謁培之墓有序

培之與余爲方外交覽粵東名山殆盡

嘗欲卜築佳廬衡山爲終老計去秋長

逝時譚尹二子邀登西樓賦詩流涕今

秋從端州謁墓下過西樓弗忍登也噫

九原不作吾誰與遊

鴻飛葉落滿江秋絮酒淒淒到隴頭別去經年
荒草長重來千里暮雲愁空餘醉裡羊曇淚不
上吟邊王粲樓結屋匡衡元有約乾坤何事靳
同遊

哭王養初有序

養初林定宇友也戊戌余至東官得與
論吐嘗宰寧遠蓋蒼梧故處以其圖見
贈已亥北上余實送之江潯今庚子余

谷

粵草

廿五

至則喪自金陵返矣悲夫

芙蓉江上醉離筵何意今來倍愴然作令心勞
三異政憐余手贈九疑編關山萬里招魂日芻
草三秋感慨年想對生平林侍御脩文沽酒在
重泉

述遊三首

前年設榻卧羅浮西粵歸來又及秋三尺奚童
雙短劍飄蓬湖海得真遊

身無朱紱誰爲累家有青山豈是貧萬里獨來

還獨往馬頭長見四時春

五羊秋色草蕭蕭駐馬江干近市橋覆甃書成

聊換酒青天何處不逍遙

晉別東莞諸友

三年熾燄漫登臨歸去栖栖思不禁實有絕絃

今日淚虛傳掛劍古人心秋風匹馬關山遠落

月孤舟兩雪深珍重諸君憐別意莫忘魚鴈寄

韻

粵草

廿六

遐音

虔州追懷林培之

與誰同入粵中來一劍西歸意轉哀此夜相思

何處月滿江霜冷鬱孤臺

送康州刺史沈士莊入覲

蓼花紅映錦江隄五馬朝天路向西不見雞豚

驚夜吏但聞牛犢滿春畦樓坐擁南山秀寶

塔高飛北斗齊明歲過家應早發封康父老望

雲霓刺史爲州建樓造塔

陳文溪邀遊舜祠祠後有二女祠又有韶音洞

南瞻疊嶺山北挹灘江水巍巍虞帝祠乃在江

之汭恭已儼遺容韶音若滿耳玄德初升聞却

自蒸蒸起殷勤覲五臣四海垂衣理巡符卒蒼

梧九岳疑相似二女泣湘雲淚染斑竹紫帝心

天虛空萬世誰能擬閩南私淑人卓有陳伯子

精一執厥中千載遵彝軌直道固難行三仕亦

韻

粵草

廿七

三已勸君歸去來深山友鹿承嗟余常陸沉道

遙良有以君子貴特操善官非所美大舜信吾

師相期永終始

重過陸大夫祠

尉佗秦亂竊南越呂氏臨朝充橫突陸生兩至

直犢牙滄海明珠歸漢闕君不見區區保聚蠻

夷中欲與隆準爭雄風豈知帝業一劍起乾坤

剖判當誰同又不見臺裝擲與五男子歲時相

過十日止數見不鮮知者誰孝慈自是保終始
每讀史傳長嘆息擇家好時深貽翼襟期爽朗
故不群龍蛇變化奚能測今朝重過錦山祠猶
有杜鵑燁春色

入閩關賦

冬盡霜寒折角巾看梅踏雪又南閩一瓢明月
三年客萬里青山五嶽身鬢髮別來心共短江
湖歸去夢猶頻懸知門徑荒蕪甚稚子開尊候

卷
學草

廿八

主人

曉行崇安道中

午夜發楊庄天邊月一痕冷風翻野燒寒霧暗
橋門樹影參差路鷄聲遠近村客途多不愜高
枕憶鄉園

王女峯

挿髮山花春自開瑤池風雨暗飛來娉婷獨立
幔亭下不受人間玉鏡臺

過延津悼林世科因柬游叔子

交遊四十年相知如一日踪跡故參商神情總
膠漆卜築郊之西憐君常促膝雪裡弄園梅閒
中頌江橘自謂永若斯歲寒同隱逸豈意別離
來匆匆報君卒雨雪劍溪頭悲思成首疾寄語
游山人浮生那可必誰當金石堅會見有終畢
努力出風塵酣歌日鼓瑟

學草

廿九

兩粵遊草

記

入粵記

萬曆丁酉冬余自清漳歸三山借芝山僧房繙閱藏經時東莞林培之以御史言事謫閩運幕欲晤予而恐其鑿坏也乃約施良菴先訪已而培之至入門即曰請爲方外交公無避我坐談久之相得甚謹良菴者漳之先達余所嚴事曾

粵草

三十

宦粵中與林有世雅嗣是三五日必一來來必久坐或談佛經或評將傳至論山水五岳遊意津津合也時約同遊華林西禪諸寺徜徉竟日未幾余訪沈士弘將軍於鎮東明年戊戌春仲遂同泛海觀石牌洋石牌洋者海中孤島上有一石高百仞餘濶十仞餘宛如碑碣卓然中流天下奇觀也過此百里則海壇故疆又數百里則東厓東厓閑極界出此夷矣一日乘巨艦破

浪偶閣沙礫舟人驚惶將軍獨自若謂余曰吾與公豈海中腐骨乎潮長竟脫將軍宛陵人往在遼左身經百戰故撫臺檄置海壇統舟師捕寇余因是得極騁覽然每逢奇勝輒思培之培之亦憶余也四月書來謂將告歸省母羅浮故名山也足下無意乎余自海上走三山則培之往鼓山矣復就之鼓山信宿而歸遂同遊雪峯水口往來凡旬餘五月六日余歸連省告先墳并辭吳容所先生十三復至十五日培之先祭十七余發十八會於宏路驛十九同遊石竹山二十二日至莆余拜林龍江祠時卒四閱月矣次日同遊九鯉湖湖大百畝許深莫測也底外純石其源自數百里來四時常滿溢而奔湃九滌聲如鼙鼓轟轟震天遊人至此俗慮忘矣其最勝在水簾洞如烟如雲如雪如波濤跳躍澎湃隨風遠近日色接照則金碧朗晃變態萬狀

坐玩良久舉杯酌賞培之曰匡廬瀑布春夏則
溢冬則涸不若此無分四時也又曰樂哉今日
之遊余曰今遊誠樂使公而爲布衣樂豈減是
乎曰不減使公而居政府樂豈加是乎曰不加
則相與嘆曰得樂于山水猶莫之加損也況得
樂于性天乎信宿出山培之謂余曰是靈夢聞
天下何爲獨無所祈曰素位而行不敢有所希
異利害禍福到則知之先知庸益乎故三遊石
竹再遊九鯉無所祈也培之笑而不言二十六
日至泉地主鄧麟石以歸善戶覲過家遂邀遊
彌陀岩岩有石室因山石鑿爲佛像甚偉前逕
路逶迤石刻招飲逢三字交蔭嘉木清泉飛出
樹杪飲數巨觥遂沿澗登坂至巢雲岩列坐澗
曲洗盞清流迭酌至醉此皆清源山西麓也昏
黑始下山六月初三至漳培之問余吾聞漳有
吳寧淳閩中長者也持義甚高公豈習其人乎

合 粵草

卅二

曰吾老友也因邀與談而去初七出閩關初八
至潮潮城外爲韓文公祠余前已丑來潮亦曾
謁祠十六日至惠羅浮惠之望也培之遂歸東
莞余從此入羅浮

居羅浮記

初至惠培之語余曰葉化甫棄賓州刺史歸即
居羅浮晚築石洞書院可居也吾遣人導至彼
化甫門人有居東莞者吾且促之來爲石洞主
人已而培之出拜客周子彥奎懷刺來余爲培
之延入語及羅浮周子自謂讀書其處且請爲
余導少選培之歸喜曰斯化甫門人也吾意欲
踪跡於東莞孰知其客此耶羅浮地主一以相
屬彥奎因邀予歸水南水南其家也其弟廷贊
又田處數日乃入山居石洞六月二十九日也
山多楓樹秋露零落楓葉淅淅竟夜有聲或萬
里無雲月如加明星如加大或風雨驟來溪聲

合 粵草

卅三

雷迅或曉起濛陰白雲縷縷入戶與香烟交錯
或夕影橫斜石崖芳草可散步班荆或日色晴
明示窮男婦徭歌遍山谷其致皆足樂也余讀
書靜坐忘其非家未幾僕病土人代炊又病余
曰是山靈欲勞我乃就澗汲泉沿崖拾薪自給
晨夕且以餉僕之病者二旬僕愈培之屢書言
欲入山不果也十月末與東莞李大戶及其弟
坦之繼之至宿冲虛觀遂同遊勝越三日下
山又三日余亦下山羅浮勝九數處洗耳泉者
泉自山頂下奔經石洞至深澗忽有崖兀起泉
擁崖飛灑如風濤驟落前有潭遊魚出沒旁有
巨石可憇水簾洞比之微濶景石相肖青霞樓
湛井泉所治者壞天冲虛觀舊觀也葛稚川祀
觀旁石洞青霞冲虛環繞山麓惟黃龍洞在山
西高可五里而巨石如門中一石平坦數畝泉
瀉其上可掬可濯迂流而懸為瀑布玉女峯在

石 學草

世四

山東亦高五里數石頗奇可登騁望飛雲峰在
山絕巔高三十里許無亭榭可棲遊者鮮至好
事者至席地卧四圍聚竹木焚之以辟嵐瘴又
恐為風雨苦大都羅浮非有寺觀亭臺之偉麗
又無岩洞水石之奇絕遊者往往不饜誌所稱
四百三十二峰亦名已耳余讀傳志載羅浮巨
竹節長丈餘皆無有豈古今異時乎惟有五色
鳥大如雀各備一色極鮮明天陰則群飛而至
澗中產九節菖蒲至肥且多靈藥也粵故多盜
率濱江海茲山內外農民淳朴夜戶可不閉余
謂羅浮曠衍闊深信脩真窟宅也然嵐氣更倍
他所讀書者病十七八遊者病十四五有儒生
居十餘年無恙也余問其故曰將進山必寡慾
旬月既出山亦寡欲旬月蓋嵐乘虛而入故進
山宜慎嵐又待虛而發故出山宜慎人知慎進
而不知慎出無惑乎病相踵也余嘆其言嘗以

石 學草

世五

告諸遊者化甫晚被召出爲戶部郎卒于官門
人彥奎輩祀之石洞余居羅浮凡四閱月

遊西樵記

十月晦余訪培之於家拜其母諸弟子姪相見
顯如濟如也十一月朔培之駕舟與余往西樵
且曰是月望前吾卜遷塋先室今姑乘間遊次
日過波羅海謁南海神廟廟起自唐韓文公碑
記具在 國朝因之秩著祀典內有銅鼓徑五

否 粵草

卅六

尺其聲鏗鉤制甚古雅相傳爲馬援所遺廟前
崗突起上亭扁曰浴日縱觀海天茫淼無際三
日抵海珠寺宿焉寺在羊城南郊海中宋李忠
簡公始建寺面西李公祠面東前後皆亭榭以
近省會遊人雜沓夜景佳矣漁灯錯落天籟風
清對床南軒波濤若動于枕席四日飲浮丘祠
五日發海珠六日抵觀山市蓋西樵北麓也次
日雨冒雨登嶺各乘肩輿稍峻則下扶筇以進

午抵雲居少晴遊雲谷歸沽酒勞僕夫宿焉八
日遊四峰書院本霍文敏建也文敏從孫益芳
雅知培之時已有事羊城獨其弟益茂留飲庭
中桂一株幹大如斗嘉樹也培之爲葬事別去
余復宿雲居次日益茂携酒來邀余登聚仙臺
美哉高而曠江山雲樹應接不遑又與臨玉池
美哉幽而深四圍蒼翠月明可垂釣於石臺乎
晚宿環翠樓次日邀登大科峯美哉崔嵬而秀

否 粵草

卅七

諸峯皆旋繞拱揖也是其山之主峰乎次日邀
遊九龍洞美哉九石蟠踞若龍迴泉清冽可烹
而飲也次日邀遊噴玉岩美哉清泉循岩簷而
灑落是其玉箔珠簾乎况石室穹然除其藜藿
可隱也次日邀游天湖又觀碧玉泉美哉瀑乎
若白雪連天紛飛沓射且聲如驟雨驚雷也雖
杯勺相屬不禁凜然寒色矣遂與益茂別宿觀
山市將歸也余念西樵奇峰七十二業已登板

其最勝獨白雲洞在山西麓適雨後連陰道徑阻澁終于心未愜次日忽天色晴朗余曰山靈有意乎遂蠟屐往益芳偶自五年歸聞之與益茂携酒越山而至美哉洞府乎別一境界矣其壁峭而中平其水激而迴復可流杯也木葉飄墮山菊猶花折之以當酒籌蓋舉觴無筭余謝曰觀止矣雖有他美不敢請矣月色滿林乃別歌咏而歸西樵故未有稱自霍文敏方文襄湛文簡卜隱其間遂名聞天下與羅浮增峯巒重重包裹如蓮花然周迴四十餘里山宜茶居民十三村悉藉茶衣食不復知有禾麥桑麻也其茶叢生而卑葉圓而青厚與閩少異或採於春或採于夏秋白露採者曰露茶其品最佳亦與閩異余自入山至出山僅旬日益芳嘗著西樵志爾雅且詳余則記其大而已矣

遊七星岩記

端州七星之勝余故夢寐未至端培之已遣書與其郡人梁約中屬為導引仲冬余自西樵來託宿于其池亭約中遂導余遊出北門望見七岩蒼紫崢嶸曰是其星岩乎中為石室東為屏風又東為閭風西為天柱又西為蟾蜍又西為仙人掌西而迤北為阿坡行五里許見湖清漣漣瀾曰是其瀝湖乎環繞七岩夏則荷花十里隨度二橋水月宮在焉宮故幽緻前有堂可譙門外有亭可憇後導余由宮左循削壁石磴而上盤迴紆曲凡七百步許則玉虛宮在焉倚崖而構若懸空中南望錦水淪漣羊峽夾束村原城郭一目盡收余曰奇矣曰未也復導余下泛小艇掠泛斗亭而東舍艇登陟則三仙觀在焉於是班荆飲啗復東行至栖雲亭榕陰絕茂又東百步則蓬萊運在焉運長十餘丈兩崖壁立中容獨行仰見蒼天一線谷風冷冷襲人余曰此

又奇矣曰禾也又東百步則流霞島石門臨湖
几筵依洞幽而明窅而寬令人飄飄起塵外之
想余曰此更奇矣曰未也復回舟至水月宮緣
崖而西行則石室岩也洞門南開其內崆峒穹
突入三十餘步左有洞深黑水溢其中迺右轉
而西石罅射明仰視隱隱樓閣又十餘步則觀
音座在焉石乳下懸結爲纓絡如龍翔鳳舞絢
綢紛飛即纂組丹青無能彷彿其鬼剜而神斲
乎又稍折而北則有小道房並房而西則環翠
亭縮其口已曠然北向矣遂憇于亭曰奇乎余
曰奇不可形聲矣夕陽在山乃歸夜取讀圖志
遊未徧也越二日余獨往有道人立湖側呼與
俱乃其人嘗至武當頗知山水者余謂已游者
姑置之導吾遊所未遊遂西之紫竹洞躡峻級
而上百餘步則僧房在焉穿房而東又百餘步
則小窩可禪坐也隨泛小舟東之卧龍洞洞門

卷一 粵草

四

懸壁斜飛開湖水于內舟入而後登岸則有小
窩時重寒矣入窩幾于揮汗益窩夏寒而冬煖
洞簷有石倒懸如磬以篙擊之聲極清越亦一
奇也復泛舟東北至石洞其岩宏然大厦鄉民
祠神於中石乳墮地凝人與獸形奇蓋垂于石
室舟回湖上觀人打魚買魚沽酒酌于岩側松
陰下道士問卧龍洞何以寒煖背時也余曰凡
水夏則寒冬則煖洞閉水完密水氣薰蒸能無
然乎七星岩興自唐盛于宋石室旁有景福二
字李邕筆也室中題咏皆滿瀛溪亦有題名
國朝嘉隆間始漸脩飾今亭臺交映山水益增
奇矣約中年七十餘大有詞藻嘗爲學博士亦
輯七星岩志云

卷一 粵草

四

遊粵西記

粵西岩洞之勝余聞之稔矣戊戌冬余訪鄧將
軍東山居九星岩下明年己亥二月復訪沈刺

史於康州遊三洲岩此兩粵之界也因鼓棹入
蒼梧覓得昭州船邇府江而進旬日至昭州平
樂今黃文宇余里人也復爲具舟邇灘江而進
五日至桂林道經陽朔陽朔兩岸石笋綿延數
十里聳拔瑰奇不相附麗如劍如戟如門如屏
如獅如象如鳳如鯉如美女如仙人如將軍如
端士泰嚳卓詭岌嶸變態令人駭目驚心誠天
下無有江濱又有官岩廣三大餘深十丈餘下
水上洞泛舟而入洞懸石乳皆作芝草蓮花泉
從花草中瀝瀝垂滴人或歌咏則應響縹緲不
絕宛如笙簧余至桂林主藩幕薛慕南亦里人
也省會道途坦潔風俗朴茂余既以慕佳山水
至日乘舟與令奚兒載酒恣其所之所聞三十
里內外無不遊也嘗遊風洞山山前後兩洞前
南而後北又皆爽塏窈曲風之所生逕聯兩洞
微狹而長如咽喉然故其風飈飈颼颼襲人毛

卷一 粵草

四二

骨名果不虛乎又嘗攬榕樹門相傳唐時所築
城南門也 國初城展益南此門獨存門上老
榕一株根劈爲兩分左右而夾門人從門行走
若出榕跨下蒼葉古幹偃蓋浮青數千年物也
先師俞虛江公祠在門北數武余入而拜出而
撫榕睇焉不能去又嘗遊于七星峰始入石門
縈紆而北旁多奇崖玉立路窮有洞巍然其上
石液懸結鯉魚絕肖下有洞門俯倭可入其內
深黑土人先備火炬以待燃炬入漸覺寬廣過
關門數重中有神佛像與巨獸形又有潭數處
每遇異景持炬者輒報行僅二里許則從後洞
出矣此其龍宮仙室乎真如夜闌秉燭夢中行
也又嘗遊于象鼻山山濱江如象一石穹隆懸
飛卓于江中儼然象鼻鼻中空明圓如滿月故
又名水月洞旁石臨流清幽雅緻踞石嘯歌若
身在月闕矣捫石而上復有小洞張南軒刻記

卷一 粵草

四三

其中又嘗遊於白龍洞前臨溪異卉飛香幽禽荅響唐李公渤賞心處也出洞南行里許則劉仙岩前有道觀洞門詰曲而上雙洞幽突復折而上岩曰泗洲高爽坦平可以眺遠復折而左則洞益奇旁一石池四時常滿蓋此岩斷而復連洞上有洞宜其爲仙靈宅也郡人劉景宋元豐中只解其處故稱劉岩云桂林同府陳文溪余友也又邀遊虞山舜祠在焉後祀二妃祠

卷四 粵草

四四

北爲韶音洞洞左爲南薰亭倚欄眺江烟波杳霽飲至夜分泛舟而還文溪故論學士是日徘徊俯仰有玄德之思乎又嘗遊堯山環桂山皆純石獨此積土時春三月杜鵑盛開殆遍山嶺遠望一片紅錦亦奇觀也獨秀山在靖王府中遊桂林諸山畢薛慕南始導余入直如卓筆池亭環之最稱嘉麗其餘若省春岩龍隱洞隱山六洞諸處各具一奇使在吳浙不知作何增價

今則不暇具述之矣又余行桂林西郊有孝穆皇太后父母廟春秋藩司致祭按志

太后粵西賀縣人也少入宮實誕 孝宗事載

國史本姓李訛作紀 孝宗即位訪求宗親

終莫能得廼立廟于粵隸隆祀典嗟夫粵西山

川奇秀甲于天下鍾靈 淑后篤啓 聖君豈

偶也哉余自二月末發蒼梧四月初旬四過其

地蒼梧寄酒桑寄生所釀佳者不亞蘇州三白

卷四 粵草

四五

復欲遡左江游都嶠白石阻雨不果歸康州

傳

鄧將軍平黎小傳

瓊黎縱恣不討之日久矣自丙申來酋首黎廣

黎馬屎輩糾衆跳梁時出剽掠三州十邑之鄉

村無不被其荼毒官兵與戰輒敗豺狼既入

保巢穴則鳥道險遠伏弓弩于深林叢箐間奚

啗以一當百是以其志益逞計偕之士言之

朝而白史黃童競請命於制府思名將也制府
戴公軫念生民令鄧將軍置對鄧將軍者東山
參將元字公也圖上方畧制府心嘉之於是命
率所部以已亥夏渡海與雷廉瓊崖兩將分東
中西三路以進益東路最當其衝而將軍以身
任所難也賊聞兵聚則悉力保礮門礮門奇險
實棧道咽喉且環伏善射於前後左右勢既難
進議者皆欲歛兵俟秋再舉將軍獨謂滬暑操
戈豈得已哉我一退則兵氣益索賊得秋獲則
蓄積益多是收功未有期也且成師以出臨敵
而棄之非勇也攻其所備無他計畫非智也遂
列陣揚旌聲言欲出水蕉賊果赴備水蕉乘虛
直奔礮門據之營成賊至併精銳四面射我又
先有皮盾火器人自爲戰賊大敗擒其渠魁賊
其群醜於是礮門之捷從此轉攻而西北焚
其積聚焚其田禾於是有岐筒山根之捷離其

粵草

四六

腹心散其脅從於是有居碌五指之捷諸蒐獮
外其窮餓逃竄自縊刎于崖谷者不可勝數前
後凡擒賊人等若干名斬首若干顆俘獲男
婦若干口蕩平鄉村若干處自啓行至班師凡
歷若干月先是鄰黎村民陽順陰逆首鼠兩端
我託之爲耳目彼反爲賊耳目我也將軍搜得
某某等命誅以徇又賊首某者急來歸順則縱
使招黎馬屎左右皆駭後過期不至復以計擒
之馬屎遠遁某處盡虜其妻妾子女計窮無復
之其黨因縛之以獻中路數年逆寇悉平士民
歡聲動地大都將軍用兵好以整暇籌無遺策
故自皮盾製而弓矢之技窮礮門拔而重關之
險失携貳誅而偵伺之機絕間諜行而保聚之
膽喪此酋首所以卒擒無能漏網也雖然木秀
而風搖名成而衆忌故自海以南親覩厥功者
贊不容口而忌者譁張幾至移易白黑將軍悉

粵草

四七

置不問於杯酒間語所親曰鍾不佞得待罪行間以戴制府之知也士固爲知己死今幸奉指授一方殄平聊藉手以報於始願足矣毀譽之言余不敢知嗟夫我國家大舉征黎衆皆不下十萬今將軍獨以數千豈惟事半功倍此將軍之奇也而猶不克于多口則居功不亦難乎將軍閩溫陵人文武忠孝其建樹固未艾云

野史氏曰余于是捷有感于天人之際始未奉

粵草

四八

成命盛大叅已夢將軍繫黎岐頌及奪磧門過鄧公峰土人皆嘆曰數兆之矣逆酋祭卜以抗我師輒有迅雷妖蛇之變噫豈偶也哉豈偶也哉

祭文

祭吳容所先生文

歲已亥二月初四日溫麻山農陳第遊西樵過德慶始聞大司馬容翁吳老先生之訃已數越

月矣愴然慟哭者久之乃以絮炙寓祭曰嗚呼痛哉丁酉暮春第有漳泉之遊至戊戌夏始歸謁也僅一二見復爲東粵之遊不意浪跡方外未及言歸而竟抱此永訣之戚也嗚呼痛哉老先生學術極其端純充養極其完粹功業極其炳耀操守極其廉貞與夫文章翰墨妙絕當世史策旂常皆紀之述之無庸更僕矣獨計歸田以來數年之間賞花觀魚吟風嘯月第未嘗不從從未嘗不飲飲未嘗不醉醉未嘗不高歌也老先生齒長二十年巍然先輩矣爵又最尊足跡半天下閱人最多雅不喜飲酒即燕居無狎容乃大破調格傾注里閭一狂生嗟嗟此其故豈能與世俗道哉第自去冬在羅浮附尺素今聞仙逝乃在秋末靈神不爽豈亦有鑒于其言耶第與友人約遊五岳今且憤懣思歸矣然雖歸也求如曩時之暢飲浩歌豈可得乎粵水間

粵草

四九

山興言淒切伏惟尚享

祭林定宇先生文

維萬曆二十七年九月初二日柱史定宇先生卒方外友弟陳第視殮慟哭七日從譚山人輩致奠十一日將有康州之行復用酒菓造別於其靈曰嗚呼先生孝友之行循良之績直諫之忠善交之敬士大夫君子咸述而誄之矣獨謂先生純孝人也疽不言病慮貽太夫人憂一旦

粵草

五十

去母而逝殆將不瞑目矣乎嗟夫竊有感于范滂之事也滂志澄清天下既而罹黨錮係縲紲也白其母曰仲博足以供養滂侍龍舒君地下存亡各得其所矣今先生有第三人皆賢且孝知能事母先生得無芥蒂從艾陵公遊于九原也且今之事母已五十三年昔之事父僅二十一載昔則諸弟未立諸妹未嫁今第則聯蟬青雲內外諸孫繩繩濟濟修問安於曠日告成功

於此時艾陵公必油然意得矣幽明一道也死生一孝也先生又奚憾乎先生天性好遊七閩名勝半入遊記其約方外第而來也亦將窮四方之輒中道弗果不已悲夫嗟夫形之所趨一日三舍神之所至倏忽八極今先生棄形骸而乘雲氣安知其不翱翔于五岳五鎮之墟逍遙于三十六洞天七十二福地之表也始先生在留都朝廷督過臺省一朝而斥逐者三十餘人留都臣工有言而未之言也先生奮不顧身直以死諍幸而天子聖明薄謫之閔也往得修其先祠歸得安其正寢先生始顧不及此皆君恩所寬也雖終身蕪貧歿無一錢尺帛又遑足恤乎哉嗚呼先生之母滂母也所遇又賢于滂雖危言激論以身繫風教而定靜謙默嘗棲心於山水之間語曰高山仰止他日有傳其事出千後世安知不有羨慕嘆息之深如蘇

粵草

五

氏母子者乎嗚呼足矣至足矣第自丁酉冬論
交于閩之僧舍戊戌同爲羅浮西樵之遊今年
夏又同至厓門視宋宮故處茲觸目傷離悲不
能解夜思之頗得幽明死生之說乃知其不必
悲也理舟西發敢以所思之意告于靈石嗚呼
哀哉

逍遙遊

逍遙之遊超出世界胸臆灑然如木葉乾殼隨

合 學草

五二

風東西故今日在此不知後日之在彼後日在
彼已忘今日之在此神與造物通意與山川會
或兀坐盤石塊如塑泥或行歌澗底聲徹雲際
或緩行踐草四顧徘徊或箕踞松陰漁樵問答
任運遷轉無處不樂若少有揀擇少有留滯便
非逍遙之遊矣逍遙之遊前無往古後無來今
大鵬何大鷦鷯何小朝槿何短大椿何長皆化
所偶值吾能混而與之一故巢父非隱莊生非

原缺

寄心集自序

寄心集云者余彙萃生平四
言五言古詩合爲一帙也意有
所託身有所歷感慨乎古今論
思於親友夫孰非心夫孰非心
之所寄其視尋常遊覽贈處
汎泛五七言律絕寫情景而象

寄心集

序

一

物互者稍不同故命之曰寄心
集也憶在弱冠曾作一二篇以
質多鄉先輩余居陽先生居陽
語人曰異哉陳叔子之爲詩也
取意於風雅取詞於漢魏然而
世弗好也叔子其窮乎今余七
十有一檢垂髫以玉白首其中

不無欣戚順逆狀未嘗一日玄
貧賤此窮之徵也風雅漢魏余
實不知聊寄吾心而已矣乃居
陽先生未覩其全以一二篇決其
終身信而不真可謂知言也已
嗟夫余之不諧於世獨是篇也
乎哉老將就木付之剞劂蓋恐
其散失幸以白寄與之心且欲
質居陽於地下非敢希冀禦
窮以傳世也

萬曆辛亥仲冬朔日陳第題

寄心集

序

二



寄心集卷之一

閩中陳第季立著

京兆焦竑弱侯校

咏懷

西谷有一士蕩然無所求問君何爲者神閒道自休上
無求於帝壽天等浮漚中無求於世人呼任馬牛下無
求於子苟以嗣春秋三者既無求長歌何所憂

其二

南方有美女鼓瑟臨崆峒玉顏特佳妙流盼回春風袖
掩天鵝綠絳橫鶴頂紅不惜再三鼓怨苦潛已通何爲

寄心集

卷一

一

怨且苦舉案思梁鴻斯人已寂寞悽悽願固窮

其三

千里乃咫尺生賢如比肩千載乃頃刻聖起如踵連古
今何寥泯援琴扣商弦南山有瓊芝五色含雲烟采之
思所貽歲暮徒潸然

其四

鵬舉不規矩舉意自圓方蜘蛛徐往來組織似文章人
生秉靈妙皎皎含精光言可爲經傳行即繫倫常獨立
無倚附穆湯遊義黃云胡弗自任口耳逐人忙振鐸託
洙泗鼓歌誦廣唐胸中實憤憤蟲鳥反有臧

其五

丈夫生世間如彼長江水潞則淵渟渟流則浩瀾瀾建業與立言隨時任所履何足芥胸懷行藏判憂喜吾觀古聖賢欲爲蒼生起朽鑿苦不投皇皇未肯止下以舒車轡上以存發理天命苟有拘歷聘徒勞只不見稷契墳堂山亦土壘

其六

臣固貴擇主主必先求臣春風動地起野草綠回新秋露夜零落茂樹枯作新唐虞既御世皇禹謨斯陳耕莘與釣渭遇合摠經綸明時苟不值龍德甘賤貧賤貧欲寄心集 卷一 二

何爲棲遯山海濱琴書可樂志雞黍足留賓浮雲有聚散堪喜亦堪憂我大物已小神怡道不屯遑遑獨奚事載贊長問津

其七

火用在得薪才用在識真隨宜作蟄躍龍德乃全身偉哉嵇叔夜濁世清粼粼凶尤竟不免好善而闇人闇人動有累幽憤何由申哲愚亦惟戾于載爲悲辛蘇門先發部兒幾如入神

其八

至言本難言真得何意示者深以詞教者高宣

尼述人行伏義垂卦畫忽當黃運時踪跡貴莫測孫登鳳凰嘯仲長疇癡然通人自曉了籍俗任疑惑何必白區區衷腸恐藏匿惜哉鵝湖辨愠怒見顏色雅士慕渾淪所希實玄德

其九

吾聞陰子春數年一洗足又聞何佟之一日十數浴兩者倘相逢何由展忠告鶴長非所斷鳧短非所續道義卽深明破發因流俗嗟哉極高言至死藏心曲

其十

尋流遡江漢矯首望河汾惠風霑四野上有洙泗雲慷慨懷慕曠世不可羣歸來長嘆息簞燈理遺文亦有二三策何由揚清芬高山徒仰止微言竟誰聞

其十一

魯連去東海不受商賈金貧賤實肆志高曠誰知音塵世苦馳逐展轉胥陸沉何能從此子把臂欣余心

其十二

均斯大塊氣落地有雄雌故此同類人因心別崇卑營道日以智狗欲日以癡微哉舜跖關君子辨其幾

其十三

水風偶相激草花實敷輝輝光且爛熳

妹者何人訪方彌昏旦秦漢錯雜陳標綴成篇翰試以
道眼觀臨流再三嘆

其十四

清寧育萬品種種成形色桃李本繁華松栢挺孤直鵠
鶴老一枝鵬奮垂天翼小大各有宜修短稟物則君子
履吾常何入不自得嗟彼冥行人貪天爲己力擔石慕
千鍾下僚管嬰職畔羨轉相尋憧憧如糾纒鳥飛高戾
天人心於何極所以老氏書止足昭玄式

其十五

白日出扶桑斯須落濛汜一朝又一暮百歲詎能幾食
寄心集 卷一 四

者攘其財權者怙其侈甲第交通衢僕婢誇閭里雖得
滿欲心豪華義所恥不見桃李花風來隨流水

其十六

羈馬不得騁息駕歸東岑白雲擁虛谷松聲入素琴
睨者黃鳥嚶嚶流好音奚我所懷人天海殊飛沉旦暮
寂無事彌清塵外心因風寄知己庶以抽華簪

四憶詩四篇

憶昔在清漳帳下多童冠切磨論至德餘義及篇翰別
來四十年凋謝已太半登高望海水茫茫無邊岸欲贈
以瑒瑒卿 歲復晏

憶昔在薊門座中多劍客蕭蕭邊馬鳴風高秋草白別
來三十年采薇異夙昔登高望紫塞朔雪沉幽磧欲贈
以寶刀徘徊空脉脉

憶昔在粵東樽前多漁父泛海尋仙山蓬萊若可覩別
來已十年美人且塵土登高望嶺表浮嵐帶陰雨欲贈
以明珠惆悵肝腸腐

憶昔在武當山中多道侶冒雪陟危峯攜筇凌險阻別
來已五年飄飄一羈旅登高望漢水瀟湘迷楚墅欲贈
以金丹嘆息獨延佇

歲暮客居呈弱侯三篇

寄心集 卷一

五

仲尼本周流忽發歸與嘆意在就六經匪爲思鄉串嗟
我老無聞託興遊汗漫邈想古通人反側常宵半秣陵
一君子少小登道岸著作規典謨不論秦與漢嗜學自
性成義易旦夕翫近得從之談恍上天中觀詩書數千
載立語窮真屬欣然遂忘家何知有歲晏

晨起臨北窻連陰未朗徹昔出桃李花今看霜雪結爆
竹頻有聞天涯近除節而我客南都心跡俱寂滅外戶
常反扃四壁幽以冽執爨雖一夫饔飧良靡缺晏坐展
圖書祛寒親翹襲時與達人談千古共參折懷抱藉此
恬無刻不歡悅回首風塵人遲暮空愁絕

玄榜日雨雪義御如潛匿庭樹淒以摧朔風吹不息晨
起擁孤衾咄嗟已昏黑遂徑絕來踪咏歌寫胸臆緬想
丈人徒享勤甘自力貧老榮啟期拾穗意亦得嗟余獨
何人無事坐安食時與同心朋一杯論稼穡

寄心集卷之一終

寄心集

卷一

六

寄心集卷之二

勵志二篇

清寧上下園運無端人生一世聞道實難名高利厚於
性匪關戰勝而肥碩人之寬野芳雖茂孰與芝蘭沉檀
雖馥孰與奇楠名利雖盛孰與道安矯志自勵庶以歸
完

天地萬物伊誰實靈三綱四國責在一身胡能自逸切
琢兢兢內外純一章服有經心源凝謚情性和平家國
天下孰不我程慙余懶放曷克有成鳴鳩淇澳示我德
音夙夜三復羹牆淑人

寄心集

卷二

洗心訓示三山諸生

人心最妙樂樂熙熙云胡逐物不能自持貨色所引如
醉如癡名位多惑得失欣悲遭時弗偶長苦寒饑感傷
轉迫愛或別離日構日閭汚穢匪治平惟彼江漢可以
濯之濯之若何在知止足足恬淡方寸無欲不見可
欲孰亂衷曲素位適志言行金玉面垢則盥身浣則浴
忍使厥心任其暴狴凡我同盟夙夜共勗

尚行訓示漳中諸生

春秋云季經術未明刪削六籍永示宗盟諸子從之諄
諄求仁求仁伊何四海弟兄欲立欲達天地同情有志

未逮宵敦躬行猗與盛哉我儀我刑奈何後世不篤厥
真師務招來外博虛名徒之伏謂冀附微榮德義不淑
誆誆羣鳴自省屋漏能無媿心行之濁矣言之彌清身
之邪也辨之彌精覲顏嘆息嗟憫後生罔已欺人罪戾
匪輕聞然發憤惟我賢英行有枝葉天下治平

北征道中四篇

翩翩五兩載發載遠沙灘壘壘溪流反反臨此劍津伊
思塞死我有所懷遙展嫵婉欲往薊門訪戚總理秋風拂拂揚柳
淒淒商羊爲虐樹杪棲泥四野蕭颯幾乏遺黎羈人夜
泊蟋蟀宵啼

寄心集

卷二

上

四望茫茫原隰膺膺亂江涉淮云戾徐土我授我衣復
越齊魯家鮮擔儲憂我父母

大邊鳴鴈行列麗麗音誰伊誰云從實維我師我師元老
壯志不萎過古戰場睽睽嗟思我師俞處江

古北口撫夷

中孚若豚魚忠信行蠻貊夷狄雖犬羊正直亦可格三
衛本羈縻藉以藩外賊國制有成謨撫賞明恩澤敗
類實貪人腴削及金帛去歲戎生心路將死厥職我來
正劬勦事事依矩則恩敷威乃張黠虜消反側邊境息
烽烟農人安稼穡控馭復機宜何必多斬馘

答漢莊父老

灤河驅馬去父老來別離嘆息復嘆息殷勤重致詞妻
孀成具錦哆侈成南箕小人始弗信今乃見于斯彼人
何固極斂怨以爲德身都節鉞場販鬻恣饕索側媚有
推遷執法罹罪戾詎意摧我公一旦歸鄉國憶昔公未
來邊疆慘盜賊公至礫其魁處處得安宅外戶常不閉
禾黍積阡陌今公棄我歸勢必滋暴客離亂不聊生駢
首就溝澤彼人者何人誰爲續巷伯語訖且流涕四野
愁雲曰余乃慰父老未須出怨言會當賢者代縛賊如
雞豚我本一脆士奮身在塞垣北堂有老母日夕思鄉

寄心集

卷二

三

歸自薊門

園今得歸終養深感彼人恩惟茲懷雅意永歲詎能緩
十年走邊鄙仗劍今來歸族姓多不辨相顧但依依閭
閻日已侈生計日已非竟我同袍士落落晨星稀所以
古人心惜別常沾衣

園居三篇

郊居近十年未嘗一出戶慶吊都不行寧免人憎妬憎
妬可奈何聊得守恬素種竹忽成林夾徑羅芳樹春至
聽黃鸝秋來警白露時時釀斗酒雞黍款親故以茲久
逍遙浮名奚足數

澤雉飛且鳴翩翩在林木飲啄豈不艱不願樊中宿
人有微好託志依山麓眼見四時花不必陶潛菊呼童
力耕種頗足代微祿匪懼饑寒侵惟恐歲月速昨聞相
國家一旦就顛覆

早歲誤談兵偶爲譚譚俞識祇役在薊門十載棄厥職
刀劍換犢牛灌園蔬可食親朋時往來濁酒話耕植乃
有羔鴈臨鑿垓屢藏匿行年五十餘知非魏不德諷誦
遠氏言勗勵良翼翼

辭許撫臺聘命

卜築避人喧入林久滅迹幕府采虛聲干旄偶相索尺
寄心集 卷二 四

素已力辭重來意轉迫親知胥勸勉寸衷誰復白不見
薊門時旦夕脩矛戟振杆在邊陲當路反乖逆所以掛
冠來陶情寄數澤連斤固無能何從得郢質

辭金撫臺聘命

翻經寓禪林落花白晝靜忽有中堅來口稱臺撫聘卒
迫無所逃遂以荷衣進長揖籌邊堂戰守頻相訊自言
山林久況有犬馬病時事百不知何以答明命遂巡復
出門移居變名姓我本慕孫登優悠長嘯咏自處腹背
毛那與六翮競

題焦弱侯雞籠山館圖

雷次宗開館於此齊高帝就之受書梁竟陵王
子良於此集四部要畧

雞籠鬼弑大江之許懿彼六朝兩士楚楚並抱遐心後
先宅土世之遙矣莫知處所爰有通人裴回其下音聊
以丹青用代堂宇齊月梁雲死然在戶上寓意一圖洞
視千古誰來班荆日共嘯舞

九華山吊費冠卿

吾愛費拾遺隱居不肯仕于祿爲親存親沒可以止身
臥天臺雲目翫長江水逍遙鹿豕遊奉詔終不起悠悠
千載名高與華山比余來覓荒墳微情偶相似嘆息懷

寄心集

卷二

五

伊人巖前獨徙倚

白鹿洞追懷林培之

昔在羅浮日數數談匡廬爲言白鹿洞洞傍地有餘擬
結一精舍與我同讀書所懷尚未遂修文倏已徂今我
獨來此感嘆意躊躇幽亭吞綠野碧障影清渠同人既
已逝誰共歲寒居五岳興方劇去去仍脂車

開先寺偈示慧空悟初二僧

慧是何物空是何名空則性見慧即心明非遠非近孰
粗孰精此是爾初悟之佛成匪煩外覓至道平平

過黃州赤壁

當年壬戌遊慷慨悲曹叟我今過黃州蘇子亦奚有
業與風流旦夕那能久天地且浮雲何言三不朽

石佛寺一絕

石巖現千佛大小殊形相清晨入攝山彷彿西天上
佛相良可鑒佛心不可見一片白粼粼古今竟維練

病

夏末思足湯秋來勢轉盛擁被不下床自遣頻歌咏足
本身之枝形當受神令吾意欲遊行吾足故生病一體
無奈何何況於子姓委形委蛻言詎不稱達命

病中思遊

奇心集

卷二

六

士有四方志始生則縣賦周易戒闕觀賢哲多江湖余
晚託方外一瓢長自娛奚今至宛水瘡癰交相瘡秋風
吹鳴鴈蟋蟀鳴堂隅不惜霜露冷但惜歲月徂四海有
名山云胡坐株拘宦者何以衆遊者何以孤山川淡無
味鴻鴈不可呼

自贊小像

眼方顴竦頸短額長少小談道四徇六狂壯歲投筆乃
任邊疆弗久棄官退歸江鄉內之不能揚祖德外之不
能謝勳光古稱三立一何涼涼晚遊五岳山水徜徉一
餘得家死歸懷藏舉人間之嗜好無一染吾之衷腸言

貌可寫吾志莫彰怡然與侶太古義皇

渡江

渡江看夕暉舟小輕於葉飛浪打船頭蕩搖如簸篋欲
往伊洛遊壯心託長缺何處無風波神閒自安涉

遊醉翁亭

翁醉幾回醉空庭刺老梅那知千載後復有酒人來古
人廸小子厥惟土物愛真樂播民和山水或匪在風流
六一翁漫作此亭記吾愛嘗藥篇直發春秋意

觀少林寺達磨面壁處

西來丁斤未款以傳秘密五葉得曹溪不枉長面壁亦

奇心集

卷二

七

有苦

二

遊贊

古多隱士實鮮遊人隱道易足遊道難掄輪跡月杳黃
里比鄰苟簡不貸逍遙乃真決絕流遁智德邁倫都忘
順逆滿地皆春當時有賤百世無臣一丘一壑匏繫弗
神懿彼莊氏德音載陳誰言相後道與之親

奇心集

卷二

奇心集卷之三

感古

吾愛楚昭灼知帝命赤雲鳥飛順受厥正河非獲罪越祀低佞旦暮死生天衷允定曷畔曷援寧居以聽視履率常我也爲政內省而慙奚禱且榮弗裡夏相衛亦有甯汾神參星君身匪應起居男女恒若生病子產博聞楊摧斯令末享黃熊鄭風不競

其二

龜之與著聖人所制開物前民因貳以濟式繼詢諱使知敬

卷三

兆焦二孤二如二厥有楚惠黃裳險占奔敗可計僕句僭得曷是昭瑞所以達人不煩卜筮

其三

楚莊入陳爲靈討賊戎首孔儀云胡不殛相服宜淫孰此罪惠洩治何辜忠言室塞是之弗磔罔昭悲救子蠻之妹尤物善惑殛於通衢孽妖斯息留貽巫臣竊逃異域竟通勾吳奔命日逼越及昭王遂大喪國蚡冒若敖幾餒弗食哀哉禍水流殃靡極誰謂婦柔糾如綴纆察若日星可使昏黑蠱厥心志剪厥羽翼溺墜深淵拯之罔得我思成湯弗邇聲色

其四

昔人事主彌礪厥心豈無過動終不媿人先軫慢嚙鬻拳兵臨晉楚優容雅善德音箕後致命伯官自刑英魂義烈照耀古今嘖有物議奚損堅金去之千古肅肅我欽

其五

父之與君倫均恩獨去疾處此進退維毒令尹不能王爲三哭與殺吾父死生奚贖竊負而逃訢然二惟云洩命君子所淑或早捐生父猶可出一生一死孰愈駢戮

三

二

君臣道合魚水相須廼屢用違隱身而徂魯子家鴈鴨鵠同踈諄諄藐藐振杆是劬亡爲社稷義與二越都私昵則娛嗚呼晏氏其言匪迂

其七

楚昭反國說反屠羊犒師存鄭弦高實商居處界賤陳義匪常誰謂草澤而乏貞良嗟嗟貴仕名利膏肓視彼二子冥鴻天翔

其八

昔有嫠婦圖報夫讐紡焉以度登陴而譚夜濟齊誦紀

郭虔劉鎮鄒匪慘所志竟酬謂魯莊覲顏事仇

其九

趙文之妻實惟姬氏謂盾為不抑厥三子親讓叔隗無以有已同括樓嬰果蹈傾圯施及武鞅克昌厥祉懿哉斯人后妃德只

其十

婦人謀及身即於刑亦有謀告事因以成雍妻全父慶女賊親均之長舌厲毒難任易有家人厥利不

其十一

魯有一侯唁使無死其誰實來夙

心集 卷三

沙衛心君命祗辱曷禮於士扶傷

而亡懦者興起安得若人砥此頽靡

其十二

衛靈誕生命自康叔亦有楚平當壁叶祝乃若之人宜如何淑君卒不君國脉斯感決決齊桓不聞兆卜一出而霸四海悅服仁義德音君子自祿是之弗修瑞異祗

其十三

大夫立嫡周魯之綱無嫡以長國有典常云胡武仲欲亂舊章取媚季武成欲稱狂潔樽旅獻遽易大行二

既定已則奔防幾廢二致蔡傍徨竟列盟首惡名莫忘事不恕施智也曷減孰與申豐飛鳥翱翔

其十四

好惡有衷報施以則度我匪精鮮不為忒維楚靈王民之殘賊迫辱乾谿求死不得申亥胡為僕區是力父直能容感恩靡極二女徒殉臨穴孔惻逆天違人庸答私德以小害大曷云能式

其十五

楚其將歿求厲若靈宋元遺命編柎示刑君也知過臣也守一下一而下一印一也一孰與迷復至死弗醒

卷三

卷三

四

楚昭達理曷罹喪殃股肱讒慝令尹子常賊害鄧宛奪民之良蔡以裘佩唐以驪驥三年淹恤寵賂莫言一作舉戰敗於鄭遁藏蓋磔其體曷谷其肱斯人逃罪國亂紀綱所貴哲后區別奸良瓦也是用何怪奔亡

其十七

吳師入郢楚子奔隨孰任靖難子西子期美哉二子忠智兼資或保脾洩或代王危中興若敷籌策匪遺乃召白公庸作藩籬禍緣救鄭蒙袂而尸謂勝如卵余翼長斯令尹司馬非此其誰厲劍弗悟氓之蚩蚩葉公有一

如何勿遠料夫差謂無能為近蔽乳豎伊戚自貽豈
其天命抑愛而誠知人則哲君子孜孜

其十八

木之子罕不貪為心人獻人玉吾守吾琛利之靡溺物
其能侵寶各不喪昭哉德音嗚呼天王求車求金

其十九

魏有農夫耕獲美璧以示其鄰誑謂怪石歸置廡下光
照一室疑是怪徵棄諸遠陌夫苟弗知至寶輕耶世多
若人賢聖滅迹

其二十

齊心集

卷三

五

子期門覺有深悲召而問諸母子此離殺人者死父
怨匪追母輸官釀三年於斯量所以贖貧莫為貲身又
公役曷遂我私悠悠長夜痛結肝脾心固非臂臂非木
椎悲存乎心木石應之奈何一氣形隔而虧忿生衷隱
漸至交夷有親靡孝有子弗慈呼吸喘息不相吹招
讒維本召弑實基明明恩紀忍底淪淪側聞是事如何
勿思

其二十一

楚申子培奪王隨兇冒代不祥三月獲死誰其徵之厥
有故史其弟請賞王亟發視亡身殉君穆行乃爾胡今

之臣徒知有已

其二十二

前古有聖後世之師後世有聖前古之資維楚文王申
侯是悅當身放違早絕佞孽耿耿莫諱矯以義禮錫
之爵寧其忤已彼恐將來有達者生非我用舍喪厥令
名奔走實力預為之更大哉聖哲默運法程

其二十三

用兵之道慙先治心執榼攝飲踞轉鼓琴整而後將
斯能任方寸一亂米炭交侵若用以戰遺敵之禽

其二十四

齊心集

卷三

六

漢宦良質不敢薦揚帝賢問之其言有章生自草茅長
於宮掖士戚士否臣何由獲缺因景監識者心驚今所
推轂伊辱匪榮夫有斯言雞羣鶴聲

其二十五

惡莫若驕德莫若讓冬日成季萬民之望一讓樂技遂
及先胥先軫再讓孤偃三讓且居讓不失義謙謙樂只
社稷有衛伯業鬱起誰其嗣之曰范武子掩人於朝折
筭以惠代帥不敢知免於忌光輔五君神人不貳嗟嗟
三郤宗胡勿墜

其二十六

大原郝子名貧而不憂無衣無食澹然罔求過飯其姊
置錢默酬渴飲井水一文必投世且議之謂爲矯揉安
得斯人永清墨流

其二十七

恒欲伐衛請罪者妃釋而不伐仲父則疑容貌音聲行
步氣志公雖不言臣妾已伺誠真必形心於何避所以
慎獨惓惓故記

其二十八

古之大雅剛柔迭居伊誰實似閻氏相如秦王鼓缶廉
頗避車挺挺其勁揖揖其虛展轉變化一龍一魚去之
寄心集 卷三 七
千載天風若初每飯緬想擊節歛歛云胡鄒士強吐弱
如於私則急於國則疎

其二十九

矯矯巖頭松鬱鬱霜雪翠四顧絕女蘿枝葉無纖瘁婚
娶坐拘牽仕宦增憂悵劉氏歆與許昭哉鳳麟瑞留連
山水遊履險窮幽遂朱霞曰鶴論月旦誠不愧臭味既
已投齊驩曠千歲

其三十

鳳凰不苟棲丹穴高翔翮亦不苟啄食竹實垂琅琅南
陽二顧重一出伐劉璋八以玉帛還我以干戈戢戢

宴賓客登堂恣殺傷鼎足雖可立德義何其荒披髮入
山誓孫氏詎能忘無以服吳魏六出空勞徭

其三十一

東漢當季世否困成糾纏儉德猶慮及况乃相標驚哀
哀范孟博母訣徒潛然爲惡非所安爲善亦不鮮虛聲
旣已耀實福應無年千載聞此語惻愴還堪憐無乃昧
隨時孽匪降自天嗟哉北風咏攜手何其賢

其三十二

吾愛郭林宗周流有深意所至成英才簡拔多異類茅
容俗所昇黃允時所器進退在一言他日頓軒輊朗鑒
寄心集 卷三 八

旣絕倫玩世亦貞遠千古不同遊精神在夢寐

其三十三

郭翻讓田庾詵讓米嗟彼凶頑弗顧人理犯而不爭達
七素履道固匪中貪各風起百代悠悠高山仰止

先天圖咏

靜默觀宇宙疇能外陰陽陰陽兩復兩六位燦成章乾
一至坤八次序儼天行卦名六十四理道無餘藏纖毫
非智力意示何鏘鏘小以該人事大以包玄黃三代互
有述位置乃殊方譬彼百丈錦剪裁各縫裳宣尼贊文
周漢晉師鄭王爭論卦爻下誰咨圖象上下先天自然

易遺棄日月長余少偶微悟夢寐思義皇落落莫可語
旦夕自慨慷

誦詩咏

舉世慕盛唐吾獨好三百委婉極人情從容寫道德歡
歌頻起舞注想或玄默草木有天機鳥獸昭物則古人
博且精比興豈偶得流連光景篇刻意空頭白

毛詩古音攷咏

茂樹數十丈秋來葉自零黃鶯鳴出谷春去聲亦停著
書雖絕妙違世空沉冥所以楊雄氏皓首大玄經毛詩
本古韻自少聞趨庭晚逢焦太史印可豁心靈稽援慙

寄心集

卷三

九

寡陋孤唱誰當聽寂寞篋笥寸衷曾不悔匪爲一時
言冀以俟千載

讀長慶集

上古稱鮑管唐時有白元篇章相唱答字字據心源何
但交游好真同骨肉恩離多合常少萬里恨含冤花柳
頻相憶秋風夢寐繁江天來去鴈滄浦對荆門解后夷
陵道留連三及昏徘徊看麗句嘯舞對清樽晚及東西
越詩筒數寄存悠悠兩訣別衣袂濕啼痕著述思風雅
交情托蕙蓀倏然聞遠計腸斷更難論世豈無朋舊初
終視冷溫知音那易得同病實難諉長慶餘遺緒

天際騫新詞勒琬琰高誼照乾坤嘆息慕儔侶展書神
欲奔胡然獨孤立出入自荒村

過荆山卞和洞

在懷遠縣

卞和識高卒災兩足知而不眩曷榮曷辱吾慕至人衣
褐懷玉卞和言於何能告

音谷

寄心集卷之三終

寄心集

卷三

十

寄心集卷之四

夾溝道

夜過夾溝驛十里馳車聲風急四野黑隸從呼前程道
旁四五屋起視且復驚男人秉炬盡婦女挾燈行自嗟
早太甚枵腹供官征懷中三歲兒棄置啼失聲不忍聞
此語悽悽傷我情

都城唱

都城重清唱安陵與龍陽卷髮以爲髻祔服用作裝青
青一聲柳滿座生容光豈獨女善媚男亦能色荒不耕
亦不賈纏錦盈青箱

寄心集

卷四

官路傍

槐柳官路傍華屋如櫛比鳥革及翬飛丹青光照地懸
額俱生祠各有豐碑記就碑讀其詞嘆息美且異德政
頓若斯豈讓漢循吏父老笑而言官府自營置

出都門

驅車出都門郊垌行復往望見馬鬣封云是貴人墓樵
蘇不敢前更有碑碣樹功業掩蕭曹謀斷薄房杜睨縷
千百言實錄無片句內以感耳孫外以欺愚婦操筆者
何人媿詞曾不顧

驛昇夫

衙驛有昇夫仰天長嘆息嘆息亦奚爲符傳何太棘朝

餓走送迎日落忽昏黑昏黑復奔馳足繭肩肉蝕驛吏
罵且苦使客怒作色典衣雇兼人庶以免罪慙夜半見
明星行行嗟罔極星亦有五車不可以輪軾星亦有匏
瓜不可以烹食泣對妻子言終當死路側實本上無節
非關隸弗力踟躕何所思江陵張相國

長安道

賣卜長安道槐旆何翩翩風霜摧廣柳衣劔引游魂來
往通相續驛夫滋怨言借問路傍客生前官品尊宦成
不肯去就木還鄉園憂爲妻子地藉口戀君恩形氣有

寄心集

卷四

詩盡豪華寧久存桑榆不顧影匍匐猶宵奔慶者未出
戶弔者先在門終歸北邙上松柏相朝昏鞠躬死乃已
魚水可同論

江漢行

江漢二千里征輪節節深估人貧到骨灑淚赤沾襟曠
野無青草陰風動綠林普天財不乏否泰視民心

述史嘆

無財有至樂豈不在讀書朝夕坐展卷何必論三餘無
位有大權豈不在作史上下古今間褒貶由一已左氏
本彬彬馬班亦繼起文采燁以光直筆垂千紀云胡魏

晉來祗以飾怒喜所惡西施娘所好無鹽美鑒別昧人
倫傳聞憑口耳掘井得一人渡河乃三豕編簡雖浩繁
君子意所鄙

感物三篇

蘭生深谷馥馥其英鶯鳴幽樹嚶嚶其聲雖莫聞見物
動天真人胡弗類飾貌匿情始或刻意終則敗名鄉閭
懶濁守官彌清束脩於家改變於廷伸節昭昭情行冥
冥展轉作偽弗畏倉人實觀之矧在鬼神

曠野觀禽鳥谷風習習流雄皆領其雌飛鳴似好速彼
獨何人斯男女顛剛柔奉妻如奉帝窘束難自由舉火

寄心集

卷四

三

悅褒姒赫赫滅宗周近世二三士聲名遍遐陬文章與
學術自許邁前修畏內良太甚春陽閉重秋丈夫意氣
盡退省知包羞

魚游於水鷹飛於天鷹下掠魚登魚之愆魚可克饑鷹
胡不然名利爭端何怪墮顛

堪輿解

貴人在草廬父祖或無食不知何從生倏爾登槐棘貨
財既贖足願望遂靡極篤信風水言潛求如弗克山岡
偏搜討匪吝千金直得之歡若狂少選復惶惑堪輿崇
蚩氓奴隸罔知識奉之同蓍龜化權資其力僑胥開纂

端子弟相戕賊產業轉豪強窮阨罹罪惡欲爲千載謀
何如速樹德不見咸陽城周秦都共域八百自延長二
世已滅息以國來喻家此理非難測余心雖獨悟難以
曉頽風上古誰同然涑水司馬公

尅擇解

乾行自流轉盤古至於斯中天欲治曆作意起于支干
支六十備紀事成綱維上可昭一統下可授農時聖人
大妙用後世疇能移試舉以問天甲癸天不知先王戎
與祀往往卜其期戎者修甲冑祀者具牲犧實因明敬
戎吉凶寧在茲奈何術數流生尅妄支離致令高明士

寄心集

卷四

四

迷惑同愚癡匪信有天命專任尅擇爲舉動不敢騁每
事必先咨胡不驗厥後冥冥良足嗤墳屋必擇日世豈
皆華滋婚嫁必擇日世豈乏鰥嫠應試必擇日少雄而
多雌出行必擇日一偶或一奇梁元帝名篤拘忌淪胥罔
子遺宋祖絕弗屑三百開昌基以大來喻小可以解狐
疑余心雖獨悟難以語當世上古誰同然沈公明且慧

唐沈

祈禱解

維天無私厥命於穆登以禱祈顛其禍福暗室善惡鬼
神灼知殃慶之來孰能逃斯凶咎既積悔悟方新出王

游衍帝鑒已，真鳥用牲帛。稠疊鋪陳，將無魍魎。嗟笑
人人，頗正直。匪通關節，明威赫赫。詎可漬襲，瓊華穠
穠。竈饒舌子，產執言。既明且哲。

進香解

齊雲眾道士，列坐天門。傍遙望進香客，問客來何方。氏
族既已辦，爭請入門。牆贈送計厚，薄欸待分。炎涼九華
僧，亦似終年為客。忙客本微，冥利重之。鼓笙簫遠，近諸
男婦奔走。胥若狂，不期名勝地。翻成駟，僧場我本來遊
山不蕪。一炷香，僧道請具疏，為延福祚。長我乃峻拒之
形色，反蒼黃。豈知凶與吉，由人自主。張惡即為地獄善
寄心集 卷四 五
即為天堂。方寸苟瞞昧，懺悔何能償。世人信不及，祈請
頻周章。

畫山水

葉公好畫龍，龍至却駭走。今好繪山水，無乃罹此咎。
高山鬱我，我仰之思德。友深水淵澄澄，盪盪之去心垢。精
神一孚契，歡暢忘年。耆區區筆墨圖，何足論臧否。世人
購且求，不啻若瓊玖。真者臨當前，意味滋弗厚。虛售實
匪售，宇宙來已久。

進酒

人生若石火，焉能待河清。有酒且相樂，奚用後世名。

蟬最局促，歲暮聊歡。情位高憂重，末路常恒。驚昔日
王侯宅，閉門芳草積。亦有丞相墳，風吹無松柏。

評酒

飲酒誠宴樂，所病在濡首。湛湛露斯，篇儀德貴。兼有賓
筵著戒訓，傴舞衛羣醜。劉阮雖達生，沉飲誇石斗。情志
頗昏迷，威容亦匪茂。明保在慎言，何必藉醇酎。君子酌
其衷，所以遠凶咎。佳哉惡言人，醒眼觀宇宙。

慨交

古人重擇交，德義契滋厚。區區勢利間，欸忽那能久。可
欲迫當朝，棄置同敝帚。鬼蜮難測知，報德或戎首。嗟從
寄心集 卷四 六
管鮑來天地，曾幾偶。所以東臯子，至死無朋友。

經學嘆

孔成六籍，理道淵幽。精而熟之，聖訓斯周。胡抱厥一童
卵，曰頭餘。即涉獵未嘗繹，細奇字罔識。妙義奚求，唐聲
是效。漢雋是鳩，雜以內典。趾高意浮，標華掇藻。羣目清
流，經且弗讀。傳註曷收，亦有迂腐章句。為譬授以政事
莫展一籌，所業里異亡羊。則倅

談道嘆

道本無不在，領畧憑心竅。无筌與稊稗，可以探玄妙。
下上愈真，即粗精愈耀。辭受取與聞，至人常儉。照察之

妄分別所以昧樞要安得添園翁與之日叫囂

寄心集卷之四終

卷四

七

寄心集卷之五

同家兄夜酌

念昔少年日挾策同燈光中歲偶易業走馬馳燕疆直道竟難合捲甲歸江鄉門巷尚依然老母幸稍康李公豈不偉數奇罹悲傷我本慕沮溺耦耕薄遑遑從容對斗酒痛飲戀春陽

隱園勸內

人生疇百歲今爾忽五旬縱有古稀壽僅餘二十春念爾初入戶糠粃恒艱辛舅姑事已倏兒女頗成人產業良弗腆衣食庶周身冀妻饁畎畝梁婦越江津今爲棲

寄心集

卷五

隱地恬適得吾真嘉蔬薄魚肉時果宜鮮新相將且相樂琴瑟日在陳

悼亡子祖發三篇

祖發余次子也頗有童鳥之態十八而殤悲夫

天道不可測之子乃云殤神駒蹶初服桂樹凋秋霜日月忽流邁惻愴滋內傷安能忘情慮臨風以徜徉愁人怯秋色西風蟋蟀寒霏霏黃葉墮觸此長恨端有作滿篋笥不忍復披看如何東門吳歎忽能自寬山川結重陰風雨成秋霖夜長不能寐垂涕沾衣衾寂寥孤鴈唳蕭索寒虫吟賴有蒙莊子庶以開余心

懷又山家兄三篇

戊戌余遊粵庚子家兄北上及余歸家兄尚留京師一別五年懷不能已

燕雀昔南去鴻鴈亦北翔光陰迅流邁居處各異鄉少小受書日螢火共一囊晚過林泉下荆花對清觴如何久離別五載不相將幾處臨流水欲濟無舟梁春風鬱懷思涕淚沾衣裳

涕淚亦何爲傷我離居情昔如連理枝今如泛浮萍居者歌陟岡行者咏鵲鴿袖中懷片楮欲寄愁無因別來髮已白攬鏡思燕京羈旅風霜地能無老瘦生

老瘦定何如骨肉今萬里饑寒當誰各吾慙司馬氏薄

寄心集

卷五

二

遊戀一官知命可以止肉食奚足珍覆食奚足恥無忝我所生其旋視素履

嗟思詩六篇

嗟思我祖少起赤貧辛勤匪解夙夜烝烝維丈夫子實有五人殖財以義出納允均置田一頃建屋六楹眉壽及耄靡日自寧鄉評推重邑延嘉賓我祖之德後嗣宜則偷兒盜釀避而弗迫室家之外罔有聲色

嗟思祖妣宋宗室後世與吾宗相爲締構我祖食貧力克佐之調停有法一錢不私敏見事幾禮諱凶慶親戚婚喪胥來質正五兒有室艾耄夷猶家婦最孝百爾不

憂叙述古今教訓孫子秩秩雅言今猶在耳

嗟思我父祖之家子粵共艱難耽悅書史少履庠序才志曄然時哉弗偶竟爾淪遺財輕義重本自天質貧而樂飲歌以永日祖所田屋父實先勞推諸弟篤保怡和二子業儒課之交傲自規踈頑竊祿遷境南山飄風簷郭及永王事孔殷墨衰悵憬我父之德後嗣宜則大斗以出小斗以入老奉祖妣周旋竭力絕無誑言神鑒正直

嗟思我母婉婉淑柔曰女曰婦儀則孔脩曰姑曰主愷惠孔流靡事不飭靡人不周母姓維楊姊妹姑姪穆穆

寄心集

卷五

三

雍雍胥母是式來歸我氏及父德行音杭族黨間里慕倣淑臧忍饑忍寒推解有濟聞有道殫嘆息流涕竊祿門母亦一至隨返故廬教誨悉備長兒在侍念季在邊我征事至色笑欣然擬終甘旨一載遽捐父壽七一母壽七五遺此殘軀徒忝厥武

嗟思我兄其儀匪忒絕智去欺神情洞直少年夜讀一几一燈如臨師傳如對友朋兄默我言兄靜我躁四方有聞歸以相告父母鍾愛實維在兄百事奉命承意而行弟往薊邊兄時里處兄宦江右弟遊吳楚彼此相過樂飲維醕誰期白下倏聽訃音奔走扶輿安厝故林理

道互証居食共財胡令踽踽林杜興哀

嗟思我妻德音善事嫵婉柔克傲姑思齊始來儷余甘
貧茹苦孝敬維殷慰我父母宜於姒妙推及儔伍雍雍
穆穆終身不忤風通大義旁涉書史以道勗夫以嚴訓
子余偶在事日惟御芻迫余宦敗色喜而趨嫁不忘親
惠周諸姪舅姑之喪慘感維疾及自抱疴怡然以卒殆
類達士生死朝夕昨過春池淚下沾臆中有獨鴛嘯其
偶匹

誠子二篇

王悲墜屢婦哭亡簪豈翳物戀故不去心昆從枝葉庇
寄心集 卷五 四

我根本弗誨弗親分義日遠嗟嗟小子忍爾性情立德
彌厚見道彌精匪藏匪宿君子攸行

子事父母匪在形聲察其志欲先以爲迎所愛所惡內
則有程剛斷以義毋昵私情

貧富解示子姪

原憲守阨窮子貢專貨殖菽水或不克與馬叨文飾貧
甚累其身富過潘厥德屹屹百年內何可愁衣食多財
應濟人錢虜亦奚益豐約有無間達士戒其極

用物訓示子姪

伎麗苦窳醜則堅牢華玉易碎金鐵難熬先民之言可

味可操凡百用器勢非獲已我儀圖之給求則止乃者
夸毗物必致精侈靡相尚廣志蕩情敝車驚馬齊有晏
嬰惠及三族軼軼令名

旅中口占二首

晚作方外遊胸中無一事昨日付家書平安兩大字
五月旗子歸問我有書否兩字憑爾傳平安大如斗

述遊詩寄兒祖念

汝父拙且癡少小慕千古白首竟無成壯志猶未阻累
糧及四方冀以覲儀矩飄飄萬里行程獨行良踽踽維是
石頭城間氣生申甫申甫今誰氏彬彬舊太史旦夕杯

寄心集

卷五

五

酒親言言豁心腑我迷必我開我顛必我輔上交誼等
陳雷與旨發鄒魯庶幾少有聞慰此平生苦聚樂自優
悠何處非吾土汝可甘薺鹽無缺我資斧不必屢憂思
望雲頻陟岵

像戒詩寄兒祖念并諸親友

梁鴻終會稽堯夫老洛陽生卒異厥處達人何慨慷我
本遊汗漫野鶴共翱翔今年六十九鬢髮同秋霜久拚
厭世日隨地爲坎藏烟雲開嬰旄星月懸燈光形骸雖
壘塊神氣任徜徉慎勿泥世俗啟土攜歸鄉生既耽五
嶽死豈戀一方攜歸失我意泉下慘悲傷此心常耿耿

鑒之有穹蒼作詩先寄示小子永毋忘

寄心集卷之五終

寄心集

卷五

六

寄心集卷之六

磁彌勒佛高僅三寸常置几案有咏

四肢非我有萬劫總塵埃禍福如糾纏茫茫自去來智者竭籌畫一日念千迴愚者俱弗慮得失亦沿洄吾愛彌勒佛嘻嘻笑口開無言作師友袒腹絕嫌猜

謁俞虛江先師墳

宇內渺一身微塵在高閣風吹巧相逢聖智何能度相逢復相離踪跡兩寂寞所志竟未酬秋蓬任飄泊壯歲處江海都護來聘余一言魚水合延致學兵書從遊抵京都慨然投筆起執戟扞衝邊勲庸謂此始椽削媚食

寄心集

卷六

人義烈風所恥都護返泉室余亦歸敝廬爰絮謁荒墳往來徒欷歔立德本吾師感恩兼慈父九原深幾許會面嗟無路曩有所遺緘滕藏在中篋歲月時一展字跡鮮平不滅

三山感舊

我友六七子意氣元相親時時盃酒集叱咤生風塵矢言托皓首青山共結鄰嗟余遠行役歸來十二春殷勤覓夙奸踪跡何沉淪病者不出戶死者徒沾巾郭復溫經滯寶序趙生忠卿棄業羣編民林生中有林叔子國卿采菊漁溪濱閉門作移文偶耕絕問津經年不

相見何況越與秦如蘭精舍地夜雨滋荆榛人生顧如此感嘆長酸辛

舊時讀書處
名久謝精舍

追思故友陳道通

行瞻山上樹枝葉半榮枯如彼同心友存亡各異途生者日以老逝者日以徂豈乏談笑契膠漆疇相孚憶子少年日讀書居草廬深心在道義合志協笙琴何期獨早夭兼以絕妻孥夢寐有時晤杯酒難共娛春風羨黃鳥秋夜怨蟪蛄爾在九泉下能知此意無

蘭溪道中懷林大捷

兩岸山峻峻中瀉一泓碧細雨落梅花寂寥滄洲夕布

寄心集

卷六

二

蓬帆北風擁衾足瘳瘳越鳥戀南枝君子悲行役蘭溪酒可沽懷人情脉脉

清源小雲關刻石

萬曆甲戌春三月余從先師俞虛江遊清源辛

丑秋再至以鐵如意擊石吟曰

重來三十年感嘆遊非昨空餘夢寐存九原詎可作徘徊石刻前淚灑秋風落

俞師舊有
紀遊石刻

南臺刻石

萬曆辛丑秋余同宛陵沈有容溫陵王鏊遊南

臺二君下山余獨留經月漫題

探奇不憚遙五嶽長爲客坐破南臺雲乾坤何日夕

懷董崇相博士

別離已三載秋風葉又稀中夜起相憶白露生庭幃瑤音無一字空有鴻鴈飛眷言禺山下促膝情依依聞向金陵去官閒願不違六代繁華地無能緇素衣

宿歐陽洞約何稚孝不至

唐人讀書處歐陽唐古木猶參天髣髴帷燈在祥光生紫烟洞門見新月娟娟清且妍城郭儼鯉魚乘流躍前川斯文今獨盛肇始何其賢當身雖坎壈徽音耿千年美人遲不至徒倚未能眠

寄心集

卷六

三

贈同安張秀才

梅寺偶棲遲逢君乃同調少讀古人書怡然契真要燮燮義何高築場事已省淑行足匡時奚必居廊廟至道本無言莫逆惟一笑浮踪聚復離飄蓬難自料獨有鴻濛心萬里猶相照

張嘗焚券爲母祈壽又
學博物故經營其說

送崇相北上課績

去歲聞來就君白下我誨我儀奕奕大雅青陽載轉朱明兆夏匪忍索離敢云繫馬茲當奏績言別江潯驅車旣北汎舟亦南世途阻險至人陸沉相去日遠歧懷德音薊門魚鴈慰我遐心

舟次漢陽司理陳儀翔已還東堯懷之

去年居白下贈處叙離愁今過漢江口聞君返故丘一杯不可接空對水雲秋沽酒問山店停船向蓼洲獨遊殊寡韻黃鶴悵高樓

哭徐振東吏部

諱大用鎮江人

交道良獨難死生何瞬息之子新相知縷縷如舊識春仲訪山房劇談披悃悃飛鴉集滿林歸去路昏黑五日計音聞驚惕半惶惑誰知永訣言已在杯酒刻善類遽凋傷天意詎可測悠悠皓首期永別奚太棘開篋見遺書惻愴淚沾臆

寄心集

卷六

四

答圓通寺牛上人

爾自好居山留我共株守促膝終日談此意亦云厚不念曹溪傳只在除心垢蒲團苦拘身心性相關否俯仰天地間虛空實不朽能修上乘行一聲獅子吼

謁碧梧潘先師祠

祠宇依南山門對清漳水邁迹自閩陬東越紹遐軌倭奴寇邊海保甲習民兵五寨恣倡亂一舉遂蕩平薄游判信陽未幾返鄉里直道故忤時百姓咏樂只余曩從車田講德發微指鸞鳴桃李繁多士皆至止何期萍水跡一別三十年重來展堂下正及早春前當時同几席

飄散如風烟趙生國既云歿蘇子高亦已捐楮小難懷大綆短莫汲泉賴有吳張氏

吳學淳張崇仁

繼述開來賢

過溫陵溪口橋讀俞先師碑記

九齡涉此水蒼然吐德音展轉六十載竟克成初心高義豈不烈一諾輕千金我來溪橋上殘碑猶可尋典刑今不見冬日雷前林

傳云趙哀冬日之日也先師有焉故云

橋記附

予年九歲先大大攜往大濠叔祖家經涉此水予問橋何以圯先大夫曰樵夫失火焚而圯予曰俟我長當再造之俾人不病涉曰小子識之他日宜

寄心集

卷六

五

實此言予應唯唯今思先大夫之命幾六十年猶儼然在耳乃捐俸資令堂弟良猷督造閱月竣工庶先大夫地下之心慰也隆慶三年己巳冬十二月右都督俞大猷謹識

病愈述懷四十韻寄弱侯

貨色與美官三者號纏索失足陷其中千尋墮崖壑方寸常牽縈肢體坐纏綴至死未嘗醒何由施救藥哀哉世間人苦海隨飄泊余幸解天弼素性似無著未衰斷閨房少壯甘貧薄亦曾宦前門矢志清沙漠胡虜識懸旌道路瞻行幕隻眼二三公謬許凌雲閣不善事當權

方圓成枿鑿棄置賦歸來循省庶無作結茅依江皋閉
戶專述作百氏類泛觀六經頗咀嚼親朋問字過沽酒
對蔬酌羔鴈時到門託病每堅卻高樹流鶯聲微風振
竹籜但覺青編娛那知白髮落忽起逍遙思翛然去鄉
郭深避貴人招喜踐山僧約東南名勝區十七經杖屨
一劒一短童來往同飛鶴今近古稀年羸倦漸非昨髮
髮如枯蓬猶未損斷齧力尚耐秋風齒得食藜藿三月
宿春糧雅意周關洛詎料及宣州瘡瘍災兩脚坐臥勉
支吾履地脛力弱滛雨側孤衾涼颼生輕箔設几就低
牀讀書兼笑謔夜夜飲旨醞醉歌奚寂寞所恨負初心
寄心集 卷六 六

余作病愈述懷詩見者頗疑因賦解之

貨色人所思美官人所戀野子獨痴愚決驟無敢羨停
停萬仞山炎蒸堆雪散瀑水瀉蒼崖風飛閃雷電攀援
坐其間終歲忘饑倦以此各有癖鳬鵠那能變循性附
所安孰知貴與賤或作春歸鴻或作秋去燕相與游寰

中不必兩相唁

寄南海郡道鳴將軍

道鳴與余皆有兄也別來十年余兄卒於江右

道馭卒於南陽靜言思之悵然有寄

曲江一分手十載秋風寒人生如過隙又別驚摧殘昔

日遊秣陵每與仲昆醉道馭爲戶部郎今我復重來停雲空下

淚逝者沉九泉別者隔萬里獨持一杯酒何處展憂喜

歲晚傷秋杜思君誦隰桑情愛元不薄四海若同堂瓊

山有飛鴈尺素無相忘

寄撫州太守翁子先

寄心集 卷六 七

維歲在丙辰離西翔跂望征帆載載揚東風日邁我

思孔長思之如何鼓瑟酣歌湖東白下別日苦多未見

君子寤寐善我舊客江饒尺書相招余方急難君亦趨

朝垂此良晤訊問寥寥邇聞善政惠洽百姓強禦逡巡

肅肅聽命不吐不如德音日盛鳥之同調亦資叫嘯孰

謂定交而無介紹瑣鄙言爰契心妙予先謂余曰我之知君得自意

言謂言非有介紹也因命二書爲定交書云

再送崇相戶部課績

歲昔在乙巳送君入上京亂流濟扁棹兩岸多鶯聲一

別詎能幾今又送君行濃談殊未盡衷曲還憶魚燕蘭

正雨雪胡爲獨北征旅居半畝宅愁想萬里程紆途登
泰岱吳門望正晴上有無字碑秦漢銘已傾秣陵舊都
地守重隔江城國初宿屯成五衛列藩營自從崩圯
後洲渚坦以平何當存犄角識者爲心驚袖中有短疏
意在扣宸明遠臣旣建白公輔會相成願君且靜默
造物忌取名

讀吳襄惠公集

宦成大司馬留意灌園人襟期一躍洽契適平生親春
風綠野地裘仲許作鄰宵談漏欲盡晨晤日西淪雅性
匙飲酒醉狂獨不嗔時將巨竿進兼爲積醪醇歌嘯頻

寄心集

卷六

相聚久勝機及旬詎知客東粵仙逝返其真那堪屬續
際訊問猶諄諄余遊粵時公病篤兒輩祖念問安公不
能見道問余何時到家兒答不知公云
不後能待哲人萎何幾十見梅花新白門讀遺集彷彿
窺形神文章旣琰琬勲業更嶙峋三朝歷顯仕足不濡
權津翻飛同鳳鳥霜雪老松筠嘆息感時事高賢故絕
倫

懷李皞如

隴頭有分水各自東西流恍似別離人萬里長悠悠別
離已五載判袂江楓秋茲來遊白下憶君在端州玄陰
迫除歲雪色散平疇豈不時夢寐杯酒難重酬持平切

跋望嶺表暮雲夜

遊嵩山留別弱侯先生

余昔病兩足君頻到床前今君足亦病過訪復如然余
遊紀瘴癘中濕宜跼蹐君隱澹園內著書日高眠云胡
遽茲患閉戶若逃禪維摩或示疾災責豈爲恣判袂已
兩載玄談慰良緣同心旣知已同病尤相憐嵩山忽動
念孤劍去翩翩欲別未能別菊花照離筵歸來瞠逸步
踏偏金陵山仙音

寄心集卷之六終

寄心集

九

五嶽遊草自序



余東髮好遊竊有五嶽之想常少
陳公有垂沒以來至海山為彰誠
私心惜之然少繫序序出無資者
弗能越也壯室邊塞日惟於虜戰
守之思中暇遊也年四十之歲前

序

一

楊

歸後道經泰山枕頃宿宿私
自念曰予無七遊自必始於家
老以立堂日事甘旨弗忍遊也母率
表辭畢則又自念曰不讀古而渴遊
可乎於是開以郊外為海砥柱日
夜讀之戴視毛詩尚書古今文以正

去此三傳周易義國旁畧涉亦子史

凡十年則五十有七矣乃累糧出門
先遊兩粵中覽羅浮桂林訪石山凡三
年始又走東西浙踰三台石梁觀雁
宕瀑布區會稽手摩神禹宅石
遂生七里灘陟嚴子陵釣臺抱壺

序

二

我

陵上焦弱後漢習高業亦是漢文以
而上涉齊金九章區廬訪安子安
錦樓醉焉遂遊漢江歷襄陽顧
於岷山智也間冒雪上玉蕊山白回
因渡彭蠡觀豫章豫王宮兄
於從江學金復區區金陵勉之勿勿

十餘年則七十矣悔生之念曰五嶽未
遍如耒耜七十者一巡從金陵取
道汴梁登嵩山坐觀素樾澤栢七
十二取道洛陽入陸關望不華終
南遙望太白皆積雪如玉柱卓立
七十三皆蒼秀如屏名之陽七十四

序

三

渡洛而北出紫荊關即望恒山之巔
七十五南浮河底吊賈誼屈原於
長沙汨羅遂望無極觀神禹碑
乃上恒山高卧視鄧州絕頂自目遙
望潞口取道江右抵家一病兄死弟
五嶽之事久成兩次歸之興都重得

問之福地一丘一壑之勝已失矣滇海參
之觀不真此遊西蜀峨眉佳南點蒼尚
未及遊也教夫子有洛州有北遊其
八其庶幾乎蘇七十六病少愈乃極遊
中許位自泰山而後衡山而至于為七
類名曰五嶽遊學諸君教父為之矣

序

四

三

詩自漢蘇李魏曹王而山夢何六
朝大熾而李唐之世體製不不同率
少恬愉而多憤懣何者子之時事而
情之景不相得也亦在閒暇嘆逸獨
陶陶明一人余既生逢 明時而且
老而憂黃故其遊也冲然淡然為

序

李

五德

夫遊難矣士求官旅求貨則不
憚千萬里之遙以名利奪其志
也自非然者卽名山水佳寺觀
在百里之外數日之程逡巡
望終年而不能決者比又是也

後序

他若徼福靈神千謁臉仕則亦
走千萬里如驚不極所如往不
止其設心可知又有官轍所經
驅役郵置亦往往涉躐名勝自
啖奇觀謂之真遊殆于不可古
今人情大抵然矣求其得趣於

山水而忘情於勢利者實鮮見
其人焉家大人之遊必聚糧而
出蹠、獨行童僕一人行李兩
篋中置壺觴數事五經數卷
所至不見貴人不受餽遺東
西南北惟其所之飄然而往倏

後序

二

宋

然而來若野鶴翱翔非世俗所
能羈紲也且逆旅間開事變錯
出或值輿夫舟子之頑或當祁
寒暑雨之迫或冒驚濤峻坂之
險或歷賊盜攘劫之區此皆恒
人之所慘悽悲懷者家大人方

油、然浩、然忘是非齊順逆泯

人我一死生而與之游徜徉於當
是之時不知天地之為大古之
為變也非莊子所謂逍遙采真
之遊與遊三年五季必一歸省
墳墓居不數月則復遊如是者

後序

三

清

數矣庚戌之出年已七十親知
競來勸阻不肖祖念力挽裾而泣
家大人諭之曰吾自度精神尚
可不死爾何牽俗情而傷汝父
好遊之志不肖則又伏思家大
人每遊容貌若滋而豐鬢髮若

染而黑是遊大有裨於養生也
於是拜手而別一出六年竟畢
五嶽而反次年檢刻遊草命共
校讐之後家大人頗好吟詩興
到輒矢口而咏伸紙而筆惟以
自適其適不屑人之工拙贊毀也

後序

四

真

先是嘗刻薊門塞曲兩粵遊草
及寄心集金陵焦太史謂有風
人之遺其動物感時不讓杜子美
白樂天今出是編識者當自鑒
之祖念實不知詩耶述其遊之梗
槩若此家大人嘗有詩云醉翁

不在酒釣叟非取魚則遊而非遊
祖念終不及知之矣

百拜書



後序

五

真

五嶽遊草目錄

一卷五言

紀過詩

飲酒

遊山

讀書

醉醒吟

有讀淵明

集病其篇篇二酒者賦解之

答問遊二首

戒得吟

山中病瘧道人酒飲之愈

開酒

卻離

請死二首

至樂

懷金篇

興歌

愧咏

五嶽遊草目錄

一

百九

有士篇

琴更篇

七哀詩

謝上者

招隱

蘆溪山中有懷二首

觀雨

有感

感昔

鵲巢咏

感鳥二首

經舊田村

旅次吟

早行

夜行塞外

遊武夷

冒雪重遊西湖

夏遊上天竺

遊仙巖飛雲閣

遊仙巖

觀石門瀑布

秋遊匡廬

天台石梁橋

過釣臺

鹿池山中

遊靈谷寺

建溪阻水

饒州阻風

途中阻風

過北嶺

蘭溪舟中

渡江卽事

暮過歸德道中

函谷關

柘蒼逆旅

宣州清明日

恒山述

憶終南

爲齋叟評佛

爲道士論仙

五嶽遊草目錄

二

百九

謁孔林

李札

荆軻

拜楊伯起墓

楊蔡咏

馬嵬吟

謁岳廟

重遊江心寺謁文卓二祠

登封賢令詩

田家

寄兒

寄陳道通山中

讀書清源山懷趙思國

匡廬開先寺留別張惟欽

王春鵬王古槐邀遊習家

輓陳兩湖表叔

一卷七言

答客歌二首

泛海歌二首

乙巳太江遇風紀事

秋葉行

五經吟

女色誠

春日郊居

小舟咏

高溪菴卽事

錢塘讌集

飲采石娥眉亭

遊牛首山

遊東林寺

嚴陵雪舟

漱水亭秋雨

乙巳九日泊舟彭蠡

望夫石

江郎三片石歌

鴈山瀑布歌

北邙山歌

長安漢治歌二首

黃鶴樓歌

五嶽遊草

目錄

三

湖上歌

洞庭歌

岳陽樓歌

石經歌

雲汀觀石行酬劉惔陳山人

滕縣阻雨行

鴻門行

商山行

汨羅行

長沙行

湘潭行

江中行

衡山行

趨匡廬雨阻宿太平宮

禹碑行

二疏咏

李杜評

叱虎行

問牛行

釋狗行

放生吟

襄陽舟子行

掌鞭行

京輿夫行

經分宜相國故居

憶兄篇

病足吟戲呈沈士莊兄弟

題梅嶺長春圖

贈袁州了然上人

三卷律詩

遊

貧

自警

遊隱

虛度

故吾

山寺讀書

夜坐

五嶽遊草

目錄

四

山中早秋二首

春江書懷

江心寺除夜三首

開酒二首

酒興

寄居

病起

知音

論詩

論文

江鴈

離別咏

謫宦咏

出塞咏

春宮怨

長門詞

客中立秋

七夕

春夜

園居

夏末病足至中秋未愈	聽鳥二首
涉世	客舍促織
登樓	舟中卽事
齋	曉舟卽事
甲寅中秋	晚虹
感時二首	曉行
登南灣城	過大安驛
閩關旅夜	度嶺
福寧道中	江西遇水
遊龜峰寺	天台石梁
五嶽遊草	目錄
遊武林龍井菴	五
樂清道中	鴈山雨夜
宿古玄觀觀之結	遊海上太武山
題謝墩別墅圖	宿靈谷寺
雨登黃鶴樓	登九華東崖絕頂
漢水滄浪亭	舟次沙陽
開梁鄉西行去高山近矣	渡淮
冬過驪山溫泉	扶溝阻風
下紫荆關	出紫荆關
宿州阻水	望嶧山以洪水不能登
	宿州雪行

龍門洞	入潼關
泊蘄州卽事	再泊淶口遂取道江右
往遊南嶽舟中二首	過瀟陵
金陵郊望	晚次五福
盱江舟晚	權樹舟中
舟過長沙	舟泊劍江
舟從漢口入襄陽	晚泊
舟過袁州	泛舟彭湖外洋
泊舟武城	延陵舟次
至日宿胡家庄時有閏月	塞外
五嶽遊草	目錄
遊花山銅殿	六
雨宿磁窑村在恒山下	自終南歸至浦口
襄陽卻妓	出塞暑雨
咏彌勒佛	歸舟
烏江項廟	宿夷齊廟
過孝水王祥臥水處	拜關雲長墓
華州渴汾陽廟	讀陶集
過杜工美故里	李白蛾眉亭
謁阜公敬祠碑記焦弱	維揚謁文信公祠
乙未除夕悼亡	春日別家兒時在
	歸次潼關有感

渡淮憶京中相知

武夷逢林龍江

赴弔戚都護行至蘇州以病不果

重過玉山南寺遇故人

宿棲霞懷李睥如

除日過翁子先

暮春同沈照土弘將軍遊普照寺夜飲巖上

汴梁懷沈士弘

襄陽思尊兼憶林培之

天池別熊鏡靜

九日諸相知讌集

林世科過訪

寄陳富山

寄太平葛貧士

題謝靈丘主人

與客談禪

贈天界寺竹壑上人

衡山訪舜菴上人

看僧治田

終南朱道士十九出家

五嶽遊草

目錄

中秋泊舟潞河大風雨書示道人

倦遊

四卷五言排律

嘆逝

憶昔

嘆逝

舟中有懷

句容雪行

漢江阻雪

宿太姥摩霄菴

邵武舟次

南嶽會仙橋

舟歸

送翁子先之任撫州

贈宋蓮洲山人

哭徐雲竹

贈醒凡弘上人

五卷七言律詩

咏懷四首

三教吟

客有以隱士目余者以詩答之

卻呈命

有相士飲之酒且送之詩

客至不拜

舟中

山寺看先天圖

齋

睡

雨

避地

憶故園

遣興

丁亥生日

病足

策病

病思西嶽

謝客

遊泰山

五嶽遊草

目錄

秋登泰山望日觀

泰山夫人廟

登嵩山天中閣

歸途回望嵩山

登華山遠望

雪上青柯坪望華山絕頂

遊恒山

恒山書事

遊衡山

宿祝融峯

遊方廣寺

遊嶽麓

水簾洞

五嶽咏

重遊玉泉觀寺

遊石門讀壁間詩懷王士

登太和山絕頂

九日宿石竹山

遊黃鶴寺與主僧夜話

遊太姥巖洞菴

遊江郎山	雨留天台絕頂
遊弘濟寺觀音閣時大雨	遊齊雲巖
遊碧雲寺	遊珍珠寺
新正三日林永光邀遊珠	穀日永光邀遊平山閣
清明登宣州天柱閣	宿終南山
遊虎窟洞	看三門
洛陽懷古	長安懷古
金陵懷古	夏日登紫荊閣城樓
入紫荊關 <small>有致觀者卻之有相勞者慰之</small>	浣池夜行遇盜
靈丘遇雨投宿	元夕草堂觀水燈
五嶽遊草目錄	九
武林元夕	泊舟城隍磯
浮洞庭	度汨羅
乙卯中秋泊舟臨江	撫州夜泊舟漏
建昌舟次	入杉關
雨謁會稽禹廟手摩石	管子
謁杏壇	過易州
東阿謁黃石公祠	過留城張子房廢廟
過釣臺	孔明
劉禪	謁岳武穆祠用蔡清
春日同何稚孝謁陳紫	赤城譚襄敏祠

丙午八月晦日遊滕王閣	春日聞寧夏兵變
聞寧夏平志喜	南還紀事時值立秋
憶酒	止酒二首
命僧沽酒	避暑
山居憂旱	喜雨
早秋	山巷紀事
留楚	乙卯九日
歸自五嶽抱病口占	隱園病中讀書
陪家兄攜酒看梅	癸卯十月朔日奉寄家兄
初秋訪家兄德興因憶	家兄對飲
五嶽遊草目錄	十
乙巳中秋前三日別家兄	中秋雨旅泊却寄家兄
奔先兄喪出南都作	焚毛詩古音攷於先兄
望饒州有懷先兄	留別德興諸生余來蘇
慨友	奉壽大司馬吳客所翁
春日勸駕大司馬	容所翁惠詩扇二握賦謝
吳容翁邀東亭看菊	同陳可欽諸友于陳邦敬
喜陳振狂山人重過草舍	客至
再至中巖東俞龍陽	同林世科諸君春江晚酌
壬辰中秋雨同陳于虞吳	謝吳子學載酒
題趙思國城南書舍	秋日同陳汝大隨思國訪

秋夜宿釣龍臺別陳趙

留別漳中諸生

中秋泊舟九龍

喜陳大叔在顧亡友

海上贈鄧道鳴將軍

贈趙生子賢友人思國

贈傅爾錫丁戌山人之孫

秋日與陳振狂東園讌集

壽邵武李見松府尊

題許撫臺甘棠別味卷

常山別戚南塘

何穉孝山房讌集分得

暮春同陳時

蘇蒼原過訪何穉孝山齋

元夕同溫陵諸友集

溫陵七子過訪石湖得

沈士弘將軍過訪豐山

白下寄林永光粵西

九日居天界寺鄧

九日董學博招遊棲霞

五嶽遊草

題溫遜卿晤言室

許松拙家看花得戶字

送新安司理陳儀翔

送李隲如北上

送俞克邁入都

送潘懋德入北都

送莊應曙歸閩兼柬何

送林生還閩并訊其

發江浦留別林永光

送林永光復任南都

病中送吳蓮陽別駕歸

謝葉永堅

咏須水二義士

龍臺嘉會

終南寄弱侯先生

俞克邁自閩海移

南臺摘星樓讀莊伯輝詩

哭趙思國

甜大惠卷書似了然僧

三月三日余生辰賦謝

丙辰誕日

鷓鴣

咏吳司馬府中白鵲

六卷

客問山水有何嘉客之

答問生計五首

知已

得家書

小園漫興

野老

悲秋

甲寅九日

過化劍閣

宮詞四首

過紫桑橋

任城李白樓

陝州枯甘棠

過箕山許由墓北有周廟

過郭社

五嶽過草

過易水

過驪山秦始皇葬處

過豐城

過班定遠墓

陵母墓

過毛遂墳

莫愁湖

彭城弔古

燕子磯

彭祖井

觀老子石青牛

謝公墩

遊嵩山觀星臺

雨花臺

別匡廬

遊蘭亭

南臺對客

龜峰寺歸道中口占

咏史二首

何稚孝言別

中秋懷友

關中二山咏戲示友人

題郭青螺方伯獅山十景

七卷七言絕句

西郊卽事

除日江郊

除日速客

客中除夜

重陽次目二首

舟中病足見釣漁舟

病足二首

歸興

答貧士

有女

止酒紀事二首

自讀拙詩漫題

元夕宿泉州洛陽橋

竹枝詞二首

五嶽遊草目錄

十三
一頁七

峽山阻風

蕪湖阻風

夜渡彭蠡

重泛彭蠡

表陽臨流

遊飛來峰

遊鴈宕

看太室

觀秦槐漢栢

鄭州志感

迴中半鳥皆近人不似江南之彈射音衆也

過京索

日暮登華陰灝靈山樓望華山二首

玉泉院別華山

漣關東望

關中醉起

驪山溫泉

答紫荊關吏

渡沙河

銀釵嶺下遇大雨

過赤壁

過釣臺

遊三茅山

將遊金陵始發南臺

建溪

天游觀

雲窩

天界寺

觀陳希夷臥處

聞客說娥眉山

靈江晚泊

高溪山聽鳥

白松咏七首

咏武當龍竹杖

漂母臺

過班定遠宅

讀李太白流夜郎及萬頃詞有感二首

偶讀杜子美拭淚沾巾血句有感二首

雨淋鈴

經俞都諱舊居

五嶽遊草目錄

十四
二頁四

訪僉克仁虛江長子

寄家

寄郭道見

寄趙思國諸相知

見故友郭道見之子

寄林日正

經戚都護舊寓玉山南寺

過林氏鎮故居

舟夕有懷楊少愚諸友

約陳振狂早飯不至

贈林可玉

熊兆履送衣賦此謝卻

南臺風雨何穉孝送酒

題陳子積翰脫館二首

舟中留別永光

嘲少林寺無言上人

宿重陽宮示道士二首

諭懷

五嶽遊草目錄終

五嶽遊草卷之一

閩中陳第季立著

男祖念校

五言古詩

紀過詩有序

余昔在金陵題一聯云好書好酒好山三好未
除還是妄觀古觀今觀物一觀既透更何求茲
寓越東猶然故吾乃賦小詩以紀其事

一日難捨書半旬難捨酒數月不遊山撫鏡形衰醜三
者本吾愆聊以娛白首人生一世間豈必同枯柳門外

五嶽遊草卷一

張元卿

多紛華落落皆烏有視死已如歸虛名况散帶從容風
月中高歌拍素手

飲酒

舉世競馳逐將以稱厥心厥心未及稱忽已委空林白
骨不再肉螻蟻相侵尋今朝風日霽取酒披閒襟盤餐
何必盛烹魚聊自斟嫩竹搖清池薄雲起高岑明日非
所知隱几獨微吟往古誰同調柴桑有素琴

遊山

白髮苦易得青山絕可憐伊余秉夙好登眺老彌妍
乏檐石儲意薄洛陽田身無尺寸組好爵如浮煙瓊芝

克偉佩衣袂結蘭荃飛廉為我馭駕鶴凌翩關河既
周覽楚粵亦留連餓則餐翠栢渴則飲寒泉贈遺謝弗
受斷絕情牽纏私心他無念長此終吾年

讀書

余年七十三萬事久冰釋獨有古人書披覽采日夕或
以濯我心或以砥我節音神志默交乎聖賢形夢寐
音凡兀窮歲時欣欣忘寢食傷人屢見嘲辛勤終何
益我實不知疲若鼓風中翼直待啓手足太虛同寂寂

醉醒吟有序

淵明詩云有士常同止趨舍遯異境一士長獨

五嶽遊草卷一

二

張元卿

醉一夫終年醒醒醉更相笑發言各不省夫燥
濕異就人已胥乖古今之情大抵然矣余在金
陵與弱侯游弱侯一滴不進余每飲輒醺乃趣
味甚相得也故作醉醒吟以足淵明未盡之意

有士常同居一醉一獨醒天趣越形骸發言各深省醉
羨醒令儀醒贊醉豪飲夜添秉燭遊默默成交儔

有讀淵明集病其篇篇言酒者賦此解之

淵明性嗜酒見酒心即喜對菊傾壺觴欲止不能止風
情聊寄斯酒名亘千紀不見古至人冲恬長適已有酒
固陶然無酒亦樂口筆瓢尚可捐麴醪未足肯偉哉

釋篇微談極玄理

答問遊二首

聞聞滿城郭孰不懷安居仕宦固遠去金玉思充間彈
缺于貴人處心在儲胥誰爲萬里遊覽眺行徐徐秋風
洞庭波木葉覆庭除世情既脫落方寸唯空虛澡心江
海上託志乾坤初放神八極外此樂應無餘

又

少本學經綸冀以佐天邑展轉久沈淪此意遂冰釋晚
歲事遠遊命駕無虛日五嶽已攀登名山走將畢襟懷
似灑然所遭無順逆何處非家鄉浮萍寄踪跡奚論古
五嶽遊草 卷一 三 楊花 三四

戒得吟

涿泗有道訓衰老戒在得今我踰古稀偶不好金帛先
世遺薄資朝夕幸取給酒可滌塵襟書能啓心臆山水
足徜徉此之謂三益外此何所需珠玉等沙磧

山中病瘧遣人二十里沽酒飲之愈

五月遊衡山登陟已傷暑七月居廬溪瘧疾應秋序寒
來履嚴冰衣裘疊重紆忽又抱薪火揮汗如霖雨寒暑
雖已謝餘恙猶辛楚驛旅可奈何遙遙買佳釀一舉
千觴病瘧無處所靈藥信莫加百年五與汝

開酒

自從去歲來患瘧始開酒露白暄已澄茅膏瘧尚有流
水響聞崖高山對疎牖秋桐葉漸飛願見稀稀柳旦夕
自舉杯勸影代朋友昔笑陶淵明止酒不能久今我亦
不止細念誰之咎事變有推移疾病難枯守哲哉衛武
公丁寧戒濡首 楚粵人春瘧曰青
草秋瘧曰黃茅

卻醺

偶爾病山中僧徒請齋藥因想仲由禱空令先聖笑爲
惡多懺悔爲善長光曜我本無憂人名勝窮登眺死生
相首尾來去有恒調存亦不足歡亡亦不足弔病魔雖
五嶽遊草 卷一 四 楊花 三四

暫楚託志實高妙何至生覲覲倉皇昧玄照嗟爾學佛
徒不領其心要祈禳欺愚夫無常豈能療佛佛歸西天
寧見顏常少

請死

堯舜去已久孔曾不復延自從天地來聚散若雲煙間
有不肖死練藥求神仙大運安能越終向松下眠我今
七十五興在歸黃泉始願實不及世界無牽纏何地不
可瘞何時不可捐耳目稍如舊齒牙幸願堅於斯得長
逝庶以名歸全

又

憶從四十後便與人群疎閉戶奚所營兀坐攻遺書臨
出尋山水忽忽廿年餘但見清興發何曾嘆歸與醉翁
不在酒釣叟非取魚萬事頗覺悟胸臆常清虛世業推
來士泉下乃吾廬勞生幸有末長逝喜方朔

至樂

光陰有代謝至樂在恬愉衣裳不厭結耕讀處才廬誰
鼎百年內怡然若有餘酒杯聊適興沈醺豈真娛欲窮
今日樂明日又焉如妙趣無加損外物任盈虛浩浩同
流水滔滔赴海隅不知生死異那覺歲月徂

懷金篇

五嶽遊草卷一

五

李少清玉

總總爭懷金真以遺孫子孰與教耕讀自立爰得所嗟
我少疎頑素屢任靈府讀書高華中垂釣江漢詩老去
何所貽蕭然蔽環堵

興歌

有錢出登山無錢窓下坐有酒獨舉杯無酒讀楚些
有無制在已安往非浩浩巖花雪可觀澗草俱堪踏得
失不依人冰炭去懷抱有侶不同遊孤栖非兀傲何處
見莊周開談應絕倒

愧味

英雄不在年朝聞夕可死我獨無所知偷生過六紀

昔束髮時嚴君實提耳樹立邁前修英聲播青史胡然
直至今食粟懷深恥進愧爲人臣退愧爲人子視顏空
世間切怛徒自鄙秋風萬木凋奚惜此茅苴

有士篇

有士在深谷終歲獨悠悠兀若無耳目不見有歡愁義
農相揖讓風月爲好逑洞庭一杯水五嶽數浮丘古來
榮與辱視之皆浮漚風波方震蕩清歌長自由

琴叟篇

北山一琴叟自謂能伯牙有待久不至囊琴坐煙霞清
秋看素月芳春翫丹葩座無高士榻門鮮長者車我昨

五嶽遊草卷一

六

李清玉

訪其人遙遙涉河沙欣然發新標雲際鳴孤鶴悠悠改
別調白鶴飛天涯我乃拉與遊臨行復咨嗟知音託千
古萬里別非遐

七哀詩

一生必一死美惡殊天淵生如龍與鳳死若塵與煙漢
高掃秦項戚妃不能全魏武盪關洛李約喝恹恹生前
何卓偉一逝遽堪憐况復千秋後陵園罕作田

謝上者

天道盈與虛人事泰與否默運本難窺來往實相倚
花爛綺霞秋露葉共吐雪風江海寒陽光從此起入

與天通君子慎厥德仁禮苟不愆禍福奚憂喜當則豈不知安用先推擬詹尹漫多言奉主可以已

招隱

考槃託山澗城市隔塵囂雲霞點巖岫風月卷庭除茂林聽好鳥清水數遊魚坐卧有餘暇展榻讀遺書妙理契深衷天地亦遂廣賦詩絕煙火鄰細白石俱蔬菓既足飽終老不願餘興或遊五嶽東西任所如嗟彼啖名士浮慕在馳驅折腰同尺蠖趨走似飛鳥操縱豈由已旦夕乍有無國是况未定議論紛然殊素絲變白黑顏黜驟賢愚碌碌百年內塊若株囚拘孰與歸山澤飲酒五嶽遊草卷一

七

三百廿

食黃鱸

蘆溪山中有懷二首

昔別春方初忽忽秋已老零露下庭除落葉飄枯草昨上祝融峯石芝發青藻采之思所貽同人在遠道矯首三千里白雲空皓皓嘆息謂石芝深山且自好

又

自好當何如花葉搖秋月白雪妨巴人童甫豈適穢伯牙非子期山水弦空發下和急自舊兩足還遺別寄誰謂知心郢質未宜絕暫同三楚間臨風晞我髮

觀雨

孟夏不肖霖霖雨霖復霖近樹枝葉暗遠山雲霧興蕭然處一壑讀書無所營層際有乾地稍倦復行行細想千古事衰周直至今縱奔誰肯後慷慨爭虛聲功名庸有立十九危其身惟有安貧士恬適得吾生

有感

山下木芙蓉開花何燦燦一朝霜雪至枯幹寒枝葉七貴與五侯須更競炎熱

感昔

憶我少年日悲歌弄寶刀飲酒動一斗馳馬弗知勞如何忽衰邁恬淡失其豪德則被周易醉則誦離騷時或

五嶽遊草卷一

八

三百廿

屏書酒獨坐欣陶陶似覺無喜惡那知有幾憂回頭慨往事澄水生風濤

鵲巢咏

門前雙喜鵲樹杪戀巢居何異世中人終歲守閭閻衣食諸所志智識不願餘啞啞動相笑沾沾自發舒就與雲中鶴舉翮翔空虛

感鳥二首

城郭有百鳥彈射頻相驚啄食餘菽麥性命危怔營時或喪其類嗚啾啾悲鳴山林亦有鳥往來逐飛蟲朝棲群峰上夜宿叢林中雌雄及子母相守何終窮楊墨故

殊路感此將無同爲人居寵辱爲已逃虛空有士欲擇
處矯首嚴陵東

又

有鳥不知名舉首望四極日暮無所棲飛鳴厲羽翼忽
值海中崖丹青百仞立鳥乃巢其顛繒繒何能及飲啄
崖之許光耀生毛色自幸得所依千載永不易

經舊田村

童時隨父祖過此心軒豁叫跳阡陌間百憂俱不達重
來五十年悽愴心如割山川雖曠昔屋宇多離合父輩
無一存我輩十去八當時孺赤子拄杖倚門闥人生寄

五嶽遊草

卷一

九

宗

幻化倏忽寧久活旦夕費儲糧寒暑傷衰葛蒼蠶若牛
羊紛紛等鵝鴨死去棄原野藤蘿相蒙雜所以貴有聞
此理誰能察

旅次吟

先賢有遺訓四海皆弟兄鳥獸莫與侶誰能溥同生我
既不足重人亦奚敢輕悠悠然忘貴賤不覺有疾榮坐則
與之坐行則與之行讓歛且讓席意氣何其平蕭疎得
真趣寂寥無嘆聲待此涉世道機忘神獨清

早行

落月映茅屋僕夫催早行登車四迴望朦朧曙漸明沙

塵隨馬足柳樹集鴉聲穰穰紛來往名利空自營承真
亦逢遭此興澹且清

夜行塞外

亂山遶曲水片月澹虛明驅馳萬石際人影交縱橫風
吹木末動輿夫愁且驚塞外異中土況乃夜深行英雄
須達命何處無危生盤桓聊自樂慰我孤旅情

遊武夷

我昔聞幔亭時時勞夢寐今朝泛九曲正值秋風至森
削列奇峰臨流爭自媚清樂道輕舟覽眺深嗟異吾愛
接筇巖倚天勢如墜雲梯幾百層鐵鎖沿崖置攀援歷

五嶽遊草

卷一

十

宗

上頭悄令心膽悸中見數僂房花疏錯雜時瀟灑非人
寰黃精况可餌余有經世心遨遊極天地功業酬明時
脫屣元容易侵晨驅車行去去猶回跋廿年來著書月
明寒薜荔

冒雪重遊西湖

兩日棹孤舟六橋逢暮雪桃柳雖蕭條湖山可憐絕四
顧盡樓臺瓊瑤巧堆結影帶青松垂聲響綠竹折堤畔
浮輕冰礙我來迴盤不覺衣裳冷只覺歡情悅歲晚逼
歸期欲別何能別

夏遊上天竺

晨過西湖日出到天竺殿宇麗且幽巖壑森在目
語下空林荷花送輕馥不見有羣鹿細流
具晨餐筐盤堆菓較更置山中酌云沃淵明腹從容步
迴廊坐飲西方軸憶昔春初遊貧乞多號哭使我登眺
心轉作憂慚獨今來無此輩怡怡兼穆穆明月上藤蘿
去去猶顧復

遊儂巖飛雲閣

丹閣倚危巖棧道懸若線岩巖數百尺江光搖目眩伸
縮攀層巔白雲飛片片背視白鳥過俯見諸峯綯我欲
求至人大藥此中鍊

五嶽遊草卷一

遊仙巖在瑞安界上第
十六福地

青松夾一徑小嶺絕浮埃瀑瀉梅花雨亭流幽窗杯秋
聲何處落山色大羅來不見高人跡空餘嘉木臺洞天
披粉壁碑字滅蒼苔心賞增留戀登舟首屢回

觀石門瀑布

春風花正繁騰棹觀石門飛瀑掛絕壁仰視不知源雷
聲動地吼噴薄何崩奔白灑雪千仞丹搖虹一痕隨風
忽近遠寒氣涼朝昏自從康樂後遊者幾人存感嘆朝
市易奇勝耳聾坤坐翫不忍去洗心與誰論

秋遊匡廬

乘秋到天池寒色凜翠壁陰晴變斯須雲雨生咫尺遙
望江與湖微茫一縷碧五老聳空中對之儼揖客谷洞
有奇踪牛背鹿亦白禪衲一何多結屋依林石採茶後
種蔬怡怡自朝夕豈不長苦辛所貴無拘迫

天台石梁橋

蒼石跨兩崖下有雙溪水湧瀑吼風雷一瀉抵千里仰
視天若浮俯瞰淵無底莓苔滑如脂中通僅尺咫過客
恒遽巡不敢措厥趾傭夫走若飛笑必外生死汨者能
操舟見慣生神理

過釣臺

五嶽遊草卷一

才諳各有宜仕止弗兼與日月方龍關持竿樂遵渚馮
鄧成厥功炎漢復天宇天子自魏魏野人自踽踽志貴
念舊交披裘思遠翥加腹動星文潔身還故處守道本
宜然改節非所取流俗胥蟻營見此慕鳳舉我頻過釣
臺回首獨延佇千載可同遊班荆日笑語

鹿池山中

亂山一徑轉路窮見茅樓煙雲滿窗戶維犬成村丘鳥
聲雜松籟樹色入溪流我來正六月愛此清且幽林深
市廛遠摘蔬供盤羞看山日復日景與心目悠明餐賦
歸去重過上素秋

遊靈谷寺

入門多青松一逕中盤錯蒼苔五里遙翠浪從風落
見走鹿塵後見鳴鶴鶴空庭雙古槐龍爪森擎撐時
風雨聲恐向天門踈徘徊興不窮愛此煙霞壑安得買
僧房墳典開探索

建溪阻水

積雨已經旬驟見溪水澄混潒潒難頭飄梗棲木末不
見往來舟但見浩流沫河伯且遨遊行客心饑渴信宿
依板橋書空作嗟咄

饒州阻風

五嶽遊草

卷一

三

五

朝發東門東暮泊西門西一朝又一暮咫尺旋大堤月
明風自急波濤天爲低船尾看星象船頭聽鼓聲樹聲
嚮凌厲行客心淒淒舟人望南風大旱思雲霓憤聞渡
彭蠡遲速難相齊瞬息或千里經旬滯舊溪因茲識化
理何必分雲泥

途中阻風

去歲遊嵩山四旬天俱晴今冬往華嶽陰雨連朝生肩
輿御非風傾側不可行到處輒留滯僕夫多嘆聲令
泰無事陰晴隨所更

過北嶺

驛車復行遙度嶺何超忽隱然數聲雷風雨滿林撼
息借田廬坐看風雨歇亭外生微涼樹杪露纖月遙遙
傍烏山晚景清人骨

蘭溪舟中

兩岸山峻峻中瀉一泓碧細雨落梅花寂寥滄洲夕布
篷帆聲去北風擁衾足瘳痼越鳥戀南枝君子悲行役蘭
溪酒可沽醉臥情脉脉

渡江卽事

曉日白熒熒理我渡江楫中流逆浪生帆檣幾撓折性
本愛名山垂老心轉切西華數千里夢魂飛截嶽崇巖畏

五嶽遊草

卷一

十四

五

石尤風嘗甘過頂滅湯曰過江神知此意羽翼利前涉
登岸就脩程自笑非明哲

暮過歸德道中

天陰大野昏景色悄然變鬼哭如可聞驚沙重括面借
問此何方云是睢陽甸叱咤想許張風塵辛苦戰雀鼠
不可求奴妾安足念一死雖後先寸心均百鍊江淮胥
以全邦家應再莫悽慘陣頭雲千秋猶閃見

函谷關

客到函谷關蕭條澗水上往事不可追形勝猶想像蘇
秦倡合從揣摩六國相志欲誇嫂妻處已匪貞諒適

殺其身及獲安足仗范睢入秦都遠交成近圖山東爭
割地破滅一何愚始皇兼九有不審攻與守酷哉望夷
宮二世故弗久佇立復沈吟阨塞非所欽承平偃兵華
從橫在人心

括蒼逆旅

連歲吳越遊孤踪何畔岸一去復一來青山見客慣今
朝雨始晴薄霧蒙昏日僕從同出門途中有續斷我馬
抵河濱行囊猶領半衾裯未得宿旅卦燈前觀

宣州清明日

寒食清明節紛紛祭掃多白楊何蕭條綠酒澆青蘿拂
五嶽遊草卷一

主

貧賤能幾復歸山阿歲歲遊登塚壘土亦差峨光陰
變朝市陵谷互平陂新墳漸兔跡舊墳成鼠窟農夫種
禾黍苗裔誰經過念此懷悲愴不朽當如何

恒山述

端午自白下促駕欲有之親朋來勸阻老熱安驅馳余
謂古北岳雲中稱絕奇今若不亟往筋骨恐衰疲渡江
急趨程薰風吹柳枝於時傷亢旱田野動愁悲及出紫
荆關河水漸車帷南天怯已退北役力相宜一日十餘
渡亂流行委蛇更上靈丘嶺巖石何巉崎林莽伏虎賊
殺人同梟鷂暑雨連天來凍若三冬時沾濕不足道戰

慄那能待道傍聞觀者爲我雙淚滋次日與夫病一跌
成枯尸羈旅誰爲藥咫尺難轉移余乃默嘆息天胡使
至茲少選病頓愈進道不復疑竟抵恒山上覽眺豁心
期歸途值水潦到處常淹遲中元稅金陵胥慶有子遺
生平山水遊獨此最艱危念之悲且喜感額復解頤

憶終南

讀書匪遠行耳目不相應去歲遊關中得覽長安勝史
冊昔所疑事事堪質證油然暢我心盡愈平生病復上
終南山幽深愜素性道人留與居踪跡未能定相對坐
達宵形神雙寂靜至今有餘懷雲月西北映

五嶽遊草卷一

主

爲齋與評佛

慈烏知反哺禽獸惡相殘唯人獨靈智決擇從違問佛
法人中國禍福惑人寰遂使宦遊士經典勤披看出家
日以衆齋素日以繁我謂當微辨是非豈一端父母恩
罔極割絕良獨難殺物以肥已於心亦奚安汝依西方
教終世可素餐居家脩大道膝下供班嬪

爲道士論仙

神仙不可求雅志薄生死胸次抱寒氷世累一浮蟻刀
圭忽有成乘鸞駕赤鯉斯須巨千年咫尺亦萬里功用
本艱辛淡薄資神理漢武與秦皇多慾恣邪侈宇宙不

克懷年齡託千紀泛海望蓬萊異以晤仙子徒爲方上
欺靈藥詎可餌臂彼慕嘉禾不必事耘耔未嘗謀樹木
遽欲伐松梓妄念轉相尋傳聞穢青史語汝學仙人內
視澄渣滓

謁孔林

杪秋風日淒望見岡陵盡門徑何森陰輦道中回復三
墳儼鼎形白兔秦空逐第子奔喪來攜種四方木但覺
碧參差詎能辨名目荆棘永不生禽鳥避巢宿徘徊丘
壠前尚想治任哭自嗟閭閻人頑愚賴私淑結屋南海
頭六經願終讀

五嶽遊草卷一

李札

延陵吳李子寶劍許徐君歸來人已逝解佩掛松雲驅
車去駸駸九原復沈沈知誰受斯贈所賞不違心較然
志弗欺一念重千金我願從之遊千載可同音

荆軻

荆卿雖布衣壯志凌崆峒歌哭和漸離舉世莫與同一
朝得匕首慷慨入秦宮扼項劫其質侵地還山東輕生
似曹沫料敵失桓公要盟世弗信何況梟獍雄自是智
識短何關劍術空擊筑能致命節俠相始終

拜楊伯起墓

伯起戒四知達人慎獨見淡水本交情黃金良可賤瑣
瑣貪墨徒已誤楊公薦

楊蔡咏

擇交貴知已英賢慎所託子房與諸葛結契終不薄龍
潛必深淵鳳棲必丹壑草草比匪人咄嗟還銷落楊雄
依莽新蔡豈附董卓踏地戀恩私滔天忘罪惡嘆息斃
當筵驚悸投高閣生平多讀書末路有所學死生雖不
同神志能無作何似早丘園皎皎翔寥廓

馬嵬吟

昔日有奇卉發藻何離離山阿已有託刻意移華池沾
五嶽遊草卷一

潤九里廣燦爛四海知上可逼乾極下可搖坤維秋節
忽先及零落枯無枝本欲爲人羨適足使人悲雨露既
已渥霜雪故瘁之持此戒凡草萋萋隨所宜

謁岳廟

卓有金石堅未補乾坤缺拱手讀殘碑淚灑湖中雪試
看湖水枯英雄淚難滅

重遊江心寺謂文卓二公祠

去歲宿高閣中宵步月明今來秋欲盡樹色夕流清四
顧何茫茫江雲千里平人生一世內宇宙宜盡聲賢哉
與卓千載垂英名嗟余好幽遐懷古徒深情採芝周

五岳碌碌度吾生

登封賢令詩有序

河南登封尹傅梅順德邢臺人也始登封多盜
傳嚴治之至道不拾遺焉父老頌之不容口余
詢之良然占一絕云歲暮專爲嵩少遊風謠民
俗不違諷今朝忽過登封道滿地棠陰頌傳侯
猶以爲未詳也途中賦此不見其人而述其政
庶幾采風之意乎

芳拔嘉禾茂病去元氣全未聞庇奸宄間閭得晏然少
壯親民事咨嗟隨涕漣盜賊類輕釋良民動惓惓不知
五嶽遊草卷一 九

何所爲刑罰任頗偏悲號怨氣結水旱途纏綿偉哉登
封尹鸞鳳何翩翩此邦本賊藪一掃散氛煙路道既不
拾開戶常晏眠衙宇若寒氷暮夜無私錢蒼赤戀慈父
遠近呼青天民安物亦阜迄今已五年誰爲采其實徧
告當世賢

田家

插苗十里青鷺飛風漠漠穫禾滿茅屋鳥雀喧前幕妻
子並嘗新慶慰收不薄鄰村攜酒至初釀尚渾濁來往
禮亦宜乘暇相酬酢沈酣任歌呼誰怪言語錯鷄黍邀
里胥錢穀豫商度官稅畢已輸自謂安耕鑿何意白從

來捉影恣誣索贈送失其歡公門有敲朴文字實不知
俯仰惟唯諾典當家一空分且填溝壑作息慕古風田
家今不樂名不在官衙仕官之
人爲虐俗號白役

寄兒

堯舜賡明庭深山有巢許出處各任天何必齊規矩燕
雀常傍人冥鴻好高舉我逃方外遊志欲徧寰宇孤劍
託奚囊一鶴謝儔侶登山陟危巔弄水戲清渚那覺歲
月多不知寒暑去天地百年間蜉蝣總逆旅欲問路雲
踪五嶽無處所金張及許史謝謝若童豎東縛勢利中
何殊拘囹圄巢居斯知風穴處斯知雨采真道深長何
五嶽遊草卷一 十

寄陳道通山中

瞻彼城之東卓爾香爐山我有所懷人只在山之間披
雲看綠竹采藥注紅顏耿耿清秋夜悠然形影閒相思
何時已夢寐徒往還

讀書清源山懷趙思國諸友

我昔三三人讀書如蘭棚朝夕競高談相嗜若膾炙區
區世俗間何曾留齒舌眞率略彌文歲久無狎褻抗志
在廊廟肥遯或山林出處各有道好脩唯一心仰觀豪
杰士識見常參商以茲杯酒中擎節竭肝腸豈意十年

米飄蓬異南北壯志俱未酬彈缺歌不識去歲避潭水
今春往泉山念我同心人桂樹徒自攀不見延平劍神
物會有時願言共努力何須怨別離

匡廬開先寺留別張惟敏名芳號名吾貢士星子人

天池騎白鶴偶下丹丘宿侵曉復東行洞前看白鹿白
鹿鳴相隨暮至雙峰谷坐翫青玉湖千仞飛寒瀑忽值
素心人閉戶山中讀獨語有深衷不暇評朱陸秉燭方
一宵去住何太速儻泛七閩舟請待幔亭麓鶴鹿持贈
君九州具隻目

王春鵬王古槐邀遊習家池

五嶽遊草卷一

王

客持一尊酒請與山翁醉曲池既已平高臺亦復墜
此客感傷我歌慰客意瞬息成陸沈何況千年事名勝
可道遙世代隨榮瘁且盡千中杯莫酒牛山淚

輓陳南湖表叔

秋仲與君遊冬末送君葬光陰迅若斯物變難測量霜
天氣慘淒松柏風悲愴自嗟亦鼓盆感時同怏怏細推
造化理生死皆虛妄擊節讀南華且醉牀頭釀

五嶽遊草卷之一終

五嶽遊草卷之二

七言古詩

答客歌二首

有客勸我勿遠遊衰年耳目詎能周不知見山心即喜
矯翼春水飛輕鷗挹泉下抵千尋澗攬月高登百尺樓
嘯嘯耳畔有鳴鳳慊慊目內無全牛邇來五嶽遊始畢
片帆蕩漾隨清秋東家富翁剝積錢西隣貴客青雲邊
我自飄飄快風意世間萬事皆浮煙

有客勸我勿著書簡編汗馬仍克閑不知誦讀偶契會
道傍花卉隨春舒伏羲圖畫有妙用詩賦音韻豈無初

五嶽遊草卷二

一

尚書聊與拈一二冀見三代還唐虞邇來災木已數種
場推似未殫其愚南城騷客咏花鳥北郭文人作銘表
余亦區區筆所知千載虛名一何小

泛海歌二首有序

萬曆壬寅十二月初七余同沈士弘將軍往東

番剿倭初八晚舟過彭湖溝颶風大作播蕩一

夜一日勺水不得入口舟幾危者數矣余乃作

歌以自寬歌曰

水亦陸兮舟亦屋兮與其死而棄之何擇於山之足履
之腹兮

颺息舟定沈士弘具酌請復歌余乃發其渡海之意歌曰

學而不足用者恥今用而不能無用者鄙今無用而不廢時用者誰氏之子兮

乙巳大江遇風紀事

草木颺颺雲漠漠我舟夜向雷潭泊南風忽震浪浮天帆檣顛折鐵茅落篙師無計但呼天滿船慟哭聲轉惡死生有地併有時何惜葬身江魚壑吁嗟乎不惜葬身

江魚壑鬼神慎護囊中作時有著述未刻者故云

秋葉行

五嶽遊草卷二

先天一竅未嘗鑿七竅鑿成混沌薄外牽內護無罅時遂使先賢疑性惡憶從四十離憂責萬事不掛頭亦白肝腸或免冰炭生兩足瘡瘍行蹇躓秋風木落葉飛翻似欲淒涼北征客

五經吟

仰觀見日月星斗難爲明俯察見海岱山川徒自名我謂五經亦若是昭彰流時亘天地若非探索洞精微口耳空談如夢寐易以通鬼神書以弘經綸國風及雅頌倫物已備陳麟經有左氏授受得其真二載雖演述軌度傳先民理道實簡易詞旨高嶠嶠誦詩與習禮揖讓

洙泗濱辨之及早辨忠孝明大倫和風暢六合虞夏君臣更研消息數包羲接後塵行將入聖域文質何彬彬小子夙受先人教古經不徧卽非孝專精罷俛五十年愚頑未覺有微效邈視諸子與百家紛紛雕飾空文貌豈無一二可采收盲薄詞繁安足樂魚反可惜世儒好雜博聖經往往往束高閣中間奇字多不知聞說幽玄增錯愕舍厥根本事枝條何異隋和彈鳥雀

女色誠有序

夫國家敗亡恒自女色大人格君心之非必自

女色始余讀唐詩宋詞若李杜蘇黃輩所以揚

五嶽遊草卷二

佳冶而美艷麗者直令淫醜之徒垂涎而後已余竊薄之謂非風流大雅之士所宜言也如此何以正君而立教乎茲過驪山溫泉實唐華清宮舊址明皇嘗賜楊貴妃浴焉今題咏滿壁皆歎慕窮窳而已余有詩云罷說楊妃事淫聲穢薛蘿退復賦此備陳女禍後之君子得毋以爲迂且俗乎

天地生人有男女禽獸壯壯亦雌雄聖王制作使配合家人畫卦成火風厥後媵妾濫無數婚媾怨曠失常廉恥淪亡娼妓興妖歌綺舞滿日暮

沈酣女色誇風流，蛾眉岸齒巧描畫。恍若天仙下玉樓，益薪助火焰翻浪。長波瀾，誨淫與導慾，何貴詞珊瑚。信尤物之易溺，徵好德之良難。君不見，夏有妹喜，商妲己赫赫宗周滅，褒姒古音飛燕，秦皇孫貴妃亂唐，絕喪身亡國。皆有以大人雅志格君心，先須秉禮綴其淫，盡掃從前妖冶語，獨誦關雎淑女箴。

春日郊居

野人性僻臥山谿，欲醒未醒聞鶯啼。起視階前蒼蘚合，水漲江沙草色齊。徘徊讀易日未暮，新月已映梨花西。春酒聊足飲春山，况可題自古衡門常樹樓區區浮世。

五嶽遊草

卷二

四

李

真醺鷄

小舟咏

人生七十稱古稀，我今七十且有五。居恒羸倦不勝衣，談及名山隨鼓舞。去年北出紫荆關，涉河陟嶺良辛苦。每將喬嶽盈胸懷，不識馬鳴是邊土。今往衡湘買小舟，小舟伸縮難自由。此身拘滯蓬窗內，心與雲水同悠悠。夜涼坐翫赤壁月，霞爛起登黃鶴樓。古來達士幾行樂，屈原愁把離騷作。我今稍健縱閒游，何畏放散委溝壑。

高溪庵卽事

有序

余避著山菴，偶讀唐人之詩，有云四時不得一

日樂，以此方悲客遊惡。又有云篋中有帛倉有粟，豈向天涯走碌碌。余甚悲之，因有此作。

昨抵蘆溪欲買舟，不堪酷暑仍淹留。偶陟高溪小僧舍，解衣卧臥白雲頭。盡卻酒暈，日不御園蔬野蔌，克盤羞霞光閃閃，峯巒落泉水冷冷，竹下流山中好鳥名不識。飛鳴與客增清幽，欣然卽是我鄉土。童僕鼓腹歌蟬，唐人出門營名利，罔知山水爲真遊。拘繫窘束意不得，對月懷愴悲春秋。吁嗟乎人生一世輕于葉，乾坤濶大開吾眸。於中若覺有樂地，一筇一鉢輕王侯。

錢塘謠集

五嶽遊草

卷二

五

李

風吹雪花飛片片，武林知已開華譙。洪爐煖閣不知寒，吹笙弄笛搖歌扇。舟人催上富陽船，樽前沈醉正留戀。人生在世鮮得意，百歲光陰如閃電。與君痛飲且莫辭，身外悠悠安足羨。

飲采石蛾眉亭

蛾眉山上風蓬蓬，蛾眉山下浪浮空。微茫帆影落天外，逶迤江色歸亭中。酒杯既入手，一飲當百缸。與君試論今古事，誰能身後誇英雄。燃犀亭子不可見，謫仙祠宇鳴秋蟲。霜威掃樹木飛盡，瀟湘鴻嗙談恣跌宕意氣凌。崆峒樽前爛醉歌，且舞明朝踪跡任西東。

遊牛首山

朝從采石來，暮向牛首宿。濃霜壓古松，朔氣生叢竹。燈前坐寂寥，聞取佛經讀。次日東方爛，彩霞遙見大江繞。西麓巖下煙雲自吐吞，空中樓閣森迴復。老香一株數十圍，停停今古真喬木。辟支說法洞猶存，文殊來居愛冬煥。江南四百八十寺，幽深美麗誰爲獨。我本好名山，菱荷返初服。安得誅茅作隱居，逍遙高臥群麋鹿。

遊東林寺

東林荒寺秋葉紅，匡廬秀拔排當空。虎溪舊事不可跡，我來一笑生天風。圓通有僧老巖谷，破衲疎麻隨麋鹿。五嶽遊草卷二

卷二

六

言聖

勸我勿事遠行遊，留處山中共茅屋。吁嗟人性各有真，此身去住元無塵。鴻鴈南北時所適，何能鳩雀巢荆榛。始信遠公招白社，淵明獨是我輩人。

嚴陵雪舟

二月二日願北風，我船飄泊嚴陵東。夜半雪飛蓬瑟瑟，寒氣遠透七里瀧。朝來起視水半結，溪山晶瑩連蒼穹。初日瞳矐射光彩，瓊瑤世界銀河中。漁叟猶攜一竿釣，歡呼駭殺泉州童。泉州故無雪時有從行者

穀水中秋雨

中秋舟泊越江隅，風吹驟雨如號呼。窓中秉燭聊獨酌，

得醉何論月有無。此夜人人欲見月，此夜人人惡聞雨。

不知南畝苗已枯，豐年始得具餐餼。雨聲滿耳與更發，復進數杯神勃勃。明朝試聽農父歌，始信今宵雨勝月。

乙巳九日泊舟彭蠡

九月四日祁山陽，已見菊花滿店香。今日舟中不見菊，向晚暫泊彭蠡傍。呼童登岸買酒，舉杯獨酌看月光。濕葉登山縱未得，扣舷臨水神徜徉。夜景清虛可憐絕，坐到蕪段渚滿霜。

望夫石

良人何處遠爲客，陟望崔嵬化頑石。攜抱兒子跡宛然，五嶽遊草卷二

卷二

七

言聖

停停壁立無朝夕，北瞻天外恒山青。南顧日邊蓬海碧，春來秋去草木愁。月落猿啼形影隻，夫若歸時天地春。頑石還當化婦人。

江郎三片石歌

三石峻峭勢如劈，上有綠樹紛牽綴。停停突出雲漢間，旁無倚附真奇絕。我自長安憶此君，歸來一路愁雨雪。今朝仗劍過江郎，正值朗耀情逾悅。遠觀近覽形詭殊，祥光寶氣森明滅。盤足已斷三山漂，江淮河漢東南決。撐天立地君獨存，萬古綱維賴不折。嗟哉丈夫振拔奮，若此使我想像千載之豪傑。

玄巖壁立何嵯峨。白虹倒掛垂天河。非煙非霧亦非雨。
皎如霜雪投滄波。上搖星漢霞光之燦爛。下注幽深不
測之層阿。有時忽逐狂飈起。灑落空濛凡幾里。獼猴踰
躡不敢前。烏鳶帖帖墮溪址。雲收日朗生風雷。何物神
奇乃若此。君不見廬山瀑布古稱說。秋冬枯澗流或竭。
維斯噴礪萬古存。金銀采色交明滅。又不見剪刀峰外
錯危礪。礪頭坐斲能忘歸。撫掌歡欣發大笑。不妨霰沫
頻沾衣。

瀑布下有忘歸亭中有剪刀巖

北邙山歌有序

五嶽遊草
卷二

卷二

八

三百五

北邙山古塚中多通磚長潤如阜面厚四五寸
中虛背面雕文甚精緻土人取而賤用之感而
作歌

作歌

洛水西偏黑石關舉頭忽覩北邙山秋風悽慘雲寂寞
行人過此傷心顏北邙山上草揭揭北邙山下瘞枯骨
夜深寶氣閃燐光白晝姦人頻發掘古塚初開望見時
衣衾整整紅兼綠須臾化作煙塵飛獨取珍寶及珠玉
通碑方正案几平背面俱有雕文明荒墳掘取莫計數
堆委溝壑淪榛荆不知在昔安所用居民肆取承盆罌
漢文議葬欲從薄其中可欲來穿鑿九原無策能銷蠹

精爽飄揚何處泊世人總作千歲謀千歲枯骨憑誰收
喬苗祭掃久已廢窟穴狐兔鳴鵲鷗莊周達識悟獨早
螻蟻烏鳶奚足道存亡隨處弗關心造物同遊神自好

長安漢治歌一首

儒者貴耳不達變動與古昔增虛聲不知時勢既變易要在易簡依人情吾愛漢文秉聖質恭儉率作四海清露臺惜賢葬獨薄止輦訥諷懲躬行田租賜半或併蠲間閭官府俱克盈爲一女子罷肉刑偉哉卓識何神明處處力田脩孝弟烏獸咸若犬不驚詔書典雅更溫潤父老傳誦涕從橫太甲孺子稽良輔此獨垂拱人仰成

五嶽遊草

卷二

九

漢家王度式金玉不與周官同法程蕭何律令叔孫禮

百世慎守誰能更嗟哉二千開太平豈遜三代名世之

賢英

五獄遊草 卷二

九

三
百
七
十

蕭何律令叔孫禮肅肅濟濟臻治體尊卑上下當分明
編叢已就儀節成典刑垂象若日月四海無冤訟獄平
春秋戰國匪畫一王道凌夷久蕭瑟漢家奮劍關乾坤
宗臣創造兼文質海晏河清四百年憲章世世罔遺逸
一代精誠神鬼謀聖人復起奚能易若不見蒼頡制字
本鳥文大篆小篆生八分于今真楷既足用古跡亦可
備見聞又不見往昔祭祀皆卜尸孰與設主爲得喪否

亦有非今有是所貴從俗請當時封建不如立郡縣兵
農之倉卒何以衛藩離紛紛賤目漫刺譏高談藹餅
難療饑

黃鶴樓歌

兩過武昌下兩登黃鶴樓大江淼淼歸溟海遠樹蒼蒼
夾漢洲仙人曾此飲美酒塵埃不到樓上頭凭欄豁風
景三楚望悠悠東眺彭蠡渚西盼洞庭流指點十年經
歷地已成陳迹白雲浮騎旅本萍梗鄉關亦山丘却怪
唐詩人開口集百愛人生天地內達命何怨尤大造與
我元不薄我于大造復奚求榮華富貴朝落得長盈
五嶽遊草卷二 十 三月四日

灞上歌

沛公早歲名好色起兵西伐遂老蒼秦皇宮闕若天上
宮女如花還靚粧匹夫一覩佳麗場寧無眷戀生猖狂
樊噲進說旋曉悟還軍灞上高翔翔龍文五采結秀氣
天啓聖漢懷多方鄙哉范增乃何物舉玦欲殺具天王
劉項仁暴業已定帝心簡在誰能戕徒令項莊拔劍舞
玉斗破碎空惋傷晚年忘却入關事戚妃龍髻成膏肓
母愛子抱尚尋常燭檠欲落儲皇商山四皓爲羽翼
畫策全藉張子房可知人心易出入湯武桀紂爭毫芒

所以聖人力遠色始終一節斯允臧

洞庭歌

憶昔泛彭蠡猶恨近山岑今來泛洞庭汪洋始稱心消
滔浩浩捲天碧勢掩星宿奔滄溟煙雨吐吞多變幻魚
龍出沒生怪靈時或風狂波壁立崖崩地裂雷震驚又
或安流浪不動情光斂灩如掌平四顧何曾有孤嶼千
艘來去常盈盈坐收不見瀟湘跡洩未猶搖鄂渚城人
言觀海難爲水我實生長閩海址淼茫若此豁雙眸遙
對君山良可喜世人好事併豪舉每向郊原開綠野堆
疊數石擬固嶺復闢清池畜蝦蟇蛤蟆之輩豈足禁滄
江一曲空迴還安得移來五嶽聚且放洞庭於厥間旦
夕俯仰觀義書軒然一笑披心顏

岳陽樓歌

岳陽樓上天氣清岳陽樓下煙水濶千艘萬舸隨往還
飛鳥鳴禽相叫聒登樓覽勝動相招浮踪浪跡滅聲跡消
獨有先憂范文正名懸日月高名是憶昔過姑蘇曾見
手植柏根幹爛斲枝葉枯朝代弗忍支以石一時名德
果絕倫千載朽株猶愛惜世途却似東流水層層趨下
轉蕭索於今惟願公復生九天霖雨民安宅

石經歌

八邑勒石書經文觀者如堵神竹冰歲久燬滅無有
李唐亦起繼其踵我覽太華心目醒更入壁洞看石經
古經十三悉全備群碑森立環翠屏字體端嚴且典雅
一行一幅垂箴銘精華下賁光草木文彩上微輝日星
迴廊四折秋寂寂貞珉一叩聲玎玎良工榻印日不給
九域於斯視典刑聞昔地裂碑不碎扶持應有鬼神靈
草率誦讀心既醉留連賞翫眼猶青鴉棲日落還歸去
出門回首望高亭

雲汀魏石行酬劉學博陳山人

雲汀之石何崔嵬丹青窈窕臨江開停壁立十餘仞
五嶽遊草卷二 十二

澄波素練相縈迴上有縉紛不老之藤樹下有葱蒨未
歸之莓苔捫蘿直欲陟其頂路窮逕又空徘徊憶自溫
麻千百年神物祕護龍蒼煙道旁集靈等頑石烏啼花
落何人憐陳山人劉夫子選勝搜奇始知此殷勤一盼
生輝光頓令觀者來成市君不見鹽車之驥逢伯樂豐
城寶劍須雷煥山川顯晦會有時繁節中流發長嘆

滕縣阻雨行

昨日阻水今阻雨客途不進滯荒村飯錢極貴蔬難食
橫設短几空對門茅房信宿聲且漏四壁垂垂盡水痕
去時旱魃苦爲虐歸來霖潦汎岡原恒暘恒雨兩相值

旅懷抑鬱誰共論聞關已畢北遊興欲向衡陽采蕙蓀

鴻門行

昔日鴻門會天意非草草項羽兵鋒不可當破軍笑翹
摧枯槁誰意中宵項伯來得與解說申姻好次日從容
杯酒間殺機凜凜難自保項莊舞劍轉流星左右危急
心如檣是時樊噲突筵前壯士斗酒那足道怒髮出危
言慷慨舒懷抱彼音學詩書彬彬炳文藻當獨主辱誓
捐軀凌槽豪氣逼蒼昊舉玦終不行妖氛若電掃玉斗
雖破碎業已脫身早此中實有神明存天啓至人登大
寶

五嶽遊草卷二 十三

商山行

商山一出定儲皇羽翼摧頽頽敢起誰云處士權勢卑
俄頃軒輊漢天子高帝當年寵厭如意料鴻鵠不能飛
倏然曉悟歌且舞四海復仰前星輝嗣後羊裘有老父
垂綸不肖仕世主御牀偃臥動天文倉卒歸山功未覩
君不見四皓著績勝嚴陵高祖信賢過光武

汨羅行

屈原憤惋投汨羅離騷九章復九歌忠言讜議不聽信
宗國淪亡可奈何宗國淪亡無處所但見瀟湘之水浩
浩今古流江河尼父剛來三百詩延綿歲久體已移美

哉高人創新格獨出行軸真絕奇澤畔行吟苦抑鬱欲
就重華敷厥詞自傷天性頗惴惴安能揚波與噉醢世
人總總誰不死彭咸接踵復奚疑死別離今悲莫悲魂
一去兮來不來古音孤骸逐流泉真誠薄蒼天文重鍾
鼎重聲名日月懸九州風雅併在楚衡霍江漢生紫煙
漢賦相模倣晉魏難並傳齊梁徒綺靡李唐尤寥寥我
行過此三歎息曾有音義發其玄子雲涕泣抱深意故
作反騷與之異兩說並存天壤間比干微子孰軒輊

長沙行

賈誼謫長沙說辭賦鵬鳥者論極幽玄達觀天宇小洛
陽意氣振風雷耿耿文光逼上台遠徙江南昇濕地盡
言天子不憐才有道漢文恩豈薄大器晚成功乃博松
栢蒼古經歲寒主璋溫潤須磨錯忽聞宣室召前席問
鬼神帝意雅推讓契合固無倫豈有賢於我不可作臣
鄰醴設赴梁筵龍見將在田孰知王墜馬誼亦天天年
功名有命必莫必高妙無雙憐復憐傳說未相乘箕尾
空使治安萬古傳

五嶽遊草卷二

古

湘潭行

夜靜推蓬窺明月照我牀起視洲渚外樹木何蒼蒼
人亦停棹酒酣唱滄浪長年三老共嘆息於今始得脫

危鄉山回岸轉江漸窄時豐俗朴民亦良况逢今夜好
風月軒睡一覺無憂惶憶昨寓牌洲寇盜從橫畫掠舟
又過大羅山強徒執兵窺碧灣風吹草動心膽戰性命
實係非等閒微天之幸偶無事鏡中已失舊容顏我側
聞之亦大喜不見古歌行路艱

江中行

西方爛朱霞白日忽將夕上灘下灘進作湍遠山近山
相映碧奚兒展卷坐蓬窗舟子牽維綠石壁村酒江魚
聊自適身外虛名知何益鴟夷當日泛五湖惴惴猶恐
人踪跡

五嶽遊草卷二

圭

三

衡山行

我來遊衡嶽直上祝融頂坐倚觀日臺遙見扶桑影轉
踏仙人橋僊人雲裏若可招更踐金牛跡金牛已去惟
懸石洗衲泉生五月寒珠簾瀑灑千崖碧咫尺雲來不
見人須臾霧散絕纖塵自是化機多變幻奚言默禱能
通神七十二峰森羅簇起自回鴈至嶽麓中有帝禹蚡
蚌碑時或一露終難讀高人棲遯不可尋鄴侯書屋留
空林功成未忍速飛去却使青蛇離斷金細思宇宙獨
沈吟何必熟名早稱心欲向爛柯深僻處小築行食單
孤琴

趨匡廬雨阻宿太平宮舊名永真洞天

潯陽出門日色開太平宮前驟雨來肩輿難進獨徘徊
道人留客且銜杯一夜林木撼風雷下帷兀兀諸念灰
遊山不在登高臺要須方寸無牽絃若於境況生取裁
九州十島仍塵埃

禹碑行有序

禹碑在長沙隔江之嶽麓余過弗知也及至湘
潭聞縉紳之言乃返舟而觀因有此作

岳麓神禹碑宋末塌刻之真蹟雖莫窺字體殊偉奇儼
如冠冕之獨立矯若鳳鳥之來儀或盼而連目或聳而

五嶽遊草卷二

夫

三

竝肩或展而雙足或握而兩拳神藏而蘊蓄意豐而踴
躍既非鳥跡之側側亦非垂露之消消篆隸八分抑又
邈焉計歷年之既久何點畫之新研豈鬼神之默護故
歲久而彌鮮據譯讀之恍惚未必當日之真傳余過長
沙而弗覺偶至湘潭而返船直肩輿而迅步遂冒雨而
陟巔喜胸襟之豁滌獨坐翫而日夕弗旋昔韓退之嘗
千搜而萬索至咨嗟而涕漣余實迷途之未遠無亦此
生之宿緣

余按禹碑或云在祝融或云在峒嶺其詳不可考
也唐有道士偶見之韓昌黎力索弗得也宋乾道

中何致遊祝融忽值樵夫引至其處乃以故紙揭
之刻于嶽麓書院未幾亦榛蕪矣至我

朝嘉靖中始復得之今天下所傳皆嶽麓刻也近
亦刻之祝融絕頂其真蹟久已泯沒今譯讀者數
家亦以意揣之云爾

二疏咏

二疏早乞身懷金歸鄉里日與親朋讌不復念孫子彼
豈老諄無聞知田廬舊業足撐支賢愚多化皆不可況
有衆怨生嫌些美公雅出世人表篤論嘉言理非矯下
澤欸段可自安何必高車誇要賈君不見清平之世吏

五嶽遊草卷二

七

三

多廉歸居界室耕薄田子孫刻礪謀樹立青雲接踵稱
英賢又不見否塞之世更多貪滿堂金玉堆琅玕子孫
驕侈旋破敗冬或衣葛朝無餐奈何薦紳弗明覺一入
臚仕忘舊學公然剝削殖資財涇水侵淫渭亦濁

李杜評

長句唐時推李杜筆動風雷起雲霧至今挾策五尺童
高山仰止知歆慕詩本情性貴溫文言者無尤聽不怒
若敘潑洩吐腎腸一段丰神終太露太白縱酒頗猖狂
沾沾自喜常誇張子美詞章差近厚時亦叫跳若無傷
二子均稱百世賢氣岸傲睨凌然君不見魏晉名家

恒醞藉況有和平三百篇

叱虎行有序

萬曆丙申虎禍大熾頻入城邑賊害人畜民甚苦之無如之何余郊居六月二十夜有大幾爲所噬起而叱之得免因有此作雖然叱之爲狗也憶少年時嘗讀書雪居山寺虎有牝牡相戲于庭余視虎虎亦視余似相忘于無言者昔有僧人獨坐巖下虎夜至伏于前僧曰前世有冤吾當飼汝如其無也汝當避吾虎徐徐去余行四方聞此類甚衆乃知虎之嗜人非偶然矣夫無害物之心卽孤僧常無恙有暴虎之心卽以李廣之善射亦幾于喪身虎殆有靈乎聖人謂雷政猛于虎虎猶可格也嗟嗟

五嶽遊草卷二

大

三

夜深與客坐前楹虎有逐大聲蟲蟲去我不及三尺許虎甚猛烈犬悲鳴我起一叱虎且驚走觸迴廊石盡傾犬旣得全客亦喜把燭命作叱虎行吁嗟乎倉卒虎威猶可叱不似虐政濫從橫

問牛行

羊棧嶺前逢群牛十百相續行不休問牛何來復何往來自襄陽及光州欲往休寧市上鬻得錢子母

相伴牛行月餘未得息精神疲倦筋無力草鞋繫足口有籠步步近死徒驚惻嗟哉商賈何不仁惟知覓利肥厥身食牛之輩圖口腹罔念稼穡功艱辛吁嗟殺牛罪當入官府簿書視不急余旣問牛內感傷上頰下頰灑淚泣

釋狗行有序

余遊南嶽過衡山縣聞舊有屠者縛狗將殺之適值蔡槐庭先生問殺此狗得利幾何曰錢有五分槐庭如數惠之狗得釋放次日言于邑令以鼓樂導牌至其家勒令改業自是邑無宰狗

五嶽遊草卷二

九

三

者余聞而嘆美之聊述其事以風四方

世人宰猪亦宰狗實德侮有大功主人昏夜得女枕豈與尋常諸畜同楚人縛狗將解剝偶值慈悲蔡老翁旣與之賄獲釋放復令賜橄欖其衷自是改業不敢犯吠聞四境閭閻豐我聞此事重嘆息安得四海慕其風金牛全馬併全犬敝蓋不棄恩無窮

放生吟

邇日諸賢多放生鳥雀魚蝦頗得所哀哀無告滿街衢號饑啼寒長困苦聖人之道始親親仁民愛物

今于微細反加澤嘉惠未見周孤貧何當兼奉兩無偏
庶幾不愧西銘篇

襄陽舟子行

舟子自襄陽渡我上均州登岸買酒肉自食仍素羞借
問酒肉與何人謂欲將歸遺二親二親班白漸衰老賤
子商漁長苦貧明日過家省膝下薄獻微物聊自伸我
聞嘆息樂陶陶何身卑賤陳義高人言孝弟動天地當
有神明祐爾曹均州連亘多峻灘中有石門度獨難漢
江傾瀉水漂潏懸崖千仞石崩亂此舟履險幸不危及
抵安流牽纜斷若教纜斷值灘前舟楫破碎骨糜爛彼

五嶽遊草

卷二

干

固萬死不一生我亦何由生羽翰尋思此事亦頗奇天
道分明條可知獨惜世情轉偷薄不念父母念妻兒

掌鞭行

北方客舍重歇驟掌鞭之奴貴無比餉之酒肉不爲餐
以驢迎接十數里主人牽驟一入門飯草併求三倍利
客人進止惟掌鞭左右指揮皆如意吁嗟乎權之所在
賤且尊貿易貪圖亦無幾何況勢要大于斯吸汁炙手
烏能已

哀輿夫行

哀哉輿夫何太愚饑食貪餐與人殊衣裳破碎罔意顧

日越百錢口不餬邇來風雨未登途三日頓食六鷄雞
飲酒且至數十盞恣意醉飽呼烏烏一身窮窘不自圖
安顧父母及妻孥君不見徽州富商斗量珠旦夕鹽豆
食應芻豢哉輿夫真太愚囊空一錢看也無

經分宜相國故居

相國有子虎若狸天下皆知父不知一朝禍至莫措足
身委溝壑家流離作威作福恨不多威福已多成自推
一似投燭小飛蛾倏忽糜爛奈若何達人所以歸山阿
卻去佩玉著漁簑

憶兄篇

五嶽遊草

卷二

主

憶昔先兄曾見勞去美色环財能弗好答謂弟亦有情
人何嘗絕跡媒高操非禮之色不義財淫邪冒昧同賊
盜雨中男子堅閉門暮夜黃金奚足道生平拙守故若
斯冷冷子子非矜傲兄喜攜觴輒醉余談說古今歡絕
倒歲晚妻亡囊益空兄墳宿草那堪掃登山縱酒獨清
狂不是重陽頻落帽

病足吟戲呈沈士莊兄弟

鴈蕩天台號奇絕夏中冒雨陟其巔清秋擬到萬華上
高歌一曲神仙仙登期臥病敬亭下兩足瘡癰長憂煎
拄杖下牀頻欲蹶手把圖經抱枕眠不巾不履仍不簪

日費主人沽酒錢六旬展轉秋將盡支離自笑還自
出門欲去不得去驪歌幾度猶屯道昔何勇健今何偉
拔劍嘆息孤燈前

題梅嶺長春圖爲陳爾聘先生稱壽

溫陵西嶺梅花開凌霜破雪環書臺中真人綠玉杖
披襟著述垂將來壯歲旌走宦海直道匡時志不改
蒼生霖雨係深思維揚吳楚聲光在拂衣一旦還舊山
杜門却掃花鳥閒經史百家不釋手精神朗徹常童顏
虞芮有言胥賈正江湖身退亦爲政庚桑畏壘肇新祠
漢世王陳今與並昔時曾訪嶺之巔芝蘭春色心油然
五嶽遊草卷二

贈京州了然上人

有僧遍體被綺紗左右沙彌顏若花濫騎驛馬事權貴
吟詩作字徒浮華我愛上人披破衲洞分虎穴坐雲霞
人門懇惻訪心要時與棒喝去吃茶

五嶽遊草卷之二終

五嶽遊草卷之三

五言律詩

游

雙屐山中去片帆江上浮如何萬里遠不見一人遊
月酬孤影彈琴抱獨愁懸知從此去春水伴輕鷗

貧

從古清幽士長貧道即存蕭蕭寄窮巷寂寂閉閒門
臨時耕鑿詩書自詠言何如事權勢奔謁盡晨昏

自警

人生誰久視朝日忽斜曛輕露棲寒草長風散薄雲
五嶽遊草卷三

居何燁燁荒塚更紛紛達士崇明德英聲萬古聞

遊隱

雙鬢衰年景斯心少壯同遊非出道外隱亦在行中
事朝晞露人情葉逐風誰言不好佛灑落是真空

虛度

家庭承管欵結友徧關河歲月成虛度悲嗟可奈何
讀書苦索對酒謝嬌歌在昔今將歿回頭愧衰我

故吾

性偏難適俗素志託江湖真隱應飛走浮名可有無
讀書頃向借飲酒不嫌沽今昔何非是顏顏尚故吾

山寺讀書

鍾落秋初曉朦朧起讀書寡諧憑客訪守拙任吾疎山
翠濃堪樹潭光動亦虛一瓢能自給誰憶故園居

夜坐

西風到高樹飛葉下堵徐病至秋開酒身閒老愛書子
猷看翠竹靖節猶清疏夜坐思玄理疎窓月色虛

山中早秋二首

客遊思避暑偶爾到雲岑僻靜忘塵夢清幽長道心梧
桐秋色淺澗水月華深頗憶聯牀話憑誰抱素琴

春夏詎能幾淒淒白露還秋容先到草客意未離山傾

五嶽遊草卷三

鼠窺禾去清蟬抱樹閒人生衣食外焉用苦間關

春江書懷

江中春雨飛默默掩船扉親沒辭朱紱年衰戀翠微暄
洲藏隘甲密葉濕驚水不是疎人事無營久息機

江心寺除夜三首有序

癸丑寓江心寺守歲時余七十有三矣自檢生
平所歷除夜凡三十年在外偶憶唐人之作若

戴叔倫崔塗佳矣然愁顏衰鬢之嗟羈旅飄泊
之感若不任其悲怨者余不知其何心也口占

三首聊以紀事

偶過江心寺何期又歲除百年俱逆旅信宿即吾廬宇

隔遙沽酒厨寒剩煮魚客游隨處好鬢髮任蕭疎

忽忽當除夜江天感興新五湖長作客孤寺更無隣簷

溜殘消臘庭梅暗轉春夜深猶強飲寂靜戀佳辰

庚戌離鄉井遨遊已四年鷄鳴分歲月鴈斷隔雲天森

森漁燈遠盈盈佛地偏從容今夜酒何必問神僊

開酒二首

去年曾止酒今日復開尊半爲山嵐病亦緣秋興舊寒
蟬鳴野草落葉到柴門獨坐那禁得淵明可與論

秋風曾幾日草樹已蕭蕭薄酒聊斟酌幽棲伴寂寥山

五嶽遊草卷三

客隨意淡鳥語向人嬌此後多霜雪何能斷一瓢

酒興

逃名久不拜何用倩人扶短褐酬官長蓬頭見野夫江
清鷗鷺戲山靜鷓鴣呼禽鳥俱能適吾應對一壺

寄居

遙看孤嶂外秋色滿江湄力倦心猶壯年侵老不知青
楓頻對酒素月暫裁詩幸有兒童伴鷄棲亦自怡

病起

禪房初病起背手一閒行薄霧松陰合輕雷澗水鳴山
中多好鳥靜處有深情小酌開懷抱欣然得此生

知音

世有伯牙手鍾期不易逢秋風摧百草寒雪老孤松曲
下人爭和行高衆莫容古今俱有此莫遺壯心慵

論詩

詩從三百後騷賦最難齊晉宋聲猶古梁陳調已低野
花隨地發山鳥趁時啼應世須唐律披懷漫自題

論文

文從典誥後魯論獨精神太史綜前策唐人謝舊秦雅
馴隨道降體製逐時新謾墓無輕筆蘇公固絕倫

江鴈

五嶽遊草

卷三

四

三百六

忽忽仲秋日江干見塞鴻一心天地外兩鬢歲時中貧
病儒常事浮沉道未窮何知南與北來去任飄風

離別咏

丈夫經海宇男子本參蓬離別一朝去音書萬里通持
杯思朗月把劍任飄風何至雙垂淚將無兒女同

謫宦咏

容身非直道報國有孤悰謫尋常事賡歌三五逢乾
坤多勝槩山水寄浮蹤何用生悲嘆濃霜看老松

出塞咏

給杜二

出塞有雄志燕然更北臨破胡頻苦戰橫樂自高吟草

短冰霜烈松枯歲月深何須問生死勲業信丹心

夫並生斯世有合必有離一入仕途有升必有
謫處中國則絃士民出邊塞則平胡虜此皆人
生之槩男子分內事也唐詩于離別謫宦出塞
諸作類憤怨不能自堪詞雖富麗而于丈夫之
志節微矣余故咏而解之庶幾存風人之遺意
乎雖然斯道之晦久矣世之步趨唐詩者且譏
余爲宋人之陋也夫

春宮怨

君恩雖已斷妾淚猶長流夜雨偏多冷春風總似秋蓬
五嶽遊草

卷三

五

三百六

飛開鏡懶嬌落對花羞自有相如賦何因到御樓

長門詞

合上

歲序不長暄華容豈久存自悲知色謝何敢望君恩萱
花樹別院秋草閒閒門持此寬同病無勞拭淚痕

唐人宮怨閨怨之作類託以自寓然色衰則愛
弛才拙則寵移道直則身疎時遠則眷輟此消
息盈虛之恒理也今勅輒怨尤累無悔惡之意
其責人終無已乎余故及而咏之庶操觚脩詞
之士有安土樂天之堅實性情之正風雅之遺
思也已

客中立秋

蒸濕前朝雨淒涼今夜風秋聲先蟋蟀露氣到梧桐
覺春衣薄尤憐旅索空潞河問舟楫明月向吳中

七夕

燕山牛女夕孤客獨淹留露溥琴書冷風傳鼓角愁人
問巧尚乞吾道拙爲謀去去兼霞外徜徉得自由

春夜

郭外卽爲家濛濛月色賒猿聲來竹樹人語隔江沙天
地閒杯酒行藏寄釣槎良宵不能寐緩步遶桃花

園居

五嶽遊草卷三

六

今朝風日好蜂蝶趁花忙坐久潮聲近春添桃李長世
情俱失馬事業幾亡年劉阮真能達無時不醉鄉

夏末病足至中秋未愈

夏臥西湖上秋棲宛水陰艱難長病足遊走負初心短
夢依孤枕輕寒中薄衾那堪良月夜強起獨愁吟

聽鳥二首

曉日明孤寺清秋對遠煙薄沾村老酒開展聖人篇齋
熟嘗僧飯鍾鳴靜佛天鳥來庭樹語偏欲使人憐
好鳥人不識坐聽實譊然清揚如笛奏宛轉似珠圓形
隱穆枝內聲流几榻前曉來還數轉秋景助佳眠

涉世

萬里關河道風霜共往還人來名白社吾意獨青山踪
跡非無阮襟懷且自閒曾聞涉世士水炭帶愁顏

客舍促織

霜風颯高林促織林下吟物理因時序天機自古今達
人眠正穩遊子淚沾襟此意如能悟行藏盡快心

登樓

遊子故悲秋野夫殊不愁看山餘夢寐對境輒吟謳病
起日嘗酒風涼暮倚樓乾坤皆樂景此外更何求

舟中卽事

五嶽遊草卷三

七

乍聽雷聲起滄海暫泊船魚遊垂柳下鴈度夕陽邊山
氣收殘雨霞光透薄煙一番涼爽至達裡最堪眠

齋

兩月居巖寺飄然得自怡神清飯有味氣爽菜多滋幽
鳥迎人語遶山帶雨奇珍羞徒益病擾擾未能知

曉舟卽事

夜遊秉燭在解纜復行船柳色河將曙波光月尚圓靜
聞人語細輕拂酒旗偏歸路饒秋興無時不扣舷

甲寅中秋

往歲中秋節酣歌待漏深胡當今夜月獨坐古槐陰

酒新持戒賓朋乏當首心神離魂若撫素弦琴

晚虹

雙虹橫碧嶺閃閃有餘光雨足收殘影猿聲共夕陽老
農方苦旱過客亦愁天意終仁物明朝未可量

感時二首

短劍遊千里孤琴寄一村看山彌歲月作客任乾坤賦
重民應苦年饑盜亦繁無因訴官長嘆息對禪門
噴噴與長嘆何曾為此身倉黔元有寄迷散久無隣漢
世循良遠今時感慨頻自憐萍梗迹流落在斯民

曉行

五嶽遊草卷三

八

清少

居人方熟枕行客出柴門月暗疑無路鷄鳴覺有村臨
岐辨樹涉草創尋原自是成幽况何勞憶故園

登南海城

絕島分閩粵孤城勢自雄桑麻消虎跡鼓吹傷龍宮濤
湧諸番月沙飛萬里風不緣賢地主何以泛空濤

過大安驛

雨後風光重秋深翠色多孤煙浮綠竹小店傍青蘿成
壘分閩壤風謠雜楚歌客遊頻往復歲月任蹉跎

閩關旅夜

已是吾鄉土離家尚十程疎窗通野色孤枕傍松聲梧

落秋難賦悲歌劍不平僕夫催曉發燒燭待鷄鳴

度嶺

曉度湖東鎮雲霧裏登野亭多聽鳥山徑半逢僧錯
出疎林筭交纏老樹勝北游從此如飄蓬任飛騰

福寧道中

路難惟此地峻嶺日相連趨下如投窟登高欲遍天樹
危猿不度崖側瀑常懸最是傭夫苦來回老歲年

江西遇水

壯游隨處好洪水却傷心列郡蛟龍起千村煙火沉人
家巢密樹舟楫度高林疏鑿思神禹悲歌半不禁

五嶽遊草卷三

九

清少

遊龜峰寺

落葉惟荒寺群峰自有天洞門山鳥下佛榻野狐眠雙
劍風雲外孤星日月邊老僧頻指點怪石總堪憐

天台石梁

一崖飛跨兩相割類山門壑走千尋落泉鳴百里喧次
且危措足反側動消魂移移心無事每苦縱履痕

遊武林龍井巷

遙迴山窈窕寂寂隔塵紛龍吐千峰水鶴棲一片雲
潭潭得奇絕絕得奇絕得奇絕得奇絕得奇絕得奇絕

馬山雨夜

奇石立森森禪堂隱暮容秋燈孤榻靜雷雨萬山沉
帶寒聲急雲將冷意深經旬茅店宿何似此時心

樂清道中

豈意溫台道猶然似北關斷橋尋渡處峻嶺忽征人客
舍徒蒸濕與夫復傲器緣佳勝在來去冒風塵

遊海上太武山

峻嶺逕回環藤蘿刺可攀塔臨荒殿古鶯度落花間斜
日翻紅影晴峰絕翠巒遲回歸路晚明月滿邊關

宿古玄觀觀之結構按八卦甚奇

積雨喜初收玄關去復留月明窺藥籠溪曲抱丹丘葛

五嶽遊草卷三

十

許諸仙窟義文八卦樓生平欣勝跡此處得真遊

宿靈谷寺

出郭度兼段青松十里餘山雲帝抱鳥花色故侵霞古
殿非梁木空階有琵琶三旬斷來往清臥展南華

題謝墩別墅圖

詩真餘雅興卜築謝公墩松月精神在風雲夢寐存出
山非小草著論薄清言客至開圖畫療饑泌水村

登九華東崖絕頂

昔從江上望數朵遠空青今在崖頭坐奇峰併此亭高
能摩斗極秀自洩坤靈信宿神光洞風塵夢已醒

兩登黃鶴樓

北風吹雨色獨上武昌樓雲暗鳳凰樹波沉鸚鵡洲李
崔不可見江漢自長流一目窮三楚居然跨鶴遊

舟次沙陽

兩岸青山渺茫極水鄉曉霜帆帶白寒色柳絮黃已
斷風塵想空爲名勝忙不聞歌鳳鳥誰謂楚人狂

漢水滄浪亭

魯東孺子咏濯足併濯纓今此滄浪水蕭蕭祇有清千
尋看鳥度十丈見魚行來往沙堤步心澄眼亦明

渡淮

五嶽遊草卷三

十一

侵曉呼舟楫始登淮北程鷹鷂突地起鸞鶴亂流鳴柳
欲凋秋色人猶帶月行客途多逸興蕭爽慰五情

曲梁鄉西行去嵩山近矣

名勝今將近西行更與徐人居猶土窟貿易只園疏引
道憑斜日停驂問草廬尋山吾自癖作計未全疎

扶溝阻風

樹木聲如吼肩輿不可行草枯寒曠野沙走混前程發
髮星星亂衣裘襲襲輕荒村問沽酒未得一壺傾

冬過驪山溫泉

溫泉留勝跡稚子尚驪歌不染黃龍氣翻成碧玉波

天隨處冷春色一池多厭說楊妃事淫聲穢薛蘿

出紫荆關

關吏從余出長遊愜素襟溪迴灘石駛嶺峻樹雲深寒暑分天地華夷變古今心期恒嶽頂辛苦豈難禁

下紫荆關

回望紫荆關魏魏天漢間民饑軍亦困客久僕常頑坦履無危道寬心有壯願金陵數千里匹馬獨回還

望嶧山以洪水不能登

來往鄒滕道相看竟未過山靈應笑我河伯故爲魔遙愛峰巒秀空聞寺觀多百年吾老矣勝事恐蹉跎

五嶽遊草卷三

十三

宿州阻水

歸路何辛苦長途潦不消危橋斜迫水平地驟生潮舟子呼難至與夫懶自驕黃昏詢客舍猶隔一村遙

宿州雪行

曉發睢陽驛肩輿破雪行梨花飛片破柳絮點衣輕混見馬蹄跡清聞牛鐙聲杏林得沽酒佳景慰閒情

龍門洞

伊闕山前洞虛神妙不群半空人語應一壑佛鍾分寂寂元非寂聞聞又弗聞秋風對洛水僧榻枕閒雲

入潼關

春初曾過越秋末復來秦直欲窮山水元非畏病貧雪消增嶽色風急動關塵問我何爲者孤遊笑此身

泊蘄州卽事

斜陽謀共泊結舫作比隣逆旅誰知己聯舟卽故人漁歌清夜月劍氣散風塵來往俱經此防虞任客身

再泊涑口遂取道江右

涑口前時泊扁舟此日還山川常獨往心跡已雙閒雨後雲兼黑溪迴竹尚斑欲從東道去岐路問江關

往遊南嶽舟中二首

兩鬢知衰白油油復遠行十年惟此興五嶽有餘情炎五嶽遊草卷三

十三

暑歡邊解風霜醉裏輕何如在朝市東東度吾生具門一水接楚塞衆山連書史同昏旦江湖且歲年洲迴蘆花莽橋動燕翩翩何處爲南嶽雲開望杳然

過瀾陵

瀾陵河水凍客路近西京雪意山容淡雲重日色輕川原俱索寞人馬兩淒涼多少英雄跡空餘懷古情

金陵郊望

無處非佳興牽帷卽見山身名去就外物理有無間鳥過皆陳迹天迴若轉環何須垂竹素聊得此心閒

晚次五福

楚水窮今渚閣開曉途晴雲連玉女山色對麻姑木
落秋風急江寒夜月孤遠村難得酒寂寂聽歸鳥

盱江舟晚

微雨孤舟暮遙歸萬里身他鄉當末路故國未逢人已
與風塵遠寧忘杯酒親沙明岸樹翠興滿此江濱

樟樹舟中

自論晚踪跡一出廿年強鬢髮風沙短江湖歲月長遠
山鷹搏雨近水鳥穿橋已買還家棹遊情尚未忘

舟過長沙

扁舟頻細雨吾道自閒遊昨泛吳江尾今當楚水頭晴

五嶽遊草卷三

古

信

沙圍宿鷺茂落戲輕鷗弔賈無他語長沙不用愁

舟泊劍江

起居定何在旬日只江濱遠水通章貢連山帶越閩浦
墅三秋色舟航幾處人莫嫌蓬短窄亦自脫風塵

舟從漢口入襄陽

遠路惟舟楫分江過漢河岸客隨雨暗風葉逐帆過酒
興吾衰減秋悲楚客多龐公棲隱處寂寞滿煙蘿

晚泊

昔向洞庭去今從彭蠡還懶于交處少貧自得吾閒山
水藏深味詩書解病顏幾株楊柳樹繁舫碧溪灣

舟過襄州

泛泛宜春去暮溪曲若環行轍惟綠水暗對盡青山垂
老元無事長遊似不開逢人難與語徒惜鬢毛斑

泛舟彭湖外洋

直泛滄溟外飄搖意自閒天浮惟有浪日落更無山隱
隱蛟龍動飛飛雲雨還幾人曾到此披豁壯心顏

泊舟武城

繁舫垂陽下弦歌見郭門秋風鳴野樹暮雨暗江原禮
樂言猶在文章道已尊時平需守宰仰止獨難論

延陵舟次

五嶽遊草卷三

十五

信

舟小難伸縮跌脚亦自安冠從蓬裏掛書就膝前看雪
化溪流長天陰野水寒歸帆順風色沽酒且為歡

至日宿胡家莊時有閏月

忽忽逢冬至胡家逆旅莊寒雲迷曠野短燭照空林復
月猶餘闕關門不閉陽一杯寬僕從山水足徜徉

寒舟

遠處雲情戀長驅日欲黃人煙千里少山色九邊長畏
盡方收寒秋初已履霜誰憐乘墮卒半歲泣無糧

遊花山銅鼓

銅鼓連臺閣樹抱水源山花成貝錦竹色繞禪門鍾

落惟聞寂鳥鳴那見喧喧人多好事可與共清論

自終南歸至浦口

回首望蒼蒼浮江楫欲忙心知關塞遠路走五千強竹
葉寒尤翠梅花雪漸香終南山色裏高遮得深藏

兩宿磁窑村在恒山下

借宿依茅屋人家獨困窮胡篋逐上谷塞草接雲中麥
豆客爲飯草瓢已自空况當山澗路風雨晚濛濛

出塞暑雨

塞外炎天雨風寒頗弗勝野花看欲墜澗水履將冰飄
泊同欲鳥道遙託大鵬暮夜逆旅宿興從竟能興

五嶽遊草卷三

十六

襄陽卻妓

自昔風流士多爲聲色仕青山實有韻紅粉漫多粧
首碑空落習地草已荒寸心無繫礙天地任飄揚

歸舟

行行萬里遠忽忽六年周山水容吾老乾坤縱客遊當
杯時曠遠過寺動潯留興盡聊歸去乘風下急流

咏彌勒佛

坦腹悠然坐乾坤一笑中江空涵曉月花發帶春風世
界知何物人生暫轉蓬云胡自窘束戚戚百年終

宿夷齊廟

胡爾遊孤竹還如聽采薇江山存伯仲水月避清輝
久兒童足風高祖儒非一杯留信伯瞻戀獨依依

過江項廟

不同烏江渡今餘廟祀存爲愁吳父老邊就漢乾坤碑
斷川原冷墳孤松檜昏誰憐虞氏子夜雨泣幽魂

拜關雲長墓

漢李將軍塚壯嚴伊關前許身輕一死薦血重千年戰
關風雲苦交情金石堅壽能並靈爽赫赫尚行天

過孝水王祥臥冰處

昔賢能事母孝水尚溪津一臥寒侵骨雙魚瑞躍鱗殘

五嶽遊草卷三

十七

碑留古道遺廟薦新積回首懷風木淋淋淚滿巾

讀陶集

卓卓柴桑子躬耕一世貧開尊長適已委運不求人簞
菊贏佳色墟煙接近隣新詩謝雕削妙絕自驚神

華州謝汾陽廟

平生深仰止此日謁前楹世值風雲變意懸日月明
勞心自下謫阻道難行西有留侯廟乾坤雙鳳鳴

李白峨嵋亭

青山原葬地江澤復斯亭俗物那知醉高人不願醒百
年餘嘯傲身後遽飄零獨有文章重輝輝太白星

過杜子美故里

生託長安里名傳萬古知
蓋翻秋後葉獨寫意中奇
拙藏金鼎疎疎露玉枝
九原如可作請與一談詩

維揚謁文信公祠

萬死艱難地千秋伏臘新
山河終破國天地已成仁
江橘南中像巖松雪後春
徘徊歌正氣不覺淚沾巾

謁卓公敬祠碑記焦弱族筆

孤島開祠宇江山翠色重
深宵騎猛虎華世抗飛龍
白壁誰爲繼去青松雪正
冬豐碑六史筆節義備形容

春日別家兄時在德興

五嶽遊草卷二

八

兩度過彭蠡青楓共歲寒
酒於衰病減老覺別離難
薄宦身多暇長遊興未闌
明朝京國道夢寐尚盤桓

乙未除夕悼亡

去年當此夜高燭照深杯
今夕復何夕悽悽不開漏
聲隨淚盡春色帶愁回
擊缶憐江子悲心強自裁

歸次潼關有感

已罷終南柏飄飄客又歸
中條雲忽暗太華雪交飛
河凍饑鴉集關長過鴈稀
錦袍今欲綻誰爲綴寒衣

渡淮憶京中相知

畫舫晴淮上依依柳色青
酒旗斜照水歌管近臨堤
回

青星展北愁人日月西
別來斷音信不識在雲泥

武夷逢林龍江

客路秋風起轉亭木葉疎
那堪一別後忽覺廿年餘
道術終歸孔山林早著書
扁舟從此去種菊日茅廬

赴吊戚都護行至蘇州以病不果

生芻萬里去抱病忽言歸
一樹孤墳淚空隨暮雨飛
客心黃葉碎愁鬢白楊稀
千載知交誼存亡自不違

重過玉山南寺遇故人

山寺猶前日溪雲見故人
艱危三楚路飄泊五湖身
秋色行將晚歸心夢亦頻
寒天梅酒共逆旅倍相親

五嶽遊草卷三

九

宿棲霞懷李韓如

愛此攝山寺危巖別有天
煙飛朝已六石化佛爲千鳥
語清晨夢松陰熟午眠
徘徊雙下榻遙憶李青蓮

除日過翁子先

除日猶相過清尊舊有盟
談禪添佛偈揮麈卻塵纓
竹外諸峰起梅邊一鶴清
天涯兼歲晚相對慰生平

暮春同沈士弘將軍遊普照寺夜飲巖上

泛海遊初倦登山興又長
遙深松影合花落荔枝香
移席侵雲氣飛觴引月光
夜闌看絕島酩酊宿禪堂

汴梁懷沈士弘

一別秋將盡計程今幾十寒霜初到草衰柳尚籠煙客
思懷人遠生涯遙旅偏不知滄海上何日乞歸田

襄陽思學兼憶林培之

遠入荆襄路臨流憶學鄉三年遊已徧久別夢空長處
處離支樹家家壯壘墻美人况不見獨夜更堪傷

天池別熊鏡靜名德明南人

名山脩靜業相見兩欣然意料空外神交傾蓋前展
書隨月上枕石抱雲眠到處惟雙屐何勞贈酒錢

九日諸相知識集

此日偏風雨空齋薄暮危共憐霜鬢改添怪菊花遲山
五嶽遊草卷三 王

色浮江郭秋聲集樹枝登高思往事南北任支離

林世科過訪

萬事真疎懶沉冥獨小園過余頻載酒聞爾速開門烏
觸桃花亂風翻草色繁酣歌明月上相送出郊原

寄陳富山

太隱無喧寂君今在市廛感時王萊賦閉戶子雲玄池
水渾成墨天花總是蓮相思深夜月何日過南禪

寄太平葛貧士有序

葛貧士少籍庠序老而鰥獨嘗有詩云風塵久
矣無知已水火時乎乞比隣又云形容憔悴憐

貧骨生計艱難累病身今聞而悲之頗分與客
資并有此寄

久矣無知已蕭然有老身哀安頻臥雪榮啓自離塵搖
落三秋晚飄零一劍貧邇來聞苦調懷俗爲傷神

題謝靈丘主人

斯遊窮北塞何處望南閩山徑穿雲外溪橋斷水濱
時還見鴈竟日不逢人邂逅憐賢主依依意獨親

與客談禪有序

六祖壇經云汝當一念自知非自己靈光常顯
現又云常自見已過與道即相當但自却非心

五嶽遊草卷三

王

打除煩惱腋又云但向心中除罪緣各自性中
真懺悔此佛祖之正宗吾儒洗心之旨也今之

學佛者卑則騁于說詞高則篤于苦行雖足以
驚駭世俗而心中包藏罪過其能密察而掃除

之者鮮矣余每讀壇經未嘗不擊節稱嘆也他
若念佛施財專爲福田利益計也者其寃不免

于佞佛耳矣

六祖傳來法知非露一斑生當求面目禪不離人間緣
睡應拋枕頑空早閉關紛紛諸作用應隔數重山

贈天界寺竹壑上人

戒步已十年幽房竹桂邊常藏念佛豆刺費放生錢法
施徒應衆心空動亦禪早時曾臥病夢感鬼神憐
竹壑遊方歸病有吟
回回夢神令其服役

衡山訪舜巷上人

門二樹光分重重是白雲初聞生企慕一見盡殷勤疏
菓薄爲禮言談簡亦文興闌還自去相送步松曠

看僧治田

年饑難乞食山寺自桑麻流澗隨田落荒蹊帶陌斜避
人常謝病作客久忘家薄暮閒行走東山爛彩霞

終南朱道士十九出家一生不知女色留余共住

五嶽遊草卷三

賦謝

少日求賢傳終身遠婦人種禾分鼠鵲採藥合君臣貌
古名非假機忘道有真慙余還遠去何日結爲隣

中秋泊舟潞河大風雨書示道人

不期今夜月翻作客中愁雷雨蛟龍鬪風濤浦與浮燈
寒停酒暈蓬漏徙衾稠何計登天柱明明一夕秋

倦遊

時年七
十有六

慷慨徒懷古疎狂直到今經書那釋手山水雅關心演
海浮天遠黃雲出塞深此時筋力倦築室想空林

聞董崇相大理之命賦此

聞南董伯子性本愛青山開洞奇全露栽桃錦作班一
杯滄海遠半榻白雲閒我欲促之仕持平冠 聖顏

五嶽遊草卷之三終

五嶽遊草卷三

三

五嶽遊草卷之四

五言排律

憶昔

憶昔年方少，遐心擬特鳴。不知垂老日，壯志竟無成。冠蓋謝今貴，浮華薄世名。攜琴天下去，解纜雪中行。感慨懷千古，悲歌歷百城。秦關蕭相業，楚水屈原情。道合君臣重，時危生死輕。遭逢元有命，隆窪豈能平。明月尊醪滿，秋風鬢髮更。論文思故友，督過念亡兄。默默歸鄉里，清江采杜蘅。

嘆逝

五嶽遊草卷四

吾年踰七十，孤劍獨長遊。舊友俱黃土，新交半白頭。光陰真隙過，江漢豈西流。死別風前淚，生離月下秋。笑談非易得，尊酒竟難酬。若不遺情累，那堪滿鏡愁。

舟中有懷

江中事不定，往往豫難量。昨夜露初白，侵晨霧復黃。世情同過鳥，岐路幾亡羊。山峻時崩石，波平亦起浪。水渥能合散，朝市迭城隍。所貴高人達，都將物累忘。古今微有得，天地更無狂。何處逢同病，相邀醉一觴。

句容雪行

霰雪連句下，肩輿破曉行。山林銀結樹，江縣玉爲城。

春歸雲色零，零落葉聲草。枯隨地折，川滿與原平。碎舞梨花破，斜飛柳絮輕。水生溪壑合，溜決坂橋傾。村犬寒無吠，田鴉饑亂鳴。風馳瓊海漲，樓擁水晶成。絕似邊方境，猶疑月夜程。度關人意怯，傍險馬啼橫。茅屋尋袁日，扁舟訪戴情。思親當歲晚，努力向南征。

漢江阻雪

停舟已四日，雪甚復難行。初點蓬牕亂，徐飛柳絮輕。急流崩野岸，寒霧失江城。驚鷗驚鴈下，饑鴉集樹鳴。投衣增絮重，煖炭缺波明。祇爲尋山興，何曾計水程。

宿太姥摩香菴

五嶽遊草卷四

侵晨發疊石，薄暮到摩香。紫氣留荒塚，紅塵斷小橋。雲將九鯉去，線引一天遙。怪石難名狀，神仙若可招。青分閩浙岫，白盡海溟潮。深霧迷藏豹，懸巖宿落鵑。老僧惟破榻，廢寺自前朝。隱隱聞鈞樂，高高迫斗杓。避人堪此地，明月有清歌。

邵武舟次

樵川泛輕舟，青山起當面。薄霧頻往還，奇峰互隱見。灘灘若峻坂，下下如飛箭。過鳥駭游魚，來鴻催去燕。秋容西楚同人語，南方變茂樹。雜村煙，澄溪勝江練。始知迴艱轉，喜隨流便。對景持一杯，曠亭未足羨。

南岳會仙橋

昔踏天台路懸崖度石橋
來祝融上仙跡已飄
落壑常滿雲深石不焦
孤亭臨浩渺斷岸倚蒼巖
依僧宿山廩向客驕
陰晴時變換松桂總蕭條
野悲虛殢瀟湘弔二姚
月沉光不夜子半日先朝
似此幽棲地真堪掛一瓢

舟歸

晨起看書罷船寬臥掩扉
江湖萬里去琴劍此時歸
風帶灘聲急帆低日影微
村煙隨岸斷水鳥趁魚飛
學道求吾是忘情任世非
何當結廬屋饒采北山薇

五嶽遊草卷四

送翁子先之任撫州

都下初傾蓋云從覆瓿書
三年心莫逆一別意何如花
鳥隨春棹風雲逐使車
湖光渡彭蠡山色對匡廬
黃霸名元重文翁道有餘
教行梓鼓靜政簡訟庭虛
暇日能相憶題詩寄鯉魚

贈宋蓮洲山人

卜築成眞隱梅溪喜見君
鴻飛常自遠鶴舞獨爲群
山氣浮圖畫花光照典墳
聽鶯晴出郭採秀曉披雲
門有高車轍家傳垂露文
相逢時已晚過訪意彌殷
對榻談禪寂逃名絕世氣
浮踪今別去尺素幸時聞

宋書

哭孫雲竹

舊友半凋謝哭君情更深
嘯歌期皓首結契自青衿
詎意忽離別蕭然成古今
江山悲落日風雨嘆秋陰
壯志竟何在幽魂不可尋
能懷季布諾況有魯連心
雅集常投轄清狂屢破琴
醉來磨白雪義動薄黃金
欲買邵平地同爲梁父吟
憂時多感慨扶病亦登臨
莽莽寒雲色寥寥歸鶴音
所嗟才未盡莫怪思難禁
國士宜顧孝斯人乃陸沉
神存茅屋月興寄碧山岑
芻草聊俯仰盈盈泪滿襟

贈醒凡弘上人

五嶽遊草卷四

四

弘

忽漫相逢處溪橋驚顧東
談詩拈佛偈愛客有儒風
花鳥心常定煙霞趣不窮
藏鋒惟樹拂傳教展張弓
梅發連山白蓮飄滿地紅
五宗尋正派一宿覺眞空
余亦願居士無言意自同

五嶽遊草卷之四終

五嶽遊草卷之五

七言律詩

咏懷四首

壯年懷抱未曾施老去遊仙故不羈
袖裏圖經頻自註匣中山水少人知
三友風色能吹鬢百種塵愁拂上眉
欲寫關河今古慨每沽濁酒賦新詩

閒情久矣寄青蘿到處遙到處歌歲月不留人已老
江山無恙日相過千秋事業全名少兩畫乾坤得意多
眼底浮雲頻聚散百年羈縻欲如何

永真歲久未歸閩深抱何能說向人白鬢總緣山色老

五嶽遊草卷五

黃金半爲酒家食松筠靜處看周易
蘭芷吟邊注楚臣已把死生同旦暮
海天浩渺一遊麟

青錢囊裡足行資海北天南任所之
每爲泥酣卑阮籍亦于機艷謝西施
船意客舍皆吾屋勝水名山卽舊知
邇日鏡中鬢返黑暮年遊走復何疑

三教吟

蓬島西天洙泗聯總知欲海苦無邊
忽然經典開三教遂使高明悟不全
妄念弗生真祖佛天機隨順是神機
洗心直至秋陽處吹散浮雲與暮煙

客有以隱士目余者答之以詩

久將丘壑寄浮萍垂老棲棲意不停
四海行來翻覺夢傳人閱盡幾能惺
著畫眉有楊雄白混世慙無阮籍青
野鶴自憑天性去豈知誰是少微星

卻呈命

渺茫天運最難知顯晦人生自有時
圖度總來生妄想昨援何以掃愁眉
百年花鳥吟偏好萬里溪山醉亦宜
唯有塞翁論失馬細推倚伏是吾師

有相士欲相余者卻之兩飲之酒且送之詩

憐君挾術走江湖自詫神經祕有符
獻歲燈寒寒惟對酒荒郊秋老更鴛鴦
落生壽卜梁唐舉許負侯徵漢亞夫
五嶽遊草卷五

客至不拜

朝來話別就江干客裡過從興未闌
弗耐逢迎交故少徑成疎簡拜應難
一杯阮籍今偏醒長缺馮驩久不彈
欲向五湖深絕處詩書高臥臥清灘

舟中

家居誦讀養毛班小舫遺書也自刪
風雨滿篷清遠夢江湖萬里豁衰顏
時從魚躍深窺水忽聽鶯啼喜見山
有客相招歸故里豈知浩蕩白鷗閒

山寺看先天圖

頻年無夢到家鄉
野寺從容日又長
短劍孤囊行四海
斷雲殘雨過三湘
浮華世界看朝槿
寂寞墳林動白楊
消息轉環人未曉
請於靜室翫羲皇

齋

杳杳山林離郭遠
恬恬齋素共僧居
正堪野款隨宜摘
時把園蔬著意鋤
泉落懸崖晴半雨
亭依密竹月全虛
可憐農父頻枵腹
何用馮驩食有魚

睡

山上孤高獨一亭
長筠古栢繞來青
最憐夜榻饒清睡
直到曉鐘方始醒
月入疎窗殊皎皎
泉流幽澗倍泠泠

五嶽遊草卷五

三

莊周蝴蝶何曾見
孔子周公亦杳冥

雨

山中風雨連朝急
階下莓苔昨夜增
問字攜琴久無客
烹茶擊磬唯孤僧
近看綠竹葉滴滴
遠望碧嶂雪層層
最是農家耕作苦
旱乾水溢愁相仍

避地

蘆溪山寺洞庭東
景與羅浮昔日同
實少聲名傳海內
虛勞人士到林中
形容清瘦同孤鶴
踪跡流移似轉蓬
何處深山堪避客
欲將高翮託秋鴻

憶故園

故園書舍寄西郊
綠竹團團小結茅
籬外清溪鷗自浴
苑邊老樹鵲爲巢
避人何必鋤三徑
款客惟應具一匏
塵世是非俱掃却
子雲空自解閒嘲

遣興

泛海浮江幾度艱
胸中渾若不相關
眼前一死寒花落
身後虛名細草閒
脫險只憑天主宰
看山猶覺意回環
可憐戀戀千年計
荒塚枯楊宿白鵲

丁亥生日

三月三日春氣鮮
吾生當此正孤懸
風塵牢落悲顏駟
江海逍遙憶管輅
連北向暫騎胡地馬
南歸剩欠酒家錢

五嶽遊草卷五

四

眼前萬事何須問
且把花枝醉暮年

病足

華髯天外未能攀
病久難棲意亦閒
每見佛書成淨土
不聞人語當深山
十旬枯坐遺冠履
一刺空存斷往還
更有居停賢地主
時沾臘酒醉顏頰

策病

居常無恙自閒身
何意今年病泥人
午夜奮飛空有夢
清秋寥落轉堪憐
莫言造化非兒戲
已訝神形是越秦
五嶽未遊終不死
干將萬里出風塵

病思西嶽

客中病足倍生愁，伏枕經時尚未瘳。
滿架圖書閒白晝，半牀風月度清秋。
夢魂已繞華陰外，踪跡空淹宛水頭。
自是支離非濟勝，山靈亦似妒真遊。

謝客

山懸一徑入高林，離索唯聞百鳥音。
擊磬焚香如有事，看雲步月本無心。
樹聲裊裊秋風早，竹霧垂垂落日陰。
寂寞不知沽酒處，豈教玄度過相尋。

遊泰山

片片白雲山下飛，巍然直上迫天扉。
秦人函檢碑空在，漢世登封事已非。
青巖勾芒陽正長，紅生滄海日先輝。

五嶽遊草

卷五

五

五

逍遙五嶽從今始，藜杖荷衣任息機。

秋登泰山望日觀

天門三接路危長，計里由來四十強。
大海遙當軒冕立，諸山仰視丈人行。
天晴半夜浮紅日，寒色先秋動白楊。
却望東南雲縹渺，不堪遊思正茫茫。

泰山夫人廟

群峰絕頂竦高臺，一片芙蓉天上開。
每向半山看霧雨，時從虛壑出風雷。
巖松秀拱青鸞殿，崖桂香飄白玉杯。
鐵瓦銅楹佳麗地，進香人自九州來。

登高山天中閣

尋山萬里興翩翩，獨上危樓弄紫煙。
試把方隅分四嶽，早知旺氣屬中天。
高臺日至光無影，老柏霜深翠有年。
莫訝晚來遊不歇，憑欄清嘯卽神仙。
居天中

歸途回望高山

中嵩奇峭愜遊情，二室玲瓏相對明。
峰轉盡收伊洛水，脉連遙起汴梁城。
千章蔽日冬尤翠，諸瀑奔雷夜更鳴。
老去心期還再到，悠悠回望白雲程。

登華山遠望

華嶽鬼奇絕衆山，三峰雲際杳難攀。
星當東井鍾靈氣，勢遠西河鎖漢關。
蒲坂微茫丹鳳遠，咸陽迢遞碧鷄閒。

五嶽遊草

卷五

六

六

何人萬里來看汝，雨雪冬深興未還。
三峰玉女星明芙蓉峰

雪上青柯坪望華山絕頂

青柯夜上碧雲深，曉望西峰尚百尋。
樹葉偏搖高處眼，山容何負遠來心。
崖懸鐵鎖霜全滑，坐對銀屏凍不禁。
須待春鶯喧氣滿，却從絕頂步蒼岑。

遊恒山

有聚仙堂又額朔方第一山

巍巍北嶽翼神京，信宿玄都夢亦清。
元氣首生天乙水，山靈獨擅朔方名。
烽煙渺渺邊城晚，樹木重重翠色晴。
垂白遠來看勝槩，振衣絕頂發歌聲。

恒山書事 有序

按宋以真定爲邊故於此望祭北嶽我

朝因之似宜改正

宋朝此地屬胡元真定何由到寒垣不謂至今仍舊典
欲從何處問真源天運北斗知難並雪覆群峰見獨尊
奇絕雲中應第一不妨辛苦度關門

遊衡山

作鎮荆湖擁楚城峰巒七十最分明乍來霧雨連天暗
忽破煙雲揭日行大禹功成終北去二妃淚盡向南征
蒼梧山色瀟湘水夜夜風吹斑竹聲

五嶽遊草 卷五

七

宿祝融峰

南嶽群峰勢欲飛祝融中立獨崔嵬岡源處處成關鎖
晴雨時時有是非東海日來先射影西天月落更留輝
登高一宿圓明洞疑向星河入紫微

遊方廣寺 僧皆耕田
種茶自給

南嶽橫開別一岑蓮花旋繞寺當心沙彌墾石開茶圃
布穀催耕坐竹林闌室逕回松葉暗經樓夜靜月華深
客來未盡登臨興補衲臺前發朗吟

遊岳麓

岳麓回船看曉曉風微雨灑江離肩輿躋蹬高高原

蠟屐徘徊處處遲竹裏亭臺飛鶴鶴山椒巖洞走狐狸
响嚶真蹟今何在愁絕長沙楚水湄

水簾洞

南岳奇觀在水簾崎嶇鳥道白雲連晚霞側映飛紅雨
曉霧斜侵湧紫煙聲落千尋雷震地寒生六月雪爲天
曾看鴈蕩匡廬瀑到此心神復爽然

五岳咏

名山恒岱華衡嵩取次登臨興亦同但使君髯歸足下
不將磊塊在胸中青牛出塞惟看月素胸橫江獨馭風
自是壯懷甘若此誰言飄泊老來窮

五嶽遊草 卷五

八

重遊玉泉廢寺

僧房借宿十餘年偶爾重過意愴然風雨夜深空佛榻
薦蘿秋長罷爐煙泉流曲澗聲猶冷路邊層巖境自偏
杯酒相看聊盡醉古來興廢總堪憐

遊石門讀壁間詩懷王十竹先生 有序

十竹吾鄉先達也諱德溢嘗按粵東霍渭崖公
稱爲天下第一御史

御史鍾鍾一代賢題詩精舍尚依然文章燦爛明千古
世路艱危直似弦草長池塘空柱石雨深庭院半桑田
青山此日同懷古啼鳥飛花入暮筵

登太和山絕頂

瓊臺金殿玉爐煙秀樵芙蓉望渺然數點青丘分五嶽
三門紫氣即諸天雲雷乍動巖屋下雨雪常懸日月邊
聖世肇隆儀獨盛古來函檢更無前

九日宿石竹山

蒼屏翠壁側倚天遠佩萸囊拔絕巔叢桂鬱鬱香不滅
老藤疊疊長自懸溪風月色此宵景鶴駕駕笙何處僊
多病久忘湖海思自應清夢到瓜田

遊黃葉寺與王僧夜話

乘春遙入上方遊更喜相逢有惠休雲氣晝將山色暝
五嶽遊草卷五

九

竹風夜帶雨聲秋開金石逕迷荒草說法天花墜小樓
千載維摩今未見十年空病海東頭

遊太姥巖洞菴

洞門深窅俯溪澗澗道盤迴步獨遲荒草墳留古太姥
懸崖石有漢鍾離露浮仙掌消涓滴芝潤龍泉色色奇
細語安禪諸老衲名山捨此欲何之

遊江郎山

曾聞絕頂碧蓮池側足緣崖步委蛇兩畫蒼蒼天若割
三峯閃爍勢爭奇金鱗落自支機渚異木香分月殿枝
故是神仙棲息處簫笙何日可相期

石上有池時有魚墜下又其上所落

木皆芬
芳異常

雨留天台絕頂

絕頂天然開佛窟俯臨千里暮雲平僧持半偈三生戒
客到孤峯百慮清午篆香燒羅漢木曉鍾風帶錦雞聲
忽看霧雨團青翠不厭遲回緩去程

遊弘濟寺觀音閣時大雨雪

翠壁岩巖千仞高側懸虛閣瞰波濤飄飄風雨坐常動
漠漠江天望獨勞檻外浮雲飛石燕雪中斜影度漁舸
金陵山水過圖畫此日酣歌興益豪

遊齊雲巖

五嶽遊草卷五

十

石門精絕自天然無數諸峯盡可憐鐘鼓隆隆泉自擊
香爐兀兀霧生煙青鬘莫並三姑秀玉色誰知五老年
我欲拂雲傍蒼翠手持周易日高眠

鐘鼓香爐三姑五老俱峯名

遊碧雲寺

策蹇提壺謁遠師風光正及暮春時石泉遠洞甘子露
松栢盤枝巧作籬花落庭中僧獨掃客來雲外鳥先知
留連不覺遲歸路翠壁丹房無數奇

遊珍珠泉

昔來蕭索惟孤壑今到繁華照四隅地數有靈龍吐沫
水花無浪聲生珠巖頭雲霧懸亭榭臺外江山入畫圖

百事廢興俱若此莫於吾道嘆全迂

新正三日林永光邀遊珠泉二首

華池去歲獨徘徊攜酒今朝喜再來水上橋橫成畫舫
石間泉湧結珠胎亭開翠壁頻移席帶青春故點杯
最是謝公遊興劇菊花秋色擬重陪

山抱流泉半頃寬翻疑合浦倚欄看疊嶺噴薄浮珠顆
點點迴旋轉玉盤萍結五雲春色滿花飛六出晚風寒
同遊此日兼同調秉燭高歌興未闌

穀日永光邀遊平山閣話別各贈二首

論文宵醉未曾醒選勝登臨復此亭帆過樓前濤擁白
五嶽遊草卷五

帝移樹杪相浮青遠山春色含殘雪落日雲陰暈晚汀
滿目江山俱別意獨攜詩草慰飄零

高閣酣歌倒玉壺開懷何必減真珠滿江舟楫紛來去
衆陰晴下有無莫道離魂先越嶠共看春色繞皇都
山川本藉人文重名勝憑君速繪圖

清明登宣州天柱閣

高閣巍然逼斗杓清明晴日上岩巖散亭竊窺當窻立
采石微茫接海遙傷郭樂遊花陣陣寒原荒塚草蕭蕭
昔年謝眺今安在空憶閒吟伴寂寥

宿終南山

終南獨上雪紛紛夜擁蒲團話白雲洞裏却藏三萬界
臺前初著五千文峰凌天闕水常合瀑洒星河水自分
莫道此中惟捷徑深林應有避人群山有呂公洞老子著經臺

遊虎窟洞

東阿城外有荒寺策騎尋幽忽到門洞裏沉陰常窟虎
林間交嘯總疑猿臺臨茂樹清無暑泉落危岑遠不渾
誰道客遊多感慨山川佳處即鄉園

看三門有序

三門在陝州蓋兩巖立河中其門有三灘石危
險波濤洶湧舟不得上俗傳神門鬼門人門者

五嶽遊草卷五

妄也余迂道觀之心神特暢

危巖雙立卓蒼蒼星宿源分萬里長濤落雷霆頻自闌
塵昏日月欲無光舟人見慣知迴棹估客魂驚憶返鄉
最是秦中奇絕處擬將茅屋對汪洋

洛陽懷古

昔年周漢舊城池興廢千秋事可悲瀝澗經營思召保
洛印文采想班詩洲前風急瀉猶渡木末霜深菊已披
中土山河稱最勝重來還擬及花時

長安懷古

千里提封舊帝京忽聞邊馬朔風鳴四關合鎖連天險

八水分流抱雅城
名昔時都麗今何在
到處寒原野草生
四關函谷武關散關蕭關八水

金陵懷古

江南佳麗古來無
六代相沿此建都
形勝並稱天下壯
園陵遽作雨中無
總干妖冶歌瓊樹
間有虛空慕佛珠
不爲貽謀長治計
夕陽荒草叫寒烏

夏日登紫荊關城樓

曾于薊北閱邊陲
復上畿南第一樓
邊地風高將暑去
湍河雷闐夾城流
一身對影堪爲侶
四海逢人不是遊

五嶽遊草卷五

更說三關雄據險
甘泉烽火獨無愁
紫荊關外更有偏頭關門寧武三關

入紫荊關有致餽者卻之有相勞者慰之

驅車萬里至恒山
興盡今朝又入關
雙屐敢辭飛塞外
一錢元不受人間
沙河曲折忘深淺
隴坂蕭條任往還
百苦千辛如過鳥
鏡中偏有好客顏

澠池夜行遇盜

天寒午飯輿夫飲
過醉夜深未抵客
舍頰肩輿憩息良久
余呼輿夫曰來有一人誤聽自林中閃出手持短棍余心知其賊也詰之何事在此

其詞皆通此蓋欲標孤客耳輿夫復誑之曰我
有同行人在後可命之速來竟無事詩以記之
僕夫午醉誤登程
荒草凄涼雪水平
曉見星河低北斗
夜隨鴻鴈向南征
寒雲月墜孤猿哭
落木風吹衆馬鳴
何處少年持惡器
交談幸不使人驚

靈丘遇雨投宿

昔時乘塞爲兵機
萬里胡霜冷鐵衣
今日出關緣勝境
一身山雨扣柴扉
雲霧黑水龍官近
路入青山鳥道微
男子桑蓬應有此
百年那使壯心違

元夕草堂觀水燈

五草遊草卷五

乘潮燈火泛滄浪
疊鼓吹笙女士忙
兩岸樓臺煙自合
滿江星斗月爭光
直疑布錦鮫人見
不道燃犀采石長
五夜歡遊非少壯
一杯獨坐子雲堂

武林元夕

五嶽浮踪任逝波
燈宵忽向武林過
燭龍萬丈搖湖月
火樹千門映芴羅
客邸不妨簫鼓震
老年無奈酒杯何
承平共說嘉隆世
良夜歡樂事多

泊舟城陵磯

城陵停棹月正懸
此地聞多惡少年
前月操戈殺行客
昨宵抽舶劫回船
時危官府不措意
民苦盜賊但呼冤

我今興在衡山上酌酒高歌且扣舷

浮洞庭

洞庭仲夏水渺茫片帆飛渡自洋洋正爾北風發江漢
忽然南去越瀟湘鄂渚曉看雲已遠汨羅夜泊月爲光
買魚沽酒勞三老更與漁父歌滄浪

度汨羅

湘陰朝雨動微波知是當年舊汨羅天地從來知已少
勳名那得稱心多磯頭水急難回棹山外雲深可結窩
却笑歸田三十載一點閒與歲時過

乙卯中秋泊舟臨江

五嶽遊草卷五

五

老來蓬鬢已飜飜又看清江此夕秋字內有情俱覩月
天涯無客不登樓空山鳥去林常靜落葉風飛水急流
明歲不知身在否一杯深酌露華浮

一撫州夜泊舟漏

暮泊江橋野草蕪忽聞舟漏急相呼未論衣篋漏曾否
先問書囊濕有無燭短倉皇移枕簟夜寒何處覓醺醺
從前鼓棹俱安涉小謂今宵亦險途

建昌舟次

盱江東去興偏賒四岸青山夾水斜沙上煙光浮碧
巖邊樹色著黃花幾村小店堪沽酒何處偏舟不月

却笑田翁山谷裏一生荒圃種桑麻

入杉關

昔從嶺北出關山今向江西入此關幾處雲鴈能自醉
百年身世更誰閒洞天福地供歌嘯春月秋風伴往還
去國不愁歸不喜鏡中那覺有衰顏

雨謁會稽禹廟手摩甓石

曾於漢口瞻遺廟復此稽濱對聖顏不見當年乘四載
惟餘片石閉空山蕭條古木溪容澹零落殘碑草色閒
遙想平成千古績一節風雨獨迴還

管子

五嶽遊草卷五

六

管仲雄才千載英相桓崛起海東城衰周錫昨常恭順
中國兵車已橫行荆楚遙遙供職貢山戎慄慄畏宗盟
尼公盛嘆攘夷績誰謂羞稱薄霸名

謁杏壇

岱嶽鍾靈東海頭肇生夫子在衰周經文炳炳垂千載
木鐸隆隆動九州誰謂鳳凰終不至已知韶夏早同流
春風沂水門人樂恨不清歌伴昔遊

過易州

易山易水產荆軻雪色霏微暮渡河秦帝倉皇幾欲沒
漸離歌哭漫相過未開劍術功應少薄視生身世豈多

獨有龍門佳作傳名同嚴政共魏裴

東阿謁黃石公祠有序

余讀後漢書光武詔引黃石公記曰柔能制剛
弱能制強諸語皆具三畧中是三畧即黃石公
素書也至晉別有素書六篇云盜發子房塚於
枕中得之凡一千三百六十餘言上有祕誠不
許傳于不神不聖之人余細讀之不無嘉言妙
論恐後之高人模倣三畧而作且用以殉葬必
不傳之於人當時取黃石而祀之又何以明告
高帝也此作謬及之侯後之君子訂焉

五嶽遊草卷五

七

三

授書赫赫開天漢蛻骨遙遙本穀城山石雲霞留碧嶂
乘輿晚過露黃精神靈虛莫尋常測勲業真傳四百成
我意遺編三畧是塚中重出未分明

過留城張子房廢廟

君臣相遇自留城願此封侯故有情百計終能成漢策
千秋獨取報韓名殘碑字落泥塗掩古廟風來鳥鵲鳴
過客不須頻拭淚當年已逐赤松行

過釣臺

七里灘頭兩釣臺千秋原爲子陵開故人天上雷霖雨
野老山中自草萊澹水夜懸明月在浙潮風送白雲回

誰能不作箕來計意氣依然薄九垓

孔明

魏朝兵法推司馬出伐遼陽等獨精死見旌旗猶北走
生道巾幗不南征行營已有奇才嘆對壘應知巧拙
誰謂武侯疎將畧令人千載想豪英

劉禪

孟德當年美仲謀彬彬諸子並才猷曹丕戰伐幾無敵
子建文章孰與儔父子相承開魏統關河中立據神州
可憐劉禪真豚犬國破家亡不解愁

調岳武穆祠用蔡清之論爲詩

五嶽遊草卷五

七

三

初年寵命屬專征和議中朝忽變更作戰風雲推獨妙
含冤今古恨難平七陵日落無杯土五國天寒有哭聲
矯制直行清漠北歸來雖死誼猶生

春日同何稚孝調陳紫峰祠

昔賢祠宇傍蘭皋晴日同遊盼羽毛松月夜留新色相
煙雲春繞舊冠袍著書已見儒林重避世應于酒興豪
堂下有人開馬帳白雲吟望志偏勞稚孝先公嘗于此講德

赤城譚襄敏祠

國士當年誼獨深今來宛似對知音膚功歷歷行人口
遺愛依依百姓心靈潤香隨春藻薦巾山月照晚棠陰

因君停一作會都護擊坑悲歌淚滿襟

丙午八月晦日遊滕王閣

重向滕王閣上遊新開軒檻俯洪流山前雲氣含殘雨
帆外濤聲一作素秋帝子繁華雲冉冉才人著作水悠悠
朝來又放西江柂得失終歸塞馬愁

春日聞寧夏兵變

一春日色殊可人桃花明媚李花新正爾唐虞盛文物
那堪關塞愁風塵隆胷弄兵本小醜大將援梓莫顧身
利劍強弓不在手夜深西望徒傷神

聞寧夏平志喜

五嶽遊草卷五

九

朝來露布遠飛聲西夏妖氛已盡平廟畧有神應獻
馘潢池何處敢稱兵最憐凱奏歸邊馬遙想高呼動
禁城白髮祇今惟縱酒請纓無復問書生

南還紀事時值立秋

北嶽歸來雨暫晴沿途泥濘滯常程著書敢擬文中子
覽勝將無漢向平九塞名山空故跡一村新月又秋聲
祝融更上高高頂閉戶蕭然老此生

憶酒

憶昔屯營灤水濱山東大將實超倫更無醜虜窺邊境
爲有強兵動鬼神萬里烽煙傳柝靜三秋帷幄舉杯頻

門一作酒濃仍綠誰爲提攜伴客身

止酒二首有序

萬曆甲寅余年七十有四自南都往遊恒山五
月初三發朝七月十一稅駕凡六十八日奔走
五千餘里加以紫荆關外涉河度嶺艱難萬狀
及歸途值洪潦作崇平地泛舟其艱難亦萬狀
余實不知其疲也神氣快暢肢體矯捷頗似四
十五十之年然者細揣其故蓋緣逆旅之醺不
佳一切卻而不飲又日夕蔬菜並無膏腴是以
外雖消瘦而內實完固耳去年未嘗出遊日處

五嶽遊草卷五

十

臆凡中不及此者何也蓋理道之思過苦而
杯酌之飲過多宜其神志散而身體羸也余於
是欲謝著述以省思慮絕飲酒以清血脈因作
止酒二詩實出所樂非有勉強其後來之止與
不能止尚未可知也

晚來杯酒興猶賒偶爲遊山始自嗟欲使精神常爽
故將恬素薄紛華誰知飲原興趣何物糟丘可作家
敢向風塵稱獨醒飄然無累老煙霞

從前酣飲未曾休漫說澆奇併解愁儀狄作甘終見在
劉伶沉醺豈高流神閒詠理清無恙興到雲山醉獨流

一自覆杯長已矣滿庭槐影坐三秋

命僧沽酒

齋素僧人意不迂爲余沽酒遠提壺奔馳山逕雲猶滑
歸到松林日已晡且喜開尊消瘴色卽將村釀當醍醐
居常記得淵明語弱女非男亦勝無

避暑

綠樹陰中三伏杳白雲深處一堂虛野人久厭紛華地
盛暑偏宜水竹居月照石林行寂寂僧供溪菽淡如如
笑兒亦識恬愉趣時對鳴蟬朗讀書

山居憂草

五嶽遊草卷五

五

六月炎蒸苗欲焦村庄望雨衆竄竄去年旱魃方爲害
此日甘霖復未調處處逃亡生草莽家家典鬻給征徭
救荒守令知誰是雲漢殷勤祝 聖朝

喜雨

苦旱瞽瞍若饑一宵驟雨逐雲飛田間溝洫從橫滿
江外流移涕淚稀頓覺秋風生短榻却令暑月索寒衣
此心憂喜同黎庶自笑閒鷗未息機

早秋

山前雨霽田苗好臺上天回河漢流最憐無鷁同野鶴
何須乞巧向牽牛花開早飯吳山月葉冷旋看楚水秋

又客盡忘身外事不知何處有鄉愁

山巷紀事

偶來避暑坐祇園翠竹青楓并在門白日敲泉頻見鹿
黃昏鐘磬乍驚樓年荒共訝徵求急村遠其如橫索存
撇去先憂經歲久忽聞愁苦亦傷魂

留楚

故國音書久杳宜囊中猶自帶殘經向平婚嫁頭應白
太史遨遊髮轉青南嶽可能降九曲洞庭何必讓滄溟
遲回豈獨佳山水屈宋文章照日星

乙卯九日

五嶽遊草卷五

五

聞居海上又重陽三徑荒蕪菊未黃酣飲偶因多病廢
登高那復少年強山容澹蕩臨秋浦竹翠陰森照草堂
誰道歸來雙鬢短江湖清夢竟難忘

歸自五嶽抱病口占

洞天福地嶽惟五收拾都歸一杖中萬里風塵身獨去
頻年遊走興誰同青鞋路月山山好白鶴橫空處處通
却怪歸來隨臥病柴門寂寞海陬東

隱園病中讀書

久于山水寄萍踪瓢笠歸來伴老農一臥冬春身在病
暫開書卷興偏濃蔣生隱處惟荒徑弘景風吹盡翠松

不用逃名名已晦十旬風雨斷過從

陪家兄攜酒看梅

雪消離下自徘徊載酒尋春遠看梅天地冰霜雙鬢改
關河書劍一身回雨侵疎幌時時急花近寒杯故故開
却笑浮名成底事相將歌舞讀書臺

癸卯十月朔日奉寄家兄時司訓德興

吾兄今日正懸弧闔楚關山萬里途首宿也應開客席
片花何處進仙壺鴈來遠海音書少雲入遙天夢寐徂
記得西郊棲隱地年年稱壽醉酣呼

初秋訪家兄德興因憶前門之晤

五嶽遊草卷五

三

西興僻在萬山頭來自金陵幾易舟八載分攜鬢盡白
他鄉歡會淚還流論文轉憶青燈夜撫景真同紫塞秋
誰謂卑棲官舍冷俸錢沽酒足相酬

家兄對飲

弟兄意氣少年時日坐芸窗百不知獻策早從邊塞役
橫經晚就右江師青萍實訝功名薄白鬢虛隨歲月馳
跡踪邇來俱未定天門尊酒慰相離天門德興縣山名

乙巳中秋前三日別家兄

晚歲爲官泊水涯偶來相聚五旬餘坐當桂栢朝朝醉
川向溪灘曲曲斜烈士壯心元不老遠遊清興可忘

須更戀中秋節到處皆天覽月華德興名水

中秋雨旅泊却寄家兄

別來饒水又東行向晚雲生鳩亂鳴縱在天門山下望
亦孤今夜醉中情片帆雨灑蒼葭冷兩岸沙平白露橫
村酒一杯聊自適莫將佳節較陰晴

奔先兄喪出南都作有序

先兄司訓德興以事往饒州竟卒旅舍饒去德
興頗遠初病嘔吐僅二日薄暮同僚省之談笑
自如次早未明起坐呼從者炊爨及炊熟入視
先兄氣已斷猶然端坐也饒太府黃玉田公遣

五嶽遊草卷五

三

官治喪諸無遺憾兄常與余言死生大事今人
皆昏迷失措非正終也我死必端坐而逝余時
尚不敢信又兄做秀才時有詩云破硯焚六經
終歸雲外去意謂晚年絕筆硯屏詩書而歸隱
耳及在德興丙午春書箱中焚火五經皆燼
夏作字石硯忽裂爲二心始自疑檢舊稿三
題云此詩殆有識吾將去矣未幾果卒德興士
民兒童皆傳誦此二句以爲異也噫先兄孝友
至篤忠信不欺晚受一官未展其懷抱死生之
際宜其有以異乎人也

登黃別却謝公墩凶問朝來到白門得句廿年先有識
傷心孤邸更何論悲猿凄切聲常嘶羸馬奔馳日易昏
端坐果然酬宿志淚流空對鶴鵲原

焚毛詩古音攷於先兄靈前有序

乙巳冬余輯毛詩古音攷尚未脫稿以請正先
兄力贊余刻之及丙午夏刻成先兄逝矣余奔
至德興於靈几焚之庶不負贊成之意乎

生死從來不足悲況于達命又奚疑祇緣想像童遊日
便爾咨嗟老別時舊業尚餘燈火在新愁全與酒杯知
九原試說毛詩攷風雅諸賢或解頤

五嶽遊草卷五

五

三

望饒州有懷先兄

昔年詩識播江城生死當前事較明學道客容同傲弟
好脩終是愧難兄雲連楚水秋楓晚舟倚鄱湖暮雨晴
十載笑談空夢寐傷心能免淚盈盈

留別德興諸生余來蘇有序

余生先兄得意弟子也內行甚脩安貧不苟於
存亡之際不改節易心且有遠遊之約詩以訂
之

吾兄此地剩交歡死後依依爾獨難掛劍可追吳季子
及門不讓漢任安殘經暮對松風落別酒愁生雪色寒

衰白更餘遊興在五湖應擬月同看

慨友

友朋倫序自天來此道榛蕪久不開款款笑談俱世態
蒸蒸詩酒即清才陳雷豈解成膠漆王貢何曾拔草萊
獨有青山無改色百年交好更奚猜

奉壽大司馬吳容所翁

尚書勲業九州知弧矢懸當織女期海內門人皆省閣
鄉中後學半耆頤風清瘴癘雙飛劍興在滄浪一釣絲
狂客祝天杯勺醉不須綺席對僊卮

春日勸駕大司馬

五嶽遊草卷五

五

三

徵書幾度下江城高臥東山出不輕 帝爲蒼生思柱
石 詔從青瑣動千旌九霄事業 三朝重五嶺烽煙
一劍清客擬驅歌俱獻賦最宜簫鼓帶鶯聲

容所翁惠詩扇二握賦謝

尚書詞賦早登壇灑翰銀鈎在筆端不用顛狂當日醉
黃山谷云顧長史狂僧皆倚酒而通神入妙容所公素不好酒頃還義獻舊時觀光浮
北斗星辰動鬼哭平林夜雨寒江上細看雙彩扇直愁
神物起風湍

吳容翁邀東亭看菊

靖節當年菊滿籬何如此日品多奇卽看五采紛相映

試問諸名却未知疎影月斜偏照水晚香風引盡浮危
俗塵不到東山地清賞高歌醉莫疑

同陳可欽諸友于陳邦敬宅賞牡丹花品極佳自

剡溪來

纔近清明花又新却憐閨海對花神天嬌盡帶昭陽色
縹渺遙傳剡水春一徑閒雲時自種半簾疎雨晚相親
同游既醉爭呼酒誰有韶光負此辰

喜陳振狂山人重過草舍

十年種竹自荒園倒屣迎君又出門身帶春風過海曲
手持明月照江村慙無寶劍堪爲贈恰有青錢可買尊

五嶽遊草卷五

五

五

滿徑飛花猶未掃却將蓬鬢對清論

客至

翩翩裘馬鮑門回遙憶郊居訪綠苔一夜登音雲外落
九秋山色鏡中開江村餉客惟蔬菓花逕從他半草萊
十載煙霞成痼癖論文能得幾人來

再至中巖東余龍陽

曾于九日陟崔嵬草木蒙茸虎豹多三洞桃花今始見
一春風雨是重過溪流曲曲縈江郭石壁停停掛葛蘿
回首虛名成感慨莫疑歌舞意如何

同林世科諸君春江晚酌

小苑春光醉落梅晚晴移席傍江開坐邊草色迎風翠
杯底溪聲帶月來兩鬢蕭疎還自壯百年歌舞不須猜
更看留客兒童喜竹徑提壺去復迴

壬辰中秋雨同陳千虞吳衡甫飲

竹逕茅籬窄復迴幽樓猶喜隔塵埃開樽更秉連宵燭
翫月翻成聽雨臺地靜聲聞秋葉落橋危潮湧雪山來
明年莫問遊何處且對知音醉一杯

謝吳子學載酒

橘柚花開香滿園雨攜杯酒到郊原雨深竹外蓬蒿長
麥熟階前鼠雀繁累月不梳垂短鬢經春獨坐閉閒門

五嶽遊草卷五

五

五

拚將酩酊酬知己無奈江天日易昏

題趙思國城南書舍

金粟臺西別有春兩區精舍自爲鄰蒼松翠竹深留月
喜鵲文鳩長近人每向虛空探佛偈總於疎懶得時嘆
年來漸覺親知少日日尊前發興新

秋日同陳汝大趙思國訪林日正于梨陽

風塵不染獨梨陽客至煮雞開山漿池上白蓮秋葉破
門前翠竹霜枝長久知夜壁光崖壑敢說文星聚草堂
注就玄經應自秘且同漁父咏滄浪

秋夜宿釣龍臺別陳趙二君

越王臺上月明時
入夜登臨話別離
碧海開尊多勝思
滄江垂釣獨殘碑
三秋露下宮庭冷
千古功高伏臘思
漢代諸陵芳草沒
客來懷古莫深悲

留別漳中諸生

樹影淒淒雲色愁
芙蓉溪上買歸舟
不辭求友餘千里
忽漫離群又暮秋
知已更無今日並
抗顏空與昔人侔
芝山烏石遙相對
何限臨風憶舊遊

中秋泊舟九江懷故鄉余龍陽游晴峯

津陽江上月華鮮
回首酣歌已十年
露冷杯盤天欲曉
詩成池閣酒如泉
匡廬秋色遙遙嶼
彭蠡湖光接近船

五嶽遊草卷五

无

三

萬里征途今獨往
不勝淒思對風煙

喜陳大叔枉顧亡友道通之父

出塞曾攜黃石書
歸來相對十年餘
故鄉抱病神猶壯
叔世論交老不疎
風雨夜談悲往事
園林秋飲摘寒蔬
野人已斷江湖夢
門外時聽長者車

海上贈鄧道鳴將軍

苦憶長安醉別離
仲冬迢遞訪舟師
風濤盡處申三令
島嶼空中辨五旗
已分羣山同豹隱
忽來談劍有龍知
匣琴流水無窮調
鼓向尊前愛子期

贈趙生子賢友人思國之子

城郭蕭蕭對晚風
通家舊喜病相同
亦知舉世珍三賦
却悔當壇說七弓
老日沈冥真阮籍
少年清賞見王戎
燕山正築黃金閣
莫讓雲霄第一功

贈傅爾錫丁戌山人之孫有序

丁戌諱汝舟吾郡人
清操高才獨邁一世常
出遊十六年乃歸所
至不見貴人力卻饋遺真山
人也吁今之以山人名者
可勝道哉爾錫能傳其詩
可謂有孫矣

少時曾記謁仙壇
滿徑松陰鎖石巒
老去風塵惟感慨
問來身世半悲歡
登臨祇自憑鳩杖
著論何能似鵝冠

五嶽遊草卷五

三

三

萬里青雲君自致
向人長缺不須彈

秋日與陳振狂東園讌集忽值風雨分韻得亭字

一杯綠野對沙汀
慷慨悲歌半醉醒
久在蓬蒿頭漸白
每逢山水眼俱青
秋風故動吟邊樹
夜雨偏孤客裏亭
萬事憑君詩作史
閑門吾意欲沈冥

壽邵武李見松府尊時仲冬也

上游名郡治稱雄
案牘無勞訟獄空
視事吏人山色裏
退公經史鳥聲中
懸弧共慶初陽月
賣劍俄成太古風
千載龔黃今再見
遙將三祝寄秋鴻

題許撫臺甘棠別咏卷

餘誠從天下七閩風煙不動淨邊塵談經雅抱匡時策
解網左彰泣罪仁一疏東夷遙視魄三年南國盡還醇
却慙無計留車轍細雨棠梨滿地春

常山別戚南塘都護歸宿玉山有作

懷玉溪頭月色新秋風送別復歸闔乾坤事業孤臣淚
南北離情老客身回首冥鴻天外遠論心芳草夢中頻
何人白首能如故瓢笠相從泗水濱戚山人

何穉孝山房讌集分得裾字

清源洞口結精廬三徑幽深每自鋤芳樹綠滋梅雨後
斜陽紅醉荔枝初人來問字尊常滿鳥喚提壺興不疎

五嶽遊草卷五

主

三

懶散最宜麋鹿性華筵空笑曳長裾溫陵有鳥聲似提壺

暮春同陳時業傳國毗何穉孝遊豐山分得青字

讀書曾自閉寒局載酒春深忽又經百仞矜羊常臥石
千年鸛鶴遠窺庭雲埋海岸分沙白濤湧風雷逼漢青
不是將軍能好客德星那與集重溟山有石羊石鸛鶴極肖

蘇省源過訪何稚孝山齋

金陵客舍偶相將別後停雲久未忘郭外輕車風正暖
山中深酌興偏長鶯聲曉集離支樹書帶春生薜荔牆
此日論交欣並調醉來徒自愧疎狂

元夕同溫陵諸友集重將軍祠分得山字

德星夜夜照江關祠下相逢對玉班滿院歌聲梅半落
六衢燈影月同閒樓臺莫訝非吾土風景依然似故山
秉燭厭厭應盡興不愁醉尉滯人還

溫陵七子過訪石湖得童字

閉戶空吟伐木章七賢何處過江鄉攜琴海外星初聚
投轄堂中夜自長鄭國詩歌俱見志建安文采倍生光
清秋萬里狼煙靜十日平原興未央

沈士弘將軍過訪豐山賦贈

豐山幽巖麋鹿群頻過我獨憐君徵歌日落猶呼酒
剪燭更深併論文北走度遼驅虜騎南來橫海掃蠻氛

五嶽遊草卷五

主

三

細看刀箭痕痕滿麟閣還誰第一勲

白下寄林永光粵西

秣陵西望鬱蒼蒼夢裏行尋路渺茫山色崢嶸看五嶺
鴈聲迢遞隔三湘薄書總向吟邊了歌舞能無醉後狂
一自羊城分手去十年相憶獨難忘

九日居天界寺鄧道御送麻姑酒

麻姑何事到江南知已相貽愧不堪已買村醪聊應節
更開佳醞卽沈酣長房漫費策更佩杜甫空思竹葉甘
風雨今朝翻有致獨依清榻對瞿曇

九日重溫嶺招遊棲霞不赴鄧戶部書來言病

不出門詩以識之

淒淒微雨妒重陽松竹陰森滿佛堂蠟屐未能從博士
閉門還憶仙郎頻年登眺俱陳迹今節酣歌即故鄉
我自不冠蕭散久豈於落帽羨清狂

許松拙家看花得戶字

山齋細細飛春雨聞有隣翁事農圃客子看花已到門
主人散帙未開戶缸攜尊小酌覺情親披襟傾蓋論今
古奇卉新鋤更滿庭齊姜河鯉寧堪數

題溫遶卿晤言室

晤言室內有高人抱膝長吟日日春小結寒崖居大士
五嶽遊草卷五

重

香林三

半懸清榻待嘉賓滿牀書畫俱連屋繞砌風花不入塵
自笑五湖遊奕倦欲將精舍卜爲隣

送李暉如北上

談心山寺兩無疑並榻依依戀別遲六郡才名常目下
五年清苦畏人知西風拂劍行徧壯北關憂民淚欲垂
此日經綸須妙手莫於涉世嘆艱危

送新安司理陳儀翔調官北上

使君持節理專城民自無冤法自平春雨五年棠樹長
飄風一夜貝文成南還行李惟詩草北上關河有雪聲
須信量移非怪事轉令清興滿周京

送鄧道鳴遊戎之任東山

粵東曾著海籌編杯酒相看又別筵鼓角聲中開瘴色
旌旗影外散蠻煙十年燈火開三畧萬壑風雲動九天
君自勲名吾自隱不將金印愧寒鴛

送俞克邁入都承襲虎江翁之次子

海上分攜歲又除金陵杯酒慰離居冠袍今復承君
寵合變真能讀父書劍氣風雲千里外馬蹄霜雪萬山
餘雄身九尺心尤壯唾手功名可自如

送潘懋德入北都

裘馬翩翩赴上京梅花春色照行程傳家舊有青箱業
五嶽遊草卷五

重

三

應世新裁白雪聲萬里風雲頻入夢百年交誼更相成
莫言枳棘卑棲地到處離離作鳳鳴

送莊應曙歸閩兼柬何稚孝

分攜海上兩經年白下相逢意爽然收拾江山惟酒字
品題今古總詩篇蒼松繞逕留僧舍嫩柳垂堤送客船
寄語清源何水部好將佳句寄風煙

送林生還閩併訊其父玄同子

汝父逃名獨釣竿却憐萬里客長安片帆山雨春初發
滿目秋風夜又寒別久交游徒漫語來消息各憑轡
梨陽剩有松蘿月我亦邊城早掛冠

發江浦留別林永光

石尤風起駐江湄，戀戀情親解纜遲。
兩粵盤根能自別，廿年清節與天知。
冬深對酒梅橫月，春早看山雪滿枝。
此去浮踪天姥外，秋花如錦慰心期。

送林永光復任南都

一杯話別對江鄉，短劍輕帆去路長。
兩載園林初病起，三秋風雨出山忙。
珠泉舊跡成圖畫，白下新詩滿錦囊。
千里佇看分虎竹，功名那數漢龔黃。

病中送吳進陽別駕歸嶺北

楊柳江城綠似絲，不堪空對別離時。
雙旌此日風雲遠，五嶽遊草

卷五

三五

五嶽遊草

一枕經春鷗鷺知，自信兒童看客喜。
却慚蓬垢掃花遲，年來欲就名山隱。
太姥相將賦紫芝。

謝葉永堅有序

葉永堅者，景德鎮布衣也。偶值饒州舟次，余時舉酒對月，念欲往齊雲而疑其路試問之。舟人永堅獨剖決詳悉，余喜呼與共酌。次日過其家，厚以鷄黍相款，殆若熟識。然者，余生平遊秦所至，每削迹于達官貴人而獲愛于村民野老，往往有類永堅者感而賦此。

久說齊雲似嶽遥，秋風今始決行鞭。杯同小艇看明月，

路入名山破紫煙，嬾慢不嫌明主棄。
遨遊偏得野人憐，多君邂逅情無極。
何日重逢話此年。

咏須水二義士有序

二義士者，一為趙國英，以穀千石濟饑，一為林守枝，返客遺金一百二十兩，皆須水舖人屬祭。

陽縣

逆旅孤村聊借宿，忽聞流水播清音。
仁周饑饉千鍾粟，義返遺亡半橐金。
天地生賢寧有種，古今拔俗總由心。
可憐誦讀鐸鐸者，當貴昏迷轉陸沈。

龍臺嘉會有序

五嶽遊草

三五

五嶽遊草

余過洛陽，愛其形勝，停車焉。朝渡洛，覽伊闕矣。暮往九龍臺，臺高數百級，前宮祀龍王，傍有軒亭。於時聞酣飲博奕聲，余造後宮，少坐，乃其飲酒者皆搢紳諸公，為詩酒會，許春元酒東也。起問僕人知余自金陵往遊大華，終南絕無他事，徑前邀至酒所，撤殘設新，重開佳釀。主凡九人環坐而陪，問曰：往關中乎？曰：然。許春元曰：天寒矣，奈何？曰：有所好，有所忘，好在終南，故西而不知其寒。猶先生之赴春試，止亦不知其寒也。諸公唯然笑問：游已幾年？平曰：已二十余年。凡三

五年一歸省墳墓餘遇佳勝輒留連歲月問何
以不思家曰始亦思家既而知其無益故不思
也問何以獨攜一僕曰野鶴閒雲一僕多矣問
何以獨游不更招一侶乎曰仕則同朝商則同
貨故其侶易得今游而已孰肯捨身家而就山
水乎問游難矣必何如而後能游曰遊有五不
懷安不惜費不思家不怯死不立我問何謂立
我曰逆旅之中往往有奪炊爭席之事必機忘
然後可混然大同無復人已欲立我得乎諸一
發言滿座無不絕倒中有留余久處者謝之又

五嶽遊草

卷五

三

有囑云回自終南幸相聞余亦竟未之聞也退
咏小詩自紀其事亦不求聞之諸公也

高岡聳翠九龍臺暮雨蕭蕭匹馬來豈謂諸賢文字飲
重將清醞酒杯開飄飄遠踏終南雪邂逅初逢洛社才
偶爾微談俱絕倒燭殘投轄夜深回

終南寄弱侯先生

奚童六尺伴孤遊獨步終南最上頭到處關河堪適興
滿天風雪不生愁閒將寶劍看雄斷恥把明珠向暗投
白下故人相憶否幾番回首望牽牛

俞克邁自明姓多前門東路寄之有序

克邁大都督盧江公次子也嘉靖末盧江公與
譚二華戚南塘實平倭寇功在東南然公一心
爲國未嘗爲子孫實職計也公卒長子克仁
襲千戶歸官至叅將卒克邁當承襲乃上書司
馬門訟其先功得晉指揮天下聞而壯之又盧
江公嘗言與今人爭品色則立功于南與古人
爭品色當立功于北今克邁功名方自北起茲
故致其倦倦焉

五嶽遊草

卷五

三

薊門拔劍正秋天撤却關中泛海船黃蓋起家翻皂蓋
北邊開國勝南邊雲霧碣石防胡過雪滿灤河坐甲眠
出塞破巢吾已倦喜看勲業屬強年

南臺摘星樓讀莊伯輝詩

峭壁蒼蒼列畫屏危樓平可摘天星遠山雲林千重紫
流水橋迴一派青曳屐展尋春晴復雨開尊待月醉還醒
知君詞賦窮愁得朗誦能無鬼魅聽

哭趙思國

相期事業半爲虛忽又凋零倍愴如雨雪夜深同學道
關山別苦數通書百年弔影親朋盡雙淚臨風發
欲草玄經報知已閉門應作子雲居

趙大長子名似子然僧

高溪翠色上重霄舊有初堤久寂寥白日林深藏虎豹
青蘿路斷絕漁樵誰將破衲孤瓢入坐使山精木魅消
行苦心閒傳法廣我來避暑喜相邀

三月三日余生辰賦謝席主

餘生七十又三春愧說懸弧是此辰早歲雄心凌泰古
邇來浪跡偏三秦留連山水筇猶健楊摧詩書筆轉頻
何處主人能醉客啓筵花鳥越東津

丙辰誕日蘭九丈攜鴈過酌酒甚佳賦謝

七旬無補人間世歲月何期又六更一病彌留幾不起
暮春初度尚虛生堦前樹蔭綠聲集竹外潮來野水平

五嶽遊草卷五

元

愛客風流誰似汝獨攜家醞旨无清

鷓鴣有序

鷓鴣微鳥也其聲云行不得歌歌此可爲世之

迷復者警也昔人有咏未嘗及是戲爲之賦

獨處山岡界有分雌雄無復亂爲群飛從靄靄溪前度
聲向陰陰樹裏聞不學繁華頻照影天然毛羽亦成文
翻知世路行難得一任歌歌住白雲

咏吳司馬府中白鷗

白鷗矯逸性難馴調伏年深自可珍素羽淨分梁苑雪
丹顏滿帶武陵春飛花遲時窺客咏咏堪庭故近人

更與山林幽興偃一枝棲息絕風塵

五嶽遊草卷之五終

五嶽遊草卷五

罕

五嶽遊草卷之六

五言絕句

答問生計五首

客來問生計家在海東濱綠竹有荒舍青雲無故人
竹園供蔬菜山禽給稻糧三杯微醉後出戶看滄浪
薄宦塞垣外爲農山澗中安貧不願富風氣古人風
百年無剩積一日未饑寒幸免填溝壑讀書種蔗蘭
先世有微資余亦闢荒草晚歲五嶽遊單瓢庶終老

客問山水有何嘉谷之四首

欲知山水趣還就世情輕汲汲爲家計昏昏度此生

五嶽遊草卷六

何論仁與知只覺得吾情水靜魚偏躍山深鳥自鳴

寄身在山水萬事等浮埃素月窺牀幔閒雲過酒杯
五嶽及五湖本是吾家物棄置天地中百年空鬱鬱

得家書

上有平安字何勞復細看紛紛皆刺語兼向碧溪寒
知已

名山看不厭好鳥聽常新此外稱知已曾無三兩人
野老

江山生意興花鳥豁心神何處非吾適誰言野老貧

小園漫興

川隱雙松古花飛三徑多潮平聽夜棹雨過試春蓑

甲寅九日

爲罷杯中物看山興不豪閉門讀列子亦足當登高

悲秋

花開開必落氣暖暖還涼何意多情士逢秋嘆夕陽

宮詞四首

暑到乘應卻秋高扇自藏敢將衰謝色悽愴怨君王
在昔蒙恩寵花嬌柳葉柔秋風非舊日寂寞下西樓
秋鴻有南北春燕亦來還莫訝君恩薄衰榮在妾顏
荷寵心常恐餘恩意不諼何如浣紗伴終老在寒門

五嶽遊草卷六

過化劍閣

匣裏龍泉劍磨磨二十春風塵正飄泊那使化溪津

任城李白樓

痛飲何曾醒危樓直到今紛紛河上客醉者敢高吟

過柴桑橋

野菊一何多沿流照溪止隨手掇其芳知是淵明里

過箕山許由墓北有周公廟

勲業終蕭瑟躬耕薄至尊隔岡元聖廟秋草暗柴門

陝州枯甘棠

召公分治處故老尚流傳枯樹猶能在遺風已杳然

過驪山秦始皇葬處

本是霸王藏稚子伐其能都爲萬世謀請觀此孤塚

過鄆社

子美生斯里飄零可奈何驚人詩賦在十九是悲歌

過班定遠墓

西域迅風雷家山土一堆乾坤俱是盡何必玉關回

過易水在易州爲
荆軻故里

易水波猶急荆軻事已空無因聞擊筑暮柳起悲風

過毛遂墳在滕

一語從能合英俠士風有人事高潔不肯處囊中

五嶽遊草卷六

過豐城

寶劍今何在雙龍飛入閭斗間還縈氣博物是何人

彭城吊古

水曲留侯廟山前亞父臺何須話楚漢兩處野花開

陵母墓

漢中終作帝西楚豈堪臣試問鴻門決何如一婦人

彭祖井

古井依城郭悲風帶楚歌縱餘八千壽事奈寂寥多

莫愁湖

湖清水微波日暮飛雙翼無復舊時人秋草生愁也

謝公墩

高人杳何處芳草寂寥生惟有松風落猶聞歌吹聲

燕子磯

磯石成群燕雲飛燕不飛長江風雨冷秋盡未曾歸

雨花臺

昔人高說法臺上落蓮花若得無言旨青天盡綺霞

觀老子石青牛在終南
中宮

老子談經去青牛臥草萊當年非尹喜紫氣亦空來

遊蘭亭

古人脩禊蘭亭獨有詞風流今不見曲水尚浮厄

五嶽遊草卷六

遊嵩山觀星臺

雙臺猶未朽世界幾遷移農父深耕處疊疊沒字碑

龜峰寺歸道中口占

看山忘日暮散步月明歸力倦班荆坐秋雲衣上飛

別匡廬

欲將雙劍石割取五老峰真之竹杖頭悠悠伴客蹤

咏史二首

功名貴處落出處擇君臣可惜偉男子一生事婦人

才廣人多忌言輕世重憎可憐枯寂夜不解聽孫登

南臺對客

南臺高且奇，萍水俱爲客。何處更相逢，對牀話今夕。

何稚孝言別

何子讀書處，客來花正開。漫留石上字，時爲拂青苔。

中秋懷友

去歲中秋月，酣歌海上寒。君今何處醉，余在秣陵看。

關中二山咏戲示友人

太華奇莫當，終南奧且藏。兩篇好文字，萬古寄秦疆。

題郭青螺方伯獅山十景

石塘蕙空翠，雲影弄晴輝。山鳥時來去，潭鏡鏡裡飛。

右石塘開鑑

五嶽遊草卷六

五

澄潭澹不流，一片荆山玉。輕風生微波，茂樹含深綠。

右周潭澄壁

突兀臨江上，江天正杳然。風來聲似吼，驚散野狐禪。

右雄貌瞰江

古洞別乾坤，騰蛇况在門。桃花點流水，人說武陵源。

右長蛇鎖門

靈物從何來，處此嘉林裏。五福負真圖，赤文表休祉。

右五龜獻瑞

不作池中物，翻鱗躍碧苔。春深雷雨動，頭角化雙龍。

右雙鯉躍靈

光分銀漢色，曲遶碧山迴。衣帶懸玲玉，重重紫氣開。

右帶河環玉

一丘巧若茲，儼見仙人舄。時向玉京飛，縹緲不可跡。

右靴丘飛舄

金鷄一聲啼，山頭露紅日。融融曙漸分，清輝滿巖室。

右觀山曉日

坐玩山中松，不覺深林夕。片月掛城頭，澄空萬里碧。

右州城夜月

五嶽遊草卷六

六

五嶽遊草卷之六終

五嶽遊草卷之七

七言絕句

西郊卽事

頻年稱病謝人喧
寂寞松筠水上村
最是多情風與月
無時不到野夫門

除日江郊

爆竹紛紛歲已除
梅花江上映寒廬
城中車馬無人過
抱膝閒看種樹書

除日速客

梅花香氣透圖書
把酒看梅歲又除
已約城中二三子
五嶽遊草卷七

不知誰肯到吾廬

客中除夜

百年三萬六千夜
展卷浮觴興盡同
何事窮人懷故土
偏于此夕哭途窮

重陽次日二首

登高自古說重陽
餘興難忘復舉觴
月白山空風更好
菊花未減昨宵香

昨朝洛帽興猶狂
復向虛亭醉一觴
却笑登高隨處好
不妨日日似重陽

舟中病足見釣魚舟

四十餘年獨宿身
不知秋夜解傷神
祇今反側難成寐
愁絕孤舟釣月人

病足二首

小閣經時抱病眠
見人行走是神僊
始知兩足重於玉
莫踏紅塵踏紫煙

一瓢久已離風塵
苦相明霞豈厭貧
獨恨此時遊未得
關山秋月屬何人

歸興

三千里外遊河洛
杯酒頻頻對月開
檢點歸囊無一物
空餘片刺復待回

五嶽遊草卷七

答貧士

松月高高照一瓢
日雲滿地盡逍遙
自憐十載江湖上
恥向風塵嘆敝貂

有女

有女輕盈越水湄
相將採秀並西施
長來嫁作田家婦
寂寞東風只自知

止酒紀事二首

秋來罷酒獨看書
日買清疏不買魚
說與故人應不信
白雲明月一窓虛

青山夢裡尚搖搖
畫展羣編坐寂寥
夢裏不知頻問酒

無愁何必一杯消

自讀拙詩漫題有序

昔鮑昭云長歌欲自慰彌起長恨端子美云愁極本憑詩遣興詩成吟咏轉淒涼余不能然也

四海遨遊忘鄉土心如麋鹿不知苦長途感興漫題詩靜處閒吟當歌舞

元夕宿泉州洛陽橋

春風又渡洛陽橋柳色青青伴寂寥回首故園今夜月滿江燈火上寒潮

竹枝詞二首

五嶽遊草卷七

三

延建舟師難上難一身慣歷水雲寒沙崩石亂懸流急力盡前灘又後灘

梨嶺楓關高可憐仙霞遙望入青天僕夫上嶺如磨石三日纔加數十錢

銅山阻風

北風連日未曾停樹撼沙飛晝香冥深夜獨眠波浪聲始知踪跡是浮萍

蕪湖阻風

客舫經旬竟滯留北風無意欲何求朝朝暮暮蕪湖如殺張帆下水舟

長夜渡彭蠡

乘月乘風夜放舟飛帆一片鏡中流冷冷爽爽絕勝西湖泛系秋

重泛彭蠡

三十年前過此湖同舟諸子一時無不堪細數風塵樹色青青認大姑

襄陽臨流

悠悠宇宙人能幾著意虛名亦可悲漢水只今流不盡千秋誰見紀功碑

遊飛來峰

五嶽遊草卷七

誰鑿玲瓏巧絕倫風翻雪色洞中春快汝高飛共入閭

遊鴈宕

巖巖奇峰列紫芝龍湫風雨灑天池不信是仙山白首來遊悔已遲

看太室

今歲余年七十一等閒交際倦無力冬來忽作嵩山遊飛上峰頭看太室

觀秦槐漢柏有序

秦槐在少林寺前漢柏在嵩陽宮前相去十里

許魏太數圍恒武帝封爲三將軍大者數圍其
二其三遞次之

秦皇漢武何赫赫四海奔馳執玉帛祇今何物獨長存
一樹老槐三老柏

鄭州志感

草舍荒城車轍深當年音燕可推尋祇今吳浙粵閩地
爭尚浮華聲轉淫

過中牟鳥皆近人不似江南之彈射者衆也

此地民風自昔淳豈徒三異雉能馴至今鴉鵲依芳草
不避行人意可觀

五嶽遊草卷七

五

過京索

楚漢爭雄血未乾岡巒崩裂樹摧殘行人莫問當年事
京索蕭蕭一水寒

日暮登華陰灝靈樓望華山二首

興到尋山老未休于今始上灝靈樓道人指點稱名處
絕愛蓮花日上浮蓮花名

遠望群峰峰盡奇碧雲萬朵簇靈芝青山頗盡江南景
最愜心神是此時

玉泉院別華山

久說名山特地過奇峰如畫賞心多乘風列子還歸去

緩步依依奈汝何

潼關東望

函谷西馳六百里崎嶇崕崕絕難行如何一入潼關內
千里田疇掌似平

關中醉起

乾坤堪愛獨青山白首看山不暫閒昨夜醉酣桑落酒
一聲長嘯滿秦關

驪山溫泉

前朝官館廢爲丘冥冥華清野草愁獨有無情山下水
氣氤氳氣至今浮

五嶽遊草卷七

六

谷紫荆關吏有序

關例盤詰出入關吏問余行徑書此示之笑而
放出

四海行遊獨好奇恒山今去採瓊芝關門欲問真名姓
惟有神僊洞府知

渡沙河有序

紫荆關外有河俗名沙河亦名拒馬河源自廣
昌百里之間回環十一曲必脫裳乃涉行者病
之土人又言若值龍起洪水大發則有旬日之
阻矣

崎嶇鳥道遠邊臺一派沙河曲曲回且暮亂流無數折
更愁龍雨自天來

銀釵額下遇大雨在靈丘驛

嶺下榛蕪野曠然滿身風雨路人憐明年五嶽行遊畢
結屋青山抱月眠

過赤壁

火攻當日憶周郎千古江山感慨長合鎖舟航元失計
至今殘鬼哭瀟湘

過釣臺

碧巖突兀峙雙臺一逕中懸遠綠苔今夜客星江上見
五嶽遊草卷七

何人重把釣竿來

遊三茅山

伯仲三僊舊結隣桃花流水照千春焚香士女彌山谷
自在閒行獨一人

將遊金陵始發南臺

溪水盈盈滿白鷗買舟初發約龍洲未須白下論清興
兩岸春山已是遊

建溪

遠樹朦朧日已西長橋微雨草萋萋天涯歲月頻遊走
幾度秋風泊建溪

天游觀

最高亭上瞰天風九曲溪山一盼中此景若教開畫障
凭欄人在碧霄宮

雲窩在武夷

昨來採藥宿雲窩片片秋雲枕上過恐有君平清夜見
客星遙指傷天河

天界寺

翠栢蒼筠別有天迂迴門徑最堪憐何時盡了江湖興
一个菴中住一年

觀陳希夷臥處

五嶽遊草卷七

飛遶西峰煉大丹洞門流水白雲寒中原若是無真主
猿鶴愁人夢未安

聞客說娥眉山

五嶽遊來意暫閒攜琴買棹欲東還無端忽話娥眉勝
夢到西川第一山

靈江晚泊在天

一帆雷雨越江濱舟子相呼泊作隣童僕莫言行路苦
江湖更有苦行人

高溪山聽鳥

荒林深異鳥啼秋風猶自滿山谿何當春日還來此

坐對笙簫酒可攜

白松咏七首 有序

嵩山東北七十里爲天僊祠後有白松一株
直上五尺發爲三幹株三人圍不盡幹各一人
圍不盡高可二十餘丈白如傳雪潤若凝脂以
手指小刮之卽流香沫鱗甲甚薄歲必一脫亦
類株幹之白三幹鼎立並茂並高枝極古拙其
毛秋極蒼翠蓋天下未有也殆鍾乾坤之靈秀
歟傳者謂黃帝葬三女於其下未必然也古今
題咏殆徧堂壁率不能形容其妙余一見欣然

五嶽遊草 卷七

九

高四

有契于心坐而玩之經日夜不能去乃購一圖
自隨且以語諸同好雖然圖亦梗槩而已矣

託根疑在白龍宮冰雪肌膚迥不同三幹停停秋並翠
畫圖猶恨未能工

一段天香滿石墀
關盡年華潤若脂淋漓玉液最稱奇秋風飄落鈴中子

高迫雲霄大蔽牛天風颯颯四時秋虛傳黃帝三閭塚
總是神奇冠九州

鱗甲如銀飛似綿雙仙鶴夜深眠莫言知白終當白
樹杪青葱絕可憐

生來白晝自脩脩獨處嵩山遠市朝安得飛鳥攜爾去
五湖雲劍共逍遙

不知嘉品從何降卓立天中洛水濱雪月分明成一色
春來露雨洗粧新

連理曾聞未足殊靈根直上判三株他年自合龍飛去
暫爾相看醉一壺

咏武當龍竹杖

當年竹杖化爲龍龍角于今在竹杖暫入老夫掌握中
萬仞天梯能獨上

漂母墓

五嶽遊草 卷七

十

高四

悠悠宇宙事難尋秦漢諸陵變古今漂母何人墳獨在
當 十日飯淮陰

過班定遠宅

大家疏草意悽然爲憫難兄老朔邊回首故園餘寡妹
含啼想亦望風煙

讀李太白流夜郎及萬憤詞有感二首

當年賈誼湘江謫鵬賦逍遙得大觀明月清風隨處在
夜郎萬里亦長安

曾云飲酒滌千愁遠謫何爲抱百憂荒僻不離天地內
蠻煙瘴雨助風流

偶讀杜子美拭淚沾巾血句有感一首

中原奔奔極胡煙避地巫山實可憐
天命艱難非偶爾空令泣血錦江邊

人生自合信乾坤憂喜由來聚一門
故里亂離三蜀去白雲芳草慰孤魂

雨淋鈴

胡塵萬里跡飄洋宮廟榛蕪鬼火青
傾國迷人終不醒蜀中猶唱雨淋鈴

經俞都護舊居

將軍相印暫還家玉管金樽夜對花
十載重來過故府五嶽遊車卷七

門前芳草有飛鴉

訪俞克仁虛江長干

都護輕財散俸錢千家舉火待青煙
干今賓客皆安在憐爾長貧抱病眠

寄家

離鄉六載未曾還萬事無營獨愛山
寄語兒孫莫相憶九州風月一身閒

寄郭道見

郭泰生平欲浪遊如何不泛李膺舟
桃花落盡春將暮猶抱遺經向海頭

寄趙思國諸相知

談兵紫塞君憐我把酒金臺義行君
寄語當年諸學士莫將賈誼薄終軍

見故友郭道見之子

如蘭精舍共燈光著作翩翩鳳欲翔
湖海歸來君不見論文猶喜對元方

寄林日正

梨陽居士自耕耘倦後拋書臥隴雲
我欲買田黃柏寺與君併作潏沮群

經威都護舊寓玉山南寺

五嶽遊車卷七
元戎舊榻傍禪林二十餘年過此堂
眼底松筠半零落青山何用問行藏

過林我鎮故居

青衿頃過隱君門短舞長歌竟夕喧
一十二年重到此蕭蕭蕭冷影空存

舟夕有懷楊少愚諸友

別後迢迢一月程秋風秋雨越溪行
夜寒不寐懷知己靜聽桐廬落葉聲

約陳振狂早飯不至

七年兩度出溪雲一爲名卿一爲君
齋罷不來花欲午

獨將杯酒對鷗群

贈林可玉有引

嘉靖庚申林子與其鄉人五為倭掠至渾幸脫
又為兵掠誣陷獄中余先父實援而出之有再
生恩迺林子獨念弗實余兄弟子姪每過輒款
因有此贈以志感云

種田至鉤自江鄉四十年來意未忘漢海驚濤辛苦地
至今回首望清漳

熊兆履送衣賦此謝卻

山居長衡白雲扉人世交游幾幾稀已有菱荷堪製服
改爲元不用細衣

對臺風雨何稚孝送酒

萍踪初寄南臺翠壁丹崖相對開誰似何郎能愛客
千山雨一壺來

題陳子積翰航館二首

行載圖書舟作屋居編丘索館為航試看一榻清冷處
何限天空水渺茫

一葉輕槎湖海秋江風山月坐來收祇今展卷忘
恍在滄波萬里遊

舟中留別永光

楊柳初春送別舟舟中風雨意綢繆停杯且共斯須話
未忍張帆下急流

嘲少林寺無言上人

初逢老衲話禪林勸我還家樂事深始信空門難解脫
誰人千載得閒心

宿重陽宮示道士二首有序

宮在終南山下三十里重陽子名王詰元時人
晚不疑重陽仙子去何之前朝宮殿今塵土
來打碑

已死有去既云去去焉無來茫茫生死虛無事
祇妄猜

又六年于今惟覺死為仙怡然一寢終天地
湖何處邊

五嶽遊草卷之七終

一齋詩集十三卷

福建巡撫
採進本

明陳第撰第有伏羲圖贊已著錄是集凡粵草一卷詩文各半萬厯戊戌至庚子游廣東時作也寄心集六卷焦竑爲之選定皆四言五言古詩多涉論宗故別爲一集五岳游草六卷大抵紀遊之詠而雜詩亦散見其中不盡爲山水作也據原序尙有一集名塞曲乃官薊州遊擊時作此集不載蓋佚之矣第韻書妙有神解遂爲言古音者之關山詩則信筆而成非所擅長然第亦不必以此擅長也

緱山先生集二十七卷(一)

〔明〕王衡撰

吉林省圖書館藏明萬曆刻本

太史辰玉集叙

往余與辰玉並研席時弇州公
與文肅公皆居南城靖虛兩家
子弟更相社文成奏兩公兩公
又轉委之曰且以眎兩學使者
蓋麟洲先生歸自秦和石先生
歸自洛一時四王震海內然皆
操制舉義相券責而辰玉與余
獨好為古文詩歌文肅公聞之
弗訶詰也辰玉每讀書自首逮

尾訖、丹鉛雖數百卷中苛細
箋註不輕放一字余曰孔明畧
觀大意洞明不求甚解而子胡
自苦為辰玉嘆曰卿用卿法我
用我法雖然讀書與立身相似
要須有本末非可苟而已也乙
酉與余應應天京北試罷歸游
武林寓僧舍山空月明扁鳴戶
外兩人唱險韻遙為長歌歌成
而酒寒者罰往、聞句如風雨

卿至鵲兒交馳落筆掣去不滯
便能記憶以後如此類者甚眾
丙戌余擲青衫辰玉從京邸寓
書云非久相從為楊許碧落之
游矣余答云楊許且置朝川王
裴吾兩人故有成言子勉之矣
戊子中順天解額十年不字辛
丑擢上第遂請終養余迎嘆曰
吾子信非食言者辰玉嘆曰吾
歸非獨謝子且以謝高饒兩公

兩公唐子方也家君既薦之不報
今兩公尚頓田間而余為瀛洲
散吏安歟否歟請自是日月而
往與子鈞深致遠縱讀天下之
書無為問輦上矣噫嘻詎意辰

集

中

王之竟至斯也初江陵奪情文
肅公爭表次救吳趙兩太史禍
叵測辰王和歸去來辭以招之
文肅公持以謂人曰吾不歸將
無為孺子所笑辰王方十四名

動京師已當弇州公主盟四方
客輻輳門下點額曝腮辰王獨
崛疆以通家子見不以北面見
曰大丈夫豈肯寄人籬落傍人
門戶然弇州公數數從他所購
其詩若文讀之輒曰才子才子
或與之順流而談古今成否得
失之故橫口之所出橫筆之所
書小則解人頤大則中國家膏
肅肯窳於是且嘆且驚又知辰

集

事

玉果天下士也辰王詩沉雄鮮
爽學韓杜文章精辯宏衍學
荀卿劉中壘久則機局新爐
鑄足節制整遂成卓爾一家之
言書法出入顏魯公蘇學士游

象

本

戲而為樂府詩餘即宋元當行
家無以過也分辰王之才自可
蔭暎數輩而不幸生於相門
為門地所掩又為數十年功
名所縛若朝廷超格用人如

唐宋故事決能吐去雞肋何遜
不為李贊皇韓持國又使圭竇
華門布衣終老非下簾讀易則
閉戶著書其制作度不止是而志
意不遂命也奈何辰王病久執

象

士

手顧余曰吾昔與子相期一人
後死則請叙其文而傳之今責
在子矣余低回不能答頃念前
盟又應尚壘君遜之之勸請為
銓次校讐僅得集若干卷行於

世昔者白樂天叙京兆元居敬
集燭下諷讀淒惻久之恍然疑
居敬在旁不知其一死一生也題
詩集後云黃壤詎知我白頭徒
念君唯將老年淚一洒故人文悲
夫余乃與辰玉今日適類此余著
述不如辰玉速甚忽為吳兒竊
姓名龐雜百出懸價書於國門
假令辰玉在必且戟手頓足作
叙一通為余伸虎賁優孟之辨

而今乃已矣後竟誰定吾文者臨
叙不覺三嘆

丙辰一陽日友弟陳繼儒書

于頑仙廬



緱山先生集序

夫士志於當世其遇則名實
加於上下一時言論風采垂
之後世咸考信焉其不遇則
屏居自晦已耳然中有未忘
猶數詠歌先王自見其意於
言表者蓋多有之若夫遭時
顯名矣而徒揚其芬未如其
實乃僅託於語言文字以
有傳於後良足悲矣嗚呼此

予於王君辰玉之遺文所為
攬涕而叙之者也予之識君
自其甫冠坦然以夷邈然以
遠不可得而親疎者也既而
與之習悉其內行瀉備平居
於物無所好而獨好觀古人
之書終日硃、丹鉛其傷而
識之敏而加勤學日益而意
愈下其為文章頃刻千言若
江河決而月星明也少喜為

待出入古今之間初若不拘
拘而卒與之合要歸於刻露
駿發非苟然也年垂壯始舉
於鄉又十餘年而以進士第
二人擢官編脩念文肅公之
老也旋上疏乞終養奉親之
暇將益究心當世之務曾未
幾而病困頓數年竟以不起
悲夫病革手疏告其子皆生
人之大節於忠孝尤慊也

且曰吾於古詩文能窺其藩
未造其域也然詩似差勝他
日發篋以屬執友某二詮擇
而叙之亦吾志之所存也蓋
余昔嘗誦君文不當以時代
論也凡人之傑然者其識高
其自得者深雖卒然而吐其
中所欲言必有異於流俗斯
以為可傳而已如陸宣公其
文詞豈有異時之人哉而至

今稱其奏議與賈生埒何歟
以公之所言皆切於匡主濟
時鑿然有所不可易耳故曰
文章經世之大業也而區
焉以世之先後詞之難易論
者一何陋歟君慨然歎曰今
之世其誰復可告以斯言乎
故予叙君之文獨惜其志在
當世而不及於施用其詞或
鬱行悲憤或慷慨激昂蓋直

取以寄焉進未能矯中世士
大夫之習而砥其膏肓退不
獲挾古聖賢人之興以為時
耳目徒負其才抗其志而泯
泯以歿使人咨嗟歎息而不
能已固予所以序斯文之指
也君詩文凡二十七卷皆錄
其大略而已曰猴山先生者
君少時頗有遊仙之志所嘗
以自誦也遜之蓋不勝悼念

以謂若君之才與其志行之
不苟既幸遭時而終無所效
於世意今者或已游其神於
太虛窳廓乎則猶有足慰者
乎故以是名其集於乎其亦

可悲也已

萬曆丙辰冬長至日

友人婁堅撰并書



詩序

辰玉嘗自言少時好為詩
千百言立成既成則躍然
以喜後有所賦數經緯于
胸中既成猶悄然不自得
余應之曰探珠于深淵探
玉于重山夫何容易君蓋
將進也已酉之冬病甚自
知不起矣以所為詩屬余
與子柔曰吾于此事未及

竟吾力也然不可使之無
聞曩所為率爾而成者不
足存存其一二可爾嗚呼
悲夫辰玉為人不欲虛費
時日早作晚息常在群書
間乃其志欲通古今學將
以忠孝大節自見于世故
平居討論皆國家安危治
亂大計沿革得失所以然
蓋孳孳窮日夜之力而于

制義不十一也于詩不百
一也今其所作多在行旅
登眺之間及寄遠送別興
人酬答往復者若其志意
所託惟愉悵悴之懷所寄
蓋不數數然然讀其詩亦
足以想見其人超然埃壚
之表雲車飈輪呼吸元氣
與天際真人逍遙八極而
世所謂芬華穠豔不得入

其中也嗟乎斯人久存于
世乎儻遭遇大有為之時
雍容廟堂之上以為其所
欲為則數百年間深慮遠
覽之士相與游談聚議以
為國家所當易軫政轍者
必且見之行事以成萬年
之業即今懸車遯迹長守
東崗之陂亦且上下古今
參伍作者以成一家之言

其篇什豈止于是哉夫詩
不足以盡辰玉之為人而
亦可以見辰玉余是以與
子柔稍加刪削付之梓人
而題數語于其端云

友人唐時升撰



王維山太史集序

余濫吳下之役則蘧廬婁江蓋
憮然憑弔故相王文肅公之間
也出門必過之猶式焉余生也
晚不逮事文肅公亦無恨文肅
有子太史維山公名滿一世間
文章德業皆陵軼古人其出處
有道琅琅著大節猶稍用人地
自掩耳其齒不甚先余登第且
後余而余遂不得及見之也天

乎則公之用所未究於世又何
可勝道者哉夫公已矣使其稍
待後死余幸以今日相遇於丘
園寧遽落落也公歿又數年此
道益敝龐嘈妖靡舉世趨之如
馳敢曰南風不競余獨不得與
此人同時听然有當下上千古
乃僅從赫蹠間想天際真人神
遊之表將毋真宰為政他有靳
之也可勝恨哉公有子尚璽君

遜之清拔英雋能世其家學余
獲旦夕見焉因以尚論公所著
作傳諸其人通都大邑者而率
業之則恍若與遊同堂也序之
者為馮元成陳仲醇元成所揚
摧盛美與其品槩行誼略備矣
仲醇公石友也其言交誼死生
之感有餘悲焉余不敏無足役
又不宜復為贅役而遜之勤請
不獲辭則言其可知者而已嗚

呼公苦心誰知者竊謂文章消
息與世運相禪猶之治亂然有
大力者載之然且驅之有無倪
者負之然且轉之文以徵會而
窮於熾則聲情之淫靡也文以
徵俗而窮於浮則膚理之般散
也文以徵情而窮於詭則霸儒
之誕虛也日月浸假已甚焉公
其有憂乎欲挽江河而上之憂
憂務其難者其信詣自得即同

輩名公或未之窺也今集具在
精研而冥搜湛朗而滅沒景追
響獲奏力懸解赴節蹈會而已
若無所與也其詩清新潔淨蹕
越激楚而韵和情芳卒歸諸雅
其文鎔鑄今古含吐變化要不
汎汎置一詞大者通達國體發
揮性命小者窮物態辨事理迫
稅遇神指移條臻包舉百代掩
映六籍可與星辰並麗雖與元

運不磨可也使公而假年通爵
必當亦以相業顯不令漢韋平
專美公而蚤世其用不究然而
文之用無盡也其能移易末世
光闡休明以其力經乎百世之
上下雖謂公不死可也楊子雲
以壯夫所羞為雕蟲之技乃其
病亦惟以艱深文淺易故比於
繡犢之無用雖玄經同時有桓
譚而後人知之者卒少公文擬

於玄經則純醇較然矣後世豈
以余之知公為譚之知子雲乎
解人寔難當公在時意若有憊
焉於標榜狎盟為名者也嗚呼
世孰能知之余從尚論窺焉公
如有知得無領之其領之雖謂
起而同堂可也余猶內嘆於生
後昔人云恨古人不見我余終
恨我不見古人耳得讀其詩書
又遊其子足乎哉

丁巳元夜蘇松備兵使者東海

高出誤於閭門舟中



茂苑通家子陸廣明書于

雁蕩山莊



縱山先生集目錄

卷之一

詩

西湖四賢祠迎神歌四首

山中雜詠九首

遊西湖歸及暮

過故宋離宮三首

西湖上拜岳武穆墓二首

游西湖諸山詩

縱山先生集

二

余與仲醇以九月遊武林高至五雲幽至

水樂無不探者每夜飲酒至醉則與仲醇

互唱韻作詩舒匹紙寫擘窠大字唱絕而

句不成者罰又遣一童子舉酒杯酒冷而

篇不就者罰法無短長興盡而止興無多

寡紙盡而止故詩皆草草不足當里誼也

登五雲山

僧幻雲年少知詩挾之遊湖盤桓數日而

歸

訪雲棲師

西湖竹枝詞六首

錢塘江浪淘沙八首

乙酉春余與仲醇讀書支硎山日凡三出

隨目所得卽誦於口效人如和尚體詩在

歌偈之間不必盡解無論工也

哀寒食

遊玄墓

遊虎三橋橋東西已半爲淺洲平田非復

縱山先生集

二

昨水月之觀矣

別支硎山一年舊遊如夢記憶未遣戲粘

短句

春仲園居

夏日園居

傷士不遇

讀陳白沙先生詩

懷陳仲醇

自歎

崑崙山人焦螟寄歌

雙白燕歌敬爲二叔頌萬福

贈趙凡夫

雨後遊天池

送長孺北征

蘿賁園觀落梅

送王罔伯北上

送張汝增北上應試

送沈際甫復任龍溪

贈朱虞封

乞花塲詩爲徐孟孺陳仲醇作

二陸祠

班竹堂

楊柳橋

蝌蚪灣

頽石壑

紅菱渡

澆花井

洗鶴涇

蕉室

與長孺泛舟園池觀雨後月

園中詩九首

送王將軍督運

唐道徵作狀頭湧寄

孟夏與長孺輩泛舟迴瀾臺

初秋月夜園外散步五首

菖蒲石

芝石

螢

五舅遊燕坐分牙帳歌以送之歸

寄答屠長卿

酬王崑崙先生

送李茂實北上兼簡殷無美

問伯浮香閣觀梅

栩栩園詩

家園白蓮花中錯殺紅數瓣

題內官出家像

壽從叔

壽年仁宇封翁

題二色牡丹

曹子念賦緱山行贈別率爾奉酬

初日照積雪

卷之二

女兒乞花歌

問門楊柳枝詞

卷之二

答仲醇贈別

楊州別姊文季良三兄

別伯相叔祖

向與長孺不成別追爲寄懷

答欽之贈別之章

道中別汝增兄

周如春送余北上旋送之歸因走筆寄慨

并以示吾里中諸友使知余懷

送李玄山之檀州

登北固

招隱寺

遊金山

遊焦山

大雨行龍潭記事

五月五日遊金山觀龍舟競渡

楊州道中謁文丞相祠

觀海

讀驛牆詩

卷之二

穀城

過古薛城

三歸臺

叔孫通演禮處

漢高廟

毛遂墓

將遊泰山九日在道有感作

九日生日是重

登泰山頂時重九後一日

登泰山日觀觀日

登泰山月觀觀月

答岱宗丈人

予蓋齟時交周帥敬比歲予至燕而帥敬亦在焉驚問其故則帥敬乙酉秋自白下歸已謝儒而醫矣秋而賓興冬而去之一何不粘手也予喜而且悲之作短歌

夢回吳山吟

元夜先一日觀大內慈山有述

遊燈市

續山先生集

十

三月五日偶步至象所遇杏花因與帥敬醉花下賦得四首

久不見李仲吉聞其病詩嘲之

湖堤

三月上旬過西山

送陳臨陽封魯藩

送顧涇陽謫梓桂陽

寄仲醇

吳儂歎

送鄭子瞻歸浙東

錢卽貌余余對像戲贈錢卽歌

送李仲吉請病東歸

孟夏遊摩訶庵飯於八里庄吟非幻上人

詩聽無弦上人琴

聽無弦上人琴

詠非幻上人詩清能沁骨余心賞焉漫賦

以贈

五月送任心葵歸武昌

續山先生集

人

訓醇甥讀書

己丑冬至前七日友人王罔伯李允升毋

舅朱向之姊丈周季良瞻

萬壽宮謁九陵

走銀山道

宿銀山寺

余舅及季良捷走銀山巔度閭王鼻余倦

卧遊耳

銀山歸道

送癸陽座師謝病歸橋李

大風行

偕友人登顯靈官閣感故人王亭伯作

送范長白東歸余亦後此歸矣

答袁肖海見贈

送長卿寄作

送李玄山留守中都

贈公孝與

壽陳太常母嚴夫人

維山先生集

九

贈阮孺平

酬馮琢庵先生

送李茂實頒武誥晉陽以便東歸

夏日新齊望西山

大內蓮花

聽太初琴

送麗明歸山陰

酬馮琢庵先生朝爽樓詠

周貞女

送五母舅武昌督運

秋月感懷

秋日同友人遊西山

西山堤上

西山望湖亭

西山玉泉山石紋

西山涅槃寺

西山卓錫泉

西山碧雲寺池

維山先生集

十

寺門

來青軒

軒前東壁

軒前月

環翠亭

祭星臺

別香山

歸途欲雨而竟晴

秋夜懷仲醇長孺

月夜坐石經山頭聽泉聲呼季良不即至
戲罵之

詠山頭月

琉璃橋步月

贈胡畫士出塞渠曾貌余

卷之三

李兄羅先生之在難也弟子止庵羅君
偕其二三同志僦居日友納室館焉余既
聞而義之追羅君歸頓我於家連榻再夕

續山先生集

十一

愛其奧雅於其行以短歌呈別

送人官塞上

長孺自燕至作

送李長卿遊甘州

送孫兄田任儀封

和殷無美感懷

送友人之蜀

孫烈婦

東歸至通州別季良

東歸別諸友

守風

途次雜詠

感懷

南旺

過留侯祠

漂母祠

憶昔

戲成

續山先生集

十一

寄家信

瀘水鄒座師以詩寵別賦此寄答

雨中過陳仲醇遂將之至舟中話兩日夜

各賦志喜

雨舟中同仲立仲醇話舊兼讀二子詩湯

賦

泛月園池同長孺仲醇作

喜長孺仲醇至

仲醇病起

秋水同仲醇賦

秋聲同仲醇賦

碩寬堂詩爲黃蔡陽座師賦

自歎

懷仲醇

計偕別長孺仲醇

遊虎丘有待不至

別親友

卅陽走陸道

張中先生集

十一

濠上

彭城

關橋

嶧山

樹頭霜花

寓極樂寺

寓甕山

遊普通庵

夜踏青龍橋

十三日夜步月至妙應寺登毘盧閣

再遊望湖亭

百花朝詩

弇園春曉

淮雲雪霽

太湖

石湖

桃花塢

皐橋看花贈花主人

張山先生集

十一

北上呂城阻壩別親

登大觀樓

官驛

由峴山涉九華山頂初欲建寺

雨中渡江

渡黃河

渡易水歌

懷古

送喜恒齋歸

春日山遊訪重光不遇

秋夜感懷

送許太初遊薊門赴李太將軍約

春暮偕劉博士沈吏部王舍人飯韋公莊

觀杏花

歸飯摩訶庵贈無弦非幻二上人

送殷無美南還

送瀛嶼兄歸陽羨

送袁見陽先生歸水竹居

蘇州先生集

十卷

送馮宗伯給假歸省

春日同叔達元任季良之西山觀杏花

游盤山

夜窓聞鴈

放歌

醉歌

棄婦歎

出都門六首

雨中徐州道

理頭見白髮

途中連夢亡友徐長孺

卷之四

家君出都門十首

東歸別親友

雨中同帥敬元任話別

清源舟中憶荔枝題畫

古城謁三義廟

閭門遇伯栩栩祖遂偕載歸是日風雨甚

蘇州先生集

十卷

君陽爲唱暗潮拍岸抵家時已昏黃矣憶

戊寅與伯栩栩陽羨失意歸景絕相類故未

及之

閭門見親友

路逢鄉人北上

歸田舍

園中

夏日園中

癸巳前十一月廿二日送亡妻觀出東郊

次楊氏墓追述往痛

秋夜山舟懷友不至卽寄

江頭見仲醇作

與仲醇舟中夜話

新陽屠公初任泰州繼吳江又繼吾州皆

刻廉自好而卒掛計典於其歸以二律送

別前任豫章湯君亦有座名而與公同去

故并及之

贈米君夢

蘇山先生集

十七

春暮市後東園小集

真蓮花燈

仲醇寓嘉興以書見訊賦報

嘉禾訪仲醇館中

賦王崑崙耕漁別墅

贈朱孝子

讀施慶徵年兄王臣言有感賦贈

賦七澤漁人

題蘇白齋爲袁太史作

贈張濂水

贈宜興八十六周翁與家君同鄉貢曾爲

縣令

遊玉女潭同叔達賦

善權洞

恭盤洞

秋日遊大成洞宿余氏

贈蜀山夢披歐叟

秋季遊張公洞

蘇山先生集

十八

雨宿蜀山看月謁蘇公祠公自南遷歸居

此故名蜀

春園雜興

東園納涼卽事

植楊柳

仲夏雨後承子柔訊輒寫所懷奉寄時在

夷亭舟中兼簡叔達

夏日園居酬岡伯

送曹以新居吳門

靈洞山房歌

王問伯君子亭中觀射

贈邵元沙張平野兩翁

古意五首

園中觀稼

題知希齋

張仲立謁選得臨清守寄贈

沈文選日峯謫歸賦贈

池上軒卽事

張山先生集

卷五

九日登鐘樓寄友人

十月省墓過飲羣從卽事

海上

送崑石五叔輓輪北上

贈冲元子

錢一庵六十

王崑崙先生青蓮舸

送王崑崙遊五臺

王崑崙先生六十生日登五臺賦長歌奉壽

贈陳濂石先生歌

卷之五 附詞

鎮江郡守王沙王公考滿

屠長卿枉奠先大母病瘡寺中移臥家園

是日得雨病良已

長卿東歸

騰江使君奉 特命臨祭先墓

馮尚寶奉 命致祭事竣還 朝奉送得

二十韻

張山先生集

卷五

送翼堂趙使君致祭事竣還 朝

壽外姑

汎茗上訪沈進士

卽景

送沈水部北上

送李茂實赴蜀

立春前一日園中路雪

燈夕卽景

侍家君遊西山

雨中子來書來得宜興佳慨然賦寄

雨中之嘉定過子來謁其尊人

曹謙吾北上戲贈

丁明府兩年步禱雨而輒至

遊天平飯趙凡夫家

春仲偕仲醇遊楞伽山過故所讀書處

飯趙凡夫墓所

吳曲羅明府管井儀部之任贈別明府與

余長安有故丁酉冬余北上追至江許餞

蘇山先生集

卷

之非回山故首章及之

余三不上公車戊戌以病憤不竟試出都

門作後懷仲醇

雜興 感夢

臚傳口口占

賦得銀蟾花正開良夜

秋夜憶早朝

秋李白送賀秘監歸四明

瀛洲亭讀書

恭賀 冊立 分封禮成因獻 萬壽

敬酬溫夫子贈章并以抒懷

送立峰高先生 冊封藩藩便道歸省

送溫夫子 冊封萬安便道歸省

送春臺年丈之任丘

送王夫子言事謫貴陽

送同年李丈歸省

夏日泛舟下潞河

送人歸娶者親

蘇山先生集

卷

存問紀事

壬寅春舟泊楓橋待客不至寒山寺訪曉

山上人書畫香茶爲供

僧復花山故刹

沈姬故淮人也侍御公過淮夢喜鵲啣槐

花來以姬歸俄而公卒姬以死殉夫槐者

歸也姬得所歸矣壯之爲賦短歌

立秋日同仲醇集閑仲澹圃卽事

十月十五日 冊立分封禮成齋 詔東下

送吳函所年兄使竣還朝

七月望山中同仲醇諸君子淮雲寺薦先

次仲醇韻

天寧寺別叔達

別同門 別同館

沙溝見杏花寄長安同志

途中志所見 虎丘

虎丘無題

上馮琢庵座師

蘇山先生集

卷一

七

丘寒谷先生八十

中泉范翁八十

雪朝獨步園中上東城待酒不至

秋日玄宰邀飲舟中同仲醇遊畸墅

癸卯八月望社友陶逸則王開仲從祖伯

栩同上春官賦此以壯行色

雨中同仲醇過淮雲寺聽雪浪禪師講經

題白公石

送張瀛海年兄還朝

夏日侍家二兄看周市蓮花還宿古堽其明

日齋於淮雲寺

贈馬給諫時服先中丞之喪

堅吾叔祖者學宜興

訪歸季思

送曹中丞治河淮上

乙巳清明後新霽踏青時春寒間有霜

王家渡看桃花是日微苦暝俱步仲醇韻

春日同諸君看桃花汝戢墮水先歸走筆

蘇山先生集

卷一

七

戲之

同仲醇諸兄飲藤花前

贈石亭賢伯

鄧尉山觀梅

葵藿堂

坐隱亭

問月軒 眺雪齋

登子房山謁子房祠

秋季再過二君策杖山園小飲抵暮而別

仲醇授經舍園歲暮歸送之

臘月望日同仲醇過楊氏放生亭中看放生齋茗而退

東坡作戒殺詩貽陳季常季常自後不復殺岐亭之人多化之有不食肉者正欲枯出示俗適有感於吾里宴會之侈因和前韻得三詩開仲肯偈此戒殺於里中不也觀周林二君茶羽觴流波

步虛臺

華子

禮星石

附詞

詠春暮調踏沙行

詠牆外春調南鄉子

蘆鴈調如夢令

送仲醇歸調點絳脣

開門夜泊敘懷

正月晦前一日拉友人賞盆中梅念家園梅林不釋戲成詞數闋詞寄二犯江兒水

卷之六

序

岳武穆王全書序

詩經註疏序

列國史補序

皇明禦倭錄序

代父

嘉定縣新志序

吳氏族譜序

嚴棲集序

逸民史序

古文品外錄序

唐叔達詩序

釣臺稿題辭

曹以新詩稿序

建文朝野彙編序

代陳仲醇

卷之七

送大中丞嗣山曹公權少司空總理河道

序代文

送馮宮詹用韞給假歸省序代文

送王陽孫司理榮擢北上序

贈王先生序代文

黃葵陽先生文集序

重刻張文毅公餘麓堂集序

丁大夫祈雨詩序代文

續山先生集

駒海唱和詩序

卷之八

賀大宗伯穀峯于公六十序代文

壽少師瑤泉申公七十序代文

壽京兆馮勑齋先生序代文

壽樊封君崙川先生七十序代文

壽陳廉石先生序

賀支收齋七十序代文

壽勑齋馮太公八十序代文

壽王母李太安人七十序

賀大中丞念翁晉老年伯七十壽序

壽沈封君憶先翁七十序

壽中翰洞庭嚴丈六十序代文

壽蕭母曹太夫人八十序

卷之九

存雅錄序

會元文選序

舉卷選序

續山先生集

北虞先生春秋稿序

李茂才文序

董玄宰文題辭

李茂實稿題辭

藤溪師生草題辭

吳伯霖稿序

張異度稿序

吳用修稿序

三王公車義序

阮生稿序

張君一文序

許子遜稿序

曾退如文序

商明兼制義序

序李長卿吳游草

何士抑稿序

康伯子制義序

卷之十

續山先生集

記

記

重九後二日登泰山記

游香山記

游盤山記

游馬鞍潭柘記

再游香山至平坡寺廬師山記

香山雪游記

東門觀桃花記

紀夢游

夢游玄洲記

游京口諸山記

游湯泉記

卷之十一

嘉定縣學重開河記

太倉州知州丁侯去思碑記代父

唐荆川先生祠堂記代父

吳孝子祠堂記

柏榮堂記

續山先生集

辛

放生亭記

君子亭記

李赤肚小像贊

楊封公贊

讓德王公贊代父

卷之十二

墓表

明故奉政大夫兵部職方清吏司郎中海

岱殷君墓表代父

馮廷尉父子忠孝墓表

明故中憲大夫廣南府知府劉公墓表

墓誌銘

明故都察院右僉都御史偏沅巡撫贈兵

部右侍郎續石江公墓誌銘

鄉進士養吾曹公墓誌銘

明故資德大夫正治上卿總督倉場戶部

尚書贈太子少保謚恭簡天臺耿公墓誌

銘

續山先生集

墓

清河教諭思溪鄭公墓誌銘

贈都察院右都御史蘊菴顧公暨配封太

淑人單氏墓誌銘

代父

李室游儒人墓誌銘

明贈徵仕郎中書舍人王公暨配封太孺

人胡氏合葬墓誌銘

卷之十三

武進士湖廣運糧把總卓庵朱公墓誌銘

明故鄉進士署宜興縣學事堅吾王公墓

誌銘

明故文林郎知商丘崑山兩縣事崇軒樊

君墓誌銘

左春坊左贊善兼翰林編修學海顧君墓

誌銘

明誥封奉直大夫裕州知州浦君贈太宜

人周氏合葬墓誌銘

馮母趙孺人墓誌銘

誥封盛男劉太淑人墓誌銘

續山先生集

墓

卷之十四

傳

蔡默齋先生傳

王大夫傳

吏部司勳郎中靈巖陸先生傳

沈孝廉兩川先生傳

魏淑人傳

陳稱登傳

趙烈婦傳

趙烈婦誄

誥封一品夫人先母朱氏行實

卷之十五

論

禮以養人爲本

萬曆庚子監試

人主大公至正之心

萬曆庚子順天鄉試

朝廷論平蜀之功

萬曆己丑覆試

王者以天下爲家

萬曆己丑會試

說之將何如

萬曆辛丑六月望日閣試

蘇山先生集

表

王者必世而後仁

萬曆辛丑十月朔日閣試

表

擬輔臣恭儉內閣尊藏

太祖高帝御筆進呈表

萬曆庚子順天鄉試

擬唐命翰林學士陸贄條奏當今切務贊

引易否泰損益以對上褒納之謝表

萬曆辛丑會試

冊立

皇太子冊封諸王羣臣賀表
萬曆辛丑會試

辛丑九月

卷之十六

策

萬曆戊子鄉試策五道

萬曆己丑覆試策一道

萬曆辛丑會試策五道

卷之十七

萬曆辛丑廷試策一道

擬策十道

清言路

通言路

蘇山先生集

策

窮是非

必賞罰

興教化

親君子

區品類

操政權

立紀綱

審事幾

卷之十八

奏疏

請卹典疏

給假回籍遷葬疏

遷葬假呈

請停止稅監增兵疏代

啟

同門請溫太史座師啟

餞行請啟

餞行請啟

蘇山先生集

卷一

公請大座師馮少宰啟

同門請王黃門座師啟

請養歸謝閣師座師啟

謝閣下啟

與同館訂志

卷之十九

祭文

祭董青芝文代父

祭司空潘印川文代父

祭李竹隅廉憲文代父

祭張起潛憲副文代父

祭邵玄沙文代父

祭王崑崙山人文代父

祭江續石中丞文代父

祭王對南相公文代父

祭曾植齋宗伯文代父

祭陸平泉宮保文代父

祭孫虞湖封公文代父

蘇山先生集

卷一

祭馮勅齋翁文代父

祭吳平山太守文代父

祭顧冲庵司馬文代父

祭唐抑所詹事文代父

祭許敬庵司馬文代父

卷之二十

祭楊安人文

祭徐長孺母文

祭徐澤夫

祭介州王公文

祭李仲吉文

祭長姊文

祭徐長孺文

祭王征叔文

祭陳仲醇母文

祭孝廉周公謹文

祭王逸季文

祭考功王事陸中陽文

祭山先生集

祭金開石文

祭鄭司理文

祭黃龍田文

祭張伯隅文

祭鄭令顧二懷先生文

祭歸烈婦文

祭叔祖堅吾文

祭座師黃葵陽文

卷之二十一

疏偈跋

圓通庵重建佛堂疏

重修天妃宮募緣疏

壬寅六月望日招于闐法師法海大海爲
先夫人作法事先以乾薪沸水兩僧結高
坐持梵咒良久下階就烈火中指撮釜底
以竹枝灑之沸湯着人皆爲涼雨生大悲
喜以偈紀事

三際言講師偈

祭山先生集

戒殺文

續陰騭卷後

題松上人血書藏經

後跋

題管夫人竹

題仇實父桃源圖

題彭興祖篆刻後

蘇文忠公書表忠觀碑跋

跋祝公勝生祠碑記後

學藝初言

卷之二十二

尺牘

與友人論時藝

朱虞蔚大尹

陸靈巖業師

蔡肖謙太守

陳抱冲孝廉

周二畧尚寶

張山先生集

呂渭陽大尹

彭義陽尚寶

屠赤水儀部

華述齋都事

何震川宗伯

武君陽 趙瞻雲

袁了凡王政

馮文所學道

又

公孝與

申經峪孝廉

沈日峯知縣

蹇理庵撫臺

申經峪孝廉

馮琢庵官詹

寄公孝與

馮文所學道

卷之二十三

張山先生集

陳章閣禮部

蔡思川侍御

吳復庵翰學

馬肖乾兄弟

李霖寰學道

水利道

周志齋撫臺

董定所同年

黃寓庸王政

張業師

黃明宇縣尹

華述齋都事

李太瀛紀善

張無隅王政

黃葵陽座師

黃葵陽座師

張總戎

申經峪孝廉

龍山先生集

卷一

張可庵給諫

殷開美職方

董青芝兵部

石楚陽太守

石楚陽太守

錢浩川知縣

馮文所學道

呂渭陽大尹

張總戎

韓念劬州尊

徐二府

鍾文陸侍御

卷之二十四

顧涇陽選郎

顧冲庵總督

周二魯尚寶

張可庵給諫

李修吾巡撫

龍山先生集

卷一

翁兄鵬知州

馬肖乾憲副

沈泰垣督學

于穀峯宗伯

陳抱冲孝廉

程山人

趙太室大尹

卷之二十五

沈泰垣督學

趙寧宇撫臺

曹嗣山撫臺

吳對渠中翰

范長白學道

公孚來孝廉

樊棠軒大尹

洪澗陽戶部

邵慕衡把總

賀道星文選

俞州判

焦漪園翰撰

耿叔臺操臺

于穀峯宗伯

耿叔臺操臺

鄒瀝水座師

劉雲嶠祭酒

商等軒同年

蔡中山同年

溫封翁太老師

崇明縣尹

陳抱冲國錄

耿叔臺操臺

王豐輿方伯

任心葵同年

陳嵎陽太常

江纘石公子

卷之二十六

吳藩幕

曾棠芾大尹

曾退如同年

湯質齋同年

樊棠軒弟

耿叔臺操臺

鄒瀝水座師

公周庭同年

申玄渚兵部

馮栗庵主政

樊崇軒弟

于穀峰宗伯

馬肖乾憲副

李桃王親家

李念敏王政

王霽宇總督

瞿洞觀運長

許繩齋太守

俞瞻白大尹

楊魯源同年

又

張業師

答友人

蹇理庵總督

耿叔臺操臺

孫月峯尚書

鄧虛舟大尹

卷之二十七

莊赤雉同年

吳山人

耿叔臺操臺

沈定庵僉憲

馬肖乾憲副

馬肖庵尚寶

胡瑞芝巡撫

上父書

耿叔臺操臺

陸欽所憲副

黃荆山縣尹

鄒瀘水座師

朱平涵祭酒

李太瀛紀善

卜戢甫文學

蔣孝廉

李九我宗伯

紙山先生集卷之一

太倉王所公下甫著

男時敏校

詩

西湖四賢祠迎神歌

有沁兮井涯亭宛宛兮繚之汲井兮宿酒醺醺
今日有素衣裳兮澹如煙恍寒暄兮與言我客
兮我祖紛拜起兮王母輓轡忽兮若驚魚奮揚
兮將雨

紙山先生集卷之一

一

靈之來兮日未卯靈之容兮尚姤以少山花兮
楚楚儼壁帶兮睇予春渠宛兮至今溝洫泚泚
兮田疇淺深池上兮孔閑紛歌舞兮如林賓餞
兮穆穆倩月出兮波綠

右白侍郎

堤深兮水暄畜魚鰲兮長子孫柳花兮木李繁

不蠹兮又美薦之今中流拍簫鼓兮淺洲畫船

今寶馬歡與我兮游者春之日秋之夜湖中之

人兮告以暇

右蘇學士

山孤兮樹寒霜雪下兮橫攢鶴之巢兮生鶴鶴

于歸兮翼薄草青兮墓田瞻徘徊兮為托雷峯
兮舉火將進酒兮容與靈去兮若從標榜兮圖
翻右林處士

山中雜詠

日暮走旱麓雨過山氣青谷中發空響鑿石何
丁丁累累負之去去作誰家慙我憐石骨破松
根橫來爭根老子復出此石何時平

微雨洗石甯春流靜無言旁有青草肥戍戍覆
高原掬之不可得照見衣裳翻撥杖尋泉源遠

紙山先生集卷之一

上

迤出山裏山前有清水遊者過歡喜變易生乎
動人情好遷徙彼哉涇與渭宗祖竟誰是

向來紅杏樹著葉青蕪蕪百鳥競深巢啼者為
鷓鴣一啼葉欲長再啼葉欲枯游子樂未央白

日奈已徂

門前無名樹團團蓋行路根老頗有癭節多不
生蠹坐者仰而嗅行者歎而去嗚呼栢與楸妄
為立名字濕重黃膏封亦復誰省記得陰且即
休無為問同異

蘇花漬屋瓦山空鬼風哀朱衣而火冠燐火爲
之來魂魄本好靜其以尋酒杯終而欲訴誰無
乃生人猶去去同所歸春日聊裴徊

青青牆頭花野草半相附好女簪山萱視之去
不顧余心雅自憐潔修委行路豈不見游子被
服純與素所患指目多君子處其汙

古廟有高樹樹上新鴉青新鴉飛不高繞我田
車行阿母呼其雛慎勿輕作聾人心不可測鷄
子來縱橫空巢落山果飲啄將無傾

蘇山先生集卷之十一

十一

我來菜花收薄言損其子蠶繭飛爲蛾山翁罷
酒市當戶理桔槔閒畦待新水努力貴及時布
穀聲爾爾歸以語吾友農夫且如此

山中有好夢雨花來自天老僧髮根青告我以
九禪指畫富言語記憶無倒顛覺而識其處惟
有箇在焉明星白堂堂影落松樹間巫咸不足
問斯理豈其然

遊西湖歸及暮

錢塘九月潮怒平日出杲杲湖光開升人擁篙

不防淺畫船紅旗射魚眼湖烟染樹煙風綠
盡高山及平行齋鐘一敲簫鼓清前船恰上湖
心亭白牆紅樹酒家裏來者將醉去者醒醉看
芙蓉高復低賄詩闋韻歌聲齊迤邐六橋花更
暖提壺再上蘇公堤堤上行人如走馬共息蘇
公桃樹下烹魚膾蟹坐如雲日暮曾無弔君者
看看水面天模糊神燈磊落行渡河西陵西陵
柰爾何

過故宋離宮

蘇山先生集卷之十一

十一

泉聲鳴咽寺門前望到斜陽更黯然佛閣幾經
粧閣改柳枝翻作竹枝傳蠨蛸露下游銅井躑
躑春紅滿藉田聞道武林春社裏至今上鼓挂
榆錢

竹子深深覆短溝人傳此地鳳凰遊江水不能
遮馬腹宮牆隨意長禾頭平原燒白無歸鳥野
成霜青好放牛寒食清明更蕭瑟汴州今亦似
杭州

鳳凰山上日紅時正好芙蓉夾岸吹肅肅大堤

來觀馬叢叢少女進深厄十三處所無行館四
百季來讀斷碑始信滄桑亦常事及時行樂不
須疑

西湖上拜岳武穆墓

當年飛將事橫行強弩如風射不平戰後歡呼
重出塞軍前痛哭話休兵此身恩遇先酬苑中
上功勞負請纓怒逐鳴夷入江水新潮更接舊
潮生

酌水包茅薄獻酬不須入墓氣如秋寧辭腔血

蘇山先生集

卷之一

五

膏原野誰使勲名在淺丘伏臘永冠新戟下有
時風雨大刀頭西湖縱道經行處夜夜神燈照
汴州

游西湖諸山詩

余與仲醇以九月遊武林高至五雲幽至
水樂無不探者每夜飲酒至醉則與仲醇
互唱韻作詩舒匹紙寫壁窠大字唱絕而
句不成者罰又遣一童子舉酒杯酒冷而
篇不就者罰法無短長興盡而止興無多

寡紙盡而止故詩皆草草不足當里謠也

登五雲山

西湖之陰山簇簇登高望遠五雲獨江濤拍雲
千尺強繚繞來及山之足山危無杖攀鳥巢風
吹大樹如短蒿松頭多烟亦多雨半嶺瀟瀟空
生毛須臾日出若乍曉會稽山陰殊可了市梢
青入平沙長歇涼亭外行人小行人花帽衣逢
蓬擔羊買酒携兒童上堂再拜復再舞願無
虎田無蟲祝者盡道神來止竹上挑燈紅累累

蘇山先生集

卷之一

六

我亦攝衣前致辭願我遊山日歡喜

僧習雲年少知詩挾之遊湖盤桓數日而

歸

生憎不識西湖月與君到處尋船歇煙橫橋斷
行人歸魚梁解簾參差沒沸酒闌韻期君詩君
詩能及酒熱時短巾麻鞋白袖子長公風流今
在茲湖邊冷塔亦舉火晨齋不歸長者怒

訪雲栖師

下及半山逢遠風風聲洪洪吹寺鐘亂石盤折

無次第松籬戢疊迷西東觸景緣念增慨懷生
季三十多荒唐君不見山之塢草頭綿綿昔
虎白髮頭陀爾何苦

西湖竹枝詞

踏踏吳歌十二時油車白馬客參差自從風雨
西陵歇翻却楊枝唱竹枝

菱田高與稻田齊野井蟻蛄徹夜啼若箇竹枝
聲最苦那兒憐非趙四

高懸十里下風桅白竹青梧次第來怪道竹花

張山先生集卷之十一

七

簪不盡五雲山上賽神回

簇簇滿炊菰米飯娟娟緩唱踏歌詞爲謝西湖

蘇太守桃芽柳眼不須吹

酒盡爐青客未休脫衣走馬恣風流西湖亦有

橫塘曲一拍風吹入秀州

請君一向斷橋行橋下花泥漸漸平此日風光

應不忘重來記取竹鷄聲

錢塘江浪淘沙

暗水漫天不見沙叢叢海燕宿葦花楊州估客

爭欺得打浪撈泥一任他

石塘高低白浪奔剛剛石上印沙痕夜來潮信

如風急忽地移痕到驛門

盤盤沙浪旋回渦浩蕩空江鬼夜歌山來不信

錢塘險曾向龍山渡也麼

大野荒荒風怒號上流纔急下流高花光閣外

新沙暗十五漁郎好放篙

滿灘青沙軟不流茸茸細草漫汀洲秋來幾度

江籬濕催得行人白到頭

張山先生集卷之十一

八

白馬神君踏水煙魚牙鼉鼓拍風鮮無端子午

江如市日日淘沙漾紙錢

聞道山陰雪半消北連湖水下桐橋桃花浪起

衝沙破恰好東風上白鱗

惆悵行人不遽來風風雨雨過黃梅門前唱罷

筓篴引潮落沙低又一回

乙酉春余與仲醇讀書支硎山日凡三出

隨目所得卽誦於口效天如和尚體詩在

歌偈之間不必盡解無論工也

曉山烟重暮山閒石馬三朝半綠苔掃得墓門
清似水梅花昨夜又飛來

十畝山田任客租松毛滿澗半荒蕪偶然昨夜
風和雨綠到僧家香積廚

清明將近陌頭黃稻種參差打麥場無賴煖風
催種趁閑日日上松岡

白白黃黃卷耳根采來其柰北山昏經過市上
無烟火人在溪橋洗藥盆

原上春風散鬼燐馬蹄月上暮山貧樵哥猶自
不歸去放鶴亭中問主人

天平酒客欲歸時路口人家正晚炊牆上新生
青竹子亂敲花板落秧池

夜來月暈半無光今日風頭不可當我勸游人
且歸去百花如雨下山塘

哀寒食

野田麥飯攤陸績甚風疾雨泥相蹴黃雀何所
將兒啄啾啾飛上人家屋屋上多季生瓦松五
月不掃花蓬蓬新起高臺缺牆壁兩廊黑暗啼

陰蟲自來臘月斷煙火何日不同寒食苦耳房
冷氣旋作風那更餘灰施空土人生誰能百歲
期井中之影霜後枝君不見東家兒孫聚頭哭
紙錢不動收魂旗

游玄墓

出郭薄遊覽鷄豚初散時老農能驗歲小女學
繰絲茶地開新徑松陰在短絺豈須尋遠興在
在野情宜

游虎三橋橋東西已半爲淺洲平田非復
昨水月之觀矣

宿昔當橋門舟師戒犯浪邇來太湖灘蘆花白
蕩蕩

我觀滄桑變天地無倚托無令後人笑經營好
石柳

別支硎山一年舊遊如夢記憶未遺戲拈

短句

根在原上花在水邊悅懌女美而不能言
將子上山驕不能下好風來吹衣裳欲化

野日玄黃歸無適，目剩有酒漿以漬宿草。
薄來無日酒場載遷，于以流連于彼墓田。
扶者醉者其行施施，下防石芽上瓜藤刺。
旅旅酒亭落落水亭紅衣者客白衣者僧。
有蟻出遊封于高壘，明日大難愁而不寐。
榆葉始秀色如老鴉，有情無情綴以紅花。
我夜讀書有聲過耳，流星如煙照見野鬼。
菜花茸茸鶯花間之我醉，匪酒酒慵不支。
春日洵美其光洋洋，野馬如霧亂人心腸。

春日出遊集

卷之十一

十一

風吹嘯歌不見倫，理松聲鳥聲亦下亦起。

長杉老栢干焉盤桓，陳郎去矣影在樹間。思仲醉也

支公所遺不毛者石，風過石青雨過石黑。

步出東門其樂綏綏，舉頭見花誰不能思。

春仲園居

無事此經月，細草衣垣牆。開門不見人，但聞花
甌香。眷言對華滋，有懷托春陽。無棄管蒯質，生
理各有當。

夏日園居

不到已經月，園門夏雨初。櫻花來喜鵲，蘆笋散
新魚。宛宛扇無力，紛紛月自疎。如聞桔槔動，夜
起讀耕書。

淨掃竹亭子，深居聊自娛。旅葵當淺戶，乳燕入
新廚。小睡幸無客，閒行多起予。因知野中興，定
與市朝殊。

瓜已東門熟，東臯禾尚蕪。有田耕自耦，不酒醉
爲徒。客芹先霜白，蟬聲共暑徂。薄登山果賦，魚
鳥任成逋。

春日出遊集

卷之十一

十一

隨意尋春到欣欣，藥徑蘇蔕蓰從得刺。薏苡任
爲珠，百鳥充花使。千頭仗木奴，灌園如可老。吾
欲傲江湖。

傷士不遇

士爲四民首，豈以示夸異。末俗雅道傷，浸浸逐
聲勢。顏色貴姣好，衣服別鮮麗。隸也夫，何力宴
笑樂。泄泄念彼非殊絕，文辭善粧綴。父老有好
言，摘事曲相說。重違人不祥，俛心受經藝。
昔爲枹中實，今爲倉上塵。隨風任簸揚，積粟如

積薪嗟我同舍子短鬚未覆唇揭歸父母喜車
馬耀四隣縣伯不追呼鍾鼓邀上賓十五學句
讀名姓固沈淪試察丘里言讚歎聲何頻
少季盛意氣縱橫矯無上不學諒可能韓生志
何壯束髮受衡輒鼻息制俯仰氣數專事權遭
際忤謀望豈其乏良圖致身竟無狀跋兒牧群
羊羣羊不能抗

三反省過愆過愆不可得出門欲訴人逡巡慘
顏色嬉怒相對持聽者反不直談笑聊支吾友

續山先生集

卷之十

七

覆誰黑白婦口執嫵如人情險於蛾去去勿復
道掩卷空抑扼天也非不良勢實不爾克

賢士良自苦貧賤難爲工事親貴名揚鄉黨羞
同窮余慕孝廉節雅志亦載攻孟浪越少壯始
事鮮有終名實難兼專虛生負皇穹誓將棄此
道礪此言行庶祇恐命有制人道或不吝

苑枯如可測造化焉用之始知日月光周流亦
遷移人情任營度如彼奕者基晏嬰爲之辛曾
不容仲尼願君絕尤怨鑑基貴乘時本無糾墨

質杖牀其安施

慷慨抱獨是我舌亦既毀喻張順衆譽矯物昧
人理鬱陶徒苦傷廓落謂無恥顧我何百難獨
以有名耳人生如日徂見在而已矣牛馬可迭
爲名字更自美能以退爲進雖敗亦可喜

讀陳白沙先生詩

道味淡亦盡詩才消未窮能將堯夫質巧托少
陵工寂寞自成響悠揚如在空世無先輩在高
韻與誰同

續山先生集

卷之十

七

會意律如動深心言入微盈盈眼前景瑟瑟
鋒機造化能隨手風光不墮圍太玄真尚白人
道解嘲非

懷陳仲醇

舉世厭人倫師道久滅裂里塾與序庠句讀鄙
是屑稱儼薄未效擊蒙笑爲拙童子嚮佩觸居
就先生列陳郎古人心喟然仗奇節身植洙泗
刑彌縫黨所闕羨君志良苦思君未敢論
聞道愧殊暮年駛將奈何所見或恍然石火光

已過譬彼蕉子心葉葉如重簑伐木乃見木豈
不在執柯微賢雖如風足可傲蹉跎相違僅三
月遂與俗事和安得扣度來破我鄙吝多
若履巡池塘濯濯花與柳鳥鳴挾雨韻苦生覆
魚雷舉目動成思思之不可有平生縱橫拙雅
不解藏醜我非易牙味聊可悅我友吾友不復
來獨賞得佳不同病諒亦然珍重且勿苟

自嘆

前身是居士生長宰官家飲啄齋時飯心情春
後花強教應賓客差亦勝紛華終自慚予拙城

門學種瓜
自我不如意讀書知半訛摘花聊調笑焚香避
譏訶棄世終難說遭時似小過生涯如恨恨詹

尹道如何
少有稽公癖那堪與世親裳衣或顛倒車馬太
逡巡避客私閒徑移園更卜隣非關愛沉寂我

是自由人
束髮事經藝心將文在茲窮愁復誰信公是久

予欺風雨拋書夜衣冠動古思吾猶及大雅不
謂遂如斯

崑崙山人焦螟寄歌

崑崙王山人有舌如流泉文章傾注不得盡酒
醉微吟秋水篇心中豁然了無事厭薄江湖等
朝市妻子饕餐那得知五十閑身謀所寄寄身
不及春鳥窠粗排竹木復補蘿淺窻矮戶安不
頗熹微恰愛晨光多午眠卯飲恣婆娑稱意呼
爲安樂窩汲汲波波自今古同頭草色如雜組
吁嗟我不如焦螟蚊睫之上無風雨何物么麼
字丈夫山人山人殆隱乎

雙白燕歌敬爲二叔頌萬福

氤氲屋梁煖氣生瑤光散落天河清光芒不肯
太狼籍東到大海初分明玄鳥遂將雙白玉
睛黃口驕相逐滿地霞花如洗粧更添晴月來
新沐差池素羽風娟娟改服不受諸雛憐烏衣
已故海泥薄移巢近向君堂前堂前一片荆門
紫廳裏主人色相似錦族銀綾覆玉簪輝輝對

舞春從始行見致君葵葉芝千秋萬歲頌公尸
滿堂賓客賦欲就正是梁園初雪時

贈趙凡夫

靜者意常餘幽齋事事如衣冠掛墓草婦子饌
山蔬桐樹成棲並蓮花結社初買隣真不惡轉
欲愛吾廬

漸老白雲根依微見水痕石如聽說法鶴已解
應門日冷青松谷風聞芳草吳徑高時不剪茶
編亦能言

蘇山先生集卷之十一

十一

雨後游天池

嶂影周遭合池光宛自通壁飛千道雨谷受四
山風引水香厨裏分泉靜鉢中蓮花青可摘望
望色成空

送長孺北征

何以別君無苦顏男兒兩足多波瀾况復春水
平登百千尺呂梁石爛黃河寬今日爲頭設小
組郵筒正報潮來午天絲飛飛飛君船且
逗荷花浦浦花不可見船去疾于箭三月歸子

睨青桑思君此際過高唐俄然大道車園熟馬

頭已飽長安粟長安瓜李玉不如內家水氣頗

有餘莫道黃沙暗額角早涼會見秋風除秋風

發發送吾子不負當時舊狐矢老大無端怯若

寒千里之行自此始我唱吳歌軟且輕爲君擊

筑歌燕聲燕聲吹入井山去落月亭亭挂楓樹

籬簷園觀落梅

辛苦愁中見偷將酒量開何郎大遷次還逐好
風來甲散春無力花香子漸催若爲看不足後

蘇山先生集卷之十一

十一

日且啣杯

送王同伯北上

祖帳西門道君行去徐徐雪月凌淮河肅風戒
征車瓦上冰乳鳴循床顧衣裯中夜暖粟酒倉
皇意踟躕黃沙懸昏星出門昧所如丈夫薄溫
飽無爲歎勤渠

買粟不問主買馬不問價燕市有殊價黃金古
臺下一朝遭知遇聲名美狼藉太常薦鹵簿官
厨上羞炙更衣篋有餘賓門客無暇銅龍上新

詞秘書自中借光艷榮一鄉何乃况同舍

直直簷下松不能抗廊廡雖以有力者不能越
垣堵得志何不爲稷契奚足數皎皎聖賢心無
使落草莽濯纓清水源種桑擇高土京塵愼素
緇志士良自苦

送張汝增北上應試

明星肅肅曉裝齊容易關頭信馬蹄柳白淮河
遮大道鷄鳴野店薦新穉老親輟洗迎歸客博
士持經問杖藜何況長安最佳麗秋風花鼓大

街西

送沈際甫復任龍溪

賢令未解郡渡頭人吏囂絃歌漸下里火種正
東臯門外致牛酒群中惜羽毛借君應有意莫
厭簿書勞

贈朱虞封

練之民比屋何蕭然市門白日鳴弓弦問誰致
此未敢言繼活我者朱侯賢朱侯儼髣髴清玄
不惜曲意審治便節縮身已爲吏先壺漿尚恐

傷民錢煦濡仁義折管輅輕掠官休任免謬行

之邑里歌且絃逃丁有屋墟生烟訟庭閑寂慈
烏睨開鋤隴畝麻麥連人人道是朱公田更欲
借君三兩季循良譽望不可延縣門慟哭攀車
轡吾願慰汝以好言君今洽禮人天歡能時早
潦貽民安况汝父母恩所偏但逢豐熟念長官

乞花塲詩爲徐孟孺陳仲醇作

兩郎租山山背虛野鶴有巢花有廬石芽磳罕
舖庭除勾連湖水通花渠春來紅白媚媚笑山

頭明月來相照乍可新香釀酒醪剩將狼藉供

才調風風雨雨無不宜高高下下惟所施濕雲
滿天土膏滑乞花幸及黃梅時非但與山添景
色兼爲古人留勝跡花神自合來周旋生長不
賴花奴力

乞花塲雜詩

二陸祠

白雲頽不流山堂久蕪沒乍聞百花香風流如
可掇

斑竹堂

新竹點點黃疑是花上露空堂烟橫生不見人來處

楊柳橋

春動板橋上携叩我獨行悠悠山渡好楊柳任縱橫

蝌蚪灣

落花知幾多清流着春膩菱葉如許長草蛙生子未

集山先生集

卷之一

五

頽石壑

湖上赤霞氣倒射石壁光披髮視天井居然在扶桑

紅菱渡

秋嘗愁未舉秋水正潔清紅菱如可採羞作紫尊羹

澆花井

就近穿山井灌園聊自怡潮潮春水上好弄桔槔兒

洗鶴涇

青溪蘿月靜抱鶴理毛衣悠然放鶴去恰帶水花飛

蕉室

我愛蕉子葉好風亦好雨夜靜聽不厭燈花欲語語

與長孺泛舟園池觀雨後月

娛人有良夜媚月淡雲浮露氣深棲樹霜華滿到樓吹簫向風口載酒在花溝無窮愛今夕更

集山先生集

卷之一

五

與助清幽

園中詩

雖復勤夷草心常願草滋更愁生路狹撲到石墩兒

老農未容易老圃亦殊難開渠來放水旋復怕花乾

春將三月短景物暫須賒獨立斜陽下閑拈柳李花

草花未生子蒲芽如半開撐船就灘上自在放

魚來

人道園翁拙園翁興益奢種樹無頭次行行維
見花

不禁看花雨粗安屋兩椽老親容膝外長共雀
雛眠

會有魚兒散先期下水松順時行月令長物與
春同

位置蜂筒穩清明穀雨大憐他作蜜苦移就草
花邊

續山先生集卷之一

五

未解調禽性先來課竹兒鄰家竹許大養在笋
尖時

送王將軍督運

日光瞳瞳海波偃戰鼓無皮人旗捲金吾將軍
氣如雲亦向船頭督輪輓石梁冰漸雪未央黃
河沙凍天蒼蒼男兒橫行不褻糧千艘萬艦如
風翔况聞北庭淨羣醜馬鞭縱橫壯夫走今朝
鵲印落君手歸來莫忘發跡初歸漚淮陰一杯

酒

唐道微作狀頭漫寄

生平苦作違心事拙于用長與時會公卿白眼
輕文章里中小兒識科第自甘懶廢年復年耳
中猶願聞人賢况我故人貧且好富貴不欲居
君先君今磊落空群才白馬蹀躞黃金臺內家
衣袍清且裁榮名如此良可懷丈夫容易致身
子上報吾君下知己既有出者可以處嚴灘之
間吾足矣

孟夏與長孺輩泛舟廻澗臺

續山先生集卷之一

五

荒荒落日照孤墩就可中央立衣門草木半江
屯雨氣波瀾平地出山根春秋甲子餘尸祝我
輩臨流次酒樽躑躅暮雲感慨在更將遺恨問
平原

初秋月夜園外散步

陰陰竹徑中隱隱通繩橋橋上竹籬篴橋下星
動搖獨往平疇間白露沾稻苗介然亦何之遠
望高樹標

月白鵲投樹夜凉人在門我行亦造次未敢通

問言小兒倚桔槔但指明星繁白龍昨蟪蛄亭
雨當何村

微風拍秋螢款款飛欲高時來觸團扇近人光
自輶豈無燈燭張憐汝飛蛾遭羣動亦有息農
務緩所操絡緯索索啼織婦行已勞

我田占城稻七月先登塲橋西歷歷黃半頃收
夕陽東疇剛放花露氣浮甘香力入雖云薄幸
免秋雨荒早晚粳酒熟隣父歡來嘗

獨坐梧桐下紛然落殘果低頭浣葛巾不覺解

冠墜汎瀾流月光掬之復在左忽驚人影翻不

知乃是我

苜蒲石

秋月影拳石知復幾許丈不盡苜蒲青油油疊

春浪

芝石

燁燁五色芝生于千仞岡紫霞澹離披采之不
盈筐

螢

溽暑蟲蟲怨孤螢獨自閒飛星流碧漢一點破
青山照影杯前落衝人扇底還東風那不度百
草露斑斑

五舅游燕坐分牙帳歌以送之歸

生不願執耕課桑田間醉亦不願伊吾徬徨老
食蠹魚棄男兒墮地走如風赤手能博雲臺字
咄嗟吾舅雄姿標麗眉睥目虬髯飄挾彈戲走
長安道捉鼻富貴來招邀匝匝金飾青驄鑣模
糊錦簇雕弓稍弓今歸殺馬歸園時清送君且
歸去如聞廟策安思危坐致金吾問前著頭願
未老建隼旗任汝猛氣吞居胥誰云宅相小魏
舒只今長矣猶讀書

寄答屠長卿

聞君待詔建禮門青縑紫纈香初溫俄然風雨
秋一葉犯浪歸爾桃花村盡道文章憎纓綬古
人逐貧是何物人情強分枯與苑我獨何爲自
咄咄祇應升斗水不能活莊周放之東海邊咲
傲凌滄洲陶公太白相對出金娥玉枕長江頭

妻春子耕不足問空篋短劔輕于鷗擲運手板
持酒杯天地豈私貧我哉有詩百篇足歌嘯遂
徑復向誰行開青蘿如髮幸未白藥桂徒攪幽
人懷君自美服集人指身非娥眉妬奚來長安
覆車多于太行道使我疑古黃金臺禿此三寸
頽供爾三尺喙與爾千秋名千秋復誰在我自
有友安期公拍杖招我漁溪東海門一潮夜月
白北鴈俄作東賓鴻有時相將御無極吾願爲
雲子爲龍豈能熟寐聽阿殿掩卷脉脉嗟途窮

蘇山先生集

卷之十

七

况我與爾皆半老向子損益諒所保囊中含章
苦不早浮雲西征塵浩浩

酬王崑崙先生

鹿門車馬漸難期肯自扁舟爲我移入夜松風
窈靜榻半規蘿月照深卮竭來求仲開三徑可
許蠅螟共一枝天下有君知已在浮雲身世莫
相疑

送李茂實北上兼簡殷無美

日天廣陵潮十五邗溝月送子千里舟悠悠江

上登江上綠蘋霜滿頭驛亭掃葉迎星郵使星
西流客星隱今季重九茱萸愁緒不可及揮
手但努力人豈鹿豕哉况子婚嫁畢豈不念斗
酒一篇自抑扼委蛇未肯慙退食東海一腐儒
德衰笑鳴鳳不作長安游時作長安夢勾陳玄
武靈朝昏山鬼晝嘯青天渾十年磨劒不改試
千秋著書難具論此間五湖一片雨污萊半奪
漁樵村借君喉舌叫帝閭民茲無衿禾頭髮及
今蠲販猶見恩輶軒使者乞恩已爲我轉致殷
無美去歲風走赤白囊壯君飲酒不衰止君能
辦虜虜易與如聞海上復塵起餘皇散盡組練
荒樓船將軍以誰使吾已好言謝鄉里耕桑無
恙有吾子

蘇山先生集

卷之十

七

問伯浮香閣觀梅

巡簷索笑亦難逢况復憑高千萬叢冷蘂粘樽
吹不散疎花入眼照還空池光黯澹搖晴雪山
影低昂護晚風彷彿美人來月下闌干斜出一
枝紅

栩栩園詩

結廬在川上川流自成折萬里船可呼千章木
如結闢宇迴高風疏池湛秋潔門外平湖光灩
灩若可招烟波澹人意魚鳥媚吾拙芳草忽冒
堤翁翁春夢熱物華洵駘蕩既寤亦同悅

南園雜花明竹淨香微微開簾散芳旭蝴蝶紛
滿衣栩栩各有適夢覺誰是非衮繡東來時駟
馬滿路輝湖山落廳事朝夕變景暉井深寒泉
食澤廣潮田肥風流細前哲因之寄音徽頽仰

栩栩園詩

卷之二

七

園林好未與榮戟違遽然公案旁吾意欣有歸
家園白蓮花中錯殷紅數瓣

芙蓉幕裏一枝芳官彩紛披白玉堂借得紅酣
剛半面褪來朱粉剩殘粧銀河月照天孫錦華
渚虹飛素女裳知是寸心含不盡秋風故合兩
花香

題內官出家像

惆悵東風十二闌錦鞍玉勒幾回閒自從龍象
傳經後白馬歸來識故山

自來奉御玉皇前磨袖何從得晏眠久厭諸天
饒色相布毛吹徹半生緣

日日焚香玉案臨隨緣瓢鉢主恩深入來欲問
宮中事忍草窓前知我心

故識當年供奉人寫來生面侶前身到頭雖立
元無地幾樹梅花未是貧

壽從叔

九十春光未老時當堦紅藥照深卮賓筵杖屨
扶黃髮吾黨衣冠讓白眉堂上德星看映彩簾

栩栩園詩

七

前滿月正如規竹林小院歸來後日日相將醉
接籬

壽年仁宇封翁

益部遙瞻漢使回天書照耀紫泥開星懸北
極祥光近秋入西山爽氣來處士舊傳通德里
居人共指讀書臺錦江十月生春色化作春醪
介壽杯

題二色牡丹

官雲朵朵映朝霞百寶欄前闌麗華卯酒未滿

紅玉面薄施檀粉伴梅花

洛陽女兒紅顏饒血色羅裙寶袂腰借得霓裳
半庭月居然管領百花朝

曹子念賦緱山行贈別率爾奉酬

王郎來而不見而兄厭臭腐蒼龍白鳳森翱翔
又不見而翁抗疏辭魏闕袞衣苦戀慈親旁爾
何短裘鈍馬走冰雪萬日睽睽心短長懊昔人
言苦不早奚囊蠹魚且半老浮丘笙鶴不自保
萬事人間摠草草姓名已挂世人口能復行藏

緱山先生集卷之十

七

落人手無心要看長安花與客但醉邯鄲酒酒
中白眼看是非爲蛇爲龍我何有吾不媿他人
乃媿曹先生先生陳思後雲綺紛縱橫舅氏青
箱顧向誰天下詞壇執牛耳近忽避人草太玄
松窓竹扉朝不放自言我老且不緣獨有憐才
心未死贈我瓊瑤枝投我琅玕篇高賢豈必後
生畏品題欲死居人先何以報所知指此寸心
是蹉跎筆花夢好醜反覆似抱牘不卽棄以此
負君矣君歌緱山且柰何山中之人已如此

初日照積雪

暖暖墟烟薄輝輝日氣晶白雲虛點染積雪淡
微明樹結層冰綵山含凍雨情驅車原上好鳥
鳥樂新晴

緱山先生集卷之一

七

七

緗山先生集卷之二

太倉王衡辰玉甫著

男時敏

婿李宗之校

女兒乞花歌

牆頭薄雨烘朝霞，蹀躞紫駟嘶杏花。綸巾挂取一枝去，更逐飛花過酒家。酒家小女對花立，睡起折花無氣力。葦中醕面虛白嬌，今日喜從郎手乞。紅輕翠滑不勝簪，月明好借窓前色。慙花

緗山先生集卷之二

一

笑問郎花好何如，妾相看面面相知。鏡中郎髻濃于葉草頭一點白，紛紛明朝化作黃蝴蝶。妾家作酒琉璃筒，壓取百花枝上紅。留君不住竟東下，門外落花花開風。風迎風送花時去，枝上紅留君不住。乞君顏色君可憐，花若常紅花自主。君不見朱樓玉殿埋芳春，白頭不苦臘脂貧。杜鵑聲老頻催客，燕子泥香空歸人。今夜看花，在何里。花月燈前盡如此，四時真破賣花聲。桃花又代相思起。

閨門楊柳枝詞

沿門楊柳弱于絲，人去人來折向誰。賴有幾枝攀不盡，就陰拋入小鶯兒。

二月初收鶴市燈，踏春兒女笑春貧。朝來忽地閨門柳，綠到臯橋不見人。

鴉黃扇子白衣裳，許久吳兒不到鄉。月照柳芽如欲語，風光時節好相當。

行春橋下是儂家，月月關門不見花。老大爭如少年樂，清明好作柳頭茶。

緗山先生集卷之二

上

白門楊柳解風流，每到花飛更解愁。恰恰班雞啼不盡，新鴉又出樹梢頭。

粉光亭子日爛斑，欲寄音書好是難。一夜柳花吹不到，大長干隔小長干。

渡口無花水半渾，酒旗橫出對橋門。秦淮三月愁如海，莫是桃根接柳根。

荅仲醇贈別

良友齋頭事優游，盡可書笑言心自好。名理樂將餘別子，酒樽易渡江楊柳。踈惟存篋中句一

日再三舒

親朋在河許終日思昏昏容易遂千里倉皇無
一言露花村屋靜風鴈浦沙喧忽忽深悽愴重
將別事論

鴉影江上沒鐘聲檣外吹襟期豈在酒光景若
爲題而自理松菊吾其慎素緇歸來不知日相
示各無疑

隔舍苦相憶各天將若何依稀尋別緒想像得
微哦風雨真成散行藏半屬訛謝君勞達念吾

已渡黃河

楊州別姊丈季良三兄

因緣弟兄好重以郎伯知石花清點茗竹榻靜
圍碁剪燭揀今夜連床想異時茱萸不盡揮達
道吏貽誰

別伯栩叔祖

別君太感慨感慨悲以怒親朋日暮歸亦常我
獨持君泣行路好君兼忘分與年見君布衣時
可憐文章半世遇小至蹉跎復爾寒青瑣青瑣

典盡鄭生餓天下笑君齒都破赤手豈能回陽
春予亦曳尾河之濱眼淚滿而禁不能相看盡
是窮途人吁嗟乎人生貴賤真難擬王陽早來
貢禹喜君不見楊州之市冷如水又不見江無
底

向與長孺不成別追爲寄懷

月照白華寒松楸葉半乾以茲風謬謬念爾貌
樂樂世事憑蘆酒衣裳笑楚冠窮途愁不任况
日到長安

答欽之贈別之章

九衢春月淨京華酬樂年年賜內家恰似吾鄉
農社後白旗紅酒醉桃花

道中別汝增兄

楊州

曉柝關上動與君從此睽何人更如故到處不
成栖款話親燈火深盃倒滑稽那堪吟別賦秋
月正如珪

周如春送予北上旋送之歸因走筆寄慨
并以示吾里中諸友使知予懷

羨君老矣健如犢游疆絲鞭走陸續羨君貪賤
樂于我南北東西無不可我願如君百慮忘飲
酒不醉心磊砢自嗟功名失壯年兩足重繭心
血乾欲已不已亦偶然但畏畏服趨人前人前
哆口多慨慷吾將塞戶如鼠藏心事且共陳人
商有酒但索妻兒嘗今日送君重握手囑君東
歸謝吾友王生王生勿復狂一日頭毛短于韭

送李玄山之檀州

李將軍真丈夫生長菰蘆中佔畢工爲儒衆人
刺刺戀腐餘子獨拋棄輕錙銖挾弓提劍走上
都豹韜星纒徵選殊矯然千騎上頭居羞戴錦
服驕妻孥願得一面當胡雛緹殺非指檀州途
烏丸至今骨尚蘇仗子氣岸操鼓枹寶刀瑟瑟
當夜呼日黃風黑追單于手提觸髅血模糊馳
歸藁街搏虎符高顧壯髮果不徒笑殺里中白
面兒畏風怯寒圍瓊瑜傲殺王家烏衣郎終歲
面壁吟之乎李將軍真丈夫

登北固

悠然眺平楚暝色自江東石有三分恨烟銷六
代才暮城星火雜斷壁雨風開猶記題封宇沉
吟日暮間

招隱寺

行到衆山盡應知游者稀客深樵徑冥鹿飲凍
泉肥地僻無波浪時清有蕨薇獨吟招隱咏四
野谷風微

遊金山

日高京口渡遙值定鍾時烟雨寺幾點江山天
四垂沙晴群市合鷗入亂帆疑數盡東歸浪滔
滔未可期

遊焦山

孤嶼自亭亭微茫接遠汀樹含浮石動海入衆
江冥鶴表仙人骨梅花處士銘可憐春色近隔
渡廣陵青

慨慷招隱詠我病獨登先大柳坡前浪新鴉寺
裏烟杖頭探水渡崖足試衣寒况此風帆利僧
寮儘借眠

大雨行龍潭記事

水雲片片遮禾田白魚跳梁及馬鞭小兒爭渡
喧樹巔野屋無牆竈無烟回頭後車頰不起三
尺牛渚沒馬耳農家買簑錢百千驛樓昏昏雨
木已抱薪烘濕烟半收出門四望生窮愁須臾
春潦忽露影日光澹拖出天井雲收映坼長江
明白沙湍減波紋靜石塊礧礧山根橫走入江
潄眠如羊躡石洗足其中央石肌冷骨潮湯湯
酒乾更買白浮梁水風吹人醉不長行路難不
可說老鼃舌喻張茅青虎子渴人生安佚何可
常王郎慣從險底活

五月五日遊金山觀龍舟競渡

自我兒時上金山登高但覺江風寒十五年來
復游此始知水大難爲觀水流滔滔自楊子海
門浪出剽如矢瓜洲檣樹綠于蒲蓬脚無根任
風使風來聞浪一時高千巖萬竇聲嘈嘈石廊
蝌蚪忽噴雨東西沙影侵山梢我歡飲酒不知
數况值江頭船競渡落索朱符坐槽工鷄黍賽

神神無怒此時寺杪亦鳴鐘夜濤吞吐雲蓬蓬
江豚跳梁老鼃睡恍惚京口桅燈紅勸君暫聽
津吏語日落烟青且歸去

楊州道中謁文丞相祠

白沙大樹掩寺墻載瞻載拜神旗張拜者楚楚
青衣裳云是宋文丞相之祠堂堂前銀杏日光
小以手讀碑殊草草惟有石壁垂文章五月涼
風射人腦我思當時丞相何嶮巖夜行晝伏隨
狐狸蘇剎名宇胡以爲感格非有精靈奇丈夫
之類亦有泚俎豆其間良足矣君不見楊州歌
吹空潮頭怒打漁人蓬

觀海

潮頭來遠沙開岸日當斜杯影浮冠額神錢逐
浪花天西如有市海上孰爲家遮莫乘風好崑
崙亦釣槎

讀驛墻詩

青草年年盡黃河信信乾驛墻餘涕淚何日寄
長安

穀城

出山逢老人入山化黃石千載石人前紛紛拜
行客

過古薛城

原田莽無際道是孟嘗門秋風荒穉盡烏雀不
知恩
窈窕歌鍾起參差幸舍開已隨朝市散尚逐曉
關來

三歸臺

官中奏歌舞閣外起樓臺茫茫汶水上車馬至
今來

叔孫通演禮處

野外脫戎衣干戈化冠履至今思兩生千秋豎
儒耳

漢高廟

千古猶原廟空山白日寒神旗中夜出誰識漢
衣冠

毛遂墓

霧散翹材館天高對策幄悠悠天下士何路薦
毛錕

將游泰山九日在道有感作

予生日是重九

日月依辰不自禁深秋節物倍驚心平糴大澤
生陰霧曲映逢山有茂林生日幾經天壤異壯
年能共歲時況如今漸畏登高事搖落風前問
短簪

城北城南川氣涼岨峽遠接嶧山長日中洗馬
歸沙市秋半辭林多白楊小摘畏人禁菊蕊短

吟倩客解詩囊茱萸滿地都狼藉故國親知可
盡觴

登泰山頂時重九後一日

呼吸應知帝座通振衣千仞試雄風長留雨色
秦皇樹不斷泉聲玉女宮介水遙分洙泗白黃
河曲抱海潮紅相如擬作東封賦細草千秋簞
道叢

蒼茫海岱鬱相羅衆上岨峽青更多大壑青霾
藏虎豹中原日落帶山河水迴澗道樹初淨雲

護碑陰封不磨極目可堪吳觀盡側身吟絕四
愁歌

登泰山日觀觀日

們星夜半歷虛臺海畔青陽左箇開陽谷先舍
諸界動濤光忽擁衆山來封中雲氣成宮闕檻
外扶桑落酒杯晴色漸分輕藹後島烟點點辨
蓬萊

登泰山月觀觀月

照入烟蘿萬壑齊月華清切介丘西星芒歷歷

雜山先生集卷之十

十一

河陰靜烟樹戎戎齊魯低半夜神旗飄鬼火空
崖海日度天鷄棲遲雲臥侵寒甚爲憶風塵重
解携

荅岱宗丈人

我有越紈素一日再三洗褰裳過天津見人且
掩耳京洛正日中美言如可市但恐謀身拙飄
零愧妻子庶保不緇操歸以示知己

予益離時交周帥敬比歲余至燕而帥敬
亦在焉驚問其故則帥敬已西秋自白下

歸已謝儒而賢矣秋而賓興冬而去之一
何不枯手也予喜而且悲之作短歌

笑余何事悽此中心頭蘊蒸雙耳聾乍山蹴躡
迷西東瞥然市上逢壹公壹公與余故相識以
手撫膺三歎息冷風拍拍吹馬羈欲啼欲笑說
不得人生老大心易悲且爲置却言當時當時
意氣光如錐羊眠五色降蛟螭精能百伎縱橫
馳醉染欲奪山陰碑四方學者爭負笈博士趨
風下堂揖一朝挽髮不勝簪如覺閑身過四十

雜山先生集卷之十

十一

丈夫何必饑來驅秋風策足恣所如偶然爲客
落大都青囊羞澁輕于瓠齋前綉佛倩人供肘
後丹砂當市沽丹砂可以飽市人走草草誰知
公者費長房咫尺深居令人老公何不借我竹
杖從公翔使我久作墻東王

夢回吳山吟

天垂靜耿耿天河直于弦黃鶴如蒼尊我前連
船十丈縱橫眠老兔搏霜射瞳子蒼龍挾山崩
雲田海塵浩漫漫惟見七十二點空青山衝風

何來吹我冠脩然忽下如驚鷲自餘器器復何
 物恍惚似遇城門烟城門烟橫不可識土肪石
 骨參差隔花明白路春溪紅鳥啼一聲大荒白
 自日光依依照耀桃與李綠楊垂條引紫蘿長
 杉當階掃松子嵐翠虛無入市橋幔亭次第依
 雲壘蟲窮橋斷心轉移茫茫平湖名可疑湖前
 陂澤不計畝手莛菜麥兼柔荑晴絲悠揚習蜩
 蝶跨水種田知是誰黃面主人巾葛巾午溪白
 鹿招佳賓坐中一翁獨吳語豈是當時角里之
 先生鞠躬向渠問歸路笑我買山不知名眼前
 副然心孔開支硯岸巒紛相迎東窓竹子手所
 種蒿床葭席如有情五千靈笈幸無恙黠檢未
 竟書魚爭覓動忽失聲惟枕鷄華華夢境不可
 思此身依然在山北吁嗟乎胡爲我身在山北
 元夜先一日觀大內鰲山有述
 祈靈太乙報年豐大地光明自九重踏踏寶輪
 浮滿肯沉沉烟海闔魚龍新宮錦荔如雲出歸
 輦梅花帶雪濃最是未央春夜月栢梁頗自微

宵鍾

游燈市

歌城舞館古燕趙麗春況復今京華脈脈月照
 銅盤蠟薄薄風寒油壁車橋東穿市眼乍醉樓
 上炙管顏如花乞得西宮一叢錦黃昏燈火滿
 人家

三月五日偶步至象所遇杏花因與帥敬

醉花下賦得四首

草掩閑庭久徒行亦偶然爲貪楊柳色忽到杏

花前殊勒分弓影春衫傍酒船都緣無底興隨

意遠墻眠

頗解窺墻意探幽得滿枝是桃如淺抹避鳥未

全披紅白相兼笑縱橫強自持燕中花事後三

日暖歸遲

蕊氣通香象花光接苑牆輕霞薄春浪舞雪受

初陽醉面頻生暈新姿未解粧好將門外柳吹

入兩三行

久不見李仲吉聞其病詩嘲之

門外車音密懷人獨未來望如春月滿坐到海
棠開豈以苦吟病浪將花事猜金閨無渴史露
冷集靈臺

湖堤

脉脉春沙淨纖纖暮雨齊吹花還擘柳綠盡短
長堤

水紋深淺明照見影箇箇風來激微波疊疊催
人過

若箇樹邊寺幾層沙外山一聲齊後磬容與大

蘇山先生集

卷之二

七

江間

暖入酒暈重風動鞭梢輕馬嘶不盡處春郭柳
條情

雨過蛭蛭化新蒲出鮮水瀉瀉爲誰來飛飛不

可止

上水入種魚下水人種黍歌聲一何變好晴或
好雨

三月上旬過西山

流水枕寺門曲曲臨山趾靡靡柳青濯濯草

蒲美遠映城上樓近見橋外寺曝然得初心我
心乃如是

疎柳逗日光照耀山寺面古松鬱生烟騰入翠
微亂肅衣儼進趨火迺蝕其半暗燈覆古佛苔
長石骨爛悲誨不可聞慈昧苦無倦支願歎斜
陽隔林坐鳴鶴

寒烟橫不流長林纖月靜山頭青蒙蒙地上白
耿耿童子築石塲涼花當山若縱能拾松枝不
能掃松影

蘇山先生集

卷之二

七

水眼通石渠淵著不可了中有五色鱗深淺欣
在藻老僧散殘鉢唼呬出周遶悠然入魚趣人
影落清沼

途窮旅僧寮餘興殊未畢馬渴不可使策杖縱
橫出倚橋藉深草綠溪造山膝峻涉凌風頭緩
歸盡日力前林露殘紅有無杏花色

泓停泉一方倚山得清絕石子光鱗鱗水松濤
相掇泡影嘘不停魚游自成節一顧清人心再
顧清人骨渺然起微瀾流風坐來發

露重幡鈴深朝暉北山止因循引我去若與白
社邇沙彌攝袂裳逢迎雙樹裏排鳥開石扉手
擷婆羅子逶迤拜長廊指點丹青似坐佛不復
臥臥佛不復起如聞龍象泣千秋淚如水
滾滾北山奔茲山創其首腹背橫交加餘音尚
爾隄嚴如主事賓累若子負母哈呀不可測中
有靈物不蒼鷹晏然鳴老兔紛出走扶輿會有
托秩禮祀培塿

送陳臨陽封 魯藩

泰山先生集 卷之二

七

執玉諸侯自首藩分符使者出河源星懸大野
皇華發天入東山魯望尊五月紫泥明驛路孔
方丹甕待臯門太平補闕須周禮古壁元經好
細論

送顧涇陽謫倅桂陽

平世似無闕天下稀諫章委蛇素筆棲明光都
門亦甕懸虛囊仗下孰者聲琅琅迺是涇甲尚
書郎縱橫指列多慨慷手持唐虞報吾皇
然赤心鬼神直壯氣欲排帝閤黑造次未免南

遷勞聖主用人或不測當時賈誼之逐丁盛隆
衡桂頗與長沙同痛哭不了治安事羞對野鳥
言道窮領郡亦是天子賜抗疏敢曰微臣功
石門啼老猿衡陽叫哀鴻過君耳畔如清風人
自憐君君不自憐况有令弟鳴君前裴君簡書
照後先桐江一絲繁兩難君家得與亦已偏君
莫道干將頓挫收光彩天乎愛爾終自在

寄仲醇

泰山先生集 卷之三

六

人生會有托所托且速朽形影不相附誰使爲
之守朝聞夕可死此理實其有日月不能長生
理徒苟苟警策懸吾師切靡負良友良友多苦
辭相知謝忠厚小人其自偷敢以勗其後

吳儂歎

天不弔我吳災運相排撓壬午劇饑民今年肉
幾脫所苦欲脫不卽脫老翁今秋尚苟活六月
淫雨至七月天河逗漏地維缺湖翻海嘯聲總
雜禾頭行舡樹頭歇耕牛橫渡隴畝夷遺穗不
救蝗蟲飢老翁况有兒與妻剝樹見骨烏啼

丁男抱耒坐屋脊有女粗能漚麻績兩日催成
一疋零持歸斗米咽不得薄糜不及朝來發漕
軍租吏聲復喧公私迫近豈暇苦中夜造次開
柴門釜沉屋破餘老骨轉向前巷抄鷄豚如聞
天子慘東顧司農感慨相爲言痛哭已下綏征
詔惻怛尚有發粟恩當緩故急不可問且向公
門乞恩賑零落半舍鼠餘糧大家除錢頃時盡
耕男織婦亦人僕飽經荒亂死欲速艱難豈惟
一身足租債在兒兒在腹

泰山先生集

卷之二

七

送鄭子瞻歸浙東

莫相疑行路難一片男子腸歷落天地寬怪道
古人何刺促出門羊腸脫車轍天烏九首搏人
噴黃風白浪相逐逐余髮苦已短余肉不足食
槐耳未成陰何物堪彈射儂自不合離東牆致
君暗地生青黃君寧不知鄭虔餓書燕市提
空囊爾家青氍一何貴赤手可搏蛟龍睡大笑
不足問會有白日腥群飛荆榛復落羽天乎人
耶總無愧君今去矣乘班騅予亦挂帆從此辭

吳江水桐江磯浮家泛宅無不之黃雀啄飽
野粟看爾紛紛騰何所爲

錢郎貌余余對像戲贈錢郎歌

貌天易貌人難容易然指開春花誰能見此赤
肉團何物錢王孫操人好醜權意匠慘欲就下
筆光爛斑於我良有契置我丘壑間頭枕大石
手竹簡白欄偏袒春風前拋書捫石殊靜便輟
然一笑解兩顴錢郎何巧我何鈍落落七尺子
爲政留影天地間長與犬馬並吾將息影山之
陰離未對面無瞳神

泰山先生集

卷之二

七

送李仲吉請病東歸

李郎志五嶽搗游黃金臺搖筆觸龍額天門掣
然開棲以蓬臺芸觀之參差耀以紫微翠華之
崔嵬李郎毛穎今不虛胡爾顰眉來謂予與其
坐給侏儒糧毋寧病著長卿書眼前金莖不解
渴子夜吳吟思故廬朝來上章幕桂席果香桐
落長安陌應得洞庭橘半區剪取吳江作浮宅
丈夫得志堪棲遲衡門之下百不思翻手覆手

任爾天公爲豈不見君家郭侯嬴布衣白頭竟
食王家梨

孟夏游摩訶庵飯于八里庄吟非幻上人
詩聽無弦上人琴

溥游郭西門沙深馬蹇蹇悅此招提靜我轡亦
載緩蓮裳覆鉢平松蔭一庭滿婆娑兩沙彌盤
石恣偏袒不知爾爲誰客來亦暇懶

春事闇將盡拾孤誰氏園幽境澹隱日灌莽欲
深煙水車激長風花徑催暗泉采之作清供亦

復旨且鮮門外正喧動歎息秋蟲偏

楚楚化人居蘿根古干石鳥歸深不聞天影臥

來迫我有傀儡場乃近衣冠陌騶馬喧晝眠管
城歎于役羨此幽棲清復恐憎愛格願言息所

緣居然在廣宅

聽無弦上人琴

何物悄然鳴松風相激盪無所置吾耳但覺神
颯爽巧囀春鶯歸澗聲乍聞山峽崩泉響參差
玉磬金琅璫合沓徐來復小往驚颼吹斷還嘶

嘶豈其變下梧桐枝自爲羯鼓亂大雅古琴復
被爲薪炊如彼穎師豈不能冰炭我腸笑以爲
是誰五指間幻出迦陵禪空堂颯颯人耶仙問
之迺是師無弦嗚呼賴爾之無弦

詠非幻上人詩清能沁骨余心賞焉漫賦
以贈

休公賈餘勇猶敵孟襄陽下語理不厭無言典
爾長蒼荷參朝靜菩提結夏涼借君清一掬浣
我非征裳

五月送任心葵歸武昌

爲君劒舞對離樽客路蒼茫易水渾到處藿場

堪繫馬何山雨峽不啼猿未容世外思招隱莫
易人前賦巧言京洛素衣無恙在湘纍角黍至

今存

訓醇甥讀書

舅自名成祟兒須筆可耕生今不逮母况爾願
爲兄種德餘千葉遺經正滿羸春鵲爲誰泣立
盡短長更

宅相看吾子寧慙小魏舒
荆花隨歲盡葛藟望春踈
痛哭東征賦徘徊暮倚闌
樂冠吾忍見好授鄭玄書

已丑冬至前七日友人王岡伯李允升母舅朱向之姊丈周季良贈

萬壽宮詞

九陵

崇岡如帶擁平皋沃野神宮駕六鯨
天上珠丘閒曆歲春前五輅薦荆桃
千山象設雲初曙萬歲蓬萊日正高
聞道昌陵封事少吾皇久矣

蘇山先生集

卷之五

圭

賦民勞

九原何地不蒼涼
弓劍橋山泣孝皇
警夜燎光承委佩
當關午漏下封章
翠旗風雨歸華表
玉几星辰照未央
千祀秦陵杯上濕
登臺北望想沾裳

走銀山道

寥寂荒山徑漫隨
黃葉蹤林虛峯影
亂谷老雪痕封落
日閑歸收投烟及
暮鐘到來頻立馬
烏道幾重重

宿銀山寺

野宿欣逢酒匡床
肯借吾僧寮共談
虎佛供對啼鼃月
聲懸相照風鈴芥
自呼夜清鐘磬發
驚我尚征途

余舅及季良捷走銀山巔度關王鼻余倦甚再遊耳

岩崑出鳥背羨爾獨登先
樹影黃花鎮風聲沙澗
泉寒山樓睥睨落日響
弓弦老矣燕然石憑君
早著鞭

蘇山先生集

卷之五

圭

銀山歸道

澹日荒平野差池我馬黃
暮山看更好空翠遠相
將寒入鳥棲亂烟含獵
火涼傷心松栢地鎮夜
月蒼蒼

送葵陽座師謝病歸樵李

流淅蹴浪波淮河草綠
南齊擁傳過五夜對懸
天條火三秋未老越江
策屐時日下占雲漢招
隱春來到薛蘿端爲盛
朝舟楫重憐君不遣試
風波

五噫歌半雜燕聲筑響波流鴈驚汀雄劍匣中
難把問蛾眉官外若爲青瞻天尺五君恩近去
國三千客夢醒相見無須傷采葛樓頭煙雨對
人冥

江梅驛舍雪深深歲晏頻驚遠別心岐路飽參
窮達味燈花青入短長吟黃河凍雨紛相逐冀
關流雲莽自沉白首門生供仗履彈冠原不爲
朝簪

桃李春宮花滿枝獨憐失路媿人師素衣不化

懷山先生集

卷之二

圭一

終爲我青簡無言可問誰故國已歸蕉鹿夢新
知半入海鷗疑伯牙亭上登臨數日落琴清有
所思

大風行

天地快哉氣澹蕩爲長風云何大塊間鬱意聲
滿空長安鎮月天漠漠十日九日風色惡揚塵
握垩小作劇轟厖遽爾搖鷗鷺凍鈴急闔簾亂
鳴老樹轉撼不恩落塞帷射人疾無影掩面謝
爾猶相掠不及相鐸不及占蓬蓬自何來南海

非海波相黏白浪襄大陸響沙驟平川射工負

弩驅而先黑鳥長喙赤狐拱尋常物類亦爾顛
相切助聲勢獵獵摩青天帝怒問坐成寥戾者
誰子風伯翳厥首風母歷其齒石尤慣船趨羊
角爲之使爰有同好相喻張箕舌如許當空揚
封姨抱樹泣欲訴欲訴不訴風難當翻能暈日
且耳月拍落霞彩靈精光白衣蒼狗倏忽變金
支翠旌紛走藏海濱有烏縮腳立享以鐘鼓愁
不食敢辭萬里塵請以六月息一風之力猶可
勝如彼草木皆風聲世間萬竅盡號怒攪搜呼
呶何時平左朱絃右玉琯歌再闕波未偃東山
破斧何時歸日光瞳矐風可反

偕友人登顯靈宮閣感故友王亭伯作

直直閣陰午嵒嵒逼天關持此一杯酒欲醉千
門月連臂踏踏呼奈何奈何不盡金匱羅空庭
故逗霓裳歌老櫓舞影凌娉娉當此好景復不
醉古人月笑今人睡匏瓜正壓虛青簾翠恩宿
鳥紛相避霜重可彈冠燈涼更炊酒客自留主

人觥籌錯吾手笑予王大何情癡酒前墮淚如
縷縷柳牆荷幌百回飲有人贈我紅將離依稀
此月亦此酒醉我之子今爲誰山陽笛聲不眠
老天涯對面皆新知今夜爲君了癡却破量共
汝深深酌樂極能生哀哀極復生樂君不見鷄
喔喔白月悠悠向人落

送范長白東歸余亦後此歸矣

六街燈火柳烟霏紅入東山舊舞衣爲語青城
歸去鶴弓彎如月背人飛

蘇山先生集卷之五

七

答表肖海見贈

襟期相許十年前邂逅風光更可憐日暮雪街
迎醉馬雙龍捧出帝京篇

公爲雙塔令
中出詩相示

山頭雲影遠相從藤杖芒鞋得幾峯見說富春
雙易近夢游先到謝公松

富陽有
謝公松

答長卿寄作

復有竹裏印雙趺日日涼風生座隅出世且饒
君作主有親未許佛爲奴山中白石能餐未樹
下明星得悟無欲向傳燈叅動定年來衣鉢在

吾徒

送李玄山留守中都

匈奴自識李將軍牧馬不收塞山紫漁陽臥鼓
當北風日高痛飲臨淮市

贈公季與

蒙山跨東海泱泱風尚爾卓彼公王孫居然學
周禮偶逢話深心慷慨不可已一時自千古暇
復理姚姒爾才自丹青能不爲世使燦燦錦繡
腸戢戢稟意旨大雅別有尚采風迨下里我有

蘇山先生集卷之五

七

寂寞韻閉戶聊自喜斯道苟有興奮藻豈必已
高臥聽雄辨賴子食吾耳誰與相激揚言有魯
太史

神物固不測一龍將一蛇龍飛下其髯而猶頻
泥沙吐珠置路傍行道誰爲嗟蜺蜺蜺爾九念
彼恆莫耶著書懸國門反爲車馬呵市聲日嘈
嘈誰理擊筑歌請君晦光彩礪石玉可磨如子
百不爲息影山之阿猶恨有舌在君其慎揚波
壽陳太常母嚴夫人

紫微山色入簾時
簾屐如雲照玉卮
燕子暖迎鳩杖舞
女貞青共髻花垂
鳴歌半譜容臺樂
肯酒遙分泰時釐
好導板輿來北闕
長春遲雨闕宮詩

贈阮孺平

予歌我謠頌頌其辭
道路縱且橫持此將安之
余也流言髭爲白况子客燕手猶赤窮途相將
不相憐酒中意氣真可惜
天門閃閃光欲奔照爾劍上星辰痕
時來致身豈遲暮奈此中夜羈人
竟雷砰電射有時寢息青蠅薨薨老彼叢棘
會見吾子御風走知余駑馬先後不日前萬事
且莫道與爾同消步兵酒

酬馮琢菴先生

大雅久墮地彌縫賴耆叟
穆穆清廟響含意若未割東海固大風體大或錯探素質偷玄黃
舉世相唱偶嗟我負薪子竊歎不出口誰裁齊音傲澹與琴瑟友剝盡墨藩痕恍惚遇蚪蚪曾史
世爾家詩庭尚敦厚

至言富苞孕肯與文章絕
彼哉劍籙籙千秋在頰舌氣盛神理衰
轉手化工拙不有千頃波
安能制頰決惟君氣宇宏
鍾鏞在東設琅然時一鳴金石森就列
懸予寸莛資幸獲仰磨切嗜好豈必同昌歌亦成悅

鄧林徒勞薪豈能勝日力
擾擾闔者苦孰若憑爾軼以予悶悶心長短深自匿
况爾白髮生驚波僅餘息讀書不求解
夢寐寧復憶君不惜精爽耀我雲五色無端被榮名
授我嬾所適終當

便蓬蒿謝子勤羽翼

送李茂實頒武誥晉陽以便東歸

星輶五月渡河梁
負弩先驅出太行
春色欲前關外柳
綵綸故遣近臣將

斜陽催酒莫留殘
千里相思命駕難
長夏如年歸未得知君
頰折藕花看

夏日新霽望西山

夜卜齋鍾韻簷花報午晴
雨歸雲壑淨虹斷暮山明
脉脉辭團扇閒閒出市城
相看禽語樂起

我故園情

故自西山爽雨餘清更饒落雲猶在野晴翠欲
分倚嘉樹曾紆賞飛鷗可待招兩年羈客夢得
此足逍遙

長者兄相視少年心若何回腸更事老對面失
歡多寸影濃花出林開野澗過長安有閒月底
是久蹉跎

大內蓮花

西山青落影娥池仗外芙蓉入照時薄雨未消
綠山先生集卷之十

李

李

初日暈晚風欲語向人枝六宮香粉流紅膩三
殿浮涼湛綠漪的的夜行人不見集靈臺畔露

華知

鬱羅天外壁壇清曾此瓊花散玉京河上卿雲
猶泛泛水心芝蓋故盈盈月窺旌影驚見並晴
落紅衣鳩鵲明是處綠蒲堪繫舸君王那得萬
幾輕

聽太初琴

君有千里心彈作千里曲何來黃山泉飛作指

頭玉

吾欲封谷口獨坐當長松留將明月吹度與萬

溪風

欲彈再三撫拂子弦上霜我歌梁甫吟與此誰

短長

渴飲上池水飢食長安糜靜對琴悄然奚以彈

缺爲

送麗明歸山陰

病骨誰爲支臥對經與史窓前紅葉翻居然念
兼山先生集卷之十

宋

李

吾子

酬馮琢菴先生朝爽樓詠

高樓高幾許上與西山齊山上復重山雲光鬱
淒淒朝氣穆以爽可以一振衣乃有東海公選
勝同攀躋良朋愜高唱遂欲忘簪圭感君托素
心傾倒自不疑坐中獨與訥眉目常乍低雅交
不欲甘心故無町畦廉靜鮮風過吾耳時若提
談深酒欲寬渴飲日竟西海棠暈悠揚醉面生
光輝殷勤重言別申重千古規卓哉不朽名烈

士良所期學山或不至恐蹈愚公迷大笑指落
日頽然進厄區

周貞女

宇宙至今在其道惟貞觀寧若木與石塊然徒
頑堅山頭望夫石風雨愁汎瀾陵谷有傾移况
此愛浪翻卓哉周季姬生死殉所天裂素騰哀
詞灑血鳴肺肝霜風凜以凄使我骨欲寒乃彼
抱一心知者或復難往昔餐松人奇節豈不獨
惻恒念兩髦辛苦勤三遷薦籍各有托茶蓼良

綠山先生集卷之二

七

自安之予中谷蘭未與春風緣爲誰長青青素
綺凌華年終我父母命不負三光懸中心仗獨
是甘苦得自然以御世春秋澹蕩真浮烟余家
化人跡與爾相後先靜者一念果白日生羽翰
而予猶塵棲寂寞耽枯禪將天老哲婦扶植人
倫顛抑以端聖世照耀光堯編彤管色有煒汗
簡青蘭班修名豈所求吾白相姁妍

送五母舅武昌督運

江頭赤壁淨軍麾十里樓船臥鼓馳飲馬晝眠

鸛鵒樹掛弓秋老遼陵碑舐鱗蔽日聯魚麗
帆羽揚波蘸纛旗北鴈稻梁謀未熟臨風吟斷渭
陽詩

秋月感懷

瞳眴海室湧波黃溫樹先沾紫禁光浮動乍翻
楊柳浪霏微轉泛菱荷涼寒星自守三臺露碧
漢虛搏萬杵霜咫尺瓊池稀宴幸暇將清夢問
霓裳

追涼結伴上針樓天上人間認解愁細語堦前
風欲斷新眉簾半月相留空簷玉馬嘶霜露隔

綠山先生集卷之二

七

水黃姑泣女牛夜夜笙簧歌館沸共誰斟酌漢
宮秋

烟籠閣院月參差坐坐見槐衙影漸移簌簌片梧
鳴半夜飛飛烏鵲聚空枝婆娑對酒成三友自
在窺牆得半規早晚日歸愁歲暮兼葭猶及未
霜時

隴西明月不堪秋况復驚烽照戍樓原上鬼燐
荒燒白軍中羌笛陣雲稠賀蘭山外虜弓怨無

定河邊破鏡愁長嘯可能空虜幕柳條黃盡古
甘州

空青萬里露華新倚薄松窓憶故人玄度不來
天共達謝郎獨醉月相親蒲荒麥熟孤鷗友草
白沙明老雁臣底是吳牛怯風甚不禁團扇改
京塵

雲表纖纖耿玉繩銀灣無浪斗杓橫千門影落
山河靜九道光分漢陌平試卷冰簾占近遠已
橫蘆酒闌虧盈縱教狼藉春江夜忍待風吹夕

雜山先生集卷之二

五

暈生

水國高秋倍闌然涼風天末想娟娟黃花耐擁
南樓展紅樹相看牛渚舫白社避巢將客燕平
林抱葉未歸蟬那堪子夜烏啼盡荻岸楓城夢
裡烟

城頭北斗半闌干歸鶴乘風借羽翰清入桂藂
淮水綠空含橘柚洞庭寒孤輝對濯霜燈苦斜
照頻催菊酒殘寂寞五湖留影在還餘名字月
中看

秋日同友人游西山

灌水翳長坂靡靡層陰動細草臥牛羊應作清
都夢

鐘聲漸杳藹響未交杉松消沉向何際洪洪化
長風

西山堤上

無窮柳夾堤蒼皇馬相逐風吹席帽軒驚入前
堤綠

西山望湖亭

水眼虛爲星恍惚若宿海水永化爲石可見不
可采

西山玉泉山石紋如浪

山氣飲湖青日夜水泉長微風蹙波紋倒影石
花上

西山涅槃寺

碧潭偃樛枝似守蛟龍宅照見油油天蕉蒲弄
華日

西山卓錫泉

循飲此泉側日暝醉忘起流水轉人心人心轉
流水

西山碧雲寺池

游魚何唯唯適此一方水一方自首尾遊魚若

萬里

寺門

紫籬靜若夜青流澹無言不知山寺到乍見風

旛翻

來青軒

遙青草木光空青天地冥憑欄三尺外與爾共

集

卷一

青青

軒前東壁

東望金銀臺飄霞若衣帶目盡長安城心在長

安外

軒前月

雲扶月華上森沉翠微冷霏霏高低林月中無

靜影

窮雲翳山頭蛇蟠及吾趾翠濕不可搏身在白

雲裏

環翠亭

徘徊虛亭上相憶杏花叢但留環翠在明日又

春紅

祭星臺

空壇落星辰騰沙鬱皇野不知何王碑隔坡問

牧者

別香山

相去幾何里香山紅寺青冥冥月中磬况隔晚

雲聽

歸途欲雨而竟晴

集

卷一

人言鵲鵲聲模糊若含雨啼破千林烟來我杖

頭舞

秋夜懷仲醇長孺

相與江湖久并忘鷗鷺名自君農臥穩使我客

懷輕忍草依龍象桐花老弟兄可憐塵滿眼猶

爲說無生

落落高秋夜琴尊一草堂緒風搖束楚好鳥坐

落落高秋夜琴尊一草堂緒風搖束楚好鳥坐

閑桑有客美無度如予河未梁紫芝眉宇在心
逐溯湖涼

夜尋高隱傳見我韻中詩鶴警欣相得蟲吟盡
可思別來秋去幾坐久月歸遲長興無多語應
憐靜者知

月夜坐石經山頭聽泉聲呼季良不卽至
戲罵之

空山易爲閒落葉如轉石洗泉會流隴莽若潮
聞射如絲界空青淘我新月白大地盡一聲吾
耳乍爲關萬里爭道鳴何能覩泉脉對之飲且
嘯雉子亦嘯嘯吾意那可敗祇爲阿戎惜

咏山頭月

招提吐白毫照耀摩尼珠十方若虛空載明西
一隅樹轉回不分夜午輪逾孤小星輝輝流三
五龕燈踈明滅林莽中烟寺相有無遠乃群動
舍近與吾影俱

琉璃橋步月

蜿蜒百尺橋下有千里流瀾環闕明月澹澹銀

浦秋浪渦蹙高浪魚龍類不游呼吸挾風雷石
勢兀欲浮達天星可捫廣野烟相樛行人走陸
陸杯酒誰爲酬吾將欸白虹飲我湖水頭

贈胡畫士出塞渠曾貌余

好向長康乞化工許將丘壑置龍鍾一回畫就
一回老只恐黃花瘦似儂

緱山先生集卷之二

蔡山先生集卷之三

太倉王鶴慶書補著

男時敏

婿李宗之校

李見羅先生之在難也其弟子止菴羅君
偕其二三同志僦居長安納橐餽焉余既
聞而義之迨羅君歸顧我于家連榻
愛其與雅于其行以短歌呈別

古人結轍從其師使赴水火亦不辭今人友道

蔡山先生集卷之三

棄如土朝爲弟子暮爲虜咄嗟海客死田橫何
如馬融帳下逢衣生一朝倉皇散如霧反令俠
者留其名況今天下盡婦女閃忽人心自厭雨
漸聞室有戈非止市有虎市有虎尚可室戈能
殺我目中僅見李豫章急難兄弟奔相將側身
痛哭雷霆傍九關虎豹天蒼蒼朱生已死盧生
餓獨有盧生下簾坐朝來分得磨鏡錢強半簞
燈獄中臥丹者寸心白者虹上帝感勤精誠通
差義豐城雙劒氣紫光晝夜磨崆峒天寧土繡

長弘血人自書傳夏侯訣君其先歸掃庭雪文
未喪天視君舌

送人官塞上

海風如刀沙作雨拔君孟勞爲君舞酒酣不脫
從事衫擲還骷髏月未午

長孺自燕至作

隔手遙相喚高齋榻已溫話來兼涕笑坐次失
寒暄雨膩紅蓮沼烟封綠篠門淒淒燕市筑細
語入黃昏

蔡山先生集卷之三

各敘五年事別來看鬢鬢風塵能頓老山澤未
爲濯心狎耕漁漸夢尋悲喜無燈前憐瘦影珍
重說征途

送李長卿遊甘州

石門風雨大刀環夜入金城虜氣寒一道墨花
飛眉鼻軍前萬舞拜呼韓

白草黃河漲落暉馬頭三月碎霜飛投舡四十
未爲老醉脫青衫試鐵衣

凍月蒼蒼雨雪零前軍已掩幕南庭五更帳內

猶歌舞秋道烟消鳥鼠青

律律西風隴樹秋佩刀刺石取封侯平生知茂
龍泉在十萬軍麾擁蒯緱

輶車鍛矢驟胡風草木千山助火攻萬里燒荒
空矚帳甘泉猶憶隴西烽

落日煥蠡烏尾訖將軍間外立雕戈忍將無定
河邊骨鬼哭長城博凱歌

夜占河鼓彗挽槍赤白飛馳報破羌驚栗不風
鈴柝靜滿樓清嘯月如霜

蘇山先生集卷之五

五

材官突騎百爲群解取京州獨有君戲下請纓
來五部臥彪爭識李將軍

送孫見田任儀封

綰綬誰年少當時陸浚儀政閑更雀靜春到驛
梅知別思知秦海遙心託具茨况開潁水上故
有鳳凰枝

和殷無美感懷

比覺歲時易轉于魚鳥親可憐爲客老何似有
官貧東閣梅如我西風鴈欲賓聊將試舟楫話

與未歸人

隴水風磨劒金城雪叩弦書生懷主辱立馬贈
君鞭荒燒餘千里煥燼尚兩川左賢曾否遁忍
問太湖田

軍書若執掌轉憶習家池何地無風而登壇亦
鼓旗夢酣楊柳月酒醒杏花時樽俎功名在春
光幸可私

送友人之蜀

思君何日下三巴錦水春風不念家遮莫劒南
蘇山先生集卷之五

四

楊柳盡一枝煩寄刺桐花

孫烈婦

生當共餽糜死復共誰之不改糟糠腸與吾死
者知

郎不爲儂死儂自爲郎死芙蓉爲誰枯髮鬢滴
秋水

三年綉羅衾鴛鴦未成眠魂魄倘有知留與妾
舒卷

妾許黃泉誓難使茲言負鬼唱白頭吟待妾亦

已久

漆燈青熒熒土花碧萋萋夜臺日月沉兩髦去
何其

東歸至通州別季良

惻惻出東郭悠悠臨遠道吸吸風舉衣漣漣沙
覆草豈無親知觴可緩憂心持征馬躑躅嘶對
此慘不飽欲別再三顧腸結語言少與子皆壯
年在苒忽半老况我白髮親愁疾切自保

聚散紛不常忽若雲舒卷豈不見故壑出岫夫

蘇山先生集

卷之三

五

已遠曖曖空中暉余此獨行蹇竭將百口歸誰
與暖老眼賴子相將護彼此聊自遣乍爲伐寒
暄久當習洗腆願言共携手松竹幸未剪

初走燕趙郊騰塵闔余隄幸我骨肉諧漸且囂
臭帖明發出都門忽與惡况接沙磧紛回薄昏
風晝相攝驛古鴉巢空渾流歎徒涉差池帆影
東衡宇返故業東南亦得朋但恨無子轍膝茲
于役人誰不苦切切

靡靡客行邁憂緒錯如織乍經離別悲彌覺兄

弟力余姊健婦人將事勝余百執爨或執羈分
任豈不適一朝化陳人視子情倍戚雖獲同師
腸尚苦薄羽翼風雨原花青靈其駐魂魄鬼猶
顧急難吾言詎容食

東歸別諸友

二月楊柳毵莽莽沙相蒙造次褰車帷遇我意
所同持盃候道傍欲緩驪車東人生易偶合豈
此樽酒窮慷慨別君去瀟灑從歸鴻日暮烟迷
離點點江水空解衫倚風檻撩索推雨蓬乃知

蘇山先生集

卷之三

六

黃河水不如杯酒濃行矣勿復道歸歎樂吳儂

守風

久厭京塵惡塵途故許長風吹榆莢老沙翻柳
稀黃杏浪襄官渡連雲落大荒臨淄剛一水何
事日相望

途次雜詠

中夜雨汨汨朝宿草頭鮮女兒學鶯雛試上桑
樹顛

四顧沙漫漫維舟青草步月出聞鷄鳴人家在

深樹

朝來楊柳青楊柳始破眼早不照別離空將樹
枝撚

積歷瘦馬行空原餓鴉叫寥寥壯夫心悠悠往
來道

感懷

簪筆虛丹廐趨朝沒紫宸官猶慚退食吾感易
呈身桃李無成徑菁莪漸可薪忍令明盛世東
海有波臣

兼山先生集

卷之三

七

層雲迷鴈渡暗雨入船聲愁夢不可贈人言虛
自驚獨行常問路欲隱恨無名端爲文章誤予
今老未明

非無長者客相與古人期懶木衣冠仰名將造
化疑桑麻兄弟在鴻鴈稻粱私吾道貧如此思
君詎可詒

不記遠遊歲但驚梅柳疎春陽行暮矣吾黨賦
歸歟久已恬羅雀何當復羨魚由來非闕夢祇
爲古人書

九宇衣裳治千闕草木兵罪言聊自語任隱爲
人榮飲啄皆君父行藏畏友生老農藜藿在忍
道主憂輕

南旺

東西流水界平沙半憶長安半念家綠盡槐南
渾不覺藥欄紅老石榴花

過留侯祠

祖龍布毒酸六社墟爲烟手操報秦惟乃此弱
少季一擊不中去東海黃金散盡舌尚存而今

兼山先生集

卷之三

八

悔盡少年心行授嶧陽老子兵終扶赤帝噓炎
精以漢報韓心自盟杯底龍蛇楚漢割箸前縱
橫六國走功成持我黃石書以問赤松當是否
赤松黃石不可知豈其同茹商山芝未央鍾室
烹壯士公方雲臥留之湄生前不戀侯萬戶身
後寧貪一坏土神仙不死俠骨香月冷波清自
今古

漂母祠

寂寞王孫路名由一飯揚悠悠男子足未省報

恩場

憶昔

五年去冉冉聚散此邦溝半非別離侶翻甚別離愁

戲成

南兒使快船北兒使快馬誰累千日糧窮彼四天下

寄家信

且暮郵筒便非來音尚踈愁多滋畏卜語畫強裁書醉自逢人足花猶此月餘寄聲天上客松竹故吾廬

瀘水鄒座師以詩寵別賦此寄荅

丈夫寥落心所重同風期古人千秋契亦以一

日知鄙也挾策來賓筵厠威儀郁郁桃李花寧與春風私所幸侍君子草蒿樂吾饑君子冰玉

心古道勤自持顧獨鑒愚鈍結交衷不疑相與共臭味至或分毀譏聚散夫何常忽忽與君辭

歎息吾道東欲贈無將離流言任丹青兩心要

不移人生若雲流動且經年睽不慮收毛髮但

留施目眉殷勤服矩誨行藏倍驅馳願言愛玉

體時哉最光輝

雨中過陳仲醇遂將之至舟中話兩日夜

各賦志喜

五年長安共醒醉素衣飽着長安賦疑將面目

見故人猶喜故人不吾避羨子歷陸黃鬚青而

我兩眼俱添紋不如意事將訴君與君拍手談

如雲爾目不閱公車牘爾自不領大庖肉微吟

痛飲得自然心中無事妨耕讀君不見國門有

棘不可斯維雉有羅鴻羅之少年行且甘伏雌

苦哀老子何能爲熟與君家共饋糜如何對酒

能不思但念人生孰朝暮往日吾曹半非故山

陽不盡笛中愁散作蒿丘草頭露何不暫從陳

先生春月春波樂鷗鷺今雨續舊雨烟波浩茫

茫推篷看北斗宛在湖中央蟬連緩語將子去

扁舟隨意高雲涼弟兄會合良有數巴山話雨

莫相忘

雨舟中同仲立仲醇話舊兼讀二子詩漫賦

敢疑肝膽變茲事有將無誰分人司馬甘爲鬼
董狐惜誓松筠老追歡歲月徂較量醒醉裏端
不負吾徒

泛月園池同長孺仲醇作

盤桓下夕陽樹影照中黃片月含羣動
晚涼烟踈浮竹翠水靜汎荷香三更如雨露猶
喜未爲霜

泰山先生集

卷之三

十一

宛轉芙蓉月溶溶傍我移遊魚擁虛沫烏鵲選
深枝波影蕩舟白星輝入戶疑相持一樽酒明
目夜何其

喜長孺仲醇至

東歸游子月當蠶思入涼風更不堪人在各天
心自遠燈青深夜話初酣芙蓉池上秋千頃竹
條齋頭雨一龕轉憶長安蕭瑟甚幾回搔首賦
江南

仲醇病起

依然松火半扉紅何似維摩丈室空渴有五更
垂葉露涼當七月入林風豈無榻夢留知己故
遣詩魔病乃公好自茂陵消息在五茸秋雨露
濛濛

秋水同仲醇賦

江介紅闌亞水枝江流浩渺正堪悲霜風半白
兼葭浦日月雙含雁鷺池牛渚飛星翻浪夜瀟
湘微雨上潮時戎戎浦嶼漁村外何地扁舟不
可期

泰山先生集

卷之三

十一

河影高懸天井東微波瑟瑟洞庭風烟橫雙鳥
寒塘外雨亂千帆秋色中八月濤聲催落木五
湖霜氣醉青楓夕陽無際滄江遠極目蒼茫一
暮鴻

秋聲同仲醇賦

夜靜空齋露氣清蕭然天地一秋聲蘆花簌簌
鴈初至榕葉蘇蘇蟬亂鳴迢遞雙砧懸朔漢參
差片笛滿江城年來意漸關搖落風雨重陽白
髮生

高城河漢萬家秋蕭蕭風在百草頭忽驟花鈴
驚鳥雀自敲玉馬雜塋篋雨收衆籟歸虛壑月
引涼颼度遠樓正是停闌無賴甚滿堂蟋蟀使
人愁

碩寬堂詩爲黃葵陽座師賦

彼美碧山下悠然天一方春風來燕燕夜月間
烏烏草閣殘昔擁花場半僂租秋圍蝴蝶老夢
覺始爲吾

少有足高隱偶然成臥游少年勞貝金老我已
泰山先生集卷之三

菟裘灌木城陰暮芙蓉塢上秋浮雲闌檻外別
是一重愁

豈無憂國淚瀟灑到漁樵局外看誰是壺中且
自騎菊青吳市酒楓暗浙江潮初狎沙鷗伴安
車未許招

白嘆

不關行路客苦費篋中書人競營巢窟吾能保
蠹魚燈明黃葉裏月照白頭初天地如窮我衡
門尚有餘

懷仲醇

一片芙蓉水剛容二子舟意中人遠近明月夜
窓頭

計偕別長孺仲醇

結旆蕭蕭事遠遊沙湖潮上荻花秋征帆日落
長江外送客鍾開野渡頭一夜弟兄吳市酒幾
回風雪剡溪舟緇塵古道渾如許珍重初衣問
白鷗

臨岐立馬太逡巡共折梅花贈早春未必文章
泰山先生集卷之三

能重我不甘嘔笑強供人蒼蒼雪凍關河月薄
薄霜棲野戍塵海上暮雲曾入夢秋風非是憶
江尊

烏啼城樹夜中央別客如雲意短長去去未知
吾道是勞勞已覺此生忙苦寒月似長安白破
臘花開故國香但有兩生相勞慰肯從風雨問
行藏

游虎丘有待不至

昔日讀書處羅關封至今迷山風雨變半塢竹

茶深新沐澗中影閒行石上心無人解相語漠漠釣磯陰

別親友

遠道偶然發賓朋已在門將誰共裏馬代我治琴樽爲道非貧仕憂時敢罪言杯前畏途始語盡此黃昏

丹陽走陸道

固自別非遠易令老者傷月今帆上白雪又馬頭黃苦竹漁樵市枯蘆鳬鴈塘人生歎于役僕

蘇山先生集

卷之五

七

僕過丹陽

陂陀岸容改造次客裝單隔浦看檣樹披裘試馬鞍苦霧年年白重雲習習寒記君臘酒熟吾亦醉邯鄲

曾酒不成醉旅更聽乍長首途逢雨雪中夜攬衣裳人語車鈴動鼠啼燈火黃郵程纔足下吾意已茫茫

濠上

灑然古人心落落山水餘濠水不可梁徘徊濠

上魚

彭城

百里流澌擁雪來亂山千點對啣杯村中醉擊枌榆鼓寂寂花飛戲馬臺

關橋

拂拭頭上霜深林不辭罰聊與關橋人共此關橋月

嶧山

海外來浮石空中自累九桐霜清古寺杏雨繡

蘇山先生集

卷之五

七

深壇曾望暮烟直秦封白日寒愁看茅店火隱隱近征鞍

樹頭霜花

片野雪初白千林風乍微髮鬆疎舊竹颯寄征衣草木開天地春秋占是非廣州三月路記得柳依依

寓極樂寺

灣灣綠水帶城陰白日青蓮雙樹林萬疊雲山千里夢六時鐘磬五更心寒燈貝葉翻香蠹春

日簷花坐語禽隨意竹床葵菜好經簾不捲盡
堂深

寓甕山

山園平楚樹周遭迢遞河丘界遠臯蹴蹴春水
浮草色茫茫日暮起松濤烟明碧瓦幡花落野
簇紅雲睥睨高十載空悲在朝市一泓湖水湛
征袍

游普通庵

陰岑結巖扉蘿關掩深築愛此森沉光餘清散
疎竹石裂瀦回潭潭流自成曲亂石縱橫梁時
倚老樹腹水乳鳴鏗鏗寒鱗互驚蹙谷外天茫
茫稀微寺烟綠有酒不盈樽清風坐來穆空谷
何自聲正與吾耳逐溪頭浣花兒其上喧採牧
和蒼良有以何必豕與鹿心將廣視閔境以幽
賞獨今游非昔游吾生詎爲足

夜踏青龍橋

散步逐流月月流溪滿門薄暈生纖妍中天澹
孤痕殷殷犬聲裡往往見墟村夜氣清微鍾烟

華督陵屯轉歷燈火盡平橋上言言忽見招搖
星澹蕩落酒樽今夜一何遽嘆息休山樊

十三日夜步月至妙應寺登毘盧閣

憶昨風花天何意得今夕有月且復醉暇計今
與昔相將涉虛臺游氛四垂闕市里渺浮浮湖
山靜歷歷亦有松檜枝團影蕩石壁如彼河漢
間疎雲淡相織童子初試燈試燈受華色辰物
洵明茂膏火若爲力歸掩丈室關宛此一庭白
獨坐光悄然樹末風策策

再游望湖亭

精籃絢殊采過之若有亡循坐湖上亭欲去神
徬徨以彼一掬水而具虛空量埃風暗如霧受
之甘且涼山氛鼓澤腹旆旆風旗揚鱗魚負水
洑豈必河之魴去此一春秋照我鬢髮黃影影
不可停喟然歌滄浪

百花朝詩

階前樹色感朝陽養得新條婀娜長但願風光
似今日逐回花煖少年場

晴烟膏露若爲容
躑躅香苞望曉紅
莫怨五更風色惡
開花原是落花風

漸次春深笋甲肥
輕調涼煖護紅衣
君看城外蘇蘇柳
禁得楊花待汝飛

溶漾天絲弱不禁
等閑飛縮百花心
輕紅輕素渾無主
寂寂春堤又綠沉

欲艷嬌陽不自持
江南未肯報春遲
兒郎莫負桃花呪
快馬看花十二時

鶯鶯燕燕爲誰來
語入深庭百尺臺
日暮鞦韆風蕩影
隔牆桃杏一時開

弁園春曉

稀稠紅翠百花陰
黃鳥朝喧日滿林
疊疊春山遮不盡
斷腸桃李隔橋深

淮雲雪霽

古寺垂垂閣凍雲
月痕如水雪痕分
朝來松色青於洗
留得梅花尚似君

太湖

蕭然吾意在滄浪
亂水如天不可量
千片曉灘

千片月蘆花白似夜來霜

石湖

四面平湖生晚烟
山頭草色避雲鮮
竹堂寺裏逢僧話
竹老如人莫問年

桃花塢

窈窕春深漲紅雨
窮溪自得桃花塢
塢中女郎嬌浣花
頭上花飛鷓鴣舞

阜橋看花贈花主人

慙此嘉樹下謁將花主人
主人白鬚麋策杖延

嘉賓引之而場坐繞圃一再巡
紛濃靜沃沃惹

楚青蓁蓁時挿荷
有道膏雨相依因頃畝無衍
阡種植手可均
晨風轆轤響流水畦自勻
春花宛容與秋實垂輪囷
剖甘飽孩孫餘可施比隣

剪韭炊黃梁
傾杞羹紫芹
家貧百不有未敢言
花貧

北上呂城阻壩別親

蘇蘇寒雨滴平川
共話行期笑屢遷
宿草故舍河畔色
新炊半見客中烟
隔江鴻雁如兄弟
明

月天涯是去年四馬夕陽綠底事梅花零落野塘邊

落日飢鷗下練塘回回見此欲沾裳朝來客作三山夢喚破鷄鳴萬里裝馬上裊袍先試雪日中茅店尚含霜擬將意氣輕飄泊腸斷江南柳色黃

楓林紅葉已堪悲况復楓殘葉落時澹澹曉星跡遠步漫漫野火入空枝溪流捲雪歸江急海日催春度柳遲爲客但拚兒女醉深房臘酒更

長江東繞甕城流北走濤聲入郡樓暮雨出山

登大觀樓

沙影現落潮歸海浪痕留愁看夕鳥投遙岸曾此戈船擁上游無限壯心銷欲盡一年頭白兩瓜洲

官驛

故人書問渡江無寂寞官齋據槁梧千里濕雲遮去馬一庭青霰對啼鳥譙城夜柝寒猶禁漁

市朝喧凍可蘇臘後淮徐新草色好將吾夢入菰蒲

由峴山涉九華山頂初欲建寺

漸看飛鳥近回馬峴峯灣積氣遠成市曲江皆面山天平落日曠風起亂雲班相彼高原盡禪那好置欄

雨中渡江

見此茫茫黯欲愁一天涼雨更如秋水流南北分官渡山影浮沉亂客舟瓜步夜潮風滿樹蘭陵燈火月當樓獨吟澤畔來時路濕盡江籬未肯休

渡黃河

客思如流急河聲帶雨渾滔滔今古恨淡淡夕陽痕壯甚呂梁水高于雲夢村孤舟去飄忽倚棹寂無言

喜見春帆色遙遙落下邳山清風定後日照浪高時伐鼓空堤動行人細柳遲乾坤河廣在浩蕩渡何其

渡易水歌

易水春激激白沙，鬱相濛我馬。踟躕慘不進，腰間劒吼雙雌雄。憶昔荆卿從此去，送客如烟不回顧。大風立浪吹向人，人面稜稜髮爲怒。當時漸離擊筑聲正壯，燕丹跪捧金卮手。提將軍獨體去血飲，紅絲絲可憐。秦庭浪一擲，探鉛更笑盲公。市中酒徒但醉死，枉我歌泣空相持。艱難壯士兩得意，性命真可鴻毛遺。今人報恩輕一飯，千金然諾等閑論。面前嘖笑揔不

蘇東先生集卷之三

幸

懷古

真對面青黃復何恨，世平俠氣都耗磨。里中童子唾荆軻，如聞鬼泣易水上。珍重教公莫渡河，東朝開明堂郡牧紛走趨。力士提沸鼎烹乃阿，大夫衆口噴如流。睜目不敢吁，卽墨負謗篋。金墮耀路衢，伯王用威福。寧復循區區，弓膠附昔幹。豈必合罅踈，失時不足貴。智者笑淳于，過東廣川治春秋。三月不窺閤，讀書味其醇雅志。非飽溫抱策對公車，天子爲臨軒赫然賜第一。齊

風變沄沄際合豈不奇，終枉膠東簪弟子。笑其愚滅虎爲囚，髡腹背不相喻。咳唾寧餘恩，樸學縱逢時。于世難久尊，况復千載下。嚶嚶誦遺言，

過平

遺書始出壁，漢代重明經。安車而蒲輪，枉聘里先生。一代稟章句，帝耳知姓名。齊詩襲毛公，匡鼎猶遺稱。憶昔稷下士，談天恣縱橫。爲膏自離咎，玉石同灰坑。賤極反微貴，視此道傍塋。安知璞中玉，不爲璜與珩。

毛生集

蘇東先生集卷之三

幸

蟲蟲壯士髮黢黢，賓朋淚瀟瀟。北風起易水，從此逝一去不復還。去將復焉冀，決策寸七首。笑國若兒戲，當其和歌時。意氣太橫厲，士窮迫知已崖。然表其異，帷帳羅美人。無乃中貪餌，一旦被驅使。臨窅不得避，亦知成事艱。生死殉所爲，知已良獨難。受知洵不易，

渡易水

送喜恒齋歸

問君何事苦思歸，是處兒童競挽衣。昨夜杏花新着雨，藥欄點點竹孫肥。

春日山游訪重光不遇

谷轉溪彌靜寂寂太古顏微陽下林木片陰含
遶山野寺類墟舍獨掩禪那關不見山阿人細
草春窓班疑塵湛未掃隱几心孔閑如聞蘇門
嘯杳謁樵牧問手把青松枝沉吟不能還

我友黃叔度汪洋若秋水三子相唱喁德隣空
伊邇耕耦亦自佳述作況有以樂饑何洋洋敷
詞自疊疊好鳥相索求嬰鳴得其侶翳被幽谷
中實托惟喬始爰居來東郊飛翔失爰止對此
鍾鼓懸嘆息以營累得失各有齊誰能洞玄理

秋夜感懷

三卜知非早欣從馬少游還虞欵段馬時觸貴
人騶燕市五湖客薊門一葉秋相看酒徒盡無
地擲吳鉤

蟋蟀破殘夢驚蟬搖午陰漸知游者趣不似坐
來深苦樂妻孥面行藏書卷心又生憂國恨且
理竹中琴

送許太初游薊門赴李大將軍約

冀門東風春草蘇轅門森張龍虎游門外稽首
名王酋黃羊野馬紛肉流窮廬毳幕相望稠軍
府饗士驚肥牛賭勒部伍譏防周河魁三百賁
獲儔就中健者李小侯侯家父兄盡貂緄讓汝
走馬開強彊前年寧州昨高麗赤手血搏生骷
髏稱禱經年綉浴鐵歸朝未脫銀兜鍪論功匆
匆苦不暇且領百騎當臺頭臺頭哨騎臥沙地
軍中蹴鞠春塲戲隴西將軍射虎歸長安故人
抱琴至投人十指流泉鳴肘後杏田那用耕桑

韃空懸紈袴賤傲骨敢與公侯爭帳前歌舞雜
胡語酒後鼓缶猶秦聲千峰無烟夜柝靜簷花
細雨壚頭情

春暮偕劉博士沈吏部王舍人飯韋公莊

一路碧萋萋遊人宛轉迷城當片野直風定梵
音齊紅藥春分圓青蔬雨到畦江南真在眼頭
上子規啼

分得公餘日壺觴選勝施薄來嘉樹下坐指碧
雲滋吏散竹深處馬嘶花落時城陰搖暮柳心

感隔年期

觀柰花

翠葢葳蕤結香苞，
袅娜懸霞含穠李。
艷露濯海棠鮮入眼，
花三五停車酒十千。
蒲萄如可架錦袖，
曉風前。

歸飯摩訶庵贈無弦非幻二上人

客到驚僧定，始知塔草深。
遠山清晝榻，空塔下層陰。
坐對無言麈，床橫自語琴。
勸君聊此住，門外正車音。

羅長看成幄

吾來信有年

花前當茗客

鍾後乞

齋緣風雨芭蕉紙，
晨昏栢子禪幽居。
殊自好意老倦游過。

送殷無美南還

北門雪苦風馮馮，
黃河逆流催斷水。
余將放棹闔閭城，
君亦南遷歸秣陵。
秣陵葱蔥鬱紅霧，
十里荷花萬家樹。
花沾六代樓臺雲，
樹隱八公鷄犬路。
君行正直揚子湖，
月明夜半秦淮渡。
臨風且聽莫愁歌，
南還莫擬長沙賦。
憶昔火照甘泉。

紅軍書絡緯，煩乃公手磨盾鼻奏方畧。
西海雨散單于空，臣功不足論息壤。
盟在彼臣罪伊何哉？狂則何所從？
模糊對簿井中語，季孟之間待吾子。
天下自貴健少年，嗚呼世事皆如此。
白雲滿舍啼鳥頻，君今始識爲官貧。
窓前海色淨如洗，夢裡長安車馬塵。

送瀛嶼兄歸陽羨

纔道還家好，君家更可思。
雨青垂釣石，涼入弄鵝池。
脉脉燕無語，迢迢山若眉。
殷勤贈芍藥，只是恨將離。

送袁見陽先生歸水竹居

五月槐耳長，繫馬郎官門。
槐花綠可染，瞥然思故園。
故園秋風捲飛蓬，池水深竹葉落寒霜。
曉繡芙蓉痕，虛堂夜走蛟龍籜。
浮紅蟻面汎株梗，清淺漁梁帶郭素。
雙螯斗酒百不無，手把黃花招酒徒。
藏閫賭韻燭未午，更與袒跣爭鼻盧。
簷頭聊蕭憂寒玉，片月正墮琉璃壺。
桐江男子負釣出，長安舍人當關呼。
登高浮雲忽東去，使

我頓憶尊與鱸夕陽一片葭葦外小艇已過桃
花湖去住真無心君子久于役兒能讀父書父
難對兒客渭陰數畝秋雨肥比子素封貧亦得
平生嶽峙歷落心君其問諸江水濱錢塘潮來
客欲渡只恐此君能笑人

送馮宗伯給假歸省

倦客思歸沐恩時與寧依然問寢夜彷彿
直廬星松菊元吾里冠簪儼在廷平生看事業
拂拭舊傳經

東山先生集

卷之三

七

不測深宮裏還如前席時賜金高馬耳擁傳入
臨淄黼黻羹牆近松筠雨露私在公雖夙退家
食敢逶迤

城門車馬客太息大夫賢獨出相如淚徬徨古
道邊海浮無棣白月到穆陵弦望望東歸路君
歸在鴈前

春日同叔達元任季良之西山觀杏花

細雨過郊原沙汀麥隴喧風絲蕩湖白日氣入
花渾乍煖燕兒疊先迷蛺蝶園醉餘爭樹捷更

問夜沽村

香塵元不染松竹蔭餘清流桃水桃花飯空溝木
葉聲杖底調魚熟松間坐鼠輕禪棲如可借頭
白耐逢迎

游盤山

塞北山河百二重太行雲氣入提封泉爭亂壑
時繁馬谷响虎巖半是松紫邏烟花當九月青
天雷雨入雙龍朝來杖策中盤寺指點經行第
幾峯

東山先生集

卷之三

七

孤筇短笠乍低昂翠壁丹楓引興長片石倒懸
流水路斷崖剛掩薜蘿房諸天影裏沉西界斜
月林中見上方繞盡寒空不知路冥冥鍾磬遠
相將

本將丘壑問山僧一望蒼然壯志增日落三河
烟瑟瑟秋高萬壑氣淒淒參差遠磧遮雲斷標
渺孤鴻山塞層長老自看無戰伐漁陽東粟廿
年登

熊徑蒼封不厭幽隔溪鳴鳥若相求盤中天地

逶迤見石上風雲慘澹留紅葉亂流如谷轉碧
峯如浪抱林稠采山釣水真堪老辛苦驅車入
荊州

夜窓聞鴈

竹樹紛紛落燈清鴈過時亂群高不下孤影去
如疑紅葉無消息蘆花記別離風中空結陣陣
斷不禁吹

放歌

月朔開明堂頒瑞朝諸侯諸侯各有貢南金竹
籟山先生集卷之三

十一

箭珊瑚鈎天子臨軒賜顏色片語朝入暮見收
白日緋桃映簪笏青天紫燕驕驕驕就中衆推
廣川子十年閉戶窮春秋袖中有策天人三片
語可奪鄒生談走馬銅龍歟不下梅花未落歸
江南耳聞往者求士急賢者巖居畏徵辟爲囚
爲虜寧暇論場藿場苗未云恤人心不同此道
古三尺兒童賤草土肅肅群飛急暮燈翩翩落
羽投一弩自來筆硯搥不靈天下衣冠本無主
誰或尼者臧倉乎我則無心爾何苦造化酷忌

人肯使心意足莫以玉笑石石亦不條碌生兒
徒憤還所如頭白文章笑刺促君不見叔放之
子行負薪優孟抵掌哀其貧又不見張公子休
休裘馬新豐市人生百無不可爲但莫少年輕
授書父書如山不可讀讀竟以此將焉如容足
乾坤半無地營連蹈海不足異只今海水平于
杯如淫風雨人間世

醉歌

燈清月白河倒懸東風吹綠醕丘天我將拔劍
籟山先生集卷之三

十一

砍地出酒泉以之洗耳高歌眠直須小臥三千
年牀頭闔蟻穰穰然徐看堯桀是非定撫掌一
笑開心顏心顏鬱不開明日失今日夢中蝴蝶
黃霜後拓枝白顧此喟然梁甫吟出門語暗瞿
塘深亦有兔置施中林果否公侯求腹心黃口
從大爵嗷嗷困蓬葆乳鳩化爲鷹肉食贖常飽
人飽人饑人自知我枯我苑非我爲英雄有恨
天亦老行與杜康斟酌之壁間詩書不足守次
第將之貰美酒意氣難排兩頰紅客來沃以醇

五斗

棄婦歎

終風夜吼天倉皇蟲啼葉落朝雨霜匆匆遺妾
出門走一步一回空斷腸始知恩愛不可倚宛
轉君前脫雙珥君心婉戀妾自知道路或將他
意擬可憐靡蕪春路青可憐桃李春風死欲去
復還前致辭生死一言君聽之門前柳葉暗兩
兩鳥作窠鳥無窠尚可楊柳枯奈何朱門公子
好身手大堤女兒顏色都伊優樽席百事有君

泰山先生集

卷之十

五斗

其幸保千金軀主人漸應識辛苦牛芻馬粟今
有無纂纂實身所種慎勿造次移根株眼前
痛哭尚如此去後豈惜言區區女蘿枯槁絲未
斷傾心君掌妾自愚出門沙浩浩躑躅當路岐
道逢饑寒兒自名爲伯奇履霜以足非所辭事
父無狀兒當咎顧我復我終父慈感此愴然雙
淚迸人前未忍言薄命閨挑錦字不成梭背燈
自拂芙蓉鏡鏡面照妾背照君照君不見心紛
紜天上明星地上看不信生無見君面

出都門五首

一葉輕辭樹飄零尚畏風世情如燭轉市語故
雷同去去雉膏薄勞勞魚網空君看車馬客貴
盛且難工

自有花成市其如棘作園我行非好遯天道或
遲歸僕馬欺書卷兒童問褐衣翩翩少年社老
忽羨輕肥

何期逢掖子出處迥關人雖際詩書厄欣無井
臼貧蛾眉能自舊鳩眼若爲新意外寬羅網君

泰山先生集

卷之十

五斗

應念老臣

言念無衣賦誰居有道名是非分半載月日未
全輕苦辨人前失初心夢裏清云何如砥道寵
亦使予驚

人我欣相避徒行亦自前漸知爲客易何以受
君憐野氣籠天白江聲駕雨傳馳驅不可說脉
脉杏花邊

雨中徐州道

鄉山看在眼愁向暮山生驛舍清明雨人烟茫

礪城花冥流水靜雲起大河平一路茫茫白
心亂旅程

浩蕩雨成澤溟濛雲是山沿湖草自綠如我鬢
初斑匹馬花間沒空潮月上還逢人皆道路幾
得此生閑

理頭見白髮

自循頭上白未合此年中縱得千回老能堪幾
信風春將隨髮化愁返盼途窮旦旦催明發憐
花倍晚紅

緱山先生集

卷之三

七

途中連夢亡友徐長孺

以君明靈質神理綿若有况余欬欬心生死義
所敦生猶隔千里死冥一息魂魂絲弱悠悠何
由識遠路白袷青絲鞭恍惚寺前遇領巾掩半
而顏色慘如霧抱子哭不休莫以藥石誤心知
陳死人猶驚瘦何故寂寞不我酬手指庭前樹
呀然枕席聲淡月黯照戶開門風湯湯草上不
棲露

緱山先生集卷之三

緱山先生集卷之四

太倉王衡辰玉川著

男時敏

婿李宗之校

家君出都門

梁鴻辭漢日得似二疏時官闕浮雲亂山川落
照移江清行靡靡馴壯去遲遲不分宸居秘還
令野老知

揮手垂楊下迴腸禁柳前長安無限意祖道復

緱山先生集

卷之四

一

聞蟬一篋琴書色三山杖履綠江湖餘病骨勝
得滿朝憐

生死辭天去迴尋遇合初契深忘語數寵過覺
交疎補闕諸君在孤恩一字餘相期各努力慎
莫老臣知

紫詔恩慈亟朱提寵賜繁艱難犬馬報珍重子
孫看竹色清踈簾桐陰展素執舉頭高厚在忍
道五湖寬

我自休官好輸他去國名耕漁原相業雨雪舊

王程焚草留心事看花閱世情十年京闕下老
瘦不須驚

世事違心甚鄉關入夢非何期投老日許傍逐
臣歸遲際官都泰時清袞闕稀乞將滄海日長
夢辭羅衣時有彼南歸者

萬里驅馳意三朝獻納身相憐舊皮骨忍使盡
風塵薄命偏驚寵明君自擇臣願將衰老意前
席少年人

母子天涯命寒暄道路時絲綸關物意天地亦
春之甲

臣私青草迷深驛慈烏乳舊枝年年北堂上綵
服對君披

歸計扶親得醫方取次將未求田舍穩先埋菊
畦荒老去經營間官深休積涼今年麻麥稔吾
道足行藏

辛苦遺終日汎瀾別淚俱至今留聖覽自昔鑒
臣愚漏午聽封事鍾晨儼步趨生平于此盡鄭
重欲言無

東歸別親友

姬公勤吐握跌蕩天門開一朝見士七十二九

州冠履爲之來年來貴人不見客公子遂巡守

屋壁臥聞呵殿夢亦驚望冕衣冠足鯨辟春窓

白晝封黃塵彈碁賭酒磨嶙峋九衢風花買一

笑千門幕柳含長嘯眼中交游半行路書卷陳

人飽魚蠹屋梁顏色空悄然檻外明河暗中度

偶然鼓棹歸東吳策馬匆匆一事無懷中牛刺

已兩載道傍有語難斯須潞河茫茫動簫鼓津

樹離離月吞吐高秋碧草尚江南此時黃葉長

春之甲

安舞長安落葉渡江流杞菊家園正晚收天上

故人誇好在茱萸先上野人頭

雨舟同帥敬元任話別

策馬今何去鷗飛亦已闌推蓬乞漁火剪燭坐

江干片雨長安白層雲驛樹寒客程將別意今

日兩漫漫

清源舟中憶荔枝題畫

荔子垂垂挂晚衙建寧春色關榴花何當醉臥

冰文簾細撮吳鹽嚼絳霞

濁浪當舟夏日長浮瓜雪藕不成涼可能千里
明駝使剪取枝頭曉露香

古城謁三義廟

水分官渡改沙白廟門清異代真人物同堂古
弟兄艱難曾一旅痛哭此孤城千載動勦跡滔
滔濁浪平

閬門遇伯栩叔祖遂偕載歸是日風雨甚

武君爲唱暗潮拍岸抵家時已昏黃矣憶
戊寅與伯栩陽羨失意歸景絕相類故未

及之

去年君行雪作花今年君歸雨打茶推蓬識君
舊衣袂爾時城上喧歸鴉參差失意偶然會指
口無言但索醉從容拂拭巾上塵與汝漫言京
邸事諸侯貢者森琳琅會稽竹箭稱最良天
子垂旒採封非羽毛齒華皆登堂蛟龍噓氣東
海底蜻蜓紫燕先飛張爪牙擎空君始見深巖
幽壑誰能常千里黃沙等閑歷腸斷青草江邊
驛回風逆浪船相擊簑衣着雨毛皆戟卽看烟

澹一江霞可知寒入千城麥崑山酒肆漸收旗
平樂漁舟臥敲石武郎拍手歌暗潮潮回短棹
輕飄飄忽憶廿年此城下凍簷寒析聲蕭蕭僮
僕散迸乞新火展齒斷盡吳塘橋蹉跎褐衣尚
相誤恍恍當時舊歸路老妻稚子在門西倚盡
春樓數株樹

閬門見親友

吳門草樹故依然鍾落楓橋月又圓鏡裏尚能
欺髻髮眼中人不解藏年

燕市吳天積思盈相逢重見柳條晴憑將蘆酒
三千斛泥飲鄉人話不平

路逢鄉人非上

停橈寄書信欲語尚匆匆相看帆上月無賴兩
來風

歸田舍

自放蓬蒿長書闌未許通竹荒青舍火蕉卷綠
窓風無語踈螢坐深心老蠹窮一椽賓客滿聊
喜得人同

小築帶村郭居然農圃兼細香看蝶舞淚雨聽
魚唼橘實青垂路梅疎短護簷巡花知老至歸
計不須占

苟美明農業娛人豈在多桐合新長桂樹老奇
生蘿秋稼平于席寒畦曲似河頃填小池外還
度竹孫過

園中

枯桑又生耳宿莽再抽心始悟庭花色不如芳
草深

蘇山先生集

卷之四

七

名花露供餘鳴鳥朝參罷倚案獨吟時蟬子垂
垂下

刷筍不窮邊養得孫兒大雨過燒痕青日日挑
生菜

日向病邊餘閑從愁裏學弄水怕驚魚刈草時
逢藥

夏日園中

萬事倚闌外春魚繞指嬉萍花能自合藤蔓若
為移出地雷猶穉隨潮水暗滋我知濠上樂芳

藻欲生時

癸巳前十一月廿二日送亡妻觀出東郊
次楊氏墓追述往痛

兒女真成恨秋冬乍已更九原同冥骨半世一
生情落日鴛鴦綺春泥燕子營總輪殘夢裡刀
尺斷腸聲

生時何忽忽死別故諄諄苦樂辭君子存亡伏
老親啟予猶卜吉幻我或成真風入靈衣化遺
粹始見珍

蘇山先生集

卷之四

七

情生不自解悲至亦何時君已辭膏沐吾寧忘
縞綦孺啼無節次鬼語半支離怪得詩成後潘
安髻已絲

入室還如寄憑軒數落花大兒能哺弟小女解
呼爺流水人間世寒雲日暮鴉重陽風雨合雙
淚到君家

宅相看吾子千將負乃公病猶遵女誠老必紹
家風百兩桃花下三星泖水東隔帷今夜語血
抱汗衫紅

九載歡期促愁心病與并鏡臺長掩翳眉顰未
分明骨盡開生面魂歸辨履聲將雛雙乳雀惜
惜傍簷行

雨雪其涼候寒衣始到吳盡經慈母手分作兩
兒襦容易指團扇相思撥地爐舖糜隣室婦耳
寢一愁無

十五粧成日羅衫若個長豈期終歛褪未褪嫁
衣香狐死猶丘首鷄鳴反下堂妾身爲婦短何
以別姑嫜

蘇山先生集

卷之四

八

野草霜初被離星東欲垂神鴉迎素旄保姆抱
魂旗客鬼迷新次生芻奠舊詞影堂寒寂寂月
照漆燈時

一片寒霜色憂歡判此年當時冰未泮此地鴈
初還重理經心語能虧送死緣未云俯仰畢無
乃蓋藏偏

秋夜雨舟懷友不至却寄

故人何地勝游偏獨有愁予思渺然九月暮潭
彭澤酒一窓秣雨孝廉船虛村犬吠朦朧月于

夜鴉訛黯黯天此際有懷君不見燼花寒落枕
聲邊

江頭月夜作

頻年遠道管江籬及見芙蓉興可知縱有竹外
容我日尚驚風雨到君時淒淒花發重陽酒黯
黯燈消夜雨基容易少游心志得長安瘦馬怯
驅馳

驚心寒暑返江城脉脉江湖此送迎今日白鷗
真狎客去年秋鴈及歸程擬將三徑私求仲漸

蘇山先生集

卷之四

九

訝扁舟問姓名滿眼暮林秋網白相逢還喜話
昇平

與仲醇館中夜話

腰鎌無賴剪秋蓬孤館寥寥夜色空忽報客來
鐘定後共看心事月明中夢回書帶飛蝴蝶坐
久經簾墮網蟲種得芭蕉堪作紙墨莊荒盡舊
牆東

新陽屠公初任泰州繼吳江又繼吾州皆
刻廉自好而卒掛計典于其歸以二律送

別前任豫章湯君亦有薦名而與公同去
故并及之

可憐三任日航米到公衙投幘原非幕攀車柰
已除宦囊如槁葉歸思及桃花高臥茗溪上蕭
然五柳家

亦有湯先輩高情迥自憐江湖同宦蹟雨雪罷
官年共笑愚爲谷饒將貧是泉如今乘田吏未
許爲貧全

贈米君夢

蘇山先生集卷之四

深坐納朝氣竹露媚清娟薄涼靜蛙黽好鳥對
我眠俄有被褐翁貌古鬚眉髯高談稱皇義閒
詠郊居篇道心澹希夷冲韻坐妙妍臨高渺微
睇不語當賓筵結交豈必深氣類歸同然

春至土脉發羣芳燦藥藥非有藻續資天工造
物理意匠謝丹青至音豈唇齒浮氣亦有憑元
節蕩和軌寥寥太始聲庶其在丘里嘉此良對
緣信我獨知是交將遠或疎志以老漸靡蕙蘭
汎微風悠然見君子

春暮雨後東園小集

竹外遠風至有人微詠來新陰剛覆坐曠野正
當杯雨過看成夏花飛欲變苔莫空今日酒鄭
重送春回

夢裡鳥聲樂曉晴花滿堂城陰在喬木雨氣結
垂楊細草春蟲壁新泥海燕梁欲眠堪客共不
畏晚風涼

物候頻驚眼花踈葉尚肥餘香歸芍藥禁雨待
薔薇施食魚隨掌開鮫蝶滿衣羅陰垂欲合楊

蘇山先生集卷之四

柳白霏霏

真蓮花燈時寺有四面蓮

巧折紅蓮火裏栽翻將燈影對花猜生香帶燭
重垂發冷蘂含烟欸欸開燭彩似扶嬌睡醒月
華真逐夜舒來莫嫌寒燼偏饒淚多少秋江白
露催

仲醇寓嘉興以書見訊賦報

不寐緣何事難言始是愁晨鷄初念失春草半
生浮濟濟斜陽步茫茫遠水頭此時成們坐斗

酒婦相謀

好我於陵子相貽種樹篇沙磧蔬田解草書
孫圓品藥過夷宅聽鶯度小川獨憐堤上柳
緒正當年

嘉禾訪伴醇館中

話我嘉禾好琴書恥自娛千年蠶結字萬點蝶
爲圖得意平生盡隨緣樂事如紛紛多患裡尚
喜一長無

賦王崑崙耕漁別墅

綠山先生集卷之四

十一

自酬秋色輞川詩容易扁舟晚更移細雨一簑
楓葉下春雲十畝杏花時鱸魚故故隨遊舫鷗
鳥飛飛近酒卮五嶽崢嶸收得未人間有地着
茅茨

幅巾道服坐盤桓日日湖陰選釣竿但有林田
終歲計不妨橘柚隔林看殘陽晚掛空山翠白
露螢飛萬井寒感得故人分俸買好來高枕聽
波瀾

灌木陰陰駕釣車山農共識野人家蒹葭影裏

時驅犢菱荇灘頭獨聽蛙
山雲護紫茸茅早知澤畔居堪卜
種瓜
悔殺東陵晚

贈朱季子

世人愛巧完吾獨欽行堅商丘志得寶蹈火身
若便至情激天性豈矜膚髮全橋西朱季子弱
冠顏尚孱朝朝握粟卜爲母病患牽盟沐浴巾
悅拳跼擊豆遵命龜龜不食亨仲仲不獨霍霍
磨厨刀袞袞騰爐烟鄰言子家貧備糜尚辛艱

綠山先生集卷之四

十一

鬼神胡不仁不仁徵牲於牲牲不可見血浣子
右肩大兄捧頭號小婦裂帛纏疼痛各一身子
獨何奇顛子言報慈恩析肉理固然漣血羹母
殮一服煩苦捐繞床呼阿兒阿兒何早眠氣奔
如潰堤鐵石不可還桑穰是何物能使膚膜連
中腸車輪轉微陽乍回旋恍惚合靈契人工互
因緣匍匐叩起居母言病良痊不審奏何樂但
喜羹肉鮮子母共啣啣慈愛欣兩圓寄言一心
人肝肺亦可鑄

讀施慶徵年兄主臣言有感賦贈

九天曙雲色千官肅威儀多士挾策來 天子
親命之何事苦刺促忽忽占晷移春蠶葉未飽
墨渴常支頤何以報皇天激昂負平時獨有褐
衣子撫卷方三思恩深落筆苦地重操心危官
鴉黯然暮鴟立猶夔夔小瑄覆餘藩學士分殘
熬瞳瞳燭垂跋隱隱門收鋌賦就天人言君王
正宵衣良哉君臣合服蹇斯見奇慚予乘軒鶴
今爲濡翼鵠含毫不能吐榮名空爾爲

蘇先生集卷之四

七

賦七澤漁人

水國秋清墜露濃漁舟點點亂芙蓉釣裘七澤
誰圖畫種橘千頭已素封魚信拍潮江氣白鷗
羣弄雨暮烟重汀洲隨意蘆花棹聽瑟湘潭第
幾峯

題白蘇齋爲表太史作

古人頌風流大雅遺典刑道喪薄俗時蕩者蒙
其名朗朗白少傅客與握道平曠代眉山公神
宇更瑩晶胸次高雲流落筆春泉鳴高雲曠何

際春泉靜無聲以茲廓落心治我節岬嶮春酒
社中熟雜花湖上明於此最耻適縱橫說無生
燿若奔電驚止若寒蟬停學士澹蕩人尚友心
自傾寤寐對兩公萬慮真可輕灑落豪素契寥
寂松醪盟熙朝寡諍論拱揖延高濂清緬懷何能
已千載同此情

贈張濂水

濂水張先生察脉治病真隔垣見人五臟譚先
生者疑鬼疑神而先生夷然不屑也顧獨好詩
腹貯唐人詩數萬首猶不謂足搜隱扶微彙刻
之于家口諷手校如救饑渴余嘗戲謂曰等藝
耳豕苓時爲帝今其時矣與公爲李杜註脚孰
若爲岐黃之忠臣耶先生笑而不答顧謂不佞
子姑爲我歌因以短歌記之

偉哉張翁之察脉密如飛灰隱隱動玄窩窮寒
谷底凹陽春靜如織絲嫋嫋釣江水波紋不捲
收潛鱗萬神參差獻狀貌二豎滅沒驚車塵蕩
邪嚙酒能化雨鍊氣煑石能爲薪吾聞古之真

人隱市里先生先生無適是不然君面如秋
葉黃食牛之氣胡爲爾新齒歷歷雙瞳方一葛
簑簑十冬矣知君升竈含丹砂定有昌陽供刀
匕張翥獨自言我渴不飲上池水饑不食杏林
實身世已如蝶夢蕉生涯肯作蝸粘壁自傷鋤
鍾故人稀擬向蘆廬萬緣畢獨有結習難消治
生平喜誦唐人詩開元大曆滿天下君胡汲汲
求其遺千秋若無老書蠹禹碑孔壁皆已而獨
留肘後二百卷與人情性醫盲癡饑蚊不揮手
猗山先生集卷之四

校削斜月微微半窓落與君高談發大噱明日
爲君罷行藥

贈宜興八十六周翁與家君同鄉貢曾爲
縣令

勞勞人間滿塵觸別有清涼太湖曲君不見宜
興矍鑠翁閑領春風八十六芝田鶴瘦輕欲翻
庚嶺襟香老初足看余三十齒已黃似爾何緣
髮猶綠謝翁遠道存故人故人老恨歸來新病
中皮骨君所見暮年兄弟言偏親自言休老無

異術縱有飽喜無饑嘆從拋吏牘十數載雙眸
光彩心精神妻子不知墨綬貴偷兒久厭青羶
貧從他西九輪稻蟹未暇石步開荆榛此中地
僻風土厚酌泉飲之安且壽磋砑石洞窟神仙
寂歷澄潭落星斗雲芽瑤草卽不無藥竈丹牀
事皆有在天何必香案前墮地且爲鄉祭酒張
公玉女誠荒唐君不見湖陰灌園叟

游玉女潭同叔達賦

把酒看瓊樹相思片石前嵐生新粉竹潭貯鬱

猗山先生集卷之四

七

藍天散作巖巒潤屯爲草木烟太湖秋浪起隱
隱月中傳

善權洞

山構危樓勢花垂采髻情層雲雙洞合隔水片
空明雷過遺陰火龍歸尚雨聲寂寥書帶草有
石記三生

碁盤洞

樹底聞流水悠然天地深游魚迎洞口傳酒到
溪陰白日寒溝色空泉片峽音彈碁聲滿谷况

復理明琴

秋日游大成洞宿余氏

重臺列幢旌曲室羅鐘鼓游人不知年墨食水痕古

贈蜀山夢坡歐叟

胸中溪壑闢嶙峋甕牖繩床也不貧一夜風吹春茗綠窓前如對蜀山人

秋季游張公洞

路遠石橋斜楓林受小車霜頭明樹葉秋意入

張山先生集卷之四

十一

山家得歲蕪收粟先春欲問茶幾來靈洞口一

度一回花

雨宿蜀山看月謁蘇公祠公自南遷歸居

此故名蜀

蕩泊南遷老逢人便故鄉一杯終客土落葉滿神堂尚結陶漁市長留笋蕨香可知三洞月兩夜蜀山望

春園雜興

閉門梅花深寂寞鳴鳥外樓東老鱗甲紛然向

日蛻臺西疊雪浪風動影旆旆微陰籠魄淨月滿生香細掩霽深竹中素女若揚袂微華寒前路貴及時未逝

清明滯餘寒草木變氣候冉冉花破幽一夜若紅荳莢甲相催逼時至不能退服藥吸精氣願保金石壽去年看花顏去去不能復

天絲颺南窓燕了簷上驕久無案頭曆人言是花朝風物以熙明浮光亂農郊提壺坐花間紫之雙紅稍剪置齋房中庶免風飄搖結實良可

張山先生集卷之四

十一

貪明來把空條

新草生翠烟日氣若中酒誰家遊冶郎走馬花在手紫繻十步香哆哆開笑口誇此一日樂勝汝百歲叟日暮解鞍時能復如此不

取歡耳目新種植有至理橐駝未爲工單父技能爾舊花報平安新花復經始牡丹開自芽雅勝薑干指朝來海棠絲忽秀櫻桃壘時至俱爛然根株復誰是今年陽雨調孫枝復生耳

園丁報花信翁若朝趨市掩露折一枝園園盡

如此稚子相呼叫病母色自起茸草不碍步軟
與且止止飛鳥庭內啄犬吠籬邊喜細雨化新
魚橋檻若繞指蝌蚪復何意逐影亦唯唯小女
簪餘花競插老人耳願我老人壽長年似兒齒
高田不任稻下田不任麥竹荒不成筍魚荒不
盈尺且乞菱芡種田此菱蒲宅種槿編作籬歲
長不過勝口實未可期採拾詎爲惜老圃地自
饒從來後收穫

荆花覆不托點點指印嫵藤花初放藍玉盞湛

蘇山先生集

卷之四

七

翠羽雪白興平酥辛夷攪香乳園厨少魚肉芽
甲盡登俎或貽洞庭桃誇我寶石五朝來雀聲
闌花落不可數

蠟梅初破臘開到茶蘼暮媚眼花不空賞心事
多遇愛惜三春容不知久非故代謝誰覺知精
神暗中驚寧待剝落時忽忽心始悟

少年意踈濶世事皆可爲吾友皆俊異抗手談
皇義邇來相晤談磨訂章句早不惜功名亦但
惜血氣衰傍人誰復知謂我好在此

我本澹蕩人忽若擔重負游情曠容與思念若
埃霧朝朝贈異夢或啟占書顧名法自束縛力
命難強御本無百年人自有百年慮逐日心紛
然昏昏夢中路

靡靡耳目好往往能相值日短苦事長望途畏
登涉志士邁千古小人偷自息吾友唐叔子朗
朗負高識婁生近大雅餘酣潤文墨工詩有程
生錢劉讓精刻頗許官庭外謳吟自得得年年
花開時頽然醉君側

蘇山先生集

卷之四

七

東園納涼卽事

主人數月棲床頭初聞喜鵲聲和柔王君到此
百不憂東園梧葉始知秋竹中懸榻可下否涼
颺徘徊爲君留剖瓜雪藕相勸酬凌霄跼跼飛
窮溝灌木已厭林塘幽豁然數頃當平疇風吹
稻香衣上浮高柳北障城陰稠牧兒吹葉下馬
牛殘霞牛背鴉歸樓與君對此劇飲休不願甌
婁常滿籌但願此地化作芙蓉洲

插楊柳

插楊柳風吹何時歇半沾兒女額前黃半照清
明隴頭月隴頭楊柳不成花強自含絲逗晚霞
花飛陣陣濃如昨忽向女桑枝上落

仲夏雨後承子柔訊輒寫所懷奉寄時在
夷亭舟中兼柬叔達

夏雲初漫漫海氣紛結縕霞霓雜來御日足高
徐引澹若遠山色徘徊汎欄楯轉媚桑榆輝下
有賢人隱支願望所思超然立殘景

梅時蒸煩陰潦降暑猶溽浩浩已成勢絲絲鎮
嶽山先生集卷之四

相續子舍野田傍報我需漑足與草尚可夷塗
耕敢辭毒我亦具芻蒲奔走泥陸陸又聞桔槔
聲農事多反覆

夏雷不出聲羣動爭繁喧蛙蟲亂淺草蚯蚓歌
卑垣垤鵲亦何求引吭相呼援鄙哉蒼蠅微薨
薨牛耳根天地散元氣啁啾競爲尊靜者德惜
愔安居澹無言

今人驚遠交名譽卑騰躍子獨愛瑟居閉門見
花落喧靜各有適慎勿笑輕薄世人盡素心天

地亦寥莫孤裘而袖羔中媿此飄泊

書契開鴻濛孳生洵多幻靡靡向背情諦視不
可見好醜隨所置物情亦時倦老姥晚始悟千
金寶團扇何有朗鑒人及爾時所賤寥寥千載
名或匪出矜街

吾友老布衣謀家計殊拙好譚古與今意遠波
瀾濶與子實唱喁忝會契心悅有時燈影前起
舞呼耳熱笑汝蓬蒿人何以聲歎切

負載天地間何其多煩憂省已能幾何因緣重
嶽山先生集卷之四

山丘情知兒女薄能不相爲謀百步一回首魂
魄相拘囚漸隨年歲深詎得吾生浮何當長楊
下避暑經窮秋所遭或不齊情性將無猶

夏日園居酬同伯

五陵裘馬厭經過乍可書關掩薜蘿歲月不來
看燕去茶蘼開到柰花何青天樹遶銅駝關細
雨烟深白鷺簑盡說墻東堪避世漁樵滿眼笑
風波

暑雨侵尋釀薄寒晚晴花竹報平安青山扶老

俱藜杖野寺逢人問籊籊螺影深深窺畫榻蟲
書隱隱綉空壇如年長日能消得白髮今仔
細看

桐葉陰陰覆屋青有無客至戶長扃星
涼天夕風入荷花午夢醒屈指故人如逝水白
頭書卷對流螢朝來耕破城西土寂寞春原又
草亭

送曹以新居吳門

隱矣若何卜因之市屨遷山前三畝宅門外五

蘇山先生集卷之四

青一

湖舫謝客先長者迴心入少年奚囊生計有老
更怕人傳

以我杜門役憐君獨往初邦誰非父母客自狎
樵漁市急鐘聲暮窓含海氣虛爲誰吟望久楊
柳故人如

靈洞山房歌

差峩天日峯勢走平地矗立金華山九峯森列
若手指雙峴點點羅青環自從初平石羊去千
古不破松蘿關洞房龍從閉白日紫芝瑤草春

斑斑鴻濛開闢豈無意麋鹿雜引游人至宋濂
學士親封題趙公爲洗券若字公今出爲帝者
師泉石藹藹添春姿蒼生未了安石事却憶東
山初起時山頭流雲靜楚楚紫霞白雪相吞吐
石上錯落仙人田空中滴瀝桃花乳石燕成羣
拂雨飛蝙蝠千年對人舞曲阿窈窕通暗泉泉
脉遶山山底懸皎如飛絲捲空翠黯若水谷凝
寒烟主人此時正休沐髡影深深靜剝啄懸崖
置屋勢自然穿渠引水流自曲筆牀倦倚髯松

蘇山先生集卷之四

青一

枝茶鑪閒煮胡麻粥烏含山氣聲始收客散晨
鍾睡初足此心泊然緣慮空老我已分隨狙公
深山龍蛇乍起陸滴水化雨從雷風長松秋蛻
鱗甲老鶴奴守舍青泥封知公自有烟霞相三
洞參差屹相望何心更與樵牧緣玉露晚出凌
其上天留一壑待乃公赤松黃石紛無恙老農
失計來長安滿街落葉秋聲乾吳山迢遞不到
眼尋常把菊爲沈瀾今朝手把靈洞記夜夜夢
隨溪水寒何時先鼓剡溪棹爲君灑掃天中壇

王問伯君子亭中觀射

朝來較騎城西塲，驛亭在臂矢在房。燕牙木轉
軍士散走向王家，看射堂射堂西風樹索索人
面生冰。馬毛薄綠鞵蒼頭，釋棚坐鞵鞵才官抱
鞵躍餘勁，飲石猶激昂。神臂當弦故前却，青天
白羽相蕩磨。歛然一點銀錢落，提錢上堂聲氣
揚。鳴鉦伐鼓稱兇觴，大呼酒灑壯士膽。翻飛走
馬誇身強，鵬鵠脂瑩孟勞絲。龜龍金錯昆吾黃，
二才重喬舞頓挫。曼胡十隊趨低昂，義烏健兒
勇投石淮南劍客技，奪塲老拳納袖半甲子。今
日未能禁拍張等閑，不肯賭勝負與君慷慨論。
興亡憶昔旌旗滿，寓縣腥風夜挾鯨鯢戰。紛披
半海樓船兵痛哭，登陴兒女面幕前干櫓。造次
增市中卒伍，倉皇變吁嗟。爾汝兵燹餘辛苦，東
南眼中見幾十年來臥戰鼓。意氣虛彎六鈞弩，
赤手難投都護營。熱心暫走尚書府，尚書世受
龍虎韜。大兒昂藏參馬曹，盾鼻文章賤于土蟠
胸。甲冑光如刀，桑弧未了男子事。銅柱敢許書

生標君看此輩辦賊否誰爲將之東射潮

贈邵元沙張平野兩翁

誰移渭陰半畝之籜，龍矯然森立東牆東。秋清
忽照中林風，虛堂月靄青濛濛。此時座客歡相
從，碧鷄玉馬雄談鋒。中有不語龐眉翁，問翁何
所能。萬有羅其胸，傍有一翁七十許。倪翁尚少
八寒暑，食牛之氣不可吞。木鴈燈前忽人語，自
言爾老人如君年少時。讀書不能破萬卷，未敢
人前輕吐詞。解頤匡鼎執經早入室，侯已爭字
奇。與門五馬稱弟子，先生尚掩書生帷。自從兩
公老，書蠹學者半厭毛。公詩眼中生花手磨勘，
片語尚可開來茲。三十年來珍敝帚，我求童蒙
亦何有時艱。競請終軍纓，濟世還須伏生口。老
人閱世回回新，十年閉口耕河濱。君不見磨鏡
先生卜肆坐，兩公豈是尋常人。

古意五首

松栢挺直幹，斧斤落高岡。芝蘭值當戶，以乃非
其祥。奄離幽谷中，傷哉獨芬芳。萬類各有曉失

時行決張東園亦有李願言代桃僵何當一心人持以奉君王

東隣有季女明潔有奸姿殷勤自結飾閉約重屏帷爾室諒匪遐懷意謂不知不惜知我少惜于盛年衰心聯媒則勞君貞行有疑蹇修既云逝末由通微詞婚媾紛有言嗟嗟非我思

鳴鳥不至郊西狩乃獲麟傷此二靈物生死同所遵宣尼歎其衰掩袂歸泗濱文仲實在位下惠終窶貧海島從何來智不謀厥身遂巡動朝

綠山先生集卷之四

主人

聽享燕乃紛綸呢喃不下食流涕對九賓逝將歸故巢含意徒云云

十五歸君家兩姑正齊眉大婦調絲簧小婦織履綦中婦執任事敬適滋味宜同居不同心噴喜或互持聲吞猶恐揚色授妄揣窺思再非所冀譴薄吾幸而窮老性未諳裴徊下堂辭豈不竭愚鄙君家婦難爲

皇靈信有赫弛張握中權不言布四時民咨猶暑寒燁茲煞機發萬物乃蠢然昭明木無心而

豈亭毒偏膠膠鷄則鳴如夷道乃全益損以爲常用舍非所專白日出海底其下霽浮烟好風從東來蕩蕩游氛寒不興枯朽質仰沐光采鮮願分桑榆照及于華盛年

園中觀稼

慙慙蛾羅黃閣閣蟲蛙語條葉退新枝代將事禾黍秩彼公私穫兩兩婦于伍雀麥開舊畦鳬此釀膏土播挿趁午陰長茂冀微暑新苗纔如髮知經幾風雨

綠山先生集卷之四

主人

楚國有貞士黽勉耕自食豈伊貧賤分念我先稼穡嗤彼梁肉姿而賤胼胝役明農洵可學吾衰不任力斗酒饁南畝慚愧難遍歷歌聲亦勞止悒蔭庶勿亟岸上誰家兒光馬耀服飾命也實不循于何論勞逸但無食場苗辛苦良可惜古者耕鑿兼櫛櫛抱甕徙薄田幸濱河徒耕力可以油油桔槔動盈盈未云止瀾漫萬井平分之灌園杞葉竹引細流羣芳潤餘泚大雨今時行僂力且秉耜去年襍禡貴誰當復辭此

大人美翔翔農圃欣我有毋毋負郭田澆我宅
三畝西北有高樓夕陽掛窓牖鮮風冷然來宛
宛動榆柳偃仰當之眠逢與耕者耦亭亭雖具
體幸托林泉後藤花高樹巔青蘋小桃口草長
池魚肥果熟巢燕守芬此符簾美繁若枇杷剖
食之勿願餘天以賜園叟自種還自甘可奉君
子否

曉涼露田白之田敢遲遲我前抱經籍我後隨
鋤犁耕僮磬折言甫草謹以治鴉鵲立牛背不
錄山先生集卷之四

知牛苦饑廣場足小築胡床面交哇樂此禽鳥
聲雅與吟嘯宜乍聞東家喧索租兒夜啼維我
苔蘚門亦時車馬窺人生各有役約畧苦樂齊
小隱不言深言與箕穎期

題知希齋

葢茅近城市門前車馬道車馬日以深環堵自
秋草心清書卷閑夢寐無顛倒歛膝對古人開
簾送飛鳥有念苦不多懷人竟以渺微吟動涼
風拂拂琴上掃智離竿牘導道在聲音小被褐

而懷玉落落以爲寶

張仲立謁選得臨清守寄贈

人傳臨清太守美年少乃是崑山張季子穿楊
妙技天下聞再發無何撥弓矢郡符今雖落君
手君名尚在學士口片語墮紙插羽飛御史下
堂博士走曩歲燕市懸金求尚恨糠粃翻在首
世眼青白那得知至今盛事慙薪樵不辨
幾頃田自陳毋老須五十遂巡已自擲明珠翻
使世人珍敝帚臨清風物天下饒齊統魯縞車

錄山先生集卷之四

十一

遙遙月午報客柝如雨日高聚市塵成囂酌水
自飲猶畏膩手板導前疲折腰知君腹腸不解
飽竊恐項骨難禁驕丈夫肯爲妻子計吏譽豈
許文章要嗟予書卷疲日月螢火紛然照白髮
儒服可堪官長迎新篇半就時人沒此時夢見
張臨清高臥琴堂萬緣歇

沈文選日峰謫歸賦贈

山川紛紜送逐客四月沈郎亦遷謫出城遠雷
震蓬蓬渡江梅風暗瑟瑟聖主用人捐細誤

盛朝何聞置羅畢紫微高懸箕舌張台階郎位
紛震軼小臣自知天意深流言道路從何出通
年太宰歸匆匆其屬往往途相逢前有王趙後
孟顧伉浪聲氣多才雄天下調平有沈公臧否
雙提日月鑑庶彙盡入乾坤籠倉皇啟事綴殘
牘一斥萬里羞雷同竄身潮陽瘴全黑回首魏
闕塵猶紅新人勝故自應有祇恐此地難爲工
自君策足據津要已併謝事歸江東冠紳尚幸
留主賜休沐子舍差從容把臂喜得山吏部
莫將敗意嗤王戎

蘇山先生集卷之四

七

池上軒卽事

城隅靜女澹無言滿面柔腸更可憐池上露華
濃似酒眼中秋色共娟娟
怪道如花滿春殿司花故遣侍兒愁筵前觴政
縱橫甚脉脉芙蓉雨後酣
含情落葉已繽紛深轉歌喉齒未分橋上玉人
眞咫尺簫聲似隔數重雲
世路崎嶇盡狹斜權牽小艇宿蘆花鴈奴昨夜

驚寒起月白汀洲亦是家

九日登鍾樓寄友人

沼邊晴日澹秋容更是層樓海氣東但使有花
供令節一將危帽任高風蒹葭浩浩歸帆遠梧
竹青青小寺通相憶響山今夜裡暮雲尊酒送
飛鴻

十年縱酒狂歌地幾見園蔬墓草荒茶社客稀
桑亭在僧寮秋晚豈花香煙黃睥睨逢村舍月
照罌罍片海黃檗外虞山青可摘東籬暮色又

蘇山先生集卷之四

七

重陽

客中此日倍生愁忍復秋殘故國樓滿地游人
相識在傍城臺館若爲留霜前白露偏欺鬢節
後黃花欲上頭一片夕陽農稼裏吾生實有稻
梁謀

高秋物色正宜晴水潦全收野楚平橋樹遠搖
潮影白鍾聲寒帶月華清相遺鱸餌還鄉土老
見茱萸似弟兄三十五番生日過幾回風雨上
東城

十月省幕過飲群從卽事

禮失吾求野風流俗尚初貧交鷄黍見生計褐袍餘白髮爭扶杖青衿不廢鋤敝廬如有托萬慮欲全疎

喬木微陽下柴扉流水清漸稠桑柘影正隱讀書聲蟋蟀秋堂警魚蝦早市暗相呼隔城郭一見若爲情

此日田工晏未誅冬月茅雨收紅豈莢霜老木綿苞地薄秋畦苦官新雜稅交君看窮鳥熟歲

蘇山先生集

卷之四

十一

暮亦登庖

海上

海風吹暮角戢戢亂帆收甲士何常耀穉航遠自浮市嚴清柝外城枕大旗頭龜勉軍須辦遼陽未汝休

送崑石五叔晚輪北上

天上長安耳聞好年年尚轉東南稻出門不見黃河痕半途已夢江邊草世間萬事多遷流呂梁釜底窺徐州柳花春香珂馬路曾此王孫厭

旅遊開樽已散北海客掃門誰憶平津侯歸來生事惟書卷科頭獨坐烟陰展凉天露剝雁來紅客衣霜氣知深淺

贈冲元子

初平騎龍去天際隱隱華陽剩丹雪石上栽松夜雨清岡頭刷木春雲熱地肺遠接終南幽瓢笠飄然更遠遊半偈當關萬緣歇一丸守鼎妖魑愁雲車假蹇驕不起尚爲人間兒女留白頭將玄入閨闈黃金無術千公侯留侯謝病新歸

蘇山先生集

卷之四

十一

里忽遇當時赤松子相對匡牀無一言香篆烟消月西起

錢一菴六十

莫羨閑身六十強誰于五十罷柴桑未論去就緣何事贏得兒孫置汝傍潦倒局殘羅月暮依稀吏散竹風涼南樓海水高千尺釀作黃花歲歲觴

何勞隣父餉頻遣有酒相逢不解辭容髮定強爲今日家緣剛似罷官時餘酣敢自欺年少壯

業猶堪付小兒瀚海風雲看到眼且留殘日伴東籬

王崑崙先生青蓮舸

八月湖水清若空天高木落聲洶洶朝來雲擁楓樹黑白沙夜走江豚風灘頭漁燈靜戢戢微茫遠影含孤蓬如山巨浪破之出半醉半醒解睡翁此翁姓名落人口此翁不爲世人有廿年未老桐江絲百篇自醉烏程酒少年曾爲汗湯遊策蹇橫觸可隸騶五侯傳鮪跪行炙舉筋欲

蘇山先生集

卷之四

七

下慙腥腰吳山滴滴青待我歸來不暇營菟裘千頭摘奴百斛林寒薄未了人間愁白髮黃金不我以賸有生涯付流水羽扇高懸白鷺簑竹床斜坐烏皮几潮去潮來秋可憐七十二點青娟娟蕪葭白露人宛在魚龍大澤天茫然五嶽已飽藤杖色五湖自握扁舟權扁舟日月自瀟灑朝遊閭門暮若下吳江自廣能容刀長年使船若使馬蘆中之人逝矣夫誰是當年問津者

送王崑崙遊五臺

歌馬先參栢子禪白頭行脚趙州緣無端故國蕪葭夢又在邛鄲酒肆邊

關東已試葛衣涼漸入邊城草色黃六月驅車君莫厭中臺山半已飛霜

定午微鍾出寺稍寒雲尚掩玉亭茅千年風雨三珠樹留得孤山野鶴巢

百丈冰崖天倒垂避人饑鼠齧枯枝此去好誇王太僕遠將雪色映峨眉

王崑崙先生六十生日登五臺賦長歌奉

蘇山先生集

卷之四

七

壽

漫浪菰蘆中忽已一甲子兒歌孫舞躋春堂七十伯兄同燕喜黃魚出海菖蒲香桑落苞蘆至千里酒中忽憶五臺雪長安且過榴花節九衢埃雲結紅霧不向邛鄲夢中熱披裘五月登清涼金蓮布地天花黃聖燈暉暉映斜日身影忽現文殊光長跪問文殊何以壽幻叟一夜飄風西客星問北斗麻姑爪擘方平麟遠公室釀陶潛酒今年酬盡兒女事輕囊短劍隨風走芒鞋

已挂道場山釣磯未沒蓉湖口十載一山名一
更百年未了名山名乃公老大厭殺猶故山丘
壑縈心情青獅無聲吼動地髮華燕坐飛縱橫
此時舉酒酹山靈山靈識不王先生

贈陳濂石先生歌并序

世之趨勢利也甚而漸于家矣顏路曾點史
不志而志陶氏之母何怪乎風靡至今也夫
子父相育割沒齒之愛以博美官厚直而父
耶而子耶播爲顯親世之以纓組事親不乏

陳先生集卷之四

七

矣而速朽者何限也陳先生有子而才曰仲
醇仲醇年廿八棄儒而隱焉倘亦樂鷄豚之
逮存親也然得無難先生乎哉乃先生曰喜
人有子而無子而我能有其子我啜菽飲水
傍兩兒以嬉爲貧陸賈足矣吁吾是以知天
下未嘗無賢賢者不必衆是漫爲歌以寄之
堂堂復堂堂君不見崑山小隱陳家郎咄咄復
咄咄君不見陳翁之子山人骨陳翁之年過六
十有子不減唐李白橋門博士稱吾師詩社爭

輪少年席盤龍繡虎手所能翁也握斧收其直
是何感慨甚歎息浮生烟書螢幾乾死穎公不
能言侏儒可以飽曷不裂冠挂瓢山之巔青城
徐郎相勉旃謂而丈人將無爾憐陳郎嗒然掉
頭笑而真不悉吾翁賢翁謂兒丈夫自有志長
安尺寸地人取爾須棄春膏清天瓜可蒔酒槽
滴滴香膩少可一月十朝醉我醉兒扶兒寒
毋衣有兒在膝花在眼生願與兒共脯糜豈不
聞天下盡趨湛母風華亭競走平原祠山頭白
雲自怡悅若以問人知是非

陳先生集卷之四

七

山先生集卷之五

太倉王衡辰七自序

詩 附詞

男時敏詩

鎮江郡守玉沙王公考滿

海東承賜履江介表名藩不視江山麗安知刺
史尊檣烏迎皂蓋竹馬遲朱轡命屯山爭色風
清浪不喧春陰系柘密膏雨種苗繁魚蟹朝迎
沫蛟鼉書負輶輪前扶白鹿舍上集伴鸞始報

猴山先生集卷之五

一

三年最遙沾五袴恩穎川新賜璽渤海舊乘軒
卿月瞻天表陽春燕日溫竹間徵使下敢卧屬
車轅

建業千秋控上遊江聲百里接譚謳鳥窺懸榻
風生坐雀報嚴更月滿樓棠樹漸深南國雨櫻
桃三熟海門秋穎川竹賜尚書烏絳節朱旌暫
可留

屠長卿杜奠先大母病瘡寺中移臥家園
是日得雨病良已

有客有客白其馬繫之寺前古榆樹問君何苦
六月行片心如漿已入絮出門千里不擇言故
人相奔一何遽火雲駕浪能蹲蒸居然瘡鬼能
憑凌維摩抱膝居丈室諸天龍象高峻嶒縱橫
談塵了無異兩目挺動頭鬚髻不能沃君廬山
百道之流泉不能坐君峨嵋百尺之層水東林
竹竿靜嫋嫋涼颼徘徊如有情客來黃鳥亦弄
舌高蟬乍咽卑鳩鳴俄然蜻蜓送風蕭條木
榻留餘清君言多病生道心逢渠何處勞追尋

猴山先生集卷之五

五

自從松鶴去碧海黃蝶浪逐溪花陰微言墮地
若委羽清夢到窓堪解簪天河風浪去時有鄰
保世事無浮沉看君收拾越江波濤向岑寂辛
苦入山山不深君不見太原書生復何事高枕
不得霜毛侵

長卿東歸

日午陰移白石壇清風欲過竹檀欒踈簾小簾
題詩處留得雙趺印月看
自可遲迴訪戴船板輿無恙北堂前桃李甲子

應難記再渡錢塘是百年

騰江使君奉 特命臨祭先墓

旆旆霓旌近白楊風自呼一杯高馬鬣萬衆式
龜趺夢草何心結棠梨澱淚枯死生天地仗靈
爽禁樵蘇

日掛東南樹茫茫片海圓大刀搖浪白新墮落
霞鮮高會臨無際端居念巨川相聞謝安石半
夜嘯風還

宿命吾何感僕夫行告勞出門當暑雨策馬涉

蘇山先生集卷之五

主

江濤同病寬賓禮經時攬使袍涼風正瀟灑何
以駐干旄

馮尚寶奉 命致祭事竣還 朝奉送得

二十韻

鳳閣推恩重龍章灑翰頻使星紛海會卿月照
河津特異臣逢主非常子建親後生帷蓋賜加
等豆邇均不分尸饗沒還叨尚食珍肴烝羅鼎
釜咆灌赫纓紳禮創詠議審官嚴風亭裡腆筵
沾故鬼哀些出詞人土壤無靈骨乾坤有負臣

京卿心匪石感爵火爲燐况借名賢重躬將上

命陳緬惟爲茂宰割治托比隣葉縣鳧曾接乘
蕪醜屢塵玉壺清沁骨冰谷迥凝神雲旌肯囊
舊風驅絳節新泥封原尚璽詔下式如綸葆衛
臨蓬華瓊振散里闔享賓安坐次贈綸亦逡巡
盛事兒孫記孤悰涕淚仲有懷當展念敢臥屬
車輪

送翼堂趙使君致祭事竣還 朝

尚紆 皇眷獨臨軒江上雲霞接使轅親捧十

蘇山先生集卷之五

明

行新詔字轉驚萬里得歸魂蓬麻白日瞻霄漢
墓草春風識子孫留得王戎鷄骨在刻將恩數
報秋原

壽外姑

青鳥三山使靈芝五色房庭瞻王母降南映老
人光杲日明暈翟微風聽珩璫瓊瓊杯傾顙露翠
釜積玄霜子姓爭扶杖賓筵秋舉觴願言徵女
史敢以告司觥矩法遵陳禮勤勞匹敬姜風興
朝簪笄燕侍飾壺漿焜耀綸爲命續紛服有章

寵仍行益僂處泰動思臧白髮操家政青燈教
子方敢忘思儕儕尚浣嫁衣裳節尚從三寶安
行度七襄三秋當解悅萬寶式登場慈竹凌寒
動黃花傲雪香鼎來春藹藹爰降福穰穰風鼓
金鵬翼雲封玉燕筐衛郎初假館苗母正開堂
照耀義和馭晶熒寶婺芒儀形還自舊慶澤欲
分祥采葛春相遲攀蘿月正望自今耆且耄咸
與壽而康

汎茗上訪沈進士

兼山先生集卷之三

五

曉行茗水上忽憶米襄陽棹出蘆花亂門深竹
氣涼賣鮮朝市聚燒葉野橋香此間軒組客亦
復在耕桑

不識竹墩路自通桑者名烟光含日薄水氣冒
江平蠶稅先秋雨魚梁掛月明往來無俗務小
艇故盈盈

卽景

魚噉亂葦不避釣犬吠枯桑如有人一帶橫山
飛鳥絕斷橋西去又通津

野菜香菇繞徑栽漁樵日落棹歌回回舟白識
門前柳却問客船何處來

送沈水部北上

茗溪晴雪逗春寒迢遞行旌別思闌花發江南
懷水部星從天北望郎官沙靄驛路孤流急浪
隱繇隄老樹殘好計工功荒度始兩河日夜有
波瀾

送李茂實赴蜀

吳山春雨聽鳴鳩珂馬驂驛向益州補袞有心

兼山先生集卷之三

六

終戀關籌邊無事亦登樓中朝尚自虛清問內
史何當厭薄遊滿耳波濤送君去江山千里正
安流

猿聲送雨急千峯夢裡猶聞長樂鍾落日坐馳
新到檄寒雲愁檢舊時封遠臣敢料安危計

聖主曾將痛哭容惆悵一官成避世回頭雪暗
掖門松

立春前一日園中踏雪

晚鵲簷頭噪雪光更將餘鴈逗年芳先春正結

梅花片映日還禁柳絮黃決決細流穿伏檻
踈亂竹亞東牆老親橋外携雛至風入茶鑪水
正香

燈夕卽景

月滿寒街雪更清千家燈火鬧新晴松毛密覆
青帘碧蓮葯雙懸錦袖明夢裡星橋收晚市愁
邊鵲鼓鬧春城獨憐太守笙歌出竹馬兒童語
笑聲

侍家君遊西山

蘇山先生集卷之五

七

平開太湖面澹蕩起風花萬舶浮孤嶼群魚網
亂沙松齊剛可杖竹密始成家我自山情得饒
君取路賒

登鄧尉

周遭山郭下半是綠蘿庄未卜吾能隱居然地
可桑村穠禽鳥至花落水泉香初啟游人路春
農已自忙

浩蕩扁舟興啼高更渺然隔江傳石骨近暮起
松烟雨載蓮峯白花籠小閣偏櫻桃欲移醉展
轉落梅前

但有娛親地都爲愜意時麥風吹浪起榆日放
絲遲乞茗逢僧寺隨花識路岐晴鳩頭上喚與
客更爲期

雨中子柔書來得宜興耗慨然賦寄

蹭蹬高鴻暮雪天書來再博故人憐漸看世上
緇爲素莫是先生白尚玄憎命文章常道路送
窮詩卷又殘年灰心筆硯無憑暖忍換寒燈勸
着鞭

雨中之嘉定過子柔謁其尊人

蘇山先生集卷之五

八

老眼蕭然強自遮入門未敢便長嗟心情此月
旬中雨詩興南窓牕裏花豈有薄田餘菜麥還
欣水市賤魚蝦儘饒留客朝朝醉除却尊前事
事賒

曹謙吾非上戲贈

高蟬莫悲風勸爾一杯酒瓜香棗熟大路邊井
亭無處無楊柳問君何苦六月裝蕉旗霍霍秋
雨忙赤日照地火雲滿人間何地尋清涼長安
貴人入驢出馬頭相揖無顏色乃知漆園寄微

官數株婆娑自得得小鴻臚問大鴻臚溫室年來一字無相逢爛醉官醞酒明朝裏汗府中趨

丁明府兩年步禱雨雨輒至

人傳太守朝走東城隍葛屨納納秋露涼俄傳太守西河岸魚頭使者當香案去年十日五日齋今年官厨無菜鮭頭上瞳瞳戴赤日裏汗卓立當空階黃旗颺颺招不得父老傍觀淚沾臆麥秋稍有鶯鶯餘東江潮頭尚三尺枯桿未斷秋林中忍使吾侯面鰲黑是時日午塵頭揚悟

集山先生集卷之五

桐捲翠蕉舒黃雲綃絲絲起西北未有雨葉翻垂楊數點尚疑竹上露俄然雨聲喧薄暮蛟龍跋浪東海來烏鵲盤空喚鳩婦卽看葱蒨潤簷花可念溟濛入郊樹香秔傳膏珠顆圓古貝含滋玉苞富更喜七月無盲風脉脉萬井寒溝通數聲輕雷竇陰火鬼車不敢驚兒童人言清河先生檄星五我言太守隨車雨何知太守山君不見兩年竹馬街頭舞秋成醉君秋社場與君細說丁明府

游天平飯趙凡夫家

看山愛主人山窮主人出謝病經春秋心遠石自落落落書卷餘清談對捫愚豈無佳遨遊及此清宴日苾芳春風香委蛇出齋室藕漿莢葵羹雲子青瑟瑟月白松已花雷驚笋初茁分彼烏雀粮聊爾供口實市鍾晏然鳴厭飽各已畢我杖策策鳴石磴躡虛空驚雷走足下忽起洪濤風朝雲何鬱淒淒澗底渴素虹喧喧萬壑聲鼓舞寒溝中回頭潭影低石幢出芙蓉隔谷聞丁

集山先生集卷之五

七

丁雕鏤殊未窮五丁鑿金牛非必皆鬼工陵谷本須臾千古嗤愚公

桑濮已靡靡王風自蘋蘩吾道已矣夫求野茲庶存春絲晝簾靜窈窕揚微言素琴鐙房中高雲野前軒萬類各有求幽谷芳蘭蓀高唱德自隣耦耕道斯尊閒風澹荆門桃李紛外樊德公許我來君其具盃殮

春仲偕仲醇遊楞伽山過故廬讀書處飯趙凡夫墓所

人生無留影歲月忽十五縹渺讀書窓雲含亂
山舞斑斑墓草深曖曖宿微雨壽比松與柏千
焉縱尋斧孤泉如絡絲石上聲自苦雀啄游女
塲花開酒家土眼前我與汝題詩跡已古

當時送吾友偶至東山麓風來蒼浪浪快我心
所獨乾坤悶靈氣果此遂幽築石破土已膏水
出山如沐藥壠開稻畦時哉坐雙鷺高高松原
上白石淒以穆何以虞尸賓朋游奏觴肉枳花
闌作牆寒扉不禁啄吾生有棲托喧寂相互逐

誰非斯人徒歡與游豕鹿

吳曲羅明府晉北儀部之任贈別明府與
余長安有故丁酉冬余北上公追至江許
餞之北岡山故首章及之

案牘江中了烟嵐戶外青來朝紅藥砌夢到綠
莎汀欲問朝廷禮先占郎署星相思楊子水亦
有峴山亭

十載論文意飛揚及此時一將郢人調再整漢
官儀日月餘青簡風塵托素辭腐儒粗獷厭擬

欲向君私

余三不上公車戊戌以病憤不竟試出都

門作

惆悵浮生墮棘闌幾番心事悵多違縱教白壁
難酬價誰遣流黃不上機怕到暮春留客住懶
扶殘醉待花飛殷勤還有雙歸燕相傍東園紫
竹扉

勞勞毀譽十年身滾滾征衣萬里塵從未入宮
誰是妬飽經逆旅漸知貧烟花禁籞遙含曉野

柳溪橋亦放春憔悴青袍憎草色不堪頻與送
行人

自將名字帝城誇每及歸時柳未芽半刺老將
懷裏玉十年常看夢中花蒙茸草閣書成帶冷
落江楓牘滿車還喜倚閭雙健在羸君三月尚
思家

萬事如君得自由汀花社燕亦春秋無端眼底
珍鷄肋漸遣燈前誤虎頭去住盡看窮鬼面笑
啼重上故人舟灌園陳仲成高枕枉殺當年爲

汝謀懷仲醇

雜興

有州二十四不能鑄一錯人生三萬六不得一日樂過去日苦多未來杳難模紫紫萬思慮總爲見在縛見在在何所過來并除却莊周與蝴蝶相化兩莫莫

來時此楊柳歸時此楊柳楊柳未破黃客胡復東走主人牽客衣無乃太健陡解爾腰下綬貫爾黃襟酒客對拙言辭遠巡指其肘不見君家

蘇山先生集

卷之五

燕飛飛出朝牖去噉冰上魚亦復長飽不

彌空塞黃霧行鴈亂其序疾風橫面來使我不得語悽悽日影下彷彿見儔侶病馬嘶樹啼斧杏作薪煮酒漿槽頭泣相對何楚楚竹燈挂窓櫺照我舊宿處

棗林逗餘日汲汲望村火盥水不終湯且對三騶坐塵冠拂不開浮埃枕前墮臥起襪被囊苞苴不成褰壁上題詩人思歸盡如我歸語室中兒旅次真瑣瑣

吾當三十時四十看已公羽咲彼髮已黃車馬何憧憧一朝行及身奔走不有躬世事相因依在俗能異同轆轤豈不勞激搏任虛空賀賀各有爲僕僕徒相逢寄言意氣者君子亦有窮

古人擁萬卷雅勝君百城美玉苟在斯彼褐亦自榮寤寐心所歡豈爲世好嬰鄙哉學俳偶逐嗜不得停五色了無主心手相闔攬三日織一縑新故忽已更機杼不能言司市默以瞪自有章句來芻狗充棟楹豈無特立士崛強竟何成

蘇山先生集

卷之五

七

苟不救饑餓石田焉可耕

謗譽殊孟浪一身萃姦妍高天而深淵相去一何懸懲咎卽苟塞酬知更難言身名不兩飛君子敢處全韜精示其璞衆詠相雕鐫寔身高墉上七者或慕焉何以息吾影遺恨於簡編

人言隔陰昏多是隔世事今日思昨日忽忽亦何意因緣和合生豈必可思議步伐吾猶人無才不中忌我豈好窮哉抵壁若唾棄病在耳目前二豎亦劇戲力命互有權肝胆不我制

高原凍初圻忽已秀新災况我江以南青青自
陵陂十五二十時春暉向遲遲醉席紅白花仰
視低昂枝驅車此行役觸目多所思里中黃衫
郎鞭梟垂楊堤我將施行歸或恐年少窺顧問
客何來何當衣上泥

長安非天上望望不能前夙興戒車徒臨發帷
頻塞大道固孔夷傾脫以忽焉嬰索空爾勞或
乃瓦注全遇合寧有常卿相亦偶然四十不動
心我已非少年驅車過鄒邑有泚不自湔

感夢

遠客心胆孤因夢苦相虐五更聽車鈴已畏白
日落往往心路熟驚魂復相索靈臺塞因果夜
氣焉所托邀彼巫咸占出口念已錯欲驅三彭
神還之太虎廓太虛亦不受諸業非我作了知
萬法幻誰不爲幻縛

臚傳日口占

彩雲重擁五堦前木蘭雙懸御墨解偶爾功名
三語合如聞姓字六宮傳價從駿骨枯中貴色

借時眉怨裏妍顛倒十年京國夢一時回首春
花驕

賦得銀蟾花正開良夜

秋清河漢滄生輝恍惚天花散紫微珠露綴枝
涼瑟瑟綠雲縈葉影霏霏疑從玉杵分香雪似
入雲霓亂舞衣不恨月中零落盡獨留仙掌待
陽晞

秋夜憶早朝

憶昔秋堂燭影移捲簾數問夜何其人歸燎火
殘星裏馬踏沙堤曉月時閣外漏壺聽欲盡懷
中封事許誰知倉皇點檢朝衣在宣室傳呼尚
未遲

又

爐香無焰數更籌恍惚班行夢裏收日日鷄人
還報曙年年鳳曆轉驚秋千官影散朝天路五
夜風高問寢樓正好委蛇從退食枕邊鐘鼓易
生愁

秋李白送賀秘監歸四明

狂客新裁薜荔衣
鏡湖魚鳥澹忘機
秋風季子
暮鱗思夜月
壺公竹杖歸瀛海
三山遙點綴
剡川一曲轉
罪微春明門外羣
鷄鷺目送冥鴻萬
里飛

瀛洲亭讀書

遠接三台路
傍開二酉天星躔
如欲曙
藜火不成然
學士山元碧
先生草尚玄
秋堂清磬發
滾滾

恭賀

冊立 分封禮成因獻 萬壽

蘇山先生集

卷之五

十五

北極絲綸重
東皇禮樂新
山河徵王器
砥柱協宮鄰
桂殿初颺號
桐圭次展親
離明先出震
解雨不成屯
國胤共球永
宗葵寶玉陳
前星扶日耀
幼海接波勻
彩仗開朱邸
祥烟麗紫宸
龍姿瞻特迥
麟趾總能馴
有道綿長曆
頌恩正小春
願言棠棣夢
齊拱萬年椿

敬酬溫夫子贈章并以抒懷

十年心事付流言
老盡蛾眉轉見憐
豈有陽春真絕調
彈將流水亦成絃
高城月白分藜火
小

開清風對草玄
欲識官牆新氣象
雲華秋掌共澄鮮

又

公車初試薊門霜
徙倚金臺舊道傍
櫪下秋風勞剪拂
樽前春色乍飛揚
三朝袍笏龍章麗
萬卷圖書蠹字香
珍重國恩慚退食
敢從世路問行藏

送立峰高先生

冊封藩藩便道歸省

玉節歲寒下直廬
王門遙曳鳳池裾
桐圭原是

蘇山先生集

卷之五

十五

唐封地蒲坂
曾藏漢史書
絳水花迎丹闕外
茸城草借碧山餘
更將五葉堯雲色
畫錦堂前慰倚闌

送溫夫子

冊封萬安便道歸省

六傳駿駟下洛陽
曳裾猶散鳳池香
如圭桐葉迎秋碧
似帶河流抱日黃
緱嶺鸞笙隨使節
周南靈簡入奚囊
亦知鄭重分封意
寶冊東朝取次將

送春臺年丈之任丘

高第還爲令掄才寧偶然股肱三輔重早添九
河信滌滌郵亭馬蕭蕭官舍蟬無窮手板恨端
爲主夢捐

又

灌壇千里雨瀛海四郊春誰道風塵色長沾陶
令巾文寧經世賤俸爲救荒貧不足無奇策殷
勤問故人

送王夫子言事謫貴陽

自點螭頭筆心看去就輕云今瞻宸闕敢復論

泰山先生集

卷之五

十九

王程痛哭留封事長噫出帝京可憐離仗馬萬
里不成行

又

同檢晴窓疏真堪挂此冠敢私天雨露聊與世
波瀾草色郊原盡河流井稅乾蕭然看道路誰
爲說艱難

又

穆樂開蠻郡山川借逐臣驛從雲浪盡春到印
江貧曉霧竹鷄語暮烟山鬼視相逢青瑣客半

是問津人

送同年李丈歸省

淮流遙接海門長玉杖扶鳩出畫堂聖國欲傳
三鳥信泥書先報五雲鄉鹿車舊市留通隱熊
膽寒燈憶共嘗此日春風輝彩翟瓊卮分得露
莖香

夏日泛舟下潞河

湛湛溪蒲綠灣灣郭樹斜與君京國話借作故
鄉誇水氣清沙草河痕繡土花遙看車上客望

泰山先生集

卷之五

十

屋間茶瓜

送人歸娶省親

四十年來號大家早停膏沐卷羅襦寧辭秀色
消金鏡獨抱清心映玉壺詔許陳卿歸卜鳳情
知令伯念慈烏春歸夜暖看花燭并作高堂獻
壽圖

又

旌竿此日草茅偏幾度秋霜點鬢乾柏苦自甘
春泚泚竹斑長共月娟娟堂中彩舞鸞箋影闕

下彤書鴈使年珍重里門相拜詔兒孫爭導板
輿前

存問紀事

里門新捧御書鮮爲報東朝寵數偏心事
再酬焚草後鬚眉還憶茹芝先春從玉案傳食
日暖借彤庭賜帛年次第斯干占國慶遍呼兒
女祝燈前

千寅春舟泊楓橋待客不至寒山寺訪曉

山上人書畫香茶爲供

蘇東坡先生集卷之五

五

燈含帆影亂鍾雜市聲昏昏竹深處蕭蕭僧
倚門獨將殘雪色遙對遠山言又聽烏啼急江
城送客喧

僧復花山故刹

不改青山色還安白石禪空林原古刹僧鵬始
今年鷄犬桃花外香燈竹樹邊重來荒徑合幡

影導君前

沈姬故淮人也侍御公過淮夢喜鵲叩槐
花來以姬歸俄而公卒姬以死殉大槐者

歸也姬得所歸矣壯之爲賦短歌

三月渡淮清若空鵲叩槐花墮掌中合婚有時
花露融移植庭前號守宮一朝驄馬呼不起宛
轉蛾眉爲之死誰云乾鵲占不靈化死留香報
君子我有千金劍懸之塚樹傍塚樹不能言劍
花湛湛凝秋霜淮河渡頭一片葉已挂閩江高
白楊白楊蕭蕭不復春燕泥寂寞空梁塵遠巡
下拜白太傅故是當年歌舞人

立秋日同仲醇集閑仲澹園卽事

蘇東坡先生集卷之五

五

朝霞閣不散簾外薇花晴樹色交交入池光宛
宛明話深幽鳥出局靜亂蟬清不待庭陰暮微
涼暗自生

記詠歸思賦小橋紅寺西長齋作秋社曉讀帶
春犁客自招新隱門應有舊題生涯真澹泊寂
寂豈成畦

十月十五日冊立分封禮成齋詔東

下

遙聞仙樂駐青麾裊裊爐烟引紫霧鳴鑼曉鋪

金屈成鳳樓晴啟玉葳蕤宮雲長紫千秋節聲
草初青百子池廿載養成鴻鵠翼 皇情端爲
萬方私

琅函五色下芝宮十月陽春驛樹紅夜半日輪
重海上天邊星影照江東老臣涕淚謳歌裏游
子衣冠拜舞中檢點退思真過計當年園綺幸
無功

送吳西所年兄使竣還朝

驕駟駟馬出汀洲次第絲綸掌上收邑譜延陵

卷之五

七

新禮樂家餘南史舊春秋堂中萱草天偏近池
畔薇花月尚留記得寒江歸路共風雲獨擁仗
車遊

七月望雨中同仲醇諸君子淮雲寺薦先

次仲醇韻

四野桔槔收井山雲尚流薄烟生近郭細雨作
新秋落洛剛逢汝洋洋盡解愁招提何處是幡
影直城頭

宛然晴雪路曾與梅花期香發酒深處客來齋

午時春原看築社秋水又分岐眼底成典廢寒
村尚古碑

瓜果媚盤好茵陳訂坐清秋花僧共老疎葉雨
成聲山鬼如投寺村鴉亦避城豈無留客處多
恐費逢迎

日氣樹中碧微鐘烟際來虞山行莫矣吾黨賦
歸哉法施湛然滿慈音聽漸哀竹枝深夜雨曾
否到泉臺

天寧寺別叔達

卷之五

七

記宿山窓雪悠然更遠行朔雲郊樹色落日寺
門情騰鼓從鄉社寒花似弟兄看君飛動意且
莫羨歸耕

別同門

甚負留人月蕭蕭挂屋閣歸看畦菊在好寄驛
梅俱同喜于門合道將求野孤夜深寒馬立便
擬怨驪駒

別同館

洵美西清彥如何苦憶歸一聲鴻信起萬樹葉

皆飛淡泊書生面蕭疎使者不行裁各相見俯仰莫教違

沙溝見杏花寄長安同志

羯鼓催春十萬家龍池柳色盡含霞可憐寂寂沙溝水日暮行人也自花
郎君袍笏正覓我此日紅潮暈彩羅折取一枝憑驛信報君春色到黃河

途中志所見

河上揚塵日天邊貢篚時帷棠漸水薄書劍出

關疑壁盡馮夷笑主成使者移輜軒有非是祗許寸心知

虎丘

木末已蒼然微陽挂客船鴉歸人影外鳥宿塔燈前宴坐經行地默參歌舞禪厭厭清夜咏月到可中圓

虎丘無題

秋水爲神玉爲骨眉頭無語香初發閨門細泉游絲春相思澹澹梅花月

清霜片片着衣乾紅燭行行影樹寒唱道月明歸去好游人啼鳥一時闌

上馮琢菴座師

官隣誰第一典冊待君將欲識河山固先徵砥柱強春官真夙夜日御正初陽調燮需商鼎分封出夏璜乾坤瞻羽翼禮樂自吾皇喬木追先永芸花憶始芳大風吹塊濤穹嶽表顛昂才識推兼器規趨儼大方降申通志氣化入文章疏灑危明淚文迴却顧鵬躬因王事蓬髮爲老

謀黃密畫安宮竊明謨弼廟廊論勳常處後借箸或從旁啟事多原牘賢書獨擅場紛紛諸吏士濟濟望宮牆雷鼓龍門曉雲深鳳閣涼匠材寧寸朽臣馬媿無良末路蹄先倦高天首忽驤戴山真欲舞飲海不知量久沐全枝借終然半壁望撫時悲少壯感舊惜輝光不改杯觴地曾沾篋笥香可憐長棄置還喜一相當貴敢忘榮竟歸誠足稻梁平生餘吟咏出處總津梁台席紆麻詔師垣望袞裳蒼生應自急燕雀若爲忙

未副爲綸業難行報錦寒心隨兒女入夢逐鴈
鴻翔歷歷星辰上長懸舊直郎

丘寒谷先生八十

大理久朝列歿不貽寢丘負薪懼勿克吾生遑
自謀縕絮結敝席腹中長休休問君何爲爾墳
典羅床頭寂寥太音始碌碌安所求
鴻濛爵人文苞符吐神理希微象數先浩衍圖
書委不能市名譽自娛聊復爾鄰壁光已貧村
壘久餘耻載酒時相從惟我二三子

浮沉老書蠹忽已登耄年親知走相賀漿醅羅

主

堂前對之不能餐指我架上編韋編未三易我
病行自還爲學喜不益撫已心晏然

檢勘平生書如掃明窓塵窓塵掃復積千古常
泯泯以茲悟玄化廓然得迷津彭鏗亦區區壽
老空自珍跼踈窺井旁難爲達者陳

中泉范翁八十

老熟種樹書漸與山鳥狎問君草木年視我長
一甲忽見春窓青相期理鋤鍤陰繁舊竹醉兩

新枝壓願拈無量花共說無量法

雪朝獨步園中上東城待酒不至

東城一以眺海氣何茫然浩浩天表明恍恍開
村屋野色漸分樹人家猶未烟遠界寒河流莽
接滄江天我思垂淪者對此心孔閒

飄雪落衣袂疑是樹上花樹上三五花蚤已迎
風斜薄寒禁香不可入隔窓紗春言駐庭陰聊
此留歲華鵬酒未出房雪意消殘茶

春雪不待客獨游及崇朝歛然叩園扉排竹開

平橋焚燹碎玉葉隱隱見寒條道心共澄素虛

主

宇曠寂寥參差群動來落鴉亂林梢

秋日玄宰邀飲舟中同仲醇游畸墅

得得山情近深深客意便高延九峯翠半借竹
樓烟種樹書無恙看花榻尚懸滄洲吾欲共未
許白鷗專

癸卯八月望社友陶逸則王閑仲從祖伯

相同上春官賦此以壯行色

津頭楊柳猶鳴蟬君胡急駕春風船八月潮頭

高拍天乘之欲賦明河篇長沙徙嗣新騰寫記
君夢踏天門穿琅瑯文字今誰傳仲氏正熟黃
梅禪太原袍笏當盛年汝宗孫子先着鞭鷄鳴
壯舞結束便步擔歷落呈斗圓竹堂風紫沙霰
乾與君共割牛衣瓊有淚曾灑蕪城烟一朝六
傳驅風還窮途友覆石已妍君不見平原珠履
驚四筵成功尚在錐囊邊海內春秋推廣川三
策忍齒慙不鮮撫時忠憤不可鐫藉子一吐形
埽前東村酒色如紅泉語簷燕子聲蟬連彼中
樂事知已偏有客問我我不言笑指天半三飛
鳶

雨中同仲醇過淮陰寺聽雪浪禪師講經
出谷每相逢拈花得所同飲僧松影裏說法雨
聲中自洗經行鉢還叅過去鐘殷勤留半偈欲
解已成空

題白公石

愛此一拳石居然長五湖曾分池上碧肯學谷
中愚尚迴星辰色寧彫冰雪膚影含松窈窕質

伴鶴清癯洞小空全歛鱗皺浪暗輪鴈鴻峰外
落蝌蚪壁間模下拜人如在能言骨未枯移山
看已老更有舊題無

送張瀛海年兄還朝

春雲遙護紫宸居彷彿千官唱第初玉筍纔班
池上客金蓮新直禁中廬幾多溫室難言樹更
有彤墀未獻書白首尚矜臚次在天涯朋好莫
教疎

夏日侍家君看周市蓮花還宿古塘其明

日齋于淮雲寺

朝氣北山昏清陰滿寺門一簾禪壁冷獨樹講
堂尊禮佛能分供拈經擬共繙鉢蓮開面面如
解比丘言

贈馬給諫時服先中丞之喪

客從遠方來蕭然臥竹院家世列鼎鐘中懷凜
霜霰僧厨熟伊蒲未敢先先生饌難測情寄深但
覺語際斷夜雨龍燈青薄言托禪觀樂樂素冠
子是我心所歎

莽莽林薄間大夫亦徒行高談以當歌桂壁空
酒鎔慘人苦不多萬里勞遠征鋒聞陋小乘月
旦輕世名寒泉藉修紉安能俟河清俟侯中丞
公博譽垂令稱榮業何足道視子先民程
吾道有是非曾人笑東家千秋閉靈籥玄黃自
萌芽幸托香火林蹇蹇驅鹿車俯仰去來今歛
若棲浮菹山頭笙鶴聲過眼如流霞漏洩春光
微君來喚梅花

堅吾叔祖署敷宜興

蘇山先生集卷之五

十一

荆溪碧水繞官衙滾滾諸生隔絳紗還許文章
映桃李不妨吾道有龍蛇先儲破牕蘭陵酒次
品驚雷陽羨茶北望五雲春樹裏一枝禁得上
林花

訪歸季思

麥秀水西村伊人宛在門披帷風自遠入室氣
如溫萬古不盈掬寸心聊可捫寂寥茶榻畔吾
意亦忘言

罷藥翻緣病慵耕一道貧疎梅真似我亂懂不

關人草木山中厝弟兄原上春呼兒帶小築未
欲惱比隣

送曹中丞治河淮上

畫熊迢遞出關遲衮繡重來未可期四瀆故瀕
新節度三江仍稟舊旌麾長淮白日魚龍夜大
澤秋風鴻鴈時舟楫賴公無恙在汙萊東土若
爲治

乙巳清明後新霽踏青時春寒間有霜

日出東城花氣揚叢叢游女大堤香今朝非郭
蘇山先生集卷之五

十一

靡無路故是清明風雨場冷碧尚禁新變火蹀
紅欺得晚來霜當杯底事傳籌急不見簷前燕
子忙

王家渡看桃花是日微苦暄俱步仲醇韻

楊柳絲青欲繫船船頭紅紫趁人鮮千村煖霧
烘茅屋一道晴霞入暮田客到轉思留客雨花
深更愛養花天斜陽渡口從相識桃葉桃根不
記年

春日同諸君看桃花汝戢墮水先歸走筆

戲之

十里茫茫撲花霧游人掉頭不還顧忽報陽郎
出水坐尚沐楊枝半身露誰爲詛子春花前背
人瞋立滄浪烟水中歷歷花影然照儂雙眼不
得眠君不見薛上簿魚頭落几身臥席又不見
洛中人不免更索凝龍食人生倚伏豈有極此
日此花難再得不須津頭賽河伯但莫尊前避
惡客

同仲醇諸兄飲藤花前

蘇山先生集

卷之五

五

客來索我桃花詩桃花已轉藤花時常將春服
二三子憶得晴烟千萬枝藤花滿架香不足更
結青蘿上修竹一片蔚藍天上雲忽化寒溝半
灣綠東園老人挿垂楊對此攀條空斷腸未論
老瘦禿如幘且喜新柳過人長柳南鶯雛入花
串人心亦隨鳥語變二十四番花信歸桃花友
覆看人面

贈石亭醫伯

肘後青囊到處懸維摩嘗得病中禪傳家更有

書千卷不愛人間賣杏錢

鄧尉山觀梅

檻外平湖匹練光鬢髮梅塢共低昂茫茫十里
晴嵐白隱隱千林水月涼雪裏人家兼浪湧鏡
中魚鳥媚花香出來未踏江干路更嶺楊州湯
短長

葵藿堂

露裏朝葵可採風中秋藿先飛谷口年年魚鳥
五陵老盡輕肥

蘇山先生集

卷之五

五

坐隱亭

夢殘書在四壁坐起香銷半跏人影綠沉苔蘚
漁村白滿蕪葭

問月軒

半額簾旌未捲一床簾色先寒牆外梨花弄白
居然月掛林端

眺雲齋

滕王蛺蝶成陣蔡州鷺鴨皆軍獨眺意中何限
一燈漁火聊分

登子房山謁子房祠

霸畧千年盡風雲尚爾祠山河留氣色冠劍表
鬚糜心事終黃石功名共紫芝東園有遺老長
此托風期

秋季再過君策丈山園小飲抵暮而別

輕舟繞出神仙趾山下人家半流水風光的
武林源到門依舊平原里路轉溪迴自不同秋
葉芳髯當階紅洞房窈窕路欲絕飛梁忽跨高
樓風樓前參差受寒竹藤子垂垂挂樛木人面
斜陽映晚暉烏背濃烟帶微綠堂前橘柚香輪
囷主人未敢言山貧曲欄深閉五千卷等閒肯
示尋常人山寺無鍾送客別與君坐到鳥聲歇
相携忽過板橋東一笑溪潭半弦月

仲醇授經弇園歲暮歸送之

白日傳經罷高齋閉書陰蟲魚饒書案童稚報
車音舒卷四時氣則翔千古心家家能設體偏
向故人深

桃葉春堤暖梧陰夏簟清斯人高詠濯木盡

成聲歲共殘燈暮花仍舊鵬明總關寥落意與
爾得無情

豈謂便成別思君已不堪多言殊恨少苦語幾
回甘鵬樹黃初盡河水綠尚合好留雙履影隱
隱着西舂

鵬月望日同仲醇過楊氏放生亭中看放生
齋茗而退

西風截岸歸潮逆蟹斷魚梁亂如織詹何任公
競好手勁弩長絲共逼側落羽更飽俊鵲拳窮

泰山先生集

卷之五

五

鱗尚滿淘河臆慈雲忽覆河上亭道傍隱隱明
龕燈龕燈發光磬發聲囚魚檻烏背奔騰徘徊
怨頸却反顧逡巡妬眼留餘憎如聞啁啾水底
語已見簇簇簷頭舞舞豈惜齒角登君庖念此生
成天地苦白日曾遮木葉衣滄波不泣系薪釜
萬里雲羅鴈字圓千層碧浪蛟珠吐啣環化印
都渺茫見此自覺心洋洋朱門可憐酒肉臭對
案忽送茵陳香剩粒殘羹施江汜網影縱橫不
驚餌桃花信信春濤空蘆芽陣陣春魚起若處

津橋捲釣竿見說西村罷蝦市共向亭前看放生放生長者名流水

東坡作戒殺詩貽陳季常季常自後不復殺岐亭之人多化之有不食肉者正欲拈

出示俗適有感于吾里宴會之侈因和前

韻得三詩示閑仲肯偈此戒于里中不也

人饑慕梁肉肉厭思茗汁徑寸神明舍燒烟爭

暖濕珍味縱可窮饑飽要自得于我實腐餘于

彼捐所急曲曲方塘邊擾擾牧鷄鴨時哉謹棲

蘇山先生集卷之五

三七

止柳花作茵幕憐汝巢卵傾忍使羽毛赤每來

待曲宴倒甕浮大白漸爲腰緩帶或遣頭穿幘

釜熟薪且勞餅飽湯已泣少損郇公厨鼎籩未

爲缺淡然天人糧請以羞主客一枕茶寮清時

時共來集

解牛豈無刀函牛恨多汁可憐登庖肉日且耳

猶濕桑下有饑人一飽不可得我已摩腹行甕

子進逾急砮柳穿跳魚擿九射生鴨索鱗來銀

盤紅虬挺青幕大烹爲誰來呀然而發亦安得

口中膾畫化草頭白本慙肉食鄙未老先衰
但對花鳥笑何須酒樽立口實不願餘留此小
陷缺吾黨餽粥斯勿若旅邪客好樂無已康良
士憂所集

飲酒不盡樽啜肉不盡汁同生天地間念此相

向濕每見肉食人豈藿亦其得醬牛挂脯休無

乃非其急窓前能談鷄欄旁自名鴨性命嗟有

似彼爾膏鼎幕五蟲毛領殊共茲一腔赤蜣蜋

細高飛曷思蟬中白強力相噬吞何異虎而憤

蘇山先生集卷之五

三七

撫已胡功能忍彼釜底泣吾欲食稱事稚補百

行缺乞汝耕饁餘施我不速客願同雀鵲馴欣

然掌中集

觀周林二君棋

鑪中火猶生枕上香已熟拋我讀殘書看君未

殘局

寥寥三尺枰龍戰鉅鹿野誰握最先籌壁上觀

戰者

索我數行書如睹山陰野樵斧聲一掃亦

能語

作客人未歸釀寒秋且變因却打窓風丁丁雨聲斷

羽觴流波

但有茂林修竹處處蘭亭永和愁酒盃無羽只有流水生波

步虛臺

送罷九秋落日獨疑長天緒風不見滄桑海底時聞笙鶴雲中

華子渠

草肥春水將至花落新泉未疏一夜自通雨壑朝來喜罷雲鋤

禮星石

歷歷白榆未死落落瓠瓜可餐壇前斗柄西指片石秋芒自寒

附詞

詠春暮調踏沙行

公子閑居花奴告老盤髮沙雨和風掃青天酒

慢石榴紅大堤繞扇蒲葵小待可重來向誰尋討關子盡日歸黃鳥兒童鄭重數榆錢一回不見春光好

咏牆外春調南鄉子

午日暈紅椒流白天絲任意飄酒幕香車東去了聊蕭燕子啣花坐淺巢茂苑更春饒柳葉蘆芽月滿橋席底人人應念道櫻桃剩得鶯殘雨又敲

蘆鴈調如夢令

風起蘆花如醉歷歷鴈行成字一點一聲寒霜重曉楓羣碎知未知未只在淺深河際

送仲醇歸調點絳脣

濕夢沉沉芭蕉雨嚮燈花卸月兒來也人又隨潮下最怕登高醉面秋風灑紅堪把茱萸看罷半刻重陽假

閨門夜泊叙懷

刻燭呼盧西風乍急簷頭鐵故人涼熱依舊朦朧別山淡雲濃漸短愁兒髮楊花月溪橋雨

生到微鐘歇

正月晦前一日拉友人賞盆中梅念家
梅林中不釋戲成詞數闋詞寄二犯江兒

水

梅花報道昨夜裏梅花報道春光到樹梢看媚
娟弄色楚楚抽條傍闌干一簾清伯輕風吹素
絹黃昏轉玉翹破臘偷瞧羞伴天桃咏花人若
問我須及早薄寒未消只恐怕薄寒未消綠紗
籠着且將那綠紗籠着冷盡禁春索共招邀

蘇山先生集卷之五

七

何郎到來且喜我何郎到來流香生嫩齋這芳
蕤欲語粉面垂擡觀知音春愁似海連拳嫩節
捱盤龍矮髻歪露葉啼開漸把風猜嘆花神子
星星兒頭早白清醺滿杯休辜負了清醺滿杯
黃沙蒙蓋忽地裏黃沙蒙蓋試問陰鏗昨勝今
來

好花眼前有幾日好花眼前一腔春未剪且傍
香開宴趁影橫眠借風流將花笑灑酒拍水晶
盤茶拋竹日烟醉舞便便仔細俄延怪花頭半

星兒心未展梳臺鏡邊莫不爲梳臺鏡邊關山
簫怨休待到關山笛怨歡喜隨緣中酒年年

故園風味猛提起故園風味千秋雪漲迷更翠
松掩靄黃雀喧棲渡紅橋爭投密樹花籌倩客
携花茵襯地披翠玉山低不夜城西笑殺那苦
零丁在官閣裡倒顛接離那箇倒顛接離霜酣
月醉那一夜不霜酣月醉好事乖違落得魂飛
則雖爲故園花事心迤邐却道霎時間紅溜
則我那素衣郎精神只得減半收這是慢發跡
蘇山先生集卷之五
七

的慢回頭早占先的早退後大熱鬧處大休囚
小打闕處小傷便總來呵酒闌花瘦我且葫蘆
提渾着心莫便喚梅花破了口

縉山先生集卷之六

太倉王衡辰玉甫著

男時敏校

序

岳武穆王全書序

余友晉陵沈湛源氏敦行誼重然諸人也來署吾崑山縣學事余謁君獨不齋中中堂張岳武穆王像雖幅巾素袍而英爽勃有躍馬衝戈之氣余肅拜而歎歎者久之已又數月以武穆

縉山先生集卷之六

一

全書示余則湛源所手輯也嗚呼千載而下見王之遺容斷簡猶髮立背裂嗚咽不能自已而况歷戎馬之場弔黍禾之墟窮楚些之所不能拾極胥濤之所不能洗者乎竊嘗謂武穆之爲武也千古未有也當時稱公者曰忠孝曰兵有紀律公所自言曰仁智信勇嚴然具是數德者如諸葛武侯關壯繆郭中令李尚書之倫亦可止矣其撫賊也猶或降或叛其戰猶或勝或不勝而王百戰百勝百降百不叛者何也即無

論王凡王之所將皆勝皆不叛又何也他將用兵卽如風如雨王其猶龍乎役使風雨者乎故曰武穆之爲武也千古未有也自古大將之不得其死者多矣死嫌死逼死猜死暴皆有所以死宋高素柔荏容物其倚公如左右手一旦起莫須有三字獄殺王父子如孤雛腐鼠而色不變卽其後虜渝盟南寇諸宿將促數耗矣而帝終不思檜之死也檜事反而王獄終不反是獨何歟故王之死非其死也亦千古未有也嗟乎

縉山先生集卷之六

二

王功之震也黃龍府且掃地醢軍殘虜血肉如黃羊野馬不足食矣而忽焉頓挈冤橫以死死不在戰場而在犴狴不在介冑而在文墨不在深文弓藏之日而在乾坤龍戰之時是亦有天存焉一檜安能殺王獨恨一世忠及小臣數輩不能生王耳是年魏公浚方進除檢校少傅默不發一言後此六年乃以抗疏謫等謫耳待駿骨朽虎吻血而徐以影響形似之言曉取聲譽抹殺罪過天下萬世其可欺乎甚矣魏公之

倖也喪師殺將而已不與其貞爵不降名不貶者有故天下成敗得失如轆轤然不激極則不反當其反時蓋亦有甲收乙果此結彼局并與其是非而顛倒之者蓋自武穆以極忠極冤死故浚藉王之名以爲名而名僂歸之幸不可以再其後如韓如賈又襲浚之功以爲功功不成而萬有餘喪矣是浚卽不必爲王刀俎而王實爲浚嚆矢也嗟嗟宋運不再興當恢復之時與能恢復之人往矣而重以爲不能者嚆矢古今豪傑之士憤張而不得吞者可勝道哉

詩經註疏序

吾友陶子逸則刪集詩經註疏成陳子仲醇序之于說經者有十疑焉夫陳子疑說詩乎則無疑于詩矣今天下治詩宗朱氏朱氏駁小序而泥古之士信好不衰余兩非之蓋自昔記言記動之史親屬耳目者不能無得失而况此寥寥韻言湮遠失次作詩一人采詩一人說詩者又一人卽眞子夏吾疑焉何有于數百年後傳會

之舊矣又何有于千餘年後繫空之朱子且詩固無籍此序與傳爲也詩之爲教固非若尚書之治亂執禮之進退春秋之是非噉噉乎一定而不移者也六義懸于此而人自以七情感之感易而義已遷矣奚世次名章之是求蓋詩于三雅言中寂爲近人小子學焉而後儒尊經太過往往諱情而好言事諱音而好言義諱閨闈婦子之謳吟而好言聖人之名教今夫人眉眼徑寸萬貌呈焉而畫工肖之則嘖笑不兩無矣梵言三十六萬聲出焉而字義罔之則喉舌不互用矣問師三老執鐸而徇無所不關入而一切象魏東之則更與民不相喻矣而孰知情之所感眞于事也而孰知音之所轉傳于義也而孰知婦子謳吟之入人深于聖人之名教也是故詩之律嚴而其用寬其嚴也雅不以奏郊廟頌不以奏朝廷而其寬也關雎可以燕老蘋蘩可以節射甚而蔓草寒棠諸什亦可以參登歌揖讓之辭斯道也夫子蓋嘗于素絢切磋示深

肯焉卽其正樂之後僅僅使雅頌得所而卜三國次序不能于魯太師之舊有所增加則季子之所觀可覆按也詩之亡也起于說詩者之太詳以詩爲史將周宣鄭忽爲淫辟武公叔段爲誼臣乎以六藝爲優劣將野麇爲正緇衣反爲變常武六月之類分大小乎以孔子爲刪詩將詩無完章章無完句祈招之恤民反劣于鄭衛之誨淫乎必不其然此非但支離破碎失作者本意而其甚者且以紊亂彝常顛倒非是奚取

卷之六

五

于詩爲哉余少讀詩經箋註常欲詳疏禽魚草木邑里人物之類而其涉于議論紀事者悉去之且畱此一綫廣衍旁通之路以待天下性情之變而陶子曰不然夫解醒以酒滌言必以言矣姑爲衆衆說之衡以破二氏之墨守使讀者耳目開而感道日新庶幾其有興乎余曰善因爲敘其刻如左

列國史補序

史今者以我史史古者以衆史史今史詳古史

略詳者歸治敗于事幾歸是非于議論按冊而攷之十不失二三而略者若存若亡於上鉅蠹敗之餘非立案于此而檢括參合于彼則樊亂而莫辯今世好誦說司馬氏史記顧以其列國世家不免蠹蔑爲司馬氏病夫不視秦灰漢律之慘乎哉七制以還家壁之藏發家國乘號大備而作者寥寥焉蘇子由歎前事之拙而其所以爲古史於左氏二國之外卒無一語短長以發新難而訂宿訛則又何也豫章魏華容氏意

卷之六

六

惜之既以其全力爲全史又爲列國史補大槩以左氏國語國策爲本而旁證之公羊穀梁杜氏年譜諸書同則偏舉之異則錯舉而衷擇之事疑證以情情疑證以理務求至當而後已人謂華容上下三千年事如數一二以彼淹通茂明使執三寸弱翰錄起居注討郡國書而次第之顧不易易而愚竊歎以爲不然古史異者疑今史同者疑古史易辯析而難于編摩今史易編摩而難于辯析春秋時無論董之筆南之簡

不塊名史印公殺之多疵而其瑕瑜的然可不
深惟而見戰國策士論甚矣然人勇而謀詐或
反留漏穴以示人而才如史遷其所為貴貴老
進奸雄者後世且得測其微尚而雌黃之故曰
讀古史難而易若今則瑕瑜見而人知所趨匿
矣試觀今廟陛之間青簡書白簡訟皆言之有
故使主者左右聽而況于史彼其金匱石室之
紀既秘如鼎書泥檢而不可窺而藁談野記又
皆蓄累兵于心而以塗說為興吾誰與為證譬
之羣閔于市苟立之平而設叅伍必得情焉而
其訓于腹稽于唇劬殫於室者雖面而質之
且奈何哉嗚呼後之為史者其窮矣夫

皇明禦倭錄序

代父

自頃朝鮮中倭

朝廷以大義發師往救復其王無何款議興倭
出入釜山待報者數年廷臣至曹起而爭或
言此

高皇帝祖訓中名其為賊損不得復通者余時

適在事都計以為通倭難矣而倭原未快茂
尺寸地我兵一出為解紛則有名久結為求
敵則非計於是借為

上言請得以便宜乘吾勝勢翕張而善藏之彼
以貌來吾亦以貌許使其徘徊將翔先入我
穀中而間以修內地守戰備既久情見絕之
未晚幸

上明聖主行要以戰後議款後議絕而朝廷
始終不失體不受名然爾時呼吸造次間

未暇深考舊事也既余病免歸而廷議益譁

主款主戰各堅其說卒汗漫不可收拾以至
於今余竊兩疑焉會駕部問伯王子手輯一
編示余曰

皇明禦倭錄余令兒子莊誦而伏聽之喟然曰
嗟乎嗟乎此

高皇帝之所以屈羣力也觀其首諭朝鮮次諭
倭遣使遣僧諄諄乎若惻其間而憂其危
亡者是不惟愛我燕愛朝鮮且愛倭蓋愛

倭所以愛朝鮮愛朝鮮所以愛我也卽沿海寇掠不過隨入隨禦而已增防設戍而已却其貢而已敕使悔過而已休其大兵且至而已終無有遺矢亡鏃于三韓之境說者曰

高皇帝度不可勝倭而權忍之夫

高皇帝以全勝天下獨難倭哉蓋天下之勢有不可勝以待勝者有可勝而不必勝者有日勝而日負者以我而就倭求勝萬里征繕動彌歲年此日勝日負之道也洋洋

續山先生集

卷之六

九

一

聖謨以天澤定衣冠以河海游鱗介虞于周譚兩用若環總之外而不內以

祖訓中損倭初指爲綱而稍經緯之未見有堅決如近議者

列聖相承大猷磨之不必欬絕之不必戰謹銜勒寬鞭重與倭以逆名迨嘉靖中海備日弛倭乃得挾奸民誘導飛棹舞槊于吳越閩三省間者十餘年我兵蓋騷然奔命視而息肩以殲倭報成功則東南半壁且隴其矣大

是固

高皇帝一使片紙之任也而今之議者好侈言胡中丞之力戰以律近事夫中丞固先議撫撫變而戰戰乃在緣海內境彼來而我應之非我求敵當時猶得不補喪息肩之難如此况於今涉海萬里外索欵索戰而不必應者哉難不更甚乎昔者駕部嘗戒心于倭矣毀家贊士勃然有乘風破浪之思茲倭氛彌熾而駕部獨閉門却掃而成是書駕部寧爾然

續山先生集

卷之六

十

自悔其雄心將善易者不言易乎若曰今日方

高皇帝戶口加多甲乘加競可滅此朝食無用此响濡兩可爲者夫

高皇帝真不能勝乎抑有不必勝者矣

嘉定縣新志序

淄川韓侯來尹嘉定膺敏廉清次第修廢決壅爲嘉民百年之慮蓋初猶稍稍別白禾莠以威稜佐道化三年之後鳴琴而四境治矣乃以刃

割之暇與二三耆俊討論邑志而手潤色之凡
五閱月新志成余受而卒業蓋慨然於古今之
慨焉夫邑里之時析時合時耗時實也與世遷
者也邇嘉之遺跡健將揚旗之壘飛仙舞鶴之
墟尚且塞爲榛塗化爲闌閭而况津梁壇宇廢
興由人者乎若存若亡有掌故在抑吾猶記二
十年前之嘉定也丁壯棄產而逃彌望甌脫今
高原膺膺農趾錯而屋櫛比矣問何以故則曰
田賦之有則也徭役之易充也我吳蓋自周文
襄平壤而後代有興革諸繁苦浮淫之實漸削
漸平漸減漸輕譬如負千鈞而趨者邁而減之
千羨百羨十恨不卽徒手而陰道旁耳嘉定
役至于條編賦至于折色而資收伯之所調停
良父母之所營畫幾無餘力矣侯又以善巧方
便與民變通凡籍于書者皆口嘗而知辛戲手
揣而知輕重後之來者奉爲矩程參伍焉而不
輕變法雖百世可也惟是民情風俗其爲化也
密移易知而難名爲志者第能紀其風土節物

之舊點綴面目而已要無當於神理蓋昔王文
恪之志姑蘇曰蘇民西近華東近質濱海之民
多悍夫質與悍則嘉定似之矣俛仰百年以來
風靡波流非但醇酒之味醕卽烏重之毒亦漸
以薄矣而其大畧猶可概見余聞之外大父嘉
定常弘正間里中大豪引蒼頭盧兒牽黃臂蒼
騁而過里婦子皆走匿甚至有把官吏短長持
白挺而擬其後者而今大家畏小民如畏蛇虎
其敢訟勇開輕犯法者止輩實之無賴耳悍不
啻且馴矣惟質則尚存第見吾里以西奇冠治
服靡日不新流言飛文無脛而走問之嘉嘉不
知也洞庭之珍吳江之鮮朝而東下筐筥立罄
過嘉之市而不問也士人務爲新聲一唱百和
又或飾交游課玄虛以博名高往往得志去而
嘉之儒宿抱其嚶嚶好古之志卽窮老而不悔
也仕宦者甫釋疏蹻置田出息遍境外而嘉纓
紳之產多不踰中人其列肆以游居積而牟利
者皆僑客也蓋其智拙于爭時甲第之盛物產

之豐不能與他邑爭勝所自來矣夫民亦何厭之有以葢爾僅存之質而立乎聲華之間濃澹相形貧富相耀而有如長民者聽其自化不隄之以分義申之以勸懲卽嘉又能長保此質乎夫以齊風之大也聖人刪詩而次以魏唐卽葛履之褊心蟋蟀之勞苦而猶有取焉若曰救大國之奢必以小國之儉救沃土之逸必以瘠土之勤今吳俗偷矣華不已而侈侈不已而儻又數十年後無論他邑不知嘉之爲嘉尚有先進遺法可以爲四方則不韓侯曰救政者于已形于已敗一弦未安卽更一弦志可攷鏡也救俗者于未形于未敗夫吾旣表而樹之矣時浸漑而觀厥成則以俟後之君子

吳氏族譜序

吳氏族譜成于大司寇洪而大備于君業諸名家序致其事已詳最後余始受而讀之吳自宋端平中太尉公扈從南遷吳江始有吳更歷五世若存若亡至孝子璋而始顯孝子子南官保

公洪子官保公山稱名卿他爲藩牧郡守者四人鄉會進士幾人太學茂才等若而人蓋孝子之後甫再世而甲第之顯赫祚胤之蕃庶一至于此他姓所未有也猗歟盛哉族之有譜也以敬宗而收族夫人而知之雖然至于五世而祖且祧服且盡矣遙遙遠胄貴賤貧富殊量嗜欲殊趨居不同里門食不同井變強而睚之曰同卽序以鴈齒班以燕毛而其中有途人之心目瞪瞪相對按譜而始識其號字此如郵吏之數過賓過而不有於睦族何居焉吾甚怪張公藝之書忍也彼所與同居者何人而必忍而後同乎忍而後同可謂同乎易之同人曰天火同人君子以類族辨物物固不可以強同人必有所自生所自生者同勢不容受之以異人知髮膚之皆父母而後知愛髮膚知疾痛之呼父母而後知謹疾痛不然情欲之所不至一身之外且視之若委土聚沫然欲強途人而爲兄弟其亦難矣故晉臣之譽其友曰有孝德以佐公族而

孔子而推而廣之舉居處敬事君忠蒞官敬朋
友信戰陣勇而總歸之于孝非虛言也水有源
愛亦有根故孝子公終身所保僅匹夫之行
孺子之慕而兩尚書諸大夫鍾鼎旂常之大業
世世取資焉而不匱窮源遡本以有斯譜譜之
成也喬木日茂而手澤漸漸蔭其下者祖跣箕
裾而不顧又或者尋之斧斤矣余故諄諄然提
本始而訓之孝觀斯譜者必繹焉思焉若接口
澤于杯棬賜遺容于尸祭庶幾不途人其同姓
而誼益敦乎其猶有敗類忘檢間師黨正所不
能禁者有高曾之家法在其不瞿然而泚頰者
非情也吳氏之譜乃可以世也矣

巖棲集序

松上人受具足戒修蒲塞行刺指血寫華嚴經
若干卷泊然深居於世味了無嗜也而獨嗜詩
其詩清新雅秀皎然清畫之流而鏗刻過之集
凡若干卷其游越中詩曰巖棲集而屬余為之
序曰子巖中人宜序我巖中詩余曰余有所不

解于子者三夫詩緣情緣愛以子之法忍至
于棄口腹刻肌膚不以爲苦而獨不忍棄此無
用之香豔一不解也閨梨自有本色禪亦有本
色詩如寒山子輩不歌不律鳥鳴泉流而已而
子字必綺聲必諧襲寶珠瓔珞以爲莊嚴衲子
而奪詞人之藻二不解也且子旣已入不二門
矣山林丘壑與林廛厠溷一也奚取于巖棲其
有取于巖棲吾未見枯槁幽香之好與穠臭紛
華之好異也三不解也子先爲我解我爲子序
上人遁爾而笑曰夫子以天下無無情之文耶
夫日雨感而成虹烟雲感而成嵐風谷感而成
韻是何情乎所感不同而設色比韻濃淡纖宏
繁之矣且夫空中華燈上暈病不在空與燈也
子姑旋汝口而觀之余有言識之簡首

逸民史序

陳仲醇氏史逸民逸民之義則魯語有之逸之
與隱有別乎曰有自古巢許之事若存若亡三
代盛時閭閻之教行而四民之職舉其有孝義

俠烈者欲隱而不見不能也孝義俠烈必待隱而後見者衰世之事也其志苦其章晦其君子之不幸乎若逸之品則疑于神矣如雲飛虹起有目者何嘗不見第不得而控揣之繫羈之云耳春秋之時荷蓀丈人之爲隱也諒至于三黜不去之下惠與採薇之子同稱爲逸而孔子生平轍迹未嘗三年淹顧反自以爲異于逸民此其故不可以尋常蹊徑論也大抵處天下事者身在事內職在事外火以外觀則明局以外觀則清去就以外觀則輕人我得失以外觀則冥故遯之立卦以止爲德以枯槁爲容而惟上九之遯爲肥或又曰蜚以其又處于遯之外也昔阮孝緒著高隱傳分三品以名氏勿傳者爲上始終不耗者爲次棲心塵外者爲又次而余論逸民微不同尤藏用次藏名又次乃藏身蓋孝緒品隱而余品逸故也雖然蜚遯尚矣六遯皆無凶辭所戒者獨尾耳君子處貧與賤蓋有非道而不去者其所以異于富貴則有說矣人生

從壯至老其所閱歷大抵自淡而之濃如饒餒處腸胃飲食臭味無不顛倒有如常以遐舉玄覽之心卷舒事外如六龍互變而皆以潛爲根大則雲從小則豹隱卽下而曳塗之龜不猶愈于臨牢之彘乎弓旌邈矣山淪谷委面目不真生旣不能以爾公爾侯人間腥腐之物維繫賢者而沒復欲以三寸管窮之執百世之標影揣摩人寤寐中行藏而差池其品目尚論者之所不敢出也故仲醇之志逸民也寧詳無簡寧仍

蘇山先生集卷之六

故文勿參以筆削其取諸全史本傳者若干卷旁採諸郡邑志者若干卷傷元史傳隱逸勿詳也作隱逸補又若干卷而山林倫物之美至是始觀大全余與仲醇少同業長同志當追趁逐嗜時意有所不可輒相顧擲筆而嘆曰青山白雲知我心者未數年而仲醇隱于東余白石山又十五年而余以史局乞歸養則旣尾且厲矣雖然逸民之爲逸也我知之矣余與仲醇同乎異乎請以俟後之傳逸民者

古文品外錄序

陳子仲醇選古文品外錄既成以示王子王子曰余不敏讀古人書如隙中數鴻毛而已持敗橐囊雲霧而已品內之不知焉論外乎陳子喟然嘆曰人莫不飲食也鮮能知味也先正樸重于古人之文類論而不議雌黃而去取之自昭明文選始昭明以降選者莫煩于宋然昭明以六朝選古文也猶之乎六朝也宋諸公之以宋選古文也猶之乎宋也要之乎世圖文文圖識矣非但自囿其識通耳而通目之抑且囿百世以下讀者之識非但囿讀者之識抑百世以前作者之神情笑貌筋骸脉絡種種生動之妙亦囿焉而不得出矣人第知窮餓者之苦而不知醉飽之過也今夫稻梁魚肉天下之至美也抑以口食不以舌食如澹如坻若噉若噉于是不足之梅未漿之茗含辛之齏禁火之飴皆得而奪其好迫于一嚼甘再嚼醒子之以稻梁魚肉而後知其美也新陳之相化其亦何常之有至

于新有陳而陳者乃始復爲新民之好新甚矣不使之日新於虛談小慧剝剝離歧之學而使日新其好于古人之文章亦猶尚論之遺意也余故擇兩漢以來之文未經前人採拾而肯遠情深者得三百篇其或詞章之外別具世變余亦間爲箋其始末附紙尾以備咨考凡余所爲如是者要欲學者知九州之外復有九州九畹之外復有九畹引伸鼓舞其聰明使之不倦而已王子笑曰噫嘻子之糟粕則猶吾之醴齊也

子病在飽余病在饑且也非品外人誰能品品
外文者陳子賢乎哉夫我則不暇

唐叔達詩序

嘉定唐叔達少以異才名未三十輟去舉子業八問子今何好曰好讀書讀書何事曰無所事也浮沉里閭中舌不能戰筆不能耕人多以爲迂惟同里二三博雅君子盛相推服以爲叔達當今無輩余時頗有亦黨之疑癸巳余從家君至京邸叔達偕焉爾時士氣猶發舒投匭言利

病者紛然叔達爲私議某得某失具言其始終沿革之故胷中若有成案者時東西構兵萬里外羽書情形不可測叔達獨逆斷此當是某喜事某害成或兵失將意或兩將不相得已而果然余怪問子何以知之叔達曰吾觀古人某時某事類此吾竊意之耳居常笑張空拳開橫口者如木駒泥龍不適于川酒酣氣振往往捋鬚大言曰使吾而得志其爲李文饒乎余默不應他人則啞然笑而已其與人交未再而輒欲吐肝膽與之倘遇紛難陰爲控解甚力而面揭其短使痛自懲人多不堪至有覆兒怨者家荷田百畝與孤姪寡妹共又好貸與居京邸兩年盡修脯濟貧交遂洗手歸鋤舍後數畦地剪韭種松苟自給而已余嘗規之君子爲人爲已常亦有緩急交淺言深取約與泰皆非其宜叔達默然終不能改也叔達作世俗酬應文耻爲諛詞每不能當人意乃其論利害寓情景名言續紛老法澹宕今人不能及也間以方寸覆瓿紙

寫雜體詩如累鴉余見而擊節多以他語亂之不竟讀迨再索觀則已薦几上塵矣頃余友王罔伯拉與北來搜其遺詩刻成帙余始得而讀之五言古高閑遠澹以方儲韋不啻過之七言古步驟老杜乃專肖其神情五七言律出入王右丞劉隨州間其才情橫溢無如落花詩雖不束縛格律要之無粉澤酸醢氣嗟乎今天下詞壇書棟百倍往昔大能市勢小亦逐貧頗有清真絕俗彷彿此隻語者不吾乃知今天下文章氣節未必遂無古人要以古人生今時必不能挑取世名亦必不肯自爲名卽以此相天下士皆如此矣部成余謂叔達子誠落落雖然名譽不彰朋友之過也爲之敘述梗槩於卷尾

釣臺稿題詞

任白甫與余同鄉舉時年甫壯而其詩文名則已籠蓋三楚矣人僉謂進士科惡君君何有于二進士乃至今尚不售而權司教於婺源婺源在新安萬山中學宮宸山而立會心亭焉白

甫卽亭前壘臺數丈口釣臺與二三子講菰其
中得若干箇噫嘻釣之于得魚也其道拙矣結
繩而網之箚簾而斷之陽橋魴鯉以族卽禽其
最下者不差腐餘而乞殘於鶉鵒烏鬼所得亦
以澤量孰與夫若存若亡漠漠半寒江之上貴
効於徒手纖絲爲哉雖其有鼓髻如雲噴沫成
雨力足以快網破箬者非徒手纖絲之巧不能
得也故任公子之釣課所得止一魚而卒以釣
名今天下之爲文者吾知之矣塗膏拾滯飾腥
爲芳以餌庸衆人之饒口易易耳其有豪傑之
上閒羶不慕齒腴不甘悠然澹然志在流水其
又何術以何之抑此猶其小者也心之精神脉
脉千古瑟瑟片簡若吐而吞如躍而潛當斯時
也危坐而讀之志動則竿移氣浮則綸輕日曛
則波眩遠之冥冥卽之復驚欲出之重淵之下
而登之作者之手憂憂乎難哉知是道者可與
語任公子釣術矣請以序釣臺之文

曹以新詩稿序

夫倡和之理不其然乎曰黎興有籍湜名世興
有觀耒而其人皆以氣類合無里間知舊之系
蓋才之難如此嘉靖間吾州兩王先生以風雅
之業鳴其才氣所鼓舞翰墨所冶鑄宇內景從
響附而吾州人士崑崙守僕學自若也獨其甥
曹生以新者雋才多聞壯年棄諸生從兩先生
游兩先生賞嘆不置曰曹甥似其舅而宇內亦
翕然信之以爲真甥舅云以新豐顧虬鬚目
儲腹好節俠而多智竟兩先生之身奔走禦侮
憂而呻呼樂而嘯咏無不與以新俱以新間以
其隻字片語操兩先生嘖笑而甲乙天下士天
下士無不頻首頌交以新者比兩先生卽世以
新亦避仇吳中守風雨環堵累足不復出而無
幾何且病困死矣天生以新其以爲兩先生舌
乎抑何始終參會之不偶也以新無子嗣子某
刻其遺詩若干卷以新之詩聲格氣韻大抵步
趨弁州先生獨其守部伍最嚴往往謂白雪于
里人束烟波于尺幅所謂魯男子之善學者以

以新之才姑無論濟南使與梁謝數君子並驅
中原固未知勝負所在而卒退而就於及門之
列者亦以王先生屈也屈伸在王先生不在以
新也以新于人少許可顧獨器愛余嘗忽忽顧
余而嘆曰不佞于世交相棄矣惟是窮愁之簡
終借子一言以不朽噫嘻皇甫謐之名非三邵
賦幾不傳是爲序永賦耶賦永序耶夫稽遲觀
未之不朽也大矣余則安能爲姑志始末以俟
采風者以新初字子念後以字行故更字以新

建文朝野彙編序

代陳仲醇

余少讀史至革除之際不數行輒涕洟不竟
往過嘉興屠侍御以建文朝野彙編若干卷
示余余爲參互校訂之嘆曰侍御何志之悲
而慮之深也蓋自古治世之史直治而非治
之史亦直亂世之史諱非亂而亂之史亦諱
革除之時之氓氓也後世諸君子之撝拾也
與夫侍御之檢括而參合也治亂耶可以
觀世焉吾嘗惟武王克殷御倒戈之衆猶諄

諄告語指天誓鬼以明心之無他而漢高帝
剖符封功臣時天下已大定矣似不能不紆
意于雍齒蓋天下之羣力羣策可屈而匹夫
匹婦之疑不可以少蓄如此乃革除之政顧
獨以重典刑亂國與先代異道而同治意者
國不易姓市不易肆襲

高皇帝之餘威董震壓之時有或然當然者歟
而當時執筆者顧怵焉遂欲以一時之諂心
抹殺千古諸凡可悲可涕之事悉輟而不錄
曾幾何時刀鋸尚暖箕裘晏然而弔湘哀楚
之詞已充牣踰溢如此而千百世以下遼遠
不可知之人展轉口耳之外又當何如也嗟
乎尚忍言哉故與其使仇詛吾親不若及吾
子孫得引咎以謝焉滅曲直不載不若直陳
其狀而微示以無可增加也斥野史爲盡訛
不如互述其異同而明見其不必盡情實也
然則侍御之直也乃所以善行諱歟大哉
文皇帝之詔也革除諸臣且儼然賜之祠額矣

而議者尤有憾曰建文之不備也也今復號也於綱常闕焉夫綱常者萬古之綱常寧以區區廢置爲完闕吾第患其久闕而乍完水奔弦激其所傷尤有大於備史復號者也則聖子神孫豫爲之計以殺人心之不平而關後世之橫口是亦繼述之善者也

緱山先生集卷之六

續山先生集卷之六

七

緱山先生集卷之七

太倉王衡辰

男時敏校

姪季敬校

序

送大中丞嗣山曹公擢少司空總理河道

序代文

甲辰秋總河李公歸河事益迫廷議以應天巡撫曹公向在河上久宜知河次推及公上重

其任低回久之已竟晉公爲少司空兼御史中丞行治河事公之爲巡撫也實自蘇松兵備遷云公爲巡撫四年爲兵備七年故公之行也吾婁士民攀轅固轍之愛倍于郡人咸介介有悵色曰吾且不敢以婁私公無公是無東南也而余笑謂曰無河又安得獨有東南乎因推朝廷所以用公與公踴躍任事之意相告語士民乃更釋恨而爲喜蓋余之知公舊矣初公爲徐州兵備時潘司空語余于濟上曰老夫耄矣何能

爲河上卽有急百潘某不能望曹君自後公來
吾婁司空且再廢再起河事亦再徙再壞廟堂
至扼腕思用老成人而公以其間觀變局旁目
營心惟者又十年而始踐舊司空之地吾固知
公之力足以辦河也且今天下難治河乎撫吳
顧獨易耶巡撫所轄八郡吏弊兵情百相詭百
相覆當事者巧歷筭數不能及姑容與其色以
聽郡縣監司之成間稍稍緣飾風節遷名公卿
以去大抵含弘示威重不輕見短于下吏止矣
而公之治吳也久自兵備遷巡撫如遂師進爲
遂大夫司市進而爲臬府事皆其所熟嘗已試
有不待更瑟而調更刀而割者故四履以內里
間道路銖兩之奸海陬江介尺寸之暇文牒簿
書隻字之隙文武將吏纖介之善惡與夫倉糧
庫庾角尖升斗之耗贏公未嘗不知知之亦未
嘗盡用其威與察也第密操其肯窺微伺其機
竅而下片檄摘之慮無不霜凜霆擊者蓋人以
習巧而公且以巧習久之非但公習吳吳亦習

公吏自職吏將自職將倉庾自登盜賊自清初
公在吾婁時猶申旦省視文書以精勤見稱而
至是則聰明強力無所用之公事之暇姑自課
毛詩尚書數章以比于陶士行之運甕而吾吳
之安樂飽暖此足以徵矣夫民情亦甚難調矣
惠習則易行然亦易至于相忘人固有以壺飧
觥飯爲德終身飲食于父母而不知感者而奸
弁猾胥不留一穴甚不便公而思撼公嗔喜誹
譽亦互有之居斯地也吾向所謂受成于郡縣
監司計日待內遷者蓋亦有笑公拙者矣而有
如若人者一旦昇之全河千嶼萬竇絲緒紛然
塞雷則如沃雪濬泥則如畫脂新河似成未成
故道欲絕不絕當事者將如王京兆以孤身障
堤乎如諸葛丞相以木馬通餉乎卽真有鄭國
王延世其人而朝櫓暮舟左春右揅足跡不及
遍而春漲與秋漕交窘矣得無後期乎蓋至是
而短長得失舉無所遁而巧且習者勝胸中先
有成河循脉絡而施之又肩之以勇幹之以敏

水波雖惡猶有信魚龍雖頑猶有靈其帖然受
紀于公者固不至如人情之難調也夫河亦豈
其自爲河河梗則天下饑天下饑則東南不得
獨飽吾吳賴公在事惠澤之所濡賦稅之所寬
無盲風甚雨汗官舉帥以暴削吾民歲登物殖
者數年于茲譬之種穀既穎既粒矣抑咽喉噎
而不通雖有粟吾得而食諸廟堂既簡公爲農
師又進爲食醫徐而執七調鼎斟酌天下饑飽
節而吐納時于以惠我東南不滋大乎則吾曹
之飲食公宇下未有涯也所更恨而爲喜者此
也

送馮官詹用韞給假歸省序

代父

友人馮用韞以父叅政公致大同政歸疏乞歸
省天子念講讀勞賜白金文綺且命馳傳去
用韞謁余曰不佞且行矣敢請先生一言將常
弦佩之余謝唯唯退而自惟余才識不逮用韞
遠甚獨于用韞有一日之長所閱歷世途夷險
苑枯悲笑夢覺之境蓋三十餘年而後知士君

子處世之難夫道非有難易也蓋時爲之昔當
祖宗朝法嚴令具以賞罰弼教化士自不能爲
賢效在官功在事故士之姍姍選委藏蓄頭領
者不能積歲月至於大官卽才辯權譎之夫亦
不能苟爲寃言衺行藩飾名譽橫驚而奪天子
之威福故當其時不及於法與越於法者此兩
人皆難之迨乎嘉隆末年積難之勢人皆以納
身爲智以舌出爲愚而極重者不得不反會今
上又解滌煩苛欲以一切恭默致太平而二三
大臣無所籍威福於上則但以檢押自守摸稜
救過不給於是此兩人者或媮而善息或險而
運奇類各有以自便而惟中立之士爲難中立
之士不設牆仞不剝門戶以爲得其道則駕牛
可駕蹏馬可御柴立乎中央以用此兩人彼一
人在繩之內欲藩而外之一人在繩之外欲籠
而內之外之而不爭內之而不睚落穆穆使
天下無所窺尋其喜怒則難天下無所窺尋其
喜怒而獨聽內視以嘗之喜怒而不惑則難故

論人於今日難在中立吾觀用韞德方而智圓
澄不清濁不濁殆所謂中立者歟乃其少年歷
華貫取臚仕器局如王曾韓琦文章如賈誼陸
贄人皆見而慕之是尤庸衆人所甚忌而縱橫
機辨者所急收不與相靡必與相拒則又難之
難者也用韞能使人見何以使人不見今猶未
耳一旦明天子下爰立之命當軸處中調益
梅而進之有心者窺有喙者伺用韞又何以使
人不見而見嗟乎其豈不尤難哉余少年惟不

集前先生集卷之七

六

自知難輕用其喜怒爲世所物色而今日者又
以無所短長之才處不能自言之地至老而窘
塞若此然余爲用韞當其難用韞業已懲余之
難而早自立於衆所稱便之外此其難者時時
將不勝道而難者易矣用韞嘗寄參政公詩云
父子近相依未是爲臣難又云保身良不易報
主誠獨艱蓋其父子間兢兢以難相勉如此參
政公未老致政豈惜一兒於膝下用韞其及此
時三思獨復之義計所以權衡天下者無如不

佞臨大窾蹈大卻乃四顧躊躇哉

送王陽孫司理榮擢北上序

松江司理王陽孫公考六年最擢北繕部凡吾
郡州縣之長爲公屬者謀所以贈公行以不佞
隸史氏後造不佞而請曰吾屬皆新試爲吏與
兩臺勢隔遠上上而下惟司理是稟是承如
蒙稚之仰導師自我府君惠加下吏彌縫其不
逮而吾屬以不得罪於上官且無得罪於羣百
姓所以覆露甚厚乞子以一言引其端余謝唯

集前先生集卷之七

七

唯惟公等在吏言吏不佞在民言民且無代爲
松民頌公公則嘗攝州篆矣州之呼而籲者咸
得自竭於公案傍而無敢以欺售也子弟之秀
者彬彬然序進問業而無敢以恩市也縉紳大
夫畢進於公前公一切俯委聽之而無敢以私
請也蓋公以范萊蕪之廉而兼劉參軍之敏每
奉檄行郡縣還卽數十日逋訟滯牒限一夕決
遣燒燈治事質明而退止費膳人茗漿一杯耳
當代報時卽金矢釜鍾之羨皆出佐公費無所

私故積廉生明積明生威不皦皦而民自嚴之
世多謂司理爲法官又其所挾者重類以神明
自畜奇請他比多入少出好伺有司長短稱所
願指以是爲執法故往往士大夫譽不能與民
譽合下寮之懽心不能與上官合身代爲有司
不能與下視有司合而公獨能合之此非徒精
心妙才蓋亦其實德孚焉以五月署篆之太倉
而殫精極慮遺愛種種至此况松之士民六年
在公宇下者又况諸州縣之長久於其官操刀

蘇東坡先生集卷之七

八

血指而治庖者故宜其體悉周愛護切一以爲
大父母又一以爲父母又一以爲吏師咸戀戀
焉率其父老携其子弟徘徊依慕而不忍釋公
者也公六年司理不爲不久繕部於升遷爲常
調當此徵選廢閣暫處公季孟間以脫公於簿
書其無足怪雖然丁斯時也公卽應徵選而爲
給事御史爲銓部郎能令天子前席乎啟事
十得一平簡不辱乎斧不缺乎其殆不能如其
不能卷藏此精心妙才而爲不鳴之仗馬不靈

之司命則又何如執掌簿書弛張其理尚能使
恩膏雨而威清霜也且官何重輕之有視上所
嚮爲重耳今三殿三門鼎創伊始而又有
離官別館一時無名之營建其費皆仰水衡錢
而專委重於繕部當斯任者董役易簡役難鳩
工易程工難使事勝財易使財勝事難求遠官
誨易求迨官責難稱縣官意肯易滿中洵谿壑
難與中洵顯爭異同易使此輩陰就我調御無
敗成事難是故今日之繕部非精心不足以經

蘇東坡先生集卷之七

九

費非妙才不足以集事非有貞廉懇篤之實德
不足以鎮壓城社堅持其紀度而績用成夫是
四德者孫公其選也選擇而使此其爲重耶輕
耶諸邦君又進曰子誠善頌公然當事者夫旣
籍此以暫脫公於簿書而顯償其勞是不日者
且去而握銓秉樞繕部直傳舍耳何足深言乎
余曰不然夫吾州亦公之傳舍也使公有傳舍
吾州之心士民亦且如事逆旅貴人足趨踰而
屑稽隔面卽釋然忘之顧安有依依去後思久

而愈新一至此哉吾所知公之不欲傳舍此緒司也彼其非傳舍者又可知矣

贈王先生序代父

昔范希文少而自稱曰吾不得爲宰相願爲良醫夫但以活人而已宰相以下什伯之長苟有忠實心于物皆有所濟何迫而與醫屬也夫非以其術類歟蓋天下一切功術皆顯獨相術與醫術隱顯者見効常在効後隱者貴効常在効前故顯者常易而隱者難今天天下之安危治

雜著卷之七

十一

亂人身之死生禍福其標本從逆非盡目之所能見口之所能道也類有脉焉絡之古惟扁鵲飲上池水先見五臟癥結遂張大其言稱以察脉爲名後之人不善脉也而諱其不中則謂古人先望聞問而後切以揣摩參驗于萬一卽無論中否此三術者果盡目所能見口所能道者乎而又其下者則謂扁鵲于長桑君淳于公于公孫慶皆有禁方不專脉夫扁倉去上古近草木燔灼之道不備方固當有禁今既爾絲牛毛

矣豈有脉外之方可以嘗試者乎是必不然乃王君某者獨精脉或疏病狀別帝執君脉脉已而言其病一一如見病者至袖其狀以去其神如此春仲余婦病血衆謂病者體充盛多痰必利且疏之君獨曰否是痰也而胎于火去薪則沸止矣用苦寒劑藥之數服而中沸焦煩赤膚熱君曰無害是解微也已果解然君則謂此權計耳且復熾愈必以秋夫木實生火金氣勝木吾乘其勝而益之撲火必矣已秋而病復發君脉之則起而賀曰吾言驗矣病本失據而跳與客闕何能爲急當用補法蓋服近百劑而婦病良愈使如他人激而躍之沃膏助薪其害可勝言哉蓋天下有餘不足之情形參互隱伏其不可聲揣而貌象者多此類而人或不勝疥癬蟻蠱之擾思欲一剪剔之爲快盡學醫費人學吏學將亦費人則所謂不信脉之過也余嘗與君言今世醫多持兩端未有如古人立談決病起日月而病家服藥亦未嘗至百劑者蓋醫所以

雜著卷之七

十一

自任輕而任之者亦不得不輕如王君揣病辨
微斷然無所二三則余婦至今服君藥如芻豢
菽粟無所患苦而任天下事安得獨難但願天
下無以不任爲任使任病者與任醫者汎汎如
水中之木輾轉相笑無已也

黃蔡陽先生文集序

穆皇帝御極之元年以文體靡濫有詔釐正而
吾師蔡陽先生以精馴剛雅之文冠其鄉旋魁
南宮入中秘載筆侍從者二十年出而執圭秉

節宣國家寵靈于江海萬里外入而登貢玉之

堂

堂綴金華之席奏書天子膝前行且大用矣
竟中讒歸歸無何而卒子弟門人相與哀其遺
稿讀之其所爲潤色大業不過應制視草與夫
削牘牌版之詞共卷二十有五而已甚矣先生
之用之不盡于文而文不盡于是集也翰林號
稱內相禮遇最寵自唐始他不暇論如公之鄉
先達陸敬輿者當其爲人主眷倚卽宰相不敢
望而官不過翰林學士耳豈昭代禮遇詞臣

比唐宋加隆蓋三楊及彭岳諸公皆以史官參
與大議獻業顯赫故當時館閣之文重而體統
不得不尊其後官府日隔內者漸外文學侍從
諸臣往往腐毫需次無益梅霖雨之用而徒欲
提空名以踞諸曹之上難矣當先生時時已大
緼然迹其講席所敷陳咨咨本支嫡庶間猶能
使明主降心公卿動色而今何如哉一切重
言格論跪而進之當御寢門不啓凝塵寂然欲
如先生之不用其又可得耶蓋館閣之輕也有

自來矣衡生也晚步禁林之末塵未能識其大

者

者抑聞其所爲文大抵有所稟程要以簡栗深
厚應規入矩爲天下模楷自嘉隆以還二三蹕
厲跳盪之文出先輩所守布帛菽粟之繩墨與
之角而不勝則并館閣之文亦輕蓋世之好文
其矣世而好文甚則又有甚者焉易觀先生之
文其綴詞結響擬金考玉得文之華其比事傳
情衡今權古得文之實華實相宣彬彬乎旨而
深麗而不冶多變而整采錯而有章蓋清廟明

堂之上宮商諧雅頌備矣而窮陬下里之歌飲
山鬼蛇神之吟嘯騷人病客之怨思尚敢與之
分曹而奏乎哉惜矣是集之晚出也如文必監
梅霖雨而後謂之用卽陸敬輿之爲用亦不過
十之一二耳第使是集出而摘藻者遜其工績
學者讓其博向之踔厲跳盪沾沾自命者捫舌
相戒曰彼中有人則天下文章之體尚有所統
壹而史局之是非與人主之詔令且藉以俱重
吾未敢謂文之果無用也

張文毅公集

卷之七

古

重刻張文毅公集序

張文毅公集序
集刻于晉中久矣頃者公之
鄉人水部施君來權關許墅謀更鋟行吳中而
屬不佞衡爲序衡矍然不敢當也自念去公遠
矣審勿大業非晚進後生所能彷彿且不有二三
先生之言在乎是皆與公比肩事主其爲言也
常較親水部曰不然三先生履迹而尋聲則迹
爲主子揣聲而尋迹則聲爲主今所序者公之
文也子誠以意儀之爲我言其聲與迹所以合

者余謝不克則受而卒業焉其書記碑版之文
照耀視聞者不具論乃其含吐絲綸溫厚富密
則張燕國之雅裁也進講金華明白剴切則陸
忠宣之宏議也決勝帷幄淵達周官則李贊皇
之偉略也蓋公自束髮以至登用無日不討論
經世之業舉凡七略九流之紛綸六曹五禮之
鴻鉅莫不穿求巖穴羅絡胸次蘊之如索之貫
魚川之如矢之赴鵠不假材于象外故敷而不
浮不游意于理外故徑而不支不創體于法外
故重而不窳執是以往其批窾解卻不動聲色
而措官府于磐石之安又何怪乎蓋余雖不及
事公公之功在社稷者吾能徵之雖然當好回
鼠竄日瞬足躡時公翳射隼之矢睥睨躊躇其
旁蓋有察采不與聞而竹帛不及紀者矣則以
事徵文未必如以文徵事之親也文之爲用禮
樂政刑象其經緯君民事物叶其宮商夫午未
之際宇宙間一大轉移也太陽昡而復芒斗杓
冬而乍春二十年以來寧有佚轡無傾軻寧有

繁絃無促節猶相養相縻以長有此太平也則公之文至今在矣文之弊也弊于徒文世知侈虎嘯而薄虫吟於春花而賤綾縠唯之與阿相去幾何要以文忌有餘故甚文之地最先弊吾吳風華藻麗爲四方首而佻靡亦因之凡海內輕聲短調歎步冶粧愈變而愈下者其端皆始于吳吳之文不啻甚矣雖然試攷之名物以測其蘊當之事任以觀其才憾之盈庭之議以覘其識好飾者多譌肉浮者少立吾方愛吳文之

蘇山先生集

卷十七

七

吳也

丁大夫祈雨詩序

代父

豫章丁侯來吾州以忠惠牧民邑之父老咸手

加額曰吾州二百年來未有侯也而侯兩年禱雨事尤著歲內申侯旣步禱雨而應矣今歲丁酉旱甚禱尤苦凡數日乃得雨計侯日步十五里止飯脫粟一器薑醬少許耳侯每出父老立道傍睨視指曰此不益不扇葛袍而繩屨者侯也皆噴噴嘆有泣下者兒童爭走隨侯奔相告曰侯東謁城隍且北矣俄又曰侯至西潁河繫鐵牌鯉魚額再升送之矣歸乎曰未可知舍于公舍矣執漿而饋者爲誰曰市之孱民也飲乎

蘇山先生集

卷十七

七

三刻薄雷無風百里内外入地可四寸時日午
矣仰視無片雲也至期果大雨如其言于是邑
薦紳踴躍趨謝侯而亦奇所謂道人者呼問之
道人曰我惡能致雨能知雨耳吾向者固言之
天已許侯矣于是人又以侯爲不愚夫侯亦何
必不愚今有人束茅環艾以其身爲犧爲薪豈
不大愚乎哉然其效可觀矣夫人之與天所謂
觸不覺呼不答者正以其不能愚不能愚則彌
縫矯飾憧憧焉揣物情惜體面顧聲譽與爲民
之念參用錯出其爲政也華而不膏喧而而不
滲漉卽百姓駭魚鳥驟而天可欺乎夫惟侯之
愚爲不可及也夫老人須臾無死得見此盛事
而先是一月三殿災天子爲下罪已詔煥然
與天下更始而豐歲之徵應之吾又觀于天人
朝野之間而知吾州之宜有侯侯之宜有此雨
也鄉之薦紳賢侯苦侯者爲詩若歌頌侯而屬
余記其事夫頌義之闕久矣士大夫爭侈一階
半級之榮以相調飾而東先生神明之歌無聞

焉二三子之請亦猶行古之道也遂不辭而序
之

胸海唱和詩序

禹貢紀山川而不紀風俗何也說者曰風俗由
乎上之教也上之教下不過聚以序塾訓以詩
書庠塾詩書無地而無是也俗衰教末區區博
士之常業不足以叩發性靈而大啓山川之秀
法在有所以興之興之之責父母師帥共焉海
州古刻于國以仲尼之聖至遵海而問官其爲
神明之後被服禮樂可概見厥後干戈縱橫淮
海之濱豪傑並起而習俗亦因之而移蓋海州
之東南有胸山焉雙峯之下有泉可以飲馬秦
皇帝之所駐驂也其東南南山色黢黢列如攢戟
厥名盧石淮陰侯之所作鎮也又東北而小嶼
浮青孤壘戍削田橫之客之所依止也英風俠
節百世而下猶能令人骨騰肉飛感慨激昂而
不能自止蓋淮人勇悍習戰爭所從來久矣迄
于今而文治猶囹圄未興徒以連山阻海近咽

喉之地爲盜賊所睥睨識者憂之江右劉侯作
牧幾年于茲以文學飾吏治豈弟神明之頌大
洽海陬而吾師崑山顧先生適來署州學事相
得甚懽遂相與覽勝登高慨然作賦遠巡成卷
哀而刻之曰胸海唱和集倘所謂叩發性靈而
大啓山川之秀者其在斯歟周禮九兩之法一
曰吏以治得民一曰師以道得民今若牧若師
歌宮叩商以優柔平中之韻養人心而消客氣
禮樂其有興乎海之復變而剗也不難矣

猴山先生集卷之八

太倉王衡辰玉甫著

男時敏

婿李穀校

賀大宗伯穀峰于公六十序

代父

穀城于公弱冠入詞林以偉量鴻才負名世望
已丑由少宰晉位秩宗意有所不可懇疏乞歸
歸後廷推內閣必首公累推累不報巖棲谷飲
者又十三年始開六表云公主試南畿所取士
吾州爲僉憲王君縣令施君黃君就予而謀乞
所以頌公者欲頌公之文則天下聞且見之矣
余嘗聞緒論于公詞臣治詞如丁言耕婦言織
職耳不容自秘匿亦無所用夸毗爲即公文麗
星漢行江河不過唾餘耳欲頌公功而詞臣不
居功蓋必至身秉國成當大事決大議而詞臣
之功始見而時又有遇不遇者弘宣盛時都俞
一堂故三楊劉謝之勲爛焉比近世筌宰睽隔
青蒲之對不親溫室之樹難言一切匡主安民

之略約結不得自明而所可明者獨此去就之志耳當公掌邦禮不載其所敷陳未見施用輒堅乞身以去人莫不咨咨惜公且備責公曰大臣受主簡知居承弼之位事求可功求成是爲難耳若第以弛擔謝責誰不能之迄觀于公去之後大宗伯三易三不克終牘數十上求一丘首不可得而後知公去之難也非公去之之難天子許公去之爲難也意公高山大川之局量朱絲白璧之符采天子久知公重公度非區區爵祿可得而縻故姑聽公之自爲計迨其後縻之而得以爲人人可縻則主權重主信輕而臣志且與職俱晦矣蓋公之去也實以持儲議急與上意齟齬故假人言以行比數年後冊立大典竟以不爭而定公似爲過計而當事似有他謬巧者夫明主可與忠言可以身悟若第以術籠名使未之前聞善哉乎涑水公之序漢事也當太子危疑時第言留侯諫不聽謝病歸帝亦知大臣多不附如意太子遂定而削不

序四皓羽翼之功夫留侯左提周呂右挾叔孫通以其身爲四皓足矣又馬事四皓乎穀城之下黃石峙焉是留侯所爲葆祠而善藏焉者也公悠然抱石而吟俯拾紫芝仰視黃鵠留侯之心其知之矣今寅清虛席淡歲于茲端揆之地調不嘗之鼎食鼓不應之宮商彷徨上下間而莫可告語者則又不知幾年所矣蓋與公同年同館爰立者六人其登用皆先公而顧皆值天子深居拱默之時言不能百効一志不能十効一頗聞有佗僚無聊仰屋嘆者而公方以此時徜徉岱畎之陰汎濫洙泗之源尋留侯祠黃石故事托而逃焉迨一旦開平臺朝玉帛而公始翻然應夢卜之求此其氣蘊風雲身負日月所建豎必有大殊絕者天下宜莫如公之用又何論用之蚤不蚤也余與公先後史局相得甚謹當分黎夜校時公讀史有概往往擊案而歎曰準古者莫若今今之貌生面者如畫鬼魅竹簡遠矣其賢其否何必盡然余心疑之至于老

入劇場躑躅于宮庭上下張狐負豕之變而知
公言之有餘恫也雖然亦會其難耳如公養高
味道以待時之清出而班乎禹臯之間時容接
于庭羽于舞于階則公竹帛大業有日有耳者
皆能咏歌之更無所發古今之慨焉矣

壽少師瑤泉申公七十序

代父

去年余七十少師申公來壽余余適有所介介
爵倚不飲樂懸不作讀俯觴之詞不能竟數行
以別今年公七十余強起壽公則衮衣舞于堂

蘇山先生集

卷之十

四

上鸞笙鏘于房中子孫之紳者笏者弁而髦者
各次第起舞進千年觴蓋斯干之詩不待祝而
賓筵之履不暇錯也余退而羨公又且媿公初
公六十時余躋堂獻言以名不勝實爲吾兩人
得福厚薄之効語不啻驗矣雖然猶以爲臆而
無徵也請徵之書自古言福莫備于箕疇三德
首言正直矣繼又申之以平康正直夫孰知平
康之所以爲正直乎世之言直也以矯平而得
名馳傾軋閭險道故古之正直者神錫以福而

末世往往與福違夫平陂相變如轉轂然無陂
則無平非厭陂極則不思平青天白日鼓舞其
下者不知樂也轉而慕夫崩雲激雪之奇叫震
渴虹之麗迨夫塗潦興潑穢貴而後知青天白
日之不易得也故平康之福雖不欲使人見要
不能使人不見斗杓旋乎象始箭管噓乎無聲
則非口共酸醎身嘗疾苦者不得而知之蓋余
自未壯附公籍晚而共忝國議三十年如駉之
附服故知公爲獨深吾嘗儀公練達政務功表

蘇山先生集

卷之十

五

救時如姚元之密調官府剪除城社如王孝先
含茹黑白羅彥才爲國用如韓稚圭固根本別
順逆以長策制虜如趙充國彼其忝合人情權
衡國論聰明才力者猶能辦之而吾獨服公于
中旨迫側衆咻紛擾之時不懣不悚卒然而應
若然而中其窳信口信筆之語有更數千言不
能盡而數百載不能易者蓋天下事平心而揣
則脉絡明平衡而治則差數觀平氣而調則節
奏和公先無毗陰毗陽之氣橫于中無溢喜溢

怒之詞錯于口矩運規旋惟以國事爲的故得失毀譽之衡千岐萬徑人且前且却而公已儼乎立于四虛之途坦然馳騁而游矣是之爲平康是之謂正直夫德險陂象以險陂德平康象以平康以類應者也與人險陂亦自與以險陂與人平康亦自與以平康以類報者也其又何怪焉蓋當公新執政時天下初脫于東漏之苦如飢者之思餐寒者之思纊公一切以柔道贊上暢和沃醇錫天下以平康之福天下受

卷之七

七

之未十年而僂有口者求多于飽煖之外以平康錫天下天下不受而公且歛其餘福以退矣迄于今公健飯健游視履如故而天下偕偕多事寢不能如公在朝時甚至當事者執七而不得調辟人批政布塞朝野而天下乃益思公先是公歸時儲議猶未堅決少年有求多于公者比歲冊立禮成上特下璽書存問獎公以忠言至計而天下乃益信公而公之功豈至是始暴于人心耶則吾所謂平康之德善藏其正

直于聲色之外不責券于人而責券于天者也今余兩人隱深矣三十年立朝事業茲盡付之邯鄲一枕中無所置吾喙矣公休休然落落然入簪珥之群如狎海鷗御鍾鼓之樂不異土缶而余踽踽畏影視冠服若枳必裂去之而後愉快夫公分我以餘福而我不受則且柰何哉每見士大夫蹙額時事不能無王季孫之憂及見公杖履儼然有盛時赤舄大臣委蛇在公之象則欣然而自慰謂吾吳有福星在也而福一鄉

卷之七

七

又必自福天下始使盡如不佞窮鱗鰓羽以一丸泥自封卽香山洛社之樂亦焉所從受之余故頌公無遂忘天下且一出而返陂爲平以餘福福余而區區木石小年野人逋客之致且未敢爲公獻也

壽京兆馮救齋先生序

代父

余居海上習聞華亭有孝友淳行君子曰勅齋馮公比余晚歲與公有姻連益知公詳公父廷尉南江先生在世廟時以言事得罪且不測

公時方十三歲日跣足啼雪中刺血上疏願代父死廷尉竟得免而公以此名聞天下迨長行孝義益疾力其事廷尉鷄鳴問寢問侍至夜分始退四十年如一日也有弟八人皆子字之以迄成立衣食其三族之寡者與交故之老而無歸者不給至爲洗素以供與人媛姝有恩意每客至延問里巷疾苦眉瞋蹙然居常不爐不扇歛膝危坐以讀書咏詩自課余居京師常詒書戒之謂七十老翁宜且觴酒豆肉婆娑里社中

集山先生集卷之八

人

無爲精刻自苦如此而傍有習公者聽然而笑曰公憂馮先生衰乎馮先生未衰也吾見其鬢髮鬢黑善噉飯饅而行常先其後生坐于飲酒者之側竟夕不交睫也余私心異之迨余得請歸沐公時年七十三兩肅衣冠過余余兩在病扶床候公盖余少于公十餘年而衰且不啻倍之矣嘗私計公非有他謬巧可以私其筋骨卽如旣醉閱官之篇所云景福萬年昌熾耆艾者亦願于天而未必徵于人徵于人而未必徵于

集山先生集卷之八

九

人人蓋天人福德之際一彼一此雖如存鼓之必鳴筵尊之必咎然終有兩物存焉吾以爲人壽莫若仁仁與人爲一仁生也深求隱惻肅括而安者生之主也人惟此不仰造化不藉萬物故其道可以久存今之達者亦知耳目鼻口之爲寄矣而反尊事其所寄亟亟然醉醲飽鮮徵絲選肉箕踞而號披猖而行以是爲快意當前者是形神兩弊之道也就使快意果當前而常苦情盤景遽汲汲有馳快馬逐晏日之心則其鼓缶也必不歡夫以是爲樂予不能知之焉如馮公者當其爲童子時遽已當天下大憂怖大險艱處之而不懣不疎則竟此生所遭號咷萬變無非坦途而其素所持事親交友處已當官之節又如饑食渴飲非有一毫藩飾勉強其間不如是則食不甘寢不寐日夜孳孳計過無憾而後安是亦馮公之樂也夫人精神化于物爲萬化于官爲五攝于心爲一聚則氣與聚散則氣與散柱逸而靈樞勞而完物理固有然者在

昔聖賢如舜之獲粟禹之胼胝文公之勤武公之抑皆辛苦爲人計其居處奉養之樂真不如監門廝養而壽皆不下百歲夫百歲固不足以壽舜禹諸君子然亦何必外腹中稿朝笑暮號楚楚如蜉蝣之羽而後稱得意乎余顛愚自守苦不能自解于天張閱世五十九年歲以貶顏殘髮蓋岷然有憂生之嗟歸見馮公勤已取足刻身立行而神稍稍引以自寬而又心媿其不逮因爲粗述形神聚散之理以明公所以得壽者在此不在彼若其家世以名德發祥哲嗣以文章趾美則縉紳大夫艷稱之無待余言矣

壽樊封君崙川先生七十序 代父

黃岡樊侯治崙之四年以政治民淳報最而其尊人博士崙川先生來就侯養則且七十矣業已盡謝賀客乃獨私于吾州玉駕部曰君之視不佞猶不佞之視王先生跡非驩也顧惟長者于苞苴竿牘外器人倘爲徵王先生一言以壽

老親不佞不敢辭問伯致侯命余曰唯唯余不能知先生顧曾識先生伯子御史君于朝獄獄奇上慷慨好直言恨非久別去而侯其季子則余所爲朝夕宇下者也知其詳侯羸若不勝衣顧獨精吏治其爲政大抵以勤輔敏以簡居廉日食惟一盂菹羹兩淪卵辨色視事至丙夜始罷無倦色也士民勞苦侯伏屏榮間竊窺曰吾侯無乃菜色而無何先生至則大喜曰兒今飽矣將無此養有餘饒乎既而按其日入自豈美淪卵外無加簋也則異而告余余歎曰有是哉此可以知其父矣居有頃得先生崙川集讀之無論其文詞淵雅不遜古作者乃其集首移封疏蓋先生憫祿之不逮親已當受御史君封而請以移之也又其末三爲書戒御史所以致身報主不援不阿之誼一篇中反覆致意焉余又作而歎曰有是哉此可以知其子矣吾嘗有感于周漢之隆也一田山漁澤之子皆得以其才自效于人主之前其後稍稍不盡效而類有

所寄托而後傳當其時環堵老生抱一經以教
授弟子爲名公卿者不可勝數卽世下衰而泰
山太守尚不敢稱名閔于先生之堂蓋其尊如
此迨後科目興而師道遂陵夷不復振卽成均
之長所號爲天子之國學者亦不過執簿呼名
鏤鉛槧營青紫而已而況其下者乎蓋至于今
羔雉盈庭夔立而地進者師也非師也而第陰
以其權內統于父外統于吏故師職廢而師道
尚賴以不亡以先生之賢也五經紛綸膏唇載
集山先生集卷之十一
腹顧卒以不遇而以資謁選爲博士僅僅欲以
學官之芹藻光俎豆而榮詩書斯已難矣然則
先生之道竟將無以自致于天子之前乎將遂
以無所托而不傳乎固疑其有不亡者矣而伯
季二子果相繼成進士以循良名如侯崇齊砥
礪以師帥民民相與騰口頌侯侯必拱手而謝
曰某不敏翳老父之教嗟乎蓋至是而父與吏
之權合而先生之師道始尊此孰與夫端端執
經問字私其芹藻于廣文半瓊之上者哉昔者

詩之壽文王也曰遐不作人彼樸棧小村薪之
樵之猶有窮也惟夫父之教子曰貽之穀穀自
滋自殖而粒而食其由願之利將鄉之父兄子
弟斟酌永永又寧必仰食泉而止渴假菖苓以
引年乎吾以爲壽莫壽于此吾不能知先生也
則請以吾侯壽先生壽先生矣

壽陳蘄石先生序

華亭有隱君子曰陳蘄石先生蘄石先生有子
曰仲醇仲醇少負異才援筆萬言立就類非人
集山先生集卷之十一
間語世亦謂人間甲乙科不足以盡仲醇也偶
平居有所感念遽棄去諸生與先生石隱亭
市學士大夫聞而高之爭懷刺束脯求識仲醇
而不可得其明年先生年六十則相與爲詩若
文壽先生以寄其景慕瞻望之私而素與仲醇
爲心交如衡者顧反闕焉或怪問余余默不答
徐曰諾余有待焉耳又二年余始東歸歸而親
起居蘄石先生乃敢以一言爲先生壽蓋仲醇
之初棄諸生也余貽書責之曰子奈何自甘藜

藿腸而枯槁專人爲仲醇且爲言先生不心動
狀甚晰而鄉里人至郵傳其事爲美談仲醇請
罷諸生日日高春未卽起先生蹴之曰咄鷄肋
在而口欲吐則吐耳趣起畢而事旣得請或有
唁先生者曰翁慎無戚戚如翁之未有仲醇時
也先生笑曰不然吾今日始有吾兒耳余聞而
驚喜相告然亦竊竊疑人情于貧賤富貴蓋難
言之老則倍添兒女戀少丈夫勇蕪石先生又
赤貧仰仲醇爲食息詎一旦脫洒至此其所云
云意仲醇欲孤立行一意而陽奉其尊人爲名
高也又意其鄉人奇愛仲醇不欲傷其父子之
美而兩護之也又意先生不忍奪其子名強自
抑割而不免于書空彈指之惜也乃今則親
見先生矣容色加澤髣髴不爲動皂帽白袷揖
讓冠紳裘馬間意氣休休然是豈強爲自得容
者蓋蓬髮軼齒王儒仲且掩被羞兒子而矧其
下焉者乎人之愛子縱爲純爲憤誰能聽其所
如朝隴暮蜀至于眼枯心死而猶未已者比比

也微倖百有一成則持其踵而泣送之祝曰汝
幸無返食前有五鼎而膝下無捧觴進者于其
中何能無槩然况把袂泣此前苑後枯駒隙決
驟間憂樂之相乘也豈有量哉曷觀陳先生父
子相忘于道德常如嬰兒孩穉自爲媛媛姝姝
父醉子扶子歌父嘯羞其葵藿而有牲豢之甘
服其縕絮而有紕縠之華不復知天地間有可
喜事憂患何從而生憂患無從生則千百歲之
日猶今日之日也且人第能以筐篚餼牢爲壽
吹笙考鼓爲壽惟子若孫者能以顏色心志爲
壽倘先生中有所不足吾曹卽日陳箕丘潁川
之義奏偃佗安期之術要無益損于先生今先
生日吾有兒自今日始也則以一仲醇壽先生
足矣諸君無多言

賀支改齋七十序 代父

余少識支君改齋寓京邸二十年以兒輩托命
于支君又心高君之誼相與甚謹時君少壯能
自致功名其晉秩太醫院吏目也余爲文賀之

支君沾沾喜嘗曰王公知我勝我自知比余再廢再出今歲爲己丑支君且七十而余亦老矣君年卽七十常如五十許人善飲噉手持大白與人喁喁笑語竟日不言倦時過視予所居去予邸不下五里每每謝卑而徒客詫君老健以語予曰吾乃知支君誠良醫也余曰子何以始知支君也客對曰支君游燕而爲顧顙醫耻道中變守其說甚恒人且遂以顧顙名支君今觀支君杜門自壽朝服方寸匕而顏如童子老子

蘇東坡先生集

卷之八

七

固曰能如嬰兒乎支君殆嬰兒我也支君則誠良醫也余笑曰是知支君矣而猶未深也余向固言之矣以郭玉鄭高之術然效于微賤訓于貴人而支君獨的然見效斷斷乎可以伐病惟其心無貴賤彼此于其間也非徒術而已天下之損人莫如欲欲之于人也如炎如水如構如閹今夫千金之子竭蹶射利沐霜露而死者爲重精也冠紳嬰組之徒苟賤不庶時有趨承亦時有縱舍方寸如絲紛墻負而不能脫然者以

所畏與愛存也而況其下者乎若夫醫之爲業則彌下也矣提囊挾匕側侍于貴人之門惟恐其不得見也惟恐其釋我而他任也一心模病人又一心以中主人左右手攫利不勝其營惑驚怖故其中于人也爲藥石之賊而中于己也爲陰陽之賊賊等耳若夫支君吾知之熟矣士大夫不欸門而請也君固弗出至則爲之摩畫可否卽不可無依違立于市門三十年蓋其活人多矣而不責報也居常早臥宴起日挑取床

蘇東坡先生集

卷之八

七

頭錢市米一合菜二束果然就飽而已稚孫子苦饑繞君膝啼君終弗顧曰咄乃公豈能爲若輩役蓋其生平自愛重怡養而取適已類如此語不云乎物壽以性人壽以仁君挾仁術以潛沐滙澤而又不滑其性于俯仰趨避之間于子焉以其道爲人因以其緒餘自爲引而將之寧有既哉是乃支君之所以壽而已客又難曰夫支君既足以自重矣而又奚藉公金華殿語以爲重乎余曰不然夫支君殆有取于余也士惟

其知已而已固不必予言亦奚必不予言因錄其說爲壽

壽勅齋馮太公八十序

代父

公十年前余曾爲文壽公極言公老而敬勤爲上壽徵今年且八十矣而精強如七十時客以予言驗而爭向余誦公有曰公自數年來不舟不車足必步日量腹而進湯七精謹如此是固宜壽而又一客曰是知公粗者公幼年受致虛靜守之肯跌坐七晝夜真氣氤氲升降恍惚見

蘇山先生集

卷之八

六十一

嬰姪形腹中作琴瑟音聲聞數十步今膏養加密精神加專雖攀松附喬可也况人間壽乎余則曰不然予知其一未知其二子謂公封戶塞兌廩廩不妄言動爲尊生乎則未知公十八童子時背負斧鑕咋指出血上章代父罪赤脚號長安冰雪中彼時慮豈顧生哉侍御公以此得生選里中公又陰相從更爲德于鄉甚力至今內外三族粥饌衣食靡弗稟仰也此古所稱昔城休老者所不暇也且而謂尊生適生勤劬以

蘇山先生集

卷之八

六十一

勞生有二道乎今夫生傳舍也然傳舍一日不糞除繕修則弗而不治故人莫患乎有傳舍其身之心盪搖其精漏泄其神明破敗其藩垣鎖鑰而跛羊牧焉則傳舍安得而不壞且夫人自少至老何日不寓傳舍中欲跳而莽蕩之野以爲快匿而與安之地以爲潔非但速壞勢亦不能凡公今所爲靜而導養動而拮据若護家珍若乳驕子者皆傳舍中事也昔叔孫氏館舍雖一日必葺其墻宇去之日如始至若公之傳舍日塗其郤基樹堅綢繆固飲斯食斯寢處于斯豈有窮已乎余又有感于公而歎養老之政廢也古三老五更不聞序貴而今令甲職官九十非二品不得賜存問抑何異歟抑其初無碩德重望者以當此隆典而後遂沿以爲例歟公與宗伯陸公同里又同舉于鄉皆以明德爲世表儀今年陸公且九十矣行部使者會將代天子舉執幣之禮公于年于位雖未及格而先走公嘗以獨行被中旨命郡邑大夫歲時禮于其

廬後此十年安知不有特旨存問如陸公故事而使天下復視唐虞三代之盛也則不佞庶幾見焉

壽王母李太安人七十序

瑯琊王吏部同伯母李太安人登七十二三通家子既謁余文爲壽邇其家世之慶授之意矣已而緒紳諸君復有請也余曰嘻若何以壽太安人太安人受木义戒有年所若卽欲爲烹肥黔酌兕觥而太安人已絕不近鮮旨欲爲鏤金

感繡以望輦悅之末塵而太安人且綈素久矣欲爲微魚龍曼衍之戲極吳歈荆豔之選而太安人守閉目不觀爲公案有心而無所效之蓋先是封章下時吏部君以綸翟至也尚至今貴簾筒以兩弁花月之勝板輿既駕且却坐不欲前而况人間尋常俗豔又何足以辱一眄乎念太安人既他無所嗜獨嗜禪則請以禪進或謂太安人性喜施經言施一燈一縷者皆得作佛須施布金于此而六欲天官已屹然于彼矣其

何斷于世福或又云佛言食施功德有五供僧功德有七計太安人歲所飯苾芻及所供資糧屏饌若而人以若而人衣食因緣爲太安人衣食因緣寧有涯量乎余皆謝勿應或曰豈以安人尚有所不釋然于施乎吏部君望實高一時意有不可歸修溫清之職率其諸婦諸孫脫簪珥質袍笏以助母施太安人如飽而饜如酌而取日施日喜日喜日施此于養志導年其猶不足耶余始啞然而應曰足矣吏部之爲子具矣

壽王母李太安人七十序

主

顧以太安人高明識道理豈不了般若大義而屑屑此住色布施爲夫天地一檀越也天以富貴福澤施人人自以其量受之受思報報思予益損之相權羸絀之相還天之道也瑯琊氏之鼎貴四世矣德業文章之炳耀甲第園池之鉅麗至弇州先生止矣茂以復加矣而吏部君聲華意氣又似欲過之太安人故早躬執謙以終澹泊之教當其篆烟飄然磬聲冷然歌鍾沸管謝喧入寂筆豔文潤擗慧歸定于斯時也浸假

木石不登之仙爲魚鳥不貸之惠分賔從一食之費爲僧雛千日之糧淨業日增塵埃日減此其爲王氏息黔補刑大矣不知者謂專倚此爲多生之津筏不已過乎且吾聞太安人非官然忘世者也子若孫冠履不飾不敢以狎見諸姑而進食佩聲珊珊然薰修之暇常擇吉而坐擇趾而步未嘗爽尺寸夫此佛戒也亦儒矩也太安人之所攝受遠矣耶耶之澤千百斯年則請以太安人爲教母

泰山先生集卷之八

七

賀大中丞念翁晉老年伯七十壽序

洪洞晉公納中丞節歸之幾年春秋正七十其子某與不敏同進士請以言壽不敏唯唯退而徵公之生平其以封司署選事實當銓政穢濁之後立選規俸簿倖門爲之一清尋出而憲河北備兵固原礦賊猖獗皆不動聲色以次就定由是循楚憲晉撫西夏折剪王馭降夷靖亂兵若善御者控縱在手而塵不揚也已謝事歸里則又修宗範置義田以睦族瞻死喪恤孤寡哀

故人之不能歸者孜孜爲善日若不給蓋公嘗著無思銘云或謂公跋扈中外砥礪倫誼事事皆出緯繹正與無思反而或曰非也公靜伐籍甚未耄而致政恐明主拊髀思鉅鹿且以疆圉之計奪吾丘園故初以有思奏功而末以無思替之自放于枯槁寂寞以示無用乃余獨以爲不然夫天下必枯槁寂寞而後謂無思耶周召以降著旂常勒盤盂者代有皆憧憧焉爲人役久勞其生而不知歸者乎聞之古人不期于

泰山先生集卷之八

七

有功不得已而功成天下受其福蓋遭時偶變而非預爲思以待之故建豎廣而神不勞今人之已亂生亂化無事爲有事其端皆起于思思矯厲飛揚而不軌于道故往往以國事爲管攘人之成而倖其敗有如晉公思傳位位傳事第以疏穢鎮蠻舉若職而止雖功滿天下何思之有姑無論其他卽其在河北時有告礦警者陽朴之而潛緝其魁盜止不發固原寇內訌幕下將奮欲殲之而公固不可曰吾不以人命易功

名此兩事者非今世疆場之吏所攘臂而爭者耶公磨治角牙使皆聽然戢其獸心受羈絡于我以比于摧敵功不啻過焉然彼之背原燐野燒鹵獲以自爲功者居然受也延世世賞橫王

卷之八

卷之八

卷之八

蓋世之降也人不知進有無功之功而強求功退有無事之事而強避事故進者每甘爲躍冶金用夸謾贖其任而退者第以課魚責鳥爲勲績不能爲鄉黨重輕至其下者營利已耳夫公之功與事則既歷然矣而與世俗之所保者何其殊也今而後家承再來爲國家瓜距腹心者惟公又不然而憫勞以政侶漁樵課子孫以自愉適亦惟公揔之如春秋冬夏四時行耳于無思之念無所甘淡增損于其間夫有思者所以之人無思者所以之天蒼蒼中所爲課功考事而陰陽相協者亦當與人異今公年登耄而神爽滋王平格之壽尤不足以窮公公之子孫又皆賢而有文先成進士餘亦濟濟鴻序間以

視世之矯厲飛揚艷浮稱而說橫拜者所得孰多夫無思之畸于人而契于天也吾乃徵之矣
壽沈封君憶先翁七十序

蓋臣之于君東西南北惟所使分也竊獨怪北山之詩慘慘告勞于出入風議者若深慕焉不已怨乎乃君子有取焉曰憂我父母也不忘親也然吾意使其父母本恬榮利常充然有芻豢之色而爲若子者於軒車鼎食外別有所以安其親則其焦瘁而不平宜亦不至是吾以是而有感于沈封公父子也封公子選部郎日峯公故奇士有揮霍異材顧其事父母獨逡循若兒孺子自少至壯館穀官俸所入一籍而獻之公公積纖嗇起家稍斥其餘治酒脯召賓客劇飲爲樂客乘間廣公意曰其所有奇貨可居足當公伏臘費公搖手却之曰吾食吾子祿腹果然矣亟呼觴浮客而選部既久貴髮且種種尚無私囊篋一襦一袴必稟乃公非公命卽鷄黍不自具也蓋其父子間如魚鴈鳥哺忘適之適一

至于此嗟乎世降俗偷如古所稱反鮮之母不復可見貴人父往往倚勢以削私自營窟穴而貴人亦因以簞簞敗又或陰裁其父以余甌其名蓋父子之間有市心矣是故父之愛子也其之官必含涕而祝之曰幸必無返小失所望遽怆然而無聊嘻此其視公何如哉公之視釜鍾之奉不啻升斗也視其子之枯槁澤畔掀沼芷而羞江籬不啻若官厨法醢之羅吾前也則胡以度越人情如是蓋今聖世急求才寬使過以選部才望休沐子舍計所直猶勝鞅掌之大夫理自無長沙夜郎之感而要非其父子間果有以自樂者未有能漠然于茲者也今公年且七十矣飲噉步履不少衰沈氏素患單傳去歲公與選部各舉一子遂并祖孫而四夫大年小年之別久矣楸梧之老乃大椿苗芽草甲時也今公孳穀伊始弗祿鼎來計其景在方中未艾之時乃欲以鼓缶樂之無已遽乎客相顧而笑因之沈氏致詞焉

壽中翰洞庭嚴丈六十序 代父

蓋不佞于洞庭嚴君而深有愜乎古今之際也正嘉間公卿之世胄不窺詞門日夜徵逐于醴鮮易冶車裘狗馬之場以爲樂栩栩然自得也其甚者至胥墨無章藉市權勢薰轡天下天下亦以爲固然不之怪蓋放濫至嘉之中季而極其情情讀書好古修檢柙敦禮讓者自太保養齋公之子洞庭嚴君始君以丁卯舉于鄉屢上公車不第晚以文藝高等選爲中書舍人其數十年曉窓夜燭嘔心腐毫之苦曾不及曩所云徵逐者一日之樂而其名位雅不能相踰吾未知其孰爲勝也且太保秩宗伯晉揆宰時君皆從侍大而宮庭密勿之所敷陳次而甘泉泰時之所讚述強半出君手靡不當上指厭衆心者才至于轉天子宰相所不逮不可謂不用君當今之時天下不以徵逐醴鮮易冶爲得而以君之讀書好古修檢柙敦禮讓者爲賢其得薦則鼓舞而樂道之不第則曰惜矣惜矣失此國寶

矣然則君于世亦不可謂不遇也南北山之喬梓一俯一仰俯主施而仰主受有如仰者不安襲天休而矯焉欲自拔出振撼于雨風霜雪間造物或以爲不祥之材夫木再實者根必傷實大盛者未必庠天之道也人知用之用而不知不用之用此君之所以熾而昌壽而臧也

壽蕭母曹太夫人八十序

惟蕭與吾王氏蓋有世好云余社友曰蕭元卿元卿之兄若弟皆吾王姻黨也余同社中元卿

蘇南先生集卷之八

七

最少頽而玉立聲如洪鍾相共目屬之顧數奇辛卯丁酉兩登解額矣而兩不果今猶纍然諸生也歲癸卯八月太夫人開八袞元卿方就試都下屈指撒棘距夫人懸悅之辰纔旬有餘日耳同黨二三子謁余文爲壽余笑曰是月也于卦爲臨君子道長白門柳汁且染元卿衣矣曷不少待俟元卿聽鹿鳴而歸以賓筵之萍蒿佐太夫人觴乎客曰不然夫元卿惡乎待以太夫人占之元卿之達也天命之矣今夫薨華甚都

其鮮脆至不能受朝露惟夫千丈之松生于嶠巖之下霜封鱗雪蛻甲者千餘年而後根化爲茯苓脂凝爲琥珀松之獨有茯苓琥珀以其有松之年也今太夫人閱世八十年其間內懿行不具論獨計其相瀛山公宦學半世其炊玉薪桂紫茄白苧之味所咀茹幾何有四丈夫子且育且教以迄于今其寒灰勞竹辛苦相對又當幾何此其憂生之感不啻深矣而歸然獨存似爲天之所留非偶然者夫福留則有餘用太夫

蘇南先生集卷之八

七

人當既老之年而隱然蓄有餘之養此非元卿何以致之吾故意元卿必貴元卿之前而且却也歲在卯今又一卯矣月窮于紀終則復始天之道也吾故意元卿之貴必以今月然則太夫人乃似爲元卿而留今日以後之樂不足以償前日之憂壽固當未艾詩不云乎且以喜樂且以永日雖然喜樂亦會其時耳有新而故有故而新大抵屈伸之變相推使然憶吾同社七人其四人雖已宦達類不能無陟屺之思卽余少

元卿又四年遇稍晚而吾母且不克待矣顧安敢望元卿元卿自是偕計吏非行效節官下太夫人燕喜方新舍飴弄孫無天涯游子之戀以爲元卿憂是元卿之科第天又若爲太夫人留也而尚恨其晚也耶余善其言敬書以觴太夫人并以爲券

緱山先生集卷之八

手

緱山先生集卷之九

太倉王衡辰玉甫著

男時敏

校

婿李穀

存雅錄序

余三不試南宮廢咕嗶且久而客有以坊肆時文見示者余色然駭曰異哉我真大忌耶乃旋目而思與昔年所見開絕不類既以先進爲未足又汎而索之左國史漢勞而探之老釋諸子方內外之書而槩乎其未有合也乃又喟然而歎曰嘻文乃至是耶夫佞人之害至覆邦家而聖人斤斤焉首之以放鄭凡以審音先知言後自雅亡而流僻邪散之音作人心感焉於是其辭喻訛譌張其術回齟縱橫以爭售其矯欺而世卒移於叔季是故聖人慎救之夫天下之成文比律而可以歌誦者皆音也蓋代必以人主精神所注嚮天下人所共肄習者爲之端符若漢之文唐之詩盛衰世驗而

我朝獨重經術他著作不足以當之則時藝是已方其初也天下問牋故常慕新奇而新陳之相化無已時有司與士子或且棄且收且却且前如不得已者何哉風之成也又數年矣老者歎少者慕弟子漸爲師且盡釋忘其羞惡而惟耳目功利之是趨天下寧復有文章乎今夫邯鄲季姬日語眼笑行步顛顛然自以爲至姣也吳趨輕薄兒巾幘鮮明搔頭弄姿自以爲至麗也奸民幻師衣羽衣坐木鶴目精睽睽揮摩而談家風自以爲至曠遠也苟其介然處於靜女貞士之間目擊夫縱笄冠纓之綢繆詩書禮樂之敦篤其不汗流頰赤怵怵而不自容者無幾矣余又有慨於中適見架上有所歷科試錄遂稍以意評選自隆萬而下得文若干篇命曰存雅錄吾豈敢必雅之復興乎夫古樂之廢也黃鍾且瓦棄而後世有考其遺聲者至一錢刀車鐸之爲競競蓋廢之甚易求之若斯之難也則夫是錄者雖曰存之可也

會元文選序

余嘗論昭代之時藝與古之詩文于以徵治一也昔季札觀十五國之風而覘其盛衰大都樂戒荒直戒佞迂戒淫行戒流以律于今之文中札所陳何等也有司者患之既申勵功令弗悛則嚴爲之誓取舍已取舍出或與初誓左而士益務與有司之今左于是其文益放淫散而無有紀繩竊恠國家當純龐盛大之時士所爲先資之言不宜至此雖然三軍之上金鼓百而中軍之表一耳苟不惟其一而惟其百則數百人中其舍我馳驅旁出而不雅馴者固有之矣乃若舉首之文類皆簡明爾雅能盡而能爲不盡自有貢舉以來其多寡廉縟險易疾徐之節百有餘變而不變者固自在也蓋當天下宮商雜進耳聳目旋有司不得不迫而就士而于千百人中求一人焉爲之表則權衡錙兩用而力常足以得其所求是變者其氣運推遷衆寡不敵之數而其不變者則我

國家純龐盛大之治自不應蕩僻邪散遂至于此而非一日之綱果足以得魚也則天之猶定焉故也然其不絕者如綫矣余不敏欲諄諄絮先進以繩時俗弗克也而常熟二錢子獨哀選歷科榜首文刻之而謁序于余夫語人以去甘肥餌木苓鮮不失笑者誠告之餌苓术者足以致生倘其改轍而進乎夫士誠以希世而已則曷不從有司所懇求者而顧從其所迫而收者而有司無亦慎守其區區之權衡無使有力者負之而走哉

墨卷選序

士之患大抵在養不足而才有餘當局不足而局旁有餘爲天下用不足而名天下有餘惟具此三不足而具有餘者一振暴而無味則有餘亦化爲不足而真儒之效無聞焉故先王以實爲衡以世權之或以不足矯有餘或于有餘示不足法不同同之乎救世秦漢以後考弟力田經諸科豈不近本實實衰而文代之文盛之

弊爲張爲靡才雋之精神債滿而不可抑而不知所收故其時因而尚詩賦而故爲重道限韻裁其樂淫哀傷之流而酌之于規矩使詞窮而本根見謂詞賦之異于選舉非也我朝得宋之制以經藝取士其體彌卑其嘆徑出沒爾易尋而其道彌切于日用謂經藝不如詞賦亦非也學士諱經藝之卑也托之乎經術夫經術則論策具矣乃其經藝本放之會文切理循守括帖要以如律而止蓋深乎其有意焉謂經

藝足以蔽經術亦非也先王豈不知是莠莠者不足以舒豪士之氣而極才人之致哉蓋常習禮于成均矣彼班而升揖而降聚章縫而句讀之是奚足哉而先王以爲非是則不足以磨鎔天下才人豪士之淫志客氣而盡爲天子之用故夫經藝之科之重也猶之乎成均之教也無當于言語政事而以中和樂德教者也是故當其盛時士卽平居能爲儼儼恢恢而不敢失累黍于場屋意專于媚天子而未嘗苟爲論以駭

衆庶故士風淳茂而不滿乃今天下何多岐也
經無專師惟吾意所欲出矣而意反不自了其
取材之濫至不擇裨官外典而後乃并其裨官
釋典而創爲之厭薄章句抗而譚名理經濟矣
而其成就又不逮章句如欲米而惡穀舍後而
未有岸也嗚呼不足者如此而有餘者若彼古
今之變豈獨文章哉余友逸季精能此藝雅自
負倫鑒選得墨卷若干首懸計所蒐簡不免就
世變爲遷移然以彼有餘之才而不足者是墓

卷之九

六

北虞先生春秋稿序

嘉靖中北虞邵先生治經術以奇偉震天下且
與唐瞿兩先生並列而三顧卒老于南宮不大
售者竟以奇故也今去先生甫三十年而先生
之文奇者復化而爲平矣先生生以其文與肉
駑庸靡者角而實不勝沒以其文與鱗鼓鬣張

者角而名又不勝傷哉先生也雖然膚肉不自
年蛻鱗鬣不十年蛻而蛻骨猶自香也先生之
奇固自在也先生之子兵部君刻先生春秋稿
示余余受而讀之蓋春秋于五經中號史書豪
雋所馳騁也而先生猶尺寸不爽如是夫春秋
非孔子之刑書也無已而辱之刑書以胡氏爲
律令則亦曲直傳之如律令而止耳斷不宜輕
有所出入愚妄謂治春秋者當如老士師獄書
不當如博士小生論議擬說是非連引傳喻縱

卷之九

七

橫圖轉出奇無窮論議之體也上服下服斷斷
必麗于法無奇請無他比者獄案之體也故治
春秋者氣與其驕寧平詞與其虛寧實局與其
圓寧方韓子曰春秋謹嚴非徒謹嚴于堂下而
已也爲堂上人設也知此可以言先生之文矣
治春秋如春秋是亦足以奇矣

李茂才文序

茂才年十二三落筆便驚人試童子科郡縣皆
第一余以諸生就試亦然而至皆爲王者所擢

落又十餘年始先後舉于鄉第達常事不足道
獨怪吾曹平居視第一稿葉耳比博十月旦小
低昂卽五色無主閉心自噴師友父兄刺刺相
戒亟改轍而從之噫何怯也余于失意時粗能
排脫然戊寅以來文不免三變迨得薦時姁姁
軟語少年壯氣盡矣茂才所遇大略如不佞而
其文獨曲直自如勃勃然靈擁筆端泉湧舌本
有摩空受雲之勢蓋若瓦注功名而駟掇之者
夫瓦注而掇功名則余之三變徒矣任天下事
以氣小知在此大受亦在此請并以壯茂才之
行

董玄宰文題辭

文者文也譬之於木無論大小曲直咸含有文
理從其文而琢之則加工焉磨之則加瑩焉繪
之則加采焉要如其文止矣自雕鏤者之傷其
根也爲之說曰而必平而鱗鏤而角毋盤塲而
腹毋擁腫而肢而未學治其說者遂一切削膚
遺理遇木無擇斤以雕鏤則遜巧矣雖然體碎

心裂殆有甚焉溝中之斷庸愈於青黃之災乎
哉其究也文梓以盤塲棄貞松以擁腫棄而僅
得苦蒿流草之用其於樹人之義何如也衡與
董子交臂談藝每每扼腕于此故董子之爲文
也屢變而無遷就於其文其使筆也如刀然勿
傷其執題也如組然勿佚其錐理也如屑然勿
雜使識者讀之若繅繭絲繁而約約而愈長於
以彰施于五色黼黻絺繡乃稱國章文乎何傷
哉世之奇董子文者每執科第爲券余謂待券
而後徵則董子名貴而文賤矣故不具論論其
苦心云爾

李茂實稿題辭

余少而交于茂實習其文凡三變初泊然蕭素
若醴之未梅也繼則旨深而韻微則嚴而志潔
猶窈窕之翔河洲也終則縱橫飄忽腕之所運
少不如意者蓋九之吐而劍之掣乎進于神矣
里中少年初殊不解茂實文余曰而識之是文
之有筋理者能奇而能不奇者也已再變而嘆

三變而駭相疑謂前後兩茂實余笑曰嘻而自不知茂實茂實猶故吾耳蓋余於文甚鈍而心甚苦用是亦頗知作者之苦心錢塘以降鮮有如茂實者也一日茂實與余談藝甚劇且道古今文無二種法不同而用法同如作詩者能以古詩法作律詩作字者能以大字法作細字乃可以語變其論殊確語大稱蘇子瞻不去口以爲古今一人余蹙然起謬難之曰子誤矣是今人所謂弱者也蓋置之而學秦漢茂實曰惡是殆非子言也以秦漢爲秦漢者非秦漢也以子瞻爲秦漢乃真秦漢也文拙于用實而巧于用虛不觀之火乎亘古能傳火而不能傳薪火盡則薪者土而已就使今日鑽燧人氏之槐塹始皇帝之灰而用之亦不足貴且火之用薪而薪反用火是以無盡隨有盡也若蘇子則能相火用薪矣其化物也虛明故也非虛也惟虛而能爲實也驅之無轍跡之無塵澄之無滓則其光游而有餘濃淡淺深無之而不可故知文者主不可借客客

能制主作不可間述述能轉作一步踴躍非勢也一意出入非局也一字青黃非面目也學奇者非奇也學古者非古也奇古在我不在古人其在我猶在古人也余曰吾乃知子之深于文蓋有本也顧子比年文頗自踴躍以警憤憤較之子瞻之夷演似有間焉雖然當子之宅平而知其能用奇韻子今日之文而又知其陰用夷演之法以爲踴躍者則余之自謂深知茂實者也然吾亦與茂實言茂實而已

藤溪師生草題詞

十年以來文章家推海虞作者無慮數輩星卿首得捷朗仲繼之星卿文如春雲容容需需使人意醉朗仲文如秋雲英英湛湛使人心明而要皆以淘洗爲精神巉刻爲氣骨與俗藝迥別每出一篇出不問而知其爲兩先生之文亦不問而知其爲兩先生弟子之文也豈有張生慎其者少年高才從兩先生游初師星卿即肖星卿繼師朗仲即肖朗仲屈曲隨人無不盡意洋洋

予志在流水樂哉斯音溪上之草維其借矣慎其間亦質藝于余余抱朴學無以副其意然慎其稟斤累滋謹竊有感于吾黨之不類也三尺童子學號叟未成見先生泚筆欲下而卽發赤甚或自箋其文以示人如是則心師足矣復焉求乎余以是滋不願爲人師雖然使弟如兩先生哀哀名學無負臯比者宜其有似夫子者矣因書以志余媿

吳伯霖稿序

武林吳伯霖氏以經術鳴從游者三百人目三鼓磬執經鴈序而進賓賓如也其文務以程士必簡練揣摩汰盡冶容浮響然後止余春初寓書微風之若曰士彙征之始其象爲春寧爲春茅無爲秋木又數月而伯霖以一編來雖匠心縷骨如故而豐蔚沉森若雌雷出地而挾百香以發者甚矣伯霖之善爲變也吾之不足以盡伯霖有如此藝矣或謂伯霖曰夫言也氣浮之翼也風負之吳越楊州之地其土卑薄其民輕

心其載物也不厚必也冀州之野神聖之所都寶貨之所湊功今信而不寃嗜好咸而不專故四方魁宿之士往往東南喪朋西北得焉天之道也伯霖嘆曰其然余將試焉遂挾是編爲非雍游而余以一言爲嚆矢

張異度稿序

吾友張益之與余同硯席時挈其二子伯仲異度來皆兩髦也而文伯子溫乎其若璞也仲子隄健舉試之文立就有崩雲屑雨之勢與之坐不問而對屢奪坐上口家君愕而撫之曰此徐夫人七首殺人易解全牛難子知難則子進矣更十年余自京師歸則異度已名益都人士出其文讀之余太息而謂曰子爲是文也始必上觀下獲以思式結之又式逐之旣得而疾書滿志願解不自禁也有諸乎異度曰然子非余何以知余之苦甘余曰噫吾知之吾與爾菹菹蒲而噬腊肉回甘盎然豈可與熱啜快飲者語也蓋俗溲道雜學士大夫皆有一種速飛橫

厲之心而文亦潛與之化。以詞比理以我比古不羞其不合而世人類。屢羨薰心尊而號之曰才夫若是者既已速飛傾厲矣而子何苦惜惜覃思爲吾觀子樹頗類必傳神髓整襟倫必審步趨俯仰以求合於聖賢不合則是文不出夫人大都心精言難心浮言易難與難遇易與易遇昔蔡中郎秘惜論衡而左太冲三賦反借與於皇甫謐夫聲實相掩豈有量哉嗟乎張季子天不使汝早歲決驟以去今子含咀知酸醎怪摩知痛癢至裂吻逆鼻而不能自釋且子苦矣異度曰余苦則自釋耳不能釋而又奚苦焉失先生局不以先生求我予默然遂忘之首篇

吳用修稿序

雪上吳用修在同社中才最大以冥搜廣獵爲奇一旦剝落其枝葉而約之馴雅寓書于曰子見吾文乎吾昔者如習人語語故支離今者如自爲語語故易簡余嘗笑優孟抵掌而談以象叔敖夫使其真叔敖則眠坐涕唾皆叔敖也豈

必以抵掌談乃似乎今余從紆邪中悟人頗謂漸近自然而或者以爲此諸生所忌夫功名利達豈關技能惟文之至可自爲耳子試代爲我應焉余驚其言之大也惡發其稿讀之渺若意劣若氣穆乎而風清津津乎而味亭亭若的見聖賢而分其蠶笑者則信乎用修之言非無當也且夫草節解而天根見且晝剝窮而夜氣萌用修雕鏤文章廣大器度之樂盡而後知多言繁稱非道也蓋吾向者與用修飲窮日落月微絳選肉迫諸樂者次第釋用修而去之而用修充然無有失也抑亦有進于文者耶且夫女以華丹亂窈窕士以淫辭編法度世多以才與貌爲便淫便傲之資者是大不然惟其才與貌不必真而迫于知己之心驅之故其失也以人喪我苟明于至者可以自爲則又何求而不至用修別藏詩文二十餘卷當嗣有刻余序其制舉義如此與用修在諸生言諸生而已

二王公車義序

家從祖伯栩與瑯琊王閑仲同對公車業文若
干首將以應梓人請而屬不敏次之不敏讀冉
過乃爲之品目閑仲心精故詞雅伯栩識定故
氣強閑仲情深故節和伯栩膽決故筆橫閑仲
刻商咀羽巧以函宮讀之使人甘怡而曠遠伯
栩吐宮激商節以清徵讀之使人雄發而飛揚
閑仲如千丈高瀑颺空作態輕烟游絲在谷滿
谷伯栩如龍師行雨震電燿燿秋水驟至望洋
茫然閑仲如游鴈蕩水鳴木杪羣峭摩天不知
乃在平地伯栩如登峨嵋罡風重嵐身履空水
却乃步步據實閑仲如木罌暗渡鐵騎窮追伯
栩如輪刀一呼髑髏在手同道爲朋德之不孤
詎不信夫昔王仲淹以李德林言文而不言理
爲天下無文至援琴而歌蕩而今人類謂理在
題外文在理外視聖賢中庸之道六經爾雅之
詞爲渙沁不鮮而諱之夫文必理外而奇二子
之文奇矣果外乎非耶如以世之好外而姑爲
外以應之則我不能必也解吾所可解如是而

已矣

阮生稿序

言浮物也氣載言若水負舟焉氣之強弱則才
之大小爲之人類云文以窮而工夫溝澮澗壑
之流以一丸封一指塞且井泥焉卽怒而鬪能
寸有咫乎惟夫河來于孟津捍于積石而後如
矢激旣建瀚焉風濤焉雨有識者隄之滌之漱
之而始沛而爲吾梗稻舳舻之利夫文亦猶是
矣氣勝窮則益工氣不勝窮則滋窘耳壯哉阮
生才大如萬斛泉可作諸許用必有是才而後
可以窮吾固已逆知其後之益工而必不至消
涓軋鳴于嚴霜枯整間也謹效一言爲契

張君一文序

余京邸中讀君一文不勝服自請爲君一序之
無何君一歸又數月余亦歸君一請踐前諾余
曰可目步步矢矢步的拂毛示巧洞龜表志斯已
確矣磨折行水勾矩爲淵以行取捷以停取利
斯已達矣綵理一機躡審牽挺急相迫而不得

停斯已遺矣屏八石蠲五齊自浮如磨鏡於太
虛斯已妙矣雖然總不如田先生之相勇也血
勇色赤脈勇色青氣勇色白神勇則色不變大
抵筋運腕然筋在腕中骨幹肉然骨隱肉中息
根呼吸然息隨呼吸中故筋掉者若緩骨堅者
若榮息深者若淺吾乃以窺君一之神矣今世
何患無才獨患能文者百知文者一知者又困
于不知者而滅裂矯暴以用其能故能彌多文
彌少多許年不見如君一文又生當紛雷稠濁

中人不能盡知而

天子知之吾于

天子知之而可以占世運矣

許子遜稿序

比文體失倫甚司文柄者慮無不申申言奇余
獨謂正患不能奇耳爲若文者大都目無坊表
手無幅尺五色雜揉不得已而名之曰奇遇一
題則標一說或反以助語爲正文離于此則強
托于彼或反以影于爲面目千百年來聖鐸賢

舌瓦礫棄之而其所秘惜以爲寶藏者則不過
沿門經唄丐食衣鉢而已縱深極微如射天之
矢足不步的類斬空之劍血不濡刃女蘿梟葛
而忘其根苦李代桃而墮其味總所謂守人餽
語何奇之有蓋庸鄙醜劣至斯極矣而後有真
奇真古如吾許子遜出焉子遜之文奇矣以其
異于庸鄙醜劣者之文而反名之曰平上之人
以名尊之而世所號爲好奇者尚欲以名擯之
此吾所以不能無言也子遜之文題無猶細題

之豁然詞無古今出之依然或單言以據勝或
微言以解紛或側言而正自明或直言而曲自
躍實非搏黍虎異空花其合節蹈款處心所自
喻口不能言但見衆人藤牽彼獨刃決衆人石
轉彼獨雲流天香辭風國色謝粉不奇而能若
是乎蓋子遜處閩海之隈波濤蕩其胃襟烟霞
幻其目皆身與五都隔絕無驚臭肥醲之色以
耀其志無機智俯仰之習以滑其和無妖髡盜
儒影響怪悖之說以燭亂其聰明故其所自得

爾爾余適病伏枕得子遜文讀之一讀一歎
然體輕爲草數語歸之以示今天下不乏奇
者固如此

曾退如文序

退如手其文移是篇示余余曰安在其爲移是
也退如曰吾往往移非以就是而此其局之最
後變者也余笑曰子欺余哉余操觚三十年俛
仰間而文已十餘變若昔金玉適爲君臣往所
謂新者陳陳相推盪陳者又化爲新矣安所得

蘇東坡集

卷之九

序

是而移之且子移世之是以就我耶抑移我以
就是耶人在天地中成毀妍媸之反覆無已時
容貌歲變趣操日變意念刻變密移者何曾停
而待移乎哉如靡焉觀變于世漸漬之極至于
鼠爲虎鳩爲鷹楊氏之犬吠主黎丘之鬼給父
莽操爲龍象而孔顏辱爲僧鷄顛倒僞說不可
數計隨而之焉將日蝕月晦丘夷淵實之後無
復有宇宙矣而高高下下者何也此其爲有是
乎非耶試流目而觀舞日舞而屋自旋屋之不

能旋我也必矣吾以是悟文章之途屢變而其
道不變惟知不變而能變聖賢圖編之旨若十
之有杓焉無不指心之靈氣與相傳合自然着
地皆珠唾璧成繪譬如黃鍾一律中氣不與十
二律旋而相生且舉風雨雷霆叫呼呶啞蟲鳥
嚙曉之聲畢寫之三寸之管而究于中氣無所
減移如其物物而就之也智窮物物窮是至于
是窮而文章之廢也久矣吾故于移而不移之
間得退如之是而因以序退如之文

蘇東坡集

卷之九

序

商明兼制義序

陰陽有老少時有春秋花有跌萼大抵人力不
能與造化爭後時不能與先時爭物之理也余
束髮事咕嗶風殘雨籍紆迴于子者十五年而
望見章句之教則既遲暮矣爾來多經憂患才
志彌劣遲遲手揣輕重猶恐失足揣低昂猶恐
顛聲欲揚然已弁鬱色欲冶然已渙沁周道孔
夷而蹇蹇驅鹿車何其憊也彼夫千金駿馬驀
坡如雲盤旋蟻封下不塵上不汗敏鈍之相去

豈不甚遠哉余以此羨商明兼年二十餘而魁
春官讀其文不科削而治不熨帖而平不刻削
而工室以徑造嘆以捷超所謂時之至也春山
乍笑而不知其所以然庸俟惜惜焉借力於楮
棹乎哉明兼何不自喜以予十五年剪綴括帖
之精神而營三不朽之業奚事不可爲余兩人
將鈍益鈍敏益敏矣其相去什百千萬蓋未可
量也

序李長卿吳游草

長卿過余鶴來堂出所著偶談示余以俳偶種
機鋒辯而不諍以游戲作針砭警而不傷讀之
一過骨冷心明頓覺南華太繁叅同太苦古人
取類于連珠良有以也不知者惜以長卿之才
枉九州襍論作半牀磨衲用知者謂長卿吹微
布毛寥寥數語中蓋天蓋地在余不足以知之
請質之長卿

何士抑稿序

華亭何士抑少與余善以文字相唱喝壬辰計

在余兩人先後驛蹄間得士抑新作讀之精光
英英不可迫視余絕嘆服書大魁券授士抑是
年余不竟試士抑亦落第又十年余始竟試潦
倒鈍置不自意得前而士抑褐衣猶故也人頗
疑余言爲不驗余曰子不聞魏賈堅之射乎魏
帝于百步外置牛問堅曰能中之乎堅曰少時
能不中今老矣正可中之一矢拂脊再矢摩腹
皆附膚落毛又問曰能復中乎曰所貴以不中
爲奇中之何難一發而中蓋余辛丑之春頗舍
馳驅而卽禽余殆先士抑老也聞士抑比科數
見賞于主司復數見尤豈其附膚落毛時耶今
山房稿具在精光絢爛如故而省括加詳諦縱
送加輕習若曰世曠曠矣吾姑爲其易者必今
日而知士抑也亦衆人之知射而已

康伯子制義序

余於場中識康仲子已幸同薦藉因仲以交于
伯子隨得兩君文讀之伯文偉如巍冠切高雲
仲文捷如快刀翦秋水其徑戶稍不同要以辯

才無礙通自然極縱橫之變而止則仲伯一
也今天下慧業盛矣如禪宗五葉既開區區小
乘律不能轡勒豪俊而一切野狐亦頗窟穴于
此晨鐘暮鼓執捷槌而登堂頗亦解東塗西抹
疑誤後生然僅于齒牙間作利終不能蒸香雲
而屑花雨蓋學幻者未有能爲幻者也鸚鵡無
懷輻古縱復解語神不與俱來也今有人於此
侍童拈拂唱揚人訝然笑之一經尊宿爲重理
前案聽者汗下如沐能不能之真聲音笑貌云
乎哉僕不敏已汗下于康氏兩君矣試舉示四
方本分學人尚敢以靡靡家風驕語龍象不